

UNIVERSITY OF TORONTO LIBRARY

A standard linear barcode consisting of vertical black lines of varying widths on a white background.

3 1761 01468202 5

DD
3
B58
1864
V.P
C.1
ROBA

UNIVERSITY
OF
TORONTO
LIBRARY





BIBLIOTHECA
RERUM GERMANICARUM

EDIDIT

PHILIPPUS JAFFÉ

TOMUS SECUNDUS
MONUMENTA GREGORIANA

BEROLINI
APUD WEIDMANNOS
MDCCCLXV

MONUMENTA

G R E G O R I A N A

EDIDIT

PHILIPPUS JAFFÉ

BEROLINI

A P U D WEIDMANNOS

MDCCCLXV

Digitized by srujanika@gmail.com

ELECTRONIC VERSION
AVAILABLE

NO. 01001317

UTL-347B

LEOPOLDO RANKE

PROOEMIUM.

In veteri Germaniae memoria non reperitur tempus ullum, quo regia potestas et constantius vehementiusque oppugnaretur et concuteretur efficacius, quam cum Gregorius VII pontifex Romanus, summam omnium gentium dominationem appetens, in primis Heinricum IV regem validissimis ecclesiae armis persequebatur. Quare qui gravem illam historiae nostrae partem perspicere volunt, eos totum hunc pontificem praeclarum cognoscere et ingenio et consiliis et factis oportere manifestum est. Neque vero huiusmodi scientia ex aliis litterarum monumentis colligi potest aut sincerior aut perfectior, quam ex ipsis papae epistolis, quarum ampla pars in registro inest ab eodem pontifice vulgari iusso. Tantumque abfuit, cum secundum hunc bibliothecae tomum Gregorio VII destinasse, ut ex registro eas tantum seligerem epistolas, quae proprie ad historiam Germanicam spectant, ut universo opere proposito, omnes etiam quaecumque extra registrum inveniuntur papae litteras afferre satius videatur. Quibus adiunxi insigne Bonithonis episcopi Suttrini opus ad amicum, idque lectione critica dignissimum.

Plurimum autem gaudeo, permagna auxilia mihi ad haec studia incumbenti benevolentia virorum doctorum allata esse. Etenim Willelmus Giesebrecht registri Gregoriani exemplum, ab eo ex codice Vaticano emendatum, ut mihi pateret concessit. Caroli Halmii beneficio Bonithonianum bibliothecae Monacensis codicem commodissime adhibere licuit. Misit Gustavus Haenel iuramenti Ottoniani exemplum ex Anselmi Lucensis collectione canonum ms.; misit Leopoldus Delisle epistolam Gregorii antea non vulgatam. Veri iuramenti Ottoniani ex codice cognoscendi potestatem mihi fecit Stengleinus, bibliothecae Bambergensis praefectus.

Berolini 13 Kal. Martias 1865.

I N D E X.

	pag.
I. Gregorii VII registrum	1—519
Liber primus	9—108
Liber secundus	108—202
Liber tertius	203—237
Liber quartus	238—287
Liber quintus	288—320
Liber sextus	321—379
Liber septimus	379—422
Liber octavus	423—519
II. Gregorii VII epistolae collectae	520—576
III. Bonithonis episcopi Sutrini liber ad amicum	577—689
Initia epistolarum huius tomī	690—695
Index rerum memorabilium	696—712
Corrigenda	712

MONUMENTA GREGORIANA

GREGORII VII REGISTRUM.

Fuisse iam superioribus saeculis hunc ecclesiae Romanae morem, ad constantiam et perpetuitatem consiliorum negotiorumque servandam perquam idoneum, ut exempla omnium epistolarum, a summis pontificibus iussarum scribi, in eos libros, qui sunt Regesta sive Registry dicti, accurate referrentur, notissima res est alioque loco¹ multis comprobata argumentis. Nec quidquam profecto videretur minus, quam praetermissa esse necessaria haec communisque antecessorum consuetudo a septimo Gregorio, homine ingeniosissimo, etiamsi ipse mentionem eius rei minime obscuram non protulisset infra in libri VIII epistola 54 ad Hugonem episcopum Diensem missa. Ibi enim: „Quod a nobis“ inquit „factum nequaquam recolimus, nec in registro nostro huius causae litteras repperire potuimus; neverit itaque prudentia tua, quia multa tamquam a nobis deferuntur et scripta et dicta, nobis nescientibus“. Quibus ex verbis perspectu facilimum est, copiosa illa epistolarum universarum volumina sub isto etiam pontifice confecta esse, quo et omnino res papalis administraretur severius et illud quoque luxurians adulterinarum litterarum genus facilius dignosceretur. At quod exitium toti fere accedit regestorum papalium seriei ad annum 1198 usque deductae, in idem Gregorii VII quoque monumenta illa pretiosissima quin sint delapsa, non potest esse dubium.

Nihilo secius proditum nobis est opus, quod item registrum Gregorii VII dicitur cuiusque sunt codices calamo scripti. Quorum quidem non veterrimus modo verum etiam praestantissimus,

1. V. Regesta pont. Rom., Praef. p. III—IV.

immo ceteros ex eo ipso deductos¹ penitus obscurans, in tabulario Vaticano servatur. Is est foliorum 258, membranaceus, forma quadrata, conscriptus a variis saeculi XI librariis; de quo in ea, quae in Regestis pontificum Romanorum p. 402—405 a me edita est, commentatione exposuit Willelmus Giesebrrecht.

Atqui apertissimum est, alium fuisse permagnum illud omnium litterarum pontificiarum corpus, alium hunc quem habemus librum. Quod iam illis ab omni suspicione remotis declaratur epistolis, passim repertis a meque collectis et pone registrum proponendis, quae, quia in eo quod superest opere desiderantur, magno arguento esse debent, hoc idem nequaquam esse principale registrum. Eandem rem deinde ostendit omnino ipsa pau-

1. Hanc sub rationem cadere octo, quos in bibliothecis Italiciis vidit, codices ms., testis est Willelmus Giesebrrecht in commentatione, eius mentionem faciam saepius, atque in libello De Gregorii VII registro emendando p. 43; et alterum quidem tabularii Vaticani codicem, bibliothecae Vaticanae codices quinque: 3797, 4579, 4906, 4907, 5638, Vallicellianum C. 17, Venetum bibliothecae S. Marci App. Cl. III 19, omnes partim saeculo XVI partim saec. XVII factos. — Eadem sententia erit de codice Pommersfeldensi 2691 chartaceo saec. XVII, de quo cf. Archiv für ältere deutsche Geschichtskunde IX 527; hic enim bullam monachis Bantiniis a Gregorio VII tributam continet, quam veteri Vaticano praefixam esse docet Giesebrrecht l. l. — Sed saeculi XII est codex quondam Claravallensis, cuius in chronico circiter anno 1250 formato Albericus monachus (ap. Leibnitium, Access. hist. II 129) meminit sic: „Registratum huius septimi Gregorii, id est Hildebrandi, apud Claramvallem inventur“, quique ibidem anno 1695 a Stephano Baluzio perlustratus est, et hodie in bibliotheca Trecensi reperitur (v. Catalogue général des manuscrits des bibliothèques publiques des départements, Paris 1855, II 392: „N. 952 Registrum epistolarum Gregorii papae VII, XII siècle, Clairvaux G. 60; on lit au bas de la dernière page la note suivante: „Contuli anno 1695 mense Octobri, Stephanus Baluzius“). Hoc ex codice, ex „veteri“ enim „codice ms. monasterii Clarevallensis“, Bertranni comitis Arelatensis ad Gregorium epistolam edidit Baluzius Miscell. (Lutetiae 1715) VII 128; quam quidem epistolam aliis quoque bibliothecae Valliscellariae (Vauzelles dioec. Cameracensis) codex ms. B. 26 post registri Lib. IX ep. 26 (i. e. post VIII 49) praebuit editoribus Galliae Christianae I 606. Similis horum est codex Mutinensis saec. XVI cuius lectiones, in quibus quidem parum momenti inest, attulit Mansi, registrum edens in Conciliorum collectionis tomo XX; ibi enim post Lib. IX ep. 30 (i. e. post VIII 53) eadem illa Bertranni comitis epistola legitur, v. Mansi l. l. p. 363.

citas epistolarum in hoc opere collocatarum. Quis enim crederet, potuisse contingere Gregorio VII pontifici imperium ecclesiamque acerrime concutienti, ut vel toto tertio pontificatus anno non dimitteret plus quam eas, quae in tertio registri huius libro insunt, epistolas viginti unam, vel quarto anno non plus quam libri quarti epistolas viginti octo¹.

Sunt autem in promptu indicia nequaquam dubitanda, minus quod remansit opus provenisse ex ipso perduto registro maiore. Talis enim in hoc inest varietas epistolarum eaque plurimum sunt tam aequaliter et continue per tempora dispositae, ut opus ipso saeculo XI — quo quidem expeditum esse, iam ex codicis, cuius supra mentio facta est, aetate intelligimus — aliunde prorsus non potuerit effici. Eademque operis ortui fidem affert tum Registri titulus, e maiore corpore translatus, tum librorum annuis spatiis circumscriptorum distinctio.

Et in libros quidem, eosque ad inductiones digestos, iam Gregorii I regesta, quae una ante Gregorium VII plene salva habentur, distributa esse scimus, ut in quoque libro temporis anni litterae inde a die 1 m. Septembris ad diem 31 m. Augusti usque inessent. Gregorii VII autem quod periit, registrum maius, quemadmodum e minore censeamus oportet, per annos pontificatus a die consecrationis (a die 30 m. Iunii) initium capientes divisum erat, excepto et primo libro ampliore ab electionis die (a die 22 m. Aprilis) exordiente et novissimo libro breviore in die mortis (in die 25 Maii a. 1085) terminato. Sequitur, ut amissi registri maioris fuerint libri duodecim, haec tempora complexi:

1. Nec vero iuste usus est in commentatione p. 403 Willelmus Giesebricht epistola 16 libri VII, ubi referre Gregorium rebatur, ea in registro scripta esse, quae in opere servato non reperiantur. „In registro nostro“ enim inquit Gregorius in epistola illa ad Hubertum episcopum Tarvanensem missa: „legitur, te ab H(uberto) huius sanctae sedis legato apud Monasteriolum hereticum publice convictum“. Quod quidem in L. IV ep. 10 ad Adilam comitissam reapse invenitur sic: „neque Huberti archidiaconi“ (post episcopi) „verba suscipiatis —, quia, ut audivimus, in heresim lapsus est — et ab Huberto legato huius sanctae Romanae sedis apud Monasteriolum publice est convictus“.

Liber I a d. 22 Apr. 1073 ad d. 29 Iunii 1074
- II - d. 30 Iunii 1074 - d. 29 Iunii 1075
- III - d. 30 Iunii 1075 - d. 29 Iunii 1076
- IV - d. 30 Iunii 1076 - d. 29 Iunii 1077
- V - d. 30 Iunii 1077 - d. 29 Iunii 1078
- VI - d. 30 Iunii 1078 - d. 29 Iunii 1079
- VII - d. 30 Iunii 1079 - d. 29 Iunii 1080
- VIII - d. 30 Iunii 1080 - d. 29 Iunii 1081
- IX - d. 30 Iunii 1081 - d. 29 Iunii 1082
- X - d. 30 Iunii 1082 - d. 29 Iunii 1083
- XI - d. 30 Iunii 1083 - d. 29 Iunii 1084
- XII - d. 30 Iunii 1084 - d. 25 Maii 1085

Permagni refert intelligere, his perditu registri maioris libris quatenus libri minoris registri respondeant. Nec vero habet istud omnino nisi libros octo, quorum quidem primi septem terminis superiore tabula descriptis plane continentur. Sunt enim litterae positae

in libro I a d. 22 Apr. 1073 ad d. 15 Iunii 1074
- - II - d. 28 Aug. 1074 - d. 17 Iunii 1075
- - III - d. 20 Iulii 1075 - Iunium 1076
- - IV - d. 25 Iulii 1076 - d. 28 Iunii 1077
- - V - d. 11 Aug. 1077 - d. 22 Maii 1078
- - VI - d. 1 Iulii 1078 - d. 28 Iunii 1079
- - VII - d. 23 Sept. 1079 - d. 8 Maii 1080

Alia de octavo libro sententia est. Iam septem prima capita (1, 1a, 1b, 1c, 2, 3, 4), quae quidem ad dies 6, 27, 29 mensis Iunii a. 1080 pertinent, ab hoc libro abhorrent; licet ista nemo neget sive errore scribentis sive incuria de extremo libro VII in limen libri VIII traiecta esse. Nam quae iisdem capitibus succedunt epistolae 5—32, etsi subscripta inductione vacant plerumque — cum inde a die 21 Iulii (1080) usque ad diem 28 Aprilis (1081) omnino anni ordinem observerent, capitaque 20a (Febr.) et 29 (18 Apr.) definite anno 1081 attributa sint — similem cum superiorum librorum epistolis rationem continentes, ad octavum pontificatus annum referenda sunt, ideoque ex octavo registri maioris libro pendent. At contra, quae his octavi pontificatus anni litteris subiectae sunt, epistolae 33—60, quibus finis

et libri octavi et totius operis affertur, eas admodum confusas variisque annis scriptas esse videmus; velut caput 35, ad diem 25 Augusti 1081 pertinens, ex nono pontificatus anno, et caput 58, quod ad diem 20 Novembris a. 1083 spectat, e pontificatus anno undecimo esse, facile appareat.

Quibus rebus in hanc necessario sententiam ducimur, ut censemus, regnum minus paullo ante auspicatum maioris registri librum nonum, id est brevi ante diem 30 Iunii 1081 prodiisse; seriusque epistolas 33—60 iam non ex ipso registro maiore sed ex indigestis subsidiis adiectas esse.

Nec vero recte iudicaret, qui illam extremi registri minoris perturbationem arbitraretur inde ortam esse, quia ipsius maioris registri libri posteriores quibuscumque de causis omnino non fuissent. Testis est enim veterissimus ille minoris registri codex, accessisse ad idem inferiores aetate correctores duos, ultimis maioris registri libris evidenter usos. Eorum alter saeculo XIII cum — undenam, nisi ex ipso maiore registro — novissimarum registri minoris rerum perturbationem intellexisset, epistolae VIII 36 sobrie adiecit notam hanc: „Hec epistola, hic errore scriptoris posita, debuit inferius scribi“, et epistolae VIII 45 istam: „Haec similiter epistola debuit in superioribus scribi“. Alter, eodem utique maioris registri praesidio vitium illud minoris doctus, cupidus castigandi nec tamen ea qua opus erat cautione usus, epistolae VIII 24 praeposuit lemma hoc: „Ex libro VIII registri eiusdem Gregorii papae VII“, et epistolae VIII 59 hoc: „Incipit liber X“, posteaque mutavit X in XI, ut legeretur: „Incipit liber XI“. Sic igitur non refecto epistolarum illarum ordine sed amplius conturbato effecit is, ut in editionibus registri adhuc paratis liber octavus non haberet nisi epistolas 23, eiusdemque epistolis 24—57 nonus liber, et epistolis 58—60 liber undecimus prave constituerentur.

Itaque cum id, quod mansit, regnum minus constet ex maiore illo in ipsius ecclesiae Romanae usum instituto opere haustum esse, idemque iam ante initum pontificatus Gregoriani annum octavum, ante diem 30 Iunii a. 1081, extituisse, quis pri-

vato consilio potuisse quempiam arbitretur eiusmodi opus vivo ipso Gregorio et fidenter sibi proponere et adducere ad effectum? Quin immo nihil magis patere puto, quam non vivente solum sed etiam iubente Gregorio hunc librum conscriptum esse.

Cuius vero utilitatis causa eundem laborem perfici iusserset pontifex, facile cognitu videtur. Nam sacerdotio imperioque gravissime inter se discordantibus, cum esset eo ventum, ut doctrinae quoque litterarumque armis utrimque dimicaretur, Herimannum episcopum Mettensem scimus e papa exegisse, ut contra adversarios, Heinricum IV iure excommunicatum esse negantes, sibi per litteras subveniret, ipsumque Gregorium uberrimam illam celebratissimamque epistolam, vel libellum potius sui defendendi causa scriptum, quod infra legitur L. VIII 21, in publicum dispersisse. Nec multo secus est intentio papae interpretanda, cunctum regnum minus conficiendum curantis. Habemus igitur, ut meum quidem iudicium est, librum ab ipso pontifice hac mente et conscribi et vulgari iussum anno 1081, ut suis et ad totam auctoritatem pontificiam vindicandam et ad ipsius inimicorum impetus frangendos abundantibus litterarum adiumentis succurreret.

Atque his subsidiis quam festinanter uti pars Gregoriana didicerit, satis est signi, quod Bernoldus Constantiensis, monachus S. Blasii posteaque Schafhusensis, iam anno 1085, referens de Gregorio proxime mortuo, nihil praestantius ipso registro nihilque uberius cognitum habuit, unde virtus magni hominis perspici posset. Est enim sic apud illum¹: „Erat enim (Gregorius) catholicae religionis ferventissimus institutor et aecclesiasticae libertatis strenuissimus defensor; noluit sane, ut aecclesiasticus ordo manibus laicorum subiaceret, sed eisdem et morum sanctitate et ordinis dignitate praemineret; quod illum latere non poterit, quicumque eiusdem apostolici regestum diligenter perlegerit“².

1. Mon. Germ. SS. V. 444. 2. Saeculo XII fuit Ratisponae exemplum registri, ut ex Annalium Ratisponensium circiter anno 1130 conscriptorum verbis intelligi potest, ad annum 1089 (Mon. Germ. SS. XVII 584) relatis his: „Urbanus II — auctor est Hierosolimitani itineris; cuius etiam dux esse voluerat Gregorius VII, ut in eius regesto legimus“. Cf. Petrum diaconum, qui in Chronico Casinensi (Mon. Germ. SS. VII 755) se

Eodem propemodum tempore Deusdedit, presbyter cardinalis tituli apostolorum in Eudoxia¹, in confiendo canonum libro, quem Victori III papae (1086 Mai. 24 — 1087 Sept. 16) dicatum esse testatur praefatio, regnum Gregorii saepius adiit. Cui quidem nihil nisi ipsum nostrum minus, nec non modo maius regnum sed ne copiosius quidem minoris exemplum, praesto fuisse, perspicuum est ex libri eius fragmentis a Borgia publicatis in Breve istoria del dominio temporale della sede apostolica nelle due Sicilie, in Roma 1789, appendice p. 3—22. Ex quibus enim registri Gregoriani tum libris tum librorum capitibus se allata verba sumpsisse declarat Deusdedit, ea aut ibidem prorsus reperiuntur, aut, si non videntur esse eisdem locis, librarii typographiche peccatum in causa est. Verissime enim commemorari videmus: Libri I caput vii, II xv, II lxiii, II lxx, IV xxviii, VIII xxiii, VIII xxviii, VIII xxx; parvulo tantum errore scriptum est I lxvi pro I lxvii, I lxvii pro I lxviii, II xiii pro II xiii, II xviii pro II xviii, II lxxxiii pro II lxxxiii; neque eo dubitatio afferatur necesse est, quod legitur

VII lxx pro VII xix

et VII lxxv pro VII xxiv;

etenim in utroque numero liquet pari modo erratum esse, ut L et scriberetur pro I et propter id ipsum fieret prima littera, cum I paenultima deberet esse. —

Typis compluries descriptum regnum est. Quarum editionum princeps ab Antonio Carafa cardinali², bibliothecario apostolico, ex illo ipso tunc bibliothecae Vaticanae³ hodie Vaticani tabularii codice veterimo praeparata, post eius mortem curante Antonio de Aquino⁴ prodiit in Epistolarum decretalium summa regnis Romanorum pontificum Gregorii VII et successorum eius⁵ usum esse scripsit. Olomuci quoque habuerunt anno 1435 „regnum Gregorii septimi“, teste Inventario librorum ecclesiae Olomucensis in Notizenblatt 1852 p. 168.

1. De quo v. quae afferunt Ballerini in Leonis Magni opp. III p. ccxcix sq. 2. tit. SS. Iohannis et Pauli presb.; de quo v. L. D. d'Attichy Flores historiae cardinalium III 503. 3. Est enim in margine principis editionis sic: „Extat Gregorii VII regnum in Vaticana bibliotheca“. 4. V. Antonii de Aquino et Sixti V papae litteras in fronte tom I Epistolarum decretalium cet. collocatas.

morum pontificum tomo III 549—885, Romae in aedibus populi Romani 1591. Quae quidem editio, licet non sit vitiorum expers, at ceteris saltem longe praestat. Quicunque enim postea proponebant opus, ii omnes, illam unam editionem aut ipsam aut iam repetitam in usum suum convertentes, mutando transferendo omittendo atque etiam corrigendo quasi attritum diuturna tractatione librum tradiderunt: Binius anno 1606 Parisiis et Coloniae Agrippinae, Concilia generalia T. III P. II 1154—1278; regii editores anno 1644 Parisiis, Concilia T. XXVI 8—520; Labbeus et Cossartius anno 1671 Lutetiae, Sacrosancta concilia T. X 6—306; Harduinus anno 1714 Parisiis, Acta conciliorum T. VI P. I 1195—1510; Coletius¹ anno 1728 Venetiis; Mansi anno 1775 Venetiis, Sacrorum conciliorum collectio T. XX 60—373; Migne anno 1853 Parisiis, Patrologia T. CXLVIII 283—644.

Evidem in recolendo Gregorii registro haec duo potissimum secutus sum, ut et universum corpus a numero et ordine et dispositione capitum secundum codicem illum restituerem et singula rursus capita, quorum unumquodque primitus peculiare fuisse liquet, et a vitiis removerem, quantum ferret facultas, et manca supplerem.

Atque ad cognoscendum codicem Vaticanum cum iam oppido multum contulisset Willelmus Giesebrecht edito libello, qui inscribitur: De Gregorii VII registro emendando, Brunsvigae 1858, ut multo etiam commodius meliusque ex eodem fonte haurirem, idem vir mecum pergrata necessitudine coniunctus registri exemplum, quod Romae viginti abhinc annos e Vaticano castigaverat, mihi praebuit benignissime. Quo factum est ut, adhibita quoque principe editione, in hoc subsdiorum genere nihil relinquatur.

Nec vero aliis generis auxilia, extra ipsum registrum versantia, quibus vel emacularentur vel explorarentur singula operis capita, defecerunt omnino; licet minor eorum numerus fuerit, quam desiderabam. Nonnulla enim aliunde quam ex registro tracta iam ipsius saeculi XI et sequentis scriptores tradiderunt,

1. huius editionem non vidi.

velut Bruno de bello Saxonico, Hugo Flaviniacensis, Petrus Pisanius cardinalis, Udalricus Babenbergensis, Paulus Bernridensis. Alia quaedam debemus recentioribus viris doctis, qui ex tabulis codicibusque manu scriptis, non locatis in registro, largiti sunt; quorum in numero sunt: Severtius (v. I 76, VI 33), Martene et Durand et Morice (v. IV 4, 5 cet.), Hartzheim (v. IV 12a), Brial (v. IV 13, VIII 46), Baluzius (v. VI 34), Fickler (v. VII 24), Guérard, Marion, Delisle, editores chartularii S. Victoris Massiliensis (v. VIII 29).

Ceterum cum ad coniectandi quoque artem recurrere necesse haberem, religiose ducebam semper rationem emendationum a Willelmo Giesebricht in libello de emendando registro p. 31—46 propositarum. Quas quidem, quemadmodum non omnes temere reiecerim, sic neque avide acceptas a me omnes esse, qui illas fecit, is minime offendetur.

Berolini 16 Kal. Novembres a. 1864.

IN DEI NOMINE

INCIPIT LIBER PRIMUS

REGISTRI SEPTIMI GREGORII PAPAE

anno dominicae incarnationis millesimo septuagesimo
tertio, indictione undecima.

I 1. *Commentarius electionis Gregorii VII papae^a.*

Regnante domino nostro Iesu Christo, anno clementissimae 1073
incarnationis eius millesimo septuagesimo tertio, indictione et ^{Apr. 22} luna undecima, 10 Kalendas Maii, feria secunda, die sepulturae
domni Alexandri bonae memoriae secundi papae, ne sedes aposto-
lia diu lugeat proprio destituta pastore, congregati in basilica
beati Petri ad Vincula nos sanctae Romanae catholicae et apo-
stolicae ecclesiae cardinales clerici acoliti subdiaconi diaconi^b
presbyteri, praesentibus venerabilibus episcopis et abbatibus, ele-
ricis et monachis consentientibus, plurimis turbis utriusque sexus

a. Legitur etiam 2) in Petri Pisani vita Greg. VII ap. Watterich Pont. Rom. vit. I. 293.
b. diaconi om. 2.

1073 diversique ordinis acclamantibus, eligimus nobis in pastorem et
 Apr. 22 summum pontificem virum religiosum, geminae scientiae pru-
 dentia pollentem, aequitatis et iustitiae praestantissimum ama-
 torem, in adversis fortem, in prosperis temperatum et iuxta
 apostoli dictum¹ bonis moribus ornatum, pudicum, modestum,
 sobrium, castum, hospitalem, domum suam bene regentem, in
 gremio huius matris ecclesiae a pueritia satis notabiliter^a educa-
 tum et doctum atque pro vitae merito in archidiaconatus honorem
 usque hodie sublimatum, Heldibrandum^b videlicet archidiaconum,
 quem ammodo^c et usque in sempiternum et esse et dici Grego-
 rium papam et apostolicum volumus et approbamus. *Placet*
vobis? „Placet“. *Vultis eum? „Volumus“.* *Laudatis eum?*
„Laudamus“. Acta Rome 10 Kalendas Maii, indictione 11.

I 1^o. *Gregorius VII Desiderio abbatii Casinensi se papam electum
 nunciat. Iubet eum ad se venire^d.*

1073 Gregorius in Romanum pontificem electus Desiderio abbati
 Apr. 24 monasterii sancti Benedicti Montis Cassini salutem in Christo Iesu.
 Apr. 21 Dominus noster^e papa Alexander mortuus est. Cuius mors
 super me cecidit et omnia viscera mea concutiens penitus con-
 turbavit. Nam^f in morte quidem eius Romanus populus contra
 morem ita quievit et in manu nostra consilii^g frena dimisit, ut
 evidenter appareret, ex Dei misericordia hoc provenisse. Unde
 accepto consilio hoc statuimus: ut post triduanum ieiunium, post
 letanias et multorum orationem elemosinis conditam, divino fulti
 auxilio statueremus^h, quodⁱ melius de electione Romani ponti-
 fices videretur^k. Sed subito, cum praedictus dominus noster
 Apr. 22 papa in ecclesia Salvatoris sepulturae traderetur, ortus^l est
 magnus tumultus populi et fremitus, et in me quasi vesani in-
 surrexerunt, [nil^m dicendi, nil consulendi facultatis aut spatii

a. nobiliter 1, notabiliter 2. b. Ildebrandum 2. c. āmoda 1. d. *Legitur*
etiam 2) ap. Paulum Bernrid., Pont. Rom. vit. ed. Watterich I 484, 3) ap. Hugonem
Flaviniac., Mon. Germ. SS. VIII 422. e. om. 3. f. et 3. g. sui 3. h. insti-
 tueremus 3. i. quid 3. k. statueretur 3. l. exortus 3. m. nil — rapuerunt
 addidi ex ep. 3 *infra* p. 12.

relinquentes. Violentis manibus me in locum apostolici regimini, cui longe impar sum rapuerunt,] ita ut cum propheta possim dicere: *Veni in altitudine maris, et tempestas demersit me; laboravi clamans, raucae factae sunt fauces meae*¹; et: *Timor et tremor venerunt super me, et contexerunt me tenebrae*². Sed^a quoniam^b, lecto iacens valde fatigatus, satis dictare nequeo, angustias meas enarrare supersedeo. Te itaque^c per omnipotentem Dominum rogo, ut (suffraganeos^d) fratres et filios, quos in Christo nutris, ad exorandum Deum pro me^e provokes et ex vera caritate invites, quatenus oratio, quae me liberare debuit ne incurrerem^f periculum, saltim tueatur in periculo positum. Tu autem ipse quantotius ad nos venire non praetermittas, qui, quantum Romana ecclesia te indigeat et in prudentia tua fiduciam habeat, non ignoras. Dominam Agnetem imperatricem et Rainaldum venerabilem Cumanum episcopum ex nostra parte saluta et, quantum erga nos dilectionis habuerint, nunc ut ostendant, nostra vice fideliter obsecra. Data^g Romae 8 Kalendas Maii, indictione 11.

I 2. *Gisulfum principem Salernitanum de pontificatu suscepto certiorem facit. Rogat, cito Romam veniat.*

Gregorius in Romanum pontificem electus Gisulfo Salernitano principi salutem in Christo Iesu.

Dominus noster Alexander papa mortuus est. Cuius mors super me cecidit... *omnia, ut supra, usque ad id quod ait:* Te itaque per omnipotentem Dominum rogo, ut venerabilem patrem Leonem³ et caeteros religiosos viros in partibus illis commorantes ad exorandum Deum pro me ex vera caritate invites, ut oratio, quae me liberare debuit ne incurrerem periculum, saltim tueatur in periculo positum. Tu autem ipse quantotius ad nos venire non praetermittas, qui, quantum Ro-

a. Et 3. b. quia in 2. 3. c. igitur 2, quoque 3. d. suffraganeos *post aditum in cod.*; om. 3. e. pro me om. 3. f. incurram 1. g. Data — 11 om. 3.

1. Ps. 68, 3. 4. 2. Ps. 54, 6. 3. abbatem S. Trinitatis Cavensem, prope Salernum.

1073 Apr. 22

relinquentes. Violentis manibus me in locum apostolici regimini, cui longe impar sum rapuerunt,] ita ut cum propheta possim dicere: *Veni in altitudine maris, et tempestas demersit me; laboravi clamans, raucae factae sunt fauces meae*¹; et: *Timor et tremor venerunt super me, et contexerunt me tenebrae*². Sed^a quoniam^b, lecto iacens valde fatigatus, satis dictare nequeo, angustias meas enarrare supersedeo. Te itaque^c per omnipotentem Dominum rogo, ut (suffraganeos^d) fratres et filios, quos in Christo nutris, ad exorandum Deum pro me^e provokes et ex vera caritate invites, quatenus oratio, quae me liberare debuit ne incurrerem^f periculum, saltim tueatur in periculo positum. Tu autem ipse quantotius ad nos venire non praetermittas, qui, quantum Romana ecclesia te indigeat et in prudentia tua fiduciam habeat, non ignoras. Dominam Agnetem imperatricem et Rainaldum venerabilem Cumanum episcopum ex nostra parte saluta et, quantum erga nos dilectionis habuerint, nunc ut ostendant, nostra vice fideliter obsecra. Data^g Romae 8 Kalendas Maii, indictione 11.

I 2. *Gisulfum principem Salernitanum de pontificatu suscepto certiorem facit. Rogat, cito Romam veniat.*

Gregorius in Romanum pontificem electus Gisulfo Salernitano principi salutem in Christo Iesu.

Dominus noster Alexander papa mortuus est. Cuius mors super me cecidit... *omnia, ut supra, usque ad id quod ait:* Te itaque per omnipotentem Dominum rogo, ut venerabilem patrem Leonem³ et caeteros religiosos viros in partibus illis commorantes ad exorandum Deum pro me ex vera caritate invites, ut oratio, quae me liberare debuit ne incurrerem periculum, saltim tueatur in periculo positum. Tu autem ipse quantotius ad nos venire non praetermittas, qui, quantum Ro-

a. Et 3. b. quia in 2. 3. c. igitur 2, quoque 3. d. suffraganeos *post aditum in cod.*; om. 3. e. pro me om. 3. f. incurram 1. g. Data — 11 om. 3.

1. Ps. 68, 3. 4. 2. Ps. 54, 6. 3. abbatem S. Trinitatis Cavensem, prope Salernum.

1073 Apr. 22

relinquentes. Violentis manibus me in locum apostolici regimini, cui longe impar sum rapuerunt,] ita ut cum propheta possim dicere: *Veni in altitudine maris, et tempestas demersit me; laboravi clamans, raucae factae sunt fauces meae*¹; et: *Timor et tremor venerunt super me, et contexerunt me tenebrae*². Sed^a quoniam^b, lecto iacens valde fatigatus, satis dictare nequeo, angustias meas enarrare supersedeo. Te itaque^c per omnipotentem Dominum rogo, ut (suffraganeos^d) fratres et filios, quos in Christo nutris, ad exorandum Deum pro me^e provokes et ex vera caritate invites, quatenus oratio, quae me liberare debuit ne incurrerem^f periculum, saltim tueatur in periculo positum. Tu autem ipse quantotius ad nos venire non praetermittas, qui, quantum Romana ecclesia te indigeat et in prudentia tua fiduciam habeat, non ignoras. Dominam Agnetem imperatricem et Rainaldum venerabilem Cumanum episcopum ex nostra parte saluta et, quantum erga nos dilectionis habuerint, nunc ut ostendant, nostra vice fideliter obsecra. Data^g Romae 8 Kalendas Maii, indictione 11.

I 2. *Gisulfum principem Salernitanum de pontificatu suscepto certiorem facit. Rogat, cito Romam veniat.*

Gregorius in Romanum pontificem electus Gisulfo Salernitano principi salutem in Christo Iesu.

Dominus noster Alexander papa mortuus est. Cuius mors super me cecidit... *omnia, ut supra, usque ad id quod ait:* Te itaque per omnipotentem Dominum rogo, ut venerabilem patrem Leonem³ et caeteros religiosos viros in partibus illis commorantes ad exorandum Deum pro me ex vera caritate invites, ut oratio, quae me liberare debuit ne incurrerem periculum, saltim tueatur in periculo positum. Tu autem ipse quantotius ad nos venire non praetermittas, qui, quantum Ro-

a. Et 3. b. quia in 2. 3. c. igitur 2, quoque 3. d. suffraganeos *post aditum in cod.*; om. 3. e. pro me om. 3. f. incurram 1. g. Data — 11 om. 3.

1. Ps. 68, 3. 4. 2. Ps. 54, 6. 3. abbatem S. Trinitatis Cavensem, prope Salernum.

1073 Apr. 22

1073 Apr. 24 mana ecclesia te indigeat et in prudentia tua fiduciam habeat,
non ignoras. Data Rome 8 Kalendas Maii, indictione 11.

I 3. *Guiberto archiepiscopo Ravennati scribit de sui electione et de legatis mutuo mittendis.*

1073 Apr. 26 Gregorius in Romanum pontificem electus Guiberto Ravennati archiepiscopo salutem in Christo Iesu.

Non dubitamus, famam litteras nostras antevolasse et tam Apr. 21 vobis quam multis aliis domini nostri Alexandri papae obitum nunciasse. Quod autem mihi valde gemendum est, mors eius super me cecidit et omnia viscera mea concutiens penitus perturbavit. Nam in morte eius primo quidem Romanus populus contra morem ita quievit et in manu nostra consilii frena dimisit, ut evidenter appareret, ex Dei misericordia hoc provenisse. Unde accepto consilio hoc statuimus: ut post triduanum ieiunium, post letanias et multorum orationem elemosinis conditam, divino fulti auxilio statueremus, quod de electione Romani pontificis videretur melius. Sed subito, cum praedictus Apr. 22 dominus noster papa in ecclesia Salvatoris sepulturae traderetur, ortus est magnus tumultus populi et fremitus, et in me quasi vesani insurrexerunt, nil dicendi, nil consulendi facultatis aut spatii relinquentes. Violentis manibus me in locum apostolici regiminis, cui longe impar sum, rapuerunt. Ita recte ego cum propheta possum dicere: *Veni in altitudinem maris, et tempestas demersit me; laboravi clamans, raucae factae sunt fauces meae*¹; denique: *Timor et tremor venerunt super me, et conixerunt me tenebrae*². Sed quia, multis et magnis curis fatigatus, satis dictare nequeo, miserias meas enumerare supersedeo. Rogo itaque vos per omnipotentem Deum, ut caritatem, quam erga Romanam ecclesiam, maxime hoc tempore et, ut meminisse debetis, erga me specialiter vos gerere promisistis, quantum quidem tempus et rerum qualitas eius^a probari postulat, nunc quidem in me, etsi non meis meritis, saltim amore apostolorum,

a. vim sive sinceritatem excidisse videtur.

1. Ps. 68, 3. 4. 2. Ps. 54, 6.

ostendere curetis; et suffraganeos ac filios ecclesiae vestrae ad 1073
 exorandum Deum pro me invitatis ac commoneatis, quatenus Apr. 26
 ad ferendum onus, quod mihi invito et valde reluctantи impo-
 situm est, vires tribuat, manum porrigit, ut, si me tutum in
 portu stare noluit, saltim in tam alta pericula proiectum non
 relinquat. Ego enim sicut in (ea^a) caritate non ficta vos diligo,
 ita eandem et, quaecumque eius officia sunt, a vobis indubitan-
 ter exigo. Neque vero dilectioni vestrae dubitandum est, quin
 Romanam ecclesiam et eam, cui Deo auctore praesidetis, ea
 concordia et, quantum cum communi utriusque honore poteri-
 mus, omnimoda caritate copulare desideremus, ut in nostris
 etiam animis semper coniuneta pax et plena dilectio connecta-
 tur. Sicut igitur prudentiam vestram hortati sumus, ita etiam
 per elementa¹ nostra nos velle ac desiderare cognoscite, vide-
 licet ut, frequenter inter nos legatis discurrentibus, collaetari et
 mutua consolatione gaudere possimus. Data Romae 6 Kalendas
 Maii, indictione 11.

I 4. *Beatricem ducissam, Ugonem abbatem Cluniacensem, alios
 de pontificatu ad se delato docet.*

Gregorius in Romanum pontificem electus Beatrixi duci, 1073
 Ugoni abbati Cluniacensi, Manassae² archiepiscopo Remensi,
 Suein regi Danorum, abbati Massiliensi³. Apr. 28

*In ceteris quidem a paribus, sed circa finem sin-
 gulis epistolis iuxta locorum et personarum compe-
 tentiam discrepantibus. Date Rome 4 Kalendas Maii, in-
 dictione 11.*

I 5. *Rainerio episcopo Florentino scribit de vidua consanguineo
 nupta.*

Gregorius in Romanum pontificem electus Rainerio Floren- 1073
 tino episcopo salutem in Christo Iesu. Apr. 29

a. ea post additum est.

1. per litteras. Cf. L. III ep. 10 infra. 2. I. 3. Bernardo
 abbatii S. Victoris Massiliensi.

1073 Apr. 29 Presentium portitor apicem nostris insinuavit auribus, fratrems suum contra divinum ius, contra sanctorum patrum institutum consanguineae suae thalamis adhaesisse, canoniciis Florentinae ecclesiae, ne hoc facinus perpetraret, prohibentibus eum canonice. Quo viam universae carnis ingresso, relictus illius, consanguinea scilicet, cum dono atque dote, quam incuria^a divinarum nec non et humanarum legum non est verita suspicere, ad alterius viri torum disponit transmigrare; cum potius scelus, quod commisit, perpetuo oportet eam flere. Tua itaque fraternitas consanguinitatis lineam a maioribus natu eiusdem loci diligenter inquirat; quam si inter defunctum virum eandemque vivam mulierem invenerit, ad aliarum exemplum ita studeat canonica auctoritate omnia dotalia instrumenta cassare et ad nihilum redigere, ne de illicito quod contraxit coniugio aliquam mercedem recipiat, qua laetari possit in posterum. Sicut nos diligis, ita nostrae iussionis primitias ad effectum perducere tua ne insistat^b caritas. Data Romae 3 Kalendas Maii, indictione 11.

I 6. *Giraldo episcopo Ostiensi et Raimbaldo subdiacono scribit de pontificatu a sese inito; de Cluniacensibus Ugoni Candido legato apostolico reconciliandis; de Eruli comitis passione. Hortatur, ut redditum maturent.*

1073 Apr. 30 Gregorius in Romanum pontificem electus Giraldo Ostiensi episcopo et Raimbaldo subdiacono, in legatione Gallie constitutis, salutem in domino Iesu Christo.

Apr. 21 Rumorem obitus domini nostri Alexandri papae, qui 11 Kalendas Maii spiritum Deo reddidit, et nostrae promotionis famam iam ad vos pervenisse credimus. Sed eadem plene vos cognoscere cupientes, ad certissima eorum indicia aptiorem hoc dilecto filio et cardinali sanctae Romanae ecclesiae presbytero, qui ambobus interfuit, in partes illas mittendum nostrorum neminem iudicavimus. Itaque, quid et qualiter de utroque factum sit, per hunc mera veritate percognita, ut orationes ad Deum fieri sollicite procuretis, caritatem vestram valde rogamus: qua-

a. iniuria cod. Cf. ep. 60 *infra*: officii tui incuria.

b. an desistat?

tenus et illius animam ad gaudia aeternae beatitudinis trans- 1073
ferat et nobis ad ferendum onus impositum auxilium suae mi-
serationis impendat. Apr. 30

Quia vero hunc confratrem nostrum, videlicet Ugonem Can-
didum, in partes illas dirigi tempus et rerum competentia po-
stulasse videbatur, prudentiam vestram omnino exoratam esse
volumus, quatenus Hugonem Cluniacensem abbatem et totam
congregationem fratrum ita ad pacem et integrum huius dilectio-
nem flectere et coniungere studeatis, ut auxiliante Deo nihil in
illorum mentibus, quod invisum aut dissensionis nube sit ob-
tectum, relinquatis. Nam et hic, abiecto omni arbitrio suo, ad
cor nostrum nostraque consilia rediens, in eodem sensu eadem-
que voluntate ac studio nobis est connexus. Et ea, quae antehac
sibi imposita sunt vivente adhuc domino nostro^a papa, ex alio-
rum magis quam eius culpa prodisse cognovimus.

Praeter haec meminisse debetis, quod in litteris domini
nostrri beatae memoriae Alexandri et nostra quoque legatione
orati et commoniti fuistis, quatenus causae Evuli¹ comitis de
Roceio² per vos et per antedictum abbatem favorem addere in-
sisteretis; et cognita pactione, quam nobiscum de terra Hispaniae
pepigit³ in scripto, quod sibi dedimus, una cum consilio
abbatis tales illuc personas dirigi procuraretis: qui et errorem
christianorum qui ibi repperiuntur in spiritualibus corrigere sa-
perent, et in exquirendis causis sancti Petri iuxta tenorem pa-
ctionis, si res bene procederet, sat idonei forent. Quod si ita
factum est, nobis multum placet; sin vero adhuc aliqua occa-
sione praetermissum est, aut etiam si eadem conventio ab aliis
quibusdam principibus, quos in eadem parte seorsum ab Ecolo
suis copiis ituros intelleximus, nondum exquisita est, volumus:
ut cum vestro consilio et abbatis Hugo cardinalis illuc tendat
et aequam ab omnibus ex parte sancti Petri pactionem et de-

a. Alexandro excidisse videtur.

1. II, qui fuit gener Roberti Guiscardi. V. Guillermum Apuliensem L. IV 13, Mon. Germ. SS. IX 279. 2. Roucy, a Remis inter occidentem et septentriones. 3. Cf. ep. 7 infra.

1073 bitum exigat. Vos autem ex nostra parte rogate abbatem, ut
 Apr. 30 tales sibi adiungat qui eum comitentur, quorum consilio et ad-
 iutorio iter et laborem illum fiducialiter aggredi possit, lega-
 tione tamen in eo principaliter posita. Extra Hyspaniam vero
 nullius unquam publici rerum ecclesiasticarum negotii sine vestro
 consensu, quandiu vos in Gallia fueritis, licentiam sibi dedimus
 faciundi.

Caeterum de mora vestræ reversionis valde miramur; prae-
 sertim cum, iam redire commoniti, in tanta vestri redditus ex-
 pectatione nec morarum quidem nobis causas indicastis. Unde
 dilectionem vestrā admonemus, ut quantotius possitis ad nos
 revertamini, quatenus et quid egeritis cognoscamus et de cetero
 consultius adiuvante Deo statuere valeamus. Praeter haec
 iam saepe memoratum abbatem specialiter commoneri et pluri-
 mum a vobis vice nostra exorari cupimus, quatenus caritatem,
 quam hactenus in nos habuit, nunc, cum maxime opus est, in-
 defessa exhibitione conferat, et infirmitatem nostram suis et
 sanctissimae congregationis suae orationibus tanto subnixius ad-
 iuvare studeat, quanto imbecillitatem nostram sub accumulato
 pondere gravius premi non ignorat. Data Rome 2 Kalendas
 Maii, indictione 11.

I 7. *Principibus in Hispaniam prefecturis de pactione cum Evulo
 comite confecta significat; quam quidem pactionem ab aliis
 quoque iniri iubet.*

1073 Gregorius in Romanum pontificem electus omnibus princi-
 Apr. 30 bus in terram Hispaniae proficisci volentibus perpetuam sa-
 lutem in domino Iesu Christo.

Non latere vos credimus, regnum Hyspaniae ab antiquo
 proprii iuris sancti Petri fuisse, et adhuc — licet diu a paga-
 nis sit occupatum, lege tamen iustitiae non evacuata — nulli
 mortalium sed soli apostolicae sedi ex aequo pertinere. Quod
 enim auctore Deo semel in proprietates ecclesiarum iuste per-
 venerit, manente eo¹, ab usu quidem, sed ab earum iure, oc-

1. i. e. quandiu exstat res.

casione transeuntis temporis, sine legitima concessione divelli 1073
non poterit. Itaque comes Evulus de Roceio, cuius famam apud Apr. 30
vos haud obscuram esse putamus, terram illam ad honorem
sancti Petri ingredi et a paganorum manibus eripere cupiens,
hanc concessionem ab apostolica sede obtinuit: ut partem illam,
unde paganos suo studio et adjuncto sibi aliorum auxilio ex-
pellere posset, sub conditione inter nos factae pactionis ex parte
sancti Petri possideret. Qua in re et labore quicunque vestrum
sibi adhaerere voluerit, omni caritatis affatu commonitus, erga
honorem sancti Petri talem animum gerat, ut ab eo et munitionis auxilia in periculis et merita fidelitatis praemia securus
accipiat. Si autem aliqui ex vobis seorsum ab illo propriis
copiis eandem terram aliqua in parte intrare paraverint, decet,
ut militiae causam ex animi devotione quam iustissimam sibi
proponant; iam nunc omni voto concipientes et ex corde sta-
tuentes: ne, capta terra, easdem, quas illi qui nunc Deum igno-
rantes eam occupant, iniurias sancto Petro faciant. Hoc enim
neminem vestrum ignorare volumus, quoniam, nisi aequa pa-
ctione persolvendi iuris sancti Petri in regnum illud animad-
vertere statueritis, potius vobis, apostolica auctoritate ne illuc
tendatis interdicendo, contraferemur, quam sancta et universalis
mater ecclesia, idem a filiis suis quod ab hostibus patiendo, non
iam proprietatis suae sed filiorum detrimento saucietur. Quam
ob rem hunc dilectum filium Hugonem¹ et cardinalem sanctae
Romanae ecclesiae presbyterum in partes illas misimus, in cuius
ore nostra ad vos consilia et decreta plenius apertiusque dis-
serenda ac vice nostra disponenda posuimus. Data Romae 2 Ka-
lendas Maii, inductione 11.

I 8. *Uberto clericō et Alberto diacono scribit, Alexandri II man-
data exsequantur.*

Gregorius in Romanum pontificem electus Uberto clericō et 1073
Alberto diacono salutem in Christo Iesu. Apr. 30

Obitum domini Alexandri papae iam vos accepisse fama

1. Candidum.

1073 nunciante credimus, et quam repente quantaque populi violentia
 Apr. 30 nos indigni et reluctantes ad regimen apostolicae sedis lati sumus. Sed ne eventus harum rerum animos vestros in exequenda vobis commissa legatione aut timore seu aliqua ambiguitate pertemptet, ad confortandam caritatem vestram haec succinete vobis scripsimus: ut, omnem in Deo et sancto Petro cuius filii et legati estis fiduciam habentes, ad quae missi estis, viriliter et ineunctanter apostolica vice fulciamini et in facienda iustitia fidieli constantia accingamini. Nam et ea, quae a beatae memoriae domino nostro Alexandro papa iniuncta vobis et commissa sunt, nos quoque praesenti auctoritate iniungimus firmiterque committimus; in quibus peragendis, ut monita damus, ita auxiliante Deo apostolicae consolationis et auctoritatis subsidia vigilanti studio conferre procurabimus. De cetero vos monemus, ut in locis venerabilibus, ad quos veneritis, orationes pro me fieri obsecretis, quatenus omnipotens Deus, qui desiderium meum nunquam ad honorem istum anhelasse cognoscit, ad ferendum tam grave onus, quod impositum eius timore recusare non audebam, omnes facultates infirmitati meae pius impendat. Data Romae 2 Kalendas Maii, indictione 11.

I 9. *Gotefredi ducis Lotharingiae inferioris gratulationem accipit. De nuntiis ad Heinricum IV regem mittendis^a.*

1073 Gregorius in Romanum pontificem electus Gotefredo¹ duci Mai 6. salutem in domino Iesu Christo.

Grata nobis est laetitia tua, quam in litteris tuis de promotione nostra te habere cognovimus, non ut hoc² aliqua causae nostrae delectatio faciat, sed quod eam³ ex fonte sincere dilectionis et fidei mente derivatam esse non dubitamus. Nostra enim promotio, quae tibi ceterisque fidelibus piam de nobis existimationem et gaudium amministrat, nobis interni doloris amaritudinem et nimiae anxietatis angustias generat. Videmus

a. *Habetur etiam 2) in Pauli Bernrid. vita Greg. VII c. 29 ap. Watterich Pont. Rom. vit. I 485.*

1. Gibboso, duci Lotharingiae inferioris. 2. i. e. alacritatem ex epistola eius captam. 3. laetitiam ducis.

1073
Mai. 6

enim, quanta nos sollicitudo circumstat; sentimus, quantum nos suscepti oneris sarcina gravat; sub quibus dum nostrae infirmitatis conscientia tremit, anima nostra in Christo potius dissolutionis requiem quam in tantis periculis vitam cupit. In tantum quippe commissi nobis officii consideratio nos sollicitat, ut, nisi in orationibus spiritualium hominum post Deum aliqua fiducia nos sustentaret, curarum immensitate mens nostra succumberet. Peccatis enim facientibus ita pene totus mundus in maligno est positus¹, ut omnes, et praecipue qui in ecclesia praelati sunt, eam potius conturbare quam fideli devotione defendere vel celebrare contendant, et dum suis aut lucris aut praesentis gloriae desideriis inhiant, omnibus, quae ad religionem et iustitiam Dei pertinent, se velut hostes opponant. Quo magis nobis dolendum est, qui susceptum universalis ecclesiae regimen in tanta difficultate nec rite administrare nec tuto deserere possumus. Ceterum, quia fidei et constantiae virtutem donante Deo in te sitam esse cognovimus, omnem, quam oportet in karissimo sancti Petri filio, in te fiduciam habentes, animum tuum de nostra itidem constantissima dilectione et erga honores tuos promptissima voluntate nequaquam dubitare volumus.

De rege² vero mentem nostram et desiderium plene cognoscere potes; quod, quantum in Domino sapimus, neminem de eius praesenti ac futura gloria aut sollicitiorem aut copiosiori desiderio nobis preferri credimus. Est etiam haec voluntas nostra: ut, primum oblata nobis opportunitate, per nuncios nostros super his, quae ad profectum ecclesiae et honorem regiae dignitatis suae pertinere arbitramur, paterna eum dilectione et admonitione conveniamus. Quodsi nos audierit, non aliter de eius quam de nostra salute gaudemus^a; quam tunc certissime sibi lucrari poterit, si in tenenda iustitiam nostris monitis et consiliis acquieverit. Sin vero, quod non optamus, nobis odium pro dilectione, omnipotenti autem Deo pro tanto honore sibi collato, dissimulando iustitiam eius, contemptum^b non ex aequo reddi-

a. gaudebimus 2. b. contentum c.

1. 1 Ioh. 5, 19. 2. Heinrico IV.

1073 derit, interminatio qua dicitur: *Maledictus homo, qui prohibet Mai. 6 gladium suum a sanguine¹*, super nos Deo providente non veniet^a. Neque enim liberum nobis est, alicuius personali gratia legem Dei postponere aut a tramite rectitudinis pro humano favore recedere, dicente apostolo: *Si hominibus placere vellem, servus Dei non essem²*. Data Romae 2 Nonas Maii, indictione 11.

I 10. *Guidoni comiti Imolensi mandat, ut Imolenses a Guiberto archiepiscopo Ravennate usque ad legatorum suorum adventum defendat.*

1073 Gregorius in Romanum pontificem electus Guidoni Imolensi Jun. 1 comiti salutem in domino Iesu Christo.

Quidam Imolenses, nostram adeuntes praesentiam, conquerendo nobis indicavere, quod confrater noster Guibertus archiepiscopus Ravennas eos contra honorem sancti Petri, cui fidelitatem iuravere, suae omnino dicioni subigere et ad iuranda sibi fidelitatis attemptet sacramenta compellere. Verum haec relatio tanto plus ammirationis nobis attulit, quanto perspecta dudum in eo et fraterna caritas et sacerdotalis honestas suspicionis in illum indubitans causas excludit. Neque enim credere possumus, tam prudentem virum ita aut naturae aut dignitatis suae loci oblitum esse, ut, qui apostolorum principi fidelitatem ipse iureiurando promisit, neglecto periculo suo, alios, qui idem³ fecerunt, ad perjurium nitatur per exquisita ab eis sacramenta pertrahere. Attamen, quecumque inter eos discordia aut molestiarum sit occasio, quatenus eam sedare et, si possis salvo honore sancti Petri, firma studeas pace decidere, prudentiam tuam valde rogamus. Quod si aliquibus malis impedientibus non possis efficere et praedictus confrater noster archiepiscopus aut alia quaelibet persona praefatos cives a fidelitate sedis apostolicae non desinat obstinata coercitatione divellere, sicut apostolorum tibi praesidia apud omnipotentem Deum prodesse et in hac vita non sine meritorum compendio praesidere cupias, ita eis, praesenti auctoritate rogatus et commonitus, defensionis auxilia, do-

a. inveniet c.

1. Ierem. 48, 10.

2. Galat. 1, 10.

3. iusiurandum.

nec legati nostri in partes illas veniant, conferre non desinas. 1073
 Nos equidem cum omnibus, si fieri potest, pacem habere¹ ar-
 denter cupimus, sed eorum conatibus, qui ad iniuriam sancti
 Petri cuius servi sumus extendere se moliuntur, divina adiuti-
 tam virtute quam iustitia, obviare non refugimus. Data Romae
 Kalendis Iunii, inductione 11.

I 11. *Beatricem et Mathildam de vitandis episcopis Longobard-
 icis hortatur. Addit de Anselmo electo Lucensi et de
 legatis ad Heinricum IV regem mittendis.*

Gregorius in Romanum pontificem electus Beatrixi et eius 1073
 filiae Mathildi salutem in domino Iesu Christo. Jun. 24

Sicut beatus Gregorius in quodam super moralia Iob expla-
 nationum libro² ait, statutum est apud supernum iudicem, quanta
 unumquemque aut ferire adversitas aut debeat mulcere prosperitas.
 Quicunque ergo, sive spe huius vel timore illius, in tempore
 temptationis ab his quae recta sunt deviat, nec sperare in Deum
 nec divinarum eloquiis scripturarum se se^a adhibere manifestat.
 Hoc autem ideo dicimus, quia nobis et vobis immo omnibus,
 qui consortes adoptionis filiorum Dei esse cupimus, non tam
 occasiones nostrae existimationis, videlicet quid hinc prosit inde
 noceat, intuenda sunt, quam illud, ut iustitiam Dei, quae nun-
 quam beatitudinis fine carebit, fortiter teneamus, sollicite pen-
 sandum et enitendum est. Scriptum est enim: *Sed et si quid
 patimini propter iustitiam, beati*³.

Nostis, dilectissime sancti Petri filie, quam aperte Longo-
 bardorum episcopi symoniacam heresim defendere ac fovere prae-
 sumpserint, cum Gotefredum⁴ symoniacum, et ob hoc excommu-
 nicatum atque damnatum, sub specie benedictionis maledixerint
 et sub umbra ordinationis execratum hereticum constituerint.
 Nempe qui hactenus lapides et sagittas latenter contra Dominum

a. se se scripsi pro se cod.

1. Rom. 12, 18: „Si fieri potest — cum omnibus hominibus pacem
 habentes“. 2. lib. 12 cap. 2, 2: „Statutum quippe iam homini est, vel
 quantum hunc mundi prosperitas sequatur vel quantum adversitas feriat“.

3. 1 Petr. 3, 14. 4. archiepiscopum Mediolanensem.

1073 Jun. 24 iactaverunt, iam nunc ad subvertendam religionem et immobilem sanctae Romanae ecclesiae petram concutiendam, non dubie praecursores antichristi et antiqui hostis satellites, in apertum furoris sui campum prosiluerunt. Quibus favere vel consentire quam periculosum sit, prudentia vestra inde perpendat, quod beatus Gregorius dicit: *Talibus non sumopere obviare, quid aliud est, nisi fidem negare.* Unde nobilitatem vestram hortamur et valde rogamus, ut communionem illorum evitare et declinare studeat nec factionibus eorum consilia vel adiumenta praebeat. Neque vero in hac re aliqua huius mundi ratio, quae quidem vana transitoria et deceptiva est, vos commoveat; quoniam per misericordiam Dei et sancti Petri nulla vos inimicorum versutia laedere poterit, si mentem vestram libera conscientia defendit.

De electo vero Lucensi¹ non aliud vobis respondendum esse pervidimus, nisi quod in eo tantam divinarum litterarum scientiam et rationem discretionis esse percepimus, ut, quae sinistra quae sit dextera, ipse non ignoret. Quodsi ad dexteram inclinaverit, valde gaudemus; sin vero quod absit ad sinistram, utique dolemus; sed nullius personae gratia vel favore impietati assensum dabimus.

De rege² autem, ut antea in litteris nostris accepistis, haec est voluntas nostra, ut ad eum religiosos viros mittamus, quorum ammonitionibus inspirante Deo ad amorem sanctae Romanae nostrae^a et suae matris ecclesiae eum revocare et ad condignam formam suscipiendi imperii instruere et expolire valeamus. Quodsi nos, quod non optamus, audire contempserit, nos tamen a matre nostra Romana ecclesia, quae nos nutrit et saepe filiorum suorum sanguine alios generavit filios, custodiente Deo exorbitare nec possumus nec debemus. Et certe tutius nobis est, defendendo veritatem pro sui ipsius salute ad usque sanguinem nostrum sibi resistere, quam, ad explendam eius voluntatem iniquitati consentiendo, secum quod absit ad interitum ruere. Valete in Christo, clarissimae; et in nostra di-

a. nostrae addidi.

1. Anselmo. 2. Heinrico IV.

lectione corde tenus vos annexas esse scitote. Data Romae 1073
8 Kalendas Iulii, indictione 11. Iun. 24

I 12. *Guilielmum episcopum Papiensem monet, ut Gotefredo excommunicato archiepiscopo Mediolanensi et iis, qui eum consecraverint, obsistat.*

Gregorius in Romanum pontificem electus Guilielmo Pa- 1073
piensi episcopo salutem in domino Iesu Christo. Iun. 29

Nonnulla nobis frater de te antehac relata sunt, e quibus animus noster non immerito turbari debuit. Sed in epistola tua longe alia cognoscentes, ad meliorem opinionem et spem gaudii adducti sumus; cupientes, et illa vana fuisse, et fidem eorum, quae tua dilectio spondet, operum attestatione percipere. Cuius rei praesens et copiosa tibi materia suppetit, ut et his, quae de te credendum suades, exclusa dubitatione credamus et, fraternitatem tuam integra caritate nobis immo sanctae Romanae ecclesiae astrictam fore, comprobemus. Fiat itaque nobis indicium, quam unanimi studio eadem nobiscum velle et pro libertate sanctae ecclesiae, quibus nos repugnamus, toto nisu resistere paratus existas: videlicet ut his, qui catholicam fidem et ecclesiasticae religionis regulas conantur evertere, non solum non consentire, sed — ea parte, quae pro reverentia huius sanctae sedis et debito perceptae fidei cultu illis contraire decrevit, tuis consiliis adiutorioque suffulta — pro tuis viribus te quoque repugnare ostendas. Hoc autem indubitanter scias, quoniam — si Mediolanenses catholici huius rei testimonium de te nobis dederint, ut Gotefredo¹ excommunicato et episcopis, qui eius causa excommunicationis periculum incurrerunt, prudenter obsistatas, et eis, qui in certamine Christi sunt, fideliter solacium praebreas — non aurum vel argentum nec aliqua fraternitatis tuae studia vel obsequia nostra et totius Romanae ecclesiae caritati aequa te et causas tuas commendare et indissolubili cura annextere poterunt^a. In hoc etenim karissimum filium et fidum

a. poterint c.

1. archiepiscopo Mediolanensi.

1073 Iun. 29 cooperatorem sanctae Romanae ecclesiae potissimum te demon-
strare poteris, si eius statuta, quae a tramite sanctorum patrum
non recedit, amplexando fortiter et defendendo tenueris. Quod
quidem prae ceteris Longobardorum episcopis te oportet agere;
ut, sicut apostolica et universalis ecclesia eam, cui Deo volente
praeesse dinosceris, speciali gratia et honore sublimavit, ita, cum
necessitas et causarum labor exegerit, in sollicitudine matris de-
sudet acrius, quae caritatis eius et vicariae dispensationis munus
sortitur opimus. Data Romae 3 Kalendas Iulii, indictione 11.

I 13. *Manassem I archiepiscopum Remensem hortatur, ut in-
iuriarum in monasterium S. Remigii finem faciat.*

1073 Iun. 30 Gregorius episcopus servus servorum Dei Manasse¹ Remensi
archiepiscopo salutem et apostolicam benedictionem.

Si loci tui, frater dilectissime, dignitatem, si officii debitum,
si statuta divinarum legum, denique si eam, quam sanctae Ro-
manae ecclesiae reverentiam et caritatem debes, diligenter adten-
deres, profecto rogatus et monita sedis apostolicae non totiens
apud te frustrari permitteres; praesertim cum gravis culpa sit,
in huiusmodi causa te monitoris vocem provocasse vel expectasse.
Nam, quaecunque nobis e commissa dispensatione imminent, ne-
glegere quidem ea absque periculo nostro non possumus, nedum
voluntate et studio confundere securum nobis esse putemus. Si
quidem meminisse debet prudentia tua, quotiens dominus et pre-
decessor noster Alexander venerandae memoriae papa et nos
tum^a per epistolas tum per legatos de causa monasterii sancti
Remigii rogando et hortando te admonuimus: ne totiens aposto-
licam audientiam fratrum clamoribus fatigari urgente necessitate
sineres, ne quempiam ibi, cui sacri canones contradicerent, in
loco abbatis apponeres, neu, bona monasterii ab usu congrega-
tionis auferendo, locum inopiae dissipares; sed talem ibi ad regi-
men abbatiae constitui regulariter procurares, cui nec in exte-
rioribus providendi diligentia nec in spirituali moderamine religio
deisset aut scientia. Quod cum saepe te facturum nobis per

legatos tuos promiseris, necdum tamen adimplere curasti; sed, ¹⁰⁷³
 Jun. 30 ut multorum relatione comperimus, de die in diem venerabilem
 locum illum asperius ac miserabilius tractas et, ut detrimenta
 bonorum temporalium taceamus, religiosas quoque fratrum per-
 sonas crudeli ac contumeliosa captione coartas. Unde tui ipsius
 sollertia perpendere potest, quam gravis super hac re et te culpa
 et nos molestia mordeat, quod apostolicae sedis auctoritas loco
 et fratribus, quibus te iam audum paternis affectibus consuluisse
 decuerat, necdum erga te ad pacem et quietem prodesse potuit.
 Temptare tamen adhuc, frater dilectissime^a, et miti oratione ani-
 mum^b flectere destinavimus, rogantes et ex parte beatorum apo-
 stolorum Petri et Pauli et nostra per eos apostolica auctoritate
 commonentes: ut, si deinceps spem in nostra fraternitate et di-
 lectione habere volueris, sine omni dilatione talem personam re-
 gulariter ibi ordinari in abbatem procures, quae huic ordini et
 officio decenter congruat, et cetera, quae necessitas et iustitia
 monasterii exigit, ita corrigas et emendes, ne fratrum ulterius
 ad nos referri querela debeat. Quodsi denuo in hac re reveren-
 tiatiam sancti Petri et nostram qualemcumque caritatem amici-
 tiamque contempseris, procul dubio, quod nos inviti dicimus,
 apostolicam in te severitatem et iracundiam provocabis. Data
 Romae 2 Kalendas Iulii, inductione 11.

I 14. *Hugoni abbatii Cluniacensi mandat, ut superiorem epistolam
 ad Manassem archiepiscopum Remensem perferendam curet.*

Gregorius episcopus servus servorum Dei Hugoni abbatii Clu-
 niacensi salutem et apostolicam benedictionem. ¹⁰⁷³
 Jun. 30

Noverit sanctitas vestra, hos fratres monachos monasterii
 sancti Remigii esse; quibus apud sedem apostolicam pro consola-
 tione loci sui, quem Manasses Remensis archiepiscopus quotidie
 dissipat ac confundit, diu commorantibus non aliud ad praesens
 solacium opportunius exhibere potuimus, quam quod eidem archi-
 episcopo litteras¹, pariter cum istis vobis redditas, destinavimus.

a. fratres dilectissimi c. b. tuum excidisse videtur.

1. supra ep. 13.

1073 In quibus eum, si cum beato Petro et Romana ecclesia pacem
 Iun. 30 sperare velit, praefatum monasterium regulariter ordinare et in
 quiete dimittere, multum rogamus et ammonemus. Quas ut vestra
 caritas illi per idoneum nuncium mittat, et nobis, quicquid pro
 his fecerit, oblata primum opportunitate rescribat, nostra solli-
 citudo desiderat. Interim vero fratres istos, desolationem loci
 sui videre fugientes, benignitati vestrae commendamus, quatenus
 de his tam diu curam habere non pigeat, donec miserante Deo
 optatam quietem in monasterio suo eos habere posse contingat.
 Data Romae 2 Kalendas Iulii, indictione 11.

I 15. *Longobardos hortatur, ne Gotfredum, ecclesiae Mediola-
 nensis invasorem excommunicatum et anathematizatum,
 sequantur.*

1073 Gregorius episcopus servus servorum Dei omnibus fidelibus
 Jul. 1 sancti Petri apostolorum principis, maxime in Longobardia com-
 memorantibus, salutem et apostolicam benedictionem.

Scire vos volo, fratres karissimi, quod et multi vestrum
 sciunt, quia in eo loco positi sumus, ut velimus nolimus omnibus
 gentibus, maxime christianis, veritatem et iustitiam annunciare
 compellamur, dicente Domino: *Clama, ne cesses; quasi tuba
 exalta vocem tuam et annuncia populo meo scelera eorum*¹; et
 alibi: *Si non annunciaveris iniquo iniquitatem suam, animam
 eius de manu tua requiram*²; item propheta: *Maledictus inquit
 homo, qui prohibet gladium suum a sanguine*³, id est verbum
 praedicationis a carnalium increpatione⁴. Haec ideo praeliba-
 vimus, quia inter multa mala, quae ubique terrarum fiunt, qui-
 dam ministri sathanae et praecones antichristi in Longobardia
 etiam fidem christianam conantur confundere et iram Dei super
 se provocare. Nam sicut scitis, Gotfredus⁵ vivente Guidone dicto
 archiepiscopo Mediolanensi eandem ecclesiam — quae quondam

1. Isai. 58, 1. 2. Cf. Ezech. 3, 18. 3. Ierem. 48, 10. 4. Cf.
 S. Gregorii regulae pastoralis L. III c. 25 (Opp. ed. Benedictini T. II 75):
 „Unde et bene per prophetam dicitur: *Maledictus qui prohibet gla-
 dium suum a sanguine; gladium quippe a sanguine prohibere est pra-
 edicationis verbum a carnalis vitae imperfectione retinere*“.

5. II.

meritis gloriosissimae virginis et genitricis Dei Mariae nec non ¹⁰⁷³
 auctoritate clarissimi doctoris beati Ambrosii inter ceteras Lon-
 gobardorum ecclesias religione libertate ac speciali gloria eniuit
 — nunc quasi vilem ancillam praesumpsit emere, sponsam vide-
 licet Christi diabolo prostituere et, a catholica fide temptans eam
 separare, nisus est symoniaca haeresis scelere maculare. Quod
 audiens sancta Romana ecclesia, mater vestra, et totius christia-
 nitatis sicut scitis magistra, congregato e diversis partibus con- ¹⁰⁷²
 cilio, multorum sacerdotum et diversorum ordinum consensu fulta,
 beati Petri apostolorum principis auctoritate Gotefredum fidei
 catholicae et legis christianaee inimicum excommunicavit et ana-
 thematis iaculo una cum omnibus sibi consentientibus transfixit.
 Quam excommunicationem, quod etiam inimici sanctae ecclesiae
 negare non possunt, sancti patres antiquitus censuere et per
 omnes sanctas ecclesias totius orbis catholici viri confirmant et
 confirmaverunt. Quapropter ex parte Dei omnipotentis Patris
 et Filii et Spiritus sancti et beatorum Petri et Pauli apostolorum
 principum monemus vos, fratres karissimi, hortamur atque pree-
 cipimus, ut nullo modo praedicto heretico Gotefredo consentiatis;
 quia illi in hoc scelere consentire fidem Christi est negare. Sed
 quibus modis potestis, ut filii Dei, ei resistite et fidem christia-
 nam, qua salvandi estis, omnino defendite. Neque vos deterreat
 humana superbia; quia, qui nobiscum est, maior est omnibus et
 semper invictus; qui vult nos pro se laborare, et coronam legiti-
 me certantibus, ut apostolus¹ promittit, tribuere. Solet enim
 dux noster paucis et humiliis multos et superbos conterere et
 per ea, quae sunt infirma, mundi fortia quaeque confundere. Sic
 enim placuit et sic decet caelestem et invictum principem. Omni-
 potens Deus, qui beato Petro oves suas specialiter commisit et
 totius ecclesiae regimen dedit, vos in eius dilectione corroboret,
 ut, eius auctoritate a peccatis vestris absoluti, mereamini ini-
 micos Domini comprimere et corda illorum ad poenitentiam pro-
 vocare. Data Romae Kalendis Iulii, indictione 11.

1. 1 Cor. 9, 25.

I 16. *Giraldum episcopum Ostiensem reprehendit, quod peracta in Hispaniis synodo ad sese nec redierit nec socium misserit. Scribit de Guilielmo archiepiscopo Ausciensi non deiciendo et de Pontio episcopo Bigorritano restituendo.*

1073 Inl. 1 Gregorius episcopus servus servorum Dei Giraldo Ostiensi episcopo salutem et apostolicam benedictionem.

Miramur et multum anxii sumus, quod — cum semper consuetum et valde necessarium fuerit, ut, si quando legatus apostolicae sedis concilium in remotis partibus celebraverit, sine mora ad annunciatum omnia quae egisset reverteretur — tua fraternitas post peractam synodum, in qua tot negocia emerserunt, nec ad nos rediit nec eum, qui secum est, considerata vel necessitate vel nostra expectatione, remisit. Nobis equidem gratum est, quod pro negociis sanctae Romanae ecclesiae in Hyspanias prefectus es; sed debuerat prudentia tua aut illum, quem tibi adiunximus, aut aliquem, qui synodo interfuisset quique omnia vice tua nobis rationabiliter expedire sciret, ad nos direxisse: quatinus, perspectis omnibus, confirmanda confirmaremus et, si qua mutanda viderentur, discreta ratione mutaremus. Licet enim in litteris tuis aliqua nobis gestorum tuorum notitia apparuerit, vobis tamen absentibus nec aliquo, qui pro vobis certa eorum quae viderit et audierit assertione respondeat, in praesentiarum posito, plerisque, quorum alii iniuste se excommunicatos alii inordinate depositos alii immerito interdictos conqueruntur, respondere causarum ambiguitate et respectu conservandae auctoritatis tuae prohibemur. Non respondere vero aut in longum tempus responsa differre, despectioni et, propter prolongata pericula eorum, qui sub censura sunt, crudelitati imputatur.

De causa etiam Guilielmi¹ dicti Ausciensis^a archiepiscopi, pro cuius restitutione nos postulasti, tu ipse anxietatem quandam nobis intulisti; cum, ob id solum, quia excommunicato scienter communicaverat, eum esse depositum, et tamen in examinatione eius de obiectis criminibus — praeter quod dominum et praedecessorem nostrum Alexandrum papam sibi ignovisse fate-

batur — non eum canonice se expurgasse sed expurgare voluisse, 1073
 dixisti. Non parvam itaque super his omnibus sollicitudinem
 habentes, tam tibi ipsi quam ceteris magna respondendi difficultate tenemur. Hoc tamen, consulentibus fratribus et coepiscopis
 nostris et cardinalibus, inter cetera nos decrevisse cognoscas: ut
 praefatus Ausciensis archiepiscopus propter hoc solum, quia com-
 municavit excommunicato, deiectioni subiacere non debeat; ita
 tamen, si de obiectis aliis criminibus ita se expurgare poterit, ut
 neque in te suspicio prodeat nec infamia ad nos usque pertingat.
 Alioquin huius rei diffinitionem ad nostram audientiam serva.

Pontium¹ vero Bigorritanum dictum episcopum, quem simili
 de causa depositum esse nunciasti, ad nos venisse cognoscas; sed
 honori tuo providentes, nulla querelis eius responsa dedimus.
 Attamen, quia in paribus causis paria iura tenenda sunt, frater-
 nitati tuae scribimus: ut, habita super his quae sibi intenduntur
 diligent investigatione, si aliud, quod canonica severitate punien-
 dum sit, in eo crimen legali approbatione inveniri non possit,
 officii sui restitutione non caret. De cetero, quid nobis de
 cursu fatigationis tuae credendum sit, fraternitatem tuam, reperta
 primum opportunitate, per scripta nobis indicare non pigeat.
 Data Romae Kalendis Iulii, inductione 11.

I 17. *Wratzlaum ducem Bohemiae et eius fratres de legatis suis
 bene receptis collaudat. Addit de Iarmiro episcopo Pra-
 gensi ad obsequium redigendo.*

Gregorius episcopus servus servorum Dei Wratzlao² Boe- 1073
 mia duci et fratribus suis³ salutem et apostolicam benedictionem. Iul. 8

Quia ob devotionem et reverentiam beatorum apostolorum Petri et Pauli principum apostolorum legatos nostros, Bernardum videlicet et Gregorium, qui ab hac sancta et apostolica sede ad vestras partes directi sunt, debitae caritatis benevolentia suscepistis et eos, ut vestram condecet magnificentiam, honorifice tractatis, omnipotenti Deo gratias agimus. Proinde nostrae benevolentiae vobis vicem rependimus. Quoniam enim antecessorum

1073 nostrorum negligentia et patrum vestrorum, qui hoc fieri postu-
 l. 8 lasse debuissent, agente incuria, apostolicae sedis nuncii ad partes
 vestras raro missi sunt, quidam vestrorum — hoc quasi novum
 aliquid existimantes et non considerantes sententiam Domini di-
 centis: *Qui vos recipit, me recipit*¹, et *qui vos spernit, me spernit*²
 — legatos nostros contemptui habent; ac proinde, dum nullam
 eis^a debitam reverentiam exhibit, non eos sed ipsam Veritatis
 sententiam spernunt. Unde, ut clarius luce patet, eius Veritatis
 sententie ad cumulum suae damnationis adeo se exagerant, ut
 merito, dum pusillos Domini scandalizant, molas asinarias collo
 suspensas, in profundum perditionis, nisi resipuerint, prola-
 bantur³. Quorum frater vester Iarmir Bragensis episcopus,
 olim noster amicus, his nostris legatis, Bernardo^b scilicet et Gre-
 gorio, ut auditu perceperimus, in tantum rebellis extitit, ut, si ita
 est sicut dicitur, Symonis magi vestigia contra apostolorum prin-
 cipem imitatus fuisse videatur. Quapropter rogamus nobilitatis
 vestræ prudentiam, ut et nostros legatos et fratrem vestrum
 praedictum episcopum conveniatis et per vos et ex parte nostra
 fratrem vestrum attentius hortemini: quatenus legatorum nostro-
 rum monitis debitae obedientiae aurem inclinet et, quicquid iusti-
 tiae sibi suggesserint vel ex eis praejudicio prægra-
 vari^c, nulla sibi ab hac ecclesia audientia denegabitur. Si vero
 neutrum horum facere acqueverit, et sententiam legatorum no-
 strorum de suspensione sui officii in eum promulgatam firma-
 bimus et durius contra eum, scilicet usque ad interniciem^d, gla-
 dium apostolicae indignationis evaginabimus; sicque fiet, ut ipse
 et per eum plures alii experiantur, quantum huius sedis aucto-
 ritas valeat. Inviti enim ad hoc compellimur, neque audemus
 huiusmodi præsumptionem dissimulare. Per Ezechielem namque
 prophetam sub interminatione nostri interitus impellimur dicen-
 tem: *Si non annunciaveris iniquo iniuriam suam, ipse iniquus*
in iniuriam sua morietur, sanguinem autem eius de manu tua

a. eis addidi. b. Bernardum — Gregorium c. c. pergravari c. d. sic
 cod. pro interencionem.

1. Matth. 10, 40. 2. Luc. 10, 16. 3. Cf. Matth. 18, 6.

requiram¹; et alibi: Vae illi, qui prohibet ab eo qui peccat, et incorrigibilis perseverat². Vos autem et de his et de aliis sic agite, ut^a et temporalis vobis gloria a Domino augeatur et perpetuae beatitudinis habundantiam per interventum apostolorum perenniter possidere possitis. Data Laurenti³ 8 Idus Iulii, in-dictione 11.

I 18. *Michaelis imperatoris plena se studio litteras laudat.*

Dominicum patriarcham Venetum, legatum suum, commendat. Concordiam Romanae et Constantinopolitanae ecclesiarum refici cupit.

Gregorius episcopus servus servorum Dei Michaheli⁴ Con- 1073
stantinopolitano imperatori salutem et apostolicam benedictionem. Iul. 9

Quidam a vestris partibus monachi venientes, quorum unus Thomas alter Nicolaus vocabatur, excellentiae vestrae ad nos litteras detulere, plena vestrae dilectionis dulcedine et ea, quam sanctae Romanae ecclesiae exhibetis, non parva devotione. Quae nimirum inter cetera nobilitatis vestrae verba, eisdem monachis de his, quae ipsi viva voce in aure nobis ex parte vestra relaturi essent, posse nos credere, asserebant. Verum quia personae non videbantur tales, quibus secure fidem possemus accommodare vel per eos^b de tantis rebus magnitudini vestrae respondere, confratrem nostrum Dominicum patriarcham Venetiae, Romanae ecclesiae et imperio vestro fidelissimum, ad vos studuimus mittere, quatenus ipse diligenter a vobis intelligat, si in ea, quam litteris vestris et viva eorundem monachorum secretius voce significastis, adhuc voluntate perseveratis et legationis vestrae verba ad effectum perducere velitis. Nos autem non solum inter Romanam, cui licet indigni deservimus, ecclesiam et filiam eius Constantinopolitanam antiquam Deo ordinante concordiam cupimus innovare, sed^c, si fieri potest, quod ex nobis est, cum omnibus hominibus pacem habere⁵. Scitis enim, quia, quantum antecessorum nostrorum et vestrorum sanctae apostolicae sedi et

a. ut om. c. b. sic cod. pro quos. c. etiam excidisse videtur.

1. Cf. Ezech. 33, 8. 2. Haec unde sint, nescio. 3. a Roma ad meridiem. 4. VII, filii Constantini Ducae. 5. V. supra p. 21 n. 1.

1073 imperio primum concordia profuit, tantum deinceps nocuit, quod
Jul. 9 utrimque eorundem caritas friguit. Cetera igitur, quae praesentium latori secretius referenda commisimus, indubitanter potestis credere et per eum, quicquid magestati vestrae placuerit, secure nobis significare. Data Albani 7 Idus Julii, indictione 11.

I 18a. Constitutio, quae facta est inter dominum Gregorium papam septimum et Landulfum Beneventanum principem.

1073 Haec est constitutio, quam dominus papa Gregorius constituit cum Landulfo Beneventano principe et quam princeps Beneventanus ipse sibi firmiter promisit in sacro Beneventano palatio, anno primo pontificatus eius, duodecimo die intrante mense Augusto, indictione undecima. Si ab hora ipsa in antea princeps ipse fuisset infidelis sanctae Romanae ecclesiae et papae ipsi suisque successoribus; vel si in aliquo quaesisset minuere publicam rem Beneventanam, aut aliquam inde absque nutu papae vel absque ordinatis eius alicui fecisset investitionem; vel si aliquo invenerit^a studio cum aliquo homine intus aut foris civitatem Beneventanam faciendi aut recipiendi sacramentum aut inventiendi divisiones; vel si per se aut per suppositam personam intus aut foris civitatem Beneventanam studuerit qualicumque modo aut ingenio reddendi malum meritum aut faciendi damnitatem cuilibet de fidelibus sanctae Romanae ecclesiae de^b ea, quae ad fidelitatem eiusdem sanctae Romanae ecclesiae egere usque modo — si se iuxta domni apostolici iudicium non potuerit inde defendere, cum fuerit appellatus — a praesenti amittat suum honorem.

Ego Iohannes Portuensis episcopus recognoscens subscripsi.

Ego Iohannes Tusculanensis episcopus interfui et subscripsi.

Ego Hubertus Praenestinus episcopus conscripsi.

Ego Desiderius presbyter Romanae ecclesiae interfui et subscripsi.

Ego Petrus cardinalis presbyter et bibliothecarius sanctae Romanae ecclesiae interfui et subscripsi.

I 19. *Rodulfo duci Sueviae de Heinrico IV rege respondet.
Hortatur, ut ad sese accedat.*

Gregorius episcopus servus servorum Dei Rodulfo Sueviae 1073
Sept. 1
duci salutem et apostolicam benedictionem.

Licet ex praeteritis nobilitatis tuae studiis clareat, te sanctae Romanae ecclesiae honorem diligere, nunc tamen, quanto ipsius amore ferveas quantumque ceteros illarum partium principes eiusdem amoris magnitudine transcendas, litterae tuae nobis transmissae evidenter exponunt. Quae nimirum inter cetera dulcedinis suae verba illud nobis videbantur consulere, per quod et status imperii gloriosius regitur et sanctae ecclesiae vigor solidatur: videlicet ut sacerdotium et imperium in unitate concordiae coniungantur. Nam^a sicut duabus oculis humanum corpus temporali lumine regitur, ita his duabus dignitatibus in pura religione concordantibus corpus ecclesiae spirituali lumine regi et illuminari probatur. Unde nobilitatem tuam scire volumus, quia non solum circa regem Heinricum — cui debitores existimus ex eo, quod ipsum in regem elegimus, et pater eius laudandae memo- 1053?
riae Henricus imperator inter omnes Italicos in curia sua spe- ciali honore me tractavit, quodque etiam ipse moriens Romanae 1056
Oct. 5 ecclesiae per venerandae memoriae papam Victorem praedictum filium suum commendavit — aliquam malvolentiam non obser- vamus, sed neque aliquem christianum hominem Deo auxiliante odio habere volumus; cum apostolus dicat: *Si tradidero corpus meum ita ut ardeam, et si dedero omnes facultates meas in cibos pauperum, caritatem non habens, nihil sum*¹. Sed quia concordiam istam, scilicet sacerdotii et imperii, nihil fictum nihil nisi purum decet habere, videtur nobis omnino utile, ut prius tecum atque Agnetae imperatrice et cum comitissa Beatrice et Rainaldo episcopo Cumano et cum aliis Deum timentibus de his diligenterius tractemus: quatenus, voluntate nostra bene a vobis cognita, si rationes nostras iustas esse probaveritis, nobiscum consentiatis; si vero rationi nostrae aliquid addendum vel subtrahendum esse

a. Nam — probatur, *in margine inferiore cod. posita, signo hoc ∴ addito huc referuntur.*

1. Cf. 1 Cor. 13, 3.

1073 vobis visum fuerit, consiliis vestris Deo consentiente parati erimus assensum praebere. Quapropter prudentiam tuam rogamus, ut in fidelitate beati Petri semper studeas crescere, et ad limina eius tum causa orationis tum consideratione tantae utilitatis non pigeat te venire: quatenus sic te in utroque beato Petro debitorum facias, ut et in praesenti et in futura vita eius semper intercessione gaudeas. Data Capue Kalendis Septembris, inductione incipiente 12.

I 20. *Rainaldo episcopo Cumano rescrit de contumelia ei illata.*

Monet, ut una cum Rodulfo duce Sueviae Romanam se conferat ad ecclesiae Romanae regisque Heinrici IV concordiam tractandam. De Longobardiae episcopis addit.

1073 Gregorius episcopus servus servorum Dei Rainaldo Cumano Sept. 1 episcopo salutem et apostolicam benedictionem.

Lectis fraternitatis tuae litteris de adversitate, de contumelia, quae tibi accidit immo nobis et universae etiam sanctae ecclesiae, ex corde tibi compassi, ex corde merore gravi sumus contristati. Quo quippe etiam auditio de nobis incognito, auditio de sacerdote et^a Aegyptio, graviter compateremur, officii etiam nostri debito condolere cogeremur. Quid igitur de te, quem sanctae Romanae ecclesiae primum membrorum numero collocavimus, quem ut fratrem dilectissimum dilectionis sinu fovemus? Viscera compassionis, viscera doloris eximii, ut pro fratre karissimo, aperimus. Cuius inauditi delicti vindictam, cuius novi sceleris poenam protui et multorum commodo consilio tuo facere disposuimus; quia, quanto melius tui sanguinis effusoris, totiusque sui generis et patriae mores et vitam novisti, tanto melius, quibus modis et quibus^b facilius cogatur, consulere nobis poteris; ut tui et aliorum episcoporum infideles huius exemplo deprimantur, et boni spe non dilatandi tanti et inauditi sceleris laetentur. Quod facere et nobis scribere, et an publice vel privatim nos haec velis exercere, usque ad festivitatem sancti Martini¹ ex obedientia volumus nullius causa dimittas.

a. sic pro etiam.

b. factis excidisse videtur.

1. Nov. 11.

Ad ea, quae de rege¹ scripsisti, haec accipias. Tu et di-
lectissima nostra filia Agnes imperatrix, quos^a eum et sanctam
Romanam ecclesiam diligere et nos pro ea ex longo experti su-
mus, sic novistis, quid de rege sentiam, quid etiam de eo velim,
ut nemo^b eo mundanis ditiorem, vobis melius. Novistis
quidem, si bene fortasse meministis, quam saepe utrius dixerim,
quod eo religione sanctiorem nullum vellem vivere — hoc scilicet
mente mecum versans: si^c cuiuspiam privati et alicuius principis
boni mores vita et religio honori sanctae ecclesiae existant et
augmento, quid illius, qui laicorum est caput, qui rex est, et
Rome Deo annuente futurus imperator! — quod religionem sci-
licet diligere, bonos ex dilectione vera sibi adhibere, res eccl-
esiarum augmentare et defendere, testis mihi Deus sit, eum vellem
et ex toto corde optarem; quod eum velle, aliter non speramus,
nisi malorum consilia ut venenum vitet, bonorum vero, ut a^d
nobis iam relatum est², acquiescat^e. De concordia vero inter
Romanam ecclesiam et eum si cum utilitate utriusque vis aliquid
disponere, sic sumas. Duce Rodulfum Longobardiam intraturum
in hoc proximo Septembre audivimus. Efficias ergo, principaliter
pro apostolorum servitio, secundario vero hac etiam pro re, ut
sibi et tibi Romam non sit pigrum venire; ubi de concordia
Romanae ecclesiae et regis vobiscum et cum imperatricie filia
nostra dilectissima, cum Beatrice etiam quae multum et saepe
in hoc eodem laboravit, sic loqui sic inde tractare poterimus, ut
ex parte nostra omnia secura et quieta regi nuncietis, ut, si
Italianam eum intrare contigerit^f, universa in pace invenerit. Te
vero cum episcopis Longobardiae loqui, mihi non displicet; ne
aliter vero cum illis communices, penitus provideat prudentia
tua. Quid vero de illis disponendum sit, cum ad nos veneris,
determinabimus. Data Capuae Kalendis Septembbris, indictione 12.

a. quo c. b. quaedam hic excidisse patet. c. se c. d. a addidi. e. aut
acquirat legendum est, aut consiliis supplendum. f. contingerit c.

1. Heinrico IV. 2. paullo ante verbis his: „bonos ex dilectione
vera sibi adhibere“.

I 21. *Anselmum II electum Lucensem hortatur, ne investitaram ab Heinrico IV rege ante accipiat, quam is secum pacem fecerit.*

1073 Sept. 1 Gregorius episcopus servus servorum Dei Anselmo Dei gratia Lucensium electo episcopo salutem et apostolicam benedictionem.

Quoniam fraternitatem tuam sincerae caritatis affectu et dileximus et diligimus, quae tibi seu verbis seu litteris super utilitate vitae tuae scribere curamus, ut indubitanter accipias oportet. Ut enim viam qua ambules postulasti tibi notificaremus, nullam novam, nullam expeditiorem scimus ea, quam^a nuper dilectioni tuae significavimus, videlicet: te ab investitura episcopatus de manu regis abstinere, donec, de communione cum excommunicatis Deo satisfaciens, rebus bene compositis, nobiscum pacem possit habere. Personae namque tales hoc opus conantur perficere: karissima utique filia nostra Agnes imperatrix, nec non et gloriosa Beatrix cum filia Mathildi^b, Rodulfus quoque dux Sueviae; quorum religiosa consilia spernere nec possumus nec debemus. Quodsi praefati operis perfectio dilationem quacumque occasione contigerit habere, interea nostrae familiaritati poteris adhaerere Romae et nobiscum seu adversitatem seu prosperitatem communicare. Data Capuae Kalendis Septembbris, indictione incipiente 12.

I 21a. Iusiurandum fidelitatis, quod fecit Richardus princeps domino suo Gregorio papae.

1073 Sept. 14 Ego Richardus, Dei gratia et sancti Petri Capuae princeps, ab hac hora et deinceps ero fidelis sanctae Romanae ecclesiae et apostolicae sedi et tibi domino meo Gregorio universali papae. In consilio vel in facto, unde vitam aut membrum perdas vel captus sis mala captione, non ero. Consilium, quod mihi credideris, et contradixeris ne illud manifestem, non manifestabo ad tuum damnum me sciente. Sanctae Romanae ecclesiae tibique adiutor ero ad tenendum et acquirendum et defendendum regalia sancti Petri eiusque possessiones recta fide contra omnes homines; et adiuvabo te, ut secure et honorifice teneas papatum Romanum.

a. quae c.

b. Mathildis c.

Terram sancti Petri et principatus nec invadere nec acquirere 1073
 quaeram nec etiam depraedari praesumam absque tua tuorumque Sept. 14
 successorum, qui ad honorem sancti Petri intraverint, certa li-
 centia, praeter illam, quam tu mihi concedes vel tui concessuri
 sunt successores. Pensionem de terra sancti Petri, quam ego
 teneo et tenebo, sicut statutum est, recta fide studebo ut illam
 sancta Romana annualiter habeat ecclesia. Omnes quoque ecclae-
 sias, quae in mea persistunt dominatione, cum earum possessio-
 nibus dimittam in tuam potestatem; et defensor illarum ero ad
 fidelitatem sanctae Romanae ecclesiae. Regi vero Henrico, cum
 a te admonitus fuero vel a tuis successoribus, iurabo fidelitatem,
 salva tamen fidelitate sanctae Romanae ecclesiae. Et si tu vel
 tui successores ante me ex hac vita migraverint, secundum quod
 monitus fuero a melioribus cardinalibus et clericis Romanis et
 laicis, adiuvabo, ut papa eligatur et ordinetur ad honorem sancti
 Petri. Haec omnia supra scripta observabo sanctae Romanae
 ecclesiae et tibi recta fide; et hanc fidelitatem observabo tuis
 successoribus ad honorem sancti Petri ordinatis, si mihi firmare
 voluerint investituram a te mihi concessam. Actum Capuae
 18 Kalendas Octobris, indictione 12.

I 22. *Carthaginienses hortatur, ne Saracenos metuant; reprehen-
 ditque, quod Cyriacum archiepiscopum apud Saracenos
 accusaverint.*

Gregorius episcopus servus servorum Dei clero et plebi chri- 1073
 stiana Cartaginensi salutem et apostolicam benedictionem. Sept. 15

Gratia vobis et pax a Deo patre et Iesu Christo filio eius
 unico, qui gratuita misericordia vos conformare in novum homi-
 nem in sui sanguinis effusione dignatus est; cui semel mori et
 resurgere placuit, ut vos carne mortificaret, spiritu vero vivifi-
 caret et Deo offerret; cuius rei testimonium petra, super quam
 ipse aedificavit, dedit dicens: *Christus semel pro peccatis nostris
 mortuus est, iustus pro iniustis, ut nos offerret Deo, mortificatos
 quidem carne, vivificados autem spiritu*¹. De quo etiam hoc modo

1. 1 Petr. 3, 18.

1073 apostolus: *Tradidit semet ipsum pro nobis oblationem et hostiam Deo in odorem suavitatis¹*; et idem alibi: *Christus factus est pro nobis obediens usque ad mortem²*. Estote ergo imitatores eius, qui sputis pro vobis sordidari se ipsum in cruce positum, et cum latronibus computatum pro peccatis vestris voluit vulnerari, et sic finem sibi secundum carnem ponere, ut vos a peccatis ablueret. Debitores non carnis³, spiritu facta carnis mortificate⁴. Spiritualis quippe vitae si fueritis, hereditate quidem regni eius in aeternum ut filii fruemini, coheredes Christi, heredes vero Dei⁵. Unde omnem malitiam simulationes et invidias omnesque detractiones vos deponere, fraterna caritate commoti, admonemus. Si quid autem^a contingit inter arma Sarracenorum positis, nolite pavescere; sed quotiescumque pro Christo patimini, gaudete, ut in adventu^b gloriae eius gaudeatis exultantes⁶. Fidelis quidem est sermo: *Qui suscitavit Iesum, suscitabit et vos⁷*; si mortui carne fueritis, vivetis^c vero Dei spiritu in adventu suo ad gloriae suae communicationem. Ineffabilis igitur gloriae spe tam fidei promissore confidentes, membra vestra mortificate; mortem Christi cordibus vestris infigite, adversa^d omnia pro eo pati gaudete, credentes cum apostolo, non esse condignas passiones huius temporis ad futuram gloriam, quae revelabitur in nobis⁸. Rixas ergo, contentiones ut venenum vitate. Humilitatis discipuli, humilitatem induite⁹. Christi vicem super vos habenti ex debito obedite, consilia, admonitiones eius vero amore amplecti insudate; scientes: cum sibi, Christo qui pro vobis passus est obedieritis; eius vero praedicationes, iudicia etiam cum suscepitis, Christi per omnia suscipietis; ait enim: *Qui vos suscipit, me suscipit; qui vos spernit, me spernit¹⁰*. Aliter vero si feceritis, in Christum peccatis, Christum spenitis, Christi discipuli esse desinitis, apostolo resistitis, qui ait: *Omnis anima sublimioribus potestatibus subdita sit¹¹*. Cum ergo mundanis potestatibus obediire praedicavit apostolus, quanto magis spiritualibus et vicem Christi inter chri-

a. vobis deest. b. adventum c. vita c. d. aversa c.

1. Ephes. 5, 2. 2. Philipp. 2, 8. 3. Cf. Rom. 8, 12. 4. Rom. 8, 13.
 5. Rom. 8, 17. 6. Cf. 1 Petr. 4, 13. 7. 2 Cor. 4, 14. 8. Rom. 8, 18.
 9. Cf. Coloss. 3, 12. 10. Cf. Luc. 10, 16. 11. Rom. 13, 1.

stianos habentibus. Haec, filii karissimi, gemens cogito, flens ¹⁰⁷³
scribo, dolore cordis intimo vobis mitto. ^{Sept. 15}

Pervenit quippe ad aures nostras, quosdam vestrum inreliigiose in legem Christi contra Christum Cyriacum venerabilem fratrem nostrum, vestrum vero archiepiscopum et magistrum, immo vero vestri christum, apud Saracenos sic accusasse, iurgiis detractionis sic lacerasse, ut inter latrones numeraretur, verberibus dignus cederetur. O exemplum iniquum, vestri et universae sanctae ecclesiae dedecoris exemplum. Christus iterum capitur, falsis accusatoribus et testibus condemnatur, inter latrones numeratus verberibus ceditur. A quibus? Qui eius dicuntur credere incarnationem, eius etiam venerari passionem caeteraque eius sancta mysteria fide amplecti. Estne super his tacendum, an clamandum et fletu corrigendum? Scriptum est: *Clama, ne cesses*¹. Alibi etiam praceptum: *Nisi annunciaveris iniquo iniuriam suam, sanguinem eius de manu tua requiram*². Necessitate igitur clamabo, necessitate oportet corrigere, ne sanguis vester de manu mea quaeratur, ne pro peccatis vestris ante iudicem tremendum, ante iudicem iustum et immutabilem affligar. Viscera igitur pietatis paternae, viscera misericordiae super vos hoc modo aperio; partim quia ad nos vobis facilis non est transitus propter maris longa et periculosa spatia, partim quia causam ire, causam doloris et malitia ignoror sic discutere, ut super his sententiam determinem. Admoneo, auctoritate apostolica praecipio, ut, sicut temeritatis vestrae foetores et inauditae nequitiae mentem nostram tristitia nimia turbaverint, sic correctionis et poenitentiae odores redolentes mentem nostram in laetitiam mutent. Quod si non feceritis, gladio anathematis vos iuste percutiam et sancti Petri et nostram super vos maledictionem emittam. Data Capue 17 Kalendas Octobris, indictione 12.

I 23. *Cyriacum episcopum Carthaginensem, et christianorum et Saracenorum iniuriis affectum, consolatur.*

Gregorius episcopus servus servorum Dei Cyriaco Carthagenensi episcopo salutem et apostolicam benedictionem. ¹⁰⁷³
^{Sept. 15}

1. Isai. 58, 1. 2. Cf. Ezech. 33, 8.

1073 Sept. 15 Visis fraternitatis tuae litteris, fraternalm^a de molestiis, quae a paganis et a pseudofiliis ecclesiae tuae tibi inferuntur, compassionem exhibuimus. Perpendimus enim, te dupli certamine fatigari: ut et occultas christianorum insidias patiaris et a Saracenorum persecutione non solum sustentationem humanae fragilitatis sed ipsam fidem perdere miserabiliter exigaris. Quid enim aliud est, sacerdotem ad imperium mundanae potestatis legem Dei infringere, nisi fidem eius negare? Sed Deo gratias, quia in medio nationis pravae et perversae^b fidei tuae constantia velut luminare quoddam omnibus adeo innotuit, ut, praesentatus regiae audience, potius definires diversis cruciatibus affici quam praecipiente rege contra sanctos canones ordinationes celebrari^b. Sed quanto preciosior esset religionis tuae confessio, si post verbera, quae tunc sustinisti, errorem eorum ostendendo et christianam religionem praedicando usque ad effusionem ipsius animae pervenisses. Quod licet huiusmodi studiis fraternitatem tuam non ambigimus incumbere et pro testimonio veritatis, quantum ad te, usque ad detrunctionem membrorum devenisse; tamen devotionem tuam semper ad meliora provocantes exhortamur, ut paratum te semper exhibeas sicut de Domini consolatione laetificari ita et de tribulatione non frangi. Multae enim sunt tribulationes iustorum, sed de his omnibus liberabit eos Dominus². His artibus, quibus crevit, sancta reparatur ecclesia; hanc nobis hereditatem sancti patres reliquere, scilicet ut per multas tribulationes intremus in regnum Dei³. Gravis quidem pugna, sed infinita sunt praemia. Non enim sunt condignae passiones huius temporis ad superventuram gloriam, quae revelabitur in nobis⁴. Nos igitur, licet corpore absentes spiritu tamen praesentes, mutuis litterarum consolationibus, quotiens permittit opportunitas, insistamus. Et omnipotentem Deum assidue deprecemur, ut ipse ecclesiam Africanam, ex longo iam tempore laborantem et diversarum perturbationum fluctibus conquassatam, tandem dignetur respicere, dicentes cum psalmista: *Exurge, quare obdormis, Do-*

a. tibi excidisse videtur. b. an celebrare?

1. Philipp. 2, 15. 2. Ps. 33, 20. 3. Act. 14, 21. 4. Rom. 8, 18.

*mine? Exurge, et ne repellas nos usque in finem. Quare faciem tuam avertis? oblivisceris inopiae nostrae et tribulationis nostrae?*¹ Sept. 15
 Nos autem, sicut debemus, fraternalm tibi per omnia compassionem exhibentes, litteras nostras² clero et populo tuo dirigimus, ut ipsi, omni similitate deposita, te ut spiritualem patrem venerentur. Data Capue 17 Kalendas Octobris, indictione 12.

I 24. *Brunoni episcopo Veronensi respondet, pallium absentis tribui non posse. Quare ad sese accedat. Addit de suo erga Heinricum IV regem amore.*

Gregorius episcopus servus servorum Dei Brunoni episcopo 1073
 Veronensi salutem et apostolicam benedictionem. Sept. 24

Litteris fraternitatis tuae susceptis evidenter intelleximus, quod dispensationem nobis creditam desideres nos in reprehensibili gerere, et religionis tuae preces, nobis et sanctae ecclesiae necessarias, devotissimas Deo fundere. Qua in re aperte monstratur, quanto amore quantaque devotione beatum Petrum veneraris, cum nos, licet indignos obsequiis ecclesiae suae deputatos, tanta dilectione amplecti videaris. Qui enim dominos diligit, in servos quamvis minimos dominorum dilectionem transfundit. Quam utique dilectionem tuam in his, quae a nobis expostulasti, id est in pallii concessione, ad praesens non recompensamus; quia antecessorum nostrorum decrevit auctoritas: nisi praesenti personae pallium non esse concedendum. Unde si fraternitas tua apostolicae sedis privilegiis munita ad nos venerit, honorem, quem Romani pontifices antecessoribus tuis contulerunt, nos tibi Deo concedente conferemus. Sicut enim Romanae ecclesiae debitum honorem impendi a ceteris ecclesiis, ita unicuique ecclesiae proprium ius servare desideramus. Volumus etiam tunc praesentiae tuae ostendere, quam sincero amore regiam salutem diligamus, quantumve circa eius³ honorem et secundum Deum et seulum invigilare desideremus, si ipse Deo debitum honorem studuerit exequi et formam sanctorum regum, omissis puerilibus studiis, sapienter imitari. Data Capue 8 Kalendas Octobris, indictione 12.

1. Ps. 43, 23. 24.

2. ep. 22 supra p. 37.

3. Heinrici IV.

I 25. *Herlembaldo militi Mediolanensi scribit, se Capuae com
morari; de Normannorum dissidio; de Heinrici IV regis
litteris devotione plenis; de Beatricis Mathildisque erga
se fide.*

1073 Sept. 27 Gregorius episcopus servus servorum Dei Herlembaldo Mediolanensi militi salutem et apostolicam benedictionem.

Sciat prudentia tua, nos Deo miserante sanos et laetos non sine magna sanctae ecclesiae utilitate apud Capuam demorari. Nam Normanni, qui ad confusionem et periculum rei publicae et sanctae ecclesiae unum fieri meditabantur, in perturbatione, in qua eos invenimus, nimis obstinate perseverant, nullo modo nisi nobis volentibus pacem habituri. Si enim discretio nostra sanctae ecclesiae utile approbaret, ipsi iam se nobis humiliter subdidissent et, quam solent, reverentiam exhibuissent.

Henricum regem praeterea scias dulcedinis et obedientiae plena nobis verba misisse, et talia, qualia neque ipsum neque antecessores suos recordamur Romanis pontificibus misisse¹. Quidam etiam ex maioribus fidelibus suis promittunt nobis ex parte sui, eum de causa Mediolanensis ecclesiae sine dubio consilio nostro obedire. Quantum enim sibi possimus prodesse vel quantum, si adiutorii manum subtrahimus, obessemus, cito te speramus apertissime cognitum et, Deum nobiscum esse et nobiscum operari, evidenter probaturum. De comitissa Beatrice nullo modo dubitandum putamus, quin ipsa et filia eius Mathildis in his, quae ad Deum pertinent et religionem sanctae ecclesiae, fideliter se erga nos habeant. Tu igitur, omnino confidens in Domino et in matre tua Romana ecclesia, viriliter age, conformatus in Domino et in potentia virtutis eius, sciens, quia quanto vobis gravius^a nunc insurgit perturbationis tempestas, tanto postmodum Deo favente iocundius arridebit serenitas. Data Capue 5 Kalendas Octobris, indictione 12.

a. gravis c.

1. V. Heinrici regis epistolam infra p. 46.

I 26. *Herlembaldo militi Mediolanensi suadet, ut resipiscentes Gotefredi archiepiscopi socios indulgenter habeat. De spe pacis cum Heinrico IV rege ineundae. Monet, cum Gregorio episcopo Vercellensi in gratiam redeat.*

Gregorius episcopus servus servorum Dei Herlembaldo Me- 1073
diolanensi militi salutem et apostolicam benedictionem. Oct. 9

Piae sollicitudinis studio in defensione fidei sanctaeque religionis restauratione donec occupatus fueris, legationes tuas libenter audire teque abunde adiuvare voluntas non deerit. Multiplici quidem vestrae interrogationi, aliis quia intenti sumus, paucis respondere disponimus. De sociis itaque illius excommunicati, qui accepta pecunia ad vos redire volunt; et de filiis quorum patres, aut de patribus quorum filii ipsi Gotefredo¹ anathematizato adhaerent; atque de iis, quorum correctionem sine pecuniae attributione fieri non vultis — erga quos tamen clementes vos existere monemus, si qui vestrae parti se applicare cupiunt — vestrae prudentiae, ut melius scitis et valetis, disponendum committimus. Quicunque autem horum, erroris sui poenitentes, ad nos venire remedii gratia desideraverint, benigne se suscipi atque misericorditer tractari noverint. Episcopos praeterea, inimicum vestrum fulcire conantes, non multum metuatis, cum Beatrix ac filia eius Mathildis, Romanae ecclesiae penitus faventes, cum quibusdam maximis regni proceribus laborent nostrum atque regis animum firmiter unire; contra quem quidem nullum odium neque debemus neque volumus exercere, nisi quod absit divinae religioni contrarius voluerit existere. Quem nimirum regem omnino confidunt voluntati nostrae de ceteris ecclesiasticis negotiis satisfacere, praesertim de vestro nostrae dispositioni assensum præbere. Gregorium Vercellensem denique episcopum, quoquo honesto pacto vales, stude tibi conciliare; quia nostrae ex toto iussioni se profitetur parere. De cetero itaque confortamini in Domino et in potentia virtutis eius, precibus et helemosinis ac puritate cordis indulgentiam illius postulantes, quatenus votum

1. archiepiscopo Mediolanensi.

1073 nostrum ac vestrum ad perfectum perducere dignetur. Data
 Oct. 9 Capue 7 Idus Octobris, indictione 12.

I 27. *Albertum electum Aquensem laudat, quod Gotefredo Mediolanensi non faveat. Monet, Herlembaldum iuvet in simonia destruenda.*

1073 Gregorius episcopus servus servorum Dei Alberto Aquensis
 Oct. 13 ecclesiae electo salutem et apostolicam benedictionem.

Pervenit ad aures nostras, unde aliquantulum de religione tua dubitavimus, te videlicet illius excommunicati Gotefredi interfuisse ordinationi. Sed postquam testimonia eorum, qui nobis verum solent dicere, fideli relatione te excusare studuerunt, non solum de te non dubitavimus, sed ad reparandum Mediolanensis ecclesiae matris tuae honorem zelum te^a habere intelleximus. Qua in re quantum nobis religio tua placeat, evidentibus indiciis probabitur, in quibuscumque Romanae ecclesiae necessitas tua auxilium requisierit. In nullo siquidem magis debitorem sanctum Petrum et nos religio tua potest sibi facere, quam si contra Symonem magum, qui ecclesiam beati Ambrosii venalitatis suae miserabiliter veneno infecit, scuto fidei et galea salutis armatus nobiscum praeliaveris^b; et si Herlebaldo, strenuissimo Christi militi, in his, quae ad Dei cultum et ad religionem sanctae ecclesiae pertinent, manum auxilii praestiteris. Est etiam, quod prudentiam tuam sanctae apostolicae sedi nihilominus commendabit: si ipsam symoniacam heresim, sicut laudabiliter iam coepit, usque quo de ecclesia sua omnino evacuetur, studuerit oppugnare et clericos a turpis vitae conversatione ad castitatis munditiam revocare. Haec itaque sanctitatis studia mens tua cotidie meditetur, quatenus, quod fama de te nobis innotuit, ex operum tuorum consideratione probetur. Age igitur, ut universalis mater sancta Romana ecclesia in te quasi fidelissimo filio consoletur et vinctis catenis mortis liberationis manus porrigitur. Data Capue 3 Idus Octobris, indictione 12.

a. te addidi. b. praelieris c.

I 28. *Guilielmum episcopum Papiensem hortatur, ut Herlembaldo Mediolanensi opem ferat.*

Gregorius episcopus servus servorum Dei Guilielmo Papiensi 1073
episcopo salutem et apostolicam benedictionem. Oct. 13

Litterae fraternitatis tuae nobis directae simulque Herlembaldi Mediolanensis verba evidenter ostendunt, quod tu sanctae apostolicae sedi eam, quam debes, velis obedientiam fideliter exhibere et exhortationibus nostris sicut decet parere. Sed nihil est, quod fraternitati tuae promptius iniungamus, nihil est, quod te libentius facere velimus, quam si ecclesiam tuam gregemque tibi commissum ab heresibus, quae in sancta ecclesia pestifere videntur pululare, pastorali vigilantia studeas defendere, et contra eas omni adnisi totisque viribus, sanctorum patrum munitus auctoritate, ardentius insurgere, et^a clericos a turpis vitae conversatione ad castitatem revocare. Hoc etiam scias te admodum matri tuae Romanae ecclesiae commendabilem facere: si praefato Herlembaldo in his, quae nostro consilio immo omnipotentis Dei timore operatur, manum adiutorii praestiteris et inimicis sanctae ecclesiae, bellum Dei secum praeliaturus, viriliter restiteris. Studeat igitur prudentia tua sic se in huius sollicitudinis partem^b fortem vigilantemque impendere, ut, quod ex promissionibus tuis accepimus, certis rerum executionibus implendum fore probemus. Data Capue 3 Idus Octobris, indictione 12.

I 29. *Iudices Sardiniae ad pietatem in ecclesiam Romanam hortatur. Constantino archiepiscopo Turrensi multa, quae iis referrentur, mandata esse, legatumque brevi missum iri.*

Gregorius episcopus servus servorum Dei Mariano Turrensi, 1073
Orzocco Arborensi, item Orzocco Caralitano, Constantino Callu-
rensi, iudicibus Sardiniae, salutem et apostolicam benedictionem. Oct. 14

Vobis et omnibus, qui Christum venerantur, cognitum est,
quod Romana ecclesia universalis mater sit omnium christiano-
rum. Quae licet ex consideratione officii sui omnium gentium

a. et — revocare addidit manus alia. b. an parte?

1073 saluti debeat invigilare, specialem tamen et quodammodo privatam
 Oct. 14 vobis sollicitudinem oportet eam impendere. Verum quia neglig-
 gentia antecessorum nostrorum caritas illa friguit, quae antiquis
 temporibus inter Romanam ecclesiam et gentem vestram fuit,
 in tantum a nobis plus quam gentes, quae sunt in fine mundi,
 vos extraneos fecistis, quod christiana religio inter vos ad maxi-
 mum detrimentum devenit. Unde multum vobis necessarium est,
 ut de salute animarum vestrarum studiosius admodum cogitetis
 et matrem vestram Romanam ecclesiam sicut legitimi filii re-
 cognoscatis et eam devotionem, quam antiqui parentes vestri sibi
 impenderunt, vos quoque impendatis. Nostri autem desiderii est,
 non solum de liberatione animarum vestrarum curam velle habere
 sed etiam de salvatione patriae vestrae sollicitius invigilare. Unde
 si verba nostra sicut decet devoti receperitis, gloriam et honorem
 in praesenti et in futura vita obtinebitis. Quodsi aliter, quod
 non speramus, feceritis et ad sonum exhortationis nostrae aurem
 debitae obedientiae non inclinaveritis, non nostrae incuriae sed
 vestrae poteritis culpae imputare, si quid periculi patriae vestrae
 contigerit. Cetera, quae de salute et de honore vestro tracta-
 mus, magna ex parte confratri nostro Constantino Turrensi archi-
 episcopo vobis referenda commisimus. At cum legatus noster,
 quem Deo annuente de proximo mittere disponimus, ad vos ve-
 nerit, voluntatem nostram pleniter vobis significabit et, quod
 gloriae et honori vestro condecet, apertius enarrabit. Data Capue
 2 Idus Octobris, inductione 12.

I 29 a. *Heinricus IV rex a Gregorio VII papa indulgentiam pec-
 catorum petit. Obsequium promittit. Rogat, ut ecclesiam
 Mediolanensem in melius mutet^a.*

1073 Vigilantissimo et desiderantissimo domino papae Gregorio
 apostolica dignitate coelitus insignito Heinricus Romanorum Dei
 gratia rex debiti famulatus fidelissimam exhibitionem.

Cum enim^b regnum et sacerdotium, ut in Christo rite ad-
 ministrata subsistant, vicaria sui ope semper indigeant, oportet

a. *Legitur etiam 2) ap. Hugonem Flavin., Mon. Germ. SS. VIII 425.* b. enim *om. 2.*

nimirum, domine mi et pater amantissime, quatinus ab invicem 1073 minime dissentiant, verum potius Christi glutino coniunctissima indissolubiliter sibi cohaereant. Namque sic et non aliter conservatur in vinculo perfectae caritatis et pacis et christianaee concordia unitatis et ecclesiasticae simul status religionis. Sed nos, qui Deo annuente regni aliquamdiu^a iam sortimur ministerium, sacerdotio, ut oportuit, per omnia ius et honorem non exhibuimus legitimum; quippe nobis a Deo date potestatis vindicem non sine causa gladium portavimus, nec tamen in reos, ut iustum fuit, iudiciaria illum semper^b censura evaginavimus. Nunc autem divina miseratione aliquantulum compuncti et in nos reversi, peccata nostra priora^c vestrae indulgentissimae paternitati nos accusando confitemur; sperantes de vobis in Domino, ut, apostolica vestra auctoritate absoluti, iustificari mereamur.

Eheu criminosi nos et infelices, partim pueritiae blandientis instinctione, partim potestativae^d nostrae et imperiosae potentiae libertate, partim etiam eorum, quorum seductiles nimium secuti sumus consilia, seductoria deceptione peccavimus in coelum et coram vobis; et iam digni non sumus vocatione vestrae filiationis. Non solum enim nos res ecclesiasticas invasimus, verum quoque indignis quibuslibet et symoniaco felle amaricatis et non per ostium sed aliunde ingredientibus ecclesias ipsas vendidimus, et non eas ut oportuit defendimus.

At nunc, quia soli absque vestra auctoritate ecclesias corrigerre non possumus, super his, ut etiam de nostris omnibus, vestrum una et^e consilium et auxilium obnixe quaerimus; vestrum studiosissime praeceptum servaturi^f in omnibus. Et nunc in primis pro^g ecclesia Mediolanensi, quae nostra culpa est in errore, rogamus: ut vestra apostolica distinctione canonice corrigatur; et exinde ad caeteras corrigendas auctoritatis vestrae sententia progreediatur. Nos ergo vobis in omnibus Deo volente non defuerimus^h; rogantes id ipsum suppliciter paternitatem vestram, ut nobis alacris adsit clementer in omnibus. Litteras nostrasⁱ

a. om. 2. b. om. 2. c. priores c. et 2. d. potestatis nostrae imperiosa libertate 2. e. et om. 2. f. servabitur 2. g. de 2. h. deerimus 2. i. vestras 2.

1073 non post longum tempus cum fidelissimis nostris habebitis; ex quibus nostra, quae adhuc dicenda restant, Deo dante plenius audietis.

I 30. *Geboardum archiepiscopum Salzburgensem reprehendit, quod nec litteras ad se miserit nec clericos ad castitatem impellat. Huius epistolae latorem commendat.*

1073 Nov. 15 Gregorius episcopus servus servorum Dei Geboardo Salzburgensi episcopo salutem et apostolicam benedictionem.

Si ea in vobis, quam sperabamus, erga nos dilectio flagraret, prius ad nos vestrae quam nostrae ad vos litterae pervenissent; cum id faciendi facilius vobis per plures ad limina apostolorum venientes quam nobis per unum hinc ad vos proficiscentem occasio conferatur. Nos tamen insalutati officium salutationis impendimus et, quam solemus, dilectionis tibi sinceritatem exhibemus. Sed est, unde fraternitatem tuam negligentiae merito argui putamus: quod de castitate clericorum, sicut nobis relatum est, praeceptis Romanae synodi, cui interfueristi, inobediens usque hodie videaris. Qua in re tantum de te admirantes gravius dolemus, quantum te illud sollicitius operari sperabamus. Unde apostolica te auctoritate admonemus, ut clericos tuos, qui turpiter conversantur, pastorali rigore coherceas et, quod Romana ecclesia te^a testante¹ de immunditia clericorum statuit, neque gratiam neque odium alicuius considerans, constanti auctoritate in ecclesia tua praedicando exerceas. Ceterum pro amore sancti Petri, cuius limina praesentium portitor requisivit, studeat religio tua viscera pietatis sibi aperire, in quantum cum salute animae suae videtur tibi posse fragilitati suaee condescendere; quatenus non poeniteat eum tanti itineris laborem subisse, sed gaudeat, quod diu quaesivit, scilicet sancti Petri misericordiam, per nos iuxta votum suum impetrasse. Data Capue 17 Kalendas Decembbris, inductione 12.

a. te addidi.

1. subscrivendo; cfr. supra, ubi sic est: „Romanae synodi, cui interfueristi“.

I 31. *Lanfrancum archiepiscopum Cantuariensem hortatur, ne Balduinum S. Eadmundi abbatem ab Arfasto episcopo Elmhamensi affici iniuriis patiatur; cui ne morem gerat, Guilielmum I regem admoneri vult.*

Gregorius episcopus servus servorum Dei Lanfranco Can-
tuariorum in Anglia archiepiscopo salutem et apostolicam bene-
dictionem. 1073
Nov. 20

Non minima admiratione dignum ducimus, qua fronte, qua mente Arfastum dictum episcopum¹ sanctae Romanae ecclesiae illudere et beatae memoriae Alexandrum praedecessorem nostrum eiusque deereta contempnere patiamini. Prudentiam quippe vestram ad plenum cognoscere nos non latet: sanctam Romanam ecclesiam iure a Deo dato sibi defendere ecclesiarum, sacerdotum, episcoporum consecrationes et, a nullo sumpta licentia, debere et posse celebrare; suis et praebuisse et Deo annuente praebituram firmissimam etiam in hoc defensionem, quia Romam venerint et sedis apostolicae consilium et auxilium petierint. Quibus Arfastus dictus episcopus qua nova audacia resistat, nisi fortasse ista: *Ponam sedem meam ad aquilonem, et ero similis Altissimo*², ignoramus. Ad quid etiam dilectio vestra super his sileat, non nimium miramur. Verum, quia de vobis non aliter quam de nobis dubitamus, fraternitatem vestram confidenter deprecamur, ut vice nostra Arfasti nugas penitus compescatis et sancti Eadmundi abbatem³ contra decretumdecessoris nostri inquietari nullo modo sinatis. Qui etiam, cum eumdem abbatem in presbyterum ordinari Rome fecisset, ipsum et monasterium, cui praestet, in tutelam apostolicae sedis accepit⁴. Unde iniurias illius in nos redundare, dissimulare non possumus; praesertim cum, ad despectum auctoritatis nostrarae eas sibi irrogari, perpendimus. Unde etiam Guilielmum⁵, regem carissimum et unicum filium sanctae Romanae ecclesiae, precibus nostris et vice nostra super

a. abbatem scripti pro abbatiam cod. Cf. quae sequuntur verba haec: eumdem abbatem.

1. Elmhamensem s. Helmamensem. (Cuius episcopatus sedes a. 1075 Theodfordiam, deinde Norvicum translatâ est.) 2. Cf. Isai. 14, 13. 14.

3. Balduinum. 4. 1071 Oct. 27. Regesta pont. Rom. n. 3462. 5. I.

1073 his admonere dilectionem vestram precamur, et ne Arfasti vanis
 Nov. 20 persuasionibus acquiescat; in quo sua singularis prudentia supra
 modum diminuta et contracta ab omnibus cognoscitur. Si vero
 Arfastus^a contra haec recalcitrare abhinc temptaverit, apostolica
 auctoritate sibi et Balduino abbatii praecipite, ut sedem aposto-
 licam ad haec determinanda petant. Data ad Sanctum Germanum
 12 Kalendas Decembris, indictione 12.

I 32. *Araldo episcopo Carnotensi mandat, ut Isimbardum S.
 Launomari abbatem, Hierosolyma reducem, restituat, re-
 moto Guidone.*

1073 Gregorius episcopus servus servorum Dei Araldo Carnoten-
 Nov. 27 sum episcopo salutem et apostolicam benedictionem.

Praesentium portitor Isimbardus, abbas monasterii sancti
 Laodomarii¹, ad apostolicam veniens sedem, nostris questus est
 auribus, se praefatae abbatiae carere obedientia, nulla interve-
 niente culpa, nisi quia, divino succensu amore, perrexit Hiero-
 solimam. A qua dum rediret, invenit quandam abbatem nomine
 Guidonem suae praelatum abbatiae, ut audivimus non simili
 praeditum religione neque ab alio monasterio regulariter sumptum.
 Fraternitas ergo tua studeat pia inquirere sollicitudine et istius
 remotionem et illius ordinationem. Atque si in hoc alia non
 invenitur culpa, nisi profectio ad Hierosolimam quam^b quidem
 ducimus tolerandam, ac sollicitius et religiosius eo valet in regi-
 mine fratrum: iste utique restituatur, ille vero deiciatur. Quodsi
 et iste aliam commisit culpam, quae eum a regimine iuste re-
 moveat, et ille religiosius isto in administratione pervigilat ordi-
 natione eius reperiatur legitima: hunc quidem Isimbardum nobis
 tua fraternitas cum litteris remittat, et ille in suo loco perma-
 neat. Si vero illius promotio symoniaca sorde invenitur foedata,
 tunc siquidem ille sine mora deponatur a regimine fratrum, et
 alter ei regulariter substituatur. Quicquid autem tua religio super
 utriusque causa expleverit, litteris tuis innexum nobis studeat fa-
 cere notum. Data Argenteae 5 Kalendas Decembris, indictione 12.

1. immo Launomari (St. Laumer) d. Carnotensis. a. Arfasto c. b. quod c.

I 33. *Monachis S. Mariae scribit de falsa Alexandri II bulla sibi allata. Ecclesia Dordonensi canonice ordinata, se iis privilegia concessurum. Benedictum abbatem, ut abdicaret, admonitum esse.*

Gregorius episcopus servus servorum Dei fratribus monasterii beatae Mariae, siti in episcopatu Dordonensi¹, salutem et apostolicam benedictionem. 1073 Nov. 28

Veniens ad nostram praesentiam frater Benedictus, quem post obitum patris Uberti religio vestra sibi praeesse elegit in abbatem, detulit nobis quoddam privilegium, quod beatae recordationis praedecessoris nostri Alexandri nomine titulatum inventimus. Quod nimirum ratum non esse, manifestissimis deprehendimus indiciis, corruptione videlicet Latinitatis nec non et diversitate canonicae auctoritatis. Congruenti igitur ratione neque vetus roborare neque nostro nomine novum dignum duximus in praesentiarum componere; quia, quae sunt iusta et pia, postulat ecclesiastica regula. Cum enim Dordonensis ecclesia, cuius parochiae adiacetis, operante superna clementia, canonice fuerit ordinata, tunc quidem comite vita ex consensu eiusdem sedis episcopi proficuae utilitatis privilegium vestrae necessitati providebimus, canonica auctoritate suffultum. Quodsi peccatis exigentibus eadem ecclesia canonice non fuerit ordinata, tunc etiam munimine, quo iuste valebimus, vobis omnino solatiabimur. Quia vero persona vestri electi, licet honestis praedita videatur moribus, ad abbatis tamen officium cum aestate tum etiam corporis infirmitate nobis visa est debilis, utpote quem oportet pro omnibus sollicitudinem gerere, eundem electum monuimus a praelatione desistere, si se invalidum fratrum oportunitatibus perspexerit non posse sufficere; cui tamen, quoad^a praefuerit, in eiusdem religionis tenore perseverantes, in qua vester vos defunctus instituit pater, debitam reverentiam exhibete. Ceteri quoque monachi vestri consocii per cellas, ab eodem vestro patre constructas, ut

a. quod c.

1. Nec monasterium hoc S. Mariae nec totum episcopatum Dordonensem novit Mabilio, qui de Dertonensi episcopatu cogitari vetat in Annal. ord. S. Bened. T. V 60.

1073 vobiscum sint unanimes eidemque vestro abbati reverenter obedientia, auctoritate praecipimus apostolica. Quia epistolare compendium multa, quae fratribus vestris intimavimus, vestrae fraternitati notificare non patitur, quae huic epistolae desunt, praedicti fratres auribus vestris viva voce narrabunt. Data Argenteae 4 Kalendas Decembris, indictione 12.

I 34. *Remedio episcopo Lincolnensi scribit, homicidam quendam non debere sacerdotio fungi; sed aequum esse, suscepta poenitentia eum stipendiis ecclesiasticis non carere. Episcopo peccata condonat.*

1073 Gregorius episcopus servus servorum Dei Remedio Lincolnensi in Anglia episcopo salutem et apostolicam benedictionem. Dec. 2

Latorem praesentium, quem fraternitatis tuae litterae homicidio maculatum nobis denunciaverunt, nulla sanctorum patrum auctoritas concedit ulterius sacris altaribus ministrare; nec nos decet, constitutioni illius quod absit assensum praebendo, canorum statutis contraire^a. Tua tamen religio, si eum pro commisso crimine perspexerit dignum Deo exhibere fructum poenitentiae, hoc sibi misericorditer provideat, ne stipendiis ecclesiasticis careat atque, paupertate pusillanimis factus, divina postponat pracepta. Licet nanque sacerdotium nullo pacto umquam mereatur recipere, dignum tamen est, consequi eum aliquod beneficium ab apostolica sede. Absolutionem praeterea peccatorum tuorum, sicut rogasti, auctoritate principum apostolorum Petri et Pauli fulti quorum vice quamvis indigni fungimur, tibi mittere dignum duximus, si tamen, bonis operibus inhaerendo et commissos excessus plangendo, quantum valueris, corporis tui habitaculum Deo mundum templum exhibueris. Quod autem precatus es, nos tibi iubere, quatinus possis scire, unde nobis serviendo merearis placere, hoc potissimum praecipimus: tuis videlicet iuvari orationibus, ut compotes simul mereamur gaudiis perfrui perennibus. Data Terracine 4 Nonas Decembris, indictione 12.

a. contrahire c.

I 35. *Roclino episcopo Cabilonensi scribit, Philippum I regem promisisse, ab opprimendis ecclesiis se destitutum esse. Quem moneri iubet, ut Landricum electum Matisconensem gratis ordinari concedat. Regi, nisi simoniam abiciat, Francos affectos anathemate non obedituros.*

Gregorius episcopus servus servorum Dei Roclino Cabillo- 1073
nensi episcopo salutem et apostolicam benedictionem.
Dec. 4

Inter ceteros nostri huius temporis principes, qui ecclesiam Dei perversa cupiditate venundando dissiparunt et matrem suam, cui ex dominico praecepto honorem et reverentiam debuerant, ancillari subiectione penitus conculcarunt, Philippum¹ regem Francorum Gallicanas ecclesias in tantum oppressisse certa relatione didicimus, ut ad summum tam detestandi huius facinoris cumulum pervenisse videatur. Quam rem de regno illo tanto profecto tulimus molestius, quanto et prudentia et religione et viribus noscitur fuisse potentius et erga Romanam ecclesiam multo devotius. Et nos quidem tam generalis nostrae cura sollicitudinis quam ipsarum destructio ecclesiarum vehementer accenderat, ut in tam audaces sanctae religionis excessus severius animadvertere deberemus. Sed quoniam anteactis diebus per familiarem suum, cubicularium videlicet Albericum, ad nostri censuram iudicii et vitam corrigere et ecclesias ordinare firmiter nobis respondit, rigorem canonicum interim exerere distulimus. Huius ergo promissionis fidem in Matisconensi ecclesia, pastoris regimine diu desolata et ad nihil pene redacta, in primis volumus experiri: ut scilicet Augustudunensem archidiaconum², unanimi cleri et populi consensu, ipsius etiam ut audivimus regis assensu electum, episcopatus dono gratis ut decet concesso, ecclesiae praefici patiatur. Quod si facere noluerit, indubitanter noverit, nos hanc ecclesiae ruinam nequaquam diutius toleraturos et ex auctoritate beatorum apostolorum Petri et Pauli duram inobedientiae contumaciam canonica austeritate cohercituros. Nam aut rex ipse, repudiato turpi symoniaca heresis mercimonio, idoneas ad sacrum regimen personas promoveri permittet, aut Franci pro

1. I. 2. Landricum.

1073 certo, nisi fidem christianam abicere maluerint, generalis anathema
 Dec. 4 matis mucerone percussi, illi ulterius obtemperare recusabunt.
 Haec ideo, frater karissime, vigilantiae tuae intimare curavimus,
 quatinus ea praedicto regi insinuare et exhortando et rogando
 modisque omnibus inculcare studeat, ut et praefatam Matisconensem
 aliasque ecclesias canonice concedat ordinari. Tibi ergo
 maxime haec idcirco iniungimus, quia prudentiam tuam magnam
 esse et regia familiaritate uti cognovimus. Si qua autem, quae
 dicenda erant, a nobis praetermissa sunt, haec ingenii tui acumen
 iniungat. Itaque in hac persecutione labora, ut et Dei gratiam
 et nostram benevolentiam promerearis. Data Piperni¹ 2 Nonas
 Decembris, indictione 12.

I 36. *Humberto archiepiscopo Lugdunensi de superiore epistola significat. Mandat, ut Landricum electum Matisconensem, licet vel ipse vel rex obloquatur, consecrari cogat.*

1073 Gregorius episcopus servus servorum Dei Humberto Lugdu
 Dec. 4 nensi archiepiscopo salutem et apostolicam benedictionem.

Clamor Matisconensium clericorum pervenit ad nos, ecclesiam suam, iam multo tempore pastore viduatam, detrimentum non modicum sustinere. Dicunt enim, regem Francorum electionem, suo consensu factam, velle impedire. Unde, quia ipse in praesenti anno per quemdam militem suum nomine Albericum Romam venientem se consilio nostro omnino acquiescere promisit, studuimus confratri nostro Roclico Cabilonensi episcopo nostras dirigere litteras: ut ipse, nostra functus legatione, praefatum regem conveniat, quatenus ipse, oblatae nobis memor promissionis suaee, electionem Matisconensem non solum non impedit sed eum^a quem debet assensum praebeat. Qui si, in duritia sua permanens, neque necessitatibus huius ecclesiae compati neque exhortationi nostrae parere voluerit, praecipimus apostolica auctoritate, ut fraternitas tua neque pro odio neque gratia alicuius dimittat, quin electum ab eis Augustodunensem Landricum archi-

a. an etiam ei?

1. Piperno, a Terracina ad septentriones (Privernum vetus).

diaconum episcopum seu per te seu per suffraganeos tuos ordi- 1073
nare studeat; si tamen auctoritas sanctorum patrum probatur Dec. 4
sibi non obviare.. Si vero ipse hunc ordinem suscipere renuerit
et inflexiblem se exhibuerit, volumus, ut cum episcopo suo¹ vim
sibi inferas eumque ad recipiendum episcopalem ordinem vigi-
lanti studio atque pastorali rigore constringas. Quodsi frater-
nitas tua in hac causa negligens fuerit, procul dubio tu motum
apostolicae sedis incurres; et ipse, si ad nos venerit, Deo con-
sentiente a nobis ordinabitur. Data Piperni 2 Nonas Decembbris,
indictione 12.

I 37. *Adilasiam comitissam Taurinensem monet, ut Fructua-
riensis et Clusini monasteriorum protectionem suscipiat.*

Gregorius episcopus servus servorum Dei Adilasiae comi- 1073
tissae² salutem et apostolicam benedictionem. Dec. 7

Quamquam noverim, te sacris locis et eorum religiosis habi-
tatoribus spontanea voluntate ferre subsidium, exhortari te tamen
et admonere curavi, ut in maius meliusque excrescas et, quod
ultro facere consuesti, nostro praecepto et beati Petri auctoritate
iam studiosius exequaris. Ad hoc enim tibi a Domino et honoris
dignitas et potentiae amplitudo concessa est, ut in suo suorumque
servitio expendatur, et tu, eis carnalia tua libenter impertiens,
de spiritualibus eorum participium merearis. Quam ob rem curae
tuae et defensioni Fructuariense coenobium³ et eiusdem congrega-
tionis fratres attentius commendamus, ut eis et opem consilii
et praesidii firmamentum contra omnia infestantium gravamina
impendere studeas^a, ut et pro salute animae tuae orationes eo-
rum apud Deum fructifcent. Pari quoque modo Clusini⁴ mona-
sterii abbatem⁵ et ipsius cenobii res vigilantiae tuae tuendas ac
protegendas committimus, quem sub gravi tribulationum fasce
laborare audivimus. Neque te a bone intentionis incepto ali-
cuius gratia aut praemium deflectat, quia qui perseveraverit in

a. studeatis c.

1. Aganone episcopo Augustodunensi. 2. Taurinensi. 3. d. Ipo-
rediensis. 4. S. Michaelis Clusini, a Taurino ad occidentem. 5. Bene-
dictum II, cuius vita legitur in Mon. hist. patr. III 274—299.

1073 finem salvus erit¹. Haec tibi, filia karissima, paucis inculcare
 Dec. 7 et iniungere statuimus, ut ad boni operis executionem te promptiorem redderemus et ut dicitur currentem incitaremus: quatinus, Deo devota et bonis actibus et Dei servorum protectioni invigilans, illam promittentis Domini mercedem valeas adipisci: *Qui recipit prophetam in nomine prophetae, mercedem prophetae accipiet; et qui recipit iustum in nomine iusti, mercedem iusti accipiet*². Data Setiae³ 7 Idus Decembbris, indictione 12.

I 38. *Wratzlao II duci Bohemiae asserit usum mitrae, ab Alexandro II concessum. Negotia a legatis suis non confecta curae sibi fore.*

1073 Gregorius episcopus servus servorum Dei Wratzlao⁴ duci
 Dec. 17 Boemiae salutem et apostolicam benedictionem.

Longa iam temporis intervalla transacta sunt, ex quo et nobilitas tua beato Petro apostolorum principi non modicae devotionis animum sposondit et studium, et tibi in apostolica sede inter ceteros principes larga benignitas, prae multis etiam singularis et egregia fuit astricta caritas. Cuius rei fidem et indicium ex benevolentia domini et antecessoris nostri Alexandri papae satis perceperisse potes, qui petitionibus tuis non unquam sine sua et filiorum sanctae Romanae ecclesiae sollicitudine et labore condescendit, et ad signum intimae dilectionis, quod laicæ personae tribui non consuevit, mitram quam postulasti direxit. Neque vero nos in nostris temporibus tantæ dilectionis gratiam providente Deo labefactari volumus; immo si quid est, in quo comitante iustitia firmius conglutinari valeat, hoc nostra apud Deum sollicitudo impetrare valde desiderat. At te quidem, erga apostolicam reverentiam quam sis in votis constans, quam in promissis perseverans, non modo pro dignitate verum etiam pro salute tua fideliter oportet attendere; scriptum est enim: *Vovete, et reddite*⁵. Quae autem illa⁶ vel qualia sint, a tui ipsius conscientia satis te commonitum esse putamus. Causas vero et

1. Matth. 10, 22. 2. Matth. 10, 41. 3. Sezze, a Signia ad meridiem. 4. II. 5. Ps. 75, 12. 6. promissa.

negocia, quae, in partibus illis ad audientiam discussionemque
 legatorum nostrorum¹ perlata, peccatis impedientibus congrua
 determinatione diffiniri non poterant, sicut officii nostri cura ne-
 mine nos rogante compellit, ad eum quem iustitia postulaverit
 finem adiuvante Domino perducere procurabimus. Porro quae
 ipsi inde statuerunt, interim, donec ad nos negocia perferantur,
 immota manere volumus atque apostolica auctoritate praecipimus.
 Deus autem omnipotens, qui bonorum omnium dator et auctor
 est, talem vos in votis vestris et actibus esse faciat, ut, cum ante
 caelestes iudices, videlicet Petrum et Paulum, in futuro examine
 veneritis, nulla vos in illorum oculis, nisi quae remuneratione
 digna sit, conscientia denotare et ostentare valeat. Data Rome
 16 Kalendas Ianuarii, inductione 12.

I 39. *Wozelino archiepiscopo Magdeburgensi ceterisque Saxoniae principibus adversus Heinricum IV regem bellantibus significat, admonitum regem esse, ut, donec legati sui advenirent, armis discederet. Indutias ut conservent, hortatur.*

Gregorius episcopus servus servorum Dei Wozelino Mag- 1073
 deburgensi archiepiscopo, Burchardo² Halbestetensi episcopo et Dec. 20
 Tezoni marchioni³ ceterisque Saxoniae principibus salutem et
 apostolicam benedictionem.

Quanta violentia quantaque fratrum impulsione universalis ecclesiae, multis perturbationum fluctibus concussae et pene quasi quodam naufragio periclitatae, onus et regimen suspicere sim coactus, occultum vobis et inauditum esse non credimus. Testis enim mihi est conscientia mea, quam imparem me tanto ponderi iudicaverim et quanta sollicitudine nomen apostolicae dignitatis evitare concupiverim. Sed quoniam via hominis non in manu eius sed illius est dispositione, a quo gressus hominum diriguntur⁴, impossibile mihi fuit, contra divinam voluntatem concepta vota defendere. Unde mihi sollicite vigilandum atque pensandum est, qualiter ea, quae ad profectum ecclesiasticeae religionis et

1. Bernardi et Gregorii. V. ep. 17 supra p. 29. 2. II. 3. Lusatiae. 4. Ps. 36, 23.

1073 salutem dominici gregis attinent, adiuvante Deo annunciare et
 Dec. 20 fideliter administrare valeam; urgente me piae omnibus tum eo
 timore, ne susceptae me apud supernum iudicem negligentia
 dispensationis accuset, tum debito amore apostolorum principis,
 qui me ab infantia mea sub aliis suis singulari quadam pietate
 nutrivit et in gremio sua clementiae fovit. Verum inter ce-
 teras curarum anxietates ea nos maxime sollicitudo coartat, quod
 inter vos et Henricum regem, vestrum videlicet dominum, tan-
 tam discordiam et tam inimica studia exhorta esse cognovimus,
 ut exinde multa homicidia incendia depraedationes ecclesiarum
 et pauperum ac miserabilem patriae vastitatem fieri audiamus.
 Qua de re regi misimus, exhortantes et ex parte apostolorum
 Petri et Pauli eum admonentes, ut interim sese ab armis et omni
 bellorum infestatione contineat, donec tales ad eum ab apostolica
 sede nuncios dirigamus, qui tantae dissensionis causas et dili-
 genter inquirere et annuente Deo ad pacem et concordiam aequa
 valeant determinatione perducere. Atque itidem vos exoratos et
 apostolica auctoritate commonitos esse volumus, ut, ex vestra
 parte omni motione sopita, easdem pacis inducias observetis nec
 aliqua occasione nobis cum Dei adiutorio adstruendae pacis im-
 pedimentum opponatis. Cum etenim, ut scitis, nobis mentiri,
 sacrilegium, deserere iustitiam, animae sit naufragium: neminem
 vestrum dubitare volumus, quin super hac re, veritate discussa,
 quicquid aequum videbitur, providente Deo decernere et stabili-
 pactione studeamus efficere; et quamcunque partem iniurias et
 conculcatae iustitiae violentiam pati cognoverimus, illi procul
 dubio, omni timore et respectu personalis gratiae posthabito,
 favorem et apostolicae auctoritatis praesidia conferremus. Data
 Romae 13 Kalendas Ianuarii, indictione 12.

I 40. *Mathildim, ut una cum matre Beatrice Romanam veniat,
 hortatur.*

1074 Gregorius episcopus servus servorum Dei Mathildi egregiae
 Ian. 3 indolis puellae salutem et apostolicam benedictionem.

Quia serenitatis vestrae litterae, apostolicae sedi directae,

eamdem testatae sunt dilectionem principi apostolorum beatissimo Petro bonitatem tuam promptam esse exhibere, quam Iesu Christo domino nostro vas electionis sanctus Paulus coapostolus eius usque ad mortem ferventissimo amore studuit conservare, gaudii repleti immensitate, omnipotenti Deo quas possumus reddimus grates. Sed noverit prudentia vestra, honestis inceptis religiosis que inchoationibus opus esse honestiori perseverantia atque Deo opitulante religiosissima consummatione. Quapropter, si contigerit gloriosam matrem vestram¹ hoc tempore Romam redire, toto corde admonemus immo rogamus claritatem vestram, ad visitationem apostolorum cum eadem venire, nisi forte aliquid instet, quod vos non praetermittenda necessitate detineat. Praeterea litteris, quas 4 Kalendas Ianuarias nomine vestro suscepimus, quod nobis visum est congruum, iam per nostrorum apicum legationem respondisse confidimus. Omnipotentis Dei misericordia, qui fideles suos iugiter circundat et protegit, assidua vos benignitate dignetur custodire atque post huius vitae cursum animam tuam ethereo regno componere. Data Romae 3 Nonas Ianuarias, 1074
indictione 12.

Jan. 3

1073
Dec. 29

Jan. 3

I 41. *Orzocoris iudicis Caralitani Romam veniendi consilium laudat. Monet, ut de causa, per Constantinum archiepiscopum Turrensem ei mandata, cum ceteris Sardiniae iudicibus colloquatur sibique celeriter significet. Se ius S. Petri exsecuturum esse.*

Gregorius episcopus servus servorum Dei Orzocor iudici Caralitano Sardiniae provinciae salutem et apostolicam benedictionem.

Jan. 16

Litteras tuas accepimus, in quibus, te ad nos velle venire, continebatur. Nobis itaque placet, ut venias; et cum omni securitate, postquam ad litus nostrum veneris, eundo et redeundo per fines terrae nostrae te migrare posse, nullatenus tibi dubitandum esse scias. Preterea admonemus prudentiam tuam, ut de causa, quam per archiepiscopum Constantinum Turrensem,

1. Beatricem.

1074 hoc in anno a nobis Capuae consecratum, tibi mandavimus¹, cum
 Ian. 16 caeteris Sardiniae iudicibus loquaris. Et firmiter inter vos com-
 municato consilio, quicquid vobis inde cordi et animo sit, celeri
 nobis responsione notificate; scientes, quoniam, nisi in hoc anno
 certa nobis super hac re ratione respondeatis, nec amplius vestra
 responsa queremus nec tamen ulterius ius et honorem sancti
 Petri irrequisitum relinquemus. Data Rome 17 Kalendas Fe-
 bruario, inductione 12.

I 42. *Sicardum patriarcham Aquileiensem eiusque suffraganeos
 ad concilium invitat.*

1074 Gregorius episcopus servus servorum Dei Sicardo Aquile-
 Ian. 24 giensi fratri et coepiscopo salutem et apostolicam benedictionem.

Non ignorare credimus prudentiam tuam, quantis pertur-
 bationum fluctibus ecclesia sit usquequaque concussa et pene de-
 solationis suaे calamitatibus naufraga et submersa sit facta.
 Rectores enim et principes huius mundi, singuli quaerentes quae
 sua sunt non quae Iesu Christi², omni reverentia conculcata, quasi
 vilem ancillam^a opprimunt eamque confundere, dum cupiditates
 suas explere valeant, nullatenus pertimescant. Sacerdotes autem
 et qui regimen ecclesiae accepisse videntur, legem Dei fere pen-
 nitus postponentes et officii sui debitum Deo et commissis sibi
 ovibus subtrahentes, per ecclesiasticas dignitates ad mundanam
 tantum nituntur gloriam et, quae speciali dispensatione multorum
 utilitatibus et saluti proficere debuissent, ea aut negligunt aut
 infeliciter in pompa superbiae et superfluis sumptibus consumunt.
 Inter haec populus, nullo praelatorum moderamine nullisque man-
 datorum frenis in viam iustitiae directus, immo eorum qui pre-
 sent exemplo quaecunque noxia et quae christianae religioni
 sunt contraria edoctus, ad omnia pene quae nefaria sunt proni
 et studio corruentes, christianum nomen non dico absque operum
 observantia sed pene absque fidei religione gerunt. Qua-
 propter, confidentes in misericordia Dei, concilium in prima

a. ecclesiam excidisse videtur.

1. v. ep. 29 supra p. 45. 2. Philipp. 2, 21.

ebdomada quadragesimae¹ adunare disposuimus: quatenus huic ¹⁰⁷⁴
 tanto periculo, suffragante divina clementia, cum communi con-^{Ian. 24}
 silio^a fratrum aliquod solatium et remedium invenire valeamus,
 ne nostris temporibus irreparabilem ecclesiae ruinam destructio-
 nemque videamus. Ideoque et vestram fraternitatem rogamus
 et ex parte beati Petri apostolorum principis admonemus, ut in
 praelibato termino vestram nobis praesentiam exhibeatis, convo-
 catis una vobiscum tum per haec nostra tum per vestra scripta
 vestris suffraganeis episcopis; ut tanto tutius tantoque firmius
 ad subsidium ecclesiasticae libertatis et religionis accingamur,
 quanto uberius atque vicinus consiliis vestrae prudentiae aliorum-
 que confratrum frequentia et provida consultatione circumdamur.
 Data Romae 9 Kalendas Februarias, indictione 12.

I 43. *Ecclesiae Mediolanensis suffraganeos et Longobardiae ab-
 bates ad concilium venire iubet.*

Gregorius episcopus servus servorum Dei omnibus episcopis ¹⁰⁷⁴
 Mediolanensis ecclesiae suffraganeis, videlicet Brixensi², Cremo-^{Ian. 25}
 nensi, Bergamensi³, Laudensi, Novariensi⁴, Yporegiensi, Tauri-
 nensi⁵, Albensi, Astensi, Aquensi⁶, Terdonensi⁷ et ceteris, quibusdam
 salutem et apostolicam benedictionem, quibusdam pro meritis.

Non incognitum vobis esse credimus, in Romana ecclesia
 iam dudum constitutum esse, ut per singulos annos ad decorum
 et utilitatem sanctae ecclesiae generale concilium apud sedem
 apostolicam sit tenendum. Nos itaque, huius celebritatis hoc in
 tempore causam valde necessariam considerantes, in prima ebdo-
 mada quadragesimae⁸ synodus annuente Deo Romae celebrare
 disposuimus. Ad quam omnes vos^b et apostolica auctoritate praes-
 entiam vestram exhibere commonemus atque praecipimus; quatenus
 una vobiscum et cum alia frequentia vestri ordinis officii
 nostri debitam sollicitudinem in divinis et ecclesiasticis causis,
 suffragante superna clementia, commode ac reverenter exercere

a. concilio c. b. invitamus *excidisse videtur. Cf. Lib. II ep. 1 infra.*

1. Mart. 9—15. 2. Odelrico. 3. Attoni. 4. Oddoni II.
 5. Cuniberto. 6. Alberto. 7. Petro. 8. Mart. 9—15.

1074 valeamus. Intueri autem et diligenter vos oportet attendere, quoniam, quicunque miles domino suo in praelium^a properanti^b se subtraxerit, non modo gratiam sibi labefactare sed accepti beneficii commodum merito sibi corruisse dinoscitur. Hoc igitur exemplo appareat, qui ex vobis immo quam omnes sitis fideles Christi milites; et ad divina agmina tam prompta voluntate et studio vos conferre studete, ut post adeptam in Christo victoriā pariter vobis et de virtute factorum et abundantia praeiorum gloriari liceat. Sub eadem etiam auctoritate et determinatione omnes abbates Longobardie ad praefatum concilium invitamus, nullamque in hac oboedientia ficticiam excusationem praetendere admonemus atque praecipimus. Data Romae 8 Kalendas Februarii, indictione 12.

I 44. *Ieromiro episcopo Pragensi significat, Wratzlao II duci quid mandaverit. Die 13 Aprilis Romae eum esse iubet et episcopatus Moravensis possessiones interim tangi vetat.*

1074 Gregorius episcopus servus servorum Dei Ieromiro Bragensi
Jan. 31 episcopo.

Quamquam inoboedientia tua et culpa, quam in contemptu legatorum sanctae Romanae ecclesiae perpetrasti, preces tuas, te absente et nondum parato satisfacere, recipi non meruerit; tamen, ne ex apostolica licet iusta districione absentationis tuae moram vel occasionem diutius defendere possis, necessitatem, qua te urgeri in epistola tua conquestus es, et impedimentum ad nos veniendi removere decrevimus. Itaque praesenti auctoritate tibi restituimus et tenenda concedimus, quaecunque a legatis nostris, Bernardo videlicet et Gregorio, praeter episcopale officium tibi interdicta sunt; quoniam te, expoliatum rebus ecclesiae tuae, inopia rerum necessiarum obedientiam debitae satisfactionis non posse exequi, sicut supra diximus, conquerendo excusas. Atque hoc idem fratri tuo Wratzlao¹ duci per epistolam nostram notificavimus, admonentes eum, ut de consuetis decimis et redditibus ecclesiae tuae nihil in potestate sua tibi denegari patiatur aut

subtrahi. Ammonemus igitur et ex parte apostolorum Petri et ¹⁰⁷⁴
 Ian. 31 Pauli et nostra per eos apostolica tibi auctoritate praecipimus,
 ut, nullis excusationibus absentiam tuam ulterius defendens, in
 ramis palmarum¹ apostolica adire limina non praetermittas;
 cognoscens, fratrem tuum a nobis esse commonitum: ut Iohannem
 Moravensem episcopum itidem ad nos venire commoneat et ex
 sua parte tales ad nos nuncios dirigat, quibus in nostra possi-
 mus examinatione diffinire dissensionum^a causas. Interim vero
 de possessionibus Moravensis episcopatus nihil te tangere volu-
 mus et praecipimus, ne et ipse aliqua molestiarum excusatione
 praesentiam suam conspectui nostro subtrahat. Prescriptum
 vero terminum adventus tui tu ipse ita mature fratri tuo duci
 indicare curato, ut Moravensem episcopum et suos legatos una
 tecum ad apostolicam sedem dirigere possit. Data Romae 2 Ka-
 lendas Februarii, indictione 12.

I 45. *Wratizlao II duci Bohemiae mandat, ut Ieromiro episcopo
 Pragensi, Romam vocato, omnia per legatos apostolicos
 adempta restituat. Monet, ut cum eodem Romam vel ipse
 adeat vel episcopum Moravensem legatosque mittat.*

Gregorius episcopus servus servorum Dei Wratizlao² duci ¹⁰⁷⁴
 Ian. 31 Boemiorum salutem et apostolicam benedictionem.

Frater tuus Ieromirus Bragensis episcopus conqueritur, se,
 expoliatum ecclesiae sua rebus, inopia rerum necessiarium
 pro reddenda ratione eorum, quae sibi intenduntur, ad aposto-
 licam sedem venire non posse. Quod quamquam eius inobe-
 dientia et tergiversatio valde promeruerit, tamen, ne hanc ab-
 sentationis sua occasionem praetendere possit, volumus atque
 praecipimus, ut in integrum sibi restituantur, quaecunque a
 legatis nostris, Bernardo videlicet et Gregorio, praeter episcopale
 officium interdicta sunt, et praeter ea, pro quibus Iohannes Mo-
 ravensis super eum clamat episcopus. Qua in re tuam maxime
 admonemus prudentiam, ut de consuetis decimis vel redditibus

a. dissensionum causas addidit manus alia.

1. Apr. 13. 2. II.

1074 ecclesiae nihil ei in tua potestate denegari patiaris aut subtrahi,
 Ian. 31 nec aliquam sibi contrarietatem facias, per quam, ut ad nos
 venire non possit, impedimenta sibi obsistere iterum conque-
 ratur. Eo autem tempore, quo ipse, sicut per epistolam nostram
 commonitus est, apostolicam sedem adire debuerit, te quoque,
 si fieri posset, praesentem fore maxime cuperemus. Quod si
 rerum aut temporum eventus prohibuerit, nobilitatem vestram
 multum admonemus, ut episcopum Moravensem praesentiam suam
 nobis exhibere commoneatis, et praeterea de vestris fidelibus tales
 ad nos nuntios dirigatis, cum quibus rerum veritate solerti in-
 dagatione perquisita et undique explorata, favente divina clem-
 entia omnes dissensionum causas abscidere et, quidquid aequum
 fuerit, determinata sententia statuere valeamus. Data Rome
 2 Kalendas Februarii, inductione 12.

I 46. *Guilielmum I comitem Burgundiae monet, ut ecclesiae
 Romanae auxilio veniat aliosque ad idem faciendum hor-
 tetur. Pacatis Normannis, subveniri Constantinopolitanis
 contra Saracenos cupit.*

1074 Gregorius episcopus servus servorum Dei Guilielmo¹ Burgun-
 Febr. 2 dionum comiti salutem et apostolicam benedictionem.

Meminisse valet prudentia vestra, quam larga affluentia dilectionis Romana ecclesia valentiam vestram iam dudum recepit et quam speciali caritate vestram familiaritatem dilexit. Neque enim se condecet oblivisci promissionis, qua Deo se ante corpus apostolorum principis Petri — praesente venerabili antecessore nostro Alexandro papa et episcopis abbatibus plurimis atque diversarum gentium multitudine quarum non est numerus — obligavit: ut, quacumque hora necesse fuisset, vestra manus ad dimicandum pro defensione rerum sancti Petri non deesset, si quidem requisita fuisset. Unde, memores nobilitatis vestrae fidei, rogamus et admonemus strenuitatis vestrae prudentiam: quatenus prae paretis vestrae militiae fortitudinem ad succurrendum Romanae ecclesiae libertati, scilicet, si necesse fuerit, veniatis hue

cum exercitu vestro in servitio sancti Petri. Et hoc idem ro-
 gamus vos monere comitem Sancti Egidii¹ et sacerdotem Riccardi
 Capuani principis et Amideum² filium Adeleite³ caeterosque, quos
 cognoscitis sancti Petri esse fideles et qui similiter manibus ad
 coelum extensis promisere. Si quid vero certae responsionis
 prudentiae vestrae nobis placet remittere, per eum nuncium nobis
 mandate, qui modis omnibus nos reddat indubios; et idem vester
 nuncius veniat per comitissam Beatricem, quae cum filia⁴ et
 genero⁵ in hoc negotio laborare procurat. Hanc autem militum
 multitudinem non ideo coacervare curamus, ut ad effusionem
 sanguinis christianorum intendamus, sed ut ipsi, videntes ex-
 peditionem, dum configere timuerint, facilius subdantur justitiae.
 Speramus etiam, quod forsitan alia inde utilitas oriatur: scilicet
 ut, pacatis Normannis, transeamus Constantinopolim in adiutori-
 um christianorum, qui, nimium afflicti creberrimis morsibus
 Saracenorum, inianter flagitant, ut sibi manum nostri^a auxilii
 porrigamus. Nam contra eos Normannos, qui nobis rebelles
 sunt, satis sufficiunt milites isti, qui nobiscum sunt. Certus enim
 esto, quoniam te et omnes, qui tecum in hac expeditione fuerint
 fatigati, dupli immo multiplici remunerazione, ut credimus,
 Petrus et Paulus principes apostolorum donabunt. Data Romae
 4 Nonas Februarii, indictione 12.

I 47. *Mathildem hortatur, ut eucharistiam frequenter sumat to-*
tamque se S. Mariae committat^b.

Gregorius episcopus servus servorum Dei^c dilectae in Christo 1074
 filiae Mathildi salutem et apostolicam benedictionem. Febr. 16

Quanta sit mihi cura quantaque incessanter de te tuaque
 salute^d sollicitudo, ipse solus, qui cordis archana rimatur, intel-
 ligit et multo melius me ipso cognoscit^e. Tu tamen, si pensare

a. vestri c. b. Legitur etiam 2) ap. Udalricum Babenberg. n. 157, Eccardi Corp. hist. II 166, 3) aliqua ex parte ap. Hugonem Flaviniac., Mon. Germ. SS. VIII 462.
 c. Christi 2. d. re 2. e. agnoscit 2.

1. Raimundum, postea IV comitem Tolosanum. 2. II comitem Sa-
 baudiae. 3. comitissae Taurinensis. 4. Mathildi. 5. Gotefrido
 Gibboso, duce Lotharingiae inferioris.

1074 non negligis, ut reor animadvertis^a, quia pro tantis tui curam
 Febr. 16 me oportet habere, pro quantis te caritatis studio^b detinui, ne
 illos desereres, ut tuae solius animae saluti^c provideres^d. Car-
 ritas enim^e, ut saepe dixi et dicam, sequens coelestem tubam^f,
 non quae sua sunt quaerit. Sed quia inter cetera, quae tibi
 contra principem mundi arma Deo favente contuli, quod potis-
 simum est, ut corpus dominicum frequenter acciperes, indicavi
 et, ut certae fiduciae matris Domini te omnino committeres,
 praecepi, quid inde^f beatus Ambrosius, videlicet de sumendo
 corpore Domini, senserit, his in litteris intimavi. Ait enim^g in
 libro quarto de sacramentis^h inter cetera: *Si mortem Domini
 annunciamus, annunciamus remissionem peccatorum. Si, quoties-
 cunque effunditur sanguis Domini, in remissionem peccatorum
 funditur, debeo illum semper accipere, ut semper mihi peccata
 dimittantur. Qui semper pecco, semper debeo habere medicinam.*
 Item ipse Ambrosius in libro quinto de sacramentisⁱ: *Si coti-
 dianus est panis, cur post annum illum sumas, quemadmodum
 Graeci in Oriente consuerunt facere? Accipe cotidie, quod co-
 tidie tibi prosit; sic vive, ut cotidie merearis accipere. Qui non
 meretur cotidie accipere, non meretur post annum accipere; quo-
 modo Iob sanctus pro filiis suis offerebat cotidie sacrificium, ne
 forte aliquid vel in corde vel in sermone peccassent. Ergo tu
 audis, quod, quotiescunque offertur sacrificium, mors Domini,
 resurrectio Domini significetur et remissio peccatorum. Et panem
 istum vitae cotidianum non assumis? Qui vulnus habet, medi-
 cinam requirit. Vulnus est, quia sub peccato sumus; medicina
 est coeleste et venerabile sacramentum. Item Gregorius papa in
 libro quarto dialogorum^j: *Debemus itaque praeiens saeculum,
 vel quia iam conspicimus defluxisse, tota mente contemnere, quo-
 tidiana Deo lacrimarum sacrificia, quotidianas carnis eius et
 sanguinis hostias immolare. Haec nanque singulariter victima**

a. animadvertes 3. b. studiis 3. c. om. 2. 3. d. invigilares 3.

e. igitur 2. f. beatus Gregorius vel add. 2.

1. Philipp. 2, 21. 2. lib. IV c. 6, 28. Opp. ed. Benedict. Parisiis
 1690, T. II p. 372. 3. lib. V c. 4, 25. l. l. p. 378. 4. lib. IV c. 58.
 Opp. ed. Benedict. Parisiis 1705, T. II p. 472.

ab aeterno interitu animam salvat, quae illam nobis mortem unigeniti per mysterium reparat. Qui^a licet, surgens a mortuis, iam non moritur et mors ei ultra non dominabitur, tamen in se ipso immortaliter atque incorruptibiliter vivens, pro nobis iterum in hoc mysterio sacrae oblationis immolatur; eius quippe ibi corpus sumitur, eius caro in populi salutem^b partitur, eius sanguis non iam in manus infidelium, sed in ora fidelium funditur. Hinc ergo pensemus, quale sit pro nobis hoc sacrificium, quod pro absolutione nostra passionem unigeniti filii semper imitatur. Quis enim fidelium habere dubium possit, in ipsa immolationis hora ad sacerdotis vocem coelos aperiri, in illo Iesu Christi mysterio angelorum choros adesse, summis ima sociari, terrena coelestibus iungi, unumque^c ex visibilibus atque invisibilibus fieri? Item Iohannes Grisostomus patriarcha ad neophyto^{tos}¹: *Videte, quemadmodum sponsam sibi Christus coniunxit; videte, quo vos cibo satietatis enutrit. Ipse nobis cibi substantia est atque nutrimentum. Nam sicut mulier, affectionis natura cogente, genitum alere sui lactis foecunditate festinat, sic et Christus, quos ipse regenerat, suo sanguine semper enutrit.* Etenim, ut idem Iohannes scribit ad Theodorum monachum², *lubricum genus est natura mortalibus; cito quidem labitur, sed non sero reparatur, et ut facile cadit, ita et velociter surgit.* Debemus, o filia, ad hoc singulare configere sacramentum, singulare appetere medicamentum. Haec ideo, karissima^d beati Petri filia, scribere procuravi, ut fides ac fiducia in accipiendo corpus Domini maior tibi accrescat. Talem quidem thesaurum taliaque dona, non aurum, non lapides preciosos, amore patris tui, coelorum vide-licet principis, a me tua requirit anima, licet ab aliis sacerdotibus longe meliora pro meritis accipere possis. De matre vero Domini — cui te principaliter commisi et committo et nunquam committere, quousque illam videamus ut cupimus, omittam — quid tibi dicam, quam coelum et terra laudare, licet ut meretur nequeant, non cessant? Hoc tamen procul dubio teneas, quia,

a. quod c. b. salute c. c. unum quid c. d. dilectissima 2.

1. S. Chrysostomi opp. ed. Parisiis 1588, T. V 621. 2. 1. 1. 859. 860.

1074 Febr. 16 quanto altior et melior ac sanctior est omni matre, tanto clementior et dulcior circa conversos peccatores et peccatrices. Pone itaque finem in voluntate peccandi et, prostrata coram illa, ex corde contrito et humiliato lacrimas effunde. Invenies illam, indubitanter promitto, promptiorem carnali matre ac mitiorem in tui dilectione. Data^a Romae 14 Kalendas Martii, indictione 12.

I 48. *Uberto episcopo Genuensi mandat, ut Ansaldi uxori, adulterii falso accusatae, iudicium reddat.*

1074 Febr. 26 Gregorius episcopus servus servorum Dei Uberto Genuensi episcopo et universo loci illius clero ac populo salutem et apostolicam benedictionem.

Intelligentes errorem vestrum, de periculo vestro valde timemus; quoniam sacramenta consortii coniugalis, divinis sanctis praeceptis et legibus, inter vos malignis foedari studiis audimus. Scriptum quippe est de coniugali vinculo: *Quod Deus coniunxit, homo non separet*¹, et Veritas, ne vir uxorem suam, nisi forte causa fornicationis, relinquat², omnino prohibet. Nobis autem relatum est, Ansaldum quemdam concivem vestrum a patre suo coactum esse, ut uxorem propriam, de fornicatione falso criminationem, nec ulterius habeat, nec iudicium purgationis eius, id quod ipsa valde desiderat, pro discutienda veritate suscipiat. Quod quia divinis et humanis legibus valde contrarium est, primo episcopum deinde omnes vos admonemus et apostolica auctoritate praecipimus: ut, si mulier ad examinationem legitimam se conferre voluerit, cum omni tranquillitate et expectatione iuste comprobationib^b recipiatur; et, si per misericordiam Dei innocens apparuerit, separari a viro suo nullatenus patiamini. At si pater praefati Ansaldi haec, quae divina auctoritate diximus, immo si quis mortalium haec impedire ac prohibere praesumperit, tuam, episcope, fraternitatem apostolica auctoritate monemus: ut, omni respectu gratiae personalis abiepto, reos anathematis gladio ferire et a corpore ecclesiae dissecare non desinas

a. Data — 12 om. 2. b. comprobationibus c.

1. Matth. 19, 6. 2. Matth. 19, 9.

et nobis, extremam manum imposituris, per litteras tuas id ¹⁰⁷⁴
Febr. 26 quontocius indicare non praetermittas. Praeterea volumus, ut
quam citius possis praesentiam tuam nobis exhibere studeas.
Data Lateranis 4 Kalendas Martii, indictione 12.

I 49. *Omnes christianam fidem defendere volentes vocat ad imperium Constantinopolitanum a paganis liberandum.*

Gregorius episcopus servus servorum Dei omnibus christianam fidem defendere volentibus salutem et apostolicam benedictionem. ¹⁰⁷⁴
^{Mart. 1}

Notum vobis esse volumus, hunc virum praesentium portiorem, dum de ultramarinis nuper reverteretur partibus, apostolorum limina et nostram praesentiam visitasse. A quo sicut a plerisque aliis cognovimus, gentem paganorum contra christianum fortiter invaluisse imperium et miseranda crudelitate iam fere usque ad muros Constantinopolitane civitatis omnia devastasse et tyannica violentia occupasse et multa milia christianorum quasi pecudes occidisse. Qua de re, si Deum diligimus et christianos nos esse cognoscimus, pro miseranda fortuna tanti imperii et tanta christianorum clade nobis valde dolendum est. Et non solum dolere super hac re debitae sollicitudini nostrae sufficit, sed animas pro liberatione fratrum ponere, exemplum Redemptoris nostri et debitum fraternae caritatis a nobis exigit; quia, sicut ipse pro nobis animam suam posuit¹, et nos debemus pro fratribus nostris animas ponere. Scitote igitur, nos, in misericordia Dei et in potentia virtutis eius confisos, omnibus modis id agere atque parare, ut adiutorium christiano imperio quam citius Deo iuvante faciamus. Unde vos per fidem, in qua per Christum in adoptionem filiorum Dei² uniti estis, obsecramus et auctoritate beati Petri apostolorum principis admonemus, ut et vos vulnera et sanguis fratrum et periculum praefati imperii digna compassionem moveat, et vestra virtus pro Christi nomine non invitam fatigationem ad ferenda fratribus auxilia subeat. Quicquid autem super hac re divina pietas vestris animis

1. Ioh. 10, 15. 2. Rom. 8, 23.

1074 indiderit, sine mora certis legationibus nobis renunciare studete.
 Mart. 1 Data Rome Kalendis Martii, indictione 12.

I 50. *Beatrici et Mathildi mandat, iudicent inter Dodonem episcopum Rosellanum et Ugulinum comitem.*

1074 Gregorius episcopus servus servorum Dei Beatrici et Mathildi, gloriosis ac karissimis in Christo filiabus, salutem et apostolicam benedictionem.

Non miretur vestra nobilitas super his, quae vobis de causa Dodonis Rosellani episcopi scripsi; quia inhumanitas videretur, si preces et murmur Ugulini comitis parvi penderem. Importune quidem saepe me rogavit, ut causam ipsius contra Rosellanum episcopum iuste discernerem et, ut idem episcopus sibi iustitiam faceret, procurarem. Ego vero, de vobis singulariter inter omnes principes Romani imperii confidens, rogavi, ut ad certum et iustum ac pacificum finem per vos causa inter eos duceretur, quo ille, qui iustus iudex est, a vestro studio vestraque pietate, me instante, glorificetur. Scit enim caritas vestra et omnino ut reor intelligit, quod in omnibus actibus vestris honorem Dei vestramque salutem requiro. Et ideo cum propheta dico: *Sacrificate sacrificium iustitiae, et sperate in Domino¹;* et iterum: *Iudicate pupillo et defendite viduas, et venite, et arguite me, dicit Dominus².* Ex amore quidem Dei proximum diligendo adiuvare, miseris et oppressis subvenire, orationibus ieuniis vigiliis et aliis quam pluribus bonis operibus praepono; quia veram caritatem cunctis virtutibus praeferre cum apostolo³ non dubito. Nam si haec mater omnium virtutum, quae Deum de coelo in terram ut nostram miseriam ferret compulit venire, me non instrueret, et esset, qui miseris et oppressis ecclesiis vestra vice subveniret ac universalis ecclesiae deserviret, ut saeculum relinquenteris cum omnibus eius curis, monere procurarem. Sed quia de vestra aula, ut multi principes, Deum non abicitis⁴, immo sacrificio iustitiae ad eam venire invitatis, rogamus vos et ut karissimas filias admonemus, bonum quod coepistis ad perfectum

1. Ps. 4, 6. 2. Isai. 1, 17. 18. 3. 1 Cor. 13, 13. 4. Cf. Genes. 35, 2.

finem perducatis. Non favor humanus, non amor pecuniae, non desiderium vanae gloriae vestrum sacrificium possit offuscare. 1074
Mart. 4
 Vili enim precio magnam rem vendit, qui huius vitae intuitu Deo servit. Quod vobis, quas sincero corde diligo, parum scribo, gravi cura me implicitum esse manifesto. Vobis enim in talibus non aliquem vicarium in dictando acquiro, sed me ipsum labori, licet rusticano stylo, subpono; quia, si diligor ut diligo, nullum mortalium mihi paeponi a vobis cognosco. Omnipotens Deus meritis supreme domine per auctoritatem beatorum Petri et Pauli a cunctis vos peccatis absolvat et ad gremium universalis matris vestrae cum gudio perducat. Data Romae 4 Nonas Martii, indictione 12.

I 51. *Arnaldo abbatи S. Severi praecepit, ut ecclesiam S. Mariae Solacensem monasterio S. Crucis Burdigalensi restituat.*

Gregorius episcopus servus servorum Dei Arnaldo abbatи 1074
Mart. 14
 Sancti Severi¹ salutem et apostolicam benedictionem.

Non mediocris te inobedientiae arguere possumus, quod post multas querimonias, de te in Romanis conciliis factas, monasterium sanctae Crucis² de ecclesia sanctae Mariae³ nullam adhuc iustitiam sit consecutum. Licet examen exquirendae veritatis huius negotii frivilis excusationibus iam ex longo tempore evitasse videaris, praesenti tamen anno, pro difinienda lite vestra^a a legato nostro Giraldo Ostiensi episcopo ad synodum vocatus, nullam Deo et sancto Petro diceris reverentiam exhibuisse, adeo ut, contempta auctoritate apostolicae sedis, neque tu venire neque alios iuste te excusaturos studueris mittere. Unde, quia absentatio tua indicium iniustitiae tuae clarissimum tribuit, diffinitum est in eadem synodo: monasterio sanctae Crucis predictae ecclesiae sanctae Mariae ius et possessionem restituendam esse. Quam nimirum diffinitionem nos approbantes, praecepimus tibi apostolica auctoritate, ut praefatum monasterium sanctae Crucis, sicut

a. nostra c.

1. dioec. Adurensis.

2. Burdigalense.

3. Solacensi.

^{1074 Mart. 14} statutum est, quiete^a tenere permittas. Quodsi te iustitiam habere confidis, hinc usque ad festivitatem omnium sanctorum¹ ad nos venire studeas, teque praedicto abbati eodem termino venturum notifices: quatenus, utriusque partis perquisitis rationibus, certum causae vestrae finem Deo auxiliante imponamus. Data Romae in synodo 2 Idus Martii, indictione 12.

I 52. *Manassae I archiepiscopo Remensi mandat, ut novum abbatem monasterio S. Remigii praeficiat, quod, quem praefecerit, Wilhelmus abbas S. Arnulfi Metensis ferre utrumque onus abnuat.*

^{1074 Mart. 14} Gregorius episcopus servus servorum Dei Manasse² Remensi archiepiscopo salutem et apostolicam benedictionem.

Romana ecclesia iam dudum fraternitatem tuam ulnis maternae dilectionis amplectens, speciali quodammodo caritate dillexit et praestantissima cura dulcissime fovit; praesertim nos adeo tuae promotioni favimus et consensimus, ut nequeamus vitare grave periculum, si ea feceris, quae tuum ordinem dishonestent aut tuam non deceant dignitatem. Unde, si quando ea de te audivimus, quae tuo ordini non congruunt, maximo merore confundimur, ac proinde leviter dissimulare non possumus. Inter caeteras quidem querimonias, quae de te nostris auribus sunt delatae, querimonia monasterii sancti Remigii acriter animum nostrum turbavit et in te vehementer commovit. Verum quia nunc cognovimus, quod idem monasterium melius ordinasti, quam audivimus vel speravimus, quoniam ibi honestum moribus et eruditum litteris hominem posuisti, non minima laetitia animum nostrum refocilasti. Abbas³ quidem nobis admodum placet; et, si posset ferre honus, ut utrasque abbatias regeret, Metensem⁴ scilicet et Remensem, laudassemus pro eo, quia vir et religiosus et sapiens est. Alioquin, si pondus utrarumque regiminis super posse sibi est, ut ipse fatetur, ne nimia gravedine pressus succumbat, rogamus prudentiam tuam immo apostolica

a. ecclesiam S. Mariae excidisse videtur.

1. Nov. 1.

2. I.

3. Wilhelmus.

4. S. Arnulfi.

auctoritate monemus, quatenus suo consilio et consensu per electionem congregationis secundum regulam sancti Benedicti idoneum ibi rectorem Deo concedente constituas. Pro certo enim noveris, quoniam ita cara erit nobis illius monasterii honesta et regularis regiminis ordinatio, ac si esset in monasterio sancti Pauli¹. Data in synodo 2 Idus Martii, indictione 12.

I 53. *Herimanno episcopo Metensi significat, de Wilhelmo abbe quid Manassae I archiepiscopo Remensi scripserit.*

Gregorius episcopus servus servorum Dei Herimanno Metensi episcopo salutem et apostolicam benedictionem.

Litteras dilectionis tuae grataanter accepimus, quia in eis abundantiam devotionis tuae erga nos exuberare cognovimus. Nos quidem omnibus debitum sollicitudinis nostrae exhibere et volumus et debemus, quoniam omnium curam suscepimus; et omnium salutem cupimus et optamus, quia, licet indigni meritis, regimen universalis ecclesiae regendum accepimus; ministerium euangelizandi^a accepimus, ve nobis, si non euangelizaverimus². Et licet omnibus debitores simus³, praecipue tamen domesticis fidei⁴ curam nostrae sollicitudinis exhibere condecet et oportet. Unde noverit fraternitas vestra, quoniam de vobis propensior est nobis cura et in vobis ardenter amor, pro eo scilicet, quod dignae recompensationis munus a vestrae sanctitatis orationibus expectamus. Grave enim pondus gerendum suscepimus et, nisi vestris et totius christianitatis fidelium orationibus fulciamur, ferre nullatenus possumus. Quapropter rogamus, ut sanctae congregationis vestrae assiduis orationibus sublevari mereamur. Non solum enim tam sanctae congregationis orationes ardenter exigimus, verum totius populi quaerimus et optamus. Praeterea abbas Sancti Arnulfi⁵, vir ut nobis videtur religiosus et tibi fidelis, nobis innotuit, quod velit sub tuo regimine pauper vivere potius^b quam alibi dives et potens. Vult enim, si tibi videtur

a. euangelizandum c. b. potius addidi.

1. Romano. 2. 1 Corinth. 9, 16. 3. Rom. 1, 14. 4. 1 Timoth. 5, 8.
5. Wilhelmus.

1074 Mart. 14 renunciare abbatiae sancti Remigii, et tantum vestra^a esse contentus. Cuius rei causa misimus litteras nostras¹ Remensi archiepiscopo, ut dictam abbatiam secundum Deum consilio istius in alium ordinet, iste vero vobis tantummodo cedat. Vos autem rogamus, quatenus pro caritate nostra eum carius habeatis, ut sentiat profecisse^b sibi, quod ad nos venit. Data in synodo 2 Idus Martii, inductione 12.

I 54. *Canonicis S. Hilarii praecipit, ne Pictavenses canonicos in sacrorum procurandorum iure impedian.*

1074 Mart. 16 Gregorius episcopus servus servorum Dei canonice Sancti Ylarii² salutem et apostolicam benedictionem.

Notum vobis esse volumus, quod canonici Pictavenses in synodo nostra conquesti sunt, vos denegare et contradicere illis consuetudinem, quam in ecclesia sancti Ylarii iure habere debent: videlicet ut in festivitate omnium sanctorum et sancti Ylarii, cum illuc ex more cum processione veniunt, si episcopus aderit, ipse missam celebret, sin autem non adsit episcopus, decanus aut aliquis de maioribus canonice Pictavensis ecclesiae officium vice episcopi peragere debeat. Quod cum apud nos in publico concilio ventilatum fuerit, Gozelino Burdegalensi archiepiscopo causam vestram cum quibusdam aliis defendente, scientes, talem consuetudinem in Romana ecclesia^c per singulas stationes et fere per universum orbem in aliis ecclesiis rite et rationabiliter teneri, diiudicante concilio, iustum eos requirere causam comprobavimus; et praedictum usum eos obtinere debere, apostolica auctoritate censuimus. Verum, ut vobis abundantius satisfaciendo omnem reclamandi occasionem demeremus, ut Pictavenses clerici, qui praesentes aderant, partem suam — sicut approbatio agenti semper incumbit — sacramento firmare deberent^d, diiudicavimus. Quod quidem ipsi, praesente Burdegalensi archiepiscopo et ceteris, facere paratissimi erant, atque idem archiepiscopus a nobis commonitus iuramentum se recipere professus est. Quapropter

a. vestrae c. b. profecisse c. c. Romanam ecclesiam c. d. deberent addidi.

1. ep. 52 supra p. 72. 2. Pictavensibus.

apostolica vos auctoritate monemus atque praecipimus, ut, omni 1074
inter vos et Pictavenses canonicos lite sopita, consuetudinem et Mart. 16
iustitiam suam, sicut superius synodali iudicio decretum esse
cognoscitis, sine omni contradictione deinceps eos^a habere permit-
tatis. Data Rome in synodo 17 Kalendas Aprilis, indictione 12.

I 55. *Pontium I episcopum Bigorrensem ceterosque ecclesiae Ausciensis suffraganeos iubet Guilielmo I archiepiscopo obediare.*

Gregorius episcopus servus servorum Dei Bigurritano epi- 1074
scopo¹ et ceteris suffraganeis Auxiensis ecclesiae salutem et Mart. 16
apostolicam benedictionem.

Legatus sanctae Romanae ecclesiae, videlicet confrater noster Giraldus Ostiensis episcopus, vos^b, ut Guilielmo² archiepiscopo³ vestro debitam reverentiam exhibeatis, commonuit. Verum, sicut idem archiepiscopus conquerendo nobis retulit, postea nec consideratio debitae subiectionis nec respectus apostolicae auctoritatis vos ad obedientiam flexit. Quod quamquam non parum præsumptionis et damnandae contumaciae habeat, adhuc tamen facta vestra apostolica mansuetudine dissimulantes, mandamus vobis et apostolica auctoritate praecipimus, ut nullatenus ei honorem subiectionis debitae subtrahatis. Si quid autem adversus eum habetis, una secum adite nostram praesentiam; et si quid discussione dignum protuleritis, adiuvante Deo sollicita indagatione examinatum competenti sententia determinabimus. Data Rome 17 Kalendas Aprilis, indictione 12.

I 56. *Rogerio episcopo Catalaunensi scribit, Philippum I regem a se petuisse, ut eum absolveret. Id non posse fieri. Sed prolatio iudicio, eum ante d. 1 Novembris ad se accedere iubet.*

Gregorius episcopus servus servorum Dei Rogerio⁴ dicto 1074
Catalaunensi episcopo. Mart. 17

Philippus⁵ rex Francorum, non modica tibi dilectione astri-

a. eos addidi. b. vos addidi.

1. Pontio I. 2. I. 3. Ausciensi. 4. III. 5. I.

1074 ctus, multum nos, ut te absolveremus, tum per litteras tum per
 Mart. 17 legatorum verba rogavit. Quod quidem salva iustitia nequaquam
 nobis faciendum esse pervidimus, dum iuxta vigorem canonicae
 disciplinae multo gravius in te animadvertisendum esse cognosce-
 remus. Sed adhuc apostolica mansuetudine iudicium in te ultionis
 debitae suspendentes, praesenti auctoritate tibi praecipimus, ut
 praesentiam tuam abhinc usque ad proximam festivitatem omnium
 sanctorum¹ conspectui nostro repraesentare nullo modo praeter-
 mittas: quatenus adversum te totiens iteratam proclamationem
 Catalaunensis ecclesiae iusto fine Deo auxiliante decidamus; ad-
 monentes equidem, ne interim in contemptu vel transgressione
 iam ante datae sententiae periculum tibi tu ipse gravius ingeras.
 Quibus in rebus si nobis inobediens fueris et, aliqua tergiver-
 satione te excusans, infra praelibatum terminum praesentie
 nostra te non exhibueris, de tua damnatione et incommutabili
 depositione ulterius non dubitabis. Data Rome in synodo 16 Ka-
 lendas Aprilis, indictione 12.

I 57. *Guilielmum episcopum Papiensem monet, ut una cum
 Azone marchione, qui de incesta copulatione cum Mathildi
 sorore eius accusetur, ad se veniat.*

1074 Gregorius episcopus servus servorum Dei Guilielmo Papiensi
 Mart. 17 episcopo salutem et apostolicam benedictionem.

Significandum tibi duximus, marchionem Azonem² in Ro-
 mana synodo super incesta copulatione sororis tuae³ accusatum
 esse. Qua de re ipse, per propinquos mulieris satisfactionem polli-
 citus, inducias postulavit. Propterea rogamus et apostolica aucto-
 ritate fraternitatem tuam admonemus, ut, ad servitium sancti Petri
 paratus et ut melius possis instructus, cum eodem marchione ad
 nos venire nullo modo praetermittas, certus, te a nobis honorifice
 recipiendum et relinquendum. Nam, etsi fraternitatis tuae auxilia
 in aliis minime nobis necessaria fuissent, tamen hac de causa pra-
 esentiam tuam nobis exhiberi oportet, ut exortas praefati coniugii

1. Nov. 1. 2. de quo cf. Muratori Antichità Estensi I 29. 3. Ma-
 thildis. V. Registri lib. II ep. 36 infra.

quaestiones diligenti examinatione discutiamus et, iustitiam legali ¹⁰⁷⁴
iudicio decernentes, adiuvante Domino, si quid periculorum appa-
ruerit, amputemus et, quod officio nostro et illorum saluti congruit,
statuamus. Data Rome in synodo 16 Kalendas Aprilis, indictione 12.
Mart. 17

I 58. *Geusae ducis Ungarorum erga se studium laudat. Officia
pollicetur. De rebus eius in posterum per Azonem mar-
chionem cupit certior fieri.*

Gregorius episcopus servus servorum Dei Geusae duci¹ Un- ¹⁰⁷⁴
garorum salutem et apostolicam benedictionem. Mart. 17

Visis litteris tuis, laudabilem devotionis tuae professionem cognovimus, in qua cor et animum tuum erga reverentiam apostolicae sedis igne divino inflammatum esse intelleximus. Qua de re non incerta spes tuae salutis ostenditur, non parvum nobis exortum est gaudium, quoniam, qui debita fide et devotione apostolicae reverentiae vota concipiunt, nequaquam dubia ab eis praesidia et beneficia praestolantur. Unde etiam tuam monemus dilectionem, ut studia tua erga honorem apostolorum semper ex crescant et, quanto te cotidie ex necessario fine vitae tuae iudiciis illorum appropinquare cognoscis, tanto propensius eos debitores tibi efficere studeas: quatenus per misericordiam Dei illis suffragantibus peccatorum tuorum indulgentiam et aeternae beatitudinis gloriam te adipisci gaudeas. De nostra vero caritate nullatenus te dubitare volumus; sed, effusis in te intimis et paternis affectibus, locum apud nos agendi et impetrandi, quae saluti et honori tuo digne competunt, te habere, remota omni dubitatione promittimus. Et si quis inimicorum tuorum aliquid adversum te molire prave temptaverit, procul dubio non solum nostra carebit audientia sed indignationem apostolicae gratiae in eum exasperari sentiet. Tu autem, si quid interdum aut de tuis causis aut quod servitio apostolicae reverentiae pertineat nostris auribus intimare cupias, habes, egregium videlicet marchionem Azonem, nobis quidem inter ceteros Italiae principes valde dilectum, per quem ea, quae ad apostolicam audientiam referenda

1. I regi.

1074 Mart. 17 destinaveris, nobis aptissime indicari et commendari poterunt.
 De cetero divina clementia et ab instantibus huius saeculi te
 adversitatibus protegat et ad peragendum ea, quae sibi bene-
 placita sunt, invictas tibi vires et facultates tribuat. Data Rome
 in synodo 16 Kalendas Aprilis, indictione 12.

I 59. *Ottonem et Chuonradum, Wratizlai II Bohemiae ducis
 fratres, ne ecclesiae Olomucensi iniurias inferant, hortatur.*

1074 Mart. 18 Gregorius episcopus servus servorum Dei Ottoni et Chuon-
 rado, fratribus Wratizlai¹ ducis Boemiorum, salutem et aposto-
 licam benedictionem.

Meminisse debet nobilitas vestra, quod de causa Olomu-
 censis ecclesiae iam ante apostolica monita accepistis, ne iusti-
 tiam eius aliqua occasione minueretis neque molestantibus eam
 aliquod adiutorium praeberetis. Nunc iterum vos admonemus
 et paterna caritate rogamus, ne aliquam contrarietatem eidem
 ecclesiae faciatis, sed pro reverentia sanctae Romanae ecclesiae,
 cuius apostolicis privilegiis munita est, amorem et piae devo-
 tionis studia erga illam exhibeatis, et, quantum vestrae potestatis
 est, iura et pertinentia^a eius a vobis et vestris inviolata conser-
 vari studeatis. Haec enim est causa, in qua et divinae remune-
 rationis gloriam et apostolorum certa praesidia ac nostrae di-
 lectionis plenitudinem vobis lucrari et aptissime possitis astrin-
 gere. Sin autem, quod non optamus, aliter feceritis, procul
 dubio haec eadem vobis corrumpere et in contrarium, quod absit,
 vertere poteritis. Data Rome 15 Kalendas Aprilis, indictione 12.

I 60. *Sigifredum archiepiscopum Moguntinum obiurgat, quod
 litis inter Pragensem et Moravensem episcopos curam non
 egerit, et quod eiusdem causae, ad apostolicam sedem de-
 latae, diiudicationem affectet.*

1074 Mart. 18 Gregorius episcopus servus servorum Dei Sigifredo Magun-
 tino archiepiscopo salutem et apostolicam benedictionem.

Pervenit ad aures nostras quaedam de te indigna relatio,

1. II.

a. pertinentias c.

1074
Mart. 18

eui nequaquam fidem adhibuissemus, nisi quod in litteris tuis, quas de causa Ieromiri Bragensis et Iohannis Moravensis episcoporum nobis direxisti, idem in animum tuum te induxisse intellectimus: videlicet ut negotium, quod ipsi habent ad invicem, totiens iam ad apostolicam delatum audientiam, a nostro iudicio ad examen tui arbitrii transferretur. Qua in re quoniam eviderter apparet, quam parum consultores tui iura apostolicae auctoritatis intelligent vel attendant, fraternitatem tuam, ut nobiscum canonicas traditiones et decreta sanctorum patrum percurrat, invitamus; in quibus, praesumptionis suae fastum denuo recognoscens, culpam in se ipsa negligentiae pariter deprehendat et ausus. Nam, cum primum Iohannes Moravensis^a episcopus, ecclesiae cui praest iura defendere volens, multis iniuriis ac contumeliis, flagellis etiam ut audivimus afficeretur et tamen iustitiam non posset consequi, tua religio nullam inde sollicitudinem, nullam in discutienda causa fatigationem suscepisse dinoscitur. Verum, postquam apostolica sedes, accepta praefati episcopi querimonia, saepe per epistolas, aliquotiens etiam per legatos causam iusto fine determinare et litem compescere desudaverat, tunc demum evigilans sollertia tua negotium animadvertisit, suis hoc discussionibus referendum esse iudicavit; et fratrems, per apostolica suffragia ad portum iustitiae et quietis enantem, in profundum credo renovandae contentionis et laborum retrahere voluisti. Quamquam igitur hinc officii tui incuria illinc suscepta adversus apostolicam sedem, accusante te, arrogantia merito in te commoveri deberemus; utentes tamen apostolica mansuetudine, placido te admonemus affatu^b: ne ulterius tam inordinata, tam inconsulta praesumas; apostolica iudicia, non dico tibi, sed nec ulli patriarcharum aut primatum retractandi licentiam fore existimes; ne contra sanctae Romanae ecclesiae^c quicquam tibi attribuere vel moliri cogites, sine cuius habundanti clementia nec in loco quidem tuo, ut tu ipse nosti, subsistere potes. Nos etenim adiuvante Deo per auctoritatem beati Petri, sicut iam diu in apostolica sede decretum est, inter pree-

a. Marovensis c.

b. affectu c.

c. iura excidisse videtur.

1074 Mart. 18 fatos episcopos litem iuste decidere et Olomucensi^a ecclesiae,
quae sui iuris sunt, decernere et corroborare procurabimus. Data
Romae 15 Kalendas Aprilis, indictione 12.

I 61. *Wratzlao II Bohemiae duci promittit, se ecclesiae cuidam,*
cum perfecta fuerit, reliquias et privilegia concessurum
esse. Addit de litteris ad Sigifredum archiepiscopum Mo-
guntinum missis.

1074 Mart. 18 Gregorius episcopus servus servorum Dei Wratzlao¹ duci
Boemiae salutem et apostolicam benedictionem.

Quoniam, afflatus igne divino, studia devotionis erga sanctam et apostolicam ecclesiam habere coepisti, silere nos caritas in te diffusa non patitur, quin, ardorem divinae servitutis de die in diem ferventius te concipere, frequenti exhortatione moneamus. Illa etenim vota apud Deum praemia merentur et gloriam, quae per gradus bonorum operum ad cacumen plenitudinis tendunt et semper in bono desideria ampliora concipiunt. Quapropter, karissime fili in Christo, bona, quae Deo inspirante mens et devotione tua proposuit, ad effectum perfectionis extendere stude, quatenus apostolica benevolentia, nulla tibi labefactata segnicie, pro meritis tuis ampliori semper te dilectione comprehendat. De reliquiis et privilegio, unde nos rogasti, cum nuntiis tuis^b finita et perfecta ecclesia consecrationis consilium a nobis quaesierit, voluntati tuae satisfacere benigne procurabimus. Sigifredum vero archiepiscopum Moguntinum de praesumptione, quam in causa Ieromiri Bragensis episcopi habuit, per epistolam nostram² duriter increpavimus, interdicentes ei, ne ulterius se huiusmodi ineptia^c et fatuitate occupare incipiat. Attamen, si quid adversum te temerario iudicio fecerit, praeventu apostolicae auctoritatis tutus atque defensus, donec iterum ad te nostra legatio perferatur, pro nihilo ducas, magisque sibi ad periculum quam tibi futurum esse non ambigas. De cetero apo-

a. super Olomucensi scripsit alia manus Marovensi. b. missis excidisse videtur.
c. inertia cod.

stolicis benedictionibus semper te munitum esse gaudeas. Data ¹⁰⁷⁴
Romae 15 Kalendas Aprilis, inductione ^{Mart. 18} 12.

I 62. *Hugonem abbatem Cluniacensem nondum Romam adiisse
miratur. Monet, ut quam primum accedat.*

Gregorius episcopus servus servorum Dei Hugoni abbati ¹⁰⁷⁴
Cluniaciensi salutem et apostolicam benedictionem. ^{Mart. 19}

Grata nobis et dulcia sunt verba vestra. Sed multo uberiori delectatione nos caperent, si vestra caritas ardentius erga Romanam ferveret ecclesiam. In hoc enim dilectionis vestrae flam-mam desidere^a deprehendimus, quod consolationem vestrae visitationis, totiens quaesitam, invenire non possumus. Quod quidem non aliis occupationibus vestris imputandum esse credimus, nisi quod sanctitatem vestram labores fugere et aliquanto graviora negotia quasi pigritantem quibusdam occasionibus declinare videmus. Proinde noscat religio vestra, quoniam, qui denegatam nobis praesentiam vestram hactenus cum admiratione sustinuimus, deinceps sine multa anxietate et mentis perturbatione ferre non possumus. Meminisse enim debetis, quot et quanta negotia in vestra manu et confratris nostri Giraldi Ostiensis episcopi posuerimus. Quae propter absentiam vestram aut neglecta pereunt aut competentem finem habere non possunt; quoniam, cum praefatum episcopum in servitio sancti Petri ultra montes ad regem¹ misimus, vos venturum aestimabamus. Quapropter, etsi commoti, dilectionem vestram intimo admonemus affectu, ut nos, in multis et magnis angustiis positos, quantotius visitare curetis. Portamus enim, quamquam infirmi, quamquam extra vires ingenii et corporis, soli tamen portamus in hoc gravissimo tempore non solum spiritualium sed et saecularium ingens pondus negociorum; et casum nostrum cotidie ex imminenti sarcina formidamus, qui sustentationis auxilia in hoc saeculo nequaquam reperire quimus^b. Unde per omnipotentem Dominum rogamus, ut fratres vestros, sicut ab initio ordinationis nostrae postulavimus, pro nobis iugiter orare Deum commo-

1. Heinricum IV.

a. residere c.

b. nequimus c.

1074 Mart. 19 neatis; quoniam, nisi illorum et aliorum fidelium interventibus divina suffragia mereamur, nostrum et, quod magis timemus, ecclesiae periculum evitare non poterimus. Omnipotens Deus, a quo bona cuneta procedunt, vos ac commissos vobis in hac mortali vita ita vivere faciat, ut ad veram et immortalem vitam Deo ducente perveniatis. Data Romae 14 Kalendas Aprilis, inductione 12.

I 63. *Sanctium regem Aragonensem, qui officium Romanum re-cepit, collaudat. Addit de Salomonis accusatione et de nuntio ad eum mittendo.*

1074 Mart. 20 Gregorius episcopus servus servorum Dei Sanctio regi Aragonensi salutem et apostolicam benedictionem.

Litteras nobilitatis tuae suavitate plenas laeti suscepimus. In quibus, quanta fidelitate erga principes apostolorum Petrum et Paulum ac Romanam ecclesiam ferveas, satis perspeximus; quam, tametsi litteras tuas nullas videremus, per legatos apostolicae sedis evidenter compertam habebamus. In hoc autem, quod sub ditione tua Romani ordinis officium fieri studio et iussionibus tuis^a asseris, Romanae ecclesiae te filium esse^b ac eam concordiam et eamdem amicitiam te nobiscum habere, quam olim reges Hyspaniae cum Romanis pontificibus habebant, cognosceris^c. Esto itaque constans et fiduciam firmam habeas et quod cepisti perficias; quia in domino Iesu Christo confidimus, quia beatus Petrus apostolus, quem dominus Jesus Christus rex gloriae principem super regna mundi constituit, cui te fidelem exhibes, te ad honorem desiderii tui adducet, ipse te victorem de adversariis tuis efficiet. Cum enim Dominus filium, quem^d amat, flagellat et castigat¹, melius et utilius ex adversis pervenitur ad prospera. Qui enim dicit ridentibus: *Ve vobis, quia flebitis*², ipse lugentes beatos asserit: *quoniam ipsi consolabuntur*³. De Salomone autem ad praesens nihil respondimus, quoniam accusationem per litteras eo absente, qui accusat,

a. tuos c. b. esse addidi. c. sic c. An cognoscimus. d. quem addidi.

1. Cf. Hebr. 12, 6. 2. Lue. 6, 25. 3. Matth. 5, 5.

sacri canones non recipiunt. Est quoque aliud^a: quod^b, qui legatus noster ad partes illas fuit, his temporibus aberat, et sine eo iudicium inde dare noluimus. Eo vero revertente, habebimus Deo favente consilium, et ad vos nuncium nostrum mittemus, qui, hanc et alias necessarias causas diligenti examine perquirrens, singulis quibusque iustae determinationis finem imponet. Data Romae 13 Kalendas Aprilis, indictione 12.

I 64. *Alfonsum VI regem Legionensem et Sanctium II regem Castiliae hortatur, ut ecclesiae Romanae officium recipiant. Munitionis, invasoris ecclesiae Ocensis, excommunicationem a Geraldo episcopo Ostiensi factam confirmat.*

Gregorius episcopus servus servorum Dei Alfonso¹ et Sanctio² regibus Hispaniae a paribus, et episcopis in dizione sua constitutis, salutem et apostolicam benedictionem.

Cum beatus apostolus Paulus Hispaniam se adiisse significet³; ac postea septem episcopos ab urbe Roma ad instruendos Hispaniae populos a Petro et Paulo apostolis directos fuisse, qui destructa idolatria christianitatem fundaverunt, religionem plantaverunt, ordinem et officium in divinis cultibus agendis ostenderunt et sanguine suo ecclesias dedicaverunt, vestra diligentia non ignoret; quantam concordiam cum Romana urbe Hispania in religione et ordine divini officii habuisset, satis patet. Sed, postquam vesania Priscillianistarum diu pollutum et perfidia Arianorum depravatum et a Romano ritu separatum, irruentibus prius Gothis ac demum invadentibus Saracenis, regnum Hispaniae fuit, non solum religio est diminuta, verum etiam mundanae sunt opes labefactae. Quapropter ut filios karissimos vos adhortor et moneo: ut vos, sicut bonae soboles, etsi post diuturnas scissuras, demum tamen ut matrem re vera vestram Romanam ecclesiam recognoscatis, in qua^c et nos fratres reperiatis; Romanae ecclesiae ordinem et officium recipiatis,

a. hic quaedam excidisse patet huiusmodi: quod rem impedit. b. quod legatus noster, qui ad partes illas his temporibus fuit, aberat cod. c. quo c.

1. VI regi Legionensi. 2. II regi Castiliae. 3. Rom. 15, 24. 28.

1074 Mart. 19 non Toletanae vel cuiuslibet aliae, sed istius, — quae a Petro et Paulo supra firmam petram per Christum fundata est et sanguine consecrata, cui portae inferni, id est linguae hereticorum, numquam praevalere poterunt^a — sicut cetera regna occidentis et septemtrionis teneatis. Unde enim non dubitatis vos suscepisse religionis exordium, restat etiam, ut inde recipiatis in ecclesiastico ordine divinum officium, quod Innocentii papae ad Egubinum^b directa episcopum vos docet epistola, quod Ormisdæ ad Hypsalensem^c missa decreta insinuant, quod Toletanum et Bragarense demonstrant concilia, quod etiam episcopi vestri ad nos nuper venientes iuxta constitutionem concilii per scripta sua facere promiserunt et in manu nostra firmaverunt. Praeterea, sicut de aliis excommunicationibus per legatos Romanae ecclesiae factis^d fecimus, depositionem et excommunicationem, quam Geraldus Ostiensis episcopus cum Reinbaldo^e in Munitionem simoniacum, qui super^f Symeonem venerabilem fratrem nostrum Ocensem^g episcopum ordinatus erat^h, ratam esse decrevimus atque firmavimus, usque dum resipiscens de episcopatu, quem indebit tenuit, sibi satisfaciat atque inde recedat. Data Romæ 14 Kalendas Aprilis, indictione 12.

I 65. *Raguseos reprehendit, quod, Vitali episcopo in custodiā dato, successorem elegerint. Legatum mittit Geraldum archiepiscopum Sipontinum; a quo si res decerni non potuerit, utrumque episcopum Romanam perduci iubet.*

1074 Mart. 20 Gregorius episcopus servus servorum Dei omnibus Raguseis salutem et apostolicam benedictionem, si obedierint.

Pervenit ad aures nostras, vos Vitalem episcopum vestrum

a. potuerunt c. b. factas e. c. Florez Esp. sagr. XXVI 158 pro super per-
peram legi vult per; quam loci depravationem multi errores eius in describenda Ocensis
et Burgensis episcopatum historia consecuti sunt. d. super Ocensem alia manus
posuit litteram s; ut legeretur Oscensem. e. protulit excidisse videtur.

1. Cf. Matth. 16, 18. 2. ad Decentium ep. Eugubinum. Regesta
ponit. Rom. n. 108. 3. ad Sallustium. V. Regesta pont. Rom. n. 510.
4. subdiacono. V. ep. 6 supra p. 14. 5. sedes episcopal is paullo post
Auca sive Oca (a Burgis ad orientem) translata est Burgos. V. tabulas ap.
Florez España sagrada XXVI 456 et 458.

cepisse et, eo in custodia et vinculis posito, alium vobis in episcopum elegisse. Quae quidem res quam sit inordinata, quam iniqua, quam criminosa, quam divinis et humanis legibus contraria, nulli fidelium in dubio esse credimus. Proinde misimus ad vos dilectum fratrem nostrum Giraldum Syponentinum archiepiscopum, ut, in hac re nostra legatione fungens, iustitiam inde decernere debeat. Ammonemus itaque et apostolica vobis auctoritate praecepimus: ut, relaxato episcopo quem in captione tenetis, in praesentiam praefati archiepiscopi conveniatis; et ei^a ad faciendam super hac re canonicam iustitiam et in aliis etiam ecclesiasticis causis, quae inter vos corrigendae sunt, eandem, quam nostrae praesentiae deberetis, obedientiam et favorem exhibeat. Quodsi peccatis impedientibus causa apud vos examinari et diffiniri non possit, volumus: ut utrumque, videlicet episcopum captum et eum quem irregulariter elegistis, in nostram praesentiam conductatis; quatenus adiuvante Deo, quod iustum fuerit, inde iudicare et auctorabiliter statuere valeamus. Alioquin, si nostra immo apostolica monita et praecepta contempseritis, a liminibus ecclesiae et omni christiana communione vos apostolica auctoritate pellendos et sequestrandos esse sciatis. Data Romae 13 Kalendas Aprilis, inductione 12.

1074
Mart. 20

I 66. *Monasterium S. Quirici Rainerio episcopo Reatino tradit.
Bona monasterio adempta episcopo restitui iubet.*

Gregorius episcopus servus servorum Dei omnibus monachis et laicis monasterii sancti Quirici et omnibus Ioseppingis et filiis Alberici et filiis Rapteri salutem et apostolicam benedictionem.

1074
Mart. 20

Notum vobis fieri volumus, quod monasterium sancti Quirici iuris ecclesiae sancti Petri confratri nostro Rainerio et coepiscopo Reatino dedimus. Proinde rogamus immo praecepimus atque iubemus: ut illum in omnibus et contra omnes adiuvetis; et castra, quae vos Ioseppingi et filii Alberici et filii Rapteri detinetis, supradicti episcopi ditioni restituatis; et eum in his et in omnibus bonis ad supra dictum monasterium pertinentibus

a. ei addidi.

1074 fideliter adiuvetis, et nullam ei ullo modo molestiam faciatis,
 Mart. 20 sicut gratiam sancti Petri et nostram habere vultis; alioquin iram
 nostra malivolentiae seu excommunicationis vineulum non eva-
 detis. Data Romae 13 Kalendas Aprilis, indictione 12.

I 67. *Giraldo II episcopo Sistaricensi praecipit, ut ecclesiae Cro-
 sciensi et libertatem et bona adempta reddat.*

1074 Gregorius episcopus servus servorum Dei Giraldo¹ Sistori-
 Mart. 21 censi episcopo salutem et apostolicam benedictionem, si obedierit.

Michahel presbyter ecclesiae Crosciensis² conquestus est
 nobis, te praefatam ecclesiam, quam ipse iuris sancti Petri esse
 non dubitas, invasisse, bona eius dirupisse, presbyteros et cle-
 ricos cepisse ac vi^a contra fas et iura iurare compulisse. Cum
 vero Ananiam et Saphiram propter propria bona, quae beato
 Petro promiserant et non dederunt, mortem incurrisse³ non
 ignores, quo instinctu nisi diabolico tantam invasionem praes-
 sumpsisti, tantam contumeliam intulisti, tantum sacrilegium in
 apostolorum principem perpetrasti. Quapropter apostolica tibi
 auctoritate praecipimus, ut, perspectis his apicibus, absque omni
 occasione vel dilatione praedictam nostram Croscensem eccle-
 siam expediens liberam reddas, presbyteros et clericos absolutos
 et omnia quae inde tulisti sibi restituas, et cum pace et quiete
 ibi Deo servire sub beati Petri ditione in tuitione nostra per-
 mittas. Si autem te aliquam iustitiam in praemissa ecclesia
 habere existimas, ad nos cito cum praelibatis canonicis nostris
 venias, ut iustitiam in praesentia nostra recipias. Si autem hoc
 non feceris, te apostolica auctoritate excommunicandum noveris.
 Data Romae 12 Kalendas Aprilis, indictione 12.

I 68. *Froterio II episcopo Nemausensi praecipit, ut vexare
 monasterium S. Aegidii desinat.*

1074 Gregorius episcopus servus servorum Dei Froterio⁴ Nema-
 Mart. 22 sensi in Provincia episcopo salutem et apostolicam benedictionem.

a. tibi *excidissee videtur.*

1. II. 2. Cruis, a Sistarico inter meridiem et occidentem. 3. Act.
 5, 1 – 10. 4. II.

Audivimus olim nostri tempore praedecessoris venerabilis memoriae Alexandri, te contra iustitiam monasterium sancti Egidii, quod isdem gloriosus confessor iuri beati Petri tradidit, usque adeo affecisse iniuriis, ut eiusdem abbatem¹ a Romano pontifice consecratum capere praesumeres, spreto rigore canonum contemptisque privilegiis ab apostolica sede derivatis. Unde tunc merito et adhuc dolemus, non dubitantes, abbatis contumelias Romanae maiestati fuisse illatas. Nihilo minus quoque nobis displicet, quod quasi de integro tibi licentiam usurpas praeformatum excommunicandi coenobium, cum, hoc tibi non licere, huius sanctae sedis auctoritas autenticorum testetur in datione privilegiorum. Quapropter praecipiendo rogamus et rogando praecipi mus nullius etiam sub obtentu occasione iustitiae sive excommunicando sive missas celebrando fratres praedicti coenobii praesumas inquietare. Si autem illi in aliquo tibi esse videbuntur iniusti, volentes ac potentes non deerimus ad faciem tibi de ipsis iustitiam. Sin vero, quod absit, nostrae exhortationis, immo praecepti neglector extiteris, illos autem a iugo servitutis, per auctoritatem, quae data est apostolo Petro, per nos eiusdem vicarios, ut Deo libere serviant, esse absolutos. Data Rome 11 Kalendas Aprilis, indictione 12.

I 69. *Guilielmo comiti et fidelibus ecclesiae Diensis nuntiat, Hugonem episcopum a se consecratum utque simoniam tolereret admonitum esse. Cui ut obtemperent hortatur. Damna ecclesiae illata compensari iubet.*

Gregorius episcopus servus servorum Dei Guilielmo Diensi comiti ac universis fidelibus ac subditis Diensis ecclesiae salutem et apostolicam benedictionem.

Venientem ad nos Hugonem episcopum vestrum benigne suscepimus. Et quia vos in electionem eius unanimiter convenisse audivimus, episcopali consecratione eum vobis in pastorem ordinavimus; quatenus, sub eius regimine spiritualibus instructi disciplinis, perceptae fidei fructum et gloriam sempiternam consequi

1. Beraldum.

1074
Mart. 22

1074
Mart. 23

1074 Deo dante possitis. Expleto igitur in eo ministerii nostri debito,
 Mart. 23 cum omni caritate eum ad vos remittimus; admonentes vos per
 fidem, in qua redempti et per Christum salvati estis, ut eum
 debito honore et reverentia suscipiatis et omnem in omnibus,
 quae ad regimen sui episcopatus pertinent, obedientiam et favo-
 rem sibi exhibeatis. Nos enim inter cetera eum sollicite admo-
 nuimus, ut contra simoniacam haeresim totis erigeretur viribus,
 et ecclesias^a suaे parrochiae non prius consecraret nec conse-
 cratas aliter divinum officium celebrare permetteret, nisi prius,
 absolutae a laicorum manibus, sicut canonicum est, suo iuri et
 episcopali eius providentiae redderentur. Quam ob rem, ne quis ei
 contrarius in exequendo monita nostra obsistat, apostolica aucto-
 ritate sub anathematis comminatione interdicimus.

Te autem, praedicte comes, singulariter alloquentes, valde
 miramur, quod, postquam praefatum confratrem nostrum instinctu
 divinae clementiae cum consensu aliorum omnium in episcopum
 elegeras et fidelitatem sibi ex more feceras, nescio quibus de
 causis elatus, eo praesente, commotionem adversus eum agere
 praesumpsisti et, postquam ad apostolica limina venit, clericos
 et cives urbis depraetatus es et, quod valde nefandum est, quem-
 dam clericum cepisti. Quamquam^b igitur in hac tanta et tam cru-
 deli praesumptione censuram apostolicae animadversionis in te
 provocaveris, rogatu tamen eiusdem episcopi tui adhuc debitae
 ultionis iaculum in te vibrare distulimus. Ceterum, ne haec
 patientia nostra te in audaciam erigat et nos in culpam neglectae
 iustitiae trahat, apostolica te auctoritate monemus atque prae-
 cipimus, ut sine omni dilatione, quaecumque adversus episcopum
 et ecclesiam sibi commissam temere et inique commisisti, digna
 satisfactione emendes, et ulterius nulla eum contrarietate mole-
 stare praesumas. Alioquin scias episcopum vestrum^c apostolica
 iussione constrictum, te sicut hostem et impugnatorem iustitiae
 a liminibus ecclesiae, anathematis innodatum vinculis, sequestrare.
 Quod etsi ipse, quod non credimus, timore aliquo vel gratia
 praetermitteret, nos tamen tantae temeritatis facinus non relin-

a. ecclesiam c.

b. Quam c.

c. nostrum c.

quemus inultum, et episcopus pro negligentia officii sui non leve
suscepti ministerii perpenderet sibi imminere periculum. Data
Romae 10 Kalendas Aprilis, indictione 12.

I 70. *Guilielmo I regi Anglorum de perturbato ecclesiae statu
respondeat. S. Stephani privilegia servari iubet. Res S. Pe-
tri in Anglia colligendas liberalitati eius committit.*

Gregorius episcopus servus servorum Dei Guilielmo¹ regi 1074
Anglorum salutem et apostolicam benedictionem.

Apr. 4

Moerore mentis tuae, fili dilecte, ex decessu antecessoris nostri beatae memoriae Alexandri, tui etiam^a hilaritate ex nostrae promotionis certo rumore^b absque dubio credimus, te ex corde matri tuae sanctae Romaniae ecclesiae adhaerere eamque totis viribus, ut debes, diligere. Nam, quia eius quasi viduitate audita graviter angebaris, consolatione etiam sua de nostri promotione vero gaudio laetaris, statumque nostrum te velle scire per litteras tuas obnixe et humiliter precaris, affectum boni filii, affectum filii matrem ex corde diligentis ostendis. Exsequere ergo operibus, fili dilecte, quod ore confiteris; imple efficaciter quod dicis, ut consentias ipsi Veritati clamanti: *Qui diligit me, sermones meos servabit*²; et alibi: *Probatio dictionis exhibitio est operis.* Sermones matris tuae hi sunt et huiusmodi: Iustitiae per omnia, cum opportunum est, immo Deo^c insudare ne desinas et^d ecclesiis tibi ad defendendum commissis sic consulere, ut fomenta salutis animae tuae conficias, peccatorum maculas deleas, virtutum odores sic tibi introducas, ut cum apostolo dicas: *Christi bonus odor sumus*³. Honorem Dei et omnia, quae Dei sunt, tuo et mundanis omnibus praeponere consulimus admonemus et precamur; cum hoc ex certo sit unum, quo neglecto saepius tuae dignitatis potestates se^e solent^f perdere et ad inferos trudere. Haec ideo, karissime, tibi inculcavimus, quia inter

a. animi excidisse videtur. b. per litteras tuas cognitis suppleverim. c. immo deo (inmodō) scripti pro in modo cod. d. et addidi. e. se addidi. f. solet e.

1. I. 2. Ioh. 14, 23. 3. 2 Cor. 2, 15.

1074 reges te solum habemus, quem p[re]ae aliis diligere supra scripta
 Apr. 4 credimus.

Statum vero nostrum, quem te scire suppliciter oras, sic accipe. Navem inviti ascendimus, quae per undosum pelagus violentia ventorum et impetu turbinum et fluctibus ad aera usque insurgentibus in incerta deicitur; saxis occultatis, et aliis a longe in altum apparentibus, licet cum periculo, obviat tamen et examinat^a. Sancta quippe Romana ecclesia, cui licet indigni et nolentes praesidemus, diversis temptationibus, quam plurimis persecutionibus hypocritarum, et hereticorum insidiis et dolosis obiectionibus continue et quotidie quatitur, mundanis vero potestatibus occulte et evidenter per diversa distrahitur. Quibus omnibus obviare, et his et quam plurimis aliis summopere cavere, post Deum et inter homines nostri est officii et curae, specia-liter horum cura die noctuque coquimur, his et similibus continue divellimur; licet pro tempore ab^b huius mundi filiis haec nobis videantur arridere, quae tamen, grates Deo referimus, mundana cognoscuntur^c nobis displicere. Sic vivimus et Deo annuente vivemus.

Privilegium vero Sancti Stephani¹, de quo mandasti, animae tuae salus est. Et pro eodem tibi consulimus sic ratum te habere, prout legati nostri Petrus et Iohannes Minutus canonice observandum iudicarunt. Si tamen superhabundans aliquid privilegio tibi videtur adscriptum, quanto plura pro Deo et sancto Petro beato Stephano concesseris, tanto maiora in retributione ab his procul dubio habebis.

Rebus vero sancti Petri, quae in Anglia colliguntur, sic te ut tuis invigilare admonemus, sic liberalitati tuae ut tua committimus, ut pium et propitium debitorem Petrum repperias et eum tibi ex debito subvenire admoneas, quem sibi multa te tribuisse non latebit. Data Romae 2 Nonas Aprilis, inductione 12.

a. ex animo c. b. an ut? c. coguntur c.

1. haud dubie monasterii S. Stephani Cadomensis (d. Baiocensis, in Normannia) ab ipso Wilhelmo rege conditi. De quo cf. Lanfranci opp. ed. Dacherius p. 20, Gall. Chr. XI 420, Monasticum Anglicanum (London 1846) VI 2, p. 1070.

I 71. *Mathildis reginae Anglorum humilitatem et dilectionem laudat. Monet, ut regem ad virtutem hortetur.*

Gregorius episcopus servus servorum Dei Mathildi reginae ¹⁰⁷⁴
Anglorum salutem et apostolicam benedictionem. ^{Apr. 4}

Auditis nobilitatis tuae litteris, liberalitatem tuam, filia dilecta, dilectioni et humilitati invigilare intelleximus; ex quibus tuae salutis indicium et spem certam hilariter accepimus. Non quippe dubitandum de eius salute fore credimus, quae humilitati et dilectioni, in qua lex ex toto continetur, ex corde inservire dinoscitur. Munera haec et similia a te expectamus, immo toto mentis desiderio accipere cupimus; ut, quae nobilis es sanguine, nobilior vivas, sanctorum more, honestate. Insta viro tuo; animae eius^a utilia sugerere^b ne desinas. Certum enim est, si vir infidelis per mulierem fidelem, ut ait apostolus, salvatur¹, vir etiam fidelis per mulierem fidelem in melius augmentatur. Data Romae 2 Nonas Aprilis, indictione 12.

I 72. *Gotefredum ducem Lotharingiae inferioris reprehendit, quod S. Petro promissam opem non tulerit. De Sardinia mandata superiora repetit.*

Gregorius episcopus servus servorum Dei Gotefredo² duci ¹⁰⁷⁴
salutem et apostolicam benedictionem. ^{Apr. 7}

Si sic mentis stabilis in apostolorum principis fidelitate maneres, si, sicut nobis promiseras, ex corde sibi adhaereres, multa tibi quasi ex pactione et vera caritate deberemus. Verum, quia omnes declinaverunt, simul inutiles facti sunt et, ut psalmista ait, non est qui faciat bonum, non est usque ad unum³, viam multorum aliorum secutus, declinasti. Ubi est auxilium, quod policebaris, ubi milites, quos ad honorem et subsidium sancti Petri te ducturum nobis promisisti? Sed quia quod beato Petro promisisti non implevisti, nos, licet indigni qui vicarii eius dicimur, nulla alia tibi promissione adhaeremus, nisi quia

a. eius addidi. b. sugere e.

1. Cf. 1 Cor. 7, 14. 2. Gibboso, duci Lotharingiae inferioris.
3. Ps. 13, 3.

1074 ut christiano tibi consulere debemus. Reminiscere, patrem tuum¹
 Apr. 7 multa sanctae Romanae ecclesiae promisisse; quae si executus
 foret, longe aliter et hilarius de eo, quam sentiamus, tecum gau-
 deremus. De Sardinia vero, quia terminus quem posuimus
 iam transiit, nihil aliud mandamus, quam quod praesentes simul
 diximus. Denique, si in his quae nobis promisisti, videlicet
 sancto Petro ex corde adhaerere, immobiliter perstare volueris,
 te sicut karissimum filium habebimus, et tu nos, quamquam in-
 dignum, dulcem tamen habebis patrem. Data Romae 7 Idus
 Aprilis, inductione 12.

I 73. *Isemberto episcopo Pictavensi praecipit, ut de iniuriis in
 S. Hilarii clericos immissis aut Gozelino archiepiscopo Bur-
 digalensi aut sibi die 1 Novembris Romae rationem reddat.*

1074 Gregorius episcopus servus servorum Dei Isemberto² Picta-
 Apr. 12 vensi episcopo.

Clerici congregationis sancti Hylarii³ venere ad nos, con-
 querentes super te de Nobiliacensi monasterio⁴. Dicunt enim,
 id iuris sancti Hilarii esse et a te nulla ratione iustitiae deti-
 neri. Unde etiam prudentiam tuam apostolicas praedecessoris
 nostri Alexandri litteras suscepisse testantur; sed inde iustitiam
 recipere se non potuisse, iterata reclamatione manifestant. As-
 serunt quoque, praedium Campaniacum nomine, te consentiente,
 a praedonibus tuis iniuste devastari. Addunt insuper, se ex anti-
 qua consuetudine cum sanctis reliquiis et plebe sua matricem
 ecclesiam in rogationibus adiisse et a canonicis tuis ad contu-
 meliam sibi clausas portas ecclesiae et introitum negatum fuisse.
 Quae si ita facta sunt, apostolica auctoritate tibi praecipimus,
 ut te repraesentes in concilio episcoporum provinciae vestrae
 metropolitano tuo⁵ et, redditâ super his omnibus ratione ac
 pura veritate discussa, iustitiam inde consequenter exhibere non
 praetermittas. Verum si haec aliqua occasione renueris aut te
 iniuste praegravari cognoveris, in festivitate omnium sanctorum⁶

1. Gotefridum Barbatum, ducem Lotharingiae. 2. II. 3. Pictavensis.
 4. d. Pictavensis. 5. Gozelino archiepiscopo Burdigalensi. 6. Nov. 1.

cum aliquot clericis sancti Hilarii ad nos venias, ut in praesentia nostra controversia vestra diligenter perquisita et cognita legitimum finem Deo adiuvante suscipiat, et tam sollicitudo nostra, quae multis invigilat, quam vestra lis deinceps super his causis sopita quiescat. Data Romae 2 Idus Aprilis, inductione 12.

I 74. *Bellovacenses, petente episcopo, anathemate absolvit.*

Gregorius episcopus servus servorum Dei clero et populo Belvacensi, si resipuit, salutem et apostolicam benedictionem.

Quoniam mira et hactenus inaudita fecistis, detestanda et abominanda perpetrastis et, super gentes quae ignorant Deum saeviendo et inhumanas linguis exacuendo, in Deum et in dominum vestrum praesumpsistis, idcirco sancta Romana ecclesia auctoritate patrum, sanctione canonum, in vos iaculum anathematis iure contorsit et pro meritis talibus ac tantis gladium in vos dirae animadversionis evaginavit. Sed, postquam filius et confrater noster Guilielmus¹ episcopus vester, paterna pietate rogando pro vobis, epistolam suam nobis in tempore synodi dixerit, sentientes eum erga vos benevolum et referentem pro malo bonum, precibus eius, moti solita pietate, condescendimus; et per auctoritatem beati Petri apostolorum principis vos absolventes, indultam absolutionem continuo vobis per litteras nostras significare destinavimus. Eadem igitur auctoritate beatorum apostolorum Petri et Pauli et nostra vos monemus: quatenus posthac sibi subditi et obedientes, sicut vestro episcopo et sanctae Romanae filio ecclesiae, sitis; et de tanta perpetratione, si poenitentiam adhuc non fecistis, eiusdem episcopi vestri salubri consilio sine mora suscipiatis, quatenus spiritus vester salvus sit in die Domini². Data Romae Idibus Aprilis, inductione 12.

I 75. *Philippum I regem Francorum hortatur, ut illata ecclesiae Bellovacensi detrimenta sarciat.*

Gregorius episcopus servus servorum Dei Philippo³ regi Francorum salutem et apostolicam benedictionem.

Significasti nobis per litteras et legatos tuos, te beato Petro

1. immo Guido. 2. 1 Cor. 5, 5. 3. I.

1074
Apr. 12

1074
Apr. 13

1074
Apr. 13

1074 apostolorum principi devote ac decenter velle obedire et nostra
 Apr.¹⁸ in his, quae ad ecclesiasticam religionem pertinent, monita de-
 sideranter audire atque perficere. Quod si ita cordi tuo divino
 instinctu affixum est, multum gaudere nos convenit, quod emi-
 nentia tua, ad divinam prona reverentiam, quae regiae admini-
 strationis sunt, cogitat atque cognoscit. Unde nobilitatem tuam
 ex parte beati Petri admonemus et omni caritatis affectu roga-
 mus: quatenus Deum tibi placare studeas et, inter cetera quae
 tuum est corrigere, per te illata Belvacensi^a ecclesiae detrimenta
 pro magnitudine tui nominis et honoris aliquatenus emendare
 non praetermittas. Attendere enim te nobiscum et diligenter con-
 siderare volumus, in quanta dilectione sedis apostolicae quanta-
 que gloria et laudibus fere per orbem terrarum antecessores tui
 reges clarissimi et famosissimi habitu sunt, dum illorum regia
 maiestas in amplificandis et defendendis ecclesiis pia ac devota
 constituit, in tenendo iustitiam libera ac districta^b permansit. Post-
 quam vero divina et humana iura subvertendo tanta virtus in
 posterioribus coepit hebescere, totius regni gloria decus honor
 et potentia cum perversis moribus immutata sunt, et nobilissima
 fama et status regni a culmine suae claritatis inclinati^c sunt. Haec
 quidem et alia talia frequenter et, si oportet, aspero etiam
 sermone tibi inculcare, suscepti nos officii cura compellit. Quo-
 niam licet verbum praedicationis abscondere et uspiam tacere
 non sit nobis tutum aut liberum, tamen, quanto dignitas est am-
 plior et persona sublimior, tanto propensiorem curam et clamore-
 rem^d pro eius rectitudine nos habere convenit, admonente nos
 Domino per prophetam dicentem: *Clama, ne cesses, quasi tuba
 exalta vocem tuam*¹; praecipue cum virtus christianorum princi-
 pulum in eiusdem Regis castris ad custodiam christianaee militiae
 nobiscum convenire debeat. Ut igitur eorum, quorum es suc-
 cessor in regno, nobilitatis et gloriae apud Deum et homines
 singularis et individuus heres existas, virtutem illorum summo-
 pere te imitari et, iustitiam Dei totis viribus exequendo, ecclae-

a. Belvacensis c. b. distracta c. c. inclinata c. d. maiorem excidisse videtur.

1. Isai. 58, 1.

sias quantum potes restaurare et defendere exhortamur: quatenus ¹⁰⁷⁴
omnipotens Deus dextera virtutis suae et hic regni tui gubernacula protegat et exaltet et coronam sempiternae gloriae in futura remuneratione donet. Data Romae Idibus Aprilis, in dictione 12. ^{Apr. 13}

I 76. *Humberto archiepiscopo Lugdunensi Landricum episcopum Matisconensem a sese ordinatum commendat^a.*

Gregorius episcopus servus servorum Dei dilectis^b in Christo ¹⁰⁷⁴
fratribus Humberto Lugdunensi archiepiscopo et eius suffraganeis ^{Apr. 15?} episcopis salutem et apostolicam benedictionem.

Confratrem nostrum Landricum^c Matisconensem episcopum, quem interventibus quibusdam rationabilibus causis ordinavimus, ad vos cum nostris litteris et apostolico sigillo mittimus, quatenus de suscepto sacerdotalis officii ordine et honore non incerta vobis signa et indicia referat. Cui quamquam vos debitam et fraternam dilectionem prompte exhibere non dubitemus, addere sibi tamen et nostrae ad vos commendationis quasi privilegium oportere perspeximus; quatenus ei tanto accumulatior inter vos caritas enitescat, quanto et ex vinculo nostrae^d fraternitatis et respectu apostolicae reverentiae coniunctior et eminentior eum causa commendat. Quapropter rogamus vos et admonemus in Domino, ut eum plenae dilectionis affectibus et digna congratulatione suscipiatis et ad regendam sibi commissam ecclesiam eiusque iura retinenda et, ubi opus fuerit, recuperanda cum omni cura et studio, quae potestis, consilia et adiutoria conferatis. Nam quanto his temporibus pro peccatis nostris ecclesia saevioribus usquequa concutitur perturbationibus, tanto sollicitius nos ad defensionem earum nostra consilia et quas possumus vires adunare debemus: quatenus contra tanta pericula fortiores in militia Christi et fraternis negotiis mutuis sustentationibus subsistere Deo adiuvante valeamus. Data^e Romae 17 Kalendas Aprilis^f, in dictione 12.

a. Legitur etiam 2) ap. Severium, chronologia Lugdunensis archiepiscopatus II 112,
ex ms. ecclesiae Matisconensis. b. dilectis — fratribus addidi ex 2. c. Lan-

dricum addidi ex 2. d. vestrae cod. nostrae 2. e. Data — indict. 12 om. 2.

f. Maias legendum esse arbitror.

I 77. *Beatricem et Mathildem reprehendit, quod Guarnerium episcopum Argentinensem detinuerint; quem ut ad Erlembaldum Mediolanensem mittant, hortatur. Addit de Dionysio Placentino aliisque Longobardiae episcopis.*

1074 Apr. 15 Gregorius episcopus servus servorum Dei duci Beatrici et eius filiae Mathildi salutem et apostolicam benedictionem.

Cum propheta testetur, quod omnipotens Deus, quem imitari iubemur, cor contritum et humiliatum non spernat^a, nos quidem, qui peccatores sumus, etsi contritionem cordium in aliis non satis plene perspicimus^a, cognitam^b tamen dissimulare et quasi pro nihilo computare non debemus. Guarnerius Argentinensis episcopus, postquam peccatis facientibus decorem sui ordinis indigne tractavit, vocatus ad correctionem a domino nostro venerandae memoriae Alexandro papa, solus inter omnes Teutonicae terrae episcopos, quorum multi non solum carnali scelere sed etiam simoniaca labe foedati itidem vocati sunt, apostolorum limina petiit, laqueum^c iudicii in humilitatis forma praevenit et, veritus apostolicam virgam, annunciando et confitendo^d pro peccatis suis in faciem procidit. Apostolica igitur tum censura correptus, iam nunc apostolicam venit experiri clementiam. Et cum tanta fatigione, sicut audivimus, ieunando pariter et plerumque pedes eundo compunctionem suam et obedientiam demonstravit, ut confratres nostri pro competentia horum temporum, miserendum sibi fore, dignum aestimarent et decernerent. Cui quamquam episcopalis officii redintegrationem ad vota sua non concessimus, exercere tamen in illo rigorem canonicum hoc in tempore, quid referret? cum fortasse, hoc amoto, locum eius non aliis possideret, nisi qui plurimum pecuniae dare posset. Ceterum, quod vos fecistis in eum, quam in honestum vobis, quam mihi verecundum quamque beato Petro et apostolicae sedi contumeliosum sit, quaeso, cum animis vestris reputate: ut, in quibus peregrinorum his in partibus tutissima debet esse defensio, inopinata pericula lateant; et nostra, qui hoc aliis prin-

a. respicimus c. b. cognita c. c. locum c. (cf. 2 Reg. 22, 6). d. cogitando c. (cf. Act. 19, 18).

1. Ps. 50, 19.

1074
Apr. 15

cipibus prohibemus, in hac re quasi consentanea pro familiaritate vestrae dilectionis voluntas arguatur; praesertim cum eumdem fratrem per litteras nostras non sine magna fiducia vobis commendaverimus. Quam ob rem nobilitatem vestram multum rogamus et admonemus: ut, iniurias eius quantum potestis demulcentes, cum omni benevolentia et manifesta caritatis exhibitione eum abire dimittatis et, sicut in supra memoratis rogavimus litteris, tutum sibi usque ad dominum Erlembaldum Mediolanensem ducatum praebeatis; scientes, eum per epistolam nostram esse commonitum, ut nullatenus super hac re contra vos aut vestros aliquid moliantur adversi.

Dionysio vero Placentino et aliis episcopis Longobardiae, qui ad nos venerant, nihil de episcopali officio nisi confirmari pueros pro necessitate concessimus; sed totius negotii frena ita retinemus in manu, ut aut correctis de venia aut pertinacibus non sit desperandum de poena. Quia vero ex caritate et pro reverentia sanctae Romanae ecclesiae vos de talibus adversum nos murmurasse credimus — memores domini et patris nostri beati Petri apostolorum principis, qui murmurantibus adversum se discipulis satisfacere non dedignatus est — vobis quoque rationem de factis nostris non inviti reddimus in eodem; quo, quanta sit vis dilectionis qua vobis astringimur, non alia vobis adhuc certiora signa dedimus. Neque vero nos fugit, quam diversa de nobis hominum opinio sit et iudicium, dum in eisdem causis et actibus alii nos crudeles alii nimium mites esse dicunt. Quibus profecto nil verius, nil rectius respondendum videmus, quam quod ait apostolus: *Mihi autem pro minimo est, ut a vobis iudicer, aut ab humano die*¹. Deus autem omnipotens, qui verus inspec tor est cordium, doceat nos et vos facere voluntatem suam et ponat legem suam in medio cordis nostri. Data Romae 17 Kalendas Maii, indictione 12.

1. 1 Cor. 4, 3.

I 78. *Wratzlao II duci Bohemorum Iarmirum episcopum Pragensem, de iniuriis in Iohannem Moravensem purgatum, commendat, eique praeposituram castrumque S. Wenzlai reddi vult. Episcoporum de possessione quadam litem in synodo compositum iri; ad quam legari a duce cupit.*

1074 Apr. 16 Gregorius episcopus servus servorum Dei Wratzlao¹ Boemiorum duci salutem et apostolicam benedictionem.

Frater tuus Iarmirus Bragensis episcopus, ad apostolorum limina veniens, conspectui nostro ea qua oportuit se humilitate praesentavit. Et de obiectis sibi quaedam confitens, congruam inde satisfactionem obtulit; quaedam vero denegavit et in hunc modum se purgando removit: videlicet quod ipse Iohannem Marovensem episcopum non percusserit neque servientes eiusdem episcopi decapillari aut barbas eorum abradi praeceperit, aut occasione subterfugiendi synodus inducias per legatum suum petierit. Nostraे igitur dilectioni plene reconciliatum, et restituto sibi omni episcopali officio, ad propriam sedem cum litteris nostris et apostolico eum sigillo remisimus; commendantes eum tuae nobilitati: ut, omni inter vos odio et inimica emulatione sublata, fraterno corde eum diligas; et episcopalem in eo dignitatem, sicut dignum est, veneranter inspicias; et, quaecunque iuris ecclesiae sibi commissae sunt vel quolibet modo ad eum iuste pertinent, tam tu ipse ei concedas quam omnes qui sub tua potestate sunt sine contradictione sibi reddere facias. De causa vero, quae inter eum et Marovensem episcopum tandiu protracta est, propter illius absentiam ita statuimus: ut in futura synodo ambo episcopi aut ipsi ad nos veniant aut tales nuncios mittant, quibus praesentibus et causam ex utraque parte rationabiliter exponentibus, nos sine omni ulterius dilatione puram super hac re iustitiae diffinitionem inferre et contentionem eorum decidere Deo favente possimus. Ubi etiam legatos tuos interesse multum cupimus, quatenus et ipsi tua vice ad indagationem veritatis nos adiuvent et testes nostrae diffinitionis existant. Terram vero, unde inter episcopos lis est, Maroven-

sem episcopum interim tenere decrevimus. Praeter haec supra 1074
memoratus frater tuus conqueritur super te, ut de praepositura
et castro sancti Wenzlai¹ debitam sibi potestatem et iustitiam
penitus auferas. Unde excellentiam tuam paternis affectibus ro-
gamus et admonemus: ut, si te iniurias ei in hac re irrogare
cognoscis, respectu divini timoris, cui rationem de factis tuis in
districto iudicio redditurus es, gratuita bonitate tua ad iustitiam
redeas et fratri, quae sua sunt, sine omni contrarietate dimittas.
Sin vero clamor eius inter vos sedari nequeat, in praefato ter-
mino futurae synodi^a legatos tuos vel hac de causa ad nos trans-
mittere non praetermittas, quatenus, inquisita et percognita veri-
tate ex utraque parte, quod iustum fuerit valeamus decernere
et aliquando fraterna pace et concordia vos opitulante Deo con-
iungere. Data Romae 16 Kalendas Maii, inductione 12.

I 79. *Annonem archiepiscopum Coloniensem de litterarum infre-
quentia obiurgat.*

Gregorius episcopus servus servorum Dei Annoni Coloniensi 1074
archiepiscopo salutem et apostolicam benedictionem. Apr. 18

Quanta caritate Romanae ecclesiae Coloniensis in omnibus
obsequendo coniuncta fuerit, dignitas vobis conlata testatur. Quae
nimirum caritas adeo in te videtur tepuisse, ut ex eo, quo sus-
ceptae administrationis laborem subivimus, nullas visitationis
tuue praeter has nuperrime missas litteras receperimus; cum
id nobis visitationis frequentius impendendum putemus, qui ob
recordationem disciplinae, qua tempore antecessoris vestri^b in
ecclesia Coloniensi enutriti sumus, specialem sibi inter ceteras
occidentales ecclesias dilectionem impendimus et, sicut adhuc
Romanae ecclesiae filii testantur, tempore beati Leonis³ papae
Treverensi episcopo⁴ pro honore ecclesiae vestrae, quod isdem^c
beatus Leo aegre tulit, viribus totis restitimus. Sed his nostris
studiis debitae dilectionis non exhibentes vicissitudinem, merito

a. synodus c. b. nostri cod. c. hisdem c.

1. Pragensi. 2. Hermanni II archiepiscopi Coloniensis (1036—1056).
Hildebrandum enim a. 1047 cum Gregorio VI „ad ripas Rheni“ pervenisse,
docet Bonitho. 3. IX. 4. Eberhardo.

1074 vos non solum negligentiae sed quasi promovendae litis arguere
 Apr. 18 possumus iuxta illud: *Qui non est tecum, adversum me est*¹; licet hanc litem virga apostolicae correctionis Deo auxiliante nobis facillimum sit dirimere. Si enim honorem beati Petri non in totum sed in partem, Coloniae et non Romae, probaverimus te diligere, tu nos neque in totum neque in partem poteris habere. Atque si ex negligente sollicitum et ex tepescente calidum te amor et reverentia matris tuae sanctae Romanae ecclesiae fecerit, non in partem sed in totum communis piscatoris nostri gratiam nostramque dilectionem sine dubio obtinebis. Data Romae 14 Kalendas Maii, indictione 12.

I 80. *Anicienses hortatur, ut Stephano III electo episcopo, in suam gratiam restituto, obedient.*

1074 Gregorius episcopus servus servorum Dei Annitiensi clero
 Apr. 19 et populo salutem et apostolicam benedictionem.

Stephanus² electus vester ea qua debuit apostolicam sedem humilitate^a requisivit et, manum suam manui nostrae dando, se Romanae ecclesiae obediturum promisit; ac per hoc gratiam eius, quam antea visus fuerat perdidisse, recuperavit. Quem quia ecclesiam vestram prudenter defendisse et simoniacum Stephanum et invasorem studio suo expulisse probavimus, regimen totius episcopatus vestri sibi commisimus; eo tenore, ut, quo usque ad nos redeat, de pontificali officio se non intromittat, sed, quemcunque voluerit episcoporum religiosorum patriae vestrae, ea, quae ad episcopale officium pertinent, facere commoneat. Vos itaque apostolica auctoritate admonemus: ut sibi debitam in omnibus reverentiam exhibeatis et ad defensionem ecclesiae vestrae adiutorium vestrum fideliter impendatis; quatenus, expulsa simoniaca haeresis de medio vestrum omni contagione, legalem pontificem habeatis et puram Christo domino nostro et beatae Mariae genitrici eius servitutem impendatis. Data Romae 13 Kalendas Maii, indictione 12.

a. humilitatem c.

1. Matth. 12, 30. 2. III.

I 81. *Udoni archiepiscopo Trevirensi mandat, ut, adhibitis Metensi et Tullensi episcopis, Theodericum Virdunensem, qui monasterium S. Michaelis contra mandatum apostolicum excommunicatione non absolverit, evocet; et monasterium absolvat, et episcopum ad pertinaciae rationem sibi redendam hortetur^a.*

Gregorius episcopus servus servorum Dei karissimo^b fratri in Christo Udoni Trevirensi archiepiscopo salutem et apostolicam benedictionem. Mai. 6

Confrater noster Theodericus Virdunensis episcopus, ut saepe nobis relatum est, habitatores loci apud monasterium quoddam sancti Michahelis infra parochiam suam ad quasdam novas consuetudines sua virtute et potentia flectere et cohercere diu co-natus est: videlicet ut cum letaniis maiorem ecclesiam, hoc est suam episcopalem sedem, simul congregati singulis annis visi-tarent. Quod cum illi inusitatum, ne forte et alterius novae exactionis occasionem darent, pati renuerent, divinum ibi officium fieri penitus interdixit. Ex qua re cum episcopus apostolicas iam ante litteras recepisset — commonitus, ut locum ab-solveret et nihil inde, nisi quod canonicum et iustum foret, exigeret — verba quidem non plene conservatae materiae par-tim^c modeste notavit, sed voluntatem et cognitam magistrae^d intentionis sententiam omnino neglexit. Unde, nec nos quidem de eius obedientia, si privatim loquimur, multum confidentes, fraternitatem tuam apostolica auctoritate monemus: ut, ex nostra et tua parte convocatis et coniunctis tibi suffraganeis episcopis, videlicet Herimanno Metensi et Poppone Tullensi, prafatum epi-scopum ad colloquium nostra vice convokes; indicans sibi, nos non aequo animo neglectam ab eo sedis apostolicae reverentiam accepisse; pariterque eum admonens, ut praedicto loco commu-nionem sacrosancti et divini ministerii reddat et, si quid iustitiae se confidit habere, concesso prius eisdem hominibus tanto tran-

a. Legitur etiam 2) in diplomatario capituli Trevirensis, ex quo hanc epistolam edidit Beyer Urkundenbuch I 430. b. karissimo — Christo addidi ex 2. c. parum cod. et 2. d. nostrae excidisse videtur.

1074 quillitatis tempore, quanto eos violenter astrinxit, postea aut in
 Mai. 6 conventu religiosorum episcoporum aut in praesentia Romani
 pontificis, quae sui iuris aestimat, ordinate requirat. Neque enim
 ad hoc praelati sumus, ut nostrae commissos providentiae po-
 tener magis quam iuste tractemus. At si ille haec ex^a nostra
 parte procuranda monita adimplere spreverit, tibi iniungimus:
 ut, apostolica fultus auctoritate, una cum confratribus^b tuis ante
 signatum locum ab omni interdictione et excommunicatione ab-
 solvas et, eadem auctoritate presbyteris ibidem consistentibus
 ad celebrandum divinum officium roboratis, episcopum, ut nobis
 de pertinacia sua et contemptu nostro respondeat, ex parte beati
 Petri et nostra per illum apostolica praceptione commoneas.
 Has vero litteras nostras iccirco aperte signari fecimus, ut, tam
 Virdunensi quam ceteris episcopis ostensae, commissae tibi pro-
 curationis et auctoritatis certitudinem paebeant. Data Romae 2
 Nonas Maii, indictione 12.

I 82. *Monasterii Augiensis bona, per Robertum abbatem disper-*
tita, Ecardo abbati a sese consecrato restitui iubet.

1074 Gregorius omnibus, ad quos litterae istae pervenerint.
 Mai. 8 Quamquam ad propulsandas omnium ecclesiarum et vene-
 rabilium locorum iniurias ex debito officii nostri et universalii
 providentia, quam per beatum Petrum apostolorum principem
 licet indigni suscepimus, sollicite nobis invigilandum et elabo-
 randum esse noscamus, his tamen locis apostolicae auctoritatis
 opem et scutum impensis circumferre duppliciter quodammodo
 compellimur, quae et in generali sanctae Romanae ecclesiae mem-
 brorum continentia ceteris coaequantur et singularis patrocinii
 privilegia pae ceteris sortiuntur. E quibus quoniam Augense
 monasterium huic sanctae et apostolicae sedi quadam principali
 et individua cohaeret linea, de dispersione bonorum eius valde
 dolentes, quid dominus et antecessor noster Alexander venerandae
 memoriae papa inde decrevit recolere, et sententiam nostrae con-
 firmationis in id ipsum omnibus, ad quos huius epistolae nostrae

a. ex addidi.

b. fratribus 2.

notitia pervenire poterit, destinavimus indicare. Postquam praedictus dominus noster papa Robertum simoniacum et invasorem eiusdem monasterii nullis admonitionibus nullisque minis ad hoc flectere potuit, ut vel abbatiam dimitteret aut pro reddenda ratione sui introitus apostolico se conspectui praesentaret, cognita veritate, quod, relieta alia abbatia¹, ad hanc pretio anhelasset, synodali iudicio eum anathematis iaculo, nisi resipisceret, per cussit, et sub eadem censura omnibus accepta ab eo beneficia ad praefatum coenobium pertinentia penitus interdixit, cunctaque ab eo disposita apostolica praceptione cassavit, atque haec eadem per epistolam episcopo Constantiensi² publice praedicanda et per episcopatum suum divulganda mandavit³. Itaque miserante Deo factum est, ut ille ab insana occupatione abbatiae desisteret, sed non, ut fautores eius contra Deum et iustitiam accepta ab eo monasterii bona relinquerent. Quapropter, quoniam, illa principali et haeretica peste depulsa, karissimum sancti Petri filium Ecardum^a, ex ipsa congregazione a confratribus electum et a nobis diligenter examinatum, abbatem ibi auctore Deo consecravimus⁴ — cupientes, ut monasterium post longas 1073 et multas tribulationes iam ad quietem et monasticae religionis cultum redeat — simili modo omnibus, qui a saepe fato Roberto pro defendenda eius nequitia aut exhibenda sibi fidelitate bona abbatiae in beneficia adepti sunt, sub anathematis districione et animadversione^b interdicimus. Nam, cum ille talium institutionum auctor et distributor in loco, ad quem haeretice aspiraverat, permanere non potuit, quibus legibus aut quo iure isti sibimet vindicabunt, quod sacrilega conventione acceperunt^c? Unde etiam omnibus Christi fidelibus, qui haec cognoverint, apostolica auctoritate praecepimus: ut eos in nulla penitus christiana communione participatione recipient, dum iniquitatis et mortis suae

a. Ecardum *addidit manus alia.* b. ea *excidisse videtur.* c. ceperunt c.

1. S. Michaelis Bambergensi. V. Annales S. Michaelis Bamb. et Lamberti annales 1071; Mon. Germ. SS. V 9 et 183. 2. Ottoni I. 3. Cf. Lamberti annales 1072 in Mon. Germ. SS. V 191; et Regesta pont. Rom. p. 397. 4. 1073 post Mart. 31. V. Bertholdi annales 1073 in Mon. Germ. SS. V 276.

1074 pretium diabolica aviditate et temeritate possident. Data Romae
 Mai. 8 8 Idus Maii, indictione 12.

I 83. *Adefonso VI regi Legionensi Paulum sive Munionem episcopum, in suam gratiam reconciliatum, commendat.*

1074 Gregorius episcopus servus servorum Dei Adefonso¹ regi
 Mai. 9 Hispaniae et episcopis regni illius salutem et apostolicam benedictionem.

Notum vobis esse volumus, hunc fratrem nostrum et episcopum Paulum cognomento Monio² ad apostolorum limina et nostram praesentiam venisse et post redditam rationem earum rerum, de^a quibus eum appellavimus, sicut dignum erat, in nostram communionem et dilectionem receptum fuisse. Romanum ordinem in divinis officiis, sicut ceteri Hispani episcopi qui synodo interfuerunt, se celebraturum et ut melius poterit observaturum promisit. De cetero, quoniam ad praesens omnia quae secum habuimus pleniter expedire et determinare non potuimus, ad futuram synodus eum ad nos iterum reverti paecepimus; et super hac re ab ipso promptae obedientiae sponzionem acceperimus. Quapropter, remittentes eum cum litteris nostris, caritati vestrae commendamus: quatenus et vos una nobiscum eum diligatis et secum atque inter vos vinculo pacis Christi, in quo per ipsum ad fidem uniti et in sortem hereditatis gloriae Dei electi estis, coniuncti firmiter persistatis. Te vero regem, ut dilectissimum filium, rogamus et admonemus: ut, considerans et ante mentis oculos ponens, in quam districto iudicio de commissa tibi administratione rationem redditurus es, regni tui gubernacula in tenenda aequitate exornare studeas, et huic episcopo antiquam sui episcopatus sedem³ reparare ac stabilire cum Dei adiutorio modis omnibus insistas⁴. Deus autem omnipotens ad omnia,

a. de om. cod.

1. VI regi Legionensi. 2. de quo cf. ep. 64 supra p. 84. 3. Oicensem s. Aucensem. V. supra p. 84 n. 5. 4. Idque factum esse constat. Licit enim Oicensis episcopatus sedes una cum Simone episcopo Burgos translata esset, Munionem tamen etiam a. 1079 „Aucensem episcopum“ fuisse, liquet ex Florez Esp. sagr. XXVI 162.

quae sibi beneplacita sunt, cor tuum dirigat et ea te in p^{re}-¹⁰⁷⁴
senti vita promereri faciat, unde postmodum tibi in^a sempiterna
retribuat. Data Romae 7 Idus Maii, ^{Mai. 9} inductione 12.

I 84. *Herimanno I episcopo Bambergensi significat, se causam eius Herimanno episcopo Metensi iuvandam commendasse.*

Gregorius episcopus servus servorum Dei Herimanno¹ Ba-¹⁰⁷⁴
venbergensi episcopo salutem et apostolicam benedictionem.^{Iun. 12}

Carissimus confrater noster Herimannus Metensis episcopus, nobiscum per dies aliquot commoratus, multum nos pro te rogavit multasque et intimas pro causa tua supplicationes effudit, referens nobis de te nonnulla, quibus in spem tuae correctionis non parva cordi nostro est oborta laetitia. Quapropter consilium, quod ad salutem tuae et animae nostrae quodque ad utilitatem ecclesiae cui praees aptissimum nobis visum est, in experientia fraternitatis suae posuimus, iniungentes et committentes sibi: ut, apostolica fultus auctoritate, vicem nostram in causa tua explere debeat, si modo ad obediendum his, quae quasi ore nostro tibi proposuerit, te paratum inveniat. In cuius prudentia quoniam, ad bene monendum te, promptam et sufficientem voluntatem esse non dubitamus, nos^b quidem e multis hoc^c fraternitati tuae sollicitate attendendum et pensandum scribimus: quod ad finem vitae quotidie appropinquas et extremum diem, quem tamen nescis quam cito veniat, certus expectas. Ideoque, frater, debita sollicitudine te admonemus, ut horrendum examen et inevitabile iudicium districti iudicis ante oculos ponas et faciem illius ea conscientiae tuae confessione et operum conversatione p^{re}aeoccupare² festines, quatenus in conspectu divinae praesentiae, cuius oculis omnia nuda et aperta sunt³, non te culparum timor et verecundia deprimat sed laeta recipienda pro bonis actibus retributionis fiducia manifestum et imperterritum reddat. Data in expeditione, ad montem Cimini⁴ 2 Idus Iunii, inductione 12.

a. tibi in addidi. b. vos c. c. tantum excidisse videtur.

1. I. 2. Ps. 94, 2. 3. Hebr. 4, 13. 4. inter Sutrium et Viturvium.

I 85. *Agnetem imperatricem collaudat, quod tantum operaे de-
derit et concordiae inter pontificatum et imperium resti-
tuenda et Heinrico IV regi communioni ecclesiae red-
dendo. Addit de suis laboribus et de Beatricis Mathildisque
erga se studio.*

1074 Jun. 15 Gregorius episcopus servus servorum Dei Agneti christia-
nissimae imperatrici salutem et apostolicam benedictionem.

Gaudemus et exultamus in Domino, quod lumen vestrae operationis ad nos usque resplenduit et fructus vestrae fatigationis, etsi non ad vota vestra plene cumulatus, Deo tamen ad laudem et gloriam, nobis ad laetitiam, vobis ad coronam perfectae remunerationis excrevit. Neque enim nostra spes ideo coartari aut submitti debet, si desiderium vestrae sanctitatis facultatem intentionis explendae non habuit; quoniam apud Deum perfecit omnia, qui, voluntatem gerens integrum, quantum potuit operari non desiit. Scimus equidem, quod pro pace et concordia universalis ecclesiae multum laboratis et omnia, quae pontificatum et imperium glutino caritatis astringere valeant, amplius quam dici possit concupiscitis et indefessa sollicitudine quaeritis. Quorum quidem quod maximum est et unitati dilectionis coniunctissimum, iam peregistis: videlicet filium vestrum Heinricum regem communioni ecclesiae restitui, simulque regnum eius a communi periculo liberari. Quoniam, illo extra communionem posito, nos quidem timor divinae ultionis secum convenire prohibuit; subditos vero sibi quotidie eius praesentia quasi necessitas quaedam in culpa ligavit. Ad cetera vero quae leviora sunt licet prosperitatem^a vestram promptam esse non dubitemus, per fiduciam tamen quam in Christo habemus gloriam vestram, ut iugiter tam sanctis studiis instet, propter revelationem gaudii vestri quodammodo exhortari impellimur; scribentes vobis et sub omni certitudine notificantes: praefato filio vestro vestra consilia vestraque multum merita profuisse, et, quam misericorditer eum divina respiciat clementia, vestram adhuc beatitudinem cum gra-

a. paupertatem c. (Cf. *infra*: vestram gloriam, vestram beatitudinem, eminentia vestra cetera.)

tulatione visuram esse. Hoc autem unde vel qualiter nobis com- ¹⁰⁷⁴
pertum sit, cum vestram miserante Deo praesentiam viderimus, ^{Iun. 15}
patenter indicabimus.

De cetero sciat eminentia vestra nos his temporibus pro causa beati Petri apostolorum principis in labore non parvo positos, et vestram in omnibus Beaticem nec non^a et communem filiam nostram Mathildim die noctuque in nostro multum adiutorio desudare, utpote vos sequentes, vos sicut dominam et magistram discipulae fideliter imitantes. Per vos itaque novum exemplum antiquae laetitiae, per vos, inquam, illae mulieres olim quaerentes Dominum in monumento¹ saepe nobis ad memoriam redeunt. Nam sicut ille p[ro]ae cunctis discipulis ad sepulchrum Domini miro caritatis ardore venerunt, ita vos ecclesiam Christi, quasi in sepulchro afflictionis positam, p[ro]ae multis immo pene pre omnis terrarum principibus pio amore visitatis et, ut ad statum libertatis suae resurgat, totis viribus annitentes, quasi angelicis instructae responsis, ceteros ad suffragium laborantis ecclesiae provocatis. Unde et revelationem supernae gloriae² et aeternae vitae, quae est in Christo Iesu, non dubie expectabitis et, consortes mulierum illarum, praesentiam Salvatoris nostri inter angelorum agmina, pace perpetua fruentes, ipso praestante invenietis. Quod autem de filia vestra Mathildi nos rogastis, gratanter accepimus, collaudantes sanctitatem vestram, quod tanta vobis de salute illius cura est; quae quidem in vos omni desiderio et fidelitatis affectu cor et animam suam effundit, gloriam vestram quasi gaudia propriae salutis exposcit. Ac nos quidem pro ea libenter oramus; et licet orationes nostras nostra Deo parum commendent merita, suffragante tamen pietate Petri, cuius servi sumus, eas in conspectu Domini non omnino vacuas esse confidimus. Vestram igitur commendationem digna veneratione suscipientes, itidem vos, ut illius et nostri memoriam in vestris rogamus orationibus faciatis. Et mutuis nos apud Deum iuvemus intercessionibus, quatenus hic in Christo conexa caritas unam et communem nobis in regno patris nostri, ipso p[re]-

^{a.} sic est correctum in cod. nostram.

1. Marc. 16, 5. 2. 1 Petr. 4, 13.

1074 stante, sedem pariat et laetitiam. Data in expeditione, ad Sanctum Flabianum¹ 17 Kalendas Iulii, indictione 12.

I 86. *De episcopis consecratis synodoque habita primo anno Gregorii VII papae.*

1073 In hoc primo anno pontificatus sui ipse dominus Gregorius
 Jun. 30 papa constituit et consecravit archiepiscopos et episcopos per
 | diversa loca: in Sardinia provincia Iacobum archiepiscopum Ca-
 Jun. 29 ralitanum, Constantimum archiepiscopum Turrensem², quibus
 pallia cum privilegiis dedit; Brunoni episcopo Veronensi pallium
 cum privilegio et nacho³ concessit⁴; Iohannem Soranum episcopum
 consecravit, item in marchia Firmana Trasmundum Valensem,
 Teuzonem Teatinum, Leonem episcopum in Campania Aquinen-
 sem, Hugonem in Burgundia Diensem⁵, Landericum^a item in
 Burgundia Matisconensem⁶, Guielimum in Maritima Massanum.
 1074 Celebravit Romae synodum⁷, in qua, inter^b cetera quae ibi gesta
 Mart. sunt, excommunicavit atque anathematizavit Robertum Guisca-
 dum ducem Apuliae et Calabriae atque Siciliae cum omnibus
 fautoribus suis, quoisque resipiceret.

EXPLICIT LIBER PRIMUS.

IN DEI NOMINE

INCIPIT LIBER SECUNDUS
 REGISTRI GREGORII PAPAE SEPTIMI
 anno dominicae incarnationis millesimo septuagesimo
 quarto, indictione duodecima.

II 1. *Britanniae episcopis et abbatibus praecipit, ut ad syno-
 dum Romae gerendam veniant, incestasque copulationes
 prohibeant.*

1074 Gregorius episcopus servus servorum Dei universis episcopis
 Aug. 28 et abbatibus Britanniae salutem et apostolicam benedictionem.

a. sic scriptum est super Rodulfum. b. inter — gesta sunt addidit alia manus.

1. Fiano, in dextera Tiberis fl. ripa, a Sutrio inter orientem et meridiem.
 2. V. ep. 41 supra p. 59. 3. magno equi stragulo. 4. Cf. ep. 24 supra p. 41. 5. 1074 Mart. 9. V. Regesta pont. Rom. p. 409. 6. V. ep. 76 supra p. 95. 7. 1074 Martio. V. Reg. pont. Rom. p. 409.

Suscepti nos officii cura compellit, omnium ecclesiarum sollicitudinem gerere et, ut fidei documenta ac sacrae scripturae regulas recte teneant, vigilanti circumspectione perquirere ac docere. Quoniam igitur inter vos sanctorum patrum decreta et ecclesiasticae religionis statum non ea qua oportet aut observari diligentia aut studio tractari intelligimus, per eam, quam beato Petro apostolorum principi debetis, obedientiam vos invitamus et nostra apostolica auctoritate monemus, ut ad synodum, quam in secunda ebdomada quadragesimae¹ Deo auctore in apostolica sede celebrare destinavimus, omni penitus ficticia occasione remota, conveniatis; quatenus adiuvante Deo una vobiscum et cum alia frequenta vestri ordinis, quae nostrae dispensationis et christianaee religionis ordo requirit, perspicaci studio adinvenire et exequi valeamus. Videtis enim, quod in maligno iam totus mundus est positus². Et communis nostra mater ecclesia tanto ardentius contra antiquum hostem nos invitat surgere, quanto haec tempora plura adversum nos diabolicae fraudis arma demonstrant et bella prorupisse. Interim vero hoc praecipue studium habetote, ut, quod de incesta copulatione per litteras nostras hominibus terrae vestrae mandavimus — episcopis dico — unusquisque in sua parroechia subditos suos sedula praedicatione commoneatis; minores ad emendationem tanti criminis canonica vos ipsi districione cohercentes; de maioribus vero qui corriganter quive in obstinatione permaneant, tempore praelibati concilii certa nobis relatione nunciantes; quatenus et obedientes apostolica remissione a culpa solvantur, et rebelles synodali iudicio anathematis continuo vinculis inmodentur. Data Laurenti 5 Kalendas Septembbris, inductione 12.

II 2. *Isembertum episcopum Pictavensem, et contra interdictum munere episcopali fungi et synodum congregatam per milites disturbare ausum, ante diem 30 Novembris venire Romam iubet.*

Gregorius episcopus servus servorum Dei Isemberto Pieta- 1074
vensi episcopo. Sept. 10

1. 1075 Mart. 1—9. 2. 1 Iohann. 5, 19.

1074 Sept. 10 Cum de te et factis tuis cogitare incipimus, de tam immo-
derata praesumptionis tuae audacia nequaquam satis admirari
possumus; quoniam, sicut boni ad incrementa bonorum operum
fideli desiderio nituntur ascendere, ita tu, et heu ampliori cupi-
ditate, per exquisita malefaciendi studia culpis tuis cumulum
iniquitatis indesinenter anhelas adipere. Interdictus enim a le-
gatis apostolicae sedis, officium episcopale usurpare praesum-
psisti, inobedientiae crimen et contemptum apostolicae auctorita-
tis incurrere non erubuisti. Postea vero et — eodem legato nostro
Amato episcopo Ellorensi et magistro tuo, videlicet Gozelino ar-
chiepiscopo Burdegalensi, una cum caeteris religiosis viris pro
faciendo divortio Guilielmi¹ Pictavensis comitis et propinquae
suae² quam pro uxore tenebat, his, inquam, sub apostolica obe-
dientia pro negotio tam gravi tam christianaे religioni neces-
sario congregatis — conventum illorum per milites tuos nefarie
perturbasti; quippe qui, perruptis monasterii claustris et foribus,
in concessum irruentes, archiepiscopum et legatum nostrum multa
turpidudine dehonestaverunt, reliquos vero minis convitiis ac ver-
beribus multisque contumeliis affixerunt. Unde apostolica tibi
auctoritate praecipimus, ut ante festivitatem sancti Andreea³
praesentiam tuam, super his responsurus, nostro conspectui ex-
hibere nullatenus praetermittas. Quodsi aliqua, nisi forte neces-
saria et inevitabili, occasione te subtraxeris, ab omni etiam sa-
cerdotali officio te privatum et sacrae communionis participatione
sequestratum esse noveris. Eos vero, per quos tantum faci-
nus effecisti, tam laicos quam clericos, a corpore et sanguine
Domini et omni divino officio, usque dum tu ad satisfactionem
venias, apostolica auctoritate repellimus; et tibi sub periculo
ordinis tui, ut omnibus hoc sine mora notifices, praecipiendo
mandamus. Data Tiburis 4 Idus Septembris, inductione inci-
piente 13.

1. VI comitis Pictavensis, VIII ducis Aquitaniae, fratri Agnetis im-
peratricis. 2. Aldeardis, filiae Roberti ducis Burgundiae. 3. Nov. 30.

II 3. *Guilielmum VI comitem Pictavensem laudat, quod cum uxore consanguinea divorcium fecerit. Quacum ne in eadem domo cohabitet, hortatur. Isemberatum episcopum, nisi Romam venerit, deiectum iri. Addit de „expeditione“ et de christianorum victoria e paganis lata.*

Gregorius episcopus servus servorum Dei Guilielmo¹ Picta- 1074
vensi comiti salutem et apostolicam benedictionem. Sept. 10

Omnipotenti Deo laudes et gratias referimus, qui, cordis vestri interiora penetrans, ad amorem et timorem suum vos inclinavit et ad obedientiam mandatorum suorum, superato carnis desiderio, confirmavit. Seimus equidem, quoniam, quod in praesenti vita vobis^a dulcissimum fuit, exigente iustitia reliquistis; dum pro reverentia christiana religionis ab uxore vestra, quoniam propinquia consanguinitate vobis est, separari^b consensistis. Verum, quanto graviori certamine libidinem animi vestri vicistis et ad legem Dei districtius vos humiliastis, tanto sublimiorem gloriam in^c infinita remuneratione vobis paratam esse, procul dubio sperare debetis. Quapropter et nobis multo uberior laetitia crescit; quoniam in hac correctione vestra certa spes vestrae salutis intelligitur, et ea, quae semper in domo vestra fuit, miserante Deo generositas conservabitur. Ex hoc enim nobilitas generis valde corrupitur, cum proles non de legitima coniugii permixtione generatur. Atque eo minus eminentia vestra, quod tam acriter vobis institimus, mirari debet; quoniam Romana ecclesia, quae domum vestram vos totamque prosapiam vestram singulare et egregia semper caritate dilexit, in tanto vos iacere periculo, pati non potuit. Ceterum quod dominam illam in vestra potestate usque ad futuram synodus morari cupitis, licet soror vestra², quam ut matrem diligimus, inde nos interpellaverit, consentire non audemus; scientes, diabolicam fraudem hominibus maxime vetita repertis occasionibus praecipua calliditate suggerere. Proinde ita eam a vestra vicinitate penitus removeri et elongari facite, ut vestra correctio et oblata Deo reverentia

a. nobis c. b. separare c. c. in addidi (cf. L. I ep. 75 supra p. 95: et coronam gloriae in futura remuneratione donet).

1. VI comiti Pictavensi, VIII duci Aquitaniae. 2. Agnes imperatrix.

1074 Sept. 10 omnibus sit in exemplum, et salutem vestram nulla valeat diabolus sagacitate turbare. De cetero scitote, Pictavensem Isembertum episcopum, nisi ante festivitatem sancti Andreae¹ ad nos de praesumptione sua rationem redditurus veniat, ab omni episcopali et sacerdotali officio et ipsa sacrae communionis participatione esse privatum.

Quod autem ad servitium sancti Petri promptam vos habere voluntatem mandastis, gratanter accepimus; sed determinate vobis aliquid de expeditione scribere ad praesens, non satis discretum fore pervidimus. Quoniam rumor est, in transmarinis partibus christianos miserante Deo paganorum longe propulsasse ferocitatem; et nos, de reliquo quid acturi simus, adhuc divinae providentiae consilium expectamus. Vobis tamen et de bona voluntate plena apud Deum remuneratio est reposita; nobis autem, si necesse fuerit, in vestris promissis, sicut in dilecto fratre et filio, certa semper existit fiducia. Data Tiburis 4 Idus Septembbris, inductione 13.

II 4. *Gozelino archiepiscopo Burdegalensi scribit, ut cum Isemberto Pictavensi aut ipse veniat aut legatos mittat.*

1074 Sept. 10 Gregorius episcopus servus servorum Dei Gozelino Burdegalensi archiepiscopo salutem et apostolicam benedictionem.

Sicut in litteris tuis intelleximus, Isembertus Pictavensis episcopus magnas Deo omnipotenti et beato Petro tibique magistro suo iniurias irrogavit, seseque nobis adversarium, impugnatores iustitiae, hostem sanctae ecclesiae patenter ostentavit. Nunc igitur, quoniam ad vindictam malefactorum eius non nostra tantum sed et tua opus est vigilancia, fraternitatem tuam multum admonemus: ut nulla te occasio in hac causa tepidum vel aliquo modo negligentem reddat; sed, si eum ad nos venturum cognoveris, tu ipse, si queas, ad apostolorum limina fatigationis cursum non refugias. Quod si tuae minus ferre poterunt occupationes, tales personas tam ex tua parte quam eorum, qui eadem nobis quae et tu de praefato episcopo per litteras notifica-

1. Nov. 30.

verunt, ad nos dirigi non desinas procurare, qui veritatem rei
 irrefragabili assertione praesente episcopo approbare valeant.
 Verum haec, non ut super his quae a te nobis significata sunt
 dubitemus, hoc ordine transigenda^a requirimus; sed ut, patrum
 nostrorum statuta servantes, omnia et rationabiliter discutiamus
 et auctorabili iudicio Deo favente concludamus. Novit enim pru-
 dentia tua, quod personis absentibus accusationem per scripta,
 canonica non probet auctoritas¹, nec absque partium disceptatione
 percognita in examinatione recipiat causas. Quapropter saepe
 fatum episcopum ad apostolicam audientiam sub tali distinctione
 per epistolam nostram² vocavimus: ut, nisi praesentiam suam
 ante festivitatem sancti Andreea³ nostro conspectui exhibuerit,
 omni episcopali et sacerdotali privatus officio, etiam sacrae com-
 munionis sit participatione seclusus. Si ergo, pertinaci induratus
 contumacia, citra^b praelibatum terminum nostrae praesentiae se
 subtraxerit, prolatam in eum sententiam divulgata praedicatione
 denuncia et, sicut inimici Dei, omnibus modis nequitiam et im-
 pudentiam eius confundere non desistas. Eos quoque, quos
 ipse ad tantum facinus perturbandi conventum vestrum applicuit,
 tam laicos quam clericos, quounque ad satisfactionem veniant,
 a corpore et sanguine Domini et ab omni divino officio aposto-
 lica auctoritate repulsos esse scias. Quod si episcopus, sicut in
 litteris nostris districte commonitus est, omnibus indicare ne-
 glexerit, tu palam illis facere nullatenus praetermittas. Data
 Tiburis 4 Idus Septembris, inductione 13.

II 5. *Manassem I archiepiscopum Remensem ceterosque Franciae episcopos hortatur, ut Philippum I regem ad virtutem revocent. Qui nisi ad sanitatem redierit, se regnum de manibus eius erupturum esse. Lanzelinum militem admoneri iubet, ut quem ceperit Folcerium dimittat.*

Gregorius episcopus servus servorum Dei Manasse⁴ Remensi,
 Richerio Senonensi, Richardo⁵ Bituricensi archiepiscopis et Adraldo

1074
 Sept. 10

a. transigendo c. b. circa c.

1. Cf. Gratiani descr. P. II C. II qu. 7 c. 5. 2. ep. 2 supra p. 109.

3. Nov. 30. 4. I. 5. II.

1074 Sept. 10 episcopo Carnotensi ceterisque episcopis Franciae salutem et apostolicam benedictionem.

Longa iam temporum curricula transacta sunt, ex quo regnum Franciae, olim famosum ac potentissimum, a statu gloriae sua coepit inflecti et, succrescentibus malis moribus, plerisque virtutum insignibus denudari. Verum his temporibus et culmen honoris et tota facies decoris eius collapsa videtur, cum, negletis legibus omniisque conculcata iustitia, quicquid foedum crudele miserandum intollerandumque est, ibi et impune agitur et adeptalientia iam in consuetudine habetur. Ante aliquot annos, postquam tepente inter vos regia potestate nullis legibus nulloque imperio iniuriae prohibitae sunt vel punitae, inimici inter se quasi quodam communi iure gentium, quisque pro viribus, conflixerunt, ad vindicandas iniurias suas arma copiasque paraverunt. Quibus permotionibus etsi plerunque in patria cedes incendia et alia quae bellum fert exhorta sint, dolendum quidem id fuit, sed non tantopere admirandum. Nunc autem omnes, malitia quasi quodam pestilentiae morbo repleti, horrenda et multum execranda facinora, multotiens nemine impellente, committunt; nihil humani nihilque divini attendunt; periuria, sacrilegia, incestum perpetrare, sese invicem tradere, pro nihilo ducent; et quod nusquam terrarum est, cives, propinquui, fratres etiam, alii alios propter cupiditatem capiunt et, omnia bona eorum ab illis extorquentes, vitam in extrema miseria finire faciunt; peregrinos ad apostolorum limina euntes et redeuntes, uti cuique opportunum fit, capientes in carceres trudunt et, acrioribus quam paganus aliquis eos tormentis afficientes, saepe ab illis plus quam habeant pro redemptione exigunt.

Quarum rerum rex vester¹, qui non rex sed tyrannus dicendus est, suadente diabolo caput et causa est. Qui omnem aetatem suam flagitiis et facinoribus polluit et, suscepta regni gubernacula miser et infelix inutiliter gerens, subiectum sibi populum non solum nimis soluto imperio ad scelera relaxavit sed ad omnia, quae dici et agi nefas est, operum et studiorum

1. Philippus I rex Francorum.

suorum exemplis excitavit. Nec satis visum est ei, in dispersione ecclesiarum, in adulteriis, in rapinis nefandissimis, in periuriis et in multimoda fraude, unde saepe eum redarguimus, iram Dei meruisse; quin etiam mercatoribus, qui de multis terrarum partibus ad forum quoddam in Francia nuper convenerant — quod antehac a rege factum fuisse, nec in fabulis refertur — more praedonis infinitam pecuniam abstulit. Et qui legum et iustitiae defensor esse debuit, is potissimum depraedator extitit; nimirum id agens, ut mala sua non iam infra terminos regni quod occupat concludantur, sed per orbem terrarum ad discordiam multarum gentium et suam, credo, confusionem extendantur.

1074
Sept. 10

Quod quia iudicium superni iudicis effugere nullatenus credendum est, rogamus vos et ex vera caritate monemus, ut caueatis vobis, ne prophetica super vos maledictio veniat, qua dicitur: *Maledictus homo, qui prohibet gladium suum a sanguine*¹, hoc est, sicut ipsi bene intelligitis, qui verbum praedicationis a carnalium hominum retinet increpatione². Vos etenim fratres etiam in culpa estis; qui, dum perditissimis factis eius sacerdotali vigore non resistitis, procul dubio nequitiam illius consentiendo fovetis. Proinde, quod inviti ac gementes dicimus, multum timemus, ut non pastorum sed mercennariorum³ sententiam accipiatis; qui, videntes lupum sub oculis vestris gregem dominicum lacerantem, fugitis, dum quasi canes non valentes latrare⁴ sub silentio vos absconditis. Atque equidem eo magis de vestro periculo metuimus, quanto nullas vobis in futuro examine excusandi rationes suppeteré^a cognoscimus; dummodo non alias vestrae taciturnitatis causas, nisi aut conscientiam, si vestro quod non credimus instinctu tot mala perpetrat, aut negligenciam, si de eius perditione parum curatis, reprehendere possimus. Quae utraque quam sint fugienda, maxime in officio vobis commissae dispensationis, vos ipsi perpenditis, qui debitam pastoralis curiae sollicitudinem non ignoratis. Nam, si prohibere eum

a. certius excidisse videtur.

1. Ierem. 48, 10. 2. v. supra p. 26 n. 4. 3. Ioh. 10, 12.
4. Isai. 56, 10.

1074 Sept. 10 a delictis, contra ius et reverentiam promissae sibi fidelitatis esse putatis, longe vos fallit opinio; quoniam hoc omni ratione confirmare possumus, multo fideliores esse, qui alium de naufragio animae suae vel invitum retrahit, quam qui in peccatorum gurgite nocivo consensu eum deperire permittit. De timore vero vanum est dicere. Quoniam vobis, ad defendendam iustitiam coniunctis et constanter accinctis, tanta virtus foret: ut et illum fidi correptione sine omni vestro periculo a consueta malefaciendi libidine possetis avertere et vestras pariter animas liberare; quamquam, etsi timor ac periculum mortis immineret, vos tamen a libertate vestri sacerdotalis officii desistere non oporteret.

Unde rogamus vos et apostolica auctoritate monemus, ut, in unum congregati, patriae vestrae famae^a atque saluti consulatis et, communis consilio ac coniunctissimis animis regem alloquentes, de sua eum et regni confusione atque periculo commoneatis et, quam criminosa sint eius facta atque consilia, in faciem ei ostendentes, omni exhortatione eum flectere studeatis: quatenus rapinam supra scriptis negotiatoribus factam emendet — quae nisi reddita fuerit, sicut vos ipsi scitis, infinitam discordiam et inimicitias inter multos pariet —; de cetero delicta sua corrigat et, relictis iuventutis suae moribus, attritam regni sui dignitatem et gloriam tenendo iustitiam reparare incipiat; et, ut ceteros ad ea quae recta sunt cohercere valeat, ipse primum quae sunt iniqua relinquat.

Quodsi vos audire noluerit et, abiepto timore Dei, contra regium decus, contra suam^b et populi salutem, in duritia cordis sui perstiterit, apostolicae animadversionis gladium nequaquam eum diutius effugere posse, quasi ex ore nostro sibi notificate. Propter quod et vos, apostolica auctoritate commoniti atque constricti, matrem vestram sanctam Romanam et apostolicam ecclesiam debita fide et obedientia imitamini; et, ab eius vos obsequio atque communione penitus separantes, per universam Franciam omne divinum officium publice celebrari interdicite.

a. patriae, famae vestrae c.

b. sua c.

Quodsi nec huiusmodi districione voluerit resipiscere, nulli
 clam aut dubium esse volumus, quin modis omnibus regnum
 Franciae de eius occupatione, adiuvante Deo, temptemus eripere.

1074
 Sept. 10

Sane si in hoc tanto tamque necessario negocio tepidos vos cognoverimus — non iam amplius dubitantes, quin, vestra fiducia fultus, incorrigibilis perduret — vos ipsos, sicut socios et complices scelerum eius, episcopali privatos officio, pari vindictae iaculo feriemus.

Testis enim nobis est Deus et propria conscientia, quod haec neque precibus neque pretio alicuius ducti dicimus nec in animum induximus. Sed solo dolore tacti intrinsecus, quod tam nobile regnum et tam infinitus populorum numerus unius perditissimi hominis culpa depereunt, tacendo dissimulare nec possumus nec debemus. Memores igitur illius divinae dicti sapientiae: *Qui timet hominem, cito corruet, et qui sperat in Domino, sublevabitur*¹, ita agite, ita vos habetote, ut, quam sit vobis libera mens et lingua, ostendatis; nec, timentes hominem, infirmitatis vestrae ruinam patiamini; sed, confortati in Domino et in potentia virtutis eius², sicut strenui milites Christi ad celsitudinem praesentis et futurae gloriae sublevemini.

Praeterea multum rogamus et admonemus dilectionem vestram, quatenus Lanzelinum Belvacensem militem convenientes, ut Folcerium Carnotensem, fidelem nostrum — quem ab apostolorum liminibus revertentem cepit — nihil de bonis eius retinens, illesum dimittat, ex parte beati Petri et nostra apostolica auctoritate commoneatis. Quod si facere contempserit, spiritualibus et secularibus armis eum insequi et urgere non prius desistatis, quam, relicto sancti Petri peregrino, etiam, si quid pro redemptione illius accepit aut pepigit, simul reddere aut refutare cogatis. Data Tiburis 4 Idus Septembbris, inductione 13.

1. Prov. 29, 25. 2. Ephes. 6, 10.

II 6. *Geromirum episcopum Pragensem graviter corripit, quod fide fracta et contra suum praeceptum bona quaedam occupaverit; quae Iohanni episcopo Moraviensi reddi iubet. Hortatur, ne pacem perturbet cum Wratizlao II duce conciliatam, utque cum episcopo Moraviensi Romam aut ipse veniat aut legatos mittat.*

1074
Sept. 22

Gregorius episcopus servus servorum Dei Geromiro^a Bragensi episcopo — quod non meretur — salutem et apostolicam benedictionem.

Venientem te hoc anno ad apostolicam sedem, apostolica utentes mansuetudine, multo benignius multoque mitius, quam facta tua mererentur, suscepimus^b atque tractavimus. Sed tu, more tuo malum pro bono reddens, contempta nostra caritate et apostolica auctoritate, contra interdictum nostrum de bonis et rebus, unde inter te et Iohannem episcopum Marovensem lis est, te intromittere ausus es et, quod valde nobis molestum est, nostra concessione te id fecisse, mentitus es. Nos equidem meminimus sic decrevisse: ut episcopus Marovensis terram et alia, de quibus inter vos discordia erat, usque ad futuram synodus cum omni pace et quiete tenere deberet. Hoc in litteris nostris^c fratri tuo duci expresse significavimus. Hoc tu ut nullatenus impediens, in manum nostram promittendo firmasti; sed^c, ut verbum inde mutaremus hoc, cum multum instares, neque precibus neque pretio impetrare potuisti. Porro in novissimis quasi quasdam novas querelas super fratre tuo Wratizlao² duce — quod fraudulenter te fecisse, nunc cognoscimus — afferens, videlicet eum de quodam castro sancti Venzlai et de praepositura iustitiam tuam tibi contradicere, hoc tantum effecisti, ut eum in epistola nostra moneremus, quatenus, si se iniuriam tibi fecisse cognosceret, pro nostro immo pro amore Dei, quod aequum esset, inde faceret. Hac igitur occasione et de nobis mendacium finxisti et nostra decreta subvertisti. Sed quaeaso, non erubescis aut non times, quod pro talibus causis non solum ordinis tui periculum tibi

a. in cod. manus posterior Geromiro mutavit in Geboardo. b. te susc. c.
c. an scilicet?

1. L. I ep. 78 supra p. 98. 2. II.

imminet, sed ex fraterno odio nec christianitatis quidem in te ¹⁰⁷⁴
suscepta gratia manet?

Praecipimus ergo tibi ex parte beati Petri et nostra apostolica auctoritate: ut castrum, quod tam fraudulenter cepisti, et alia omnia, quae in lite sunt, praefato Marovensi episcopo reddas; et tu ad diffiniendam causam, sicut statutum est, aut ipse Romam venias aut idoneos legatos mittas; atque hoc ita tempestive Marovensi episcopo notifiques, quatenus et ipse pariter se vel legatos suos ad iter praeparare valeat.

Praeterea, sicut nobis relatum est, pacem, quae inter te et fratrem tuum ducem convenit, multis modis perturbare non desinis, praeceps cum suis absque canonica culpa et legali iudicio excommunicas. Quod quidem tibi maxime periculosum est; quoniam, sicut beatus Gregorius dicit, qui insontes ligat, sibi ipsi potestatem ligandi atque solvendi corruptit. Unde te admonemus: ut anathematis gladium nunquam subito neque temere in aliquem vibrare praesumas, sed culpam uniuscuiusque diligentissimi prius examinatione discutias. Et si quid est, quod inter te et homines saepe fati fratriss tui emerserit, cum eo in primis, ut suos ad iustitiam compellat, fraterne et amicabiliter agas; et si aequitatem tibi denegaverit aut temeritatem suorum aliqua dissimulatione contra te, quod non credimus, intumescere sine vindicta permiserit, nobis indicare non te pigeat; et praestante Domino huius querelae occasionem sollicitis admonitionibus sine mora decidere procurabimus. Data Rome 10 Kalendas Octobris, inductione 13.

II 7. *Wratzlao II duci Bohemiae gratias agit, quod centum marcas argenti miserit. Addit de suis ad Geromirum episcopum litteris. Monet, ut episcopo Moraviensi ablata reddi cogat.*

Gregorius episcopus servus servorum Dei Wratzlao¹ duci ¹⁰⁷⁴
Boemiorum salutem et apostolicam benedictionem.

Pervenit ad nos nuncius vester, qui magnae devotionis et

1. II.

1074 fidelitatis vestrae exhibitionem nobis retulit et, quae beato Petro
 Sept. 22 sub nomine census misistis, videlicet centum marchas argenti
 ad mensuram vestri ponderis, fideliter praesentavit. Quod qui-
 dem gratanter accepimus; sed caritatem vestram multo ardentius
 amabiliusque, quasi quibusdam animi brachiis ad vos usque por-
 rectis, amplectimur, qui mentem vestram et desiderium magis
 ac magis erga reverentiam apostolicae sedis accendi perpen-
 dimus. Beatus autem Petrus, quem vos diligitis et cui celsitudinem
 potentiae vestrae humiliatis, copiosa vobis procul dubio
 retributionis munera praeparabit et suo vos munimine tam in
 praesenti quam futuro saeculo laetificabit.

De cetero grates vobis habemus, quod, obedientes nostris
 monitis, cum fratre vestro Geromiro Bragensi episcopo pacem
 fecistis. Quem nos quidem hoc in anno apostolicae sedi praes-
 entatum longe misericordius, quam sua meretur culpa, tracta-
 vimus. Verum ille, indebitam nobis vicem rependens, mox ut
 domum reversus est, sicut nos non dubia relatione cognovimus,
 de castro quodam et aliis rebus, unde litem habet cum Iohanne
 Marovensi episcopo, contra interdictum nostrum et contra sui
 ipsius in manus nostras datam promissionem, etiam de nobis
 mentiendo quasi id sibi concesserimus, se intromittere ausus est.
 De quo mendacio et fraude quid et qualiter paucis eum corri-
 piendo preeceperimus, in transmisso tibi exemplo litterarum¹,
 quas ei direximus, plene cognoscere potes. Unde et tuam
 nobilitatem ex parte beati Petri et nostra apostolica auctoritate
 rogamus et praecipiendo monemus, ut nequaquam eum de tanta
 deceptione ulterius gaudere sinas. Sed nisi ipse, sicut ipse in
 litteris nostris iussus est, castrum et alia, quae in lite sunt,
 Marovensi episcopo sine mora reddat, tua eum virtute eicias et,
 restitutis omnibus iam saepe dicto Marovensi episcopo, ipsum et
 bona ecclesiae, cui praeest, pro amore Dei et redemptione animae
 tuae ab iniuriis et impiorum hominum oppressione defendas.
 Hoc autem ea spe et intentione tibi procurandum mittimus, ut
 omnipotens Deus te et honores tuos divina virtute defendat et,

1. ep. 6 supra p. 118.

suffragante beato Petro apostolo, a peccatorum tuorum te abso-
lutm vinculis ad gaudia aeterna perdueat. Data Romae 10 Ka-
lendas Octobris, indictione 13.

II 8. *Iohannem episcopum Moraviensem, ab episcopo Pragensi
iniuriis affectum, consolatur. De epistolis ad eundem et
ad Wratizlaum II ducem Bohemiae missis addit.*

Gregorius episcopus servus servorum Dei Iohanni Marovensi 1074
episcopo salutem et apostolicam benedictionem. Sept. 22

Caritatem tuam frater erga nos promptam et sinceram esse
cognoscentes, debitas tibi grates rependimus tuisque fatigatio-
nibus fraterno corde compassi sumus. Scimus enim, quanta fraude
Bragensis episcopus te circumvenit. Qui tamen non solum ad
tuas sed, de nobis mentiendo et quasi ex nostra concessione ra-
pacitatem suam roborando, ad nostras etiam iniurias patenter
erupit. Qua de re quam graviter commoti simus vel quid inde
censuerimus, hic nuncius tuus viva voce tibi indicare poterit, et
tu ipse in litteris, quas duci, et exemplo litterarum, quas eidem
episcopo misimus, pleniter cognoscere potes. Et tu quidem nimis
simpliciter egisti, quod nos contra decreta nostra surgere et sen-
tentiam nostram tam leviter mutare putasti, qui^a ea omnia, quae
inter te et illum in lite sunt, usque ad futuram synodus et
totius dissensionis vestrae discussionem tuis possessionibus decre-
visse, praesens intellecteras. Nunc igitur apostolica auctoritate
iussus atque suffultus, castrum et si quae alia^b praefatus episco-
pus tibi abstulit sine mora repetas. Illum namque admonuimus
firmiterque, tibi ea omnia sine contradictione reddere, praecepi-
mus. Ducem vero rogavimus: ut, si episcopus nobis non obe-
diret^c, eum de castro expelleret et, restitutis tibi omnibus, pro
amore Dei te et bona ecclesiae, cui praees, Deo adiuvante de-
fenderet. Hoc enim indubitanter scias, quia neque in hac neque
in alia re ad defensionem iustitiae tuae apostolica tibi, providente
Deo, sollicitudo^d deerit vel auctoritas. Omnipotens Deus in tua

a. an quem? an qui nos? b. si qui aliqua c. sequitur iterum ut in cod.
d. in cod. sequitur non.

1074 Sept. 22 sacerdotali vigilantia et officio sibi gratum sacrificium et tibi statuat aeternae felicitatis praemium. Data Romae 10 Kalendas Octobris, indictione 13.

II 9. *Beatrici et Mathildi scribit, se malignis de iis rumoribus non credere. Dolet de sanitate sibi restituta. Robertum Guiscardum sibi fidelitatem obtulisse. Si altera earum trans Alpes itura sit, antea colloqui cum iis cupit. Azonem marchionem et Papiensem ac Mutinensem episcopos Romanam vocatos esse.*

1074 Oct. 16 Gregorius episcopus servus servorum Dei Beatrici duci et eius filiae Mathildi salutem et apostolicam benedictionem.

Non vos^a fugit, varios saepe ad nos^b rumores de vobis^c afferri, sicut mos eorum est, qui amicorum dilectioni invident et una nimitti. Et quidem, si nos talibus aures quod absit acclinare vellemus, non multi sunt, in quibus sincerae dilectionis affectum nobis patere crederemus. Sed nos, nihil fere potius quam suspectum animum fugientes, in veritate vobis loquimur: quod in nullis terrarum principibus tutius quam in vestra nobilitate confidimus; quoniam hoc verba, hoc facta, hoc piae devotionis studia, hoc fidei vestrae praeclara nos constantia docuerunt. Nec dubitamus, quin vestra in nobis vera nitescat caritas, cum per Petrum servus et Petrus in servo diligitur.

De cetero scitote, nos praeter spem omnium qui nobiscum erant infirmitatem corporis evasisse et iam bonam valitudinem recepisse. Unde nobis dolendum potius quam gaudendum esse putamus. Tendebat enim anima nostra et toto desiderio ad illam patriam anhelabat, in qua ille, qui laborem et dolorem considerat¹, lassis quietem et refrigerium praestat. Verum, reservati adhuc ad consuetos labores et infinitas sollicitudines, in singulas horas quasi parturientis dolores² et angustias patimur, dum pene in oculis nostris naufragantem ecclesiam nullo valemus eripere gubernaculo. Lex enim et religio christiana ita fere ubique deperiiit, ut Sarraceni et quilibet pagani suos ritus firmius teneant,

a. nos c. b. vos c. c. nobis c.

1. Ps. 10, 14. 2. Ierem. 22, 23.

quam illi, qui christianum nomen acceperunt et quibus in regno patris per Christum hereditas et aeternae vitae gloria parata est, divinae legis mandata custodian. Quo minus mirandum est, si huius lucis aerumnas spe supernae consolationis fugere cupimus, qui, in his positi, in sola cognitione inundantium periculorum singulorum poenas luimus.

1074
Oct. 16

Praeterea scitote, Robertum Guiscardum saepe supplices legatos ad nos mittere et tantae fidelitatis securitate^a se in manus nostras dari cupere, ut nemo unquam firmiori obligatione se cui-libet domino debeat vel possit astringere. Sed nos, non incertas rationes, cur illud sit adhuc differendum, considerantes, supernae dispensationis et apostolicae procurementis consilia praestolamur.

Ad haec alteram vestrum hoc in tempore transalpinaturam intelleximus. Sed prius, si fieri posset, ambarum colloquio uti multum desideramus; quoniam vestra consilia, sicut sororum nostrarum et filiarum sancti Petri, in causis et negotiis nostris habere desideramus. De nobis vero, quicquid per Deum et recte sapimus et valemus, in omni caritatis exhibitione vobis patere, confidite; et, memoriam vestram in nostris cotidie orationibus haberi et, quamquam peccatores simus, intente Deo commendari, scitote.

Praeterea notum vobis est, marchionem Azzonem¹ in synodo nobis promisisse et fidem in manum nostram dedisse: se in nostram praesentiam, quandocumque eum commoneremus, pro reddenda ratione sui coniugii venturum. Et nos quidem hac de causa ipsum vocavimus. Guilielmum Papiensem episcopum et Heribertum Mutinensem, qui propinquitatem mulieris² sciunt, ad nos venire per epistolas nostras invitavimus, quatenus, rei veritate percognita, quod iustum fuerit, Deo adiuvante statuamus. Quapropter dignum nobis videtur, ut praefato marchioni per certum vestrum nuncium mandetis: quatenus per terram vestram in eundo et redeundo securus transire possit, ne occasione vestri timoris in hac parte iustitia christiana legis detrimentum sentiat.

Data Rome 17 Kalendas Novembris, indictione 13.

a. securitatem c.

1. V. L. I ep. 57 supra p. 76. 2. Mathildis.

II 10. *Udoni archiepiscopo Trevirensi mandat, ut una cum Herimanno episcopo Metensi Popponem episcopum Tullensem de reddendis bonis clero ademptis commoneat, de eodemque episcopo, simoniae fornicationisque accusato, cognoscat sibi significet.*

1074 Oct. 16 Gregorius episcopus servus servorum Dei Udoni Treverorum archiepiscopo salutem et apostolicam benedictionem.

Admonere te frater, ut ea, quae tibi committimus, fideliter agas, ex caritate, ut vero velociter, ex considerata causarum vel temporum fit competentia et necessitate. Quae quidem utraque in subscripto negocio ita te observare volumus, ut, quemadmodum credimus, fidum te et indefessum nobis cooperatorem cognoscamus. Frater iste, Tullensis ut fatetur clericus, ad nos veniens, conquestus est nobis: quoniam iratus sit ei dominus suus, videlicet Tullensis ut dicitur episcopus¹, se exulem factum et omnibus rebus suis expoliatum; supplicans, ut apud apostolicam pietatem tantarum miseriarum aliquam inveniret consolationem. Nobis vero, cur hoc sibi acciderit diligenter inquietibus, retulit: se ab episcopo quandam ecclesiam postulasse, quae ad officium custodiae quod tenebat legali constitutione dicitur attinere. Qua de re commotus episcopus cum ei non solum hanc denegaret ecclesiam sed totum officium per summam interdiceret obedientiam, respondit: se non debere sibi obedientiae reverentiam, quoniam, archidiaconatus consecrationes ecclesiarum et ipsas ecclesias vendendo, simoniaca haeresi se commulasset; cum muliere quadam in publica fornicatione iaceret, de qua filium genuisset, quamque rumor esset sacramento et despunctione, laicorum more, sibi copulasse; et praeterea quod nonnulli, eum ad episcopatum pactione praemii pervenisse, dicerent. His auditis episcopus, quasi de manifestis culpis poenitens et de sua correctione tum cum hoc solo tum cum caeteris fratribus loquens, tandem manifesta indignatione et ira super istum inflammatu est. Egressoque ab urbe episcopo, paulo post milites eius, utpote non ignorantes voluntatem domini sui, huic

1. Poppo.

omnem securitatem abnegavere et intra claustrum ei minati sunt in faciem. Quos cum insidiari vitae suae et honori intelligeret, clam discessit, ut sua absentia temperaret severitatem huius furoris. Episcopus vero confestim sua omnia diripi et publicari praecepit. Et ita iste exulem se et egenum iam diu fuisse conqueritur. Verum haec nobis inordinata et valde iniqua videntur: quoniam, si illa vera sunt, episcopus immo exepiscopus non hunc sed conscientiam suam odisse et persequi debuerat; sin vero falsa — et utinam falsa — non tamen milites sed disciplinam canonum istum corripere et flagellare aequum fuerat. Quocirca fraternitatem tuam^a apostolica auctoritate commonitam et in hac causa suffultam esse volumus: ut, convocato et adiuncto tibi dilecto confratre nostro Herimanno venerabili episcopo Metensi, Tullensem conveniatis eumque: ut clericum istum sine omni periculo vitae et securum ab omni contumelia in claustrum suum recipiat, et officium custodiae cum ecclesia quam^b postulavit, si iuste attinet, cum ceteris omnibus iustis pertinentiis et utilitatibus suis et praeposituram suam et officium scolarum nec non omnia ablata sibi bona et tam irrationabiliter illata damna restituat, apostolicis iussionibus commoneatis. Deinde convocatis Tullensibus clericis, per veram eos obedientiam immo sub combinatione anathematis constringite: ut, quicquid de introitu et vita episcopi sciunt, vobis aperiant; et vos, undique explorata veritate, quid nobis inde credendum sit, in synodo vel ante syndum, quam in prima hebdomada quadragesimae¹ celebraturi sumus, per litteras vestras notificare nullatenus praetermittite. Quodsi episcopus, ut optamus, innocens de tot ac tantis crimibus apparuerit, quod clericus temere peccavit, quoniam ad nostram venit audientiam, qualiter iuste corrigatur, Deo aspirante procurabimus. Si vero episcopus ea, quae sibi intenduntur, veraciter removere non poterit, nullo modo ferendum est nobis vel vobis, ut locum pastoris lupus obtineat. Has autem litteras ictice aperte sigillari praecepimus, ut certiorem vobis auctoritatem traderemus. Data Rome 17 Kalendas Novembbris, indictione 13.

1. 1075 Febr. 22—28.

a. tuam om. c.

b. qua c.

II 11. *Albertum comitem Ballenstedensem et Adelheidam eius uxorem hortatur, ut de sacerdotibus simoniacis et forniciantibus praecepta apostolica observent^a.*

1074 Oct. 26 Gregorius episcopus servus servorum Dei Alberto^b comiti^c
et eius uxori^d salutem et apostolicam benedictionem.

Gratias Deo referimus, quod vel^e laici et mulieres ad Dominum mentes erigunt et cultum religionis libenter intellectu capiunt et tenere contendunt. Nam illi, qui propter lucrandas animas episcopi vocati et constituti sunt et subditos suos verbo et exemplo viam veritatis docere deberent, his temporibus seducti a diabolo non solum legem Dei deserunt sed impugnare et omni conatu subvertere non desistunt. Quo minus mirandum est, si ipsi inferiores ordines a delicto non prohibent, quorum aut ordinatio fuit haeretica aut vita omni immunditia et facinoribus cooperta; qui, dum in semet ipsis propria scelera nec corrigit nec attendunt, subditorum quoque crimina aut per negligenciam aut timore propriae conscientiae portant. De quibus recte per prophetam dicitur: *Obscurentur oculi eorum ne videant, et dorsum eorum semper incurva*^f. Quapropter, quicquid illi contra vos immo contra iustitiam garriant et pro defendenda nequitia sua vobis, qui inlitterati estis, obiciant, vos in puritate et constantia fidei vestrae permanentes, quae de episcopis et sacerdotibus simoniacis aut in fornicatione iacentibus ab apostolica sede accepistis, firmiter credite et tenete. Data Romae 7 Kalendas Novembris, inductione 13.

II 12. *Burchardum episcopum Halberstatensem, de legatis suis in regno illo parum honorifice susceptis dolentem, laudat.*

1074 Oct. 26 Gregorius episcopus servus servorum Dei Burchardo^g Al-

bistetensi episcopo salutem et apostolicam benedictionem.

Ostendis frater, te sanctam Romanam ecclesiam sincero af-

a. Legitur etiam 2) op. Paulum Bernrid, Pont. Rom. vit. ed. Watterich I 495.
b. dilecto in Christo filio et nobilissimo comiti Adalberto 2. c. et 2.

1. comiti seniori de Ballenstide (avo Alberti Ursi), ut ex eo liquet, quod haec epistola cum iis quae sequuntur ad episcopum Halberstatensem litteris eodem die data est. 2. Adelheidae. 3. Ps. 68, 24. 4. II.

fectu diligere, quando id movet cor et animum tuum: legatos ¹⁰⁷⁴
 sedis apostolicae in regno vestro non eo quo oportuit honore
^{Oct. 26} susceptos fuisse nec ea, quae christiana religio postulabat et ad-
 huc postulat, prout necesse foret, efficere potuisse. Verum nos
 multo magis haec illis accidisse volumus, quam ut ipsi, homi-
 nibus magis quam Deo placere cupientes, veritatem et liberta-
 tem illius, quae in eis repraesentabatur auctoritas, aliqua simu-
 latione violassent. Nam, si principibus et dicitibus terrae vestræ
 regnare pro libidine et iustitiam Dei conculcare^a taciti conser-
 tire vellemus, profecto amicitias munera subiectiones laudem et
 magnificas ab eis honorificentias habere possemus. Quod quia
 loco in quo sumus et officio quod tenemus minime congruit,
 nihil est, quod nos a caritate Christi, ipso protegente, separare
 possit; quibus mori tutius est, quam legem eius derelinquere
 aut pro mundi gloria impiorum potius, si sint potentes, quam
 eorum personas respicere, qui, licet sint pauperes, legem sui
 conditoris exquirunt, mandata diligunt, vitam potius quam iusti-
 tiam deserunt. Tuae igitur unanimitatem fraternitatis debita
 cum gratulatione suscipientes, hanc flamمام in pectore tuo
 semper crescere cupimus: ut in ea, quam erga sanctam et apo-
 stolicam ecclesiam habere coepisti, dilectione proficias, semper^b
 vero in nostra caritate immo beati Petri protectione et eius apo-
 stolica indubitanter benedictione confidas. Data Rome 7 Kalen-
 das Novembbris, inductione 13.

II 13. *Salomonem regem Ungarorum, qui regnum, Romanae ec-
 clesiae proprium, ab Heinrico IV rege Teutonicorum
 suscepit, reprehendit. Addit de lancea coronaque Unga-
 riae ab Heinrico III imperatore Romam missis. Sceptrum
 regni apostolicae non regiae maiestatis beneficium re-
 cognoscat.*

Gregorius episcopus servus servorum Dei Salomoni regi ¹⁰⁷⁴
^{Oct. 28} Ungarorum salutem et apostolicam benedictionem.

Litterae tuae ad nos tarde propter moram nuntii tui allatae

a. cupientibus *excidissee videtur.* b. spem c.

1074 sunt. Quas quidem multo benignius manus nostra suscepisset,
 Oct. 28 si tua incauta conditio non adeo beatum Petrum offendisset.
 Nam, sicut^a a maioribus patriae tuae cognoscere potes, regnum
 Ungariae sanctae Romanae ecclesiae proprium est, a rege Ste-
 phano¹ olim beato Petro cum omni iure et potestate sua obla-
 tum et devote traditum². Praeterea Henricus³ piae memoriae
 imperator, ad honorem sancti Petri regnum illud expugnans,
 victo^b rege⁴ et facta victoria⁵, ad corpus beati Petri lanceam⁶
 coronamque^c transmisit; et pro gloria triumphi sui illuc regni
 direxit insignia, quo principatum dignitatis eius attinere cognovit.
 Quae cum ita sint, tu tamen, in^d ceteris quoque a regia
 virtute et moribus longe discedens, ius et honorem sancti Petri,
 quantum ad te, imminuisti et^e alienasti, dum eius regnum a rege
 Teutonicorum⁷ in beneficium, sicut audivimus, suscepisti^f. Quod
 si verum est, qualiter gratiam beati Petri aut nostram benevo-
 lentiam sperare debeas, tu ipse, si iustitiam vis attendere, non
 ignoras: videlicet te non aliter eam habiturum nec sine aposto-
 lica animadversione diu regnaturum, nisi sceptrum regni quod
 tenes, correcto errore tuo, apostolicae, non^g regiae, maiestatis
 beneficium recognoscas. Neque enim nos timore vel amore aut
 aliqua personali acceptione, quantum Deo adiuvante poterimus,
 debitum honorem eius, cuius servi sumus, inquisitum relin-
 quemus. Verum, si haec emendare et vitam tuam ut regem
 decet instituere et Deo miserante adornare volueris, procul dubio
 dilectionem sanctae Romanae ecclesiae sicut^h matris dilectus fi-
 lius et nostram in Christo amicitiam plene habere poteris. Data
 Romae 5 Kalendas Novembris, indictione 13.

a. sicut — plene habere leguntur *etiam 2) ap. Deusdedit (Borgia Breve istoria del dominio temp., Append. p. 14).* b. victoria adepta 2 pro victo — victoria. c. lanceam et coronam eius 2. d. in — discedens *om. 2.* e. et alienasti *om. 2.* f. acceperisti 2. g. autem *addit* 2. h. sicut dilectissimus filius 2.

1. I. 2. de qua re cf. Büdinger Oesterreich. Geschichte I 402 n. 1.
 3. III. 4. Ovone. 5. anno 1044. 6. de lancea cf. Arnulfi Gesta archiepp. Mediolanensium III 6, Mon. Germ. SS. VIII 18, et Bonithonem infra.
 7. Heinrico IV.

II 14. *Guarnerio Argentinensi et Burcardo Basileensi episcopis mandat, ut parthenonis S. Crucis advocatiam, de qua Leonis IX nepotes contendant, Gerardo tradant, Hugone excluso.*

Gregorius episcopus servus servorum Dei Guarnero Argentiniensi et Burcardo Basilensi episcopis salutem et apostolicam benedictionem. 1074
Oct. 29

Non ignorare vos credimus, dominum nostrum beatae memoriae Leonem¹ papam monasterium sanctae Crucis², in terra hereditatis suae fundatum ac propriis opibus eius constructum, sanctae Romanae ecclesiae, cui pie et sancte praesidebat, in proprium ius tradidisse³, quatenus venerabilis ille locus sub alis sancti Petri tutior et liberior in divino famulatu proficeret. Verum, sicut nos certa relatione comperimus, nepotes illius, Hugo videlicet et Gerardus, sua potius quam quae Dei sunt quaerentes nec tam sanctissimi viri excommunicationem timentes, dum inter se de advocatione contendunt, monasterii bona diripiunt et, quae ad sustentationem ancillarum Dei constituta sunt, sacrilegis invasionibus militibus suis praedam faciunt. Quapropter fraternitatem vestram multum rogamus et admonemus: ut pro amore et debita sancto Petro obedientia ambos in locum aliquem vestro conventui aptum convocetis et, causam utrimque diligenter inquirentes, finem contentioni eorum imponere summopere studatis; in nullo quidem ab ea, quae in privilegio praelibati patris nostri Leonis papae descripta est, constitutione et determinatione digredientes. Ibi enim inter cetera eius apostolica sanctione decretum est: ut, qui de progenie sua in castro Egeneschem ceteris maior natu fuerit, curam advocatione solus teneat; et in omnem posteritatem eius generis haec potestas ita procedat. Iuxta quam ordinationem Gerardum quidem iustius agere et advocationem magis merito quam Hugonem administrare putamus, quia aetate priorem esse intelleximus. Quod si et vos ita esse cognoveritis, ex parte beati Petri et nostra apostolica, vestra etiam episcopali

1. IX. 2. Woffenheimense, prope Colmariam. 3. 1049 Nov. 18.
V. Reg. pont. Rom. n. 3197.

1074 Oct. 29 auctoritate, Hugoni interdicte, ne ulterius ullo modo de eadem
advocatia se intromittat neque monasterium aut bona eius, cuius-
cumque modi sint, aliqua laesione vel contrarietate impetat; alio-
quin sciat, se apostolici gladii ictum nullatenus evadere posse
et non solum a gratia beati Petri sed a communione totius ec-
clesiae iudicio sancti Spiritus et apostolica sententia excommuni-
catum ac condemnatum penitus separari. Quicquid igitur inde
factum fuerit, per litteras vestras nobis quantocius indicare cu-
rate. Data Romae 4 Kalendas Novembris, indictione 13.

**II 15. *Humberto archiepiscopo Lugdunensi et Augustodunensi ac
Matisconensi episcopis mandat, cogant clericos Lingonenses
ad explenda damna, monasterio Pultariensi illata.***

1074 Nov. 11 Gregorius episcopus servus servorum Dei Humberto archi-
episcopo Lugdunensi et Agino Augustodunensi et Rodulfo¹ Matis-
conensi episcopis salutem et apostolicam benedictionem.

Hubertus Pultariensis² abbas, diu apud nos pro necessita-
tibus monasterii sui commoratus, multas adversitates et inquietu-
dines conqueritur se a clericis pati Lingonensibus. Cuius ini-
uriae tanto vehementius nos attingunt, quanto^a sollicitudines
apostolicae dispensationis per beatum Petrum, cuius^b servi su-
mus et cui monasterium illud speciali et proprio iure subiectum
est, nobis prae ceteris incumbunt. Sed quia longum erat, sin-
gulas querimoniarum abbatis causas hic comprehendere, frater-
nitatem vestram rogamus et apostolica auctoritate monemus: ut
ex ore ipsius illatas sibi molestias et monasterii detrimenta
audiatis et diligenter attendatis; convocatisque praescriptis cle-
ricis, ad faciendam emendationem et satisfactionem, prout iustum
fuerit, super omnibus de quibus in eos conqueritur abbas, nostra
vice et apostolica auctoritate eos^c commoneatis. Quodsi vos immo-
beatum Petrum et eius per nos administrata monita contempse-
rint et, iustitiam facere renuentes, in pertinacia temeritatis sua
persistirint, ab introitu ecclesiae arcere eos et excludere nulla-

a. gravius de eo *excidisse videtur.* b. cui c. c. eos addidi.

1. an Landrico? 2. coen. Pultariensis d. Lingonensis.

tenus praetermittatis. Sin vero nec pro huiusmodi districione voluerint resipiscere, et illatas beato Petro iniurias — utpote privilegia eius transgressi — ceteraque, in quibus abbatem et monasterium eius indignis offensionibus laeserunt, digna respuerint satisfactione emendare, nostra apostolica auctoritate iussi atque suffulti, eos, anathematis gladio percussos, a corpore et communione totius ecclesiae separate et canonico iudicio condemnate. Quicquid autem inde factum fuerit, nobis per vestras litteras sine mora notificate. Data Romae 3 Idus Novembbris, inductione 13.

II 16. Richerio archiepiscopo Senonensi de dioecesis eius hominibus scribit.

Gregorius etc. Richerio Senonensi archiepiscopo salutem et apostolicam benedictionem.

De hominibus sui episcopatus a paribus. Data Romae 3 Idus Novembbris, inductione 13.

II 17. Sigebaldum abbatem S. Salvatoris Perusinum reprehendit, quod persuaserit sibi, ut Albericum monasterio S. Anastasii praefici permetteret. Quo remoto, abbatem iniuste deiectum restitui iubet.

Gregorius episcopus servus servorum Dei Sigebaldo abbati monasterii sancti Salvatoris in Perusia salutem et apostolicam benedictionem.

Fraternitatem tuam, quam religiosam tenemus, admodum miramur nobis iustum non dedisse consilium, secundum quod a pluribus dicitur, de Alberico; scilicet multis criminibus involuto et, quod est peius, etiam a venerabilis memoriae domino Petro aliisque duobus episcopis ab omni honore ecclesiastico sub excommunicatione amoto. Quem sancti Anastasii monasterio¹ ex nostra permissione restituisti; alterum vero meliorem ex abbatiae honore, ut fertur, vi ac sine ratione eiecisti. Quod cum audis-

1. Hoc S. Anastasii monasterium non novit Mabilio, Ann. ord. S. Ben. V 81.

1074 Nov. 13 semus, valde nobis displicuit; nostraque caritas, ut talia corriganter, has litteras tibi direxit. In his igitur unum ex duobus tibi ac praedicto Alberico praecipimus: aut monasterium, quod ei non recte dedisti, dimittat et alteri iniuste reiecto reddat, aut tecum Romam veniens ex illis criminibus, in quibus accusatur, in nostra praesentia veritate se defendat. Sin autem neutrum horum obedire non vult^a, a sacra sede apostolica intelligat se procul dubio excommunicandum. Haec itaque nullatenus negligas, praecipimus. Peccatum enim maximum tecum incurrimus, si omittimus hoc; quando quidem ita est, sicut nobis multorum testimonio est intimatum. Data Romae Idibus Novembbris, inductione 13.

II 18. *Guilielmo VI comiti Pictavensi mandat, hortetur sub excommunicationis poena Philippum I regem, ut quibus bonis negotiatores Italos despoliaverit, ea illico reddat.*

1074 Nov. 13 Gregorius episcopus servus servorum Dei Guilielmo¹ comiti Pictavensi salutem et apostolicam benedictionem.

Licet Philippi² regis Francorum iniquitates ad notitiam tuam pervenisse dubitandum non sit, utile tamen duximus, quantum de eisdem iniquitatibus doleamus, tibi innotescere. Nam inter cetera scelera, quibus non solum christianos sed et paganos videtur superasse principes, post ecclesiarum, quas sibi libuit^b confundere, varias destructiones adeo regiae dignitatis posthabuit verecundiam: ut, avaritia potius inflammante quam ratione aliqua poscente, Italiae negotiatores, qui ad partes vestras venerant, depraedatus fuerit. Qua de re quia episcopos Franciae litteris nostris³ eum convenire monuimus, te quoque, sanctum Petrum et nos pure diligentem et ut credimus de eius nobiscum periculis contristatum, praecipue monemus: quatenus, ex illis atque nobilioribus Franciae melioribus quibusdam adhibitis, iniquitates suas sibi notificetis et, ut ipse, stultorum suggestionibus renunciando atque bonorum et sapientium consiliis adhaerendo,

a. sic. An Si autem in neutro horum obedire vult?

b. licuit c.

1. VI comiti Pictavensi, VIII duci Aquitaniae. 2. I. 3. lib. II
ep. 5 supra p. 114.

incipiat iam a confusione ecclesiarum manum retrahere et ad exemplar bonorum Franciae regum pravos mores suos commutare, depraeationes, quas supra commemoravimus, unde oratores sancti Petri impediuntur capiuntur atque multis malis^a afficiuntur, sine dilatione emendare. Qui si consiliis vestris acquieverit, nos eum qua debemus caritate tractabimus. Alioquin, si in perversitate studiorum suorum perduraverit et secundum duritiam et impoenitens cor suum iram Dei et sancti Petri sibi thesaurizaverit¹, nos, Deo auxiliante et nequitia sua promerente, in Romana synodo a corpore et communione sanctae ecclesiae ipsum et, quicumque sibi regalem honorem vel obedientiam exhibuerit, sine dubio sequestrabimus; et eius cotidie super altare sancti Petri excommunicatio confirmabitur. Diu est enim, quod iniquitates suas portavimus, diu est, quod sanctae ecclesiae iniuriam, parcendo adulescentiae suae, dissimulavimus. Nunc autem adeo perversitas morum suorum se notabilem reddidit, ut, etsi^b tantae valitudinis tantaeque fortitudinis esset, quantam pagani imperatores sanctis martyribus intulerunt, nos timore aliquo tot et tantas iniquitates suas nullo modo impunitas dimiteremus. Data Romae Idibus Novembbris, indictione 13.

II 19. Richardo archiepiscopo Bituricensi mandat, ut una cum Rodulfo I archiepiscopo Turonensi inter monasterium Dolense et S. Sulpitii abbatem iudicet.

Gregorius episcopus servus servorum Dei Richardo² Bituricensi archiepiscopo salutem et apostolicam benedictionem. 1074 Nov. 15

Dolense³ monasterium, sicut novit fraternitas tua, iuris sancti Petri esse dinoscitur; cui si aliquod discrimin infertur, speciali sollicitudine succurrere debemus. Proinde, proclamatione ipsius monasterii super abbate⁴ Sancti Sulpitii⁵ iam dudum pulsati, commisimus confratri nostro Rodulfo⁶ Turonensi archiepiscopo, quaestionem utriusque monasterii una tecum diligenter

a. modis c. b. si c.

1. Rom. 2, 5. 2. II. 3. s. Burgidolense; d. Bituricensis.
4. Odone. 5. in suburbio Bituricensi. 6. I.

1074 Nov. 15 discutere et ad legitimum Deo auxiliante diffinitionis finem per-
ducere. Studeat igitur fraternitas tua sic se praefato confratri
nostro in hac causa auxiliaticem impendere, quatenus in inqui-
sitione huius rei non sit nobis necessarium elaborare. Data
Romae 17 Kalendas Decembris, inductione 13.

II 20. *Richerio archiepiscopo Senonensi praecipit, ut illatas Rodulfo I archiepiscopo Turonensi iniurias expiari a Lanzelino cogat.*

1074 Nov. 15 Gregorius episcopus servus servorum Dei Richerio Seno-
nensi archiepiscopo salutem et apostolicam benedictionem.

Confrater noster Rodulfus Turonensis archiepiscopus veniens
ad nos nobis^a innotuit, se non parvam iniuriam a quodam paro-
chiano tuo nomine Lanzelino sustinuisse. Aserit enim, ipsum in
via sibi armata manu obviasse et, quibusdam suorum depraedatis
quibusdam etiam vulneratis et, quod crudelius est, in faciem suam
proprio consanguineo interfecto, multis contumeliis se dehone-
stasse. Unde fraternitatem tuam admonemus, ut praefatum Lan-
zelinum convenias et tanti sceleris praesumptionem digne emen-
dere facias. Quod quidem fraternitas tua etiam sine nostrarum
litterarum admonitione facere debuisset; et, si ita est ut dicitur,
prius ad nos vindictae quam proclamationis venire fama de-
buisset, si in te fraterna caritas vigeret. Quodsi ipse spiritu
superbiae ductus satisfacere recusaverit, canonicam super eum
censuram exercere non differas. Data Romae 17 Kalendas De-
cembris, inductione 13.

II 21. *Stephanum abbatem Bellilocensem Rodulfo I archiepiscopo Turonensi obtemperare iubet. Quodsi excusationis causas habeat, ad synodum veniat.*

1074 Nov. 15 Gregorius episcopus servus servorum Dei^b abbatii¹
Bellilocensi² salutem et apostolicam benedictionem.

a. nobis addidi. b. lacuna in cod.

1. Stephano. 2. coen. Belliloci, d. Turonensis.

Confrater noster Rodulfus¹ Turonensis archiepiscopus retulit 1074
 nobis, te nullam sibi obedientiam velle impendere teque usuris Nov. 15
 ceterisque sceleribus effrenata licentia deservire. Quapropter te^a
 admonemus, ut praedicto confratri nostro debitam non deneges
 obedientiam. Quodsi aliquam te cognoscis idoneam posse pree-
 tendere excusationem, cum praedicti confratris nostri nuncio ad
 synodum, quam in prima septimana quadragesimae² celebratur
 sumus, venias vel idoneos nuncios mittas, quatenus et de inobe-
 dientia archiepiscopi et de criminibus tibi obiectis respondeas.
 Non enim possumus, quod in laicis legaliter reprehendimus, in
 te indiscutsum et, si verum est quod tibi^b infertur, sine con-
 digna poena puniendum^c relinquere. Data Romae 17 Kalendas
 Decembris, indictione 13.

II 22. *Hugonem militem de Sancta Maura hortatur, ut aut ec-
 clesiae Turonensis bona archiepiscopo reddat aut ad syn-
 odum accedat.*

Gregorius episcopus servus servorum Dei Hugoni militi de 1074
 Sancta Maura³. Nov. 15

Confrater noster Rodulfus Turonensis archiepiscopus con-
 queritur, quod tu bona ecclesiae suae iniuste retineas et neque
 timore Dei neque reverentia beati Mauritii ad iustitiam facien-
 dam velis mentem tuam inclinare. Unde apostolica auctoritate
 te^d monemus, ut, si ita est, de bonis illis dignam satisfactionem
 praedicto confratri nostro offeras. Quodsi fortasse ab eodem
 archiepiscopo praeiudicium tibi fieri claruerit, cum eius^e nuncio
 ad futuram synodum nostram venias, quatenus, utrumque auditis
 rationibus, unusquisque vestrum proclamationis suae iustitiam
 consequatur. Quodsi huic admonitioni nostrae inobediens fueris,
 in eadem synodo, ad quam te vocamus, sine dubio excommuni-
 caberis. Data Romae 17 Kalendas Decembris, indictione 13.

- a. te addidi. b. tibi addidi. c. sic cod. d. te addidi. e. eius
 addidi.

1. I. 2. 1075 Febr. 22—28. 3. a Turonibus ad meridiem.

II 23. *In Isembertum episcopum Pictavensem pronuntiatum a legato suo interdictum confirmat; eumque communione privat, donec in synodo se stiterit. Venire si neglexerit, fore ut deiciatur.*

1074 Nov. 16 Gregorius episcopus servus servorum Dei Isemberto Pictavensi episcopo.

Quoniam interdictus a legato nostro Giraldo Ostiense episcopo obedire contempsisti, concilium nostro praecepto congregatum violenter conturbasti, nostris quoque praeceptis de causa sancti Ylarii inobediens extitisti, auctoritate apostolorum Petri et Pauli interdictum tibi^a a nostro legato episcopale officium non solum confirmamus, verum etiam te a communione corporis et sanguinis domini nostri Iesu Christi separamus usque ad futuram synodus, quam Deo annuente in prima ebdomada quadragesimae¹ celebraturi sumus; nisi forte periculo mortis imminente, et hoc, praecedente satisfactione sacramento confirmata. Praecipimus etiam eadem apostolica auctoritate, ut in futuro concilio iam dicto te nobis repraesentes et de his omnibus et ceteris, quae tibi illata sunt, rationem redditurus venias. Quod si non feceris, noveris te in eadem synodo absque spe futurae reconciliationis deponendum. Data Romae 16 Kalendas Decembbris, inductione 13.

II 24. *Gozelino archiepiscopo Burdigalensi et Guilielmo VIII duci Aquitaniae mandat, si episcopus Pictavensis ad synodum non venerit, ut ille ecclesiasticas res, hic iurisdictionem eius administret.*

1074 Nov. 16 Gregorius episcopus servus servorum Dei Gozelino Burdigalensi archiepiscopo atque Guilielmo² duci Aquitaniae salutem et apostolicam benedictionem.

Notum fieri volumus vestrae dilectioni, nos Isemberto Pictavensi episcopo mandavisse: Quoniam interdictus a legato nostro Giraldo Ostiense episcopo usque ad id quod ait: absque

a. tibi addidi.

1. 1075 Febr. 22—28. 2. VI comiti Pictavensi, VIII duci Aquitaniae.

spe futurae reconciliationis deponendum. Quod si observare no-
luerit, apostolica vobis auctoritate praecipimus, ut nullus vestrum
sibi obediat neque eum pro episcopo habeat. Tibi autem, Goze-
line Burdigalensis archiepiscope, ecclesiasticas res committimus
tractandas; populum et clerum, ne sibi obediat, commoneas.
Tibi vero, Guilielme comes, iustitiam committo tractandam. At-
que in vestris manibus causam sancti Ylarii regendam et iusti-
tiam inde exhibendam^a committimus. Data Romae 16 Kalendas
Decembris, indictione 13.

*II 25. Annonem archiepiscopum Coloniensem hortatur, iudicet
inter Bennonem episcopum Osnabrugensem et Wernherum
abbatem Corbeiensem et quandam abbatissam. Quae lis
si componi non possit, illos ad synodum Romanam ire
iubeat. Addit de clericorum castitate.*

Gregorius episcopus servus servorum Dei Annoni Coloniensi 1074
archiepiscopo salutem et apostolicam benedictionem.
Nov. 18

Ut diligentia tua, dilectissime frater, reminisci potest, legati
nostri Ubertus Praenestinus et Giraldus Ostiensis episcopi ad
partes vestras destinati litem, quae inter Bennonem¹ Osburghensem
episcopum et² Corbeiensem abbatem ac quandam ab-
batissam versabatur, ad se ut dirimeretur delatam, tuae vene-
randae sollertiae iuste diffiniendam commiserunt. Verum, nescio
qua obstante causa, adhuc indiscussa remanere nobis perhibetur.
Quapropter caritatem tuam, frater karissime, iterum duximus
adhortandam, ut praefatum negocium diligenter audias et legi-
time diffinias. Ceterum, si aliqua ratio qua hoc perficere ne-
queas obstiterit, his sibi litteris ostensis, eos^b ad synodum in
prima proximae quadragesimae ebdomada³ agendam adire com-
moneas: quatenus controversia inter eos diu protracta, omni
occasione propulsa, canonicum finem accipiat. Praeterea sol-
licitudinem tuam ex parte beati Petri, communis patris et do-

a. exhibendum c. b. nos c.

1. II. 2. Wernherum. V. Catalog. abb. Corb. supra T. I p. 70.
3. 1075 Febr. 22—28.

1074 Nov. 18 mini, instanter admonemus: ut non solum in ecclesiae tuae dio-
cesi sed etiam in omnibus suffraganeorum tuorum parochiis
presbyteros diaconos et subdiaconos admonitionibus tuis caste
vivere facias; quoniam, ut fraternitas tua novit, caeterae virtutes
apud Deum sine castitate nihil valent, sicut nec sine caeteris
virtutibus castitas. In hoc igitur diligens et sollicitus studeas,
quatenus, sicut in aliis virtutibus tuis, tibi Petrum apostolum
debitorem facias. Data Romae 14 Kalendas Decembbris, indi-
catione 13.

II 26. *Dionysio episcopo Placentino mandat, ut monasterio S. Sa-
vini abbatem praeficiendum curet. Legatos mittit, qui iu-
dicent inter eum, abbatem S. Sepulchri, plebem Placen-
tinam, Bonizonem subdiaconum.*

1074 Nov. 27 Gregorius episcopus servus servorum Dei Dionisio Placen-
tino episcopo salutem et apostolicam benedictionem.

Rigizonem abbatem monasterii sancti Savini¹, quem ad
audientiam nostram tua sollicitudo direxit, recepimus et tanta
investigatione discussimus, ut praelibatum monasterium nostris
refutaret in manibus. Absit enim, ut nos eis dignitates eccle-
siasticas defendere conemur, qui sibi eas interventu pecuniae
arripere praesumpserunt. Verum, ne praemissum monasterium
gravem rerum suarum pateretur iacturam, illud praefato abbatи eo
usque, salvo tuae ecclesiae iure, custodiendum commisimus, quoad
ibi abbas sollemniter eligatur, qui Deo dignus et praedicti mon-
asterii fratribus acceptus habeatur. Quapropter, dilectissime^a
frater, talis ibi tua fratrumque simul diligentia provideatur: ut
nos non appareat potius ad detrimentum monasterii vel fratrum,
quam ad utilitatem sui vel augmentum egisse, quod egimus; ac
tu dignas inde laudes inter homines habeas, et apud Deum ex
hoc salubri negocio indulgentiam peccatorum et animae tuae per-
petuam salutem invenias; quae tunc efficaciter acquiritur, cum
Deo sacris in locis famulantibus caritatis officio pie consultur.

a. diligentissime c.

1. Placentini.

Porro legatos nostros, praesentium videlicet latores, ob hoc ad vos usque direximus: ut, ad quem finem instans negocium perveniat, aspiciant; et controversiam, quae inter te et abbatem Sancti Sepulchri¹ plebemve Placentinam sive Bonizonem subdiaconum versatur, intentius audiant; ut, calumniari nitentibus obstructa licentia, cuius partis tergiversatio iustitiam impedire contendat, advertant; et sancta Placentina ecclesia post tot temporum interstitia^a, post tot tantaque litigia se saltem nunc optatam et optandam pacem tuae nobilitatis prudenti clementia recipere congaudeat; quatenus praenominatae ecclesiae, debita quiete perfruenti, Deo servire liceat; tu vero, huiuscemodi supervacaneis occupationibus propulsis, in nostri Conditoris laudibus et servitio delectari et in lege eius die ac nocte meditari² valeas et ad veram beatitudinem pervenias; atque apud nos calumniantium improbitas locum ulterius non habeat. Data Rome 5 Kalendas Decembris, indictione 13.

1074
Nov. 27

II 27. *Monachis S. Savini Placentinis de eligendo abbe scribit.*

Gregorius episcopus servus servorum Dei congregatiōi monasterii sancti Savini Placentiae constituti salutem et apostolicam benedictionem.

1074
Nov. 27

Rigizonom abbatem vestrum ad audientiam nostram venientem suscepimus et tanta examinatione discussimus, ut monasterium nostris refutaret in manibus. Verum, ne praelibatum monasterium grave rerum suarum pateretur dispendium, illud sibi eo usque commisimus, quoad in praedicto monasterio alter solemniter eligatur, qui Deo dignus et sacris canonibus conveniens inveniatur. Quapropter praesentibus vos hortamur apicibus: ut, neglecta omni nefandi pretii taxatione, posthabita consanguinitatis et amicitiae gratia, talem vobis eligere secundum regulam sancti Benedicti studeatis, cum quo Deo servire concorditer et sincere valeatis. Rogamus vos interea, karissimi fratres, ut pro recuperatione status sanctae Romanae ecclesiae suique incolo-

a. *intristitia c.*

1. coenobii prope Placentiam (in orientem versus).

2. Ps. 1, 2.

1074 mitate ac pro me, ut sibi consulere valeam, Deum, cui fideliter
 Nov. 27 famulamini, iugiter exoretis. Data Romae 5 Kalendas Decembris, indictione 13.

II 28. *Lemarum archiepiscopum Bremensem ad synodum vocat.*
Interim episcopali munere eum fungi vetat, quia legatos
sus a gerendo concilio impediverit.

1074 Gregorius episcopus servus servorum Dei Lemaro Bremensi
 Dec. 12 archiepiscopo.

Quia suscepti beneficii, quo te sancta Romana ecclesia voluit honestare, te immemorem immo^a potius ingratum cognovimus, oblitum etiam promissionem canonicamque obligationem, qua sanctae Romanae ecclesiae te, fidelem te eam^b diligere eique ex corde obedire, canonice obligasti; non immerito super te dolendo movemur, non sine causa tibi, quem fidelem filium credebamus, irascimur. Heu inversi mores et tempora immutata. Quem murum inexpugnabilem pro sancta Romana ecclesia, cui licet indigni praesidemus^c, putabamus; quem scutum fidei, quem gladium Christi sumere debere, si oporteret, tum officio tuo tum praedicto debito pro sancta Romana ecclesia, pro nobis etiam nostrisque successoribus credebamus; iam eius nostrumque inimicum nostrumque inpugnatorem invenimus te, atque^d iniurias a te ac^e turpissimam et inauditam repulsam licet iniuste patimur. Legatis quippe nostris Uberto^f Praenestinensi et Giraldo Ostiensi episcopis — quos ad partes illas ad id destinavimus, ut, in unum archiepiscopis episcopis abbatibus religiosisque clericis convocatis, vice et auctoritate nostra fulti, quae corrigenda essent corrigent, quae religioni addenda adderent — pro viribus impeditisti^g. Ad haec, ut et concilium fieret, prohibuisti. Ab eisdem etiam Roman vocatus, ad institutum terminum, festivitatem scilicet sancti Andreea¹, non venisti. Ad haec igitur et quam plura alia corrigenda ad proximam synodum, quae proxima² quadragesimae

a. immo addidi. b. eam addidi. c. sequuntur in cod. pro nobis etiam;
 sed haec inducta sunt. d. te, atque scripsi pro tuasque cod. e. ac addidi.
 f. alberto c. g. an impedimento fuisti?

1. Nov. 30.

prima ebdomada¹ Deo annuente celebrabitur, apostolica auctoritate tibi venire praecipimus et invitamus. Praedictis etiam delictis nobis persuadentibus, ab omni episcopali officio praedicta auctoritate, donec ad nos venias, te suspendimus. Data Romae 2 Idus Decembris, indictione 13.

II 29. Sigefredum archiepiscopum Moguntinum monet, ut una cum Constantiensi, Argentinensi, Spirensi, Bambergensi, Augustensi, Wirzeburgensi episcopis ad synodum veniat.

Gregorius episcopus servus servorum Dei Sigefredo Mogontino archiepiscopo salutem et apostolicam benedictionem.

Recordari credimus fraternitatem tuam, quam puro amore ante huius nostrae administrationis sarcinam te dileximus, et quomodo, eiusdem nostri amoris intuitu, secretorum tuorum nobis paucisque aliis commisisti consilium. Cuius rei gratia licet ex eo tempore bene de te speraverimus^a, ex eo tamen, quod Cluniacensi monasterio reliquum vitae tuae conferre voluisti, maiorem ex religione tua fidem suscepimus. Verum iuxta quorundam relationem, aliter quam sperabamus te egisse, comperimus. Quod si negligenter inrequisitum transire permittimus, fraternum tibi amorem minus impendere non sine magno taciturnitatis periculo probamur. Quapropter apostolica auctoritate religionem tuam ammonemus: ut ad synodum, quam Deo annuente in prima septimana quadragesimae¹ celebraturi sumus, cum suffraganeis tuis, videlicet Ottone^{b2} Constantiensi, Guarnero Strazburgensi, Heinrico Spirensi, Herimanno³ Babenbergensi, Imbric Augustensi, Adelbero^c Guerzburgensi, si potes, venias. Quodsi aliqua infirmitate quod absit praepeditus venire nequieris, tales ad nos studeas nuncios dirigere, quorum secure consilio inniti et quorum testimonio quasi praesentiae tuae credere possimus. Et hoc diligentissime fraternitas tua perpendat, ut neque precibus neque gratia alicuius dimittas, quin introitum et conversationem praedictorum episcoporum diligentissime inquiras et per eosdem

a. speravimus c. b. Otto Costantiensi c. c. sic pro Adelberone.

1. 1075 Febr. 22—28. 2. I. 3. I.

1074
Dec. 12

1074 nuncios tuos nobis insinues. Ne igitur mireris, quod plures ex
 Dec. 4 parroechia tua quam ex aliis invitavimus, cum tua amplior sit
 ceteris et in ea sint quidam non laudandae opinionis. Data
 Romae 2 Nonas Decembris, inductione 13.

II 30. Heinricum IV regem laudat, quod suos legatos bene tra-
 ctaverit, eorumque consilio quaedam correxerit, et ipsius
 dignitati consuluerit. Laetatur eius proposito simoniae cle-
 ricorumque fornicationis destruendae. Fidis consiliaris
 utatur. De causa Mediolanensi legatos ad se mitti vult.
 Addit de epistola superiore.

1074 Gregorius episcopus servus servorum Dei Heinrico regi sa-
 Dec. 7 lutem et apostolicam benedictionem.

Quamquam, fili karissime, causam Mediolanensis ecclesiae
 non ita composueris, quemadmodum litterarum ad nos missarum
 series pollicitatioque continebat; tamen, quia legatis nostris te
 benevolum^a tractabilemque praebuisti eorumque interventu quas-
 dam res ecclesiasticas laudabiliter correxisti, nobis quoque
 per eos congrue salutationis et votae servitutis exhibitionem
 transmisisti, grataanter accepimus. Sed et illud, quod piae memo-
 riae Agnes mater tua imperatrix augusta apud nos constanter
 testificata est idemque legati episcopi attestati sunt, simoniacam
 scilicet heresim funditus te^b de regno tuo extirpare et invete-
 ratum morbum fornicationis clericorum toto annisu corrigere velle,
 vehementer nos hilaravit. Filiae quoque nostrae, fidelissimae ve-
 strae, Beatrix comitissa et filia eius Mathildis non modice nos
 laetificaverunt, scribentes nobis de amicitia et sincera dilectione
 vestra; quod libentissime accepimus. Quarum consilio, sed et
 persuasu dilectissimae matris vestrae augustae, ad hoc induci
 sumus, ut has vobis litteras scriberemus. Quamobrem, licet pec-
 cator sim^c, memoriam tui inter missarum sollemnia super corpora
 apostolorum et habui et habebo; suppliciter obsecrans: ut Deus
 omnipotens et haec^d tibi bona stabiliat et ad profectum ecclesiae

a. sequitur iterum te in cod. b. te addidi. c. sim addidi; cf. ep. 9 supra
 p. 123. d. quae habes excidisse videtur.

suae ampliora concedat. Moneo autem te, fili excellentissime, ¹⁰⁷⁴
 et sincera caritate exhortor: ut in his rebus tales tibi consilia-
 rios adhibeas, qui non tua sed te diligent et saluti tuae non
 lucro suo consulant; quibus si obtemperaveris, dominum Deum,
 cuius causam tibi suggerunt, protectorem propitiumque habebis.

Porro de causa Mediolanensi, si viros religiosos et prudentes
 ad nos miseris, quorum ratione et auctoritate clarescat, sanctae
 Romanae ecclesiae bis synodali iudicio firmatum posse aut debere
 mutari^a decretum, iustis eorum consiliis non gravabimur acquie-
 scere et animum ad rectiora inclinare. Sin autem impossibile
 esse constiterit, rogabo et obsecrabo sublimitatem tuam, ut pro
 amore Dei et reverentia sancti Petri eidem ecclesiae suum ius
 libere restituas. Et tunc demum regiam potestatem recte te obti-
 nere cognoscas, si regi regum Christo ad restorationem defen-
 sionemque ecclesiarum suarum faciendam dominationis tuae alti-
 tudinem inclinas et verba ipsius dicens cum tremore recog-
 itas: *Ego diligentes me diligo¹, et honorificantes me honorifico;*
qui autem me contemnunt, erunt ignobiles².

Preterea noverit sublimitatis tuae dignatio, nos Sigefredo
 Mogontino archiepiscopo litteras³ misisse, evocantes eum ad syn-
 odum, quam Deo auctore proximae quadragesimae prima ebdo-
 mada celebraturi sumus. Quodsi venire non posse patuerit, tales
 mittat legatos, qui vicem eius concilio repraesentent. Similiter
 Babenbergensem, Strazburgensem, Spirensim adesse praecepimus,
 introitus sui et vitae rationem posituros^b. Qui si forte, ut est
 hominum protervia, venire distulerint, regiae tuae potestatis im-
 pulsu petimus ut venire cogantur. Cum quibus volumus a latere
 tuo legatos tales transmitti, qui nos fideliter doceant et de in-
 gressu et de vita eorum; quorum relatione cognita veritate ad
 liquidum, certius possimus de indubitatis proferre iudicium. Data
 Romae 7 Idus Decembbris, indictione 13.

a. mutare c. b. positurus c.

1. Prov. 8, 17. 2. 1 Reg. 2, 30. 3. ep. 29 supra p. 141.

II 31. Heinrico IV regi scribit de suo erga eum amore, dissimulato ab iis, qui discordiam inter sese concident. Amplius quinquaginta milia hominum parata esse, se duce christianis transmarinis opem ferre. Quo si abierit, se ecclesiam Romanam regi commissurum esse.

Dictatus papae^a.

1074 Dec. 7 Gregorius episcopus servus servorum Dei Heinrico glorioso regi salutem et apostolicam benedictionem.

Si Deus modo aliquo suae pietatis concederet, ut mens mea tibi pateret, indubitanter scio, sua largiente gratia nullus te a mea dilectione posset separare. Attamen de illius confido misericordia, quia quandoque clarebit, quod te sincera caritate diligam. Ad hoc enim me commune praceptum omnium christianorum dirigit, ad hoc etiam imperatoria maiestas et apostolicae sedis mansueta potestas impellit; quia, si te ut oportet non diligo, in vanum de misericordia Dei meritis beati Petri confido. Sed quia die noctuque in vinea Domini laborare per multa pericula etiam usque ad mortem desidero, non solum tibi — quem Deus in summo culmine rerum posuit, per quem multi possunt aut a recto tramite aberrare^b aut christianam religionem observare — sed etiam minimo christiano, adiuvante Deo, semper studebo sanctam et condignam caritatem custodire. Hac enim sine veste regales nuptias adire qui temptaverit, dedecus immane sustinebit. Heu proh dolor, haec vigilanti animo non attendunt, qui discordiam seminare inter nos cotidie disponunt: ut his retibus diabolico instinctu praeparatis sua possint captare commoda, sua palliare vitia; quibus iram Dei et gladium sancti Petri contra se insana mente provocant. Moneo itaque te et hortor, karissime fili: ab his aures tuas averte; et eis auditum indubitanter praebet, qui non sua sed quae sunt Iesu Christi querunt, neque honorem suum vel lucrum iustitiae praepont; ut eorum consilio huius vitae gloriam non amittas, sed et^c eam, quae est in Christo Iesu, fiducialiter acquiras.

Praeterea indico tuae magnitudini: quia christiani ex par-

a. Dictatus papae in margine cod. addita sunt. b. oberrare c. et addidi.

tibus ultramarinis — quorum maxima pars a paganis inaudita 1074
 clade destruitur et more pecudum cotidie occiditur, gensque chri-
 stiana ad nichil redigitur — ad me humiliter miserunt nimia
 compulsi miseria, implorantes, ut modis quibus possem eisdem
 fratribus nostris succurrerem, ne christiana religio^a nostris tem-
 poribus quod absit omnino deperiret. Ego autem, nimio dolore
 tactus et usque ad mortis desiderium ductus — magis enim vel-
 lem pro his animam meam ponere quam, eos negligens, universo
 orbi ad libitum carnis imperare — procuravi christianos quo-
 que ad hoc provocare, ad hoc impellere, ut appetant, defendendo
 legem Christi, animam suam pro fratribus ponere¹ et nobilitatem
 filiorum Dei luce clarius ostentare. Quam admonitionem Italici
 et ultramontani, Deo inspirante ut reor immo etiam omnino af-
 firmo, libenter acceperunt; et iam ultra quinquaginta milia ad
 hoc se praeparant et^b, si me possunt in expeditione pro duce
 ac pontifice habere, armata manu contra inimicos Dei volunt
 insurgere et usque ad sepulchrum Domini, ipso ducente, per-
 venire. Illud etiam me ad hoc opus permaxime instigat, quod
 Constantinopolitana ecclesia, de sancto Spiritu a nobis dissidens,
 concordiam apostolicae sedis expectat. Armenii etiam fere omnes
 a catholica fide aberrant^c. Et pene universi orientales praestol-
 lantur, quid fides apostoli Petri inter diversas opiniones eorum
 decernat. Instat enim nostro tempore, ut impleatur, quod pius
 Redemptor speciali gratia dignatus est apostolorum principi in-
 dicare ac praecipere, dicens: *Ego pro te rogavi, Petre, ut non
 deficiat fides tua; et tu aliquando conversus confirma fratres tuos*².
 Et quia patres nostri, quorum vestigia licet indigni sequi opta-
 mus, partes illas pro fide catholica confirmanda saepe adierunt,
 nos etiam, adiuti precibus omnium christianorum, si Christo duce
 via patuerit, quia non est via hominis in manu eius et a Do-
 mino gressus hominis diriguntur³, illuc transire pro eadem fide
 et christianorum defensione compellimur. Sed quia magna
 res magno indiget consilio et magnorum auxilio, si hoc Deus

a. illic excidisse videtur. b. ut c. c. aberrant c.

1. 1 Ioh. 3, 16. 2. Luc. 22, 32. 3. Ps. 36, 23.

1074 Dec. 7 me permiserit incipere, a te quero consilium et ut tibi placet auxilium; quia, si illuc favente Deo ivero, post Deum tibi Romanam ecclesiam relinqu, ut eam et sicut sanctam matrem custodias et ad eius honorem defendas. Quid tibi super his placeat et quid prudentia tua divinitus aspirata decernat, mihi quanto-
cius potes remittas. Nam, si de te plus quam plurimi potent non sperarem, verba haec frustra proferrem. Sed quia forsan non est homo, cui de sinceritate dilectionis meae adhuc indubitanter credas, Spiritui sancto qui omnia potest committo: ut menti tuae suo more indicet, quid tibi cupiam quantumve te^a diligam; et eodem modo circa me tuam mentem componat, ut impiorum desiderium depereat et bonorum accrescat. Haec enim duo desideria circa nos duos licet diverso modo incessanter invigilant et secundum voluntatem eius^b, a quo prodeunt, decer-
tant. Omnipotens Deus, a quo cuncta bona procedunt, meritis et auctoritate beatorum apostolorum Petri et Pauli a cunctis pec-
catis te absolvat et per viam mandatorum suorum^c incedere fa-
ciat atque ad vitam aeternam perducat. Data Romae 7 Idus Decembris, indictione 13.

II 32. *Manassae I archiepiscopo Remensi scribit, se gavisurum esse, si Philippus I rex damna mercatoribus illata compensaverit; alioquin eum omni modo oppugnatum iri. Legatos commendat.*

1074 Dec. 8 Gregorius episcopus servus servorum Dei Manasse² Remensi archiepiscopo salutem et apostolicam benedictionem.

Tantis dilectionis amplexibus sanctam Romanam ecclesiam et nos sui debito te diligere putamus, tanto dilectionis fervore in suo et nostro amore te debere fervere, ut nimium sit nobis, hesitare, quin apostolorum limina, si tibi integra^c adesset fa-
cultas et libera, visitares. Nunc igitur caute et diligenter ut de-
bes accipias: malum inauditum, scelus detestabile, quod Philip-
pus³ rex Franciae — immo lupus rapax, tyrannus iniquus,

a. te om. c. b. eorum c. c. integrā c.

1. Ps. 118, 32. 2. I. 3. I.

Dei et religionis sanctae ecclesiae inimicus — Italis et aliarum 1074
Dec. 8 provinciarum mercatoribus contra Deum et regni sui honorem fecit, et alia, quorum ad aures nostras clamores frequentissime venerunt, si, prout iustitia dictaverit, correxerit, nos procul dubio laetari, gratiarum actionibus Deum laudare ut pro perdita et inventa ove, sciat fraternitas tua. Si vero contra haec, quod nolumus, egerit, Deum procul dubio sibi inimicum sanctamque Romanam ecclesiam et nos, qui ei^a licet indigni praesidemus, viribus et modis omnibus sibi adversari promittimus. Si legati nostri, ut putamus, ad partes tuas venerint, de his et quae nobis scripsisti pluribusque aliis tecum et te auxiliante tractaturi, eos^b vice Petri suscipe, vice nostra dilige, ut, quanto apostolorum principi amore nobisque adhaereas, in his etiam probare queas. Data Romae 6 Idus Decembbris, indictione 13.

II 33. *Cunibertum episcopum Taurinensem, qui ad synodum non venerit, reprehendit, synodoque futurae interesse iubet. Interim ut a vexando monasterio S. Michaelis Clusino abstineat, monet.*

Gregorius episcopus servus servorum Dei Cuniberto 1074
Dec. 12 nensi episcopo salutem et apostolicam benedictionem.

Licet adversus praesumptionem tuam durius invehi debemus — quia vocatus ad synodum, quam circa festivitatem sancti Andreae¹ celebravimus, venire contempsisti, et venerabili monasterio sancti Michahelis² neque respectu divini timoris neque intuitu apostolicae defensionis inquietudinis manum subtrahere voluisti — adhuc tamen fraternalm tibi dilectionem reservamus et debitae satisfactionis tuae fructum expectamus. Quapropter iterum te apostolica auctoritate monemus, ut ad synodum, quam in prima septimana quadragesimae³ celebraturi sumus, venias. Nos enim abbatem⁴ praefati monasterii usque ad praedictam synodum nobiscum retinebimus, quatinus, auditis utrimque rationibus, tam ecclesia tua quam monasterium illud propriam

a. qui ei scripsi pro cui c. b. eos addidi.

1. c. Nov. 30. 2. Clusino. 3. 1075 Febr. 22—28. 4. Benedictum II.

1074 consequatur iustitiam. Interim etiam monemus, ut nullam in-
 Dec. 12 quietudinem praefato loco inferas. Si vero his nostris litteris
 inobediens fueris, quod sancti patres in huiusmodi negociis fe-
 cerunt, nos facere et locum illum auctoritate beati Petri defende-
 dere compelles. Data Romae 2 Idus Decembris, inductione 13.

II 34. *Rainerio viro illustri nuntiat, abbatem S. Gaudentii da-*
mnatum eiusque acta rescissa esse. Quas res ab eodem
accepit, de iis praesente nuntio suo decerni vult.

1074 Gregorius episcopus servus servorum Dei Rainerio illustri
 Dec. 13 viro salutem et apostolicam benedictionem.

Quoniam devotionem tuam ac fidem, sicut te decet, erga
 beatum Petrum iam dudum probavimus, et praemium te dignum
 tuis operibus te accepturum minime dubitamus, de servitio et
 iustitia eius tibi confidenter mandamus; sperantes, nobilitatem
 tuam non solum se devotam praebere sed etiam alios quos pot-
 erit ad obsequium perurgere. Quia igitur notum tibi credimus
 esse, karissime, quemadmodum abbatem Sancti Gaudentii¹ scele-
 ratum immo invasorem hereticum pro sua nequitia iuste damna-
 vimus, nunc tibi notificandum esse censemus: quod omnia, quae
 ab ipso perditionis filio de rebus ecclesiae inilicite, utpote ab he-
 retico, perpetrata sunt vel alienata, canonica et legali auctori-
 tate cassanda et penitus evacuanda esse decernimus. De his
 vero, quae tecum gessit iniquus, videlicet de ecclesiasticis cau-
 tionibus, tui respectu et caritate taliter diffinimus: ut, cum ve-
 nerit ad te nuncius noster, sapientes viros tecum habeas qui
 Deum timeant et te diligent, quorum consilio causam discutias;
 et cum inveneris, nulla ratione sine periculo tuae animae et
 damnatione res Sancti Gaudentii huiusmodi nefario pacto^a te posse
 retinere, studeas eas pro amore sancti Petri ac nostro quantocius
 ecclesiae reddere, nec non ab aliis iniuste retenta recuperare. Nun-
 cios quoque nostros ad partes tuas venturos, sicut sancti Petri
 gratiam nostrumque beneficium habere desideras, ne desistas in
 omnibus adiuvare. Data Romae Idibus Decembris, inductione 13.

1. coenobii Ariminensis?

a. acceptas excidissee videtur.

II 35. *Guilielmum episcopum Papiensem vituperat, quod vocatus ad se non venerit. Praecipit, ut synodo, in qua de eius sororis Mathildis matrimonio agatur, intersit.*

Gregorius episcopus servus servorum Dei Guilielmo Papiensi ¹⁰⁷⁴
episcopo salutem et apostolicam benedictionem. ^{Dec. 16}

Licet contra nos id egisse videaris, ut nec salutem^a nec etiam apostolicam benedictionem tibi mittere deberemus, scilicet quia ad constitutum tibi terminum nec venisti nec legalem excusationem misisti, malumus tamen de pietatis modestia reprehendi quam, canonum rigorem sequendo, inobedientiam tuam acriter ulcisci. Quapropter apostolica tibi auctoritate praecipimus, ut ad synodum, quam Deo annuente celebraturi sumus prima ebdomada quadragesimae¹, venias et de causa sororis tuae² respondeas. Licet enim clarissimum sit, eam Guidonem marchionem, consanguineum Azonis marchionis, maritum habuisse, illud etiam sacramentis ac testibus in praesentia nostra probatum sit, eandem sororem tuam atque Azonem quartam propinquitatis lineam nondum excedere; damus tamen vobis audientiam in praefata synodo: quatenus, si legalem defensionem vos habere confiditis et testimonia et sacramenta ante nos facta improbare poteritis, coniugium illorum permaneat. Alioquin, si hoc tunc facere non poteritis vel a praedicta synodo vos subtraxeritis, nullam deinceps inde fieri quaestionem, apostolica auctoritate inhibemus. Unde in sacramento, quo praedictum Azzonem constrainximus, ita cauti fuimus, ut cum licentia nostra, si rationes vestrae idoneae fuerint, ipse possit eam reducere atque in uxorem habere. Data Romae 17 Kalendas Ianuarii, indictione 13.

II 36. *Mathildi, sorori Guilielmi episcopi Papiensis, praecipit, ut marito Azzone marchione abstineat. Sed permittit, ut in proxima synodo Romana ius petat.*

Gregorius episcopus servus servorum Dei Mathildi³ salutem ¹⁰⁷⁴
et apostolicam benedictionem. ^{Dec. 16}

a. nec salutem addidi.

1. 1075 Febr. 22—28. 2. Mathildis. 3. sorori Guilielmi episcopi

Papiensis.

1074 Dec. 16 Qualiter testibus et sacramentis in praesentia nostra probatum sit, te habuisse virum¹ consanguineum Azzonis, te etiam et Azzonem marchionem in quarta propinquitatis linea consanguineos esse, ipsi, qui eidem causae interfuerunt, poterunt tibi referre. Unde, quia Azzonem marchionem sacramento constrinximus, nullam deinceps sine licentia nostra maritalem tecum conversationem habere, tibi etiam ex parte beati Petri praecipimus: ut a consortio et cohabitatione sua omnino te auferas; et de perpetrata iniquitate ita digne poeniteas, quatenus gratiam Dei valeas recuperare et tanti tamque turpissimi incestus infamiam declinare. Quodsi fortasse praeiudicium te pati existimas et testimonia atque sacramenta de consanguinitate vestra improbare posse confidis, damus tibi audientiam in proxima Romana synodo; ubi Deo auxiliante neque ad dexteram neque ad sinistram in executione iustitiae declinabimus, sed quod iustum est statuemus. Data Romae 17 Kalendas Ianuarii, indictione 13.

II 37. Fideles S. Petri, maxime ultramontanos, ad imperii Constantinopolitani christianos defendendos hortatur.

Dictatus papae^a.

1074 Dec. 16 Gregorius episcopus servus servorum Dei omnibus fidelibus sancti Petri, maxime ultramontanis, salutem et apostolicam benedictionem.

Ad vos iam pervenisse credimus, quae sit nostra voluntas et quid ex parte sancti Petri duxerimus^b de adiutorio faciendo fratribus nostris, qui ultra mare in Constantinopolitano imperio habitant, quos diabolus per se ipsum a fide catholica conatur avertere et per membra sua non cessat cotidie quasi pecudes crudeliter enecare. Sed quia nostris invidet bonis desideriis, temptat, si potest nos impedire, ne illi gratia divina largiente liberentur et nos dando animas nostras pro fratribus nostris coronemur. Proinde ex parte beati Petri rogamus monemus et invitamus, ut eo modo, quem portitor horum dixerit, ad nos quidam vestrum

a. Dictatus papae in marg. cod. addita sunt. b. dixerimus c. an neve?

1. Guidonem marchionem.

veniant, qui christianam fidem vultis defendere et caelesti regi 1074
militare: ut cum eis viam favente Deo praeparemus omnibus,
qui, caelestem voluntatem^a defendendo, per nos ultra mare volunt
transire et, quod Dei sint filii, non timent ostendere. Itaque,
fratres karissimi, estote ad pugnandum fortissimi pro laude illa
et gloria, quae omne desiderium superant; qui hactenus fortis
fueritis pugnare pro rebus, quas non potestis detinere nec sine
dolore possidere. Nam per momentaneum laborem aeternam
potestis acquirere mercedem. Omnipotens Deus, qui omnem legem
suam in pracepto abbreviavit caritatis, det vobis, se toto corde
tota anima tota virtute diligere, ut, proximos vestros sicut vos
ipsos diligentes, mereamini, si oportuerit, pro eis animas vestras
ponere. Data Romae 17 Kalendas Ianuarii, indictione 13.

*II 38. Ubertum comitem et clerum populumque Firmanum monet,
ut in recuperandis ecclesiae bonis adiuvent archidiaconum,
cui episcopatus procuratio commissa sit, donec, Hein-
rico IV rege consulto, episcopus statuatur.*

Gregorius episcopus servus servorum Dei Uberto comiti et 1074
universo clero populoque Firmano in fidelitate sancti Petri per-
sistenter salutem et apostolicam benedictionem. Dec. 22

Quamquam pleraque nobis de archidiacono vestro reprehensiones
relata fuerint, eo tamen in nostra praesentia posito et
diligenter super his quibus arguebatur inquisito, nihil, nisi quod
ad fidelem pertinere videbatur obedientiam, in ipso reprehendere
potuimus. Considerantes ergo necessitatem vestrae^b viduatae ec-
clesiae, procurementem totius episcopatus interim ei commisimus,
donec, divina providente clementia, cum nostra sollicitudine tum
regis¹ consilio et dispensatione idonea^c ad regendam ecclesiam et
episcopalem dignitatem persona repperiatur. Quapropter admone-
mus vos et apostolica auctoritate praecipimus, ut unanimiter sibi
ad haec peragenda vestra consilia et adiutoria praebatis, et ea,
quae de bonis ecclesiae dispersa et confusa sunt, recuperare et

a. nobilitatem c. b. vestrae addidi. c. idonea^c.

1. Heinrici IV.

1074 salubriter ordinare modis eum omnibus adiuvetis. Si quis vero
 Dec. 22 contra praefatam ecclesiam aliquid iniuriose commisit aut facere
 conatur, absque dilatione emendare et restituere studeat. Quod
 si qua temeritate neglexerit, sciat, se ex apostolica auctoritate
 in bannum casurum esse, si dives est, centum librarum, sin vero
 de mediocribus, in detrimentum totius substantiae suae. Agite
 ergo, ut appareat, vos ingenuos et fideles esse vestrae matris
 ecclesiae filios; et omnia, quae ad honorem et utilitatem eius per-
 tinent, ita vestris studiis sub providentia praefati archidiaconi
 strenue peragantur, ut omnipotentis Dei gratiam et apostolicae
 benedictionis salutem mereamini. Data Romae 11 Kalendas
 Ianuarii, indictione 13.

II 39. *Dominicum ducem et populum Venetum, ut patriarchalis
 ecclesiae Gradensis egestati subveniant, hortatur.*

1074 Gregorius episcopus servus servorum Dei Dominico duci et
 Dec. 31 populo Venetiae salutem et apostolicam benedictionem.

Notum esse credimus non solum his, qui nobiscum morati
 sunt, sed etiam plerisque vestrum, quod iam ab ineunte aetate
 terram vestram et libertatem huius gentis valde dileximus, atque
 ob id nonnullorum principum et nobilium personarum inimicitias
 sustinuimus. Postquam vero apostolici regiminis onus et officium
 licet indigni suscepimus, tanto ferventius in dilectione vestra
 noster exarsit affectus, quanto per generalis curae debitum in ad-
 ministrationem vestrae salutis sollicitius astricti sumus. Qua-
 propter litteras ad vos direximus, ut nobilitatem vestram ad respi-
 ciendum decus et sublimitatem antiquae dignitatis suaे excitare
 possimus, ne ex longa quod absit negligentia dilapsum honorem
 gemat, quem adhuc stantem, dum potest, colere et servare non
 laborat. Scitis enim, quoniam p̄ae multis terrarum partibus
 divina dispensatio terram vestram patriarchatus honore subli-
 mavit; cuius dignitatis eminentia ex ipsa sui nominis et officii
 praerogativa adeo augusta^a et rara est, ut non amplius quam
 quatuor in toto mundo reperiantur. Quod cum ita sit, apud vos

a. angusta c.

tamen hoc tantum decus et tam excelsi gloria sacerdotii ex inopia rerum temporalium et diminutione potestatis suaem adeo vilescit et a competenti statu honoris sui penitus corruit, ut tanta tenacitas rerum nec simplicem episcopatus sedem concedere aut eius necessitatibus sufficere posse videatur. Unde vos tanti beneficii divinae munificentiae ingratos et immemores esse reprehendimus; timentes: ne, quasi degeneres filii divitias et hereditatem nobilissimae matris vestrae, videlicet Gradensis ecclesiae, dissipantes, inde obscuriores efficiamini, unde post apostolicam sedem omnibus, quae sunt in occidente, gentibus clariores extitistis. Nos equidem meminimus, Dominicum¹ patriarcham beatae memoriae, antecessorem huius², propter nimiam egestatem locum deserere voluisse. Et hic quidem pari necessitate dicit se circumventum esse. Quapropter sicut karissimos filios vos admonemus: ut, memores pristinae nobilitatis et gloriae, collatum vobis honorem et apostolicae sedis erga vos benevolentiam ulterius non negligatis; sed, convenientes in unum, qualiter ante signati patriarchatus dignitatem debita cum veneratione et rerum temporalium amplificatione sustentetis et cum Dei adiutorio ad culmen suae celsitudinis relevetis, communis consilio pertractetis. Indicavit quidem nobis hic confrater noster patriarcha, te ducem et plerosque vestrum quam optimam super hac re habere voluntatem. Propter quod et fiducialius ad explendum opus boni propositi vestram exhortari incipimus dilectionem. Quicquid igitur inde inter vos consultum et constitutum fuerit, nobis per litteras aut certos nuntios quantocius renunciate. Quoniam, si pro gloria et nobilitate tam vestri quam prefati loci et sacerdotii aliquid statueritis, ut aequum est, pro meritis vestris gratulabimur; sin vero aliqua minus honesta vos occasio retraxerit, procul dubio tanti ministerii nomen inter vos vilescere et debito honore privari non patiemur. Data Romae 2 Kalendas Ianuarii, inductione 13.

1. III, patriarcham Gradensem. 2. Dominici IV.

1074
Dec. 31

II 40. *Fidelibus S. Petri legatos suos, Gepizonem S. Bonifacii et Maurum S. Sabae abbates Romanos, commendat.*

1075 Gregorius episcopus servus servorum Dei omnibus sancti Ian. ² Petri fidelibus, ad quos portatores praesentium venerint, salutem et apostolicam benedictionem.

Notum vobis est, quod, succrescente nequitia et diabolica fraude usquequaque invalescente, multorum iam caritas friguit et totius religionis studium in sancta ecclesia pene defecerit. Sed quia impossibile est, nostram in tot et tam diversas sollicitudines praesentiam exhiberi, misimus ad vos dilectos sanctae Romanae ecclesiae filios, videlicet Gepizone abbatem Sancti Bonifacii¹ et Maurum abbatem Sancti Sabe², per quos et nostra vobis reprezentetur auctoritas et nostra vice ea, quae ad utilitatem sanctae ecclesiae pertinent, cum Dei adiutorio studiosa procuraione peragantur. Vos igitur — memores divini per euangelium dicti: *Qui vos audit, me audit; et qui vos spernit, me spernit*³ — eos, sicut de nostra amicitia immo de gratia sancti Petri cuius nuncii sunt curam habetis, debita cum veneratione et caritate recipiatis; et in omnibus, quae vel causa legationis eorum vel fatigationis necessitas postulaverit, fidelem illis obedientiam et consensum praebeat. Praeterea si contigerit, eos ex considerata et competenti necessitate negotiorum dividi et separatim in diversas partes proficiisci, ad quoscunque alter eorum venerit, eum sicut nos audiatis et, quod nostrae deberetis praesentiae, in eo ostendere et exequi non dubitetis. Data Romae ⁴ Nonas Ianuarii, inductione 13.

II 41. *Feretraniis et Eugubinensis commendat S. Sabae et S. Bonifacii abbates missos, ut eorum ecclesiis praeficiendos episcopos curent.*

1075 Gregorius episcopus servus servorum Dei clero et populo. Ian. ² Feretrano atque clero et populo Egubino salutem et apostolicam benedictionem.

1. SS. Alexii et Bonifacii in monte Aventino (postea ep. Caesenatem) de quo cf. Farlati Illyricum sacrum III 146. 2. s. Cellae novae (Romae).

3. Lue. 10, 16.

Ex quo ecclesiam vestram pastore viduatam esse cognovimus, multa pro vobis sollicitudine anxii fuimus. Et quamquam multa et gravia nos negocia occupent, ea tamen cura, qualiter divina misericordia dignum vobis patrem provideat, nostro cordi indesinenter adhaeret. Atque eo magis hac de causa sollicitamur et attentius Deo preces effundimus, quoniam in retroactis temporibus non sat vigilantem vobis pastorem praefuisse cognoscimus. Quapropter misimus ad vos hos religiosos sanctae Romanae ecclesiae filios, videlicet abbatem sancti Sabe^a et abbatem Sancti Bonifatii^b: ut, si forte in ecclesia vestra talis persona quae huic regimini congrua sit reperiatur, diligenter inquirant; et eam, sicut dignum est vestra electione collaudatam et canonicamente probatam, nobis ad ordinandum quantocius presentare studeant; sin vero inter vos talis reperiri non possit, ipsi cum omni sollicitudine aliunde aliquem, qui vobis secundum Deum praeesse possit, invenire procurent et ad suscipiendum episcopalis officii ordinationem ad nos sine mora transmittant. Vos igitur in omnibus eis credite et obedite; scientes, eos in hac re, custodiente Deo, nihil nisi vestram salutem et ecclesiae vestrae honorem attendere. Praeterea, quicquid thesauri vel ornamenti in ecclesia vestra habetur, illorum oculis presentate; quatenus ex eorum providentia et commendatione in tali custodia relinquatur, ut nec ecclesia detrimentum sentiat nec in^c aliquem vestrum aliqua suspicionis infamia cadat. Data Romae 4 Nonas^b Ianuarii, indictione 13.

II 42. *Guibertum archiepiscopum Ravennatem ad synodum vocat.*

Gregorius episcopus servus servorum Dei Guiberto Raven- 1075
nati archiepiscopo salutem et apostolicam benedictionem. Ian. 4

Coram oculis habes, frater karissime, et quasi palpare manibus potes miserabilem sanctae ecclesiae perturbationem et iam per longa tempora inimicorum et impugnatorum eius insensatam et omnino infrenatam praesumptionem. Contra quos quoniam nos, qui in sortem ministerii³ sacerdotalis et regni^c Dei electi

a. in *om. cod.* b. Nonas *om. cod.* c. regnum *c.*

1. Maurum. 2. Gepizone. 3. Act. 1, 17.

1075 sumus, omni cura et studio surgere et pugnare convenit, sicut
 Ian. 4 iam per aliquot annos in apostolica sede fieri consuevit, in prima
 ebdomada quadragesimae¹ synodum Deo annuente celebrare dis-
 posuimus. Ad quam tuam fraternalitatem singulari admonitione
 et multo caritatis affatu, postposita omni negligentia, venire ro-
 gamus et invitamus; quatenus, tua aliorumque fratrum nostrorum
 annitente prudentia et spirituali tam fortitudine quam sapientia,
 impii a suis conatibus arceantur et christiana religio in ea, qua
 primum fundata est, libertate et pace roboretur. Data Romae 2
 Nonas Ianuarii, indictione 13.

II 43. *Hugoni episcopo Diensi suadet, ut ea, quae de rebus ec-
 clesiasticis reddere ecclesiae eius filii velint, recipiat; eosque
 ea lege absolvat, ut fidem dent de nuntiis ad synodum
 Romanam mittendis.*

Dictatus papae^a.

1075 Gregorius episcopus servus servorum Dei Hugoni in Bur-
 Ian. 5 gundia Diensi episcopo salutem et apostolicam benedictionem.

Videtur nobis: ut, quod filii ecclesiae tuae de rebus eccl-
 esiasticis volunt tibi reddere, recipias; eosque absolvias tali tenore,
 ut data fide quidam illorum promittant tecum venire ad nos Ro-
 manam, videlicet Deo auctore ad synodum celebrandam, ut illuc
 quod nobis ratum visum fuerit peragant. Melius enim nobis pla-
 cet, ut pro pietate interdum reprehendaris, quam pro nimia se-
 veritate in odium ecclesiae tuae venias. Debes quidem filios tuos,
 quia rudes sunt et indocti, conspicere et ad meliora paulatim
 provocare; quia nemo repente fit summus, et alta aedificia pau-
 latim aedificantur. Data Rome Nonis Ianuarii, indictione 13.

II 44. *Iuditham reginam Ungarorum angustiis afflictam conso-
 latur, eiusque res matri Agneti imperatrici commendatas
 nuntiat.*

1075 Gregorius episcopus servus servorum Dei Judith Ungarorum
 Ian. 10 reginae² salutem et apostolicam benedictionem.

a. Dictatus papae leguntur in marg. codicis.

1. Febr. 22—28. 2. uxori Salomonis regis.

Multae ac diversae causae sunt, propter quas intimo et sincero cordis affectu te diligimus. Primo, quoniam ex universalitate suscepti regiminis omnibus, qui in Christo sunt, debitores sumus. Deinde, quoniam clarissimus imperator Heinricus¹ pater tuus et Agnes mater tua, iam nunc non humanitus sed Dei misericordia coelitus imperatrix augusta, ex quo me cognoverunt, pro sua magnitudine honorifice et praeceteris sanctae Romanae ecclesiae filii caritative habuerunt. Et maxime, quia nunc eadem mater et domina tua, postpositis secularibus causis et honoribus, apostolorum limina tota devotione et veneratione complectitur; ex cuius quidem praesentia inter huius saeculi nequam perturbationes saepe nobis accepta solatia conferuntur. Praeterea multum te commendat nobis tua praeclara et inclita fama, quod in tam tenera aetate inter asperam et incognitam gentem generis tui gloriam decorasti; quippe quae, in excelso nata imperio, nihil in actibus et in habitudine tua nisi decus imperiale hactenus demonstrasti. His, inquam, de causis nos, quibus fallere quemquam nefas est, in loco germanae sororis te diligimus; et, si quid orationes nostrae apud Deum valent, non infructuosa erga te nostram fore amicitiam, in Dei pietate confidimus.

Scias enim, quod de tribulationibus et angustiis, quas te sustinere cognovimus, valde dolemus; et divinam clementiam pro quiete et laetitia tua frequenter et suppliciter imploramus; et, si quando locus aut tempus opportunitatem dederit, temporalibus quoque subsidiis te honorare quam maxime cupimus. Ceterum ea, quae nunc tibi instat, adversitas non te terreat nec mentem tuae generositatis deprimat. Sed, si quid maestum aut grave ingruerit, vultu regalis constantiae gestuque dissimula, et molestas, quas Deus avertat, causas naturali morum tuorum virtute patienter tolera, fiduciam et spem firmam habens in Deo salvatore nostro. Quoniam ipsi cura est de te, qui nunquam derelinquit sperantes in se²; et quanto nunc animum tuum sollicitudinibus verberari sinit acerbius, tanto eum ex vicina et potentia virtute consolationis suae laetificabit uberius. Ipse enim

1. III. 2. Judith. 13, 17.

1075 nihil sine causa praecipit, nihil sine ratione permittit, qui regum
 Ian. 10 et imperatorum omniumque causarum aequus arbiter et moderator existit. Verum inter omnia te id agere et studere moneamus, ut praeclarum nomen vitae ac nobilitatis tuae, ab ineunte aetate nactum, in dies amplificetur et crescat. Quoniam integritas famae, licet prae cunctis terrarum opibus corona sit nobilium et ignobilium, tanto tamen unicuique plus ornamenti et gloriae tribuit, quanto eum eminentia generis altius extollit. Illi enim sua humilitate teguntur, isti vero innata sibi celsitudine produntur. Age ergo, ut omnibus, quae regnum fert et imperium, tanto te excellentiorem ostendas, quanto^a ea omnia mutari cognoscis; tuam vero naturam et imperiale germen, quod in te est, nullis successibus nullisve adversitatibus mutari posse proponas. De cetero, quod nos matrem tuam de causa tua compellare rogasti, pro certo scias, nos omnia, quae ad honorem et salutem tuam pertinent, et consulendo libenter ei intimare et persuadendo ut fiant apostolica benigne adiutoria exhibere. Deus autem omnipotens, qui est maestorum consolatio, infirmantium fortitudo, praesentem vobis laetitiam cito conferat et veram aeternamque gloriam supernae felicitatis tribuat. Data Romae 4 Idus Ianuarii, indictione 13.

II 45. *Rodulfum Sueviae et Bertulfum Carinthiae duces monet,
 ut episcopos simoniae vel fornicationis obnoxios impugnat.
 Rodulfum hortatur, quae simoniace acceperit, ut ea aut
 ecclesiis aut pauperibus muneretur^b.*

1075 Gregorius episcopus servus servorum Dei dilectis^c in Christo
 Ian. 11 filiis Rodulfo duci Sueviae atque Bertulfo^d duci Carentano^e salutem et apostolicam benedictionem.

Scimus, quoniam prudentia vestra miserabilem christianaे religionis desolationem perspicaci mente perpendit; quae pro peccatis nostris in ea nunc extremitate est posita, ut infeliora

a. celerius excidisse videtur. b. Legitur etiam 2) ap. Paulum Bernridensem c. 39, Pont. Rom. vit. ed Watterich 1 493, 3) ap. Hugonem Flaviniacensem, Mon. Germ. SS. VIII 428. c. dilectis in Chr. filiis recipi ex 3. d. Bertholdo 2. e. Berthaldo, Rodulpho, Welfoni ducibus 3 pro Rodulfo — Carentano.

tempora nemo viventium viderit nec a tempore beati Silvestri ¹⁰⁷⁵
 patris nostri scripturarum traditione^a repererit. Verum huius
 tanti mali nos caput et causa sumus, qui ad regendum populum
 praelati et pro lucrandis animabus episcopi vocati et constituti
 sumus. Ab eorum namque principatibus velut a quibusdam initis
 subditorum bona vel mala veniunt, qui aut mundanas dignitates
 aut magisterium spirituale suscepereunt. Qui, dum nihil aliud
 nisi gloriam et voluptates seculi querunt, sine sua et populi
 confusione vivere nequeunt; quoniam, in malefactis prava sectan-
 tes desideria, et suae auctoritatis iura per culpam ligant et aliis
 peccandi per exemplum frena relaxant. Neque enim per igno-
 rantiam aut improvidi delinquent; sed, praesumptuosa obstina-
 tione Spiritui sancto resistentes, divinas quas cognoverunt leges
 abiciunt et apostolica decreta contempnunt.

Sciunt nanque archiepiscopi et episcopi terrae vestrae, quod
 et omnibus fidelibus notum esse debet, quoniam in sacris cano-
 nibus prohibitum est: ut hi^b, qui per simoniacam heresim, hoc
 est interventu pretii, ad aliquem sacerorum ordinum gradum vel
 officium promoti sunt, nullum in sancta ecclesia ulterius mini-
 strandi locum habeant; nec illi, qui in crimen fornicationis ia-
 cent, missas celebrare aut secundum inferiores ordines ministrare
 altari debeant. Quae cum eos^c sancta et apostolica mater ec-
 clesia iam a tempore beati Leonis papae saepe in conciliis, tum
 per legatos et^d epistolas, in se et^e commissis sibi pleibus, ut
 pote ab antiquioribus neglecta, renovare et observare commo-
 nuerit rogaverit et accepta per Petrum auctoritate iusserit; ad-
 huc tamen inobedientes, exceptis perpaucis, tam execrandam
 consuetudinem nulla studuerunt prohibitione decidere, nulla di-
 strictione^f punire; non attendentes quod scriptum est, quia^g ario-
 landi peccatum est repugnare, et quasi crimen idolatriae nolle
 acquiescere¹. Cum igitur, illis apostolica immo sancti Spiritus
 mandata spernentibus et scelera subditorum criminosa foventi-
 bus patientia, divina ministeria indigne tractari, populum seduci

a. scriptum 3 pro scripturarum traditione.

b. hi om. 3.

c. episcopos 3.

d. tum per 2 pro et.

e. in add. 3.

f. restrictione 3.

g. quasi 2.

1. Reg. 15, 23.

1075 ^{Ian. 11} intelligimus, alio quolibet modo contra haec vigilare nos^a convenit,
quibus cura dominici gregis prae cunctis incumbit. Multo enim
melius nobis videtur, iustitiam Dei vel novis reaedificare consiliis,
quam animas hominum una cum legibus deperire neglectis.

Quapropter ad te^b et ad omnes, de quorum fide et devotione^c
confidimus, nunc convertimur, rogantes vos et apostolica auctoritate
admonentes: ut, quicquid episcopi dehinc loquantur aut ta-
ceant, vos officium eorum, quos aut symoniace promotos et^d ordi-
natos aut in crimine fornicationis iacentes cognoveritis, nullatenus
recipiatis; et — haec eadem, adstricti per obedientiam, tam in curia
regis quam^e per alia loca et conventus regni notificantes ac^f per-
suadentes — quantum potestis, tales sacrosanctis deservire myste-
riis, etiam vi si oportuerit, prohibeatis. Si qui autem contra vos,
quasi istud officii vestri non esset^g, aliquid garrire incipient^h, hoc
illis respondete: ut, vestram et populi salutem non impedientes,
de iniuncta vobis oboedientia ad nos nobiscum disputaturⁱ veniant.

Quia^k vero te, Rodulfe, dico ducem et karissimum sancti
Petri filium, ad religionis spiritum desideranter anhelare confi-
dimus, unde nos consulisti, quicquid nobis perfectius visum
est, ad correctionem tuam tibi intimamus: ut, quantumcunque
pretii te pro disponendis in ecclesia clericis accepisse recordaris,
aut in utilitates eiusdem ecclesiae, si attinere ei videtur, aut in
usus pauperum expendas; ut, nulla in te reprehensibilitatis ma-
cula remanente, inter electos regni caelestis cives ascribi me-
rearis. Data Romae 3 Idus Ianuarii, indictione 13.

II 46. *Gepizo S. Bonifacii et Mauro S. Sabae abbatibus Romanis, in legatione marchiae Firmanae constitutis, mandat, ut, quae bona Michael episcopus Pisaurensis distribuerit, ea restitui iubeant.*

1075 ^{Ian. 13} Gregorius episcopus servus servorum Dei Gepizo abbati
Sancti Bonifatii et Mauro abbati Sancti Sabe^l in legatione mar-
chie² constitutis salutem et apostolicam benedictionem.

a. nos om. 3. b. vos 3. c. dilectione 3. d. aut 3. e. et add. 3.
f. aut 3. g. esse c. et 2, sit 3. h. inceperint 3. i. disputare 3. k. Quia —
indictione 13 om. 3.

1. de quibus v. supra p. 154 n. 1 et 2. 2. Firmanae.

Mandamus vobis, ut diligenter conveniatis homines illos, quibus Michahel Pensauriensis episcopus ecclesiae sua bona in-¹⁰⁷⁵
 caute tribuit, eisque auctoritate apostolica omnia ecclesiae et epi-^{Ian. 13}
 scopo restituere praecipiatis atque prout oportuerit cogatis. Et
 insuper episcopum, si inobedientes fuerint, ex parte sancti Petri
 et nostra corporaliter sub banno investire palam studeatis. Eos-
 que gratiam sancti Petri et nostram amissuros, si rebelles exti-
 terint, aperte insinuetis. Episcopos quoque et comites cunctos-
 que sancti Petri fideles firmiter praecipientes rogate, quatenus
 episcopo Pensauriensi ad eos expugnандos spirituali et saeculari
 auxilio, prout necesse fuerit, fideliter subveniant. Maxime eos,
 qui, pretio recepto, terram adhuc violenter et superbe retinere
 non verentur, prae ceteris acerrime corrigatis et bona ecclesiae
 episcopo vos* intromittentes restituatis. Omnes etiam lites inter
 episcopum et adversarios eius ad utilitatem sanctae Mariae Pen-
 sauriensis ecclesiae definire procuretis, nullius negligentiae inter-
 veniente incuria. Data Romae Idibus Ianuarii, indictione 13.

II 47. *Rainerio Ugizonis filio aliisque Clusinis scribit, se Lan-
 franco episcopo mandasse, ut Guidonem excommunicatum
 S. Mustiolae praepositum deiceret. Quem ne adiuvent,
 interdicit.*

Gregorius episcopus servus servorum Dei Rainerio filio Ugi-¹⁰⁷⁵
 zonis atque Rainerio filio Bulgarelli, uxori quoque Peponis domne
 Guillae, filii etiam comitis Ardingi, omnibusque in Clusino co-
 mitatu¹ commorantibus, tam maioribus quam minoribus, Christi
 sanctique Petri fidelibus, salutem et apostolicam benedictionem.

Constat vobis fore^b notissimum: Guidonem^c ecclesiae Christi
 martyris et virginis Mustiole^d perjurium multipliciter incurrisse,
 nec non et fornicationem publice^d, adulterii quoque crimen susti-
 nuisse, satisfactionem denique exhibere omnimodo devitasse; qua-
 de re a felicis memoriae domno Alexandro nostro praedecessore
 et a prelatione eiusdem ecclesiae inrevocabiliter esse expulsum

a. vos addidi. b. fieri c. c. quondam praepositum excidisse videtur.

d. perpetrasse excidisse videtur.

1. Chiusi Tusciae. 2. Clusinae.

1075 ac pro contumacia inobedientiae, si unquam ulterius ad eam-
 Ian. 18 dem praesumpsisset aspirare praeposituram, perpetuo anathemati
 subditum. Quia vero confrater noster Lanfrancus Clusinus epi-
 scopus, quorumdam suorum fidelium, quae carnis sunt sapien-
 tium¹, consilio fretus, eumdem Guidonem temptavit eidem cano-
 nice iterum praeponere contra Romanae ecclesiae auctoritatem
 contraque omnium familiarium tam clericorum quam laicorum
 unanimem conspirationem, eumdem subiecimus episcopum satis-
 factioni dignae poenitentiae; eo scilicet tenore, quo nominatum
 Guidonem a nobis publice excommunicatum et a praepositura
 et claustrali communione deiciat, alterumque loco eius secundum
 Deum substituat. Vos ergo, dilectissimi filii, si Deum vultis ha-
 bere propitium sanctumque Petrum peccatis vestris ferre subsid-
 dium, cavete omnino, ne praefato sacrilego Guidoni aliquod con-
 tra Deum nostrumque iudicium ad retinendam praeposituram
 vel aliquod de rebus Sanctae Mustiolae praebeatis auxilium sive
 consilium. Procul dubio enim, si, quod absit a vestra nobilitate,
 auxiliari sibi quocumque modo temptaveritis et ea, quae de bonis
 ecclesiae amicis suis dedit pro retinenda praepositura, retineri
 feceritis, excommunicationis eius participes eritis. Si vero, ut
 decet christianos viros, operam studebitis dare, eo expulso, ec-
 clesiam Dei matremque utique vestram ad pristinum statum revo-
 care, inter sanctos Dei in superno regno incorruptibilem posside-
 bitis hereditatem, adepti peccatorum indulgentiam per ineffabilem
 Dei clementiam. Data Romae Idibus Ianuarii, inductione 13.

II 48. *Gepizo S. Bonifacii et Mauro[†] S. Sabae abbatibus man-
 dat, ut Rainerium Ugizonis filium, qui fratricidii poen-
 tentiam nondum peregerit, a secundis nuptiis dehortentur,
 ad seque venire iubeant.*

1075 Gregorius episcopus servus servorum Dei Gepizo abbatii
 Ian. 16 Sancti Bonifatii et Mauro abbatii Sancti Sabe salutem et apo-
 stolicam benedictionem.

Notum vobis est, quod Rainerius, Ugizonis quondam filius,
 1. Cf. 1 Corinth. 1, 26.

diabolico instinetu fratrem suum interfecit. Unde dignae poenitentiae nondum se subdidit nec perfecte poenituit; sed — im-<sup>1075
Jan. 16</sup> memor tanti facinoris et promissionis defensionum ecclesiastica-
rum^a, quam in suscipiendo fictam poenitentiam fecit, nec non et pauperum Christi — animae suaे salutem oblivioni tradens,
aliam studet uxorem ducere. Ideoque vestram fraternitatem sol-
licitam esse volumus, quatenus eum conveniatis et modis quibus
potestis illum moneatis dulciter et aspere, quantum opus fuerit
et vobis necessarium videbitur: ut nullo modo id facere prae-
sumat, sed nos adeat ad audiendum ea, quae sibi de salute sua
dicere debemus. Si forte, quod non optamus, vos audire et nobis
obedire rennuerit, omni modo certum illum reddite, quod nos Deo
adiuvante, quicquid iustum et canonicum visum fuerit, facere non
neglegemus. Data Rome 17 Kalendas Februarii, indictione 13.

II 49. *Hugoni abbatii Cluniacensi de angustiis suis scribit. Que-
ritur de orientalis ecclesiae defectione a catholica fide ac
de episcoporum, principum, Romanorum, Longobardorum,
Normannorum pravitate. Preces pro se fieri cupit.*

Gregorius episcopus servus servorum Dei Hugoni Clunia-<sup>1075
Jan. 22</sup>
censi abbatii salutem et apostolicam benedictionem.

Si posset fieri, optarem te pleniter scire, quanta tribulatio
me angustat quantusque labor cotidie innovatus fatigat et ac-
crescens valde perturbat; ut secundum tribulationes cordis mei
fraterna compassio mihi te fleteret, et in profusione lacrimarum
coram Domino cor tuum effunderet: ut pauper Iesus, per quem
omnia facta sunt et qui omnia regit, manum porrigeret et so-
lita pietate miserum liberaret. Ego enim saepe illum rogavi:
prout ipse dederit^b, ut aut me de praesenti vita tolleret aut matri
communi per me prodesset; et tamen de magna tribulatione ad-
huc me^c non eripuit, neque vita mea praedictae matri, cuius^d me
catenis alligavit, ut sperabam profuit. Circumvallat enim me
dolor immanis et tristitia universalis: quia orientalis ecclesia in-
stinctu diaboli a catholica fide deficit, et per sua membra ipse

a. *an* promissae defensionis ecclesiarum? b. *udit c.* c. *me addidi.* d. *an cui suis?*

1075 antiquus hostis christianos passim occidit, ut, quod^a caput spiritualiter interficit, eius membra carnaliter perimat^b, ne quandoque divina gratia resipiscant.
Jan. 22

Iterum cum mentis intuitu partes occidentis sive meridiei aut septemtrionis video, vix legales episcopos introitu et vita, qui christianum populum Christi amore et non seculari ambitione regant, invenio. Et inter omnes seculares principes, qui praeponant Dei honorem suo et iustitiam lucro, non cognosco. Eos autem, inter quos habito, Romanos videlicet Longobardos et Normannos, sicut saepe illis dico, Iudeis et paganis quodammodo peiores esse redarguo.

Ad me ipsum cum redeo, ita me gravatum propriae actionis pondere invenio, ut nulla remaneat spes salutis nisi de sola misericordia Christi. Nam, si non sperarem ad meliorem vitam et utilitatem sanctae ecclesiae venire, nullo modo Rome, quam coactus Deo teste iam a viginti annis inhabitavi, remanerem. Unde fit, ut inter dolorem, qui cotidie in me renovatur, et spem, quae nimis heu protenditur, mille quassatus tempestibus, quoquo modo moriens, vivo; et eum, qui me suis alligavit vinculis et Romam invitum reduxit illicque^c mille angustiis praecinxit, expecto. Cui frequenter dico: *Festina, ne tardaveris; accelera, ne moreris; meque libera amore beatae Mariae ac sancti Petri.* Sed quia non est pretiosa laus neque sancta oratio cito impetrans in ore peccatoris^d, cuius est vita haud abilis^d et actio secularis, precor exoro et rogo, ut eos, qui merentur audiri pro vitae meritis, vigilanti cura rogites, ut pro me Deum exorent ea caritate eaque dilectione, qua debent universalem diligere matrem.

Et quia utraque manu debemus uti pro dextera² ad comprehendam impiorum sevitiam, oportet nos, quandoquidem non est princeps qui talia curet, religiosorum tueri vitam. Fraterna te monemus caritate, ut in quantum potes vigilanti studio manum prebeas, eos monendo rogando exhortando, qui beatum Petrum

a. quos c. b. puniant c. c. illucque c. d. haud abilis *scripti pro laudabilis cod.* (*vita vix laudabilis scribendum putat Giesebricht De registro emendando p. 34*).

1. Eccli. 15, 9: „Non est speciosa laus in ore peccatoris“. 2. Iudic. 3, 15.

diligunt: ut, si vere illius volunt esse filii et milites, non habeant illo cariores seculares principes. Quia illi misera et transitoria vix tribuunt; iste vero beata et aeterna, a cunctis peccatis solvendo, promittit et in caelestem patriam potestate sibi tradita perducit. Volo quidem luce clarius intelligere: qui re vera sint illi fideles et qui eundem caelestem principem non minus pro caelesti gloria diligunt^a, quam eos, quibus pro spe terrena et misera subiciuntur. Data Romae 11 Kalendas Februarii, indictione 13.

II 50. *Sanctio regi Aragoniae scribit, se Sanctio episcopo Aragonensi mandasse, ut fungi munere pergeret, clericō adiutorē assumpto. Hiccine episcopatui praeponatur, se circumacto anno decreturum. Clericos, ex concubinis natos, episcopos fieri vetat.*

Gregorius episcopus servus servorum Dei Sanctio regi Hispaniorum¹ salutem et apostolicam benedictionem. 1075 Ian. 24

Quoniam erga reverentiam sanctae et apostolicae sedis regiam nobilitatem tuam pia devotione et amore fervore intelligimus, te et regnum tuum dignis honoribus sublimari cupimus et apostolicam benevolentiam non solum in nostro verum etiam in quocumque tempore tibi et causis tuis sincerae caritatis affectum praebere desideramus. Ceterum, quod nos de causa Aragonensis episcopatus et consuluisti et te quodammodo velle significasti, diu et multum volentes^b et cum filiis sanctae Romanae ecclesiae pertractantes, incongruum fore pervidimus; quoniam in eo canonica decreta nobis obviare cognovimus. Veniens enim ad nos, sicut nosti, confrater noster Sanctius Aragonensis episcopus, multa nobis de infirmitate corporis sui conquerens, deserendi episcopatum a nobis suppliciter licentiam postulavit, quod eum, morbo confectus et pene consumptus, diutius competenti ministerio regere et custodire non possit. Atque ut facilius hoc impetraret, indicavit nobis de duabus clericis, quorum alterum in episcopatum eligi, tuam et sui ipsius voluntatem atque consilium fore

a. sic cod. pro diligent. b. sic Giesebricht corredit volentes c.

1. Aragoniae.

1075 nunciavit. De quorum vita et conversatione eum interrogantes,
 Ian. 24 alia omnia, praeter quod de concubinis nati erant, bona satis et honesta accepimus. Et quia venerandi canones ad sacerdotii gradum tales provehi contradicunt, probare eos non satis cautum fore putavimus, ne quicquam a nobis contrarium sanctis patribus in exemplum et auctoritatem posteris relinquatur. Solet enim sancta et apostolica sedes pleraque considerata ratione tolerare, sed nunquam in suis decretis et constitutionibus a concordia canonicae traditionis discedere. Quapropter neverit dilectio tua, nos ita consuluisse et paecepisse episcopo: ut ipse, quantum possit episcopali officio in spiritualibus insistens et auxilia provincialium episcoporum petens, ad peragendas exteriores et interiores curas talem clericum in ecclesia constituat, qui ad tantam prourationem providus et, si res postulaverit, ad percipiendam episcopalis officii dignitatem et ordinem sit idoneus; quo per annum unum aut amplius in ecclesia consistente, si divina clementia interim episcopo vires corporis et sanitatem reddiderit, sicut iustum est, ipse in loco suo super dominicum gregem vigilans consistat; si vero infirmitas et debilitas corporis sui adaucta fuerit et administrationem commissae sibi curae nequaquam exequi poterit, tunc demum, si illius vita mores et disciplina probabilis fuerit, apostolicae sedi eius^a tuis et episcopi litteris nec non sub testimonio cleri eiusdem ecclesiae denuncietur; et de ordinatione ecclesiae deliberato consilio certa vobis et salubris annuente Deo responsio dabitur. Verum haec nequaquam tam absolute dixissemus, nisi quod episcopo, se excusanti et impedimentum suae infirmitatis proponenti, fraternalae compassionis auditum denegare non potuimus. Haec igitur, dilekte fili, prudenter considera et ad observanda nostra monita episcopum, quantum potes, adiuva; quatenus et tu a beato Petro apostolorum principe ad regendum tibi commissum populum adiuvari, eiusque meritis, a peccatorum tuorum vinculis absolutus, aeternae beatitudinis gloria in regno Christi et Dei merearis perfrui. Data Romae 9 Kalendas Februarii, indictione 13.

a. conversatio excidisse videtur.

II 51. Sueini II regis Danorum litteras desiderat. Legatos ad eum missos propter Teutoniam perturbatam ad se rediisse. Nuntios Romam mitti cupit. Subsidia sperat. De provincia haereticorum filio eius tribuenda.

Gregorius episcopus servus servorum Dei Sueino¹ regi Danorum salutem et apostolicam benedictionem. 1075 Ian. 25

Cum adhuc in ordine diaconatus eramus, saepe dilectionis tuae litteras et legatos accepimus, in quibus magnificentiae tuae promptum erga nos animum fore intelleximus. Postquam vero, quod digni non sumus, ad locum altioris curae ministeriique pervenimus, amorem tuum in subtracta visitatione tepuisse deprehendimus, qui scriptis tuis tam diu carere nescio cur meruimus. Nos equidem iam nunc non solummodo regum et principum sed omnium christianorum tanto propensior sollicitudo coartat, quanto ex universali regimine, quod nobis commissum est, omnium ad nos causa vicinus ac magis proprie spectat. Verum quia eminentiam tuae nobilitatis prae ceteris regnorum principibus tam peritia litterarum quam studio ecclesiasticae exornationis pollere intelleximus, multo fiducialius ad te scripta nostra dirigimus; existimantes in te tanto facilius lucrifacere, quanto in eruditione et prudentia morum amplius dinosceris profecisse. Rogamus igitur et sincera te caritate monemus, ut commissa tibi regni gubernacula secundum Deum administrare studeas, et nomen regalis excellentiae congrua ac consonanti virtutum proprietate geras, quatenus eam, per cuius principatum subiectis imperas, in corde tuo semper regnare iustitiam ostendas. Nosti enim, quod gloria et vana huius mundi delectatio labilis est et deceptoria. Nosti, quod universa caro ad finem cotidie properat, quod nec volenti aut nolenti mortis necessitas parcat. Nosti, quod reges aequa conditione ut pauperes futuri sunt pulvis et cinis; et quod omnes ad districtum iudicium futuri examinis venturi sumus; quod nunc non solum nobis, qui sacerdotes sumus, sed et regibus ceterisque principibus tanto concussius timendum et expavendum est, quanto pro nobis et subditis nostris rationem posituri sumus. Age ergo,

1075 ^{Ian. 25} dilectissime, ut ita vivas ita regnes, ut tunc aeterni regis et iudicis faciem securus aspicias et pro bene gesta terrenae dignitatis gloria caelestis regni sublimem et incomparabilem coronam Deo donante recipias.

De cetero notum sit tibi, quod legatos ad te destinavimus, qui super his, quae pro honorificentia regni tui tum de metropolitana sede tum de quibusdam aliis rebus in tempore domini nostri Alexandri papae ab apostolica sede et postulasti et invicem promisisti, tibi responsuri ac tecum acturi essent. Sed, propter perturbationem Teutonicae terrae periculosum iter fore cognoscentes, ad nos reversi sunt. Quapropter, si qua de his tibi cordi sunt et si te ac regnum tuum, sicut per legatos tuos aliquotiens accepimus, apostolorum principi pia devotione committere et eius auctoritate fulciri volueris, fideles nuncios ad nos sine dilatione transmittere stude; quatenus, per eos tuam in omnibus edocti voluntatem, deliberato consilio, quid tibi respondendum quidque super his omnibus agendum sit, perspicere ac providere valeamus.

Praeterea, si sancta Romana mater ecclesia contra profanos et inimicos Dei tuo auxilio in militibus et materiali gladio opus habuerit, quae spes nobis de te habenda sit, itidem tua certa legatione cognoscere cupimus. Est etiam non longe a nobis provincia quaedam opulentissima iuxta mare, quam viles et ignavi tenent haeretici; in qua unum de filiis tuis — si eum, sicut quidam episcopus terrae tuae in animo tibi fore nunciavit, apostolicae aulae militandum dares cum aliquanta multitudine eorum, qui sibi fidi milites essent — ducem ac principem et defensorem christianitatis fieri optamus. Data Romae 8 Kalendas Februarii, indictione 13.

II 52. *Evrardo clerico Aurelianensi praecipit, ut die 1 Novembris ad se veniat intereaque iniuriis in fratres ecclesiae Aurelianensis abstineat.*

1075 ^{Febr. 28} Gregorius episcopus servus servorum Dei Evrardo Aurelianensi clerico.

Admiranda res est et valde detestabilis, quod adeo indu-
 ratum cor habes et in tanta ferocitate persistis, ut a persecu-
 tione fratrum Aurelianensis ecclesiae, unde pro culpis tuis te
 separatum audivimus, nec divini terrore iudicii nec apostolicae
 animadversionis iam experta ultione manum retrahere velis. Me-
 minimus enim, dominum et antecessorem nostrum venerandae
 memoriae Alexandrum papam pro compescendo furore et nefandis
 temeritatis tuae ausibus anathematis in te iaculum contorsisse
 et, ne ulterius perturbationem aliquam supra dictis fratribus in-
 ferres aut de honoribus et ecclesiasticis officiis, quae contra re-
 gulas et auctoritatem canonum acquisieras, te intromitteres, apo-
 stolicis iussionibus interdixisse. Contra quae quamvis audaciam
 tuam iterum se erexisse non dubia relatione multorum fratrum
 cognoverimus, apostolica tamen adhuc utentes mansuetudine, de-
 bitae ultionis gladium exerere^a interim parcimus, donec, si ad
 humilitatem praemissis admonitionibus flecti possis, comprobemus;
 reservantes tibi adhuc in omnibus, de quibus accusaris, aposto-
 licam audientiam et defensionis locum, si modo tua te non re-
 trahit conscientia. Apostolica igitur tibi auctoritate praecipimus:
 ut in proximam festivitatem omnium sanctorum¹ in nostram praes-
 entiam venias; et adventum tuum Aurelianensibus clericis, qui-
 bus adversum te causa est, ut et ipsi praesentes fiant, sine
 simulatione notifiques; quatenus, ex utraque parte dissensionis
 vestrae causis et occasionibus diligenter inquisitis et cognitis,
 item vestram aequo fine decidere Deo opitulante possimus.
 Interim vero clericum, quem in captione tenes, absque omni suae
 personae et bonorum suorum detimento dimittas, nullam penitus
 contrarietatem canonicis praefatae ecclesiae aut per te facias aut
 ab aliquo tuorum fieri permittas. Quodsi te, nulla iustitia fultum,
 nobis repraesentare minime ausus fueris aut volueris et, perdura-
 nans in malitia tua, saepe dictis fratribus damna vel molestias
 aliquas amplius inferre praesumpseris aut illata mala quantum
 potes emendare et restituere non studueris, eamdem, quam praefat-
 us antecessor noster excommunicationis et damnationis in te

1075
Febr. 23

1075 Febr. 28 sententiam protulit, nostra apostolica auctoritate confirmatam esse cognoscas; et non solum te, qui tantae praesumptionis dux et auctor es, sed omnes, qui in rapina et depraeicatione bonorum ecclesiae vel infestatione clericorum aliquo modo consilium vel adiutorium sive consensum tibi dederint, pari anathematis iudicio condemnatos esse scias. Data Romae in synodo, 2 Kalendas Martii, indictione 13.

II 52 a. *De synodo Romana.*

1075 Febr. 24-28 Anno ab incarnatione Domini millesimo septuagesimo quarto, pontificatus vero domni Gregorii papae secundo^a, indictione 13, celebravit ipse dominus Gregorius papa Rome synodum a 6 Kalendas Martii usque in 2 Kalendas praedicti mensis. Ubi interfuit archiepiscoporum episcoporum et abbatum multitudo atque diversi ordinis clericorum et laicorum copia.

In qua, inter cetera decreta quae ibi gesta sunt, quinque de familia regis Teutonicorum, quorum consilio ecclesiae venduntur, a liminibus sanctae ecclesiae separavit, ita ut, si abinde usque ad Kalendas Iunias Romam non venirent et satisfacerent, excommunicati haberentur.

Philippus¹ rex Francorum, si nunciis papae ad Gallias ituris de satisfactione sua et emendatione securitatem non fecerit, habeatur excommunicatus.

Lemarum Bremensem archiepiscopum pro inobedientia superbiae suae ab episcopali officio suspendit et a corpore et sanguine Domini interdixit. Guarnerium Strazburgensem ab episcopali et sacerdotali officio suspendit. Heinricum Spirensem suspendit. Herimannum Babenbergensem, si ante pascha² non venerit satisfactorius, similiter suspendit.

Item in Longobardia Guilhelmum Papiensem et Cunibertum Taurinensem suspendit. Dionisium Placentinum depositum.

Robertum ducem Apuliae iam anathematizatum et Robertum de Loritello³, invasores bonorum sancti Petri, excommunicavit.

a. secundi c.

1. I. 2. Apr. 5. 3. nepotem Roberti Wiscardi. V. L. VIII 27 infra.

II 53. *Iohannis Moraviensis et Geromiri Pragensis episcoporum item discernit, ea lege, ut sui uterque iuris intra proximos decem annos persequendi potestatem habeat.*

Gregorius episcopus servus servorum Dei.

1075
Mart. 2

Quoniam ad memoriam semperque dilucidandam causarum negotiorumque veritatem nihil aptius nihil durabilius quam scripturarum paginas aestimamus; qualiter lis et discordia, quae inter confratres nostros videlicet Iohannem Moravensem episcopum et Geboardum¹ Bragensem de quibusdam decimis et curtibus diu protracta est, tandem per pactionis convenientiam in apostolica sede determinata sit, per litteras nostras non modo praesentibus sed et futuris notum fieri volumus. Haec enim causa, cum in secundo nostri pontificatus anno — residentibus una nobiscum in basilica Salvatoris multis fratribus, convocatis etiam et coram positis supra dictis episcopis — ad audientiam nostram et totius ibidem congregati concilii perlata sit, diu et multum inquisita atque rimata, tanta ambiguitate et perplexionibus involuta videbatur, ut ad sinceram veritatis et iustitiae explorationem per ea, quae tunc adhibita sunt, indicia perduci non posset. Verum, ne illorum altercatio absque pacis interventu diutius aut fraterna odia aut aliqua periculosa hinc vel illinc studia accenderet, cum consilio fratrum nostrorum causam ita ex aequo dirimi constituimus: ut omnia, de quibus inter eos contentio foret, per medium dividerentur; et hic unam ille alteram partem interim absque omni inquietudine tenerent, donec, si apertiora indicia sive scripto aut congruis testibus invenire possent, diligentissime investigarent. Ad quod faciendum, ne forte suscitandae litis infinita alterutri daretur occasio, terminum quoque eis decem annorum praefiximus: ut, qui certis approbationibus ad iustitiam se pertingere posse confidit, infra praelibatum terminum proclamandi et consequendi ius ecclesiae suaे licentiam et potestatem habeat; et, si alterum horum vel utrosque, quod non optamus, interim obire contigerit, successores eorum in eadem pactione et constitutione permanere debeant; ex ea

a. sic cod. pro Geromirum.

1075 autem parte, a^a qua praefatus terminus aut sub silentio aut non
 Mart. 2 ostensa veritatis et iustitiae, propter quam clamet, approbatione
 transductus fuerit, nullus deinceps locus nulla proclaimandi o-
 casio aut super hac re renovandae quaestionis licentia supersit.
 Hoc igitur modo praenominatos episcopos in nostra praesentia
 pacificatos, et praescriptae diffinitioni gratum, ut videntur^b, ad-
 habentes assensum, ad propria cum apostolica benedictione et fra-
 terna caritate dimisimus. Hoc ab omnibus inviolatum et per-
 petuo inconcussum fore, apostolica auctoritate praecipimus atque
 sancimus. Data Romae 6 Nonas Martii, indictione 13.

II 54. *Placentinis nuntiat, Dionysium in synodo remotum mu-
 nere episcopali esse.*

1075 Gregorius episcopus servus servorum Dei universis catholi-
 Mart. 3 cis Placentinae ecclesiae salutem et apostolicam benedictionem.

Super confusione ecclesiae vestrae, dilectissimi filii, diu ad
 nos querela delata est; et contritio animarum rerumque vestra-
 rum, facta per iniquum pastorem, saepenumero paternum no-
 strum^c cruciavit affectum. Expectavimus arborem malam, ut
 faceret bonos fructus^d; sed plantatio iniqua, radicitus vitiata et
 sicca per totum, patientia deterior est, terram occupat^e, quin
 etiam ad infamiam totius ecclesiae germinat fructum reprobum
 in communem mortem et in vestrae perditionis exemplum. Quem,
 olim omni officio privatum, reddit a sibi sola communione ec-
 clesiae, multis minis ac precibus contestati sumus: ut procuraret
 habere pacem vobiscum. Redditis et restitutis, quae abstulerat,
 cum gratia^f ministerii^g ei^h spem maioris beneficii dedimus, si
 mandata servaret. Sed Deo nolente sub huius misericordiae ve-
 lamento operiri peccata inobedientiae eius, qua saepe offenderat
 nos, et operta impunita relinqui, iterum mentitus est atque, vir
 manifeste sacrilegus et multorum scelerum reus, monita nostra
 posthabuit. Quapropter inmutabili sententia sanctae synodi et

a. a addidi. b. videatur c. e. nostrum addidi. d. gratia (g) scripsi pro
 aqua (aq) cod. (Coniecit Harduin: curaque ministerii, Giesebricht: curam antiqui mi-
 nisterii.) e. monisterii c. f. et c.

1. Cf. Matth. 7, 18. 2. Luc. 13, 7.

irrevocabili consensu omnium circumsedentium fratrum Dionisium condam dictum episcopum absque ulla unquam spe reconciliationis ab omni episcopali honore deposuimus; et in perpetuum negandam sibi audientiam decrevimus; et, quicumque sibi fidelitatem iuraverunt, ne contra hoc decretum sint, ab omni vinculo sacramenti absolvimus. Dabimus etiam operam, ut omnes fideles sancti Petri adiuvent vos in ordinando pastore^a et expellendo lupo, qui res vestras diripuit et corpora animasque sequentium se in foveam sicut oculus tenebrosus mittit. Unde vos cives Dei confortamini, quia Deus nobiscum est. Et licet adversentur nobis turritae urbes terrae Canaan¹ et gigantea corpora filiorum Enach², dux tamen noster Iesus cum sotio intrepidus terram promissionis ingreditur. Est enim et ipse gigas ad currendam viam³ qui dicit: *Confidite, ego vici mundum*⁴. Quodsi quis pro defensione iustitiae moriatur ex vobis, precibus apostolorum Petri et Pauli a peccatis omnibus liberetur. Data Romae 5 Nonas Martii, inductione 13.

1075
Mart. 3

II 55. Laudenses hortatur, ut Opizonem episcopum in extirpanda simonia clericorumque fornicatione adiuvent.

Gregorius episcopus servus servorum Dei Laudensis ecclesia¹⁰⁷⁵
filiis salutem et apostolicam benedictionem. Mart. 3

Gaudemus dilectissimi de vestro pio religionis affectu, quos audivimus aduersus detestandam symoniacam heresim et presbyterorum fornicationem, divinae legis zelo succensos, laudabiliter insurgere. Gaudemus quoque super fratre et coepiscopo nostro, vestro pastore domno Opizone, qui se in tantum nobis eiusdem zelo pietatis fervore detexit, ut ad haec perficiendum sanctae huius sedis obnixe flagitasset auxilium. Quapropter hortamur vos et ut filios karissimos monemus: quatenus in his pestibus detestandis, symoniaca videlicet heresi et fornicatione ministrorum sacri altaris, conterendis et penitus extirpandis cum iam dicto pastore vestro, fratre nostro, ad omnipotentis Dei sanctae-

a. in expellendo lupo et ordinando pastore e.

1. Numeri 13, 29. 2. Numeri 13, 34. 3. Ps. 18, 6. 4. Ioh. 16, 33.

que ecclesiae honorem totiusque patriae salutem ut pii filii in-
 Mart. 3 sistatis; in ordinandis quoque recte et canonice ecclesiis ei totis
 viribus auxilium praebeat; immo in cunctis, quae ipse ad Dei
 honorem vestramque salutem agere disponit, ei obedienter ob-
 temperet; ut sancta mater nostra^a ecclesia apud vos mun-
 ditia polleat, quam Christus sine macula et ruga^b castam sibi
 copulavit sponsam. Haec autem quicumque servaverit, de omni-
 potentis Dei gratia confidenter praesumat apostolicamque bene-
 dictionem se habere cognoscat. Qui vero in his, quae praefati
 sumus, ei obsistere temptaverit eumque in omnibus quae Dei
 sunt non adiuverit, contremiscat, se divinae animadversionis apo-
 stolicaeque maledictionis ultionem incurrere pro gratia et bene-
 dictione, quas non curat habere. De administratione vero altaris,
 quod supra corpus beati Bassiani confessoris situm est, omnino
 praecipimus: ut nullus ei administrare praesumat, qui vel pretio
 in eamdem introierit ecclesiam vel qui fornicator est aut turpis
 lucri sectator. Data Romae 5 Nonas Martii, indictione 13.

II 55a. *Quid valeant pontifices Romani.*

Dictatus papae.

1075 Quod Romana ecclesia a solo Domino sit fundata.

Quod solus Romanus pontifex iure dicatur universalis.

Quod ille solus possit deponere episcopos vel reconciliare.

Quod legatus eius omnibus episcopis praesit in concilio,
 etiam inferioris gradus; et adversus eos sententiam depositionis
 possit dare.

Quod absentes papa possit deponere.

Quod cum excommunicatis ab illo inter cetera nec in eadem
 domo debemus manere.

Quod illi soli licet pro temporis necessitate novas leges con-
 dere, novas plebes congregare, de canonica abbatiam facere, et
 e contra divitem episcopatum dividere et inopes unire.

Quod solus possit uti imperialibus insigniis².

a. sanctae matris vestrae c.

1. Cf. Ephes. 5, 27. 2. Cf. Exemplar Constantini imp., in Decretal.
 Pseudoisidor. ed. Hinschius p. 253.

Quod solius papae pedes omnes principes deosculentur. 1075

Quod illius solius nomen in ecclesiis recitetur.

Quod hoc unicum est nomen in mundo.

Quod illi liceat imperatores deponere.

Quod illi liceat de sede ad sedem, necessitate cogente, episcopos transmutare.

Quod de omni ecclesia, quocumque voluerit, clericum valeat ordinare.

Quod ab illo ordinatus alii^a ecclesiae praeesse potest, sed non militare; et quod ab aliquo episcopo non debet superiorem gradum accipere.

Quod nulla synodus absque praecepto eius debet generalis vocari.

Quod nullum capitulum nullusque liber canonicus habeatur absque illius auctoritate.

Quod sententia illius a nullo debeat retractari, et ipse omnium solus retractare possit.

Quod a nemine ipse iudicari^b debeat.

Quod nullus audeat condemnare apostolicam sedem apellantem.

Quod maiores causae cuiuscumque ecclesiae ad eam referri debeant.

Quod Romana ecclesia numquam erravit nec in perpetuum, scriptura testante, errabit.

Quod Romanus pontifex, si canonice fuerit ordinatus, meritis beati Petri indubitanter efficitur sanctus, testante sancto Ennodio Papiensi episcopo¹, ei multis sanctis patribus faventibus, sicut in decretis beati Symachi papae² continetur.

a. alii *mutatum est in aliç.* b. iudicari *mutatum est in iudicare.*

1. in libello apologetico pro synodo IV Romana, verbis his: „Quis enim sanctum esse dubitet, quem apex tantae dignitatis attollit; in quo, si desint bona acquisita per meritum, sufficiunt, quae a loci decessore (S. Petro) praestantur“. V. Ennodii Opp. ed. Sirmondus p. 324. Eadem Ennodii verba attulit Gregorius VII papa in L. VIII ep. 21 infra. 2. in Pseudoisidoriana Symachi synodo quinta, Ennodii libellum approbante. V. Decretales Pseudoisidorianaæ ed. Hinschius p. 675.

- 1075 Quod illius praecepto et licentia subiectis liceat accusare.
 Quod absque synodali conventu possit episcopos deponere
 et reconciliare.
 Quod catholicus non habeatur, qui non concordat Romanae
 ecclesiae.
 Quod a fidelitate iniquorum subiectos potest absolvere.

II 56. *Manassem I archiepiscopum Remensem negligentiae accu-
 sat. Rogerium III episcopum Catalaunensem, quem dei-
 ciendum censuerit, moneri vult, ut bona clericis reddat;
 ad seque veniat.*

- 1075 Gregorius episcopus servus servorum Dei Manasse¹ Remensi
^{Mart. 4} archiepiscopo salutem et apostolicam benedictionem.

Si te pastoralis regiminis cura prout oportuit sollicitum
 redderet, clericorum Catalaunensis ecclesiae causa, totiens ad nos
 relata, iam dudum competentem terminum accepisset. Sed quo-
 niam negligentia tua et episcopi praedictae civitatis² inobedientia
 huc usque protracta est, necesse nobis fuit, clericis tandi affli-
 ctis succurrere et inobedientis contumaciam apostolicae auctor-
 ritatis vigore contundere. Multis enim modis praefatus Catalau-
 nensis episcopus nostrae iussioni parere contempsit. Primo enim
 vocatus ad synodum venire neglexit; de ore nostro praesentia-
 liter de restitutione beneficiorum clericorum praecpta suscipiens,
 obaudire despexit; litteris deinde nostris admonitus, iterum quae
 praecepimus adimplere sprevit. Quam ob rem propter tam enor-
 mem inobedientiae temeritatem apostolica auctoritate omni eum^a
 episcopali officio privandum censuimus; et, haec per te strenue
 compleri omni mora postposita, statuimus. Denuo etiam firmiter
 praecipimus, ut ei nihilominus iniungas ex nostra et tua parte:
 quatenus praedictis clericis erupta bona et beneficia, omni ex-
 cusatione postposita, ubicunque manere voluerint, restituat; ad-
 iuncto et restaurato, quod de usibus rerum suarum perdiderunt,
 ex quo nos^b ei praecipimus^c. Hac vice si huic nostro praec-

a. eum addidi. b. beneficiorum restitutionem excidisse videtur. c. præcipimus c.

1. I. 2. Rogerii III.

cepto obtemperare noluerit, omnimodo a corpore et sanguine 1075
Domini arceatur, donec per obedientiam discat sanctae Romanae
Mart. 4
ecclesiae colla submittere, cui per inobedientiam non erubuit re-
calcitrare. Si vero legati nostri ad Galliarum partes usque ad
Kalendas Octobris ierint, ante praesentiam illorum se paratum
ad expurgationem suam praesentare procuret. Sin autem, ad
festivitatem omnium sanctorum¹ ante nos se expurgandum omni
occasione remota praesentet. Data Romae 4 Nonas Martias, in-
dictione 13.

*II 57. Faesulanis praecipit, ut in ecclesiae Romanae de Tras-
mundo episcopo sententia acquiescant, neu querimonii
repetitis ecclesiae suae detrimenta multipliant.*

Gregorius episcopus servus servorum Dei Fesulano clero et 1075
populo, maioribus videlicet atque minoribus, salutem et aposto-
Mart. 5
licam benedictionem.

Miramur satis, quod de causa Trasmundi episcopi vestri
Romanae ecclesiae sufficit, quibusdam vestrum non sufficere; et
eos^a querimoniam, multis ac diutinis inquisitionibus immo
divinis indiciis ad finem perductam, superfluis disceptationibus re-
petere, et sic Fesulanæ ecclesiae post longas tribulationes ipsas
reliquias consumere. Si enim episcopus omnium, quae sibi ob-
iecta sunt, reus teneretur et divino indicio^b atque humana ex-
aminatione innocens non approbaretur, deceret tamen, vos matrem
vestram, Fesulanam videlicet ecclesiam, quae non peccavit, im-
munem custodire, et vindictam peccantis episcopi in ecclesiae^c
detrimentum confusionemque minime convertere. Deceret etiam,
ut, quos miserabilis paupertas et ruina^d ecclesiae vestræ com-
patiendo non tangit, eis^e verecundia saeculi et infirmata^f et
omnino contemptui habita questio vestræ silentium imponere de-
buisset. Unde admonemus, ut inter vos ulterius non sint scis-
mata et contentiones; sed, quod nos sentimus, quod nobis suf-

a. eos addidi. b. indicio c. c. episcopi in ecclesiae addidi. Cf. Giese-
brecht de em. reg. p. 35. d. ruine c. e. eis addidi.

1. Nov. 1. 2. i. e. irrita.

1075 ficit, quod Romana approbat ecclesia, vos id ipsum sentiatis et Mart. 5 teneatis; scientes, quia nos nullo modo patiemur, sub huiusmodi occasione scandali seu inutilium disceptationum vanitatibus ecclesiam vestram devastari, sed eius miseriae atque necessitati, prout Deus concesserit, non solum loquendo sed et vindictam contra ipsius inimicos exercendo subveniemus. Data Romae 3 Nonas Martias, inductione 13.

II 58. *Manassae Archiepiscopo Remensi mandat, ut a Radbodo II episcopo Noviomensi ecclesiam Brugensem Wilielmo episcopo Ultraiectensi reddi iubeat.*

1075 Gregorius episcopus servus servorum Dei Manasse¹ Remensi Mart. 5 archiepiscopo salutem et apostolicam benedictionem.

Confratris nostri Traiectensis episcopi Wilielmi querelam de Brugensi ecclesia, in Noviomensi episcopio sita, litteris ipsius expositam accepimus; quam, et ante dominum et praedecessorem nostrum papam Alexandrum depositam, needum competenti termino contigit definiri. Astruit autem episcopus Traiectensis, eamdem ecclesiam, traditione antiqua sedi suae delegatam, ducantis ferme annis absolute et quiete ad usus stipendiarios canonorum Traiectensium retentam, donec Raboth² Noviomensis episcopus absque ullo canonico iudicio sibi eam subripuit et, ut affirmant legati, quod gravius est et omnino illicitum, alteri cuidam clero vendidit. Quapropter suffraganeum tuum Noviomensem episcopum per te conveniendum esse censuimus et de tanta perversitate, si ita esse constiterit, severius increpandum ac subinde admonendum immo etiam compellendum: ut, canonum statuta sequendo, ecclesiam Traiectensem in ea^a, quae tanto tempore possedit,^b sua expoliatione, sine mora reinducat; ac postea, si quid habet quod iure conqueratur, synodali iudicio disceptare contendat. Quodsi hic auctoritati nostrae vel monitis tuis obtemperare neglexerit, tam diu episcopali privetur officio, quoad usque, causas ecclesiasticas non potentiae magnitudine sed

a. in ea addidi. b. sublata excidisse videtur.

1. I. 2. Radbodus II, 1068—1098.

iustitiae censura finiri oportere, doceatur. Huius ergo negotii ¹⁰⁷⁵
decisionem per te studiose et impigre volumus adimpleri et, lit-
teris inditam, nobis, quam citius poteris, notificari. Data Romae
3 Nonas Martias, indictione 13.

II 59. *Abbatiae Romanensi libertatem et possessiones confirmat, ec-*
clesiamque Hugoni episcopo Diensi consecrandam mandat.

Gregorius episcopus servus servorum Dei fratribus consisten- ¹⁰⁷⁵
tibus in abbatia Romana¹ super fluvium Iseram² constituta sa-
lutem et apostolicam benedictionem.

Fidelitatis ac devotionis vestrae studia, quae per legatos
vestros nostris auribus intimastis, accepimus. Petistis, ut Ro-
mana^a libertate, quam vestra ecclesia ab antecessoribus nostris
hactenus habuit, vos^b donaremus. Scripsistis etiam, quod nos
valde letificat, quosdam scilicet vestrum regularem canonicamque
vitam incepisse; quibus quaedam ecclesiae vestrae bona vos con-
cessisse denunciasti, rogantes, ut haec nostra firmaremus aucto-
ritate. Vestrae itaque bonae intentioni congaudemus et, ut sem-
per in melius proficiatis, optamus, petitionibusque vestris obtentu
filii nostri Hugonis^c Diensis episcopi et vestri dilectione annui-
mus, et Romanam libertatem sicut postulastis^d concedimus. Illa
vero, quae fratribus vestris regularibus praepositus vester Hae-
rimannus et vos donastis et statuistis, quae et litteris ad nos
missis inseruistis — videlicet quicquid ipsi de bonis eiusdem
ecclesiae prius habere videbantur et quicumque ex vobis eis^e se
regulariter sociare voluerint, vel quod illis de suis aliquis^f de-
derit — nos quoque donamus. Possessiones autem et dispensa-
tiones ecclesiae — illis, qui eas^g nunc habent, aut ad regularem
vitam conversis aut de seculo migrantibus — et terras, quae dein-
ceps praedictae ecclesiae datae fuerint, ad mensam fratrum re-
gulariter inibi viventium pertinere, et nullum ulterius ibidem fieri
aut ordinari canonicum, nisi qui regulariter se victurum pro-

a. Romana ecclesia libertate c. (*Cf. infra*: et Romanam libertatem concedimus; *de monasterio Schafhausen* Romana libertate cf. *infra L. VII ep. 24*). b. vobis c.
c. Hugoni c. d. vobis *excidisse videtur*. e. ei cod. f. aliquid c. g. eas *addidi*.

1. dioec. Viennensis. 2. Isère fl.

1075 fessus fuerit, nostra auctoritate statuimus. Praepositum vel abbatem seu cuiuslibet dispensationis ecclesiasticae ministrum, nisi quem communis electio fratrum regulariter viventium suae professionis secundum Deum elegerit, vobis praferri apostolica auctoritate prohibemus. Ne quis autem haec a nobis salubriter statuta violare praesumat, virtute sancti Spiritus et potestate nobis a Deo collata interdicimus. Ecclesiam vestram, quam per legatum apostolicae sedis reconciliari quaesistis, praefato filio nostro Diensi episcopo, qui et Romanus et Viennensis ecclesiae filius est, consecrandam commisimus. Data Romae 7 Idus Martii, inductione 13.

II 60. *Ottoni episcopo Constantiensi praecipit, ut cum Ecardo abbe Augiensi aut in gratiam redeat aut circiter die 1 Novembris Romam accedat.*

1075 Mart. 13 Gregorius episcopus servus servorum Dei Ottoni Constantiensi episcopo salutem et apostolicam benedictionem.

Sicut tua super Ecardo abbe Augensis monasterii, ita et illius super te nobis est illata querimonia. Verum quia nos fatigationibus vestris parcere cupimus, consulendo mandamus vobis: ut utrumque communes amicos et sapientes viros veritatis amatores, iustitiae magis quam amicitiae faventes, convocetis; quorum consilio, opportuno tempore et loco convenientes, litem vestram aequis rationibus et aliqua congrua pactione dirimi in commune assensum detis. Quod si peccatis facientibus fieri nequeat, commonitos vos ex praesenti auctoritate esse volumus, ut circa festivitatem omnium sanctorum¹ ambo ad apostolorum limina veniatis, quatenus annuente Deo causam vestram diligenti examinatione discutiamus et diuturnam discordiam iusto fine decidamus. Interim vero praecipimus, ut, omni lite inter vos sospita, quasi per manum beati Petri et nostram firma pax posita atque conducta teneatur, ut neutra pars alteram molestiis vel contrarietate provocare aut inquietare audeat. Nec leve vobis videatur, tanto mediatore interposito, pacis iura dissolvere; quo-

1. c. Nov. 1.

niam, qui in hac constitutione apostolicae auctoritati reverentiam et fidem non exhibuerit, ex ipsa suae temeritatis impietate adversus se et causam suam fidem et iudicium provocabit. Data Romae 3 Idus Martii, indictione 13.

1075
Mart. 13

II 61. *Dietwinum episcopum Leodiensem a vendendis dignitatibus ecclesiasticis praebendisque canonicis dehortatur. Prospiciat, ut sacerdotes caste vivant. In iuriis in Theodericum abbatem S. Huberti abstineat. Alberti comitis Namucensis ecclesiam aut ipse consecret aut ab episcopo Mettensi consecrari patiatur.*

Gregorius episcopus servus servorum Dei D(ietwino) Leo-
1075
Mart. 23 dicensi episcopo salutem et apostolicam benedictionem.

Iam multo tempore audivimus et multorum relatione comperimus, te perplura in episcopatu tuo^a adversus instituta sanctorum patrum fecisse, videlicet in venditionibus ecclesiasticarum dignitatum et canonicarum praebendarum. Unde tibi multum condolemus et satis obstupescimus, cum tantum honorem gratis susceperis et cum prudentes et religiosos viros inveneris, quod^b honores ecclesiasticos gratis non erogaveris; sed declinasti ab exemplo tui antecessoris introductione nove consuetudinis. Ratione igitur iustitiae his de causis sententia^c in te esset animadvertiscenda. Sed tibi^d parcimus propter senilem aetatem, et quia karissimus frater noster Herimannus Mettensis episcopus, tuae ecclesiae filius, te multum apud nos excusavit; imputans aliis, quaecumque super his male disposueris, quorum consilio usus fueris. Commonemus ergo te apostolica auctoritate: ut quid egeris adtendas; et iudicium ad quod properas expavescas; et amplius desistas ab huiusmodi transgressionibus; et, in quibuscumque poteris, studeas corrigere immutando quae egeris. Praecipimus etiam, ut admoneas et coherceas quoscumque sacri ordinis ministros, caste vivere et concubinas omnino derelinquere; et extermina nefas secundum patrum traditionem, quod temporibus modernis inolevit ex taciturnitate pastorum; ne cum male ope-

a. tuo addidi.

b. quod om. cod.

c. an simonia?

d. tibi addidi.

1075 Mart. 23 rantibus propter silentium damneris et ipsi aeternae mortis incurvant periculum.

Compertum est nobis, te contumelias quorumdam consilio intulisse abbatii¹ de Sancto Huberto² propter privilegium³, quod a nobis suscepit. Sed excusamus eum, quod contra detrimentum et honorem tuae ecclesiae nihil fecerit. Unde te monemus et rogamus, ut permittas eum^b in pace et in omni tranquillitate.

In diocesi^c etiam tua^d Namucensis comitis^e ecclesiam, quam adhuc consecrare distulisti, rogamus ut consecres; si vero ex debilitate corporis id facere nequieris, committe hanc obedientiam karissimo filio nostro Mettensi episcopo. Quodsi non adquieveris, iustum et rationabilem causam, quare dimiseris, nobis rescribas. Et quia in extremo videris positus, fraterna compassione ducti, auctoritate beati Petri apostolorum principis absolvimus te a peccatis tuis et Deum pro te exoramus, ut interventu beatorum apostolorum inter electos aeternum merearis consortium. Data Romae 10 Kalendas Aprilis, indictione 13.

II 62. Sichardum episcopum Aquileiensem hortatur, ut concilii peracti de simonia sacerdotumque castitate decretis pareat.

1075 Mart. 23 Gregorius episcopus servus servorum Dei Sichardo fratri et coepiscopo Aquileiensi salutem et apostolicam benedictionem.

Fraternitatis tuae prudentiam latere non debet neque tui ordinis dignitatem ignorare oportet, quae statuta quaque decreta in peracto concilio praeteritae quadragesimae consilio confratrum nostrorum ac totius conventus assensu, sequentes sanctorum patrum auctoritatem, statuimus. Decrevimus enim: quod, si quis eorum ordinum qui sacris altaribus administrant, presbyter scilicet diaconus et subdiaconus, uxorem vel concubinam habet, nisi illis omnino dimisis dignam poenitentiam agant, sacris altaribus penitus administrare desistant nec aliquo ecclesiae beneficio ulterius potiantur sive potitis fruantur; qui vero

a. an augmentum? b. esse excidisse videtur. c. diocesis c. d. tuam c.
e. nobis addidi.

1. Theoderico I. 2. Andaginensi. 3. d. 1074 Apr. 29. Regesta
pont. Roman. n. 3625. 4. Alberti III.

simoniace, videlicet per interventum pecuniae, sunt promoti, ut absque ulla spe recuperationis deponantur, apostolica censura statuimus. Monemus itaque te, dilectissime frater et coepiscope, immo apostolica tibi auctoritate praecipiendo mandamus: ut tu in diocesi tua simoniacos omnino deponas; et fornicatoribus clericis, nisi a fornicatione abstinuerint praefata condicione, officium et beneficium penitus interdicas; et suffraganeos tuos sive litteris tuis sive viva voce ad te convocatos, ut idem faciant, summa cum diligentia moneas. Data Romae 10 Kalendas Aprilis, inductione 13. 1075
Mart. 23

II 63. *Geusam ducem Ungarorum docet, Ungariae regnum, ecclesiae Romanae obnoxium, non debere alias regni regi subici; Salomonem regem ideo deiectum esse, quod non a papa, sed ab Heinrico IV rege regnum suscepisset. Legatos commendat.*

Gregorius episcopus servus servorum Dei Geuse Ungarie 1075
Mart. 23 duci¹ salutem et apostolicam benedictionem.

Licet per legatos, quos pridem ad nos direxisti, miserimus tibi litteras, quas nondum te asseris perceperis, iterum tamen pio caritatis affectu, qua omnes reges et principes ut filios admonemus, scribimus ad te; desiderantes tibi cum iustitia, quaecumque sunt honoris et gloriae. Multa quippe bona de te mihi relata sunt atque ex tuis actibus honesta fama ad aures nostras usque pervenit. Pro quibus diligimus te; et cupimus, ut fama cum rei veritate semper ascendat. Notum autem tibi esse credimus, regnum Ungariae, sicut et alia nobilissima regna, in proprie libertatis statu debere esse, et nulli regi alterius regni subici nisi sanctae et universali matri Romanae ecclesiae; quae subiectos non habet ut servos, sed ut filios suscipit universos. Quod quia consanguineus tuus² a rege Teutonico³, non a Romano pontifice, usurpatrice obtinuit, dominium eius, ut credimus, divinum iudicium impedivit. Cum vero res in manibus tuis sit, hortamur te: ut intentam^a circa ecclesiias curam habeas, circa religionem sum-

a. interim c.

1. I regi. 2. Salomon rex Ungariae. Cf. ep. 13 supra p. 127.

3. Heinrico IV.

1075 Mart. 23 *mum studium geras, talemque obedientiam legatis sanctae Romanae ecclesiae, cum ad te venerint, exhibeas, quatenus intercessione beati Petri in gloria et honore utriusque vitae proficias.*
Data Romae 10 Kalendas Aprilis, indictione 13.

II 64. *Ivoni I abbatii S. Dionysii de simonia suspecto praecipit, ut aut apud legatos suos causam dicat, aut ante diem 30 Novembris Romam veniat.*

1075 Mart. 25 Gregorius episcopus servus servorum Dei Ivoni¹ abbatii monasterii sancti Dionisii in Parisio.

Licet Romanae ecclesiae excusationem introitus tui Algisi monachi vestri verba iam pridem replicaverint, licet ex parte fidem nobis dederint, crescentem tamen tuam^a infamiam et usque ad sedem apostolicam iam a pluribus delatam indiscussam transire nec possumus nec debemus. Quapropter, si contigerit hac in aestate legatos nostros ad partes illas proficiisci, praecipimus, ut coram eis causam obiectionis tuae diligenter exponas et diffinitioni eorum obedienter pareas. Quodsi aliquod impedimentum hoc fieri non permiserit, abhinc usque ad festivitatem sancti Andreae², de obiectis responsurus, ad nos venias. Interim te volumus circa curam animarum subditorum tibi strenuum sollicitumque exhiberi; quatenus, cum ad nos veneris, ipsum bonae conversationis studium tam te quam illos, quibus praeesse videris, valeat commendare et Algisi bona de te referentis verba confirmare. Data Rome 8 Kalendas Aprilis, indictione 13.

II 65. *Monachos S. Dionysii de suis ad Ivonem abbatem litteris certiores facit, a discordiaque dehortatur.*

1075 Mart. 25 Gregorius episcopus servus servorum Dei monachis monasterii sancti Dionisii salutem et apostolicam benedictionem.

Abbatis vestri Ivonis infamia, quam pluribus referentibus, ad aures nostras usque pervenit, videlicet quod simoniace, hoc est per interventum pecuniae, obtinuerit abbatiam. Cuius rei

a. tuam addidi. (*Cf. ep. 65 infra: Abbatis vestri Ivonis infamia.*)

1. I. 2. Nov. 30.

causa, quia huiusmodi infamiam indiscrepantem praeterire nec debemus nec possumus, per litteras nostras sibi praecipiendo mandavimus: ut legatis nostris, si hac aestate ad partes illas eos venire contigerit, de obiectis se purgaturum exhibeat; quodsi aliquibus intervenientibus causis legati non venerint, abhinc usque ad festivitatem sancti Andree¹ de obiectis responsurum se nostrae audientiae repraesentet. Quapropter admonemus religionem vestram: ut interim inter vos nulla discordia, nullum scisma diabolica fraude natum inveniatur — ipsi enim scitis, quia in scissura mentium Deus non habitat — sed, religioni atque ordinis vestri observationi sedato animo ac summa cum reverentia operam dantes, praedicto abbati humiliter obediatis; ne forte, quod absit, in vestro scismate monasterium vestrum in rebus corporeis et vos in anima damnum aliquod patiamini. Pro certo namque sciatis, quoniam nos abbatiae sancti Dionisii sollicite invigilare nunquam negligemus^a, sed secundum apostolum² honeste et cum ordine facere volumus. Sicut enim nocentem iustificare nobis admodum est timendum, ita et innocentem damnare valde periculosem. De cetero prudenter vos habete, dilectissimi filii, memores nostri in orationibus vestris. Data Romae 8 Kalendas Aprilis, indictione 13.

II 66. Burchardo episcopo Halberstadensi scribit de clericis ad castitatem impellendis.

Gregorius episcopus servus servorum Dei Burchardo Halve-
stetensi episcopo salutem et apostolicam benedictionem.
Mart. 29

Non ignorare te, frater karissime, credimus de ordinum ecclaeasticorum castitate sanctae sedis apostolicae statuta, antecessorum nostrorum et nostro deinceps studio per litteras et legatos longe lateque promulgata. Nam et anno praecedente confratres nostri et episcopi, in partes illas directi, te convenerunt et nostro nomine huius tibi operis oboedientiam studiosius inculcarunt. Sed neque propterea has rursus de eadem re tibi litteras mittere^b superfluum iudicavimus, apostolo dicente: *Fratres, eadem*

1. Nov. 30. 2. 1 Cor. 14, 40. a. neglegimus c. b. mittere addidi.

1075 Mart. 29 *vobis scribere, mihi quidem non pigrum, vobis autem necessarium*¹. Si enim, fratrum nostrorum exhortatione monitus, in id opus manus continuo misisti, ad hoc valebunt litterae, ut, sicut dicitur, currentem currere concitatus impellamus; sin autem hoc usque cessasti, somno torporis expulso, ad evigilandum stimulo increpationis te^a excitemus. Nos enim de taciturnitate nostra damnari metuimus, si conservis nostris, his maxime qui et alios docere idonei sunt, Domini pecuniam distribuere pigritamur. Urget nos enim timor illius maledicti, quod per Salomonem de-
promitur: *Maledictus homo, qui abscondit frumenta in populo*², et quod item per prophetam dicitur: *Maledictus homo, qui prohibet gladium suum a sanguine*³, id est verbum praedicationis ab increpatione carnarium⁴. Sicut enim nos ad loquendum superiora exempla impellunt; ita et vos, quae de oboedientia passim scripta leguntur, adhortantur: quae dicimus, fraterna caritate suscipere. Nam legitur apud Samuhelem: *Melior est oboedientia quam victimae; quasi enim scelus idolatriae est non auscultare, et quasi peccatum ariolandi est, nolle acquiescere*⁵. Quod beatus Gregorius in moralibus⁶ exponens, dicit: *Oboedientia ergo est, sine qua, quamvis fidelis quisque videatur, infidelis esse convincitur.* Denique novit fraternitas tua, quas proponimus, regulas a sanctis patribus esse praefixas, tantoque venerabilius observandas, quanto^b constat non suo libitu sed Spiritus sancti promulgasse afflatus. Quam ob rem, karissime frater, instanter te^c hor tamur et apostolica auctoritate praecipimus: quatenus et a legatis nostris ante cognita et harum testimonio litterarum plenius inculcata fideliter exsequaris; de agro dominico zizania eradicis, frumentum conserves; castos et religiosos clericos, ut tui officii cooperatores, benigne foveas, lubricos et incontinentes aut paternę corrigas aut incorrigibiles a sacris altaribus arceas. Et, nisi tuis exhortationibus acquiescentes resipiscant, nec laici etiam officium

a. te addidi. b. certius eos illas *excidissem videtur.* c. te addidi.

1. Philipp. 3, 1. 2. Prov. 11, 26. 3. Ierem. 48, 10. 4. v. supra
p. 26 n. 4. 5. v. 1 Reg. 17, 22. 23. 6. L. 35 cap. 28, Opp. S. Gregorii ed. Benedictini I 1156.

eorum ulla tenus audiant; ut, quos nec timor nec amor divinus compungit, pudor saltem humanus retrahat ad sobrietatem. His si vigilanter institeris, et in obedientiae culpam poteris evadere et a Domino praemium tibi multiplex et indeficiens comparare. Data Romae 4 Kalendas Aprilis, indictione 13.

1075
Mart. 29

II 67. *Annoni archiepiscopo Coloniensi mandat, ut, convocato episcoporum concilio, sua de castitate clericorum decreta promulget.*

Gregorius episcopus servus servorum Dei Annoni Coloniensi 1075
archiepiscopo salutem et apostolicam benedictionem. Mart. 29

Constat, ecclesiam Coloniensem inter ceteras regni Teutonici ecclesias sanctae et apostolicae sedi, cui Deo auctore deserimus, ita fide et dilectione atque obsequiis ab annis prioribus esse devinctam, ut singulari familiaritate et gratia karitatis apud eam, tamquam apud matrem dulcissima filia, praepolleat. Quem benevolentiae laudabilis usum, ab antecessoribus nostris ad nos usque deductum, non solum observare sed etiam ampliare et augmentare pro rerum oportunitate et temporum modis omnibus sum paratus. Hinc etiam karissime frater de oboedientia tui securior, fiducialius adhortor te^a et moneo atque communis domini beati^b Petri auctoritate praecipio: ut ad castitatem clericorum praedicandam atque inculcandam iuxta patrum decreta et auctoritatem canonum cum suffraganeis tuis omnibus studiosius accingaris; ut sponsae Christi, quae maculam nescit aut rugam¹, candidatae et immaculatae familiae gratiosum exhibeatur officium. Novit enim fraternitas tua, quia praecepta haec non de nostro sensu exculpimus; sed antiquorum patrum sanctiones, Spiritu sancto praedicante prolatas, officii nostri necessitate in medium propalamus, ne pigri servi subeamus periculum, si dominicam pecuniam, quae cum foenore reposcitur², sub silentio abscondamus; quamquam huic sanctae Romanae ecclesiae semper licuit semper licebit, contra noviter crescentes excessus nova quoque

a. te addidi. b. beati addidit manus alia.

1. Ephes. 5, 27. 2. Matth. 5, 15 sq.

1075 Mart. 29 decreta atque remedia procurare, quae, rationis et auctoritatis edita iudicio, nulli hominum sit fas ut irrita refutare. Urget nos etiam timor illius maledicti, quod per Salomonem depromitur — *usque ad id quod in superiori epistola¹ ait: Oboedientia ergo est, sine qua, licet fidelis quisque videatur, infidelis esse convincitur.*

Sed ut ea, que dilectioni tuae iniungimus, compendiosius efficaciusque prosequaris, cum fratribus et coepiscopis tuis concilium te cogere suademos. In quo, quam maximo poteris clericorum cetu congregato, leges canonicas per^a sedis apostolicae auctoritatem tuamque et confratrum omnium patenter promulgabis; quanta castitatis sit virtus quamque ecclesiasticis gradibus necessaria, seu quam sponsi virginis et virginis sponsae cubiculariis sit competens, ut Deo donante nosti, latius expones; subinde firmiter pronunciabis: non ulterius sibi licere, quod in perniciem sui hactenus usurparunt; cum tolerabilius omnino sit, cessare ab officio, quam incestam vel etiam molestam suo salvatori ingerere servitutem, et inde sibi iram coacervare atque supplicium, unde praemium debuit emereri. Quodsi te, fideliter haec et firmiter exsequentem, tribulatio ac persecutio invenerit, respice ed eum qui dixit: *Confidite, ego vici mundum².* Nos quoque, clipeo beati Petri munitos, indubitanter noveris seu ad repellendos hostes, si possumus, seu ad protegendum te omni hora paratissimos inveniri. Illud quoque fraternitati tuae notum esse volumus, nos^b contra symoniacam heresim in synodo confirmasse — nam a sanctis patribus longe ante statutum est — ac vehementer prohibuisse: ut neque ecclesiae ullan tenus vendantur, aut pro manus impositione pretium accipiatur. Quodsi hoc modo ordinatus aliquis fuerit, eum a misse celebratione et euangelii lectione omnimodis removemus; et, ut haec diligenter observetis, enixius admonemus. Data Romae 4 Kalendas Aprilis, indictione 13.

a. et c. b. nos *addidi.*

1. 66 p. 186. 2. Ioh. 16, 33.

II 68. *Wezelinum archiepiscopum Magdeburgensem ad stabilier-dam clericorum castitatem adhortatur.*

Gregorius episcopus servus servorum Dei Wezelino Maga-deburgensi archiepiscopo salutem et apostolicam benedictionem. 1075 Mart. 29

Legimus, Iosue, cum in populo Dei magistro succedens du-catum suscepisset, ita sollicita et vigilanti oboedientia exercuisse officium, ut, quod de aliis raro scriptum est, caelesti fretus vir-tute, elementis potentialiter imperaret. Nam et fluvium Iordanem ad transitum exercitus cursum naturalem sistere fecit, et solem volubili mobilitate in occasum anhelantem, donec adversarios ulcisceretur, quasi alter creator stare preecepit; is etiam muros Hiericho septeno perlustrans circuitu sacerdotalium clangore tuba-rum subruit et evertit¹. Vides, karissime frater, quid fervens in divinis causis animus, quid prompta oboedientia meruerit. Ad huius similitudinem facti, nos, qui populum christianum insti-tuendi magisterium suscepimus, mentem vigilanter intendere debemus, ne adversarie potestatis muros, contra verum Iosue rebel-lantes et erectos, silentio nostro stare aut roborari patiamur. Quam ob rem fraternitati tuae apostolica auctoritate iniungimus atque preecipimus: ut ad castitatem clericorum praedicandam et studiosius inculcandam bucina sacerdotali vehementius et instan-tius instrepas, donec Hiericho muros, id est defectionis opera et sordide libidinis pollutiones, dissipes et subvertas, sicut dixit Dominus^a ad prophetam: *Posui te hodie super gentes et super regna, ut evellas et destruas et disperdas et dissipes et aedifices et plantes*². Non nostra decreta — quamquam licenter, si opus esset, possemus — vobis proponimus, sed a sanctis patribus statuta renovamus, ne nostro silentio servi, pecuniam dominicam abscon-dentis, sententiam incurramus. Elabora igitur, insta oportune im-portune³, ut domus Dei tibi commissa purifetur; quatenus et a nobis de oboedientia tua gratias merearis et, tui laboris pre-mium recepturus, in Domini tui gaudium laetus introducaris.

Data Romae 4 Kalendas Aprilis, indictione 13.

a. dixit Dominus addidi ex Ier. 1, 9.

1. Ios. 3, 16; 10, 12; 6, 16. 2. Ier. 1, 10. 3. 2 Tim. 4, 2.

II 69. *Cuniberto episcopo Taurinensi mandat, ut cum Benedicto II abbe S. Michaelis Clusino aut pacem faciat aut die 11 Novembris ad sese veniat, atque ut interim iniuriis in illum abstineat; quod nisi fecerit, fore ut monasterium ecclesiae Romanae subiciatur.*

1075 Apr. 9 Gregorius episcopus servus servorum Dei Cuniberto Taurinensi episcopo salutem et apostolicam benedictionem.

Decuerat te frater karissime pro reverentia, quam beato Petro apostolorum principi et magistro universalis ecclesiae debes, nobiscum etiam servare unitatem et concordiam in vinculo caritatis et pacis¹, et labores nostros, ut in Christo proficerent et fructum facerent, saltim in attinentibus tibi et tecum actis iuvare negotiis. Verum e contra, unde nos nec mirari nec dolere satis possumus, te immemorem nostrae dilectionis a nobis discrepare et ea, quae colligere laboramus, omni conatu ad dispergendum insistere, clamor fratrum monasterii sancti Michahelis², immo multiplex angustia, quam multorum relationibus te faciente eos pati audivimus, manifesta nobis indicia praebet. Meminisse enim debes, quot et quanta dominus et antecessor noster beatae memoriae Alexander papa et nos ipsi, cum novissime apostolicam sedem et praesentiam nostram visitasses, de pace et tranquillitate eiusdem monasterii cum tua fraternitate egimus: ne diabolus, servorum Dei saluti semper invidens et quieti, venenum suae nequitiae aliqua occasione ibi posset infundere et devotas animas ab assidua orationum et divini famulatus meditatione divellere. Qua de re licet nobis optime promiseris — videlicet te aut competentem de omnibus cum abbe³ pacem facturum aut, si id fieri non posset, sine omni laesione monasterii ad iudicium apostolicae discussionis rem denuo delaturum — tamen, postquam a nobis discessisti, multo asperior atque crudelior contra venerabilem locum illum, quam antea fueras, prout nobis relatum est, extitisti et, quod ad detrimentum eius foret, non solum exteriori fortitudine sed episcopali etiam districione dicere et facere non pepercisti. Unde non parum adversum te commoti esse pos-

1. Ephes. 4, 3. 2. Clusini. 2. Benedicto II.

sumus, qui ad contemptum apostolicae auctoritatis nostraequae
 fatigationis dispendium nostris consiliis admonitionibus rogatibus
 et iustis officii nostri dispensationibus te obsistere intelligimus;
 ut pacem, quam servis Dei cum quanta^a per Deum cognoscimus
 consideratione iustitiae providere cupimus, tu nec pati possis
 aut velis. Num quid ne existimas, episcopos hanc in pastorali re-
 gimine potestatem atque licentiam suscepisse, ut monasteria, quae
 in suis paroecchias consistunt, quantum velint opprimant et stu-
 dium religionis, suaee praelationis occasione haec et illa potenter
 exigendo et potestatem suam exercendo, comminuant? An igno-
 ras, quod sancti patres plerumque et religiosa monasteria de sub-
 iectione episcoporum, et episcopatus de paroecchia metropolitanae
 sedis, propter infestationem praesidentium diviserunt et, perpetua
 libertate donantes, apostolicae sedi, velut principalia capiti suo
 membra adhaerere sanxerunt? Percurre sanctorum patrum pri-
 vilegia et invenies: ipsis etiam archiepiscopis officium, nisi forte
 ab abbatte vocatis, in plerisque cenobii facere prohibitum esse;
 ne forte monastica quies tumultuosa saecularium personarum
 frequentia et conversatione turbaretur. Hoc itaque ne et nos
 illorum auctoritate et exemplo de praefato sancti Michahelis
 monasterio facere cogamur neve tu, dum immoderata queris, ea
 quae ex antiquo^b tibi attinere videbantur iuste amittas, apostolica
 te auctoritate monemus atque praecipimus: ut aut pacem cum
 abbatte congrua conventione et in commune proviso totius causae
 moderamine facias, aut, si peccatis impedientibus hoc fieri nequi-
 verit, in ventura sancti Martini festivitate¹ ad apostolicam sedem
 te convocatum praesenti auctoritate cognoscas; quatenus adiuvante
 Deo litem vestram dirimere et iusto fine concludere valeamus.
 Interim vero eadem auctoritate praecipimus: ut neque vocando
 ad synodum nec aliquo interdicto, denique nullo umquam vexatio-
 nis modo abbatem vel saepe fatum monasterium aut servitores
 eius seu loca vel bona illuc attinentia per te sive per tuorum
 aliquem laedere aut inquietare praesumas; et quos anathematis
 vinculo ex his qui partem illam attinent alligasti, quamquam

1. Nov. 11.

a. an cum ea quam?

b. quo c.

1075
Apr. 9

1075 hoc temere feceris, caritati tamen fraternalae providentes, ut tu
 Apr. 9 eos absolvas, locum tibi et monita damus. Qua in re si tu moram
 feceris aut aliqua occasione nobis oboedire renueris, nostra
 apostolica auctoritate eos absolutos et ab omnibus interdicti vel
 excommunicationis tuae nexibus liberos esse noveris. Fac igitur,
 dilecte frater, ut vel nunc non in cassum tibi seripsisse videamur.
 Crede nostris consiliis, acquiesce monitis, nec libeat tibi^a nos,
 plurimis occupatos, diutius causae huius implicari laboribus, nec
 deneges nobis fraternum et unanimem consensum in componenda
 pace saepe fati cenobii; ne, dum nobis immo beato Petro ob-
 stare non desieris, in graviorem culpam et inrevocabile detri-
 mentum tuomet, quod non optamus, impetu praecipiteris. Nam,
 si deinceps ultra tenorem litterarum istarum supra memoratam
 causam in errorem et litigium trahere aut monasterio infesta-
 tiones aliquas inferre pertemptaveris, nos divina et apostolica fulti
 auctoritate, ut monasterium illud cum omnibus suis pertinentiis
 in perpetua libertate consistat et, nullius magisterio vel iudicio
 post Deum nisi sanctae Romanae ecclesiae subditum, in proposito
 sanctae religionis sine laceratione Deo servire valeat, Deo adiu-
 vante procurabimus. Data Rome 5 Idus Aprilis, indictione 13.

II 70. *Geusae duci Ungariae scribit, velle se inter eum et Salomonem regem pacem conciliare. Huic regnum a deo ademptum esse, quod Heinrico IV regi se subieccisset. Desideria eius sibi aperiri vult.*

1075 Gregorius episcopus servus servorum Dei Geusae Ungariae
 Apr. 14 duci¹ salutem et apostolicam benedictionem.

Si officii nostri est, omnibus sua iura defendere ac inter
 eos componere pacem et stabilire concordiam, multo magis ratio
 exigit atque usus utilitatis exposcit, ut seminemus caritatem inter
 maiores, quorum pax aut odium redundat in plurimos. Unde
 nobis cura est et cordi pia sollicitudo inhaeret, quatenus inter
 te et consanguineum tuum Salomonem regem faciamus pacem,
 si possumus: ut, iustitia utrimque servata, sufficiat unicuique

quod suum est, terminum iustitiae non transeat, metam bone
 consuetudinis non excedat; sicque sit^a in pace nobilissimum
 regnum Ungariae, quod hactenus per se principaliter viguit, ut
 rex ibi, non regulus fiat. Verum^b ubi — contempto nobili dominio
 beati Petri apostolorum principis, cuius regnum esse prudentiam
 tuam latere non credimus^c — rex^d subdidit se Teutonico regi^e, et
 reguli nomen obtinuit. Dominus autem, iniuriam suo illatam^f
 principi pervidens^g, potestatem regni suo ad te iudicio transtulit.
 Et ita consanguineus tuus^h, si quid in obtinendo regno iuris
 prius habuit, eoⁱ se sacrilega usurpatione privavit. Petrus enim
 a firma petra dicitur, quae portas inferi confringit, atque ada-
 mantino rigore destruit et dissipat, quicquid obsistit. Quapropter,
 si quid vis, si quid habere a Romana ecclesia digne speras,
 nobis confidenter volumus ut aperias; et quae tua sit devotio
 erga universalem matrem qualiterve illi statueris oboedire san-
 etamque reverentiam exhibere, operibus sicut te deceat ostendas.
 Quae autem hic minus scripsimus, horum portitoribus tibi dicenda
 reliquimus, quia de illorum fidelitate satis confidimus. Omnipotens Deus, qui beato Petro potestatem ligandi atque solvendi
 principaliter tribuit, eius precibus te tuosque in Christo fideles
 a cunctis peccatis absolvat et ad vitam perducat aeternam. Data
 Rome 18 Kalendas Maii^h, indictione 13.

II 71. *Wratizlaum II ducem Bohemiae rogat, ut Friderico nepoti
 aut patrimonium aut aliud beneficium tribuat. Monet, pacem
 colat, maximeque cum Pragensi et Olomucensi episcopis.*

Gregorius episcopus servus servorum Dei Wratizlao³ Boe- 1075
 miorum duci salutem et apostolicam benedictionem. Apr. 14

Fredericus⁴, nepos vester et Romanae ecclesiae fidelis, nos
 humillimis precibus flagitavit, quatinus tuae nobilitatis pruden-

a. sit scripti pro fiat c. b. Verum — quicquid obsistit legitur etiam 2) ap. Deus dedit (Borgia Breve istoria del dominio temporale, Append. p. 14). c. non latet 2 pro latere non credimus. d. illata c. e. previdens c. et 2. f. con-
 sanguineus tuus om. c.; recepi ex 2. g. a. c. et 2. h. sic est Junii corr. in cod.

1. Salomon. 2. Heinrico IV. 3. II. 4. postea II patriarcha Aquileiensis.

1075 Apr. 14 tiam rogaremus, ut beneficium, quod sibi pater suus¹ reliquid,
eum permitteretis habere et in omni pacis quietudine possidere.
Cuius supplicibus orationibus flexi, nobilitatis vestrae serenitatem
obnixe rogamus: ut, si scitis eum habere iustitiam — tum, quia
os tuum et caro est, ductus proprietate sanguinis, tum quia ad
refugium apostolicae miserationis confugit — aut beneficium illud
sibi reddatis, aut concambium tribuatis quod sibi sit acceptabile
et tui condeceat generis dignitatem. Quodsi iustitiam non videtur
habere, rogamus tamen: ut pro caritate et reverentia beati Petri
apostolorum principis, cuius praesidia humiliter postulavit, ali-
quod sibi beneficium, quo possit honeste vivere, tribuatis. Non
pigeat itaque nobilitatem tuam, in hoc nostras preces audire
beatumque Petrum in hoc tibi debitorem facere; quoniam nos
parati sumus favere tibi, in quibus possimus iustitia duce.
Praeterea monemus, ut studeatis terram vestram et vestri honoris
regimen firmissimae pacis federe undique praemunire, scilicet ut
nullius litis scandalum in tuo regimine versari permittas, praecipue
inter te et fratres tuos, et Bragensem² et Holomucensem³
episcopum; quoniam sicut, qui discordie et litibus vacant, procul
dubio diaboli sunt filii, sic, qui paci dant operam^a, filii Dei vo-
cantur, ipsa Veritate attestante quae ait: *Beati pacifici, quoniam
filii Dei vocabuntur*⁴. Omnipotens Deus mentem tuam illuminet
sicque te faciat per bona transire temporalia, ut merearis adi-
pisci^b aeterna. Data Rome 18 Kalendas Maii^c, indictione 13.

II 72. *Bohemos ad pacem, castitatem, beneficentiam, hospitalita-
tem, decimas dandas, ecclesias honorandas adhortatur.*

1075 Apr. 15 Gregorius episcopus servus servorum Dei universis in Boe-
mia constitutis maioribus atque minoribus salutem et apostoli-
cam benedictionem.

Ex consideratione sedis, cuius licet indigni administrationem
gerimus, debitores sicut scitis sumus fidelibus et infidelibus:

a. opera c. b. addipisci c. c. sic est Iunii *correctum in cod.*

1. Spitignev II dux Bohemiae. 2. Ieromirum. 3. Iohannem.
4. Matth. 5, 9.

fidelibus, ut quod bene proponunt perseveranter teneant; infidelibus, ut ad creatorem suum, credendo et praeterita facinora penitendo^a, convertantur. Unde, quia relatione episcoporum patriae vestrae limina apostolorum visitantium accepimus, quosdam vestrum per viam mandatorum Dei incedere, quosdam vero non nullis periculis male vivendo subiacere, studiuimus vos paterna caritate commonere, quatenus et boni meliores fiant et, qui reprehensibiliter vivunt, irreprehensibles se exhibeant. Primum scilicet vos....^b, ex^ctoto corde et ex tota anima et ex omni virtute vestra Deum et proximum sicut vosmet ipsos diligere; pacem, sine qua nemo Deum videbit, inter vos constituere; non solum clericos, sed et laicos castitatem servare; decimas Deo, a quo tam vitam quam vitae sustentationem suscipitis, fideliter dare; ecclesiis vestris debitum honorem impendere; elemosinis atque hospitalitati devote insistere. Haec et his similia, quae ad salutem animarum vestrarum pertinent, licet pontifices vestros sufficienter scire ac^d vobis insinuare non ignoremus, tamen, quia verba nostra ex reverentia beati Petri constat vos carius atque avidius recipere, ipsa vestra audiendi aviditas, quae ab aliis dari possunt, nos documenta dare compellit: ut tanto sollicitius vobis debitum reddamus exhortationis, quanto beatum Petrum in eadem nostra exhortatione devotius attenditis. Vos igitur, dilectissimi, carnalia desideria fugite; ad caelestia et semper duratura patriae caelestis gaudia mentes erigite; beatum Petrum, cui a Deo potestas principaliter et in terra et in caelo^e ligandi atque solvendi data est, devotissimi servitii fidelitate debitorem vobis^f facite: quatenus post dissolutionem terrenae habitationis nostrae — cui cotidie volentes nolentesque propinquatis, nec multo post in vermes et cinerem redigendi — eius praestantissimum ante distictum iudicem patrocinium sentiatis. Data Romae 17 Kalendas Maii^g, inductione 13.

a. puniendo c. b. exhortamur *excidisse videtur.* c. ac om. c. d. et in caelo addidi. e. vobis addidi. f. sic est Iunii *correctum in cod.*

1075
Apr. 15

II 73. *Bolezlaum II ducem Poloniae laudat, quod munera S. Petro miserit. Legatos commendat, missos ut episcoporum Polonorum numerum augeant et sedem metropolitanam constituant. Hortatur, ut ablatam Russorum regi pecuniam reddat.*

1075 Apr. 20 Gregorius episcopus servus servorum Dei Bolezlao¹ duci Poloniorum salutem et apostolicam benedictionem.

Quoniam honor, qui ministris et dispensatoribus exhibetur, ad reverentiam dominorum proprie attinere^a dinoscitur, procul dubio grataanter et cum multa dilectione ministrantium labor officiaque suscipiuntur, ab his dico, qui praelatorum personas et auctoritatem ex corde diligere comprobantur. In hoc autem cognoscimus, quod excellentia vestra beatum Petrum apostolorum principem sinceris affectibus diligit et ad reverentiam eius ardenti spiritu dilatatur^b, quoniam, gratuita devotione vestris eum oblationibus honorantes, debitorem vobis fieri desiderastis et, sicut in Domino confidimus, promeruistis. Unde et nos, qui illius servi dicimur et esse cupimus, vestrae caritati in Christo conexi sumus; et curam ministerii, ad quod sub oboedientia apostolici principatus occulta Dei dispensatio nos licet indignos ordinavit atque constituit, in ea parte, qua vobis necessarium et honestum fore cognoverimus, tanto sollicitius vobis impertiri cupimus, quanto fidem et caritatem vestram et in oboediendo promptiorrem et in promendo^b devotiores intelligimus.

Verum quia christiana religionis ordo et provida dispensatio ab his permaxime post Deum pendet, qui dominici gregis pastores et rectores esse videntur, illud nobis primo adtendum est: quod episcopi terrae vestrae — non habentes certum metropolitanae sedis locum nec sub aliquo positi magisterio, huc et illuc pro sua quiske ordinatione vagantes — ultra regulas et decreta sanctorum patrum liberi sunt et absoluti; deinde vero: quod inter tantam hominum multitudinem adeo pauci sunt

a. dirigatur sive inflammatur sive incitatur scripsisse Gregorius videtur. b. promerendo c. (Cf. supra verba haec: vestris eum oblationibus honorantes).

episcopi et amplae singulorum parroechiae, ut in subiectis ple-
bibus curam episcopalium officii nullatenus exequi aut rite admi-
nistrare valeant. Pro his igitur et aliis causis, quas hic scribere
omisimus, hos legatos ad vos direximus: quatenus — vobiscum
pertractatis negotiis, quae ad ecclesiasticam curam et aedifica-
tionem corporis Christi, quod est fidelium congregatio, pertinere
videntur — quae emendanda sunt, aut ipsi iuxta sanctorum pa-
trum statuta definit aut nobis definienda referant. Eos itaque
sicut nos audite, memores, quod in missione discipulorum per
euangelium Veritas dicat: *Qui vos audit, me audit; et qui vos
spernit, me spernit*¹. Et ut fructuosus apud vos cursus fatiga-
tionis eorum fiat, propter reverentiam apostolicae legationis, qua
funguntur, consiliis et benigno favore eos^a iuvate.

1075
Apr. 20

De cetero admonemus vos et exhortamur in Domino: ut,
diem ultimum vitae vestrae, quem ignoratis quando veniat, et
terrorem futuri iudicii semper coram oculis habentes, commis-
sam vobis potestatem sollicita et Deo placita administratione
gerere studeatis; praeparantes vobis divitias in operibus bonis
et thesaurizantes firmum et immobile fundamentum², ut vitam
aeternam possideatis. Scire enim debetis, quoniam supernus
arbiter, quae vobis commisit, inrequisita non relinquet; cui tanto
districtius responsuri estis, quanto ampliora sunt iura et iudi-
ciorum moderamina quae tenetis. Deus autem omnipotens, cuius
maiestas est super omnes principatus et regna, dirigat cor et
actus vestros ad omne opus bonum in omni prudentia et exer-
citatione virtutum, quatenus, expleto cursu huius lubricae et cito
periturae lucis, beatorum Petri et Pauli apostolorum principum
meritis et intercessionibus ad veram et sempiternam gloriam
pervenire mereamini; detque vobis, devicta per Iesum Christum
dominum nostrum inimicorum vestrorum superbiam, pacis et tran-
quillitatis gaudia, ut ex donis quoque praesentibus cognoscatis,
futura quanto sint desiderio appetenda.

Quae nimirum si vos delectant, inter omnia servanda vobis
est caritas. Quam, quod inviti dicimus, in pecunia, quam regi

1. Lue. 10, 16. 2. Cf. 1 Timoth. 6, 19.

a. eos addidi.

1075 Apr. 20 Ruscorum¹ abstulistis, violasse videmini. Quapropter condolentes vobis, multum vos rogamus et admonemus: ut pro amore Dei et sancti Petri, quicquid sibi a vobis vel vestris ablatum est, restitui faciatis; non ignorantes, quoniam, qui aliorum bona iniuste auferunt, nisi emendaverint si emendare poterint, nullatenus in regno Christi et Dei partem habere credendi sunt. Hoc autem a vobis eadem caritate, qua dicimus, pro salute animae vestrae recipi concupiscimus. Data Rome 12 Kalendas Maii, indictione 13.

II 74. *Demetrio regi Russorum et reginae, uxori eius, significat se Iaropolco eorum filio roganti ex parte b. Petri regnum tradidisse. Legatos commendat.*

1075 Apr. 17 Gregorius episcopus servus servorum Dei Demetrio² regi Ruscorum et reginae uxori eius salutem et apostolicam benedictionem.

Filius^a vester³, limina apostolorum visitans, ad nos venit. Et, quod regnum illud dono sancti Petri per manus nostras vellet optinere, eidem beato Petro apostolorum principi debita fidelitate exhibita, devotis precibus postulavit; indubitanter asseverans: illam suam petitionem vestro consensu ratam fore ac stabilem, si apostolicae auctoritatis gratia ac munimine donaretur.. Cuius votis et petitionibus, quia iusta videbantur, tum ex consensu vestro tum ex devotione poscentis tandem assensum praebuimus et regni vestri gubernacula sibi ex parte beati Petri tradidimus, ea videlicet intentione atque desiderio caritatis: ut beatus Petrus vos et regnum vestrum omniaque vestra bona sua apud Deum intercessione custodiat, et cum omni pace honore quoque et gloria idem regnum usque in finem vitae vestrae tenere vos faciat et, huius militiae finito cursu, impetrat vobis apud supernum regem gloriam sempiternam. Quin etiam nos paratissimos esse noverit vestrae nobilitatis serenitas, ut, ad quaecumque iusta negocia

a. Filius — intercessione custodiat leguntur etiam 2) ap. Deus dedit cardin., *Borgia breve istoria del dominio temp.*, app. p. 14.

1. Demetrio s. Isaslao I filio Iaroslai. 2. s. Isaslao I filio Iaroslai.
3. Iaropolcus.

huius sedis auctoritatem pro sua necessitate petierit, procul dubio ¹⁰⁷⁵ continuo petitionum suarum consequetur effectum. Praeterea, ^{Apr. 17} ut haec et alia multa, quae litteris non continentur, cordibus vestris artius infigantur, misimus hos nuncios nostros, quorum unus vester notus est et fidus amicus; qui et ea quae in litteris sunt diligenter vobis exponent et, quae minus hic scripta^a sunt, viva voce explebunt. Quibus pro reverentia beati Petri, cuius legati sunt, vos mites et affabiles praebatis; et quicquid vobis dixerint ex parte nostra, patienter audiatis atque indubitanter credatis; et quae ibi ex auctoritate apostolicae sedis negotia tractare voluerint et statuere, nullorum malo ingenio turbare permittatis, sed potius eos sincera caritate favendo iuvetis. Omnipotens Deus mentes vestras illuminet, atque per temporalia bona faciat vos transire ad gloriam sempiternam. Data Rome 15 Kalendas Maii, inductione 13.

II 75. Ad Sueinum II regem Danorum nuntios mittit, per quos sibi significet, num b. Petri patrocinium concupiscat.

Gregorius episcopus servus servorum Dei Sueino¹ regi Danorum salutem et apostolicam benedictionem. ¹⁰⁷⁵ ^{Apr. 17}

Apud antecessores nostros iuris et consuetudinis erat, caritativis legationibus docere viam Domini universas nationes, corripere in his quae arguenda erant omnes reges et principes, et ad aeternam beatitudinem cunctos invitare legalibus disciplinis. Plus enim terrarum lex Romanorum pontificum quam imperatorum obtinuit; in omnem terram exivit sonus eorum², et quibus imperavit Augustus, imperavit Christus. Nunc vero reges et praesides terrae, contemptores facti ecclesiasticae legis, qui amplius iustitiam servare et eam defendere debuerant, ad tot irrogandas ecclesiae contumelias devenerunt^b, atque ad tantam inobedientiam, quae secundum Samuhelem³ similis est idolatriae, devoluti sunt: ut, fere iam quiescentibus legationibus nostris,

a. hic scripta addidi. (*Cf. lib. II ep. 70 supra p. 193:* Quae autem hic minus scripsimus.) b. convenerunt c.

1. II (Estrithson). 2. Ps. 18, 5; Rom. 10, 18. 3. 1 Reg. 15, 23.

1075 Apr. 17 quoniam pene sine fructu videntur, verba nostra tantummodo
 orando convertamus ad dominum regum et deum ultionum. Sed
 quia scimus, te et fortissimam gentem tuam, quae freno sapien-
 tiae tuae moderatur, circa matrem omnium ecclesiarum debitam
 reverentiam exhibere, quae tanto est beato Petro humilior quanto
 in fortitudine sua sublimior, ideo tibi dilectissimo filio nostro
 litteras mittimus atque paterna affectione mandamus: ut, si quid
 est, unde indiges quod auctoritas Romanae ecclesiae possit tibi
 iuste largiri, per nuncios tuos et per hos, quos nunc mittimus,
 nobis notum facias; quatenus, in quantum fas est, te honoremus
 et praedictam reverentiam nobilissimi regni tui merita dignitate
 donemus. Bonam enim famam de te accepimus; quae precibus
 beati Petri et Pauli nunquam te deserat, immo ad gloriam
 utriusque vitae capessendam, ut desideramus, cumuletur semper
 et crescat. Quia vero apud antecessorem nostrum beatae me-
 moriae Alexandrum quaedam expetisti, quibus beatum Petrum
 debitorem faceres, immo tibi et regno tuo nobile patrocinium
 eius acquireres, per eosdem legatos mandes: utrum eadem vo-
 luntas sit, an fuerit passa defectum, aut, quod magis optamus,
 susceperit augmentum. Ego enim cum in archidiaconatus officio
 essem, multum diligebam te et, ut mihi videbatur, diligebar a te.
 Sed ubi pastorale officium, quod in dilectione Dei et proximi
 quasi in fundamento consistit, licet indignus accepi, caritas quam
 habueram circa te maior facta est; quae, te proficiente in melius,
 semper in maiorem gradum Deo propicio augeatur. Data Romæ
 15 Kalendas Maii, indictione 13.

II 76. *Bambergensibus Herimannum I ecclesiae eorum invasorem
 demotum nuntiat. Praecipit, ne episcopatus bona diripiunt.*

1075 Apr. 20 Gregorius episcopus servus servorum Dei clero et populo
 Babenbergensis ecclesiae salutem et apostolicam benedictionem.

Notum est pene omnibus in Teutonicis partibus habitantibus,
 quod Babenbergensis ecclesia specialis quodammodo filia adhaeret
 matri suae Romanae ecclesiae, cui Deo auctore deservimus licet
 indigni. Ac proinde tanto sollicitius vigilantiae nostrae nos oportet

sibi curam impendere, quanto familiarius apostolicae sedis est munimine contuenda. Unde, quia quidam idiota^a praedictam ecclesiam, symoniaceae perfidie heretica pravitate subversus, invaserat, eam a iugo sacrilegæ pervasionis illius provida consideratione liberare studuimus. Exeruimus^b quidem gladium apostolorum principis Petri, et in eum apostolica auctoritate sententiam damnationis^c promulgavimus. Verum quia in exclusione talium solent ecclesiae multa damna pati et bona earum distrahi et disperdi, dignum duximus, imminenti damno ecclesiae praecavere; ac proinde sacrilegis et tyrannis apostolica auctoritate resistere, interdicendo: ne occasione exclusionis illius res ecclesiae auferre vel quolibet modo alienare praesumant. Quapropter ex parte Dei et apostolorum Petri et Pauli interdicimus: ut nulla alicuius dignitatis seu potestatis sive cuiuslibet condicionis persona res iam saepe fatae ecclesiae, maxime thesaurum et praedia, auferre vel aliquo modo alienare iniuste diripiendo praesumat^c, donec omnipotens Deus per interventum beati Petri ecclesiae illi idoneum pastorem provideat. Si quis vero contra huius interdictionis paginam venire temptaverit, noverit, se gratiam sancti Petri amittere et apostolicae animadversionis ultione plectendum. Data Rome 12 Kalendas Maii, inductione 13.

II 77. Geboardum archiepiscopum Salzburgensem hortatur, ne
novo episcopo, Guntherio Gurensi, Alexandri II per-
missu constituto decimas adimat.

Gregorius episcopus servus servorum Dei Geboardo Salz- 1075
burgensi archiepiscopo salutem et apostolicam benedictionem. Jun. 17

Meminimus, dilectionem tuam annis superioribus apostolicam sedem adiisse atque a praedecessore nostro bonae memoriae Alexandro, me etiam favente atque assensum praebente, impe- 1070
trasse: ut parrochiae tuae portionem p[re]amplitudine sui de- Mart. 21
cideres, atque in ea episcopatum et episcopum ad superhabun-

a. Exemimus c. b. damnationis addidi. Cf. Lib. III ep. 1 infra p. 203.
c. praesumant c.

1. Herimannus I episcopus Bambergensis.

1070 Mart. 21 dantem regiminis curam supplendam statueres¹. Quam tuae
 mentis intentionem tanto alacrius audivimus atque ut adimple-
 retur studuimus, quanto te religiosius id petere atque multorum
 saluti prodesse velle intelleximus. Quis enim, cui spiritualia luca
 cordi sint — his praesertim temporibus, cum iuxta apostolum²
 omnes quaerunt quae sua sunt non quae Iesu Christi — non liben-
 tissime amplectatur voluntatem, divitias terrenas animarum sa-
 luti postponentem? Sed his diebus ad nos perlatum est de
 eodem bono proposito tuo, quod nos vehementer contrastavit et
 laetitiae priori quasi quasdam meroris nebulas offudit³. In quo
 prudentiam tuam et religionem multum admirati sumus, id tibi
 1072 ullanus persuaderi potuisse, ut ad hoc te factum debuisses in-
 flectere. Comperimus enim, te^b, episcopo ut praefati sumus in
 parte procurationis tuae composito³, illum quidem in societatem
 laboris misisse, sed tibi fructum laboris, scilicet decimas, reti-
 1075 Iun. 17 nuisse. Quod si verum est, graviter dolemus: in tam praeclaro
 tuae dilectionis opere cupiditatem, quae radix omnium malorum
 est⁴, locum sibi potuisse surripere, ut operarium in vineam Do-
 mini mitteres et eum operis mercede fraudares⁵. Quam ob rem
 caritatem tuam admonitam esse volumus: ut, quod devote Deo
 obtulisti, serenum et sincerum sine fuci admixtione persolvas;
 plausibilem humani favoris laudem caveas, et, quod spe aeternae
 retributionis coepisti, in securitate eiusdem remunerationis ex-
 pleas; et ecclesiam suarum decimatarum redditibus investias. Data
 Rome 15 Kalendas Iulii, indictione 13.

a. effudit cod. b. te addidi.

1. V. Alexandri II bullam d. d. 21 Mart. 1070; Mon. Germ. SS. XI 37,
 Regesta pont. Rom. n. 3450. 2. Philipp. 2, 21. 3. Guntherio epi-
 scopo Gurensi. 4. 1 Timoth. 6, 10. 5. Cf. 1 Timoth. 5, 18.

EXPLICIT LIBER SECUNDUS.

I N C I P I T L I B E R T E R T I U S

REGISTRI GREGORII PAPAE SEPTIMI

anno dominicae incarnationis millesimo septuagesimo
quinto, indictione decima tertia.

III 1. *Bambergensibus significat, Herimannum I, iam antea episcopali officio et sacerdotio privatum, anathemate quoque, donec ad se veniret, affectum esse. Qui praedia ab eodem acceperint, eos anathematizat^a.*

Gregorius episcopus servus servorum Dei clero et populo 1075
Babenbergensis ecclesiae salutem et apostolicam benedictionem. Jul. 20

Litteras¹ — quas Poppe praepositus ecclesiae vestrae^b cum his, qui secum erant, decepti simulata poenitentia falsaque religione Herimanni olim dicti vestri episcopi, incaute a nobis nimia sub festinatione recedentes, ad vos deferre neglexerunt — nostro sigillo insignitas idcirco vobis ad praesens dirigere dignum duximus, ut in eis manifeste cognoscatis^c: quae fuerit de iam dicto pseudoepiscopo nostra voluntas, quamque sententiam damnationis iudicio sanctae apostolicae sedis in eum promulgavimus; indubitanter credentes, quoniam nullius supplicatio aut fraudulenta suggestio ab eadem voluntate sive sententia ex eo, quo se iudicio sanctae apostolicae sedis subtraxit, animum nostrum potuit revocare vel umquam Deo auctore mutare valebit. Verum quia sub obtentu religionis ac mentitiae poenitentiae sanctam Babenbergensem ecclesiam, specialem quodammodo sanctae Romanae ecclesiae filiam, tyrannide^d conatus est confundere bona-que illius dilapidare atque disperdere^e; priorem sententiam confirmantes, ad cumulum damnationis eius hoc addimus: ut, inre- cuperabiliter ab episcopali officio semotus, a sacerdotali quoque sit omnino seclusus, quo usque apostolicae se audientiae repre- sentet, paratus eam cautionem facere, quam vestrae ecclesiae cognoverimus expedire. Ab episcopali vero officio eum ideo se-

a. Reperitur etiam 2) ap. *Udalricum Babenbergensem* n. 139, *Eccardi Corp. hist. II* p. 137. b. vester 2 pro ecclesiae vestrae. c. agnoscati 2. d. per tyrannidem 2. e. dispergere 2.

1. Lib. II ep. 76 supra p. 200.

1075 gregamus, quia symoniace invasit ecclesiam; sacerdotali quoque^a
 Jul. 20 eum idcirco privamus, quoniam sub specie sanctitatis natus est
 eam dilaniare atque confundere. Et quia tanta mala contra ec-
 clesiam, quoquo modo olim sibi commissam, exercere non timuit,
 anathematis eum vinculo innodamus, quo usque supra dicto modo
 se apostolicae audientiae repraesentet; nisi forte, in extremis po-
 situs^b, dignam poenitentiam accipiat; eo tamen tenore, ut, si con-
 valuerit, simili modo ut dictum est se apostolicae sedi repre-
 sentare festinet. Eodem quoque anathemate percutimus eos, qui
 ab initio^c promotionis eiusdem aliqua praedia ecclesiae ab eo
 acceperunt, ut^d sibi faverent ad eius malitiam contuendam; per-
 maxime^e illos, qui, postquam se apostolicae sedis iudicio sub-
 traxit, ab eo aliquid in praediis vel in thesauris ecclesiae acce-
 perunt ad confovendum eum, ut in sua pertinacia perseveret;
 nisi resipuerint: videlicet ut condigna satisfactione, quod praedicto
 sacrilegio peccaverunt, emendent, nobisque suam poenitentia-
 tam resignare festinent. Data Laurenti^f 13^g Kalendas Augosti,
 indictione 13.

III 2. *Sigifredo archiepiscopo Moguntino mandat, ut in locum
 Herimanni I deiecti invasoris ecclesiae Bambergensis sub-
 stituendum successorem curet^h.*

1075 Gregorius episcopus servus servorum Dei Sigifredo Mogon-
 Jul. 20 tino venerabiliⁱ archiepiscopo^k salutem et apostolicam benedi-
 ctionem.

Qualiter Babenbergensis Herimannus, iam nunc non episco-
 pus, hoc anno^l Romam petens^m se habuerit vel qualiter se iudicio
 apostolicae sedis subtraxerit quave fraude clericos praedictae ec-
 clesiae sub obtentu poenitentiae deceperit et quo modo res eius-
 dem sibi contra Deum commissae ecclesiae peius quam prius
 destruxerit et inⁿ clericos quondam sibi commissos sicut tyran-

a. officio add. 2. b. ductus cod., positus 2. c. causa 2 pro ab initio.
 d. ut sibi — acceperunt om. 2. e. praemaxime e. f. Albani 2. g. 13—13 om. 2.
 h. Legitur etiam 2) ap. *Udalricum Babenberg.* n. 138, *Eccardi Corp. hist.* II p. 137.
 i. venerabili addidi ex 2. k. episcopo 2. l. tertio decimo add. 2. m. penitens e.,
 petens 2. n. quomodo clericos — despoliaverit 2 pro in clericos — surrexit.

nus surrexerit, vestra^a, ut reor, cognoscit fraternitas et certa 1075
dolet tristitia. Quocirca nos — ulterius tantas non valentes impune
ferre nequitias et noviter inventas saevitias, maxime circa eam,
quae beato Petro specialiter commissa est ecclesia — iudicio sancti
Spiritus per eiusdem auctoritatem beati Petri apostolorum prin-
cipis praedictum Herimannum ab officio episcopali atque sacer-
dotii^b deposuimus et in perpetuo depositum esse censemus. Et
quia heresi iunxit^c sacrilegium et sacrilegio apertam tyrranidem,
excommunicationis vinculo eum alligavimus, quo usque se aposto-
licae sedi repraesentet^d, quam conatus est non solum decipere
sed etiam dolo malo irridere. Si autem ad ultimum sibi diem
pervenerit, non ei poenitentiam et communionem denegamus; sed
mox, ut poterit, apostolicam adire sedem, omnino illi praecipi-
mus. Haec ut publice, maxime fratibus tibi subiectis coepisco-
pis, notifices volumus. Et ex parte beati Petri praecipimus: ut
secundum sanctorum instituta patrum summopere procures in
praedicta Babenbergensi ecclesia pastorem ordinare; quatinus,
quod in praedicto symoniaco negligenter egisti, comproberis emen-
dare. Data^e Laurenti 13 Kalendas Augusti, indictione 13.

*III 3. Heinricum IV laudat, quod simoniacis resistat clericos-
que reddere castos desideret. De Herimanni I episcopi
Bambergensis punitione. Cuius ecclesiam ut religiosorum
consilio ordinet, hortatur^f.*

Gregorius episcopus servus servorum Dei gloriosissimo^g regi 1075
Heinrico salutem et apostolicam benedictionem. Iul. 20

Inter caetera bonarum virtutum opera, fili karissime, ad
quae te meliorationis studio assurgere fama referente audivimus,
duobus te modis sanctae matri tuae, Romanae scilicet ecclesiae,
eminentius commendasti. In altero quidem, quia symoniacis vi-
riliter resistis; in altero vero, quia clericorum castitatem, utpote
servorum Domini, et libenter approbas et efficaciter desideras

a. tua 2. b. sacerdotali 2. c. adiunxit 2. d. repraesentetur 2 pro se
repraesentet. e. Data — ind. 13 om. 2. f. Habetur etiam 2) ap. Udalricum Ba-
benberg. n. 136, Eccardi Corp. hist. II 185. g. Heinrico regi cod., gloriosissimo regi
Heinrico 2.

1075 adimplere. Quibus de causis signum nobis proposuisti, opitulante Deo, altiora de te et prestantiora quaeque sperandi. Quapropter et haec te firmiter retinere valde optamus et dominum Deum nostrum, ut ea tibi cumulatius augere dignetur, suppli-
citer obsecramus^a.

Ceterum de Babenbergensi ecclesia — quae sui fundatoris institutione^b sanctae et apostolicae sedi, tamquam humeri^c capiti, membrum scilicet propinquius specialiori quadam cura sollicitudinis inhaeret — vehementer dolemus; et, eius desolationi pro viribus occurrere opitulari et consulere, officii nostri necessitate impellimur. Symoniacus enim ille Herimannus, dictus episcopus, hoc anno ad synodum Romam vocatus venire contempsit; sed cum proprius Romam accessisset^d, in itinere substitit et, praemittens nuncios suos cum copiosis muneribus, noto sibi artificio innocentiam nostram et confratrum nostrorum integritatem pactione pecuniae attemptare atque, si fieri posset, corrumpere molitus est. Quod ubi praeter spem evenit, iam de damnatione sua securior, festinanter retrocessit; et blandis fallacibusque promissis clericorum qui secum erant animas lactans, aiebat: se, si^e patriam repedare posset, ab episcopatu cessaturum et monasticae vitae professionem subitum. Quam sponzionem qualiter^f impleverit, celsitudinem tuam, fili karissime^g, non latet. Quin etiam temeraria ulterius progressus audacia, clericos, ecclesiae suae salutem et honorem quaerentes, bonis suis despoliavit et, nisi eum tua ut audivimus regalis potentia refregisset, penitus confudisset. His excessibus eius^h diligenter consideratis, ab episcopali eum atque sacerdotali officio deiecimus. Insuper, quoniam Babenbergensem ecclesiam, apostolica beati Petri tuitione munitam, crudelius atque molestius quam ante infestare praesumpsit, anathematis eum vinculo innodavimus, donec ecclesiasticam dignitatem illicite usurpatam deponat et se nihilominus sedis apostolicae iudicio repraesentet. Nunc ergo, excellentissime fili, sublimitatem tuam hortamur et pro nostrae sollicitu-

a. exoramus 2. b. instituto 2. c. omnium — membrorum 2 *pro* humeri — membrum. d. venisset 2. e. in *add.* 2. f. quomodo 2. g. dilectissime 2. h. enim *cod.*, eius 2.

dinis debito suademus: ut religiosorum consilio virorum eadem ¹⁰⁷⁵
ecclesia ita secundum Deum ordinetur, quatinus beati Petri, cuius
et nomini et defensioni attitulata^a est, intercessione divinae me-
rearis obtinere suffragia protectionis. Quid vero hac ipsa de
causa Sigifredo confratri nostro Maguntino episcopo et eidem Ba-
benbergensi clero et populo scripserim, ex litteris ad eos datis¹ ad
liquidum poteris cognoscere. Data^b Romae 13 Kalendas Augusti.

III 4. *Sigifredi archiepiscopi Moguntini excusationes non ac-
cipit. Monet, ne a praestando officio avertatur. Mandat,
ut de Wernhero episcopo Argentinensi, simoniae accusato,
cognoscat seque certiorem faciat. Concilium a sese impe-
ratum differri non vult. Addit de evelenda simonia et
clericorum fornicatione.*

Gregorius episcopus servus servorum Dei Sigifredo Magun- ¹⁰⁷⁵
tino archiepiscopo salutem et apostolicam benedictionem. ^{Sept. 3}

Plurimas in tuis litteris, frater, excusabiles et, quantum ad
humanum spectat iudicium, validas protulisti rationes. Nec nobis
quoque viderentur infirmae, si huiusmodi possent in divino nos
examine excusare. Rata siquidem videtur excusatio: regni mo-
tus ac perturbatio, bella et seditiones, invasiones hostium ac
perditio rerum vestrarum, insuper et formido necis, quam no-
stris dicitis fratribus imminere principis odio; vel: ne hi, qui
de diversis partibus invicem inimicantur, si in unum conveniant,
usque ad internitionis bella consurgant. Quae sane omnia satis
videntur ad cuiuspiam excusationem idonea. Verum si conside-
remus, quantum ab humanis iudicia distant divina, nihil pene
repperimus, quod in superno examine excusabile proferamus, ut
ab animarum lucris retrahi sine periculo valeamus: non damna
siquidem rerum, non malorum simultates aut ira potentum, non
ipsius salutis quoque nostrae vitaeque dispendium. In hoc quippe
mercenarii a pastoribus distant: quod hi lupo veniente, dum
sibi non ovibus metuunt, gregis direptionem dispersionemque

a. intitulata 2. b. Data — Augusti *om.* 2.

1. epp. 1 et 2 supra p. 203 et 204.

1075 contemnentes, eis relictis effugiant; pastores vero, qui vere suas
 Sept. 3 diligunt oves, eas nequaquam deserunt imminente periculo, pro
 quibus quoque non dubitant propriae vitae subire exitium. Quapropter oportet et nos studiis pastoralis officii vigilanter insisteremus atque ad Domini gloriam ovium semper suarum salutem quaerere, ad gregis custodiam socios instigare et, ut recto gressu commissis ovibus praecedant, salubriter commonere. Namque, si fratres nostros consideremus delinquere et tacemus, si denique errare et non eos ad rectitudinis semitam monendo revocare censemur, nonne et ipsi delinquimus et errare merito iudicamur? Etenim, qui negligit culpas emendare, committit. Et cur Heli sacerdos in Sylo periit¹? Et quid est, quod Dominus loquitur per prophetam: *Maledictus inquit qui prohibet gladium suum a sanguine*², id est verbum praedicationis a carnalium vitae imperfectione³.

Ut autem ad id, quod ad praesens premit animum et quod quasi causa est nostri sermonis, veniamus: quomodo ea patienter perferre valemus, quae de fratri nostri Strazburgensis episcopi⁴ moribus audivimus et certa esse nonnulla veraci relatione cognovimus? Unde volumus atque praecipimus: quatenus unum, quod apud nos adhuc manet in dubio^a, symoniace videlicet hereseos contagium, diligenter discutias et, quiequid super eo certum reppereris, nobis intimare non differas; quatenus, si verum fuerit, Christi ecclesia tantis sordibus emundetur, et illius animae, ne pereat, subveniatur; si vero quod magis optamus falsum, tanta infamia procul ab eo, adiuvante nos divina gratia, propellantur.

Illi vero, qui dicunt, concilium quod vobis indiximus esse differendum, rogamus respondeant: regii milites, dudum ut se ad bella pararent admoniti, quid tunc essent acturi, cum hostes in regia aula armis iam et igne sevirent; dicant ergo: utrum arma deberent ad ipsos hostes perturbandos ac conterendos violenter corripere, an, quid hostes agerent, tantum inertes^b considerare. Quid enim aliud maligni spiritus agunt, nisi quod Christi ecclesiam igne vitiorum incessanter devastare contendunt? et quid

a. dubium c. b. inertes e.

1. 1 Reg. 4. 2. Ierem. 48, 10. 3. v. supra p. 26 n. 4. 4. Wernheri.

regios milites, sanctos videlicet sacerdotes, oportet facere, nisi ¹⁰⁷⁵
 adversus eorum saevitiam, clipeo caritatis munitos, gladio divini
 verbi accinctos, auctoritatis vigore consurgere? Quod autem dicis,
 quosdam fratres non posse ad concilium convenire ob principis
 inimicitiam, dicimus et^a sufficere, si de suis clericis dirigant,
 qui pro eis valeant respondere. Sed quoniam non ignoramus,
 quod a pluribus carnalibus ac saecularibus deterreris^b, ne in
 vinea Domini pro animarum lucris fortiter ac fideliter opereris,
 ne tuarum forte rerum aut odiorum^c potentum discrimen incur-
 ras; te ex parte Dei omnipotentis et auctoritate beati Petri ro-
 gamus et monemus: quatenus nullius odio aut gratia seu aliqua
 terrenarum rerum iactura a rectitudinis tramite declinare pree-
 sumas, quin omnia, prout Spiritus sanctus donaverit, diligenter
 examines, et nobis, quicquid certum constiterit, quantotius insi-
 nuare procures. Multum namque debet nobis videri pudendum:
 quod quilibet saeculares milites cotidie pro terreno principe suo
 in acie consistunt et necis perferre discrimina vix expavescunt;
 et nos, qui sacerdotes Domini dicimur, non pro illo nostro rege
 pugnemus, qui omnia fecit ex nihilo quique non abhorruit mortis
 pro nobis subire dispendium nobisque promittit meritum sine
 fine mansurum. Hoc autem adhuc tuae fraternitati iniungim-
 us: quatenus de symoniaca heresi ac fornicatione clericorum,
 sicut ab apostolica sede accepisti, studiose perquiras; et, quic-
 quid retro actum inveneris, legaliter punias et funditus reseces
 ac, ne^d quid ulterius fiat, penitus interdicas. Data Romae 3 No-
 nas Septembribus, indictione incipiente 14.

III 5. *Beatrici et Mathildi scribit, Heinricum IV ambigua fide
 esse, qui, quam pacem antea latenter secum componi vo-
 luerit, eam nunc cupiat confici palam. Suadet, ut cum
 Godefredo, licet promissa non fecerit, foedus iungant.*

Gregorius episcopus servus servorum Dei Beatrici duci et
 Mathildi filiae eius salutem et apostolicam benedictionem.

¹⁰⁷⁵
^{Sept. 11}

a. ei c. b. dehorteris c. an ne tuarum forte rerum (inimicitia) aut
 odio (viro)rum potentum? d. tale excidissee videtur.

1075 Sept. 11 Non parum de vobis miramur, quod de rege^a his, quae per vestras litteras mandastis, nobis consulere decrevistis; cum constet apud vos, quod idem rex duos ac nobiles ac religiosos viros ad nos ante mensem Augustum legatos miserit — qui videlicet adhuc nobiscum manent — per quos talia mandavit:

Noverit vestra sanctitas, pater, quoniam, dum ego pene omnes principes mei regni de nostra magis discordia quam de mutua pace gaudere percipio, ad vos istos nuncios latenter dirigo; quos satis nobiles ac religiosos esse cognosco et pacis bonum inter nos optare coniungi nequaquam dubito. Hoc autem, quod mando, neminem scire volo praeter vos, dominam matremque meam, atque amitam Beatricem et filiam eius Mathildam. Me vero adiuvante Domino de expeditione Saxonica redeunte, alios legatos dirigam, quam familiariores ac fideliores habebo; per quos omnem vobis meam voluntatem et reverentiam, quam beato Petro et vobis debeo, significabo.

Postea vero praefatis legatis dicendo mandavit: quatenus non mirarentur nec graviter ferrent, quod promissos minime adhuc direxerit nuncios; eisque non fieret onerosum, eos donec ipse mitteret, praestolari; quoniam procul dubio illos missurus erat et in eadem sententia immobiliter permanebat. Nunc autem, qualiter hoc consilium versum sit et, quod facere latenter disposuerat, palam fieri velit, penitus miramur. Nisi quod datur intelligi: quia ipse nequaquam hanc cupiat pacem componi; quam modo vult palam eis fieri, quibus eam antea volebat abscondi et de quibus idem testabatur, magis eos de nostra discordia quam de mutua concordia laetari. Quapropter vos scire volumus, nos huic petitioni nullatenus consensuros; quoniam, quod modo inventum est, non videtur beato Petro^b ac nobis honorabile vel eius utilitati provenire. Quodsi ad prius revertatur consilium, id videtur salubrius nobisque sequendum.

De consilio vero, quod expetistis a nobis, quid vobis sit respondendum Gotefredo¹, nescimus; cum ille aperte infregerit,

a. rege addidi; cf. quae sequuntur verba haec: quod idem rex. b. beati Petri c.

1. Gibboso, duci Lotharingiae inferioris.

quod vobis iuramento promisit, nec certum quiequam de ipsis 1075
promissionibus credere valeamus. Verum si aliquod foedus, quod Sept. 11
a sanctorum patrum sanctione non discrepet, inire cum eo poteritis^a, nobis^b laudandumque videtur; sin autem, caritatem,
qua nos Deus coniunxit, nullo modo posse dissolvi aut aliquatenus
minorari, certissime apud vos^c constare optamus. Unde, si vos
dilexerit, eum diligemus; si vero ex sua culpa odio habere cetero-
perit, sieut karissimas filias modis quibus poterimus vos dili-
gendo, ei, Deo favente, resistemus. Data Romae 3 Idus Septem-
bris, inductione 14^d.

*III 6. Omnibus S. Petri fidelibus de iniuriis apostolo illatis que-
ritur. Addit de Heinrico IV rege anathematizato^e.*

Gregorius episcopus servus servorum Dei omnibus, qui cu- 1076
piunt se^f annumerari inter oves quas^g Christus beato Petro com- Febr.
misit, salutem et apostolicam benedictionem.

Audistis, fratres^h, novam et inauditam praesumptionem.
Audistis sceleratam scismaticorum et nomen Dominiⁱ in beato
Petro blasphemantium garrulitatem et audaciam. Andistis super-
biam, ad iniuriam et contumeliam sanctae et apostolicae sedis
elatam, qualem vestri patres nec viderunt nec audierunt unquam
nec scripturarum series aliquando a paganis vel haereticis docet
emersam. Cuius mali etsi aliquod^k unquam post fundatam ec-
clesiam^l et propagatam fidem Christi praecessisset^m exemplum,
omnibus tamen fidelibus pro tantoⁿ contemptu et conculecatione
apostolicae immo divinae auctoritatis dolendum foret et gemen-
dum. Quapropter, si beato Petro claves regni caelorum a do-
mino^o deo^p nostro^q Iesu Christo traditas esse^r creditis^s et vobis

a. poteris c. b. probandum excidisse videtur. c. nos c. d. Sequitur
in codice, quea infra 10a legitur, excommunicatio Heinrici regis: Beate Petre — ad-
versus eam. Set et hanc et subsequentem epistolam 6 posterius insertam esse, litterarum
atramentique diversitas docet. e. v. annot. d. supra. — Legitur haec epistola etiam
2) ap. Paulum Bernwid. c. 77, Pont. Rom. rit. ed. Watterich I 517, 3) ap. Brunonem de
bello Sax. c. 69, Mon. Germ. SS. V 353, 4) ap. Hugonem Flaviniac., ibid. VIII 442.
f. se om. 2. 4. g. oves Christi, quas beato 4. h. carissimi add. 2, mei add. 4.
i. Dei 2. 4. k. quod 3; om. 4. l. ecclesiam addidi ex 2. 3. 4. m. proces-
sisset 3. n. tanto om. 2. o. om. 4. p. deo om. 3. q. nostro — Christo
om. 4. r. esse om. 3. 4. s. credimus 2.

1076 per manus ipsius ad aeternae vitae gaudia introitum patere^a
 Febr. cupitis, cogitandum vobis est, quantum nunc de irrogata^b sibi
 iniuria dolere debeatis. Nisi enim hic, ubi^c per discrimina tem-
 ptationum^d vestra fides et corda probantur^e, socii passionum
 efficiamini, procul dubio non estis digni, ut participes futurae
 consolationis et filii regni coelestem coronam et gloriam sortia-
 mimi^f. Rogamus igitur caritatem vestram, ut instanter divinam
 misericordiam implorare studeatis: quatinus aut corda impiorum
 ad poenitentiam vertat^g, aut, reprimendo eorum nefanda^h con-
 cilia, quam insipientes et stulti sint qui petram aⁱ Christo fun-
 datam evertere et divina privilegia violare conantur, ostendat.
 Qualiter^k autem^l aut quibus pro causis beatus Petrus anathe-
 matis vinculo regem^m alligaverit, in cartula, quae huic inclusa
 estⁿ, plene potestis cognoscere.

III 7. *Heinrico IV regi significat, eius litterae cum afferrentur,*
se longe ab urbe afuisse ob valetudinem. Gaudet, quod
de pace actionem religiosis viris demandaverit. De victis
Saxonibus gratulatur. De componenda ecclesia Bamber-
gensi denuo rogat^o.

1075 Gregorius episcopus servus servorum Dei Heinrico glorioso
 regi et in Christo dilecto filio^p salutem et apostolicam bene-
 dictiōnem.

Quando litteras tuae^r magnitudinis accepi, longe ab Urbe
 maxime causa infirmitatis^s aberamus, cum quibus necessarium
 erat tractare, quid vestrae legationi ad plenum sicut oportet re-
 sponderem. Vester etiam nuncius, horum videlicet portitor, ob
 praedictam causam egritudinis timebat diu^t nobiscum manere.
 Sed quia desideramus, non solum vobiscum, quem^u Deus in

a. parare 3. b. illata 2. 4. c. ubique 2. 4. d. quibus add. 2. 4.
 e. parantur 4. f. mereamini 4. g. convertat 2. 4. h. om. 4. i. in 3.
 k. Qualiter — cognoscere om 3. l. om. 4. m. alligaverit praefatum regem Hein-
 ricum, in sequentibus litteris cognoscere potestis 4 pro regem — cognoscere. n. Legitur
 etiam 2) ap. *Udalricum Babenberg*, n. 137, *Eccardi Corp. hist. II* 136. o. glorioso —
 et in Christo dilecto filio *recepit ex* 2. p. vestrae 2. q. maxime propter infirmum
 aarem aberam 2. r. diu om. c.; *recepit ex* 2. s. quem — culmine om. 2.

1. Vide sis 10 a infra p. 223: „Excommunicatio Heinrici regis“.

summo rerum posuit culmine, sed etiam cum omnibus homini- 1075
bus pacem quae in Christo est habere iusque suum unicuique
observare, cupimus summopere^a corde et animo adhaerere.

Novi enim, quod te credo non ignorare: quia, qui Deum
re vera diligunt et Romanam ecclesiam Romanumque imperium,
ac^b vindictam suorum criminum non pertimescunt, inter nos
pacem et concordiam inserere^c agendo vel orando concupiscunt.
Quapropter bonam concepi fiduciam, quia hanc nostram immo-
totius ecclesiae causam^d religiosis hominibus coepisti committere,
qui nos non nostra iniuste diligunt et, ut christiana instauretur
religio, sancta intentione^e requirunt. Ego autem, ut paucis lo-
quar, horum consilio paratus sum: Christo favente gremium tibi
sanctae Romanae ecclesiae aperire, teque ut dominum fratrem^f
et filium suscipere, auxiliumque prout oportuerit praebere; ni-
chil aliud a te quaerens, nisi ut ad monita tuae salutis non con-
tempnas aurem inclinare et creatori tuo, sicut te decet, non
contradicas offerre gloriam et honorem. Valde quippe indignum
est, ut honorem, quem a conservis et fratribus nostris exigimus,
creatori et redemptori nostro reddere contempnamus. Moveat
itaque nos divina promissio, qua dicitur: *Ego glorificantes me
glorificabo, et qui me contemnunt, erunt ignobiles*¹; et offeramus
ei, quod placet nobis hac in via^g seculari, ut perfruamur in
coelestibus dono spirituali.

De superbia vero Saxonum vobis iniuste resistentium, quae
divino iudicio a facie vestra contrita est², et gaudendum est pro
pace ecclesiae, et dolendum quia multus christianorum sanguis
effusus est. Vos autem in talibus plus honorem Dei et iustitiam
eius procurete defendere, quam honoris proprio providere. Se-
curius enim quilibet princeps mille impios potest causa iustitiae
punire, quam propriae causa gloriae quemlibet christianum gla-
dio sternere. Omina enim creavit et regit, qui dixit: *Ego glo-*

a. vos quoque nobis *excidisse videtur*; cupio tibi 2. b. ad *cod.*, et 2.
c. inferre 2. d. curam 2. e. suam intentionem *cod.*, sancta intentione 2.
(*Cf. infra IV* 3: sancta et utili intentione incidentes). f. dominum et fratrem 2.
g. vita 2.

1. 1 Reg. 2, 30. 2. prope Unstrut fl. die 9 Iunii 1075.

1075 *riam meam non quaero*¹. Saluti quippe nostrae tunc vere providemus, cum in cunctis nostris actibus gloriam Dei proponimus.

De Herimanno vero, quondam nuncupato Babenbergensi episcopo, neverit vestra sublimitas, quia iam diu est, ex quo per quendam eiusdem ecclesiae clericum vobis nostroque confratri Sigifredo Magontino archiepiscopo et clericis praedictae ecclesiae misimus per^a nostras litteras: quod auctoritate apostolicae sedis ab omni episcopali et sacerdotali dignitate sit depositus et anathematis vinculo alligatus; quia non timuit symoniace heresi saecrilegium adicere^b, sanctamque ecclesiam sibi commissam sicut tyrannus devastare. Unde rogavimus et ex parte beati Petri praecipimus et praecipimus: ut in praedicta ecclesia secundum Deum talis pastor ordinetur, qui, quod^c fur et latro mactavit², Deo favente vivificet, et quod ille dissipavit, valeat resarcire. Omnipotens Deus, a quo cuncta bona procedunt, meritis et intercessione beatorum apostolorum Petri et Pauli sua pietate in hac vita vos protegat et defendat^d et cum dupla victoria perducat ad vitam aeternam.

III 8. *Tedaldum clericum Mediolanensem, qui, electo Attone, archiepiscopatum acceperit, ad synodum venire iubet, interimque sacros ordines recipere vetat. Suadet, ne regis praesidio confidat.*

1075 Dec. 7 Gregorius episcopus servus servorum Dei Tedaldo Mediolanensi clerico salutem et apostolicam benedictionem, si oboedierit.

Nunciatum nobis est a quibusdam nostris fidelibus et tuis amicis, te amicitiam nostram cupere et expetere. Quam nos quidem, etiam non quesitam, gratis offerimus, quaesitam vero promtissime damus; si in his, quae Dei sunt, nostris monitis immo divinae voluntati ad iustitiam te adquiescere velle cognoverimus. In causa etenim, quam suscepisse videris, et nostrae sollicitudini necessitatem gravioris sarcinae superaddidisti et te

a. per om. 2. b. abicere c., adicere 2. c. quid c. d. et defendat
recepit ex 2.

1. Ioh. 8, 50. 2. Cf. Ioh. 10, 10.

ipsum quibus non oportuit implicuisti. In qua nimirum causa, ¹⁰⁷⁵
 sicut periculosum nobis esse^a aliquid ultra limitem aequitatis
^{Dec. 7} prosequi, ita etiam iustitiae regulas declinare et sub silentio dis-
 simulare, putamus. Non autem prudentiam tuam ignorare cre-
 dimus: quod ad episcopalem cathedram, in qua positus es, ante
 te alia, quae adhuc superstes est, fuerit assignata persona^b; quae
 nisi iustis rationibus prius excepta fuerit, legitimum in ea tibi
 aut cuiquam patere locum, nec canonica nec apostolica censura
 permittit. Non^b de illo^c quid dicendum nobis est, qui, dum ho-
 norem eiusdem sedis nefandis affectaret desideriis, quod iustitia
 sibi denegavit, sacrilega vi et armis invadere ac diripere non
 pepercit; quem ambitionis culpa, quam deserere noluit, usque
 ad iustum damnationis suae^c perniciem traxit. De eo^d nobis
 est sermo, qui nobiscum est, quem electum in eadem ecclesia
 certe cognovimus; sed, cur reprobari debeat, nulla adhuc depre-
 hendere potuimus ratione. Quapropter, teste conscientia nostra,
 sincero caritatis affectu te admonemus: ut, si ecclesiam diligis
 et te pariter atque illam a periculo confusionis eripere cupis,
 ad proximam synodus, quam in prima ebdomada venturae qua-
 dragesimae^e Deo annuente celebrare disposuimus, vel, si malis,
 ante synodus apostolica limina et nostram requiras praesentiam;
 quatenus — de introitu tuo, priusquam te gravius praecipites,
 aequa opitulante Deo examinatione peracta — quod tu ipse tu-
 tum tibi^f fore cognoveris, absque omni impedimento et periculo
 animae tuae sequi ac tenere^g possis. Nec dubitandum tibi cre-
 das, si huic^h, qui nobiscum est, dictante iustitia cessandum esse
 perspexerimus, quin in promotione tua benivola concessione ad
 honorem omnipotentis Dei et beati Ambrosii assensum pariter
 praebeamus et studium. Ad tollendam vero totius periculi su-
 spicionem securitatem tibi per manus filiarum nostrarum Bea-
 tricis et eius filiae Mathildis promittimus et indubitanter damus:

a. manus posterior addidit t, ut legeretur esset. b. Nam c. c. suaे scripsit
Giesebrecht pro tuae cod. d. sibi cod. e. teneri cod.

1. Atto, archiepiscopus Mediolanensis, electus d. 6 Ian. 1072. 2. Gote-
 fredo II archiepiscopo Mediolanensi. 3. de Attone. 4. 1076 Febr. 14—20.
 5. Attoni.

1075 ut nichil tibi vel his, qui in tuo comitatu fuerint, contrarietatis
 Dec. 7 a nobis vel nostris inferatur; sed in rebus et personis vestris
 tam in veniendo quam redeundo tuti penitus et illaesi Deo cu-
 stodiente maneatis; ostensa solummodo et confirmata ea, quae
 in causa tua fuerit tenenda, sententia. Interim quoque ex parte
 Dei omnipotentis et apostolica beati Petri auctoritate tibi pree-
 cipimus: ut nullum de sacris ordinibus gradum recipere pree-
 sumas; sciens, quoniam, si non oboediens nobis modo non cre-
 dideris, poenitebit te quandoque; cum tuamet preecipitatione te
 eo mersum videris, unde, cum volueris, salvum te eripere non
 possis. Si qui igitur, non percipientes ea quae Dei sunt, aliter
 tibi sugerere et persuadere incipient, ostentantes: quanta tibi
 sint in rege preesidia, quanta in tua nobilitate potentia, quanta
 etiam in civibus tuis adiutoria, tutum tibi illis credere ne ex-
 istimes; considerans, quid scriptura dicat: *Maledictus homo, qui
 spem suam ponit in homine*¹. Atque hoc in animo gerens, quod
 regum et imperatorum virtus et universa mortalium conamina
 contra apostolica iura et omnipotentiam summi Dei quasi fa-
 villa computentur et palea, nullius unquam instinctu vel fiducia
 adversus divinam et apostolicam auctoritatem obstinata temeriti-
 tate te rebellem et pertinacem fieri libeat. Data Romae 7 Idus
 Decembris, indictione 14.

III 9. *Gregorio episcopo Vercellensi ceterisque ecclesiae Mediolanensis suffraganeis significat de suis litteris ad Tedaldum, archiepiscopum a rege factum. Quem ne ordinent, sub excommunicationis poena interdicit.*

1075 Gregorius episcopus servus servorum Dei fratribus et^a coe-
 Dec. 8 piscomis Gregorio Vercellensi, Cuniberto Taurinensi, Ingoni Astensi,
 Ogerio Iporegiensi, Opizoni Laudensi et caeteris suffraganeis
 sanctae Mediolanensis ecclesiae, oboedientibus apostolicae sedi,
 salutem et apostolicam benedictionem.

Notum vobis esse credimus de^b Tedaldo Mediolanensi cle-
 a. et episcopis coepiscopis cod. b. credimus de addidi. (Cf. Giesebricht de
 emend. p. 36).

1. Ierem. 17, 5.

rico — quem rex, praeter quam nobis litteris ac legatorum verbis 1075
 promiserit, in Mediolanensem ecclesiam posuit — quod episco- Dec. 8
 palem sedem, ad quam alia prius, quae adhuc superstes est¹,
 fuerit assignata persona, non satis ordinate suscepisse videtur.
 Qui^a cum per quosdam fideles nostros nostram requireret ami-
 citiam, scripsimus² ei: hoc nos multum velle et cupere; atque
 eo pacto facillime eum nobiscum^b convenire posse, si, requisitis
 apostolorum liminibus et nostra praesentia, causam promotionis
 suae puram atque probabilem ostendere vellet et posset. Ad
 quod exequendum amicabiliter eum vocavimus et — praefixo
 sibi termino ad proximam synodus venturae quadragesimae, aut,
 si malit, ante synodum — firmam securitatem veniendi ad nos
 et redeundi ex nostra parte promisimus et dare parati sumus.
 Insuper etiam, ne interim aliquem de sacris ordinibus gradum
 recipiat, apostolica ei auctoritate interdiximus. Quod item et
 vobis per eam, quam beato Petro apostolorum principi debetis,
 oboedientiam et ex nostra, quam per illum licet indigni suscep-
 pimus, apostolica auctoritate interdicimus: ut nullus vestrum ad
 promotionem alicuius ordinis manum ei praesumat imponere,
 donec, oblata nobis sua praesentia, quid de introitu eius iudi-
 candum et statuendum sit, sincera Deo adiuvante possimus ex-
 aminatione discernere. Quod quidem cum communi consilio et
 coniuncta omnium vestrorum discretione ac iudicio fieri perma-
 xime cupimus, si vel illius ecclesiae cura vel respectus apostol-
 icae reverentiae aut nostra caritas vos ad hoc negocium con-
 vocare poterit. Videte igitur: ne^c quis vestrum, contempto hoc
 interdicto^d, ad illius pariter et sui periculum manum extendat;
 quoniam, si quis, quod non credimus, in ea praesumptione se
 occupare proruperit, continuo se a gratia beati Petri et nostra
 dilectione nec non a communione sacri corporis et sanguinis
 Domini sequestratum esse cognoscat. Verum id agite, id, si Do-
 minum diligitis, efficere procura: ut frater ille, dum potest,

a. Qui *scripsit Giesebricht pro Quod c.* b. facillime eum nobiscum *scripsi pro*
facillimum cod. c. neque *c.* d. interdictu *c.*

1. Atto. 2. ep. 8 supra p. 214.

1075 dum locum habet, sibi et ecclesiae consulat; paci vestrae et sa-
 Dec. 8 luti tantae multitudinis hominum pene periclitantium provideat;
 nec, suamet praecipitatione casum petens, multos secum ad com-
 mune periculum trahat. In quo nunc apparebit: quis sit pastor
 in vobis, iniurianti aperte resistens; quis sit fur, simulationem
 faciens; quis latro, manifeste iustitiae contradicens. Considerate
 ergo, quomodo caute ambuletis. Quia, sicut durum est contra
 stimulum calcitrare¹, sic asperum est sanctae Romanae ecclesiae
 contraire^a, cui vos tamquam matri semper oportet oboedire. Data
 Romae 6 Idus Decembbris, indictione 14.

III 10. *Heinricum IV regem hortatur, ut seiungat se ab excom-
 municatis poenitentiamque suscipiat. Reprehendit, quod
 quae de causa Mediolanensi promisisset, non exsolverit,
 et quod Firmanam Spoletinamque ecclesias tradiderit
 hominibus ipsi ignotis. Monet, ut ambiguitates relinquat,
 neu violare synodi Romanae decreta perget. Ad epistolam
 eius se responsurum, cum legati regii ad se redierint.*

1076 Gregorius episcopus servus servorum Dei Henrico regi sa-
 Ian. 8 lutem et apostolicam benedictionem, si tamen apostolicae sedi,
 ut christianum decet regem, oboedierit.

Considerantes ac sollicite pensantes, quam districto iudici
 de dispensatione crediti nobis per beatum Petrum apostolorum
 principem ministerii rationem reddituri sumus, cum dubitatione
 apostolicam tibi benedictionem mandavimus; quoniam iudicio se-
 dis apostolicae ac synodali censura excommunicatis communionem
 tuam scienter exhibere diceris. Quod si verum est, tu ipse
 cognoscis: quod nec divinae nec apostolicae benedictionis gratia
 percipere possis, nisi, his qui excommunicati sunt a te se-
 paratis et compulsis ad poenitentiam, de transgressione tua con-
 digna penitidine et satisfactione prius absolutionem consequaris
 et indulgentiam. Unde excellentiae tuae consulimus: ut, si in
 hac re te culpabilem sentis, celeri confessione ad consilium ali-
 cuius religiosi episcopi venias. Qui, cum nostra licentia, congruum

1. Act. ap. 9, 5.

a. contrahire e.

tibi pro hac culpa iniungens poenitentiam, te absolvat; et nobis ¹⁰⁷⁶
 tuo consensu modum poenitentiae tuae per epistolam suam vera-
 citer intimare studeat^a.

De cetero mirum nobis valde videtur: quod totiens nobis
 tam devotas epistolas et tantam humilitatem tuae celsitudinis per
 legatorum tuorum verba transmittis; filium te sanctae matris
 ecclesiae et nostrum vocas, in fide subiectum, in dilectione uni-
 eum, in devotione praecipuum; postremo cum omni affectu dul-
 cedinis et reverentiae te commendas; re tamen et factis asper-
 rimum canonicis atque apostolicis decretis in his, quae ecclae-
 siastica religio maxime poscit, te contrarium ostendis. Nam, ut
 de reliquis taceamus, quod de causa Mediolanensi per matrem
 tuam, per confratres nostros episcopos, quos ad te misimus, no-
 bis promiseras, qualiter attenderis aut quo animo promiseris,
 ipsa res indicat. Et nunc quidem, ut vulnus vulneri infligeres,
 contra statuta apostolicae sedis tradidisti Firmanam et Spole-
 tanam ecclesiam — si tamen ab homine tradi ecclesia aut donari
 potest — quibusdam personis nobis etiam ignotis; quibus non licet,
 nisi probatis et ante bene cognitis, regulariter manum imponere.

Decuerat regiam dignitatem tuam, cum te filium ecclesiae
 confiteris, honorabilius magistrum ecclesiae, hoc est beatum Pe-
 trum apostolorum principem, intueri. Cui, si de dominicis ovi-
 bus es, dominica voce et potestate ad pascendum traditus es,
 dicente sibi Christo: *Petre, pasce oves meas*¹, et iterum: *Tibi
 tradite sunt claves regni caelorum; et quodcumque ligaveris super
 terram, erit ligatum et in caelis; et quodcumque solveris super
 terram, erit solutum et in caelis*². In cuius sede et apostolica
 administratione dum nos qualescunque peccatores et indigni di-
 vina dispositione vicem suae potestatis gerimus, profecto, quic-
 quid ad nos vel per scripta aut nudis verbis miseris, ipse re-
 cipit. Et dum nos aut elementa³ percurrimus aut loquentium
 voces auscultamus, ipse, ex quo corde mandata prodierint, sub-
 tili inspectione discernit. Quapropter providendum esset tuae

a. audeat c.

1. Ioh. 21, 17. 2. Matth. 16, 19. 3. litteras. Cf. Lib. I ep. 3
 supra p. 13 n. 1.

1076 celsitudini: ne erga sedem apostolicam in verbis et legationibus
 Ian. 8 tuis aliqua inveniretur discrepantia voluntatis; et in his, per
 quae christiana fides et status ecclesiae ad aeternam salutem
 maxime proficit, non nobis sed Deo omnipotenti debitam non
 denegares reverentiam; quamquam apostolis eorumque successo-
 ribus Dominus dicere dignatus sit: *Qui vos audit, me audit, et*
*qui vos spernit, me spernit*¹. Scimus enim, quoniam, qui fidelem
 Deo oboedientiam exhibere non rennuit, in his, quae sanctorum
 patrum statuta sequentes dixerimus, veluti si ab ore ipsius apo-
 stoli accepisset, nostra monita servare non spernit. Nam, si
 propter reverentiam cathedre Moysi Dominus praecepit apostolis,
 ut quaecunque scribæ et Farisei super eam sedentes dicerent ob-
 servarent², non dubium est, quin apostolica et euangelica doctrina,
 cuius sedes et fundamentum Christus est, cum omni veneratione
 a fidelibus per eos, qui in ministerium praedicationis electi sunt,
 suscipienda et tenenda sit.

1075 Congregata nanque hoc in anno apud apostolicam
 Febr. 24-28 synodo — cui nos superna dispensatio praesidere voluit, cui
 etiam nonnulli tuorum interfuerent fidelium — videntes ordinem
 christianaæ religionis multis iam labefactatum temporibus, et prin-
 cipales ac proprias lucrandarum animarum causas diu prolapsas
 et suadente diabolo conculeatas, concussi periculo et manifesta
 perditione dominici gregis, ad sanctorum patrum decreta doctri-
 namque recurrimus; nichil novi, nichil adinventione nostra sta-
 tuentes; sed primam et unicam ecclesiasticae disciplinae regu-
 lam et tritam sanctorum viam relicto errore repetendam et
 sectandam esse censuimus. Neque enim alium nostræ salutis
 et aeternæ vitae introitum Christi ovibus eorumque pastoribus
 patere cognoscimus, nisi quem, ab ipso monstratum qui dixit:
Ego sum ostium; per me si quis introierit, salvabitur et pascua
*inveniet*³, et ab apostolis praedicatum, et a sanctis patribus ob-
 servatum, in euangelica et in omni divinarum scripturarum pa-
 gina didicimus. Huius autem decreti — quod quidam dicunt,

a. auctoritatem *excidisse videtur.*

1. Luc. 10, 16. 2. Matth. 23, 2. 3. 3. Ioh. 10, 9.

humanos divinis honoribus praepontentes, importabile pondus et immensam gravitudinem, nos autem magis proprio vocabulo: recuperandae salutis necessariam veritatem vocamus et lucem — non solum a te vel ab his, qui in regno tuo sunt, sed ab omnibus terrarum principibus et populis, qui Christum confitentur et colunt, devote suscipiendam et observandam adiudicavimus; quamquam hoc multum desideremus et te permaxime deceret, ut, sicut caeteris gloria honore virtuteque potentior, ita essemus et in Christi devotione sublimior.

1075
Febr. 24-28

Attamen, ne haec supra modum tibi gravia aut iniqua vi- derentur, per tuos fideles tibi mandavimus: ne pravae consuetudinis mutatio te commoveret; mitteres ad nos, quos sapientes et religiosos in regno tuo invenire posses; qui si aliqua ratione demonstrare vel adstruere possent, in quo, salvo aeterni^a Regis honore^b et sine periculo animarum nostrarum, promulgatam sanctorum patrum possemus temperare sententiam, eorum consiliis condescenderemus. Quod quidem etsi a nobis tam amicabiliter monitus non fuisses, aequum tamen fuerat: ut prius, in quo te gravaremus aut tuis honoribus obstaremus, rationabiliter a nobis^c exigeres, quam apostolica decreta violares. Verum, quanti aut nostra monita aut observantiam iustitiae feceris, in his, quae postmodum a te gesta et disposita sunt, declaratur.

Sed quia, dum adhuc longa Dei patientia ad emendationem 1076 te invitat, crescente intelligentia tua, ad oboedientiam mandato- rum Dei cor et animum tuum flecti posse speramus; paterna te caritate monemus: ut, Christi super te imperium recognoscens, honorem tuum eius honori praeponere, quam sit periculosum cogites; et libertatem ecclesiae, quam sponsam sibi coelesti consortio iungere dignatus est, non iam tua occupatione impedias; sed, quo maxime crescat, Deo omnipotenti et beato Petro, a quibus et tua mereatur amplificari gloria, auxilium tuae virtutis fideli devotione exhibere incipias. Quod nimirum pro collata tibi ex hostibus tuis victoria nunc a^d te permaxime illis debitum fore, cognoscere debes; ut, dum te memorabili prosperitate lae-

Jan. 8

a. aeterno c. b. honorem c. c. iustitiam *excidisse videtur*. d. a addidi.

1076 tificant, ex concessis beneficiis devotiores videant. Atque hoc
 Ian. 8 ut timor Dei, in cuius manu et potestate omne regnum est et
 imperium, praecordiis tuis altius quam nostra admonitio infigat,
 in mente habeas: quid Sauli, post adeptam victoriam, qua pro-
 pheta iubente usus est, de suo triumpho glorianti et eiusdem
 prophetae monita non exequenti, acciderit et qualiter a Domino
 reprobatus sit; quanta vero gratia David regem ex merito hu-
 militatis inter virtutum insignia subsecuta fuit.

Denique super his, quae in epistolis tuis visa ac^a cognita
 reticemus, non antea tibi certa responsa dabimus, donec legati
 tui Rabbodi, Adelpreth et Uodescalki, quos^b his adiunximus, ad
 nos reversi, super his, quae illis tecum agenda commisimus,
 tuam nobis plenius aperiant voluntatem. Data Romae 6 Idus
 Ianuarii, indictione 14.

III 10 a. *De excommunicationibus in synodo Romana promulgatis.*

De synodo.

1076 Anno ab incarnatione Domini millesimo septuagesimo quinto,
 Febr. 14-22 indictione 14, celebravit ipse dominus Gregorius papa Rome syno-
 dum in ecclesia domini Salvatoris, quae Constantiniana dicitur;
 ubi interfuit episcoporum et abbatum atque diversi ordinis ele-
 ricorum et laicorum copia.

In qua, inter caetera decreta quae ibi gesta sunt, excommu-
 nicavit Sigefredum Moguntinum archiepiscopum in hunc modum:
*Sigefredum Moguntinum archiepiscopum, qui conatus est epis-
 pos atque abbates regni Teutonicorum a sancta Romana ecclesia,
 videlicet spirituali matre sua, scindere, iudicio sancti Spiritus et
 auctoritate beatorum apostolorum Petri et Pauli ab omni epis-
 copali officio suspendimus et a communione corporis et sanguinis
 Domini separamus; nisi forte mortis periculum superveniat; ita
 tamen, ut poenitentia ductus resipiscat. Caeteros vero, qui sua
 sponte eius scismati consentiendo subscripserunt et in ea iniuritate
 perdurare volunt, similiter ab omni episcopali officio suspendimus.
 Illos vero, qui non sponte consenserunt, usque ad festivitatem*

a. hac cod.

b. qui c. An et illi quos?

sancti Petri¹ sufferimus, eo quidem respectu, ut, si infra istum terminum idoneam aut per se aut per nuncios suos satisfactionem praesentiae nostrae non obtulerint, episcopali deinceps officio priventur.

1076
Febr. 14-22

Excommunicatio episcoporum Longobardiae.

Episcopos Longobardiae, qui, spreta canonica et apostolica auctoritate, contra beatum Petrum apostolorum principem sacramento conspiraverunt, auctoritate eiusdem beati Petri ab omnibus episcopali officio suspendimus et a communione sanctae ecclesiae separamus.

Excommunicatio episcoporum ultramontanorum.

Agathensem episcopum Berengarium², quia Nerbonensi episcopo³ excommunicato communicavit et vices episcopales pro illo fecit, excommunicamus. Viennensem episcopum Herimannum, iuste depositum pro simonia periuriis sacrilegiis et apostasia, quia Viennensem ecclesiam infestare non desistit, excommunicamus; et ecclesiis Romanensi et sancti Hyrenei Lugdunensi, quo usque eas occupaverit, divinum interdicimus officium. Desiderium et Romanensis ecclesiae clericos, qui regulares nostros ab ea expulerunt et excommunicatis communicaverunt, inde donec satisfaciant, excommunicamus. Abbatem Sancti Egidii similiter et comitem⁴ Sancti Egidii propter consanguineam; et comitem Forensem et Umbertum⁵ de Belloioco⁶ propter infestationes Lugdunensis ecclesiae; Podiensem symoniacum homicidam Stephanum⁷, scilicet a legatis nostris excommunicatum, et Pontium⁸ Gratianopolitanum, quo usque resipiscat, excommunicamus. Et ea, quae Diensis episcopus⁹ in episcopatu Diensi de decimis et primitiis et ecclesiis fecit, et caetera, quae in legatione nostra statuit, nos quoque confirmamus.

Excommunicatio Heinrici regis Teutonicorum^a.

Beate Petre apostolorum princeps, inclina, quaeso^b, pias

a. *Excommunicatio haec legitur etiam 2) ap. Petrum Pisanum, Pont. Rom. vit. ed. Watterich I 295, 3) ap. Paulum Bernrid. c. 76, ibid. p. 516, 4) ap. Brunonem de bello Sax. c. 70, Mon. Germ. SS. V 353.* b. *quaesumus 2. 3.*

1. Aug. 1. 2. I. 3. Guifredo. 4. Raimundum, postea IV comitem Tolosanum. 5. I. 6. Beaujeu, a Lugduno ad septentrionem. 7. III episcopum. 8. II. 9. Hugo.

1076 *aures tuas nobis et audi me servum tuum, quem ab infantia nubristi et usque ad hunc diem de manu iniquorum liberasti, qui me pro tua fidelitate oderunt et odiunt. Tu michi testis es et domina mea mater Dei et beatus Paulus frater tuus inter omnes sanctos: quod^a tua sancta Romana ecclesia me invitum ad sua gubernacula traxit, et ego non rapinam^b arbitratus sum ad sedem tuam ascendere, potiusque volui vitam meam in peregrinatione finire, quam locum tuum pro gloria mundi^c saeculari ingenio arripere. Et ideo ex tua gratia non ex meis operibus credo quod tibi placuit et placet: ut populus christianus, tibi specialiter commissus, mihi oboediat. Specialiter pro vice tua michi commissa et michi tua gratia est potestas a Deo data ligandi atque solvendi in celo et in terra. Hac itaque fiducia fretus, pro ecclesiae tuae honore et defensione, ex parte omnipotentis Dei Patris et Filii et Spiritus sancti per tuam potestatem et auctoritatem Heinrico regi, filio Heinrici imperatoris, qui contra tuam ecclesiam inaudita superbia insurrexit, totius regni Teutonicorum et Italiae gubernacula contradico; et omnes christianos a vinculo iuramenti, quod sibi fecerunt vel facient, absolvo; et, ut nullus ei sicut regi serviat, interdico. Dignum est enim, ut, qui studet honorem ecclesiae tuae imminuere^d, ipse honorem amittat, quem videtur habere. Et quia sicut christianus contempsit oboedire nec ad Dominum^e redit^f quem dimisit — participando excommunicatis; et multas^g iniquitates faciendo; meaque monita, quae pro sua salute sibi^h misi te teste, spernendoⁱ; seque ab ecclesia tua, temptans eam scindere, separando^k — vinculo eum anathematis vice tua alligo. Et sic eum ex fiducia tua alligo: ut^l sciant gentes et comprobent, quia tu es Petrus et super tuam^m petram filius Dei vivi aedificavit ecclesiam suam et porte inferi non praevalerunt adversus eam^l.*

a. quia 3. b. rapina cod., rapinam 2. 3. 4. c. pro add. 4. d. minuere 2. 4. e. Deum 2. 4. f. redit 2. g. et multas — faciendo addidi ex excommunicationis exemplo, quod in cod. legitur post ep. 5. V. supra p. 211 n. d. et ex 3 et 4; om. 2. h. sibi indidem; ei 2. i. sprevit 2. k. separavit 2. l. scienter add. 2. m. hanc 3.

1. Matth. 16, 18.

III 11. Arnaldo episcopo Acherontino mandat, ut Rogerium I comitem Siciliae et Calabriae et eius milites contra paganos pugnaturos, si poenitentiam peregerint, peccatis absolvat. Se paratum esse, Robertum quoque ducem Apuliae in gratiam recipere. Balduino episcopo Melfitanu episcopatum reddi iubet.

Gregorius episcopus servus servorum Dei Arnaldo fratri et coepiscopo Acherentino salutem et apostolicam benedictionem. 1076 Mart. 14

Noverit fraternitas tua, quoniam Rogerius¹ comes, frater Roberti² ducis, apostolicae sedis benedictionem et absolutionem requirit eiusque filius vocari et esse desiderat. Quapropter pastorali cura hoc laboris onus tibi imponimus, immo ex parte beati Petri imperamus: ut postposita omni torporis desidia illum adeas; eumque, huius nostri praecepti auctoritate fultus, si nobis parere sicut pollicitus est voluerit et poenitentiam ut oportet christianum egerit, ab omni peccatorum suorum vinculo — tam illum quam etiam suos milites, qui cum eo contra paganos, ita tamen ut agant poenitentiam, pugnaturi sunt — peccatis maxime^a absolvias. Addimus praeterea, ut eum pia admonitione admoneas, quatenus se a capitalibus eriminibus custodiat et christiani nominis culturam inter paganos amplificare studeat, ut de eisdem hostibus victoriam consequi mereatur.

Amplius, si de Roberto duce fratre suo aliquid tibi retulerit, respondeas ei: quoniam Romanae ecclesiae ianua misericordiae omnibus patet, quicumque poenitentiae amore ducti offensionis scandala deserunt et ad rectitudinis viam inoffenso pede regredi concupiscunt. Si igitur dux Robertus sanctae Romanae ecclesiae sicut filius parere exoptat, paratus sum: paterno amore eum suscipere, et suo consilio ei iustitiam conservare, et ab excommunicationis vinculo penitus absolvere et inter divinas oves eum annumerare. Quod si renuerit idem Robertus dux, ut cum eo ultra communicet, ex parte apostolicae sedis licentiam non poterit impetrare.

a. sic.

1. I comes Siciliae et Calabriae. 2. Roberti Guiscardi ducis Apuliae.

1076 Mart. ¹⁴ Hoc etiam tuae fraternitati iniungimus: ut confratri nostro Balduino Melfitano episcopo — qui correctionem universalis matris humiliiter et audivit et observavit, sicut a fratribus nostris accepimus — officium episcopale, huius nostri praecepti fultus auctoritate, ex parte beati Petri, post poenitentiam datam de aliquibus excessibus, reddas. Et sicut ego pro illo preces confratris nostri Stephani Troiani audivi episcopi, ita ipse illum de sua salute nostri ex parte monitus audire procuret; suamque vitam semper in melius Deo adiuvante perducat. Data Romae 2 Idus Martii, inductione 14.

*III 12. Udonem archiepiscopum Trevirensem et Theodericum Vir-
dunensem et Herimannum Mettensem episcopos hortatur,
ut peccata corrigant, et Popponem episcopum Tullensem,
qui contra se et arma sumpserit et regem sollicitaverit,
in viam revocent.*

1076 Gregorius episcopus servus servorum Dei fratribus et coepiscopis Udoni Treverensi, Theoderico Virdunensi et Herimanno Mettensi salutem et apostolicam benedictionem.

Litteras apostolicae sedis ideo vobis dirigendas esse censuimus, quia^a scismaticorum, qui contra Deum et auctoritatem sanctae Romanae ecclesiae se erexerunt, non sponte vos consensisse intelleximus. Qua in re qualiter resipiscere vos oporteat, cum eandem, quam nos habemus, fidem et de sanctorum patrum libris scientiam habeatis, omisimus significare; sperantes, fraternitatem vestram stultissimam inimicorum nostrorum praesumptionem detestari, et in ea, qua debetis et soliti estis, devotione et amore sanctae apostolicae sedi fideliter uniri. Unde rogamus et admonemus, ut, quod scismaticorum persuasione deliquistis, competenti emendatione corrigatis, ut, sicut mater vestra de excessu vestro condoluit, ita de satisfactione laetetur. Volumus etiam, ut vice nostra Pipponem¹ Tullensem episcopum admonematis, quatenus ea, quae sibi iniunximus, deinceps facere non omittat. Decuerat enim, ut de obiectis sibi debuisset respondere

1. s. Popponem.

a. pravitati excidisse videtur.

magis, quam contra auctoritatem principis apostolorum ad defensionem iniquitatum suarum arma corripere atque regem sollicitare: id contra nos praesumere, quod nunquam licuit neque Deo annuente licebit in aliquem clericorum fieri. Qui si verba exhortationis nostrae contempserit, auctoritate beati Petri eum a communione corporis et sanguinis domini nostri Iesu Christi separatum esse, sibimet notificetis, et non solum in anima sed etiam^a in corpore ipsius principis apostolorum digna ultione fore puniendum^b.

III 13. Rosellanis significat, de praediis litigiosis se ita iudicasse, ut in Dodonis episcopi Rosellani ditione essent, nisi Guilielmus episcopus Populoniensis ante diem 5 Maii contraria iura probasset.

Gregorius episcopus servus servorum Dei clero et populo 1076 Rosellanae ecclesiae salutem et apostolicam benedictionem.

Quia officii nostri est, discordes ad concordiam revocare, discordiam inter Rosellanam et Populoniensem ecclesiam graviter exhortam diligenti examinatione discussimus. Tandem, post varias utrimque prolatas rationes, claruit non solum per privilegia apostolice sedis verum etiam per quoddam diffinitionis scriptum, praesentia^c Silvestri papae et clericorum Romanorum iudicio confirmatum: quicquid in questione fuerat, Rosellanae ecclesiae pertinere. Unde collaudatione tam episcoporum quam etiam Romanae ecclesiae clericorum praefatam litem eo tenore decidimus: ut, investitura Rosellano episcopo^d deinceps concessa, si ante proximum dominicae ascensionis festum^e aliquam scriptio nomen Populoniensis episcopus^f ostenderit, quae ostensam nobis papae Silvestri iuste improbare videatur, Populoniensis episcopus ad reclamandum et renitendum licenter admittatur; sin autem, ab eadem festivitate huiusmodi controversiae perpetuum silentium habeant^g, et Rosellana ecclesia, apostolice sedis iterata diffini-

a. etiam addidi. b. In codice Mutinensi sunt teste Mansio (Coll. conc. XX 199 n. a) huic epistolae affixa verba haec: Verum id agite — semper oportet obediere; quae omnia ex priore epistola 9, supra p. 217. 218, perperam assumpta esse patet. c. praesentia c. d. habeat c.

1. Dodoni. 2. Maii 5. 3. Guilielmus.

1076 tione fulta, in perpetuum ab hac quaestione quiescat et insuper deinceps, privilegio^a diffinitionem nostram latius continentia munita, praedia, quorum lis tantis temporibus ventilata est, sine aliqua molestatione possideat.

III 14. *Dominici IV patriarchae Gradensis erga se studium laudat.*

De Longobardorum Teutonicorumque episcoporum in se odio; de Giraldo episcopo Sipontino.

1076 Gregorius episcopus servus servorum Dei Dominico¹ patriarchae Gradensi salutem et apostolicam benedictionem.

Quia matrem tuam sanctam Romanam ecclesiam, sicut in tuis litteris continetur, te puro corde venerari nosque pro amore apostolorum principis sincera caritate diligere profiteris, fraternitati tuae grates referimus; et, rependendo vicem eiusdem dilectionis tam ecclesiae tuae quam tibi, salvo libramine aequitatis, honori vestro providere semper parati sumus. Quoniam vero mirari ac nimium te dolere dixisti: quod Longobardi atque nonnulli Teutonicorum episcopi in nos insaniendo tam vehementi odio inardescunt; nullius culpae nos^b nostra conscientia inde redarguit. Sed scimus, ob nil aliud eos illo conamine niti, nisi quod — ex pracepto Dei atque sanctorum praedecessorum nostrorum — illorum perversitatibus obviamus eosque ad rectum trammitem iustitiae reducere, si possibile esset, ex debito sollicitudinis, divina dispensatione nobis superimpositae, procuramus. De litteris autem a fraternitate tua nobis directis nullo studio compere^c potuimus, quod hinc illuc fuerint reportate. Super quaestione quoque, quam fraternitas tua de Giraldo Sipontino episcopo nobis suggessit, ad praesens pro absentia episcopi vobis respondere non possumus. Cum autem venerit, Deo concedente, causa diligenter exquisita, iustitiae providebimus. Principis vero vani^d negocium nulla ratione^e videre possumus, ut ad praesens illum, quem postulat, consequi possit vel debeat habere effectum. Data Rome, indictione 14.

a. privilegium c. b. nos addidi. c. compere c. d. an Venetiani?
e. sic constitutum excidisse videtur.

III 15. *Wifredo militi Mediolanensi scribit de spe pacis cum Normannis componendae. Velle se Heinrici IV regis pace uti, si in viam redierit. Iubet eum forti animo esse. Auxilium pollicetur.*

Gregorius episcopus servus servorum Dei Wifredo Medio- 1076
lanensi militi salutem et apostolicam benedictionem.

Quia sollicitum te de honore christiana fidei litteris tuis significasti, aequum duximus, prudentiae tuae rescribere. Scias igitur, Normannos verba componendae pacis nobiscum habere; quam libentissime iam fecissent et beato Petro, quem solummodo dominum et imperatorem post Deum habere desiderant, humiliter satisfecissent, si voluntati eorum in quibusdam annueremus. Sed Deo auxiliante hoc non cum detimento, sed cum augmentatione Romanae ecclesiae in proximo speramus facere et eos ad fidelitatem beati Petri firmiter et stabiliter revocare.

Cum rege quoque Alamanniae de componenda pace multis iam vicibus quidam aures nostras interpellaverunt. Quibus nos respondimus: cum eo nos pacem velle habere, si ipse cum Deo pacem studuerit habere, et ea, quae ad periculum sanctae ecclesiae et ad cumulum perditionis suaem commisit, iuxta quod saepe a nobis ammonitus est, emendaverit.

Sed quia in potentia divinae virtutis magis quam in homine fidem spem et omnes cogitatus nostros collocavimus, volumus: ut tu etiam, quem ad confortandos Christi milites animum et fortitudinem resumpsisse intelligimus, firmiter in Deo confidas. Et expecta: eius auxilium et consolationem tibi et omnibus, iustitiam et legem Dei diligentibus, affutaram; et diaboli membra non, nisi quantum Deus permiserit, innocentiae nostrae nocitura. Ecce diabolus palam in mundo dominatur, ecce omnia membra sua se exaltasse laetatur; sed qui dixit: *Confidite, quia ego vici mundum*¹, det vobis certissimam fidem, festinanter se ecclesiae suae succurrere et diabolum et membra eius omnino confundere. Antiquas enim et nostri temporis considerantes permutationes, probabiliter invenimus: dominium diaboli tanto minus duravisse,

1. Ioh. 16, 33.

1076 quanto magis visum fuit exaltari et in christianam religionem praevaluisse. Tu itaque, karissime fili, confortare in Domino et in potentia virtutis eius¹. Et eos conforta, quos in christiana fide cognoveris permanere; eos autem, qui fidem christianam operibus negaverunt, ut resipiscant admone, ut erubescant in servitute diaboli vivere. Quae autem hic minus scribimus, cum loquuti fuerimus cum fidelibus sancti Petri, plenius indicabimus; vobisque adiutorium Deo favente dare curabimus. Omnipotens Deus meritis summae dominae et beatorum apostolorum Petri et Pauli atque beati Ambrosii precibus mentes vestras illuminet et in lege sua vos semper stabilia, ut mereamini cum his annumerari, qui diabolum cum suis membris iudicabunt et cum Christo semper regnabunt. Data Romae, inductione 14.

III 16. Richerio archiepiscopo Senonensi mandat, ut, proposita excommunicatione, Rainerium episcopum Aurelianensem ad sananda delicta hortetur.

1076 Gregorius episcopus servus servorum Dei Richerio Senonensi
Apr. archiepiscopo salutem et apostolicam benedictionem.

Fraternitatem tuam intellexisse credimus: quantum iniuriae Aurelianensis ecclesia negligentia episcopi sui², immo agente ipso, sustinuerit; et quam iniuste patientia apostolicae sedis abusus fuerit. Quae iniuriantes suas, auribus nostris delatas, non solum discutere distulit; verum etiam regis Francorum³, eum eicere cupientis, accusationibus nullum assensum prebuit, immo, quicquid in periculum suum fieri excogitaverat, studio vigilantis sollicitudinis impedivit. Non enim videbantur huius accusationis verba, etiamsi vera essent, suscipienda; neque in eum aliquid nisi legali discussione et iudicio promulgandum. Sed ipse, huius mansuetudinis et tantae caritatis oblitus, fructum inobedientiae matri suae Romanae ecclesiae dicitur reddidisse: privilegium venerandae memoriae antecessoris nostri papae Alexandri^a confringendo; et excommunicato a nobis Evrardo⁴ impudenter

a. de decanaria Sanctae Crucis *excidisse videtur.*

1. Ephes. 6, 10. 2. Rainerii. 3. Philippi I. 4. V. L. II ep. 52 supra p. 168.

communicando; et non solum ipsam decaniam sed fere omnia 1076
 ecclesiae ministeria simoniace vendendo; adeo ut suspensam^a olim Apr.
 apostolicae sedis sententiam operum suorum nequitia merito vi-
 deatur in se provocasse. Unde volumus, religionem tuam prae-
 fatum episcopum commonere: quatenus Deo et ecclesiae suaे
 satisfaciat; et^b ita emendare studeat, ut et querela clericorum
 omnino sopiaetur, et infamia sua ad aures apostolicae sedis ulte-
 riuss super his excessibus non referatur. Quodsi forte litteris
 nostris, quae per te sibi mittuntur, et commonitioni tuae inoboe-
 diens exstiterit, auctoritate beati Petri principis apostolorum usque
 ad dignam satisfactionem a communione corporis et sanguinis
 domini nostri Iesu Christi eum separas; quatenus, quantum factis
 suis Dominum offenderit, vel in hoc recognoscet. Data mense
 Aprili, indictione 14.

*III 17. Rainerio episcopo Aurelianensi praecipit, ut iniuriis in
 decaniam S. Crucis et in Benedicti canonicam desistat
 Romamque ante diem 1 Novembris veniat.*

Gregorius episcopus servus servorum Dei Rainerio Aurelia- 1076
 nensi episcopo salutem et apostolicam benedictionem, si obedierit. Apr.

Graviter et usque ad ulciscendam tuae temeritatis audaciam
 contra te merito commoveremur, nisi apostolica mansuetudine
 detineremur. Ipse enim meminisse debes et potes: qualiter ve-
 nerandae memoriae praedecessor noster Alexander papa deca-
 niam sanctae Crucis, viso donationis tuae ex eadem praepositura
 decreto, illud canonicis tuis deferentibus, eis per munimina apo-
 stolicae roborationis iuxta^c tenorem^d tuae donationis confirma-
 verit; et, subscripto anathemate apostolicae auctoritatis, tam te
 quam omnes homines a violentia iam dictae praepositurae^e per
 privilegium suaے confirmationis compescuerit. Cuius anathema —
 excommunicato Evrardo communicatingo, quodque etiam durius
 est, sicut dicitur ab eo pretium accipiendo — temerario ausu
 incurrire non timuisti; et totam ecclesiam perturbare, nefario

a. sic Gieserecht de reg. emend. p. 37 corredit: a Deo suspensam ut cod.
 b. delicta excidisse videtur. c. iusta c. d. morem c. e. inferenda exci-
 disse videtur.

1076 fastu superbiae ductus, pro nihilo habuisti. Unde praesumptio-
 Apr. nem tuam iuste quidem cohercere apostolicae animadversionis
 vindicta deberemus; sed spe futurae emendationis adhuc excessus
 tuos sufferimus. Apostolica itaque tibi auctoritate praecipimus:
 quatenus a tanta temeritate iam animum revoces; et, praedictam
 praeposituram canonicis et Ioschelino, qui eam ab eis habet, in
 tuta pacis tranquillitate possidere permittens, nullam^a deinceps
 illis molestiam inferas. Volumus enim, eos sic cuncta quae illius
 praepositurae sunt in integrum possidere cum omni pacis quiete,
 ut privilegium beatae memoriae praedecessoris nostri Alexandri
 papae nec in minima qualibet parte videatur infringi. Quin etiam
 praecipimus: ut abhinc usque ad festivitatem omnium sanctorum¹,
 tam de his quam de multis aliis quae tibi obiciuntur rationem
 redditurus, te nostro conspectui^b repraesentes; et interim haec
 omnia, quae superius memorantur, canonici et Ioschelinus, qui
 ab eis praeposituram tenet, in pace possideant; abbatiamque
 suam idem Ioschelinus cum omnibus suis aliis rebus mobilibus
 et immobilibus similiter teneat et in pace, nullam controversiam
 a te aliquo modo summissam patiendo, possideat. Benedictus
 quoque canonicam suam sub eadem pacis tranquillitate interim
 habeat. Praecipimus etiam, ut canonicam concessam almoniae
 pauperum, quam ab eo usu subtractam diceris vendidisse, ad
 eudem usum restituas. Si quidem his nostris praeceptis ac
 monitis oboedienter obtemperaveris et, quae in illis continentur,
 cuncta patienter impleveris, laetabimur propter pacem ecclesiae;
 alioquin scias, te ab omni episcopali officio esse suspensum et a
 communione corporis et sanguinis domini nostri Iesu Christi se-
 paratum. Data Romae mense Aprili, indictione 14^c.

III 17 a. Iusiurandum Roberti, dicti Carnotensis epi-
 scopi.

1076 Ego Robertus promitto omnipotenti Deo et beato Petro apo-
 Apr. stolorum principi, cuius corpus hic requiescit: quod in quoconque

a. nulla c. b. conspectu c. *Sequitur in cod. Berengarii iusiurandum, de quo v. L. VI 17a infra.*

1. Nov. 1.

tempore legatus apostolicae sedis — directus a domino nostro 1076
 Gregorio, qui nunc est Romanus pontifex, vel ab aliquo successor^{Apr.}
 sorum suorum item Romanorum pontificum — ad me venerit,
 infra terminum, quem idem legatus mihi constituerit, Carnotensem
 episcopatum, omni occasione sublata vel fraude, dimittam; et cum
 bona fide studebo, quatenus ecclesia illa secundum Deum ordi-
 netur; nihil acturus, me sciente, per me vel per aliquam a me
 summissam personam, unde eadem ecclesia vel clerici eius meo
 studio vel malitia laesionem aut detrimentum accipient.

Hoc sacramentum, iubente domino nostro Gregorio VII papa,
 ego Cono humilis presbyter tituli Christi martyris et virginis
 sanctae Anastasiae scripsi; et in ecclesia beati Petri in confes-
 sione ad corpus eius, ubi factum est, interfui.

Interfuerunt etiam Iohannes Portuensis episcopus; Theodinus
 archidiaconus; Gregorius, Bernardus, diaconi sanctae Romanae
 ecclesiae; et alii duo, videlicet Ingelrammus decanus Carnotensis
 ecclesiae, et Ivo tunc magister scholarum in eadem ecclesia.
 Actum Romae mense Aprili, indictione 14.

III 18. *Symeonem episcopum Hispanorum hortatur, curet, ut per
 totam Hispaniam et Gallitiam ordo Romanus observetur.*

Gregorius episcopus servus servorum Dei Symeoni Hispa- 1076
 norum episcopo¹ salutem et apostolicam benedictionem. Mai.

Cognitis fraternitatis tuae litteris, gaudio sumus repleti; quo-
 niam eam, quam erga Romanam ecclesiam fidem et devotionem
 geris, in eis plene agnovimus et: quod non adulterino eam more
 deserere, sed legitimae prolis successione amplecti desideras. Quapropter,
 karissime frater, necesse est, ut bene inceptum recto
 itinere gradiatur. Nec heretica debet pravitate minui, quod apo-
 stolica constat traditione sancitum. Apostolica enim sedes, cui
 quamvis immeriti Deo auctore praesidemus, ipso gubernante firma
 permansit ab ipsis primordiis, eoque tuente illibata perpetue per-
 manebit, testante eodem Domino: *Ego pro te rogavi, Petre, ut
 non deficiat fides tua; et tu, aliquando conversus, confirma fra-*

1. Burgensi, antea Ocensi. Cf. L. I ep. 64 supra p. 84 n. 5.

1076 *tres tuos*¹. His itaque fulta praesidiis, Romana te cupit scire
Mai. ecclesia: quod filios, quos Christo nutrit, non diversis uberibus
 nec diverso cupit alere lacte; ut secundum apostolum sint unum
 et non sint in eis scismata²; alioquin non mater sed scissio vo-
 caretur. Quapropter notum sit tibi cunctisque Christi fidelibus,
 super quibus nos^a consulisti: quod decreta, quae a nobis immo
 a Romana constant ecclesia prolata sive confirmata, in peragendis
 a vobis eiusdem ecclesiae officiis inconcussa volumus permanere;
 nec eis acquiescere, qui luporum morsibus et beneficiorum^b moli-
 mine vos inficere^c desiderant. Nec dubitamus, quod secundum
 apostolum introeant in vos lupi graves, lupi rapaces, non par-
 centes gregi³; quibus resistendum fortiter est in fide. Ideoque,
 dilectissime frater, certa; et usque ad sanguinis effusionem, si
 opportunum fuerit, desuda. Indignum enim et pro ridiculo potest
 haberi: quod seculares homines pro tam vili pretio tamque Deo
 odibili commertio se ipsos periculo ultroneos exhibeant; et fidelis
 quisque irruentibus cedant hostibus terga. Non enim ab eis pot-
 erit acquiri virtus, qui facile corrunt, quo trahuntur. Quod
 autem filii mortis dicunt, se a nobis litteras accepisse, sciatis,
 per omnia falsum esse. Procura ergo, ut Romanus ordo per
 totam Hispaniam et Gallitiam, et ubicunque potueris, in omnibus
 rectius teneatur. Data Romae mense Maii, indictione 14.

III 19. *Cyriaco archiepiscopo Carthaginiensi scribit, se audisset,*
Africam ad tantam episcoporum devenisse orbitatem, ut
ne tres quidem, qui episcopum consecrent, inveniantur.
Mandat, ut adhibito illo, quem ipse nuper ordinaverit,
tertium eligat, qui consecrandus ad se mittatur.

1076 Gregorius episcopus servus servorum Dei dilecto in Christo
Iun. fratri Ciriaco Cartaginensi archiepiscopo salutem et apostolicam
 benedictionem.

Pervenit ad aures nostras, quod Africa, quae pars mundi
 esse dicitur quaeque etiam antiquitus vigente ibi christianitate

a. nos addidi.

b. an beneficorum?

c. an interficere?

1. Lue. 22, 32.

2. 1 Cor. 1, 10.

3. Act. apost. 20, 29.

maximo episcoporum numero regebatur, ad tantum periculum 1076
devenerit, ut in ordinando episcopo tres non habeat episcopos. ^{Iun.}
Qua in re maximum christiana religionis periculum considerantes, et in maximo agro paucis operariis desudantibus corde tenus compatientes, consulimus^a vobis, videlicet tibi et illi¹ cui nuper manum imposuimus: ut aliquam personam secundum constitutionem sanctorum patrum eligatis nobisque eam litteris vestris fultam mittatis; quatenus, ipso Deo cooperante a nobis ordinato vobisque remisso, necessitati ecclesiarum, ut sancti canones praecipiunt, episcoporum ordinationibus succurrere valeatis; et ut christiana gens cotidie gaudeat atque proficiat pastorali regimine, et labor, qui supra vires vos opprimit, levior sit ex sociorum necessaria administratione. Data Romae mense Iunii, inductione 14.

III 20. *Clerum et populum Buzeae hortatur, ut Servando archiepiscopo a sese consecrato obtemperent.*

Gregorius episcopus servus servorum Dei clero et populo 1076 Buzeae^b in Mauritania Sitifense, id est in Africa, constituto^c salutem et apostolicam benedictionem.

Servandum archiepiscopum, quem a vobis electum ad nos consecrandum misistis, iuxta petitionem vestram, secundum legem nostram, divina favente clementia consecravimus atque, consecratum nostrisque legalibus moribus, in quantum possilitas spatiumque temporis indulxit, diligenter instructum, ad vos remisimus. Quem cum omni devotione mutuae caritatis omnique reverentia christiana religionis rogamus ac paterna caritate vos monemus suscipere, et omnem oboedientiam divinae legis vos hortamur sibi humiliter exhibere: quatenus populi Saracenorum, qui circa vos sunt — videntes sinceritatem fidei vestrae, puritatem quoque mutuae inter vos divinae caritatis ac fraternae dilectionis — potius ad emulationem quam ad contemptum christiana fidei ex vestris operibus provocentur. Oportet enim, vos

a. consulimus c. b. id est Yppona addidit manus alia. c. constituti c.

1. Servando. V. ep. 20 infra.

1076 considerantes, glorificent Patrem vestrum qui in coelis est. Agite igitur, dilectissimi filii, secundum praeceptum domini nostri Iesu Christi, dicentis ad discipulos suos: *Diligite vos invicem, sicut ego dilexi vos. Maiorem caritatem nemo habet, ut animam suam ponat quis pro amicis suis*¹. Apostolus quoque Paulus, magister et doctor gentium, dicit: *Si dominus noster Iesus Christus posuit animam suam pro oibus suis, ac dedit sanguinem suum redemptionem pro multis, debemus et nos pro fratribus animam ponere*². Sic itaque vos sedulos erga cultum christianaे religionis exhibete, dilectissimi atque amantissimi fratres, quatenus post huius vitae pelagus ad portum perpetuae quietis atque aeternae beatitudinis feliciter pervenire possitis, largiente ipso redemptore domino nostro Iesu Christo, qui cum Patre et Spiritu sancto vivit et regnat deus per omnia seculorum. Amen.

III 21. *Anazir regi Mauritaniae Sitifensis significat, sé, ut ro-
gasset, Servandum archiepiscopum consecrasse. De chri-
stianis captiuis dimissis gratias agit. Alberici et Cincii
nuntios commendat.*

1076 Gregorius episcopus servus servorum Dei Anazir regi Mauritaniae Sitifensis provinciae in Africa salutem et apostolicam benedictionem.

Nobilitas tua hoc in anno litteras suas nobis misit, quatenus Servandum presbyterum episcopum secundum christianam constitutionem ordinaremus. Quod, quia petitio tua iusta et optima videbatur, facere studuimus. Missis etiam ad nos muneribus, christianos, qui apud vos captivi tenebantur, reverentia beati Petri principis apostolorum et amore nostro dimisisti, alios quoque captivos te dimissurum promisisti. Hanc denique bonitatem creator omnium Deus, sine quo nichil boni facere immo nec cogitare possumus, cordi tuo inspiravit; ipse, qui inluminat omnem hominem venientem in hunc mundum³, in hac intentione mentem tuam inluminavit. Nam omnipotens Deus, qui omnes ho-

1. Ioh. 15, 12. 13.

2. Cf. 1 Ioh. 3, 16 et 1 Timoth. 2, 6.

3. Ioh. 1, 9.

mines vult salvos facere¹ et neminem perire, nichil est, quod 1076
in nobis magis approbet, quam ut homo post dilectionem suam
hominem diligat et, quod sibi non vult fieri, alii non faciat².
Hanc itaque caritatem nos et vos specialius nobis quam caeteris
gentibus debemus, qui unum Deum, licet diverso modo, credi-
mus et confitemur, qui eum creatorem saeculorum et gubernato-
rem huius mundi cotidie laudamus et veneramur. Nam sicut
apostolus dicit: *Ipse est pax nostra, qui fecit utraque unum*³.

Sed hanc tibi gratiam a Deo concessam plures nobilium
Romanorum per nos cognoscentes, bonitatem et virtutes tuas
omnino admirantur et praedicant. Inter quos duo familiares
nostrī, Albericus et Cincius⁴, et ab ipsa pene adolescentia in Ro-
mano palatio nobiscum enutriti — multum desiderantes in ami-
citiam et amorem tuum devenire et de his, quae in partibus
nostris placuerit tibi, libenter servire — mittunt ad te homines
suos: ut per eos intelligas, quantum te prudentem et nobilem
habeant, et quantum tibi servire velint et valeant. Quos magni-
ficentiae tuae commendantes, rogamus: ut eam caritatem, quam
tibi tuisque omnibus semper impendere desideramus, eis pro
amore nostro et recompensatione fidelitatis praedictorum viro-
rum impendere studeas. Scit enim Deus, quia pure ad honorem
Dei te diligimus et salutem et honorem tuum in praesenti et
in futura vita desideramus. Atque ut ipse Deus in sinum beatitudinis sanctissimi patriarchae Abrahe post longa huius vitae
spacia te perducat, corde et ore rogamus.

1. 1 Timoth. 2, 4. 2. Matth. 7, 12. 3. Ephes. 2, 14. 4. praefectus Urbis, filius Iohannis praefecti.

I N C I P I T L I B E R Q U A R T U S
REGISTRI GREGORII PAPAE SEPTIMI
anno dominicae incarnationis millesimo septuagesimo
sesto, indictione decima quarta.

IV 1. *Omnibus in Christo fratribus scribit de malis ab Heinrico IV ecclesiae illatis. Hortatur, ut in viam eum revo- cent, quique cum eo communicent, eorum societatem vident^a.*

1076 Inl. 25 Gregorius episcopus servus servorum Dei omnibus in Christo fratribus, episcopis videlicet^b abbatibus atque^b sacerdotibus, du- cibus etiam^c principibus atque militibus omnibusque christianam fidem et beati Petri honorem re vera diligentibus, in Romano imperio^d habitantibus, salutem et apostolicam benedictionem.

Gratias agimus omnipotenti Deo — qui propter nimiam cari- tatem suam^e qua dilexit nos proprio filio suo^e non pepercit, sed pro nobis omnibus^e tradidit illum^f — quia ultra meritum, ultra spem etiam bonorum hominum ecclesiam suam protegit gubernat et defendit. Scitis enim fratres karissimi, quia hoc periculoso tempore, quando antichristus in suis membris iam^e operatur ubi- que, vix aliquis solet inveniri, qui re vera Deum et honorem eius diligit et eius praecepta seculari commodo et gratiae ter- renorum principum preeponat. Sed ille, qui non repellit plebem suam^g et cotidie peccatores a sinistra in dexteram commutat, vos propitio ac sereno vultu respexit et contra suos inimicos ad salutem multarum gentium erexit, ut magis vobis libeat, in peri- culo transitoriae vitae consistere, quam aeterni regis gloriam et honorem humanae gratiae postponere^f. Haec itaque^g facientes, non aure surda apostolorum principem dicentem transitis: *Genus electum, regale sacerdotium³; obedire magis oportet Deo quam hominibus⁴.*

Nam vestra fraternitas minime^h ignorat: quanto tempore

a. Legitur etiam 2) ap. Hugonem Flavin., Mon. Germ. SS. VIII 440. b. om. 2.
 c. et 2. d. Romanum imperium cod. e. om. 2. f. preeponere 2. g. autem 2.
 h. non 2.

1. Rom. 8, 32. 2. Ps. 93, 14. 3. 1 Petr. 2, 9. 4. Act. 5, 29.

sancta ecclesia inauditas pravitates et diversas iniquitates regis¹, 1076
Iul. 25
et utinam christiani et vestri, sustinuit; et quantae ruinae quan-
taeque calamitati, ipso auctore, hoste antiquo praecedente, patuit.
Cui nos, fraterna dilectione et amore patris et matris eius ducti,
adhuc in diaconatu positi, admonitionis verba transmisimus; et
postquam ad officium sacerdotii licet indigni venimus, ut resi-
pisceret, summopere et frequenter per viros religiosos admonere^a
procuravimus^b. Ipse vero quid contra^c egerit; et quomodo malum
pro bono reddiderit; vel qualiter, calcaneum suum contra beatum
Petrum erigendo, sanctam ecclesiam, quam sibi omnipotens Deus
commisit, scindere procuraverit; vestra novit caritas et per omnia
mundi iam personuit^d climata. Sed quia nostri est officii: homi-
nes non vitia diligere, et pravis ut resipiscant resistere, et im-
pietates non homines abhorrere; auctoritate beati Petri aposto-
lorum principis monemus vos et ut karissimos fratres rogamus:
ammodo^e studete illum de manu diaboli eruere et ad veram
poenitentiam provocare, ut eum possimus Deo favente ad sinum
communis matris nostrae, quam conatus est scindere, fraterna
ducti caritate, revocare; ita tamen, ut nulla fraude possit reci-
diva clade christianam religionem confundere et sanctam eccle-
siam pedibus suis conculcare. Quodsi vos non audierit; et dia-
bolum potius quam Christum sequi elegerit; et eorum, qui pro
symoniaca heresi iam per longa tempora excommunicati sunt,
consilium vobis praetulerit; divina inspirante potentia simul in-
veniamus simulque statuamus: ut, Deum homini preeponentes,
universalis ecclesiae iam iam pene labenti viriliter succurramus.

Quicunque^f ex his resipuerit, qui praedictum regem non
erubuerunt omnipotenti Deo preeponere et christianam legem,
si non verbis, operibus tamen negare — sicut dicit apostolus:
Ore quidem fatentur Deum, factis autem negant^g — vos, fratres
mei et consacerdotes, illos auctoritate beati Petri suscipe et ad
gremium matris nostrae sanctae ecclesiae reducite, ut mereamini
gaudium in coelo angelis Dei innovare; in omnibus tamen, sicut

a. admonere *om. c.*, *legitur in 2.* b. curavimus 2. c. e contra 2. d. sonuit 2.
e. omnimodo 2. f. autem *add. 2.*

1. Heinrici IV. 2. Cf. Tit. 1, 16.

1076 *debet karissimos filios, honorem pii patris vestri apostolorum
Jul. 25 principis prae oculis habete. Quicumque autem episcoporum
vel laicorum, timore vel gratia humana seducti, a communione
regis se non subtraxerunt, sed ei faventes animam suam^a et^b
illius diabolo tradere non timuerunt, si non resipuerint et con-
dignam poenitentiam egerint, nullam cum eis communionem vel
amicitiam habeatis. Isti enim sunt, qui animam suam et regis
odio habent et occidunt, et regnum patriam christianamque re-
ligionem confundere non erubescunt. Sicut enim nobis imminet,
quod per prophetam dicitur: *Si non annunciareris iniquo ini-
quitatem suam, animam eius de manu tua requiram*¹; et: *Male-
dictus, qui prohibet gladium suum a sanguine*², id est verbum
correctionis^c a prave viventium increpatione³; ita illis imminet,
si non oboedierint, ira divini iudicii et ultio, testante Samuheli⁴,
idolatriae sceleris. Testis enim nobis est Deus: quia nulla
nos commoda secularis respectus contra pravos principes et
impios sacerdotes impellit, sed consideratio nostri officii et pote-
stas, qua cotidie angustamur, apostolicae sedis. Melius est enim
nobis, debitam mortem carnis per tyrannos si oportuerit subire,
quam nostro silentio timore vel commodo christianaे legis de-
structioni consentire. Sanctos quidem patres nostros dixisse sci-
mus: *Qui pravis hominibus sui consideratione officii non contra-
dicit, consentit; et qui resecanda non aufert^d, committit.* Omni-
potens Deus, a quo cuncta bona procedunt, meritis dominae
nostrae coelestis reginae ac beatorum apostolorum Petri et Pauli
intercessione corda vestra confirmet et custodiat, et spiritus sui
gratiam superinfundat; ut, quae sunt ei placita facientes, me-
reamini sponsam eius, matrem videlicet nostram^e de faucibus
luporum eripere, atque ad supernam illius gloriam, ab omnibus
peccatis absoluti, pervenire. Data^f Laurenti 8 Kalendas Augosti,
indictione 14.*

a. animas suas 2. b. vel 2. c. praedicationis 2 *pro* correctionis — incre-
patione. d. prohibet 2. e. vestram 2. f. Data — 14 *om.* 2.

1. Cf. Ezech. 3, 18. 2. Ierem. 48, 10. 3. v. supra p. 26 n. 4.
4. 1 Reg. 15, 23.

IV 2. *Herimanno episcopo Metensi respondet, excommunicatos ideo hac poena affectos esse, quod Heinrico IV communi-cassent. Errare eos, qui negent ius esse, regem a sede Romana excommunicari. Episcopis quibusdam se conces-sisse, ut eos, qui recessissent a regis communione, absolve-rent. Ne quis regem absolvat, se inconsulto. Moneat archi-episcopum Trevirensim, ut episcopum Tullensem ab in-festanda abbatissa Romarici montis dehortetur. Addit de Mathildi et Godefrido duce Lotharingiae inferioris.*

Gregorius episcopus servus servorum Dei Herimanno Me-
tensi episcopo salutem et apostolicam benedictionem. Aug. 25

Multa interrogando a me, valde occupato, requiris; et nun-cium, qui me nimis impellat ad sui licentiam¹, transmittis. Quo-circa, si non satis respondeo, patienter feras rogo.

Qualiter itaque in corpore meo me habeam, vel qualiter Romani seu Normanni circa me suos mores ostendant, horum portitor tibi dicat. De aliis autem rebus, super quibus me interrogasti, utinam beatus Petrus per me respondeat; qui saepe in me, qualicunque suo famulo, honoratur vel iniuriam patitur.

Episcopi namque, qui sint excommunicati sacerdotes vel laici, non est opus ut a me queratis. Quia indubitanter illi sunt, qui excommunicato regi Heinrico — si fas est dici rex — com-municare cognoscuntur. Non enim verentur, humanam gratiam vel timorem regis aeterni praecepto praeponere; neque timent, suo favore ad iram Dei omnipotentis eundem regem impellere. Ille quidem, suis communicando familiaribus excommunicatis pro symoniaca heresi, excommunicationem incurrere non timuit; et alios, ut^a secum communicando excommunicentur, attrahere non erubescit. De talibus quid restat ut sentiamus, nisi quod in psal-mis didicimus: *Dixit insipiens in corde suo: Non est Deus², et iterum: Omnes simul inutiles facti sunt in voluntatibus suis³.*

Eis autem, qui dicunt: *regem non oportet excommunicari*, licet pro magna fatuitate nec etiam^b respondere debeamus, ta-

a. *alias ut scripti pro ut alii c.* b. *sequitur iterum eis in cod.*

1. ad se dimittendum. 2. Ps. 13, 1. 3. Ps. 13, 3.

1076 men, ne impatienter illorum insipientiam praeterire videamur,
 Aug. 25 ad sanctorum patrum dicta vel facta illos mittimus, ut eos ad
 sanam doctrinam revocemus. Legant itaque, quid beatus Pe-
 trus in ordinatione sancti Clementis populo christiano preecepit¹
 de eo, quem scirent non habere gratiam pontificis. Addiscant,
 cur apostolus dicat: *Habentes in promptu ulcisci omnem inoboe-
 dientiam*²; et de quibus dicit: *Cum huiusmodi nec cibum su-
 mere*³. Considerent, cur Zacharias papa regem Francorum
 deposuerit et omnes Francigenas a vinculo iuramenti, quod sibi
 fecerant, absolverit. In registro beati Gregorii addiscant, quia
 in privilegiis, quae quibusdam ecclesiis fecit, reges et duces
 contra sua dicta venientes non solum excommunicavit sed etiam,
 ut dignitate careant, iudicavit⁴. Nec praetermittant, quod
 beatus Ambrosius non solum regem sed etiam re vera impera-
 torem moribus et potestate Theodosium⁵ non tantum excommu-
 nicavit, sed etiam, ne praesumeret in loco sacerdotum in ec-
 clesia manere, interdixit.

Sed forte hoc volunt praedicti viri subintelligere: quod, quando
 Deus ecclesiam suam ter beato Petro commisit dicens: *Pasce
 oves meas*⁶, reges exceperit. Cur non adtendunt vel potius eru-
 bescendo confitentur: quia, ubi Deus beato Petro principaliter
 dedit potestatem ligandi et solvendi in coelo et in terra⁶, nullum
 exceptit, nichil ab eius potestate subtraxit. Nam qui se negat non^b
 posse ecclesiae vinculo alligari, restat ut neget, se non^b posse
 ab eius potestate absolvi; et qui hoc impudenter negat, se a
 Christo omnino sequestrat. Quodsi sancta sedes apostolica, divi-

a. Theodosium moribus et potestate c. b. sic cod.

1. in epistola Clementis prima (v. Decretales Ps.-Isidor. ed. Hinschius
 p. 36) verbis his: „si inimicus est (Clemens) alieui, — cum illo nolite amici
 esse, sed — debetis — avertere vos ab eo, cui ipsum sentitis adversum;
 sed nec loqui his, quibus ipse non loquitur“ eet. 2. 2 Cor. 10, 6.
 3. 1 Cor. 5, 11. 4. S. Gregorii registri L. XIII ep. 8 in tabula Senatori
 presbytero et abbati xenodochii data (Opp. ed. Benedictini II 1223): „Si
 quis vero regum, sacerdotum, iudicium — hanc paginam agnoscens, contra
 eam venire tentaverit, potestatis honorisque sui dignitate careat — et —
 a sacratissimo corpore et sanguine Dei — alienus fiat“. 5. Ioh. 21, 17.
 6. Matth. 16, 19.

nitus sibi collata principali potestate, spiritualia decernens diiu-
dicat, cur non et secularia? Reges quidem et principes huius
seculi, qui honorem suum et lucra temporalia iustitiae Dei
praeponunt eiusque honorem negligendo proprium quaerunt, cu-
ius sint membra cuive adhaereant, vestra non ignorat caritas.
Nam sicut illi, qui omni suae voluntati Deum praeponunt eius-
que praecepto plus quam hominibus oboediunt, membra sunt
Christi¹, ita et illi, de quibus supra diximus, membra sunt anti-
christi. Si ergo spirituales viri, cum oportet, iudicantur, cur non
seculares amplius de suis pravis actibus constringantur²?

Sed forte putant, quod regia dignitas episcopalem praecel-
lat. Ex earum^b principiis colligere possunt, quantum a se utra-
que differunt. Illam quidem superbia humana repperit, hanc
divina pietas instituit. Illa^c vanam gloriam incessanter captat,
haec ad coelestem vitam semper aspirat. Et addiscant, quid
beatus Anastasius papa Anastasio imperatori de his dignitatibus
scripserit³; et quid beatus Ambrosius in suo pastorali³ inter
has dignitates decreverit: *Honor inquiens et sublimitas episco-
palis nullis^d poterit comparationibus adaequare.* *Si regum ful-
gori compares et principum diademati, longe erit inferius, quam
si plumbi metallum ad auri fulgorem compares.* Haec non igno-
rans, Constantinus Magnus imperator non primum sessionis sed
ultimum inter episcopos elegit locum⁴; scivit enim, quia superbis
Deus resistit, humilibus dat gratiam⁵.

Interea notum sit fraternitati tuae, quia, litteris acceptis
quorumdam fratrum nostrorum praesulum et ducum, auctoritate
apostolicae sedis licentiam dedimus his episcopis: excommuni-
catos a nobis absolvere, qui non timuerunt se a communione
regis abstinere.

De ipso autem rege omnino contradiximus: ut nullus eum

a. constringuntur c. b. eorum c. c. illā c. d. nullis — adaequare *om. cod.*
Cf. L. VIII ep. 2 et ep. 60 infra.

1. 1 Corinth. 6, 15. 2. Cf. Anastasii II papae epistolam ap. Mansi
VIII 188. 3. sive „De dignitate sacerdotali“ libro, quem S. Ambrosio
supposuerunt. V. Opp. ed. Benedict., Parisiis 1690, T. II app. p. 359.
4. V. Hist. Tripart. II c. 5, Cassiodori Opp. ed. Garetius I 226. 5. Iac. 4, 6.

1076
Aug. 25

1076 Aug. 25 praesumat absolvere, quo usque illius certa poenitentia et sincera satisfactio nobis per idoneos testes fuerit notificata; ut simul inveniamus, qualiter, si eum divina pietas respexerit, ad honorem Dei et illius salutem eum absolvamus. Non enim nos latet, quod sint aliqui vestrum, qui, aliqua occasione quasi a nobis accepta, timore vel humana gratia seducti, praesumerent: eum, si non contradicerem, absolvere vulnerique pro medicina vulnus adhibere; quibus si aliqui re vera episcopi contradicerent, non eos iustitiam defendere sed inimicitias exercere, iudicarent.

Episcoporum autem, qui excommunicato regi communicare praesumunt, ordinatio et consecratio apud Deum, teste beato Gregorio, fit execratio. Cum enim oboedire apostolicae sedi superbe contemnunt^a, scelus idolatriae, teste Samuhele¹, incurront. Nam si ille Dei dicitur, qui ad ferienda vitia zelo divini amoris excitatur, profecto esse se Dei denegat, qui, in quantum sufficit, increpare vitam carnalium recusat. Et si ille maledictus est, qui prohibet gladium suum a sanguine², id est praedicationis verbum a carnis vitae interfectione³, quanto amplius ille maledictus est, qui timore vel favore impellit animam fratris sui in aeternam perditionem. Ut autem maledicti et excommunicati possint benedicere et divinam gratiam, quam non timent operibus denegare, alicui largiri, in nullius sanctorum patrum praecepto potest inveniri.

Interea iubemus, ut alloquamini venerabilem archiepiscopum Treverensem⁴, fratrem videlicet nostrum, ut Tullensi episcopo⁵, ne se intromittat de abbatissa⁶ monasterii Montis Romarici⁷, interdicat; et, quicquid contra eam statuit, una tecum in irritum ducat.

De Mathilda vero communi nostra filia et beati Petri fideli ancilla quod vis, volo. Sed in quo statu sit mansura Deo gubernante, adhuc certum non teneo. Gotifredi⁸ autem quondam illius viri, indubitanter scias, quod frequenter apud Deum, licet pec-

a. contendunt c.

1. 1 Reg. 15, 23. 2. Ierem. 48, 10. 3. v. supra p. 26 n. 4.

4. Udonem. 5. Popponi. 6. sive Gisla II sive Felicitate. 7. Remiremont, d. Tullensis. 8. Gibbosi, ducis Lotharingiae inferioris, qui occisus erat d. 26 Febr. (1076).

cator, habeam memoriam; quia non me illius inimicitia vel ali- 1076
qua impedit vanitas, sed, motus fraterna dilectione tua et Ma-
thildae deprecatione, illius exopto salutem.
^{Aug. 25}

Omnipotens Deus — intercessione coelestis reginae semper virginis Mariae et auctoritate beatorum apostolorum Petri et Pauli, a se illis concessa — te nostrosque omnes fratres, in quo- cunque sunt ordine, qui christianam defendunt religionem et apo- stolicae sedis dignitatem, a cunctis peccatis absolvat; vobisque augens fidem spem et caritatem, in suae legis defensione vos^a corroboret, ut mereamini ad aeternam pervenire salutem. Data Tiburis 8 Kalendas Septembbris, inductione 14.

IV 3. Omnes Teutonicos hortatur, ut Heinricum IV ad virtu- tem revocent. Monet, si in viam redierit, sibi significant;
alioquin de alio rege statuendo secum agant. Addit de iuramento Agneti imperatrici praestito et de excommuni- catis absolvendis.

Gregorius episcopus servus servorum Dei omnibus dilectis 1076
in Christo fratribus et coepiscopis, ducibus, comitibus, universis Sept. 3 quoque fidem christianam defendantibus, in regno videlicet Teu- tonico habitantibus, salutem et omnium peccatorum absolutionem per apostolicam benedictionem.

Si litteras, quibus Heinricus dictus rex in sancta synodo iudicio sancti Spiritus excommunicatus est, diligenter perpen- ditis, quid de eo beat fieri, indubitanter cognoscetis. Ex illis enim intelligitur: cur sit anathematis vinculo alligatus et a regia dignitate depositus; et quod omnis populus quondam sibi sub- iectus a vinculo iuramenti eidem promissi sit absolutus.

Sed quia nos contra eum non movit Deo teste secularis superbia nec vana mundi cupiditas, sed sanctae sedis et univer- salis matris ecclesiae sollicitudo et disciplina, monemus vos in domino Iesu et rogamus sicut karissimos fratres: ut eum benigne, si ex toto corde ad Deum conversus fuerit, suscipiat et circa eum non tantum iustitiam, quae illum regnare prohinet, sed mi-

a. vos addidi.

1076 sericordiam, quae multa delet scelera, ostendatis. Estote, quaeso,
^{Sept. 3} memores humanae conditionis et communis fragilitatis; nec vos
 praetereat pia et nobilis memoria patris eius et matris, quibus non
 possunt nostra aetate ad imperii gubernacula inveniri aequales.

Sic tamen adhibete vulneribus eius oleum pietatis: ne, vino
 disciplinae neglecto, cicatrices eius in peius quod absit putre-
 scant et honor sanctae ecclesiae Romanique imperii nostra ne-
 gligentia magnae ruinae patescat. Procul ab eo pravi removean-
 tur consiliarii, qui, pro symoniaca heresi excommunicati, non
 erubuerunt dominum suum propria lepra contaminare et, per
 diversa crimina eum seducendo, ad scindendum sanctam eccle-
 siam provocare et in iram Dei et sancti Petri impellere. Ad-
 hibeantur illi tales consiliarii, qui non sua tantum sed eum dili-
 gent et seculari lucro per omnia Deum paeponant. Non
 ultra putet sanctam ecclesiam sibi subiectam ut ancillam, sed
 praelatam ut dominam. Non inflatus spiritu elationis consuetu-
 dines superbiae, contra libertatem sanctae ecclesiae inventas, de-
 fendant; sed observet sanctorum patrum doctrinam, quam pro
 salute nostra eos docuit potestas divina.

Quodsi de his et aliis iure ab eo exigendis nos securos modis
 quibus oportet reddiderit, statim volumus per vestros idoneos
 legatos de omnibus informari, ut, quid debeat fieri, communi
 consilio Deo aspirante valeat inveniri. Illud autem inter omnia
 ex parte beati Petri interdicimus: ut nullus vestrum eum pae-
 sumat ab excommunicatione absolvere, quo usque, eis quae pae-
 diximus nobis indicatis, apostolicae sedis consensum et iteratum
 responsum recipiatis. De diversorum quidem diversis consiliis
 dubitamus; et humanam gratiam vel timorem suspicioni habemus.

Quodsi exigentibus multorum peccatis, quod non optamus,
 ex corde non fuerit ad Deum conversus, talis ad regni guber-
 nacula Deo favente inveniatur, qui ea quae pae-diximus et ce-
 tera, quae videntur christianaे religioni et totius imperii saluti
 necessaria, se certa ac indubitabili promissione observaturum
 promittat. Ut autem vestram electionem — si valde oportet ut
 fiat — apostolica auctoritate firmemus, et novam ordinationem

nostris temporibus corroboremus, sicut a sanctis nostris patribus factum esse cognoscimus: negotium personam et mores eius quantocius potestis nobis indicate; ut, sancta et utili intentione incidentes, mereamini, sicut nobis causae^a notae, apostolicae sedis favorem per divinam gratiam^b et beati Petri apostolorum principis per omnia benedictionem.

De iuramento autem — quod factum est karissimae filiae nostrae Agneti imperatrici augustae: si filius eius ex hac vita ante ipsam migraret — non est opus adhuc dubitare. Quia — si nimia pietate circa filium ducta iustitiae restiterit, vel iustitiae favens ut abiciatur a regno consenserit — quid restet, vos ipsi comprehenditis. Hoc tamen videtur laudabile: postquam certum fuerit apud vos et omnino firmatum, quod eius filius a regno removeatur, consilium ab ea et a nobis requiratur de inventa persona ad regni gubernacula. Tunc aut nostro communi consilio assensum praebebit¹, aut apostolicae sedis auctoritas omnia vinclula quae videntur iustitiae contradicere, removebit.

De excommunicatis autem iam me vobis dedisse licentiam — qui fidem christianam, ut decet episcopos, defenditis — ut eos^d absolvatis, recordor; et adhuc hoc idem confirmo, si re vera resipuerint et humiliter poenitentiam egerint. Data Laurenti 3 Nonas Septembris, inductione incipiente 15.

IV 4. Dolensibus scribit, se Gilduinum consecrandum non putasse. Ixonem ordinatum archiepiscopum esse^e.

Gregorius episcopus servus servorum Dei clero et populo Dolensi in^f Britannia fidelibus^g sancti Petri salutem et apostolicam benedictionem.

Misistis^h ad nos quandam iuvenem², petentes, vobis a nobis illum ordinari pontificem. Cui quidem petitioni, quoniam sacri canones contradicunt, assensum praebere nequaquamⁱ potuimus.

a. sic. b. an per apostolicae sedis favorem divinam gratiam? c. vel exci-disse videtur. d. eos addidi. e. Legitur etiam 2) ap. Martene Thes. anecd. III 872 et ap. Morice Mémoires de Bretagne I 444 ex tabulario Turonensi. f. in Britannia om. 2. g. fidelibus — Petri addidi ex 2. h. misisti 2. i. minime 2.

1. sc. Agnes imperatrix. 2. Gilduinum.

1076
Sept. 3

1076
Sept. 27

1076 Nos denique cognoscentes ecclesiam vestram diu nequissimi per-
 Sept. 27 vasoris¹ tirannide oppressam, ex debito et nostri officii consideratione, apostolico fulti praesidio, prout valemus in Domino eam^a reformare cupimus. Quapropter, eiusdem iuvenis rogatu assensuque sociorum eius, Sancti Melanii² abbatem Yvonem^b nomine, quem ad nos vestra legatione misistis, virum utique ut vos bene nostis prudentem, bonis^c ornatum moribus omniue religione dignum, vobis in patrem et archiepiscopum consecravimus; monentes et obsecrantes, ut, sicut beati Petri apostoli nostrique, illius licet indigni famuli, gratiam optatis, sic ei ut patri et rectori per omnia oboedientiam exhibeatis. Data^d Romae 5 Kazendas Octobris, indictione incipiente 15.

IV 5. *Episcopis Britanniae nuntiat, Iwonem, archiepiscopum Dolensem a sese consecratum pallioque ornatum esse. Litem Dolensis et Turonensis ecclesiarum posthac compositum iri^e.*

1076 Gregorius episcopus servus servorum Dei omnibus episcopis
 Sept. 27 Britanniae salutem et apostolicam benedictionem.

Non ignorare vos credimus, qualiter Dolensis clerus et populus ad nos direxit iuvenem quendam^f, satis praeclarum genere ut audivimus; postulantes, ut eum illis in episcopum ordinaremus. Cuius causam sicut oportuit examinantes, honestos quidem mores pro modulo aetatis sua, sed nondum satis maturos aut instructos ad portandum episcopale pondus in eo probavimus. Propter quod onerare eum tam gravi sarcina, nec sibi nec nobis cautum fore pervidimus^g. Deo autem aspirante, adinvenimus in comitatu suo personam huic dignitati aetate scientia et morum gravitate multo magis congruam; videlicet Yvonem^g abbatem Sancti Melanii. Quem, licet invitum atque oboedientia adstrictum, cum multa petitione et electione illius et aliorum qui cum eo venerant, episcopum ordinavimus. Honorem quoque

a. eam addidi. b. Evenum 2. c. bonum cod., bonis 2. d. Datum 2.

e. Legitur etiam 2) ap. Martene Thesaur. III 873 et ap. Morice Mém. de Bretagne I 444, ex tabulario Turonensi. f. providimus 2. g. Evenum 2.

1. Iuhelli episcopi. 2. Redonensis. 3. Gilduinum.

et usum pallii pro vestra et totius provincie dilectione ei concessimus; eo quidem tenore: ut opportuno tempore nullatenus se exhibere recuset ad discutiendam querimoniam, quam confrater noster Rodulfus Turonensis archiepiscopus de subiectione sedis illius et de negata sibi obedientia iam diu apud nostram et antecessorum nostrorum facit audientiam. Quodsi ratione et iustitia demonstrante, ut ei subiecta esse debeat, apparuerit, nos quidem sanctae Turonensi ecclesiae ius suum conservari et debitam subiectionem a Dolensi ecclesia exhiberi volumus et apostolica auctoritate censemus; usum^a tamen pallii non minus huic suisque successoribus, donec eorum introitus et vita probabilis fuerit, concedimus atque firmamus. Sin vero ab huius subiectionis iugo eam absolutam esse legali defensione constiterit, quaecunque sibi dignitatis privilegia de cetero competere visa fuerint, apostolica non denegabit auctoritas; atque, interim ut ei sicut archiepiscopo subiectionem et oboedientiam exhibeat, praesenti auctoritate constituimus. Hoc itaque pacto eum consecratum et ordinatum^b ad sedem non humano consilio sed divinitus ei assignatam remittentes, vobis valde commendatum esse volumus: ut, sicut nos in eo caritatem vestram et totius provinciae principatum honoravimus, ita et vos, quam pro eo suscepimus, sollicitudinem et pietatis affectum nobiscum suscipiatis; ipsum quidem cum omni honore et reverentia suscientes et, ut bona ecclesiae iam per multos annos a sacrilegis dispersa pervasoribus recuperare valeat, adiuvantes; quatenus illa sedes, olim nobilis et potens, ad gloriam pristini decoris, Deo opitulante, vestris reformatum studiis vestrisque restituatur temporibus. Sic etenim, sic^c fratres dilectissimi vocavit nos Deus et pater domini nostri Iesu Christi, ut, si in corpore electi filii sui membrorum dignitatem obtinere cupimus, ad invicem etiam fraternis affectibus et officiis intimi amoris connexi simus. Agite ergo, ut vestra fraternitas erga^d hunc fratrem et ecclesiam sibi commissam talis existat: quatenus et apud Deum omnipotentem pro vestrae bea-

a. usu c. b. ornatum *cod.*, ordinatum 2. c. *om. 2.* d. erga *om. cod.*,
addidi ex 2.

1076
Sept. 27

1076 Sept. 27 titudinis premio gloriemur; et inter tot huius seculi nequam confligentes turbines de consolatione vestrae cooperationis non nos tantum, sed et mater vestra sancta et apostolica laetetur ecclesia. Data Rome 5 Kalendas Octobris, indictione 15.

IV 6. *Heinrico I episcopo Leodiensi de Wilhelmo I mortuo episcopo Ultraiectensi respondet, si ille regi excommunicato scienter communicaverit et sine poenitentia obierit, se, quibus vivis non communicaverit, nec mortuis communicare audere.*

1076 Oct. 28 Gregorius episcopus servus servorum Dei Heinrico¹ Leo- dicensi episcopo salutem et apostolicam benedictionem.

Quod de causa Willelmi² Traiectensis episcopi³ nos consulisti, prudentia tua non tam a nobis quam a communi sanctorum patrum sententia indubitanter expressum addiscere et intelligere potest. Quorum statuta servantes aut defendantes, si quando iudicium de negotiis ecclesiasticis fecimus vel facimus, non nova aut nostra proferimus, sed ab eis per Spiritum sanctum prolata sequimur et exercemus. Vide ergo et diligenter attende: quid eorum auctoritas in eos decreverit, qui ad subvertendas sacras regulas, ad scindendam unitatem corporis Christi quod est ecclesia, scismaticis atque hereticis calliditatibus armati, ulti contra patres insurgunt aut scienter cum excommunicatis communicant. Et non solum super hoc, de quo fraternitas tua quesivit, sed super omnibus, qui in eadem causa tenentur, eorum, quorum vestigia Deo auctore perpendamus, pro nobis responsa suscipe. Quodsi in illo^a scismate — quod, contra sanctam et apostolicam ecclesiam praesumptum, contra ultimum quemlibet ecclesiae ministrum fieri nullatenus debuisse — ipse aut quicunque sua sponte subscrispsit; et, regi excommunicato scienter communicans, sine poenitentia et satisfactione discessit vel discesserit; ab illa sanctorum patrum sententia discrepare non possumus: videlicet, quibus vivis non communicavimus, nec mortuis^b communicare audemus. Sin vero invitus subscrispsit, et regi excommunicato

a. in illo scriptis Giesebrecht pro nullo c. b. mortui c.

1. I. 2. I. 3. iam mortui die 27 Aprilis (1076).

iuxta prohibitionem sanctorum canonum non communicavit, apo-
stolica auctoritate eum absolvimus; et, ut orationes sacrificium
et elemosinae pro eo Domino offerantur, non solum annuimus
sed et valde desideramus. De cetero rogamus dilectionem
tuam, ut sine intermissione orationem ad Deum facias et in id
ipsum fratres quos possis ac subditos invites atque commoneas:
quatenus per misericordiam suam ecclesiam diu et valde labo-
rantem respiciat; et, quam inter tot et tantorum turbinum fluctus
miserabiliter afflictam et pene conquassatam videt, ne penitus
demergatur, eripiat et ad litus tranquillitatis pro sua pietate re-
ducat. Data Rome 5 Kalendas Novembris, indictione 15.

*IV 7. Heinrico, Arderico, Wifredo, ecclesiae Mediolanensis filiis,
scribit de vincenda tum Normannorum superbia tum
Heinrici IV regis simoniaeorumque conspiratione; de Teu-
tonicorum consilio novi regis eligendi; de spe Tedaldi
archiepiscopi superandi.*

Gregorius episcopus servus servorum Dei Heinrico, Arde-
rico, Wifredo, fidelibus sanctae apostolicae sedis, legitimis filiis
Mediolanensis ecclesiae, salutem et apostolicam benedictionem.

Manifesta apostoli sententia est, quod omnes, qui pie volunt
vivere in Christo Iesu, persecutionem patiuntur¹. Quae sententia
cum apostolica sede ad nos quasi hereditario iure pervenit; cum
hinc bona ecclesiae Normanni multotiens periuri conantur auferre,
ex altera parte symoniaci cum Heinrico, rege eorum, decreta
sanctorum patrum cum omni religione moliuntur evertere. Sed
confidimus in Domino, qui superbiam Normannorum paulo ante
sub manu nostra substravit: quod adversus apostolicam sedem
non diu praevalebunt. Nos tamen sacrilegio invasionis eorum nun-
quam erimus consentiendo participes. De conspiratione autem
hereticorum et regis, quomodo a catholicis episcopis et ducibus
et multis aliis in Teutonicis partibus aperte impugnetur, vos,
qui illis prope estis, latere non credimus. Ad tantum enim nu-
merum fideles Romanae ecclesiae pervenerunt, ut, nisi ad satis-

1. 2 Timoth. 3, 12.

1076
Oct. 28

1076
Oct. 31

1076 Oct. 31 factionem veniat rex, alium regem palam dicant eligere. Quibus nos favere servata iustitia promisimus; promissumque firmum tenebimus. Vos itaque confortamini in Dómino. Quoniam per misericordiam Dei prope est redemptio vestra. Et ad tertium¹ superandum non adhuc virtus Petro defecit, qui duos illos priores Widonem et Gotefredum², contra Romanam ecclesiam calcitrantes, ab episcopali sede deiecit. Data Romae 2 Kalendas Novembris, indictione 15.

IV 8. *Episcopis Tusciae significat, Rodulfum episcopum Senensem, quod Heinrico IV communicaverit excommunicatum, nisi poenitentiam suscepitur, non posse absolvit; quam ut ei iniungant, mandat.*

1076 Nov. 1 Gregorius episcopus servus servorum Dei episcopis Tusciae, Constantino Aretino, Rainerio Florentino, Leoni Pistoriensi, Anselmo Lucensi, Lanfranco Clusino, salutem et apostolicam benedictionem.

Non ignorare credimus fraternitatem vestram, qualiter com-provincialis vester Rodulfus Senensis episcopus hoc in anno, sine nostra licentia regem excommunicatum adiens, contra omnem ecclesiasticam auctoritatem communicando cum eo, eiusdem excommunicationis laqueum incurrit. Qua de re quamquam eum propria accuset et reum iudicet conscientia, a nulla tamen communione, sicut excommunicatum oportuerit, se abstinere curavit; sed omnia tam in ministerio quam exteriore conversatione prae-sumens, peccati sui maculas in multos dispersit. Et nichil in se, quod ad delictum pertineat, habitu vel conversatione demonstrans, a nobis per legatos suos ad satisfaciendum de culpa recipi postulat et absolvit. Quod quidem nos minime faciendum esse iudicavimus, nisi prius eum pro reatus sui competentia ad formam et habitudinem amissae communionis per aliquod tempus humiliatum fore cognosceremus. Proinde fraternitati vestrae scripsi-mus admonentes: ut eum — si potestis omnes, aut duo de vi-cinioribus — in loco congruo quantocius conveniatis et, iniun-

1. Tedaldum archiepiscopum Mediolanensem. 2. II.

gentes ei prout vobis visum fuerit poenitentiam, ut in privatum locum se recipiat et, sicut in sacris statutum est canonibus, a christiana communione se abstineat, commoneatis. Ad quod si exhibere se prompta oboeditione non recusaverit; et, qui culpam non cavit, ad faciendam poenitentiam pro humana verecundia sibi non pepercerit; tunc demum — requisita vel per se vel per legatos suos cum testimonio litterarum vestrarum apostolica clementia — de eius absolutione, quicquid Deo donante dignum fore pviderimus, respondere et agere non denegabimus. Interim vero, si ad periculum vitae divino iudicio, quod nos non optamus, eum venire contigerit et ad poenitentiam, sicut supra diximus, humiliatus fuerit, auctoritate beatorum apostolorum Petri et Pauli et ea, quam^a nos licet indigni per eos suscepimus, absolutus participationem et gratiam sacrosanctae communionis accipiat. Data Romae Kalendis Novembbris, indictione 15.

IV 9. Richerio archiepiscopo Senonensi scribit, Rainerium episcopum Aurelianensem non venisse vocatum. Quem, si suas litteras acceperit, deici excommunicarique iubet. Monet, ut synodum Romanam adeat.

Gregorius episcopus servus servorum Dei Richerio Senonensi archiepiscopo salutem et apostolicam benedictionem.

Non credimus latere fraternitatem tuam, quod litteris nostris¹ Rainerium Aurelianensem episcopum communuimus ad nos venire, quatenus de multis sibi obiectis, et maxime de confusione Aurelianensis ecclesiae, responderet. Qui ita admonitionem nostram contempsit, ut nec ipse veniret neque aliquam rationabilem absentationis suaे excusationem transmitteret. Cuius ut inobedientiae plenius culpam cognosceres, exemplar litterarum, quas olim sibi misimus, religioni tuae ostendere curavimus. Quas si sacramento firmaverit se non vidisse, neque suo ingenio quod non viderit remansisse, facta sua adhuc aequanimiter ferimus. Aliter autem — secundum tenorem huius conditionis iureiurando minime facto — decernimus, eum ab omni episcopalī officio esse

1. Lib. III ep. 17 supra p. 231. a. qua e.

1076 suspensum et a communione corporis et sanguinis Domini separatum; nisi forte sibi mortis periculum supervenerit. Et quia non solum necessitas et tribulatio illius ecclesiae verum etiam multa alia regni vestri negocia exigunt, ut Romano concilio fraternitas tua interesse debeat, admonemus te: ut omni remota occasione ad proximam synodum nostram venias et iam dictum Aurelianensem episcopum tecum venire commoneas. Volumus etiam, ut et is, qui nunc tenet decaniam, cum eodem episcopo veniat. Sed et Ioschelinum, qui iniuste se expoliatum et plurima sua pro reparatione bonorum ecclesiae expendisse deplorat, nec non Everardum et aliquos de clericis, ostensuros tam decretum proprium episcopi quam etiam venerandae memoriae Alexandri papae praedecessoris nostri privilegium, venire praecepimus; quantum unius cuiusque rationem diligentissime possimus inquirere, et quae corrigenda sunt ita Deo auxiliante corrigere, ut quisque iustitiam suam habeat et ecclesia omnino quiescat. Interim autem ad firmissimam et inviolabilem pacem eiusdem ecclesiae decernimus: ut illi, qui nunc decaniae preeest, usque^a ad audientiam nostram eiusdem decaniae possessio relinquatur; Ioschelino vero, quicquid ante initium huius litis tenuit, sine contradictione tenere permittatur. Benedicto autem non solum praebendam suam sed etiam ea, quae occasione huius discordiae videtur perdidisse, in integrum restituenda fore iubemus. Data Romae 4 Nonas Novembris, indictione 15.

IV 10. *Adilae comitissae Flandrensi scribit, sacerdotibus fornicationi obnoxiiis celebrare missam non licere. Hubertum archidiaconum Tarvannensem de haeresi arguit.*

1076 Gregorius episcopus servus servorum Dei Adile¹ Flandrensi Nov. 10 comitissae salutem et apostolicam benedictionem.

Pervenit ad aures nostras, quod quidam vestrum dubitant: utrum necne sacerdotes ac levitae seu caeteri qui sacris altaris administrant, in fornicatione persistentes, missae debeant

a. utque c.

1. uxori Balduini V comitis Flandriae, matri Roberti I comitis.

celebrare officium. Quibus ex auctoritate sanctorum patrum respondemus: nullo modo ministros sacri altaris, in fornicatione manentes, missae debere celebrare officium; quin etiam extra choros esse pellendos, quo usque poenitentiae dignos fructus exhibeant. Unde apostolica tibi auctoritate praecipimus: quatenus nullos eorum, qui in scelere perdurant, ad sacrum misterium celebrandum suscipiatis; sed, undecunque poteritis, tales ad missas celebrandas acquiratis, qui caste Deo deserviant. His talibus prorsus ab omnibus ecclesiae beneficiis procul expulsis, neque Huberti archidiaconi¹ verba suscipiatis seu aliquibus suis sermonibus faveatis; quia, ut audivi, in heresim lapsus est suis pravis contentionibus, et ab Huberto, legato huius sanctae Romanae sedis, apud Monasteriolum² publice est convictus. Data Romae 4 Idus Novembbris, indictione 15.

IV 11. Robertum I comitem Flandriae ad oppugnandos sacerdotes fornicationis simoniaeque noxios hortatur. Ingelrannum commendat^a.

Gregorius episcopus servus servorum Dei Roberto³ comiti Flandrensi^b salutem et apostolicam benedictionem.

Pervenit ad apostolicam sedem, quod in terra tuae dominationis qui vocantur sacerdotes, in fornicatione positi, non erubescant, cantando missam tractare corpus et sanguinem Christi; non attendentes, quae insania quodve scelus est, uno eodemque tempore corpus meretricis et corpus attrectare Christi. Quapropter ex parte omnipotentis Dei et auctoritate beati Petri apostolorum principis te rogamus ac tibi omnino praecipimus: ut, ubique potes huic sceleri resistere et symoniacis contradicere, nullius ratio vel gratia te possit retorquere. Qui enim dixit: *Omnis qui audit, dicat: Veni⁴*, nullum alicuius ordinis exceptit. Et quicumque vult a patrefamilias denarium accipere, procuret in vinea Domini laborare⁵. Haec quidem universalis mater prae-

a. *Huius epistolae pars habetur etiam 2) ap. Hug. Flavin., Mon. Germ. SS. VIII* 428.
b. *Flandrensum* 2.

1. Tarvannensis, postea episcopi Tarvannensis. Cf. Lib. VII ep. 16 infra. 2. Montreuil. 3. I. 4. Apoc. 22, 17. 5. Cf. Matth. 20.

1076
Nov. 10

1076 Nov. 10 cepit his, qui vocantur episcopi, dicere sicut oportet. Sed quales sint, a fructibus eorum potestis cognoscere; quia, non per ostium ingredientes in ovile ovium, sed aliunde ascendentes, fures sunt et latrones. Per ostium quippe ingreditur, id est per Christum, qui secundum sacros canones episcopus constituitur. Nam quod in divina scriptura dicitur: *Sacerdotes mali ruina populi*, in nostro tempore luce clarius comprobatur. Plurimi enim eorum, qui vocantur episcopi, non solum iustitiam non defendunt sed etiam, ne clarescat, multis modis occultare^a nituntur. Tales vero^b non episcopos, sed Christi^c habeto inimicos; et sicut illi non curant apostolicae sedi oboedire, ita^d vos nullam eis oboedientiam exhibete. Nam praepositis non obedire, scelus est incurrere idolatriae iuxta verba prophetae Samuhelis¹; quae beatus Gregorius in ultimo libro Moralium², ubi de oboedientia loquitur, procuravit explanare. Haec nostra verba, licet rustica, cum communi fidei nostro Ingelranno, qui diu nobiscum in sacro palatio man- sit, vel cum aliis veritatis amatoribus frequenter legite; et omnes clericos et laicos, ut veritatem sciant et proferant, provoke; ut, bona fratribus vestris nunciantes, inter angelos sortem me- reamini accipere et cum electis in coelesti patria gaudere. Data Romae 4 Idus Novembris, indictione 15.

IV 12. *Principibus Teutonicis nuntiat, Heinricum IV Canusii,*
in extremam humilitatem submissum, a se et anathemate
et excommunicatione liberatum esse. Se, ubi primum
opportunum fuerit, in Germaniam venturum; quoniam
tota res integra relicta sit^e.

1077 c. Ian. 28 Gregorius episcopus servus servorum Dei omnibus archi-
 episcopis episcopis ducibus comitibus caeterisque principibus
 regni Teutonicorum christianam fidem defendantibus salutem et
 apostolicam benedictionem.

Quoniam^f pro amore iustitiae communem^g nobiscum in

a. obscurare 2. b. ergo 2. c. Dei 2. d. et add. 2. e. Legitur etiam
 2) ap. Hugonem Flaviniac., Mon. Germ. SS. VIII 445, 3) ap. Udalricum Babenberg. n. 148,
 Eccardi Corp. hist. II 150. f. Quomodo 3. g. commune 2. 3.

1. Cf. 1 Reg. 15, 23. 2. L. 35 c. 28, Opp. ed. Benedictini T. I 1155.

agone christianaee militiae causam^a et periculum suscepistis; qua-
litter rex, humiliatus ad poenitentiam, absolutionis veniam im-
petraverit, et quomodo tota causa post introitum eius in Italianam
huc usque deducta sit, vestrae dilectioni sincera caritate^b indi-
care curavimus.

1077
c. Ian. 28

Sicut constitutum fuit cum legatis, qui ad nos de vestris
partibus missi sunt^c, in Longobardiam venimus circiter viginti Ian. in.
dies ante terminum, in quo aliquis ducum ad clusas nobis oe-
currere debuit; expectantes adventum illorum^d, quatenus ad
partes illas transire possemus. Verum cum, iam decurso termino,
hoc nobis nunciaretur: his temporibus p[re]ae multis — quod et
nos^e quidem credimus — difficultatibus ducatum nobis obviam
mitti non posse; nec aliunde copiam ad vos transeundi habere-
mus; non parva sollicitudine, quid potissimum nobis agendum
foret, circumventi sumus.

Interim vero, regem adventare, certe cognovimus. Qui etiam,
priusquam intrasset Italianam, supplices ad nos legatos praemittens,
per omnia se satisfacturum Deo et sancto Petro ac nobis,
obtulit; et, ad emendationem vitae suaee omnem se servaturum
oboedientiam, repromisit; dummodo apud nos absolutionis et apo-
stolicae benedictionis gratiam impetrare mereretur. Quod cum
diu multis consultationibus differentes, acriter eum de suis ex-
cessibus per omnes qui intercurrebant nuncios redargueremus;
tandem per semet ipsum, nichil hostile aut temerarium ostен-
tans, ad oppidum Canusii, in quo morati sumus, cum paucis
advenit. Ibique per triduum ante portam castri, deposito omne Ian. 25-27
regio cultu, miserabiliter, utpote discalciatus et laneis^f indutus,
persistens, non prius cum multo fletu apostolicae miserationis
auxilium et consolationem implorare destitut, quam omnes, qui
ibi^g aderant et ad quos rumor ille pervenit, ad tantam pietatem
et compassionis misericordiam movit: ut, pro eo multis precibus
et lacrimis intercedentes, omnes^h quidem insolitam nostrae men-
tis duritiam mirarentur, nonnulli vero, in nobis non apostolicae

a. studium 2; causam et om. 3.

b. veritate 3.

c. om. 2.

d. eorum 2.

e. om. 2.

f. vestibus add. 2. 3.

g. ibi om. 2.

h. omnes quidem om. 2.

1077 severitatis gravitatem sed quasi tyrannicæ feritatis^a crudelitatem
Jan. 25-27 esse, clamarent^b.

Denique instantia compunctionis eius et tanta omnium qui
Jan. 28 ibi aderant supplicatione devicti, tandem eum, relaxato anathematis vinculo, in communionis gratiam^c et sinum sanctae matris ecclesiae recepimus; acceptis ab^d eo securitatibus, quae inferius scriptae sunt¹. Quarum etiam confirmationem per manus abbatis Cluniacensis² et^e filiarum nostrarum Mathildis et comitissae Adeliae³ et aliorum principum, episcoporum et laicorum, qui nobis ad hoc utiles visi sunt, recepimus.

His itaque sic peractis, ut ad pacem ecclesiae et concordiam regni, sicut diu desideravimus, omnia plenius Deo adiuvante coaptare possimus, ad partes vestras data primum oportunitate transire cupimus. Hoc enim dilectionem vestram indubitanter scire volumus, quoniam, sicut in descriptis securitatibus cognoscere potestis, ita adhuc totius negotii causa suspensa est, ut et adventus noster et consiliorum vestrorum unanimitas permaxime necessaria esse videantur. Quapropter in ea fide quam coepistis et amore iustitiae^f omnes permanere studete; scientes: nos non aliter regi obligatos esse, nisi quod^g puro sermone⁴ — sicut michi^h mos est — in his eum deⁱ nobis sperare dixerimus, in quibus eum ad salutem et honorem suum, aut cum iustitia aut cum misericordia, sine nostrae et illius animae periculo adiuvare possimus.

IV 12a. Iusiurandum Henrici regis Teutonicorum^{k⁵}.

1077 Ego Henricus rex de murmuratione et dissensione, quam
Jan. 28 nunc habent contra me archiepiscopi et episcopi^l, duces comites

a. severitatis 2. b. mirarentur 2. c. in gratiam communionemque 2 pro in — ecclesiae. d. ab eo om. 2. e. et — nostrarum om. 2. f. unanimiter add. 3. g. quod om. 2. h. de nobis 2 pro michi; nobis 3. i. de nobis om. 2.

k. Legitur etiam 2) ex cod. Vaticano n. 3835 ap. Hartsheim Concilia Germaniae III 184 et ap. Petrum Pisan., Pont. Rom. Vit. ed. Watterich I 297, 3) ap. Hugon. Flavin., Mon. Germ. SS. VIII 445. l. abbates add. 2.

1. V. infra 12a. 2. Hugonis. 3. Taurinensis. 4. i. e. per colloquium, non per litteras. 5. Sacramentum hoc non ab ipso rege, sed a principibus pro rege dictum esse, disertissime tradiderunt Lambertus in annal. 1077 et Bertholdus in annal. 1077, Mon. Germ. SS. V 259 et 289. Ipse

ceterique principes regni Teutonicorum et alii, qui eos in eadem dissensionis causa sequuntur, infra terminum, quem dominus^a papa Gregorius constituerit, aut iustitiam secundum iudicium eius aut concordiam secundum consilium eius faciam; nisi certum impedimentum mihi vel sibi obstiterit; quo transacto, ad peragendum idem paratus ero. Item, si idem dominus papa Gregorius ultra montes seu ad alias partes terrarum ire voluerit, securus erit ex mei^b parte et eorum, quos constringere potero, ab omni laesione vitae et membrorum eius seu captione — tam ipse quam qui^c in eius conductu et comitatu fuerint seu qui ab illo mittuntur^d vel ad eum de quibuscumque terrarum partibus venerint — in eundo et ibi morando seu inde redeundo^e. Neque aliud aliquod impedimentum habebit^f ex meo consensu, quod contra honorem suum sit; et si quis ei fecerit, cum bona fide secundum posse meum illum adiuvabo. [Ita^g me Deus adiuvet et haec sancta euangelia.]

Actum Canusiae 5 Kalendas Februarii, indictione 15, [anno^h domini nostri Iesu Christi 1077, praesentibus episcopis: Umberto Praenestino, Giraldo Ostiensi; cardinalibus Romanis: Petro tituli S. Chrisogoni et Conone tituli S. Anastasieⁱ; Romanis diaconibus Gregorio et Bernardo; et subdiacono Umberto. Item ex parte regis interfuerunt: Bremensis archiepiscopus^j, et episcopi Vercellensis^k et Osnabrugensis^l, et abbas Cluniacensis^m et multi nobiles viri.]

IV 13. *Rodulfo archiepiscopo Turonensi, Ivonem episcopum Dolensem consecratum pallioque auctum querenti, respondet, rei disceptationem reservatam esse. In Galliam se aut per Germaniam ipsum venturum aut legatos missurum^k.*

Gregorius episcopus servus servorum Dei Rodulfo Turo- 1077
nensi archiepiscopo salutem et apostolicam benedictionem. Mart. 1

a. om. 2. b. mea 3. c. qui — seu om. 3. d. mittentur 2. e. in eundo et redeundo vel alicubi morando 2 Hartz. f. habebunt 2 Hartz. g. Ita — euangelia ex 2. h. anno — nobiles viri ex 2. i. Anastasii ed. k. Legitur etiam 2) ap. Martene Thes. III 874 et Morice Mém. de Bretagne I 446, ex tabulario Turonensi.

quoque Gregorius VII testatur Reg. VII 14a infra, „Heinricum iuramento per duos episcopos sibi promissoe“.

1. Liemarus. 2. Gregorius. 3. Benno II. 4. Hugo.

1077 Quod de consecratione Dolensis episcopi¹ et concesso sibi
 Mart. 1 honore pallii adversum nos conquereris, pro voluntate potius
 quam ratione facere videris; qui^a, nos in ea re ecclesiae, cui
 Deo volente praeesse dinosceris, totius iustitiae locum reser-
 vasse, cognoscis. Cum enim audivimus: principes illius terrae
 — contra antiquam et pessimam consuetudinem — pro rever-
 entia Dei omnipotentis et apostolicae auctoritatis ulterius in or-
 dinandis episcopis nec dominium investiturae tenere nec pecuniae
 commodum quaerere velle, atque ob hoc ad apostolicam misisse
 sedem, ut in praefato loco iuxta sanctorum patrum statuta le-
 galis ordinaretur episcopus; devotioni eorum valde congauden-
 dum et petitionibus annuendum dignum duximus. Verum, quam
 caute nos Turonensi ecclesiae et eius dignitati providerimus, in
 litteris illis², quas ad Britannicos principes et episcopos misimus,
 quod et te cognovisse putamus, apertissime^b continetur. Quapropter
 fraternalitas tua sine omni murmuratione discussionem et iustum
 diffinitionem huius causae expectare non rennuet; quoniam et
 quod factum est, consideratione fecimus, et quod faciendum, di-
 ligenti inquisitione, sicut res magna et ambigua postulat, per-
 tractare et exequi volumus. Neque id in longum Deo providente
 protelabitur. Quoniam, si in partes regni Teutonicorum, prout
 destinavimus, hoc in tempore transierimus, inde aut nosmet ipsi
 ad vos pertransiemus, aut tales, qui hanc causam sincera ex-
 ploratione discutiant atque diffiniant, mittere procurabimus.
 Quodsi eo modo nostrae dispositionis consilium transigi non
 posse contigerit, congruo tempore et te et Dolensem episcopum
 ad praesentiam sedis apostolicae convocabimus; et ibi causam
 vestram, utrimque diligenter examinatam, prout sincera veritas
 et iustitia exquisierit, ad inrevocabilem Deo favente finem per-
 ducemus. [De causa^c vero clericorum, unde nos consulueristi, ita
 decernentes praecipimus: ut tuae providentiae sit, ita per omnia
 aequitatis limitem observare, ut eis nec gravamen aliquod contra
 iustitiam inferas, nec quidquam, quod ad tuum ius et episco-

a. cui 2. b. aptissime c. De causa — dimittas *ex cod. ms. 152 bibliothecae nat. Paris. fol. 42r. attulit Brial in Recueil des historiens XIV* 599 n. d.

1. Iponis s. Eveni. 2. IV 5 supra p. 248.

palem curam pertinet, sine legitima dispositione et emendatione 1077
pro eorum garritu aut temeritate dimittas.] Data in Longobardia Mart. 1
in loco, qui dicitur Carpineta¹, Kalendis Martii, indictione 15.

IV 14. *Carnotenses hortatur, ut in locum Roberti episcopi simoniaci et periuri successorem eligant.*

Gregorius episcopus servus servorum Dei universo clero et 1077
populo Carnotensis ecclesiae salutem et apostolicam benedictionem. Mart. 4

Quamquam id ipsum ad aures vestras pervenisse credamus,
tamen, ut nulla inter vos diversi rumoris aut opinionis dissensio
causam Dei impedire valeat, per praesentem epistolam vobis
notificare dignum duximus: quod Robertus monachus², qui ec-
clesiam vestram nefanda ambitione occupavit, in terribili culpa
periurii se obligavit; cum episcopatum illum — haud dubie a
nostro legato commonitus — sicut supra corpus beati Petri apo-
stolorum principis iuraverat³, dimittere noluit, et alia, quae in
eodem sacramento tenebantur, infregit. Unde apostolica vos
auctoritate monemus atque praecipimus: ut eum nullatenus dein-
ceps pro episcopo aut domino habeatis, nec aliquam sibi oboe-
dientiam vel servitium exhibeatis. Verum, ne ecclesia illa
diutius sine pastore remaneat vel introitus eius symoniaceae sub-
reptioni ulterius pateat, eadem auctoritate vobis praecipimus:
ut, praemissis orationibus atque triduano ieiunio cum helemo-
simis, pro nullius timore vel gratia, pro nulla unquam occasione
praetermittatis, quin talem vobis in episcopum eligatis, qui non
aliunde sicut fur et latro, sed per ostium intrans pastor ovium
vocari et esse debeat⁴. Illud enim scitote, quoniam, si quis ad
sedem illam contra regulam sanctorum patrum aspiraverit, ipsum
et omnes fautores eius vel in ea re consentientes apostolica cen-
sura et anathematis gladio feriemus et a corpore totius eccl-
esiae decidemus. Quapropter mementote, quod nemo pro vobis
passus, nemo pro vobis mortuus est nisi Christus. Cuius liber-
tatem sicut dilecti filii Dei tenentes et defendantes, iugum ini-

1. Carpineti, a Regio ad meridiem. 2. de quo cf. L. V ep. 11 infra.
3. v. L. III 17a supra p. 232. 4. Cf. Ioh. 10, 2.

1077 Mart. 4 quitatis aut aliquod dominium ad perditionem animarum vestrarum vobis imponi nullatenus patiamini; scientes, quod nunquam vobis in hac causa apostolica deerit auctoritas et defensio. Data Carpinete 4 Nonas Martii, inductione 15.

IV 15. Richerio archiepiscopo Senonensi et eius suffraganeis mandat, ut, deiecto Roberto Carnotensi, novum episcopum eligendum curent et consecrent. Robertum et fratrem eius Hugonem ablata ecclesiae Carnotensi reddere cogant.

1077 Mart. 4 Gregorius episcopus servus servorum Dei Richerio Senonensi archiepiscopo et coepiscopis suffraganeis eius, excepto eo¹ qui interdictus est, salutem et apostolicam benedictionem.

Non ignorare credimus fraternitatem vestram, quibus de causis Robertum monachum, aliquando dictum Carnotensem episcopum, ab episcopali sede et officio canonica et apostolica censura privavit; quamquam adhuc eamdem sedem ad confusione suam, contra sacramentum, quod supra corpus beati Petri apostolorum principis fecit, occupare non desierit. Verum, quoniam ecclesiam illam canonicam electionem in aliquam idoneam personam facere admonuimus, admonemus et vos: ut, eidem electioni eam quam oportet aut per vos aut per idoneos nuncios vestros diligentiam adhibentes, quem electum canonice cognoveritis, ei manus imponere et in episcopum consecrare nulla occasione recusetis; scientes, quoniam, si illud timore aut gratia cuiusquam praetermisericordia, nos tamen inordinatum eum nullatenus relinquemus et vos eo honore et dignitate, quam ignobiliter deserere non erubescitis, deinceps indignos fore iudicabimus. Praecipimus etiam ex divina iustitia et apostolica auctoritate: ut eumdem Robertum et fratrem eius Hugonem commoneatis, quatenus praefatae Carnotensi ecclesiae et clericis eius, quae abs tulere, omnino restituant et deinceps nullam eis iniustitiam facere presumant. Quod si infra tres ebdomadas, postquam hanc epistolam videritis, adimplere contempserint^a, usque ad dignam satisfactionem et emendationem eos a liminibus ecclesiae

1. Roberto monacho.

a. contempserit cod.

veluti raptore et sacrilegos exterminate. Data Carpinete 4 No-
nas Martii, inductione 15. 1077
Mart. 4

IV 16. Clericis Romanensibus excommunicatis significat, Hugo-
nenem episcopum Diensem inter eos et Wormundum archi-
episcopum Viennensem iudicem constitutum esse.

Gregorius episcopus servus servorum Dei Romanensibus¹ 1077
clericis. Mart. 19

Quod salutem et apostolicam benedictionem vobis ex more non mittimus, propter excommunicationem, quam pro culpis vestris incurtere non timuistis², sicut sacra praecepit auctoritas, praetermittimus. Scribere tamen vobis et admonere super his, quae ad correptionem vestram pertinent, ipsa apostolici^a moderationis mansuetudo et consueta pietas a nobis exigit. Conqueritur enim adversum vos confrater noster Wormundus venerabilis Viennensis archiepiscopus: quod ei antiquam et debitam potestatem loci vestri contradicere praesumpseritis, quam^b ab initio proprii iuris Viennensis ecclesiae extitisse et hactenus sub dispositione suorum antecessorum fuisse non ignoretis; indicans etiam, vos hanc contradicendi sibi occasionem irrationaliter et callide pretendere: ut idem locus iuris sancti Petri et sub eius dominio nescio quibus auctoribus vel concessionibus esse debeat. Unde et nos causam istam multo cautius oportet adtendere, et qualiter rectissime discutiatur providere; ut nec apostolicae sedi nec Viennensi ecclesiae alicuius praeiudicii aut incommoditatis gravamen videamus inferre. Nam, sicut sanctae Romanae et apostolicae ecclesiae iura et dignitates suas conservari cupimus, ita et membris eius, videlicet ceteris ecclesiis, ex huius providentia et auctoritate oportere et dignissimum esse perpendimus. Quapropter apostolica vos auctoritate monemus atque praecipimus: ut ad discutiendam causam istam confratri nostro Hugoni venerabili Diensi episcopo, cui et vicem nostram in aliis commisi-

a. apostolica c. b. que c.

1. V. L. II ep. 59 supra p. 179. 2. V. synodum d. 14—22 Febr.
1076 habitam, III 10a supra p. 223.

1077 mus, sine omni contradictionis mora vos repraesentetis et, quic-
 Mart. 19 quid ipse super hac re iustum fore providerit atque iudicaverit,
 oboedienter exequi nullatenus praetermittatis; exhibentes etiam
 vos in omni oboedientia et humilitate eidem vicario nostro et
 praefato Viennensi archiepiscopo ad satisfaciendum super his,
 quibus vos reprehensibiles et merito corrigendos appellaverint.
 Videte ergo, quam attentis auribus et oboedientibus animis nos in
 his omnibus audiatis; scientes, quoniam, si denuo ad nos vestrae
 inoboedientiae et temerariae resultationis contumacia perlata fue-
 rit, inultam eam et condignam^a severitate impunitam nullatenus
 apostolica dissimulabit auctoritas. Et introitu ecclesiae vestrae
 omnibus hominibus praesenti auctoritate prohibito, eam etiam
 quam praefati fratres nostri ultiōnis in vos sententiam et iudi-
 cium exercuerint, perurgenti in vos districione ratum ac firmum
 esse censemus. Data apud castrum, quod dicitur Carpum¹, 14 Ka-
 lendas Aprilis, inductione 15.

IV 17. *Wilhelmo I regi Anglorum, deprecanti pro Iuhello de-
 icto episcopo Dolensi, respondebat, legatos missum iri,
 qui causam illius iterum pertractant et diiudicent. Hu-
 bertum ecclesiae Romanae subdiaconum commendat^b.*

1077 Gregorius episcopus servus servorum Dei Wilhelmo regi An-
 Mart. 21 glorum salutem et apostolicam benedictionem.

Causam, unde nos in litteris vestris rogasti, ita iam ad
 extremum deductam esse putavimus, ut nichil in ea, quod ulte-
 riū retractandum esset, restare videretur. Nam cum in Dolensi
 ecclesia episcopum² ordinavimus, ita hunc³, pro quo excellentia
 vestra intervenit, ad deiectionem suam ex propriis facinoribus
 et ad ultimum ex inoboedientia se praecepitasse, non solum per
 clericos et religiosas personas illius ecclesiae sed etiam per le-
 gatum nostrum Teuzonem^c monachum⁴ intellexeramus, ut magis
 sibi de malis in ecclesiam commissis et corruptissima vita sua

a. condignam c. b. Legitur etiam 2) ap. Martene Thesaur. aned. III 875 et
 ap. Morice Mémoires de Bretagne I 446 e tabulario Turonensi. c. Leuzonem 2.

1. Carpi, a Mutina ad septentriones. 2. Ivonem. 3. Iuhellum
 episcopum. 4. de quo cf. L. V ep. 22 infra.

timendum et plangendum quam pro recuperatione episcopatus ¹⁰⁷⁷
 proclaimandum aut quicquam sperandum fore iudicaremus. At-
 tamen, ne deprecationem vestram sine ea qua oportet cura et
 benignitate suscepisse videamur et, si aliquis per subreptionem
 quod non credimus nos fecerit, ad inquirendum et corrigendum
 minus solliciti inveniamur, legatos nostros — videlicet confrat-
 trem nostrum Hugonem venerabilem Diensem episcopum et di-
 lectum filium nostrum Hubertum sanctae Romanae ecclesiae sub-
 diaconum et ipsum etiam Teuzonem^a monachum, si eruptum ab
 infirmitate poterimus — illuc mittere decrevimus; qui causam
 diligent inquisitione discutiant et, si quid in ea dictante iustitia
 mutandum vel emendandum fuerit, consequenti ratione et auctor-
 itate exequi studeant. Nusquam enim hoc negotium rectius aut
 diligentius quam in eadem ecclesia pertractari posse videtur;
 ubi et hic et illi praesentes esse valeant, et vestri etiam inter-
 esse fideles, qui rationem et iustitiam plene percognitam certis
 assertionibus vobis indicare queant. Nec dubitamus equidem,
 quin vestra celsitudo diffinitioni iustitiae concorditer acquiescat.
 Quoniam, licet in vobis per misericordiam Dei multae et egregiae
 sint^b virtutes, haec tamen est praeclara et famosissima et quae
 gloriam vestram Deo praecipue commendat et hominibus, quod
 iustitiam, quam vos facere prompti estis, aliis etiam facientibus
 diligentis atque probatis. De caetero scitote: eminentiam vestram
 et saepe cognitam devotionem eius nobis gratissimam fore; qui
 et vos ipsos, et quicquid ad gloriam sublimitatis vestrae Deo
 auctore proficere potest, semper in corde et visceribus nostris
 cum magno desiderio et affectu intime caritatis amplectimur, et
 ad voluntatem vestram in omnibus, quae apud nos impetrare
 quaesiveritis — quoad possumus et secundum beneplacitum Dei
 nos audere^c cognoscimus — flecti et annuere parati sumus. Quia
 vero praefatum filium nostrum Hubertum ad vos usque dirigere
 destinavimus, plura vobis scribere non necessarium duximus.
 Quoniam in omnibus, quae ex nostra parte vobis refert, ipsum
 quasi certissimam epistolam nostram et verba nostra fideliter

a. Leuzonem 2.

b. sunt. 2.

c. an debere?

1077 Mart. 21 continentem fore, nec nos dubitamus nec vestram excellentiam dubitare volumus. Deus autem omnipotens meritis et intercessionibus apostolorum Petri et Pauli et omnium sanctorum suorum tibi et serenissimae reginae Mathildi uxori tuae et clarissimis filiis vestris omnium peccatorum vestrorum indulgentiam et remissionem et absolutionem tribuat et, cum vos de rebus mundanis eximi^a iusserit, ad aeternum regnum suum et veram gloriam transire faciat. Data Bibianello¹ 12 Kalendas Aprilis, indictione 15.

IV 18. *Canonicis Aniciensibus praecipit, ut loco Stephani, ab Hugone episcopo Diensi excommunicati, novum episcopum eligant.*

1077 Mart. 23 Gregorius episcopus servus servorum Dei Aniciensibus canonicis.

Notum est vobis, qualiter Stephanus², Aniciensis ecclesiae invasor et symoniacus, despecto sacramento, quod nobis super corpus sancti Petri de liberatione eiusdem ecclesiae fecerat, eam occupare et tyrannica oppressione affligere non cessat. Unde scire vos volumus: quia, sicut confrater noster Hugo Diensis episcopus, cui vices nostras in Galliarum partibus agendas commisimus, illum excommunicavit, sic et nos excommunicavimus et a gremio sanctae ecclesiae separavimus. Quapropter apostolica auctoritate praecipimus vobis: ut, colla vestra de sub iugo eius excutientes,^b, ne illi, adhaerentes diabolo cuius membrum ipse factus est, serviatis, sed ab illo sicut ab excommunicatione oportet caveatis; et de excommunicatione, quam incurristis, coram praedicto Diensi episcopo satisfacientes, ipsius consilio pastorem vobis secundum Deum eligatis. Quod si feceritis, ab omni sacramento et obligatione, quam praefato symoniaco contra Dominum fecistis, ex parte sancti Petri vos absolvimus; si vero etiam nunc nostrae salutari iussioni recalcitrare prae sumpseritis, pari vos anathemate condemnatos sciatis. Data Bibianello 10 Kalendas Aprilis, indictione 15.

a. eximi. b. videatis sive agatis *excidisse videtur.*

1. Bianello, a Regio inter meridiem et occidentem.

2. III.

IV 19. *Galliarum sacerdotibus Stephanum episcopum Aniciensem excommunicatum et anathematizatum nuntiat. Vetat dona in Podio S. Mariae offerri, donec ille ex ecclesia discesserit^a.*

Gregorius episcopus servus servorum Dei universis Galliarum episcopis et cunctis ordinibus sub eis constitutis, quibus^b pro merito debetur, salutem et apostolicam benedictionem. 1077 Mart. 23

Notum esse volumus caritati vestrae, quod Stephanus, Aniciensis ecclesiae invasor et symoniacus, iuravit nobis super corpus beati Petri: ut ecclesiam ipsam dimitteret et pastorem in ea secundum Deum eligere atque constituere^c per fidem adiuvaret, quandocumque legatus apostolicae sedis cum litteris nostris id^d eum facere per sacramentum moneret. Postea vero commonitus a confratre nostro Hugone Diensi episcopo — huius specialiter negotii litteras a nobis habente, quamvis eidem vices nostras in Galliarum partibus commisissemus — ecclesiam non cessat opprimere et filios eius duplii contritione, corporali scilicet et spirituali, conterere. Unde excommunicationem, quam praedictus legatus noster super eum fecit, nos confirmamus; ipsumque et omnes, qui deinceps consilium ei dederint, ut in hac heresi permaneat, ex parte Dei et sancti Petri anathematizamus, donec resipiscant. Contradicimus etiam: ut nullam pecuniam aliquis offerat in Podio Sanctae Mariae¹, sive ad altaria sive ad manus sacerdotum, donec ecclesia liberetur a tam impia oppressione; quia oblationes fidelium praedictum Stephanum a Deo apostatare atque contra eum faciunt superbire. Vobis autem, fratres coepiscopi, hanc excommunicationem atque contradictionem in parroechiis vestris per diversa loca recitare et ex parte vestra confirmare, apostolica auctoritate praecipimus. Data^e Bibianello 10 Kalendas Aprilis, indictione 15.

a. Legitur etiam 2) ap. *Hugon. Flavin.*, *Mon. Germ. SS. VIII* 417. b. quae 2.
c. eligi — constitui 2. d. hoc 2. e. Data — 15 om. 2.

1. in dioecesis Aniciensis capite, Anicio s. Podio S. Mariae (Puy en Velai).

IV 20. *Iosfredo episcopo Parisiensi scribit de hominibus a Manasse I archiepiscopo Remensi iniuste excommunicatis. Henricum S. Remigii invasorem moneat, ut ad Hugonem episcopum Diensem, aut ad legatos in Galliam venturos, aut ad se accedat. Cameracenses excommunicet, quod quendam in ignem coniecerint.*

1077 Mart. 25 Gregorius episcopus servus servorum Dei Iosfredo Parisiensis episcopo salutem et apostolicam benedictionem.

Vir iste, videlicet praesentium portitor, Walterus de Duaco ad nos veniens multis supplicationibus nobis institit: quatenus ei per apostolicae pietatis misericordiam consilium absolutionis nostro interventu impenderemus apud confratrem nostrum Remensem archiepiscopum¹, qui eum excommunicaverat; indicans nobis, quod de ea causa, propter quam excommunicatus sit, multotiens ad disceptationem et faciendam iustitiam ante excommunicationem et post excommunicationem se paratum obtulerit. Verum, quia relationi suae sine legitima discussione credere non satis cautum aut rationabile esse putavimus, diffinitivam sententiam pro eius absolutione dare noluimus; eam solummodo misericordiam ex gratia et indulgentia apostolorum Petri et Pauli, ad quorum limina veniebat, sibi concedentes: ut in eundo et redeundo sacrae communionis licentiam haberet usque in octavum diem, postquam rediret ad patriam. Ceterum, ne diutius aliqua indigna occasione sub excommunicationis nexibus teneatur, apostolica te auctoritate monemus: ut, fultus his litteris nostris, archiepiscopum convenire studeas; et perquisita ac cognita mera huius negotii veritate, si iste aut pro sua innocentia aut congruae satisfactionis exhibitione tibi absolvendus videbitur, continuo archiepiscopum, ut eum sine contradictione absolvat, ex nostra parte commoneas; qui si aliqua hoc excusatione rennuerit, tu ipse eum nostra vice absolvere nullatenus praetermittas. Sin vero istum in culpa esse et, quod iustum fuerit, exequi nolle constiterit, usque ad dignam satisfactionem sub excommunicationis vinculo coarctari debere decernimus.

1. Manassem I.

a. diffinitam cod. Cf. L. V ep. 14 infra.

Praeterea Azzo quidam, canonicus ecclesiae sancti Amati de praenominato loco, pro quodam dicto, licet vero nimis tamen leviter et irreverenter prolatu*s*, a consortio fratrum se electum esse, nobis^a innotuit. Quem, similiter apostolicae miserationis clementiam pro sua reconciliatione implorantem, itidem tibi commitimus: ut — si alia eum culpa, damnationi magis debita, non accusat — pro hac in capitulo fratrum claustralium disciplina corruptum et poenitentia castigatum, in societatem fratrum ad proprium locum cum caritate recipi facias.

1077
Mart. 25

Est et alia causa, quam cum omni sollicitudine te suscipere et peragere volumus; videlicet duorum fratrum monasterii sancti Remigii, Roberti et Lamberti. Qui se ab archiepiscopo idecirco excommunicatos et, execucato quodam fratre eorum laico, omni miseria circumventos esse dicunt, quoniam cuidam extra-neo abbati — interventu pecuniae et omnino contra regulam sancti Benedicti et auctoritatem sanctorum patrum indigne illis et praefato monasterio pro abbate apposito¹ — obedire et sub eius regimine in eodem cenobio manere noluerint; nec in his omnibus quicquam eis profuisse, pro confusione monasterii et habenda iustae defensionis suae licentia ad audientiam sedis apostolicae proclamassem. Quod si ita est, quam graviter archiepiscopus in hac causa, maxime de contemptu apostolicae auctoritatis, se culpabilem fecerit, tu ipse perpendere potes. Quapropter — de his et de multis aliis aptioris loci et temporis opportunitatem conveniendi eum, Deo auxiliante, praestolantes — illud ad praesens tuae fraternitati committimus et apostolica auctoritate praecipimus: ut eum omni occasione remota sententiam excommunicationis, quam in praefatis monachos protulit, relaxare commoneas, et ut^b eos deinceps sine omni infestatione et periculo in pace manere dimittat; recognoscens et superni iudicis iudicium timens, quod eis tanta mala sine deliberatione iustitiae sub appellatione apostolicae sedis fecerit. Si vero eum in hac re pro sua magnitudine et arbitrio contradictem et

a. nobis *addidi*. b. ut *addidi*.

1. Henrico, antea abbe Humolariensi (d. Noviomensis). V. Gall. Chr. IX 230.

1077 minus obedientem inveneris, tu ipse, fultus nostra auctoritate,
 Mart. 25 eos absolvas. Et abbatem illum, qui praefatum monasterium sancti Remigii nefanda ambitione occupasse dicitur, ita commoneas: ut aut in partibus illis confratri nostro Hugoni venerabili Diensi episcopo, cui vices nostras commisimus, aut aliis legatis nostris, si eos in Gallia synodum celebraturos cognoverit, se repreaesentare pro reddenda ratione sui introitus nullatenus praetermittat, aut ad nos in proxima festivitate omnium sanctorum¹ veniat; commonitis etiam fratribus eiusdem monasterii, qui adversus eum de causa illicitae subreptionis suaee in abbatiam conqueruntur, ut et ipsi secundum praescriptam terminationem ad discutiendum hoc negocium se praesentes exhibeant.

Item relatum nobis est, Cameracenses hominem quendam² flammis tradidisse, eo quod, symoniacos et presbyteros fornicatores missas non debere celebrare et quod illorum officium minime suscipiendum foret, dicere ausus fuerit. Quod quia nobis valde terribile et, si verum est, omni rigore canonicae severitatis vindicandum esse videtur, fraternitatem tuam sollicite huius rei veritatem inquirere ammonemus. Et si eos ad tantam crudelitatem impias manus suas extendisse cognoveris, ab introitu et omni communione ecclesiae auctores pariter et complices huius sceleris separare non differas; et nobis huius rei certitudinem, nec non quicquid de superioribus causis effectum fuerit, per litteras tuas quam citissime possis indicare stude.

De cetero rogamus te et multum admonemus: ut omnibus confratribus et coepiscopis tuis per totam Franciam ex apostolica auctoritate signifiques, quatenus et illi^a sacerdotibus, qui a turpitudine fornicationis cessare noluerint, omne officium sacris altaribus ministrandi penitus interdicant, et tu ipse in omni loco et conventu id praedicare non cesses. Et si in hac re aut episcopos tepidos aut illos, qui sacrorum ordinum nomen et officium indigne pro supra dictis criminibus usurpare praesumunt, rebelles esse cognoveris, omni populo, ne eorum ulterius officium

^{a.} illis cod.

1. Nov. 1. 2. Ramihrdum. V. Chronicon S. Andreae castri Camerac. III 3, Mon. Germ. SS. VII 540.

suscipiat, ex parte beati Petri et nostra apostolica auctoritate ubique interdicas; ut vel hoc modo confusi ad emendationem vitae suae et ad castitatem religiosae continentiae redire cogantur. Age ergo, ut sancta et universalis mater ecclesia te fidelem ministrum et cooperatorem nostrae immo apostolicae sollicitudinis Deo adiuvante cognoscat; et nobis, quod valde desideramus, de ubertate^a et fructu tui sacerdotalis officii ad praesens gaudere et in posterum per misericordiam Dei confidenter sperare posse proveniat. Data Bibianello 8 Kalendas Aprilis, in dictione 15.

IV 21. *Herimanno episcopo Mettensi mandat, Vulpodonis abbas S. Laurentii, ab Heinrico I episcopo Leodiensi electi, causam diiudicet.*

Gregorius episcopus servus servorum Dei Herimanno Mettensi episcopo salutem et apostolicam benedictionem.

Praesentium portitor litterarum Vulpodo abbas monasterii sancti Laurentii Leodii, ad nos veniens, multis supplicationibus nos exoravit: quatinus eum apud episcopum Leodiensem¹, qui eum de monasterio suo eiecerit, ut clementius in illum ageret, apostolicis interventibus iuvaremus; tantum nobis de causa sua indicans, quod de obiectis sibi respondere paratus fuerit, sed legales respondendi et expurgandi se inducias habere nullatenus potuerit, quamquam eas sub vocatione divini nominis et respectu beati Petri quesierit. Episcopus autem prius nobis in epistola sua quaedam indigna de eius actibus indicaverat. Ut igitur in hac ambiguitate neutri quod iustum est denegare videamur, fraternitatem tuam rogamus et apostolica auctoritate ut hanc causam suscipiat ammonemus, et eam, diligentि inquisitione per cognitam, eo ordine quo canonica instituta praeципiunt tractari et diffiniri faciat; procurans equidem: ut iste cum tanto moderamine et sibi conservata iustitia ad audientiam admittatur, quantum non in cassum apostolicam misericordiam et eius suffragia quesisse videatur. Data Bibianello 8 Idus Aprilis, indictione 15.

1. Heinricum I.

a. libertate c.

1077
Mart. 25

Apr. 6

6

IV 22. *Hugoni episcopo Diensi nunciat, Gerardum Cameracensem in manus suas episcopatum refutasse. Concilium agat, in quo ille iuret, se, episcopatum accipientem, nec de regis excommunicatione nec de investiturae interdicto scivisse; quo iurato, confirmetur Gerardus. Ibidem Rogerii III episcopi Catalaunensis causam iudicari et investiturae interdictum promulgari iubet^a.*

1077 · Gregorius episcopus servus servorum Dei dilecto^b in Christo
Mai. 12 fratri Hugoni venerabili Diensi episcopo salutem et apostolicam benedictionem.

Gerardus Cameracensis electus ad nos veniens, qualiter in eadem Cameracensi ecclesia ad locum regiminis assignatus sit, prompta nobis confessione manifestavit; non denegans, post factam cleri et populi electionem donum episcopatus ab Heinrico rege se accepisse; defensionem autem proponens et multum nobis offerens: se neque decretum nostrum de prohibitione huiuscmodi acceptio[n]is, nec ipsum Heinricum regem a nobis excommunicatum fuisse, aliqua certa manifestatione cognovisse. Cui cum nos congruis rationibus ostenderemus: quam grave esset, etiam omni ignorantia eum^c excusante, sanctae et^d apostolicae sedis synodale decretum transgredi, et huiusmodi participatione cum homine excommunicato commaculari; ad satisfaciendum promptus, donum, quod accepisse visus est, continuo in manus nostras refutavit; et omnino causam suam nostro iudicio cum sui ipsius ad omnem voluntatem nostram^d subiectione et obauditione reliquit. Pro^e cuius humiliatione, et maxime^f quoniam canoniam electionem in eo praecessisse audivimus, ad misericordiam moti sumus; et — confisi in testimonio, quod nonnulli confratrum nostrorum episcoporum cum multis pro eo supplicationibus ad nos per epistolas suas direxerunt, videlicet quod eius praecedens vita et conversatio multum honesta et laudabilis fuerit — ad promotionem eius discrete moderationis consideratione assensum praebere non indignum duximus. Attamen, ne istud

a. *Habetur etiam 2) ap. Hugon. Flavin., Mon. Germ. SS. VIII* 414. b. dilecto — fratri addidi ex 2. c. eum om. 2. d. nostram om. 2. e. Pro om. 2. f. om. 2.

aliis, quorum causa et conversatio huic longe dissimilis et impar
 constiterit, ad exemplum vel^a occasionem quaerenda misericordiae in posterum fore debuisse, illud constituimus, ut coram
 te et confratre nostro Remensi archiepiscopo¹ et aliis comprovincialibus episcopis ita se per sacramentum purgare debeat:
 quod ei ante acceptionem illam et, ut dicitur, investituram episcopatus, regem excommunicatum fuisse, et illud decretum nostrum de prohibitione huiuscemodi investiendi et accipiendo ecclesias neque per legatum nostrum neque ab aliqua persona,
 quae se his statutis interfuisse et ea audisse fateretur, significatum et indubitanter notificatum fuerit.

1077
Mai. 12

Quapropter admonemus fraternitatem tuam, ut concilium in partibus illis convocare et celebrare studeas; maxime quidem cum consensu et consilio regis Francorum², si fieri potest. Sin autem aliqua occasione id consentire noluerit, in Lingonensi ecclesia conventum celebrandi concilii instituas. Atque hoc cum consilio et prudenti dispositione fratris^b nostri Lingonensis episcopi³ facias; sciens: quoniam in omnibus fidelem adiutorem et cooperatorem non solum nobis sed et tibi et omnibus legatis nostris se deinceps fore promisit; et nos in eo multam spem habemus et fiduciam. Comes etiam Tebaldus⁴ per legatos suos eamdem nobis promissionem fecit: ut, si rex legatos nostros recipere nollet, ipse cum summa devotione reciperet, et eis omnem quam posset aptitudinem celebrandi synodus et ecclesiastica exquirendi negotia locum consilium auxiliumque pararet.

Stude ergo, ut praefatum confratrem^c nostrum Lingonensem episcopum convenias; et communi consilio, ubi vobis melius videbitur^d, synodum instituite^e. Et convocatis illuc archiepiscopo Remensi et ceteris quotquot possis archiepiscopis et episcopis Franciae, primo omnium causam^f supra memorati Cameracensis electi discutere studeas, videlicet ut secundum praescriptam sacramenti determinationem se coram omnibus expurget; et in-

a. et 2. b. confratris 2. c. fratrem 2. d. videtur 2. e. constituite 2. f. causas 2.

1. Manasse I. 2. Philippi I. 3. Reinardi. 4. III comes Blesensis et Campaniensis.

1077 super, ne in mortem illius¹ qui in ignem^a proiectus est con-
 Mai. 12 senserit, in eodem se sacramento defendat. Quod si factum fuerit,
 praecedentem eius electionem confirmandam esse, apostolica moder-
 atione decernimus, et te cum fratre^b nostro Remensi archi-
 episcopo de eius consecratione prout oporteat^c statuere volumus;
 nisi forte alia sibi, quae nos ignoramus, obstiterint; quae tamen in
 providentia vestra examinanda relinquimus. Illud vero commune
 malum pene totius terrae, videlicet^d quod altaria venduntur, et
 quod iste etiam in officio sui archidiaconatus se fecisse non dene-
 gat, ne deinceps fiat, tam huic quam ceteris omnibus interdicito.

De cetero admonemus dilectionem tuam: ut reliquas cau-
 sas et negotia, videlicet Catalaunensis episcopi², Carnotensis ec-
 clesiae, Anitiensis, Arvernensis, nec non monasterii sancti Diony-
 si et alia, quae necessaria ecclesiasticae religioni apparuerint,
 pro commissa tibi vice nostra, quantum Deo auxiliante potueris,
 ita diligenter tractare et ad finem perducere studeas, quatenus in
 eis nostra deinceps possit sollicitudo et longa fatigatio sublevari.

Volumus etiam: ut fratrem nostrum Hugonem venerabilem
 Cluniacensem abbatem, tecum synodo interesse, ex nostra parte
 invitare^e rogando et multum instando procures, cum propter alia
 multa, tum maxime ut causa Arvernensis ecclesiae competenti
 et firma determinatione cum Dei et illius adiutorio finiatur. Con-
 fidimus enim in misericordia Dei et conversatione vitae eius, quod
 nullius deprecatio, nullius favor aut gratia nec aliqua prorsus
 personalis acceptio eum a tramite rectitudinis dimovere poterit.

Si igitur divina clementia huic nostrae dispositioni effectum
 dederit, inter cetera quae tua fraternitas agenda suscepit, hoc
 attentissime perpendat et exequi studeat, ut congregatis omnibus
 et in conventu residentibus manifesta et personanti denunciatione
 interdicat: ut, conservanda deinceps in promovendis episcopis
 canonica et apostolica auctoritate, nullus metropolitanorum aut
 quivis episcoporum alicui, qui a laica persona donum episcopa-

a. ignibus 2. b. fratre 2. c. oportet 2. d. om. 2. e. convitare *cod.*
 convebare 2.

1. Ramibrdi. V. ep. 20 supra p. 270 n. 2. 2. Rogerii III.

tus suscepere, ad^a consecrandum illum imponere manum audeat; nisi dignitatis suae honore officioque carere et ipse velit. Similiter etiam: ut nulla potestas aut aliqua persona de huiusmodi honoris donatione vel acceptione ulterius se intromittere debeat; quod si praesumpserit, eadem sententia et animadversionis censura, quam beatus Adrianus¹ papa in octava synodo² de huiusmodi praesumptoribus et sacrae auctoritatis corruptoribus statuit atque firmavit³, se astrictum ac ligatum fore cognoscat. Quo capitulo scripto atque in praesentia omnium lecto, ad collaudationem et confirmationem eius universum coetum illius concessus admoneas. Eos autem, qui, post recensitam a nobis huius decreti auctoritatem, investituram episcopatus per manus secularium dominorum et potestatum suscepereunt, et qui eis in ordinationem^b manum imponere praesumpserunt, ad nos, super hac re rationem reddituros, venire apostolica auctoritate commoneas atque praecipias. Data^c iuxta Padum in loco, qui dicitur Ficarolo^d, 4 Idus Maii, indictione 15.

IV 23. *Bernardo ecclesiae Romanae diacono et Bernardo abbatи Massiliensi mandat, hortentur Heinricum IV et Rodulfum reges, ut sibi in Germaniam profecturo praesidium mittant. Obedire si alteruter noluerit, eundem excommunicari, alterum confirmari regem iubet^e.*

Gregorius episcopus servus servorum Dei carissimis^f in 1077
Christo filiis Bernardo sanctae Romanae ecclesiae^g diacono et
Bernardo Massiliensi^h abbatи salutem et apostolicam benedictionem.

a. ad — illum om. 2. b. ordinatione 2. c. Data — 15 om. 2. d. Legitur etiam 2) ap. Brunonem de bello Saxon c. 105, Mon. Germ. SS. V 369, 3) ap. Hugon. Flavin., ibid. VIII 447. e. carissimis — filiis addidi ex 2. f. sanctae — ecclesiae om. 2. g. Massiliensi om. 2.

1. II. 2. an. 869. 3. Cf. Gratiani decret. I Dist. 63, 1: „Hadrianus papa in VIII synodo Constantinoli sub ipso celebrata: „Nullus laicorum principum vel potentum semet inserat electioni aut promotioni patriarchae, metropolitae aut cuiuslibet episcopi Quisquis autem secularium principum et potentum vel alterius dignitatis laicus adversus communem ... electionem ecclesiastici ordinis agere tentaverit, anathema sit, donec obediatur““. 4. Ficcarolo, in sinistra Padi fl. ripa, a Ferraria inter occidentem et septentriones.

1077 Fraternitati vestrae notum esse non ambigimus, quia ideo
Mai. 31 ab Urbe, confisi de Dei misericordia et adiutorio beati Petri,
egressi sumus, ut ad Teutonicorum partes, composituri inter eos
ad honorem Dei et utilitatem sanctae ecclesiae pacem^a, transire-
mus. Sed quia defuerunt, qui nos secundum quod dispositum
erat conducerent, impediti adventu regis in Italiā, in Longo-
bardia inter inimicos christianae religionis non sine magno pe-
riculo remansimus, et adhuc, sicut desideravimus, ultra montes
proficiisci nequivimus. Quocirca monemus vos et ex parte beati
Petri praecipimus, ut, fulti auctoritate huius nostri praecepti
nostraque vice ab eodem apostolorum principe accincti, utrum-
que regem, Heinricum videlicet^b atque Rodulfum, commoneatis:
quatenus viam nobis illuc^c secure transeundi aperiant et adiu-
torium atque ducatum per tales personas, de quibus vos bene
confiditis^d, praebeant, ut iter nobis Christo protegente pateat.
Desideramus enim cum consilio clericorum atque laicorum eius-
dem regni, qui Deum timent et diligunt, causam inter eos Deo
favente discutere et, cuius parti magis ad regni gubernacula
iustitia favet, demonstrare. Scitis enim, quia nostri officii et apo-
stolicae sedis est providentiae, maiora^e ecclesiarum negocia dis-
cutere et dictante iustitia diffinire. Hoc autem, quod inter eos
agitur, negocium tantae gravitatis est tantique periculi, ut, si a
nobis fuerit aliqua occasione neglectum, non solum illis et nobis
sed etiam universalī ecclesiae magnum et lamentabile pariat de-
trimentum. Quapropter, si alteruter praedictorum^f regum huic
nostrae voluntati ac deliberationi parere et ad vestra monita
locum dare rennuerit, suamque superbiam atque cupiditatis fa-
ces^g contra honorem Dei omnipotentis accendens, ad desolatio-
nen totius Romani imperii anhelare^h temptaverit, omnibus modis
omnique ingenio usque ad mortem, si oportet, nostra vice immo-
beati Petri auctoritate ei resistite; etⁱ, totius regni gubernacula
contradicendo, tam illum quam omnes sibi consentientes a par-

a. et pacem 3. b. om. 3. c. illic 2. d. confidatis 2. 3.

e. maiorum 3. f. om. 3. g. cupiditatis face 3 pro atque — faces. h. hane-
lare cod. i. et om. 2.

ticipatione^a corporis et sanguinis domini nostri Iesu Christi et 1077
 a liminibus sanctae ecclesiae separate; illud semper habentes Mai. 31
 in memoria, quia scelus idolatriae incurrit, qui apostolicae sedi
 oboedire contemnit^b, et quod beatus Gregorius doctor sanctus
 et humillimus decrevit, reges a sua dignitate cadere, si teme-
 rario ausu praesumerent contra apostolicae sedis iussa venire^c.
 Alteri autem, qui nostra*e*i iussioni humiliter paruerit et oboe-
 dientiam universalis matri, sicut decet christianum regem, ex-
 hibuerit, convocato concilio omnium clericorum et laicorum, quos
 advocare poteritis, consilium et adiutorium in omnibus praebete;
 et eum^d in regia dignitate per auctoritatem beatorum apostolo-
 rum Petri et Pauli nostra vice confirmate; omnibusque episcopis
 abbatibus clericis ac laicis in omni regno habitantibus, ut sibi^e
 fideliter, sicut oportet regi, oboediant et deserviant^f, ex parte
 omnipotentis Dei praecipite. Data^g Carpinete 2 Kalendas Iunii,
 indictione 15.

IV 24. *Omnes Christi fideles in regno Teutonicorum de supe-*
riore epistola certiores facit sententiisque legatorum suo-
rum obsequi iubet^h.

Gregorius episcopus servus servorum Dei dilectisⁱ in Christo 1077
 fratribus archiepiscopis episcopis ducibus comitibus et universis Mai. 31
 Christi fidelibus, clericis^j et laicis, tam majoribus quam mino-
 ribus, in regno Teutonicorum consistentibus, salutem et aposto-
 licam benedictionem.

Notum fieri vobis volumus, fratres karissimi^k, quia legatis
 nostris, Bernardo videlicet sanctae Romanae ecclesiae fideli filio
 et diacono itemque Bernardo abbatи religioso Massiliensis mon-
 asterii^l, praecepsimus^m: ut utrumque regem, Heinricum videlicetⁿ
 et Rodulfum, aut per se aut per idoneos nuncios^o admoneant,

a. communione 2. b. contendit c. eum addidi. d. ei 2. e. et
 deserviant om. 2. f. Data — 15 om. 2. 3. g. Legitur etiam 2) ap. Brunonem de
 bello Saxon. c. 106, Mon. Germ. SS. V 370, 3) ap. Hugon. Flavin., ibid. VIII 447,
 4) ap. Udalricum Babenberg. n. 149, Eccardi Corp. hist. II 151. h. dilectis — fra-
 tribus addidi ex 2; dilectissimis 4. i. clericis — minoribus om. 2. k. dilectis-
 simi 4. l. ecclesiae 4. m. praecipimus 2. n. om. 3. o. legatos 3. 4.

1. Cf. 1 Reg. 15, 23. 2. V. supra p. 242 n. 4.

1077 quatenus viam michi^a pro discutiendo negocio, quod peccatis
 Mai. 31 facientibus inter eos ortum est, ad vos Deo favente^b secure ve-
 niendi^c praebent. In magna enim tristitia et dolore cor nostrum
 fluctuat, si per unius hominis superbiam tot milia hominum chri-
 stianorum^d temporali et aeternae morti traduntur, et christiana
 religio confunditur, Romanumque imperium ad perditionem^e per-
 ducitur^f. Uterque nanque rex a nobis immo ab apostolica sede,
 cui licet indigni praesidemus, adiutorium requirit. Et nos, de
 misericordia omnipotentis Dei et adiutorio beati Petri confiden-
 tes, parati sumus: cum vestro^g consilio, qui Deum timetis et
 christianam fidem diligitis, aequitatem causae^h utrimqueⁱ decer-
 nere; et ei praebere auxilium, cui iustitia ad regni gubernacula
 favere dinoscitur.

Quapropter, si alteruter eorum superbia inflatus aliquo in-
 genio, quominus ad vos venire possimus^k, obstiterit; et, de sua
 iniustitia timens, iudicium sancti Spiritus refugerit, inobediens
 factus resistendo sanctae et universalii matri^l ecclesiae; hunc
 velut membrum antichristi et desolatorem christianae religionis
 contemnите; et sententiam, quam nostri legati contra eum nostra^m
 vice dederint, conservate; scientesⁿ, quia Deus superbis resistit,
 humilibus autem dat gratiam^o. Alteri vero, qui humiliter se
 habuerit, et iudicium, decretum vero^p a Spiritu sancto per vos^r
 autem prolatum^q, non contempserit — indubitanter enim cre-
 dimus: ubicumque duo vel tres in nomine Domini congregati
 fuerint^s, praesentia eius inluminantur — illi, inquam, servitum
 et reverentiam, secundum quod nostri praefati legati decreverint,
 exhibete; annitentes et modis omnibus ei obsequentes, ut regiam
 dignitatem honeste possit obtinere et sanctae ecclesiae iam pene
 labenti^t succurrere. Non enim a corde vestro debet excidere,
 quod, qui apostolicae sedi oboedire contempnit, scelus idolatriae^u

a. nobis 3. b. adiuvante 4. c. pervenienti 3, transeundi 4. d. et add. 4.
 e. perniciem 4. f. deducitur 4. g. auxilio et add. 4. h. om. 4. i. diligenter
 add. 3. k. veniam 4 pro venire possimus. l. om. 3. m. nostra vice om. 3.
 n. scientes — gratiam om. 3. o. om. 3. p. nos 2. q. iudicium per nos pro-
 latum decretum vero a spiritu sancto 4. r. quod praesentia 2. 4. s. labanti 3. 4.

1. Iacob. 4, 6. 2. Cf. Matth. 18, 20. 3. Cf. 1 Reg. 15, 23.

incurrit, et quod beatus Gregorius, doctor sanctus et humili-
mus, reges decrevit^a a suis dignitatibus cadere et participatione
corporis et sanguinis domini nostri^b Iesu Christi carere, si praesumeren-
t apostolicae sedis decreta contemnere¹. Si enim coele-
stia et spiritualia sedes beati Petri solvit et iudicat, quanto ma-
gis terrena et secularia. Scitis autem, fratres karissimi^c, quia,
ex quo tempore^d ab Urbe exivimus, in magno periculo inter
inimicos christiana fidei mansimus, et tamen neutri praedicto-
rum regum, neque terrore neque amore flexi, aliquod contra
iustitiam adiutorium promisimus. Magis enim volumus mortem,
si hoc^e oportet, subire, quam, propria voluntate devicti, ut ec-
clesia Dei ad confusionem veniat, consentire. Ad hoc enim nos
ordinatos et in apostolica sede constitutos esse cognoscimus, ut
in hac vita non quae nostra sed quae Iesu Christi sunt quera-
mus², et per multos labores, patrum sequentes vestigia, ad fu-
turam et aeternam quietem Deo miserante tendamus. Data^f Car-
pinete 2 Kalendas Iunii, indictione 15.

IV 25. *Neemiae archiepiscopo Strigoniensi commendat nuntium
adhuc retentum propter id, quod ipse cepisset consilium in
Germaniam eundi. Sed iter hoc prolatum esse. Ladislauum I
regem Ungariae admoneat, ut legatos ad se mittat.*

Gregorius episcopus servus servorum Dei Neemiae Strigo-
nensi in Ungaria archiepiscopo salutem et apostolicam bene-
dictionem.

Non admirari te volumus, qua de causa fratrem istum, vide-
licet harum litterarum portitorem, tam diu nobiscum retinuerimus.
Nam cum ad nos venit, in regnum Teutonicorum transire dispo-
sueramus, quatenus inter regem Heinricum et principes terrae
pacem et concordiam componere Deo adiuvante possemus; ac-
ceptis etiam per sacramentum ab eodem Heinrico rege securi-
tatibus, quas ex parte illius ad profectionem nostram tunc opor-

a. decretum cod. b. nostri — Christi om. 3. c. dilectissimi 4. d. om. 3.
e. hoc om. 2. 4. f. Data — ind. 15 om. 2. 3. 4.

1. V. supra p. 242 n. 4. 2. Philipp. 2, 21.

1077
Mai. 31

Iun. 9

1077 tere putavimus. Cuius rei exitum expectantes, interim hunc
 Iun. 9 nobiscum manere praecepimus, ut et certum huius negotii finem
 et, si qua alia necessaria viderentur, vobis hoc revertente man-
 daremus. Ceterum, quia causa, sicut vobis notum esse credimus,
 ad gravissimam litem et pene ad totius patriae divisionem ex-
 crevit, neque nobis hoc in tempore transire opportunum esse
 vidimus, diutius hunc tenere noluimus; sribentes per eum fra-
 ternitati tuae et multum admonentes: ut ei apud te prosit, quod
 cum tanta fatigione et periculo et apostolicam quaeasivit mis-
 ricordiam et tam longam apud nos fecit moram. Hoc enim scire
 te volumus, quoniam, quamdiu nobiscum fuit, quietum in illo
 spiritum et ad serviendum Deo devotum esse cognovimus. Quapropter secundum miseriam^a horum temporum et ad compara-
 tionem earum personarum, quas pro infirmitate et necessitate
 toleramus, hunc quoque misericorditer portandum esse non in-
 dignum duximus; si quidem ea, quae nobis de sua manifestavit
 conscientia et de quibus a te^b se reprehendi confitetur, a sua con-
 fessione et relatione non discrepant. Quod autem ad sacerdotii
 gradum promoveri desiderat, etsi nos ex imperii auctoritate non
 decernimus, respectu tamen indulgentiae non contradicimus nec
 denegandum sibi esse iudicavimus; si quidem alia, quae nos la-
 teat, ordinationi suae gravior causa non obstiterit, et deinceps
 vitam et mores suos ad dignitatem^c tanti ministerii congrue in-
 stituere et perseveranter Deo miserante servare voluerit.

De cetero admonemus fraternitatem tuam, ut regem¹, qui
 inter vos electus est, cum aliis tuis confratribus et principibus
 terrae alloquaris, notificantes et consulentes sibi: ut apertius
 nobis suam voluntatem et erga reverentiam sedis apostolicae de-
 bitam per idoneos legatos denunciet devotionem. Et ita demum,
 quod ad nos attinet, ad honorem Dei omnipotentis et beati Petri
 apostolorum principis benigne sibi respondebimus, et excellentiae
 suae ad suam et totius regni utilitatem sanctae et apostolicae
 auctoritatis studium cum omni caritate et benevolentia exhibere

a. miseria c. b. te addidi. c. dignitate c.

1. Ladislaus I.

curabimus^a. Caetera vero, quae longum erat in epistola^b 1077
viva fideliter voce nunciabit, sicut in eius ore posuimus. Data
Carpinete 5 Idus Junii, indictione 15.

*IV 26. Dominico IV patriarchae Gradensi et ceteris episcopis Ve-
netis commendat Gregorium ecclesiae Romanae diaconum,
rerum ecclesiasticarum causa missum.*

Gregorius episcopus servus servorum Dei Dominico patriar- 1077
chae Gradensi et caeteris episcopis Venetiae salutem et aposto-
licam benedictionem.^c Jun. 9

Audivimus, in ecclesiis vestris multa emersisse negocia;
quae ut sincera exploratione discutiantur et canonicae traditionis
diffinitione terminentur, ecclesiasticae religionis ordo depositit et
a nobis tam vestra dilectio quam officii nostri debita sollicitudo
requirit. Quamquam enim ex consideratione creditae nobis dis-
pensationis debitores simus universis ecclesiis, speciali tamen
cura vobis et vestris causis astringimur, cum propter singularem
quamdam cohaerentiam, quam ad sanctam Romanam et aposto-
licam habetis ecclesiam, tum propter vicinitatem; quae nunquam
nos, vel quae apud vos sunt, diu ignorare, vel quae nos debe-
mus et possumus, vestrae fraternitati denegare patitur. Qua-
propter misimus ad vos hunc dilectum filium nostrum Gregorium
et diaconum sanctae Romanae ecclesiae: quatenus — una vobiscum
de ecclesiasticis causis et christianaee religionis sacrosanctis in-
stitutionibus quae necessaria sunt Deo adiuvante pertractans —
nostra vice quae corrigenda sunt corrigat, quae statuenda con-
stituat, et ecclesiasticae libertatis atque iustitiae diu et in multis
neglectas rationes et studia ad formam canonicae et apostolicae
disciplinae reducere et per auxilium divinae gratiae efficaciter
valeat confirmare. Cui vos^e cum omni caritate assistentes ita
favere et unanimiter assensum praebere, sicut fratres carissimos,
admonemus, quatenus in illo appareat: quantam reverentiam in
beatum Petrum apostolorum principem habeatis, de cuius domo
et familia mittitur; quanta etiam de nostra dilectione vobis cura

a. curavimus c.

b. mandare, frater iste excidisse videntur.

c. nos c.

1077 sit, qui eum de sinu nostro misimus; utpote per quem nostra
 Iun. 9 apud vos sollicitudo et a domino Deo nobis concessae potestatis
 auctoritas vicaria dispensatione repraesentatur et geritur. Data
 Carpinete 5 Idus Iunii, indictione 15.

IV 27. *Dominicum Silvium ducem et populum Venetum dolet
 excommunicatis communicasse. Mittit Gregorium diacono-
 num, qui eos peracta poenitentia absolvat.*

1077 Gregorius episcopus servus servorum Dei Dominico Silvio
 Iun. 9 duci Venetiae et populo Venetiae salutem et apostolicam bene-
 dictionem, si oboedierint.

Meminisse debetis, quanta vobis apud sanctam et aposto-
 licam sedem multis iam temporibus et caritatis benevolentia et
 honorificentiae gratia sit exhibita. Et nos quidem teste con-
 scientia nostra, non solum postquam ad pontificatum venimus
 sed et antea pluribus annis, vos et terram vestram valde dilexi-
 mus, et non sine aliqua nonnullorum indignatione et inimicitia
 ad providendum honori vestro prompti fuimus; multum gavisi
 pro dilectione, quam erga universalem omnium fidelium matrem,
 videlicet sanctam Romanam ecclesiam, habuistis, et libertate,
 quam ab antiqua stirpe Romanae nobilitatis acceptam conser-
 vastis. Verum his temporibus, quod sine magno dolore non
 dicimus, non solum nostros exacerbatis affectus, sed omnipotens
 Dei gratiam vobis procul dubio nimium labefactastis. Quoniam,
 nescio quibus peccatis facientibus, a statu rectitudinis excidistis,
 et ulti extra consortium membrorum Christi et ecclesiae facti
 estis; sectantes et recipientes eos, qui pro suis sceleribus ex-
 communicati sunt et, exorbitantes a fide et catholica sanctorum
 patrum unitate doctrina et corroborata divinitus auctoritate, per
 omnem inobedientiam et contumaciam in laqueum diaboli ce-
 ciderunt et ministri immo servi sathanæ, a quo captivi tenentur,
 facti sunt. Quocirca, dolentes de periculo animarum vestrarum
 et ad reconciliationem divinae gratiae vos revocare cupientes,
 misimus ad vos hunc dilectum filium nostrum Gregorium et dia-
 conum sanctae Romanae ecclesiae: ut, poenitentiam agentes, ab

excommunicationis vineculo, in quoⁿ participando cum excommuni-
natis prolapsi estis, possitis absolv*i* et in communionem sanctae
matris ecclesiae apostolica indulgentia et benedictione restitui.
Quod cum factum fuerit, si nostra monita immo verbum Dei ea
qua oportet veneratione suscipit*i*, volumus et apostolica vos
auctoritate monemus: ut cum omni caritate et oboedientia sibi
assistatis; quatenus, cum consilio confratris nostri patriarchae et
aliorum episcoporum illius provinciae nec non cum adiutorio
ducis et omnium vestrum, de statu ecclesiarum et christiana*e*
religionis ordine ac dispensatione, quae necessaria sunt, iuxta
formam a sanctis patribus traditam pertractare possit ac Deo
adiuvante nostra vice disponere. Data Carpinete 5 Idus Iunii,
indictione 15.

1077
Iun. 9

IV 28. *Hispaniae principes docet, eorum regnum antiquitus ec-*
clesiae Romanae traditum esse. Hortatur ad debitum b.
Petro servitium praestandum. Amatum episcopum Ello-
ensem et Frotardum abbatem S. Pontii Tomeriensem
legatos suos commendat.

Gregorius episcopus servus servorum Dei regibus comitibus 1077
ceterisque principibus Hyspaniae salutem et apostolicam bene-
dictionem.

Iun. 28

Non ignorare credimus prudentiam vestram, quin sancta et
apostolica sedes princeps et universalis mater sit omnium eccle-
siarum et gentium, quas divina clementia ad agnitionem sui
nominis in fide domini ac salvatoris nostri Iesu Christi per euangeli-
cam et apostolicam doctrinam venire praeordinavit. Quibus
hanc curam et perpetuam debet exhibere sollicitudinem, ut sicut
ad conservandam catholicae fidei veritatem, ita quoque ad cognoscendam
et tenendam iustitiam documenta et salutifera adminis-
tret monita. Ad cuius dispensationis officium quoniam secundum
voluntatem Dei quamquam inviti et indigni constituti sumus,
creditum nobis ministerium valde pertimescimus; scientes, quo-
niam et his qui prope et his qui longe sunt debitores sumus,
nec apud supernum iudicem excusationis locum habere poterimus,

1077 si nostra taciturnitate eorum aut salus negligitur aut culpa fo-
 l. 28 vetur. Cuius rei tam in propheticis quam euangelicis paginis
 multa nobis documenta et cum terribilibus minis exempla pro-
 posita sunt; quae egregius ille praedicator et apostolus¹ intuens
 ait: *Necessitas euangelizandi michi incumbit; ve enim michi, si
 non euangelizavero².* Quapropter et nos, dilectissimi, qui pre-
 sentes secundum desiderium nostrum verbo non possumus, sal-
 tem absentes per epistolam de salute vestra vos admonere cura-
 vimus; scribentes vobis, sicut in vos affectum debitae caritatis
 habemus. Primum quidem: ut — gratias agentes Deo, qui vos
 regeneravit in spem vivam et incorruptibilem aeternae vitae glo-
 riam per Iesum Christum dominum nostrum — semper illum
 timeatis et ex toto corde diligatis; transferentes in illum omne
 desiderium vestrum supra omnes divitias et honores huius se-
 culi, supra omnes non solum humanas sed et angelicas creaturas;
 ambulantes coram illo in omni fide et devotione, sicut electi
 filii et in sortem hereditatis regni Dei per immensam gratiam
 bonitatis eius vocati; non detinentes^a secundum secularem con-
 cupiscentiam in iniustitia, quae de veritate et aequitate sua Deus
 vobis cognoscere dedit vel daturus est; sed exhibentes vos fideles
 ministros ad faciendam iustitiam, ad tuendam libertatem chri-
 stianae fidei et religionis in omni virtute et administratione re-
 giae potestatis vestrae, ad laudem et gloriam nominis eius, qui
 vos multa gloria sublimavit. Nam quod semper vobis cordi esse
 volumus, inquit dilectoribus suis sapientia per Salomonem: *Ego
 diligentes me diligo³, honorificantes me honorabo; contemptoribus
 vero minatur dicens: Qui autem me contennunt, erunt ignobiles⁴.*
 Et apostolus Paulus, generalem futuri sententiam manifestans,
 ait de iusto iudicio Dei: *Qui reddet unicuique secundum opera
 eius: his quidem, qui secundum patientiam boni operis gloriam
 et honorem et incorruptionem querunt^b, vitam aeternam; his
 autem, qui sunt^c ex contentione, et qui non acquiescunt veritati,
 credunt autem iniquitatim, ira et indignatio; tribulatio et angustia*

a. sic cod.

b. querentibus c.

c. sunt om. cod.

1. S. Paulus. 2. 1 Corinth. 9, 16. 3. Prov. 8, 17. 4. 1 Reg. 2, 30.

in omnem animam hominis operantis malum¹. Nolite ergo superblime sapere² aut, propter eminentiam praesentis gloriae, humanae condicionis, quae aequa est regum et pauperum, oblivisci. Sed, sicut idem apostolus monet: humiliamini sub potenti manu Dei, ut vos exaltet in tempore tribulationis³. Nolite spem ponere in incerto divitiarum⁴ huius seculi, sed in illo, de quo scriptum est: *Per me enim reges regnant⁵*, et alibi: *Quoniam data est a Domino potestas vobis, et virtus ab Altissimo, qui interrogabit opera vestra, et cogitationes scrutabitur⁶*. In quo et thesaurizate vobis divitias bonorum operum⁷, construentes stabile fundamentum⁸ et melioris atque indeficientis substantiae possessionem⁹, ubi vitam ducatis aeternam. Non enim habemus hic manentem civitatem, sed futuram inquirimus¹⁰, cuius artifex et conditor Deus¹¹. Et profecto vos ipsi scitis et cotidie videtis, quam fluxa et fragilis est vita mortalia, quam fallax et deceptoria spes praesentium. Semper enim volentes nolentesque ad finem currimus; et sub tam certo periculo nunquam tamen, quam sit vicina mors, praevidere possumus; nec unquam diu tenetur, quicquid de praesenti vita vel seculo quaeritur aut possidetur. Quam ob rem — pensantes semper: quae sint novissima vestra, quanta cum amaritudine de praesenti seculo nequam exituri et in putredinem terrae ac sordes pulveris reversuri estis, quamque sub districto examine de factis vestris rationem reddituri sitis — contra futura pericula vos communite. Arma vestra opes potentiam non ad secularem pompam tantum, sed ad honorem et servitium aeterni Regis vertite. Comissa vobis regni gubernacula ita gerite, sic administrate, ut vestrae virtutis et rectitudinis studium omnipotenti Deo gratum iustitiae possit esse sacrificium; quatenus et vos in ipso sperare possitis, qui dat salutem regibus¹² et potens est eripere de manu mortis: ut superinduat vos eminentiori claritate et gaudiis vitae

1. Rom. 2, 6—9. 2. 1 Timoth. 6, 17. 3. 1 Petr. 5, 6. 4. 1 Timoth. 6, 17. 5. Prov. 8, 15. 6. Sap. 6, 4. 7. Cf. Matth. 6, 20. 8. Cf. 1 Timoth. 16, 9. 9. Cf. Hebr. 10, 34. 10. Hebr. 13, 14. 11. Hebr. 11, 10. 12. Ps. 143, 10.

1077
Jun. 28

1077 Iun. 28 perennis, et de caducis honoribus quos nunc habetis transferat
vos in regnum gloriae aeternae sua; ubi nec beatitudo finem,
nec gloria corruptionem, nec dignitas habet comparationem.

Praeterea^a notum vobis fieri volumus, quod nobis quidem tacere non est liberum^b, vobis autem non^c solum ad futuram sed etiam ad praesentem gloriam valde necessarium: videlicet regnum Hispaniae ex antiquis constitutionibus beato Petro et sanctae Romanae ecclesiae in ius et proprietatem esse traditum. Quod nimirum hactenus et praeteritorum temporum incommoda et aliqua^d antecessorum nostrorum occultavit negligentia. Nam, postquam regnum illud a Saracenis et^e paganis pervasum est, et servitium, quod beato Petro inde solebat fieri, propter infidelitatem eorum et tyrannidem detentum, ab usu nostrorum^f tot annis interceptum est. Pariter etiam rerum et proprietatis memoria dilabi coepit. Verum, quia divina clementia, concessa vobis in hostes illos semperque concedenda victoria, terram in manus vestras tradidit, ulterius vos causam hanc ignorare nolumus; ne, quod supernus arbiter et legum ac iustitiae conditor de recuperanda et^g restituenda iustitia et honore sancti Petri eiusque sanctae et apostolicae sedis vestrae gloriae ad bene merendum contulit, aut nobis ex taciturnitate in negligentiae culpam aut vobis ex ignorantia quod absit ad detrimentum propositae et divinitus oblatae retributionis obveniat. Confidimus enim in misericordia Dei, qui virtutem vobis dedit et victoriam, ut hanc etiam voluntatem vobis tribuat: qua^h, cognita veritate, potius statuta christianorum principum et exempla sequamini quam eorum impietatem, qui christianum nomen magis cupiunt persequi quam venerari.

Misimus autem ad vos confratrem nostrum Amatum venerabilem Ellorensem episcopum, cui et vicem nostram ad partes illas dedimus, adiungentes sibi hunc abbatem¹ Sancti Pontii²,

a. Praeterea — retributionis obveniat leguntur etiam 2) ap. Deusdedit card. coll. can., *Borgia breve istoria del dominio temp.*, App. p. 15. b. licuit 2 pro est liberum. c. ad presentem et ad futuram 2 pro non solum — praesentem. d. om. 2. e. et paganis om. 2. f. praedecessorum excidisse videtur. g. et rest. om. 2. h. quo c.

1. Frotardum. V. Gall. Chr. VI 227. 2. Tomeriensis, d. Narbonensis.

virum venerabilem, fide et morum honestate probatum: ut, quod ¹⁰⁷⁷
 nos de insinuatione huius causae vestrae celsitudini succincte
^{fun. 28} scripsimus, ipsi vobis, si necesse sit, latius apertiusque mani-
 festent et, quantum ratio postulaverit, notitiam veritatis prae-
 senti denunciatione et certa assertione demonstrent. Quorum con-
 siliis in his, quae ad Deum pertinent et saluti animarum vestra-
 rum necessaria sunt, indubitanter potestis credere; sicut nos in
 ipsis per studium religionis et actuum suorum comprobavimus
 et vos in eorum poteritis conversatione perpendere.

Igitur, quod ad nos pertinuit aut providendum ex officio
 aut satisfaciendum^a iustitiae debito, Deo miserante fecimus. Quid
 vestrae causa salutis a vobis exigat, et quantum beato Petro apo-
 stolorum principi debeat, indicavimus^b; ne^c ignorantia obsit, nec
 sub vana securitate labentis lucis et temporis damnosa vobis
 quod absit subrepatur negligentia. Vos autem, quid vestrum sit,
 adtendite. Quid fides et christiana devotio vestri principatus ad
 imitationem piissimorum principum exequi debeat, prudenti con-
 silio pertractate disponite atque statuite. Et ita vos erga hono-
 rem beati Petri et sanctae matris vestrae Romanae ecclesiae
 promptos atque magnificos exhibete: ut vestra virtus et gloria,
 quae Deo donante illustri victoria pollet, apostolicis intercessio-
 nibus clarius fiat et excelsior; et eorum vos semper benedictio
 muniat, auctoritas a peccatis absolvat, defensio tutos et illesos
 ab omni periculo protegat, quorum potestate divinitus illis tra-
 dita universitas hominum tam in celo quam in terra ligatur et
 solvitur et coelestis regni ianua cunctis aperitur et clauditur.
 Data Carpinete 4 Kalendas Iulii, indictione 15.

a. satisfaciendo *cod.*

b. iudicavimus *c.*

c. ne *om. eod.*

EXPLICIT LIBER QUARTUS.

I N C I P I T L I B E R Q U I N T U S

REGISTRI^a GREGORII PAPAE SEPTIMIanno ab incarnatione Domini millesimo septuagesimo
septimo, indictione decima quinta.

V 1. *Canonicis S. Martini Lucensibus abiudicat praebendas ca-
nonicasque pretio acquisitas, et maiore ecclesia intranda
iis ad tempus interdicit.*

¹⁰⁷⁷
^{Aug. 11} Gregorius episcopus servus servorum Dei canonicis Sancti Martini Lucensis ecclesiae.

Meminisse debetis, quotiens et cum quanta cura vos monuerimus, apud vos manentes^b: ne^b terrena peritura commoda maioris quam animas vestras aestimantes, ita vos ad oboedientiam iustitiae exhiberetis, ut ulterius sub excommunicationis vinculo, quod in acquirendis contra apostolica decreta praebendis vos incurrisse manifestum erat, non permaneretis. Verum, ut ipsa res indicat, substantiam vestrae licet iniquae possessionis pretiosiorem quam vosmet ipsos facitis; qui, spretis admonitionibus nostris et contempta apostolica auctoritate, pro lucris temporalibus et explenda cupiditate vestra, sub maledicto anathematis, post promissam nobis satisfactionem recidivo ac deliberato praevericationis crimine, iacere non pertimescitis. Quapropter — quoniam tantae praeumptionis contumaciam et tam immanis avaritiae culpam nostra nec taciturnitate dissimulare nec patientia non modo ad vestrum sed ad illorum etiam, cum quibus communicatis, periculum diutius fovere audemus — praesenti auctoritate omnibus, qui inter vos contra apostolica privilegia beati Leonis papae canonicas pecunia adepti sunt, introitum maioris ecclesie, videlicet sancti Martini, et easdem canonicas vel praebendas ulterius retinendi licentiam et potestatem ex parte omnipotentis Dei et beati Petri apostolorum principis, usque ad

a. registri *om. cod.* b. sic *cod. pro:* ut, terrena — non aestimantes, ita cet.

1. Exeunte anno 1076 Lucae fuisse Gregorium, docui in Regestis pont. Rom. p. 423.

condignam satisfactionem, interdicimus. Data Florentiae 3 Idus ¹⁰⁷⁷
Aug. 11
Augusti, indictione 15.

V 2. *Corsos hortatur, ut Landolfo electo Pisano, legato suo,
obediant.*

Gregorius episcopus servus servorum Dei omnibus episcopis ¹⁰⁷⁷
clericis consulibus, maioribus et minoribus, in insula Corsica ^{Sept. 1}
consistentibus, salutem et apostolicam benedictionem.

Quoniam propter multas occupationes ad peragendum nostrarie sollicitudinis debitum singularum provinciarum ecclesias per nosmet ipsos visitare non possumus, necessarium valde est: ut, exigente ratione vel tempore, aliquem modo ad has modo ad illas partes mittere studeamus, per quem commissa nobis secundum voluntatem Dei repraesentetur auctoritas, et dominici gregis salus atque communis provideatur utilitas. Scimus enim, quoniam sine detimento et magno animarum periculo esse non potest, cum illius diligentia, ad quem summa negotiorum et cuiae necessitas praecipue spectat, diu subditis ac commissis sibi fratribus deest. Quapropter — considerantes et valde timentes, ne huiusmodi erga vos providentiae tandiu praetermissum studium et nobis in negligentiae culpam reputetur et vestrae saluti quod absit perniciosum aut contrarium fuerit — data primum oportunitate, misimus ad vos hunc fratrem nostrum Landolfum Pisanae ecclesiae electum episcopum. Cui et vicem nostram in vobis commisimus; ut, ea quae ad ordinem sacrae religionis pertinent rite exequens, iuxta prophetae dictum, evellat et destruat, aedificet et plantet¹. Cui vos oboedire et unanimiter assistere volumus; admonentes et apostolica auctoritate praecipientes: ut, eum cum omni caritate et honore suscipientes, talem sibi reverentiam exhibeatis, qualem ex constitutione sanctorum patrum iis exhiberi oportet, quos sancta et apostolica sedes in partem suaे sollicitudinis assumendos quibusque vicem Romani pontificis committendam esse providet^a. Data Sene Kalendis Septembribus, indictione incipiente 1.

1. Ierem. 1, 10.

a. praevidet c.

V 3. *Rodulfo Senensi et Rainerio Florentino episcopis mandat, ut Bonoisum, archipresbyterum Mantuanum, eligendum episcopum Volaterranum curent, ad seque consecrandum mittant.*

1077 Sept. 16 Gregorius episcopus servus servorum Dei Rodulfo Senensi episcopo et Rainerio Florentino episcopo salutem et apostolicam benedictionem.

Non ignorare vos credimus, quantum sollicitudinis quantumque fatigationis habuerimus, id agentes, ut in Vulterrana ecclesia secundum Deum et auctoritatem canonum utilis et idoneus eligeretur episcopus. Et quia secundum voluntatem Dei in personam Bonoisi Mantuani archipresbiteri et nostra consilia et voluntas eorum, qui de illa ecclesia sunt, convenit, apostolica vos auctoritate monemus: ut, eandem ecclesiam adeuntes, qualiter generalis electio fiat ab omnibus, procuretis; et eam, sicut moris ex antiqua sanctorum patrum traditione fuisse cognoscitis, nostra vice confirmetis. Quo facto, et res^a quam ordinate facta fuerit, nobis sine dilatione certis litteris vestris indicate, et electum pro suscipienda consecratione quantotius ad nos cum sollempni decreto cleri et populi destinate. Data Rome 16 Kalendas Octobris, indictione 1.

V 4. *Corsos laudat, quod Corsicam restituere b. Petro cogitent. Habere se in Tuscia multas copias; quas promittit auxilio iis missum iri. Monet, ut terram Landulfo electo Pisano, vicario suo, tradant.*

1077 Sept. 16 Gregorius episcopus servus servorum Dei omnibus episcopis et viris nobilibus cunctisque tam maioribus quam minoribus, in insula Corsica consistentibus, salutem et apostolicam benedictionem.

Scitis, fratres et karissimi in Christo filii, non solum vobis sed multis gentibus manifestum esse: insulam, quam inhabitatis, nulli mortalium nullique potestati nisi sanctae Romanae ecclesiae ex debito vel iure proprietatis^b pertinere; et quod illi, qui eam hactenus violenter — nichil servitii, nichil fidelitatis,

a. rem c. b. iuris proprietate cod.

nichil penitus subiectionis aut oboedientiae beato Petro exhibentes — tenuerunt, semet ipsos crimine sacrilegii et animarum suarum gravi periculo obligaverunt. Cognoscentes autem per quosdam fideles nostros et vestros amicos: vos ad honorem et iustitiam apostolici principatus, sicut oportere cognoscitis, velle reverti et diu subtractam ab invasoribus iustitiam beato Petro vestris temporibus vestrisque studiis rediberi, valde gavisi sumus; scientes, vobis hoc non solum ad praesentem sed etiam ad futuram provenire utilitatem et gloriam. Nec diffidere quidem aut quicquam in hac causa vos dubitare oportet. Quoniam — si modo vestra voluntas firma et erga beatum Petrum fides immota permanserit — habemus per misericordiam Dei in Tuscia multas comitum et nobilium virorum copias ad vestrum adiutorium, si necesse fuerit, defensionemque paratas. Quapropter, quod in hac re oportunissimum nobis visum est, misimus ad vos fratrem nostrum Landulfum, Pisanae ecclesiae in episcopum electum^a. Cui etiam inter vos vicem nostram in spiritualibus commisimus: ut terram ex parte beati Petri et nostra vice suscipiat et eam cum omni studio et diligentia regat et de omnibus rebus ac causis, beato Petro et nobis per illum pertinentibus, se intromittat. Cui vos pro amore et reverentia eiusdem beati Petri apostolorum principis oboedire et fideliter in omnibus assistere volumus et apostolica auctoritate monemus. Et ut magis securus magisque ad omnia inter vos promptus esse valeat, fidelitatem quoque, si postulaverit — praemissa tamen sancti Petri et nostra nostrorumque successorum¹ — non denegatis nec aliqua occasione sibi facere recusetis. Data Romae 16 Kalendis Octobris, inductione 1.

V 5. *Aquileiensibus legatos mittit, qui Heinricum episcopum aut confirmant aut removeant. A servitio et debita regi fidelitate impedire eos non vult.*

Gregorius episcopus servus servorum Dei clero et populo 1077 Aquileiensis ecclesiae salutem et apostolicam benedictionem. Sept. 17

1. sc. fidelitate.

a. electum addidi. Cf. ep. 2 supra p. 289.

1077
Sept. 17

Antiqua et nota sacrae institutionis est regula, non ab hominibus sed ab Iesu Christo deo et domino nostro plenissima suae sapientiae consideratione et veritatis diffinitione sancita, ipso dicente in euangelio: *Qui intrat per ostium, pastor est ovium*¹; *qui autem non intrat per ostium sed ascendit aliunde, fur est et latro*². Quapropter, quod in ecclesia diu peccatis facientibus neglectum et nefanda consuetudine corruptum fuit et est, nos ad honorem Dei et salutem totius christianitatis innovare et restaurare cupimus, videlicet: ut ad regendum populum Dei in unaquaque ecclesia exigente tempore talis et eo ordine eligatur episcopus, qui iuxta veritatis sententiam non fur et latro dici debeat, sed nomen et officium pastoris habere dignus existat. Haec quidem nostra voluntas, hoc nostrum est desiderium; hoc miserrante Deo nostrum, quoad vixerimus, indefessum erit studium.

Ceterum, quod ad servitium et debitam fidelitatem regis pertinet, nequaquam contradicere aut impedire volumus. Et ideo nichil novi, nichil nostris adinventionibus superinducere conamur; sed illud solummodo querimus, quod et omnium salus postulat et necessitas: ut in ordinatione episcoporum, secundum communem sanctorum patrum intelligentiam et approbationem, primo omnium euangelica et canonica servetur auctoritas.

Quod autem nobis de electione apud vos facta³ significastis, gratanter accepimus; et si ita rite factam esse constiterit, ut in nullo vobis sacra contradicat auctoritas, teste conscientia nostra valde gaudemus et omnipotenti Deo gratias agimus. Verum quia, sicut supra diximus, in huiusmodi causa non secundum arbitrium nostrum sed per viam et doctrinam orthodoxorum patrum incedere cupimus, misimus ad vos hos legatos nostros, harum litterarum portatores: ut causam undique diligenter inquirant et, si eum, quem vos elegisse dicitis, vita moribus et scientia ad apicem tantae dignitatis idoneum et regulariter assignatum esse perspexerint, electionem vestram, sicut iustum est, nostra vice confirment; sin autem in eo aliquid contrarium

1. Ioh. 10, 2. 2. Ioh. 10, 1. 3. de electo patriarcha Heinrico, canonico Augustensi, archidiacono Aquileiensi.

et dignum reprehensione, quominus ad episcopale regimen per-
venire debeat, invenerint, amoto illo, talem studeatis eligere
personam, quae tanto honori et officio congruat et quam nostra
per eosdem legatos repraesentata auctoritas approbare et confir-
mare debeat. Illud enim scitote: quoniam, si legalem et cano-
nicam electionem vos fecisse cognoverimus, omnia vobis et eccl-
esiae vestrae, quae apostolica debet et valet auctoritas, cum omni
caritate praesidia exhibebimus; et si quis aliter ad sedem illam
aspirare praesumpserit, procul dubio non solum contra se sed
etiam contra omnes fautores suos gladium sancti Petri et apo-
stolicae animadversionis iaculum districte vibratum et emissum
sentiet. Data Romae 15 Kalendas Octubris, indictione 1.

1077
Sept. 17

*V 6. Ecclesiae Aquileiensis suffraganeos hortatur, ut legatos
suos in ordinanda ecclesia Aquileiensi adiuvent.*

Gregorius episcopus servus servorum Dei omnibus episcopis
Aquileiensis ecclesiae suffraganeis; his, qui se vere fratres exhi-
buerunt, salutem et apostolicam benedictionem; illis vero, qui non
solum a caritate fraternitatis sed ab unitate etiam ecclesiae scis-
matica pravitate discesserunt, debitae sollicitudinis exhortationem.

1077
Sept. 17

Clerus et populus Aquileiensis ecclesiae, legatis ad nos lit-
terisque directis, nunciaverunt nobis: defuncto nuper Sichardo
episcopo suo, se archidiaconum eiusdem ecclesiae¹ in locum illius
regiminis elegisse; postulantes, ut et nos electioni eorum nostrae
auctoritatis assensum confirmationemque adhiberemus. Verum
quia rem, tantopere perspiciendam, adhuc incognitam, in prima
auditione tam subito approbare tutum non fuit, misimus illue
legatos nostros: ut causam et ordinem electionis subtili explora-
tione perquirant et, quicquid inde aut confirmandum aut repro-
bandum est, diligenti circumspectione faciant. Monemus igitur
et vos, quorum quidem multum interest, ut in hac re vestrae
sollicitudinis studium adhibeatis: quatenus auxiliante Deo talis
sit, qui in culmine tantae dignitatis praesidere debeat, ut vobis,
qui ei manus imponere debetis, non tristitiae aut periculo, sed

1. Heinricum.

1077 gaudio et honori, et commissae sibi plebi saluti esse valeat.
 Sept. 17 Vobis autem, qui, nescio an timore aut qua occasione seducti, manus et linguas vestras novo et inaudito scismate polluistis et ob hoc in laqueum anathematis incidistis, seorsum dicimus: quoniam — si in praefata Aquilegiensi ecclesia aliquis dignus et idoneus in episcopum, vobis sincera voluntate annitentibus, electus fuerit — cum consilio illius et eorum fratrum, qui in sinu sanctae matris ecclesiae firmiter perstiterunt, quantam sub obtentu divinae gratiae potuerimus, misericordiam vobis exhibere et erratus vestri pondus, quantum Deo solaciante audere et posse dabitur, portare parati sumus. Sin autem vos contra hoc niti et impedimenti obiectiones querere et invenire cognoverimus, in eam autem partem consentire, ut contra divinam et canonicam auctoritatem quispiam sibi sedis illius occupationem praesumat; procul dubio et ille dignam suae iniquitatis mercedem inveniet, et de vobis sancta et apostolica sedes, quanto provocata gravius, tanto culparum rationes exiget districtius, iudicabit acerbius. Data Rome 15 Kalendas Octobris, indictione 1.

V 7. *Udoni archiepiscopo Trevirensi et suffraganeis eius de suo pacis regni Teutonicorum restituendae desiderio scribit. Mittit exemplum sacramenti ab Heinrico IV facti; contra quod legatos suos captos esse queritur^a.*

1077 Gregorius episcopus servus servorum Dei dilectis^b in Christo
 Sept. 30 fratribus Udoni Trevirensi archiepiscopo et eius coepiscopis suffraganeis salutem et apostolicam benedictionem.

De motu et perturbatione regni Teutonicorum quantam sollicitudinem quantamque iam per longum tempus anxietatem sustinuerimus, ille prae omnibus novit, qui omnium secretorum cognitor est et inspector verus. Cui etiam, si tales exaudire dignatur^c, multas supplicationes fecimus et faciemus, commonitis et exoratis multis fratribus et religiosis congregationibus ad studium earundem supplicationum: ut miseretur gentis illius, nec

a. Legitur etiam 2) in *Udalrici Babenberg. cod. n. 151, ap. Ecardum Corp. hist. II* 154. b. dilectis — fratribus recipi ex 2. c. an dignetur? Cf. *Iudith* 5, 5.

sineret eam in propria armari viscera, et ad ruinam domesticae fortitudinis in bello configere; sed totius discordiae causas sua potenti virtute compeseret, sua moderatione sine funesto et luctuoso fine componeret. Litteras quoque^a iam ante tres menses et eo amplius illuc direximus, videlicet legatis nostris Bernardo diacono nostro et item Bernardo religioso Massiliensi abbati¹ — quem captum esse audivimus — nec non et universis principibus^b terrae, tam ecclesiasticis quam secularibus personis²; in quibus, quod nobis ad evitandam cedem incendia et alia bellorum pericula optimum et in tanti negocii diffinitione iustissimum videbatur, eos consulendo et hortando cum omni studio exequi admonuimus et, ut fortius insisterent, apostolica auctoritate ininximus. Verum, quia nobis non satis compertum est, utrum ad vos pervenerint illae litterae, aut, si perlatae sint, ne forte de earum veritate aliquid dubitetis, easdem vobis, de nostris exemplaribus rescriptas, mittere curavimus; admonentes vos et per veram oboedientiam praecipientes: modis^c omnibus operam detis, ut^d causa, secundum sententiam earum litterarum pertractata, finem accipiat.

Misimus etiam vobis sacramentum, quod rex Heinricus nobis per fideles suos quosdam fecit³, data quidem propria manu sua in manum abbatis Cluniacensis⁴; ut perfecto eo cognoscatis^e, quam recte quamque honeste pro suo nomine se erga nos habuerit. Quippe a cuius fidelibus legati nostri postea capti sunt; videlicet Geraldus Ostiensis episcopus in Longobardia⁵, Bernardus abbas Massiliensis in terra Teutonica⁶. Unde eum nichil adhuc digni fecisse cognovimus. Quamquam nos nunquam eum in aliqua causa Deo providente hac occasione contra iustitiam circum-

a. quippe 2. b. illius add. 2. c. ut modis 2. d. quatinus 2.
e. agnoscatis 2.

1. L. IV ep. 23 supra p. 275. 2. L. IV ep. 24 supra p. 277.
3. 1077 Ian. 28; supra p. 258. 4. Hugonis. 5. Geraldus a Dionysio episcopo Placentino captus est. V. Bertholdi annal. 1077 et Bernoldi chron. 1077, Mon. Germ. SS. V 290 et 433. 6. Bernardum abbatem Massiliensem ab Udalrico comite Lenzburgensi captum esse, tradiderunt Bertholdus in annal. 1077 et Bernoldus in chron. 1077, p. 297 et 434.

1077
Sept. 30

1077 Sept. 30 venire aut gravare velimus; sicut etiam post ceptum negocium nunquam apud nos aut precibus aut aliqua ostentatione amici-
tiarum vel inimicitiarum obtainere potuit, ut quicquam pro eo,
praeter quod iustum videretur, dicere vel censere vellemus. Atque
in ea re, quoad vixerimus, incunctanter Deo adiuvante persistere,
nullo periculo vitae vel mortis deterrebitur.

Agite ergo, dilectissimi fratres, ut appareat, quantum liber-
tatem ecclesiae et communem salutem omnium diligatis; scientes,
quoniam, si causa neglecta fuerit et ad graviorem quod absit
exacerbationem venerit, non solum genti vestrae et regno Teu-
tonicorum, sed, quoad fines christianitatis sunt, damna pericula
confusionem et inaestimabiles miseriarum causas pariet. Data^a
Romae 2 Kalendas Octubris, indictione 1.

V 8. *Richerio Senonensi et Richardo Bituricensi archiepiscopis
eorumque suffraganeis mandat, ut Rainerium episcopum
Aurelianensem evocent. Si non venerit nec crimina dilue-
rit, eo demoto, Sanzonem subrogent.*

1077 Oct. 6 Gregorius episcopus servus servorum Dei Richerio Seno-
nensi archiepiscopo et Richardo^b Biturigeni eorumque suffraga-
neis salutem et apostolicam benedictionem.

Sicut quorundam vestrum novit fraternitas, multis iam cla-
moribus multisque litteris elaboravimus, ut Aurelianensis ecclesia
ad pristinum suae nobilitatis statum revocaretur. Sed peccatis
ut credimus populi promerentibus, ita pseudoepiscoporum ibidem
occupatio praevaluit, quod adhuc omnino spinas confusionis suae
extirpare non potuimus. Quanta enim inobedientia Rainerius,
dictus eorum episcopus, contra auctoritatem sedis apostolicae se
armaverit et in quantam confusionem^c quantumque detrimentum
ecclesiam illam perduxerit, licet vos scire non dubitemus^c, quos-
dam tamen excessuum suorum religioni vestrae nominatim dicere
procuravimus. Dicitur siquidem, legitimam aetatem non ha-
bens, contra decreta sanctorum patrum sine idonea cleri et po-

a. Data — ind. 1 om. 2.

b. quanta confusione cod.

c. dubitamus cod.

1. II.

puli electione ecclesiam invasisse. Dicitur etiam huic iniquitati ¹⁰⁷⁷
 illud addidisse, ut in promotione clericorum, archidiaconatus et
 abbatias per negociationem vendendo, nullam honestatem nul-
 lumque Dei timorem servaverit. Super hoc etiam, bis et ter
 fraterna caritate a nobis vocatus, non solum ad nos venire ne-
 glexit sed etiam aliquem, qui eum de obiectis legitime excusaret,
 mittere contempsit. Et a nobis interdictus, quin immo a com-
 munione corporis et sanguinis Domini separatus, officium episco-
 pale celebrare non timuit. Benedictum etiam, deferentem litteras
 nostras, in captione suorum ad contemptum apostolicae sedis
 diu^a affici permisit. Quapropter, iniquitatem eius deinceps non
 ferentes, apostolica auctoritate vobis praecipimus: ut ad exami-
 nationem actuum suorum in locum quem magis aptum^b proba-
 veritis conveniatis; ad quem prius litteris vestris eum convocetis;
 ibique de supra dictis vobis respondeat et, si potest, se innocen-
 tem reddat. Quodsi forte, in superbia sua permanens, infra
 quadraginta dies admonitionis^c venire contempserit aut viens de
 omnibus supra dictis canonice se non expurgaverit, iudicio sancti
 Spiritus et auctoritate apostolica sententiam damnationis et depo-
 sitionis sine omni spe restitutionis in eum promulgamus. Quam
 vos sicut decet sequentes, per aures circumstantis populi diffundite;
 et Sanzonem istum, de quo vos mihi scripsistis, qui beati Petri
 consilium et nostrum expetiit, in loco illius depositi secundum
 Deum subrogate. Data Romae 2 Nonas Octobris, indictione 1.

V 9. *Rainerium episcopum Aurelianensem de superiore epistola certiorem facit.*

Gregorius episcopus servus servorum Dei Rainerio, dicto ¹⁰⁷⁷
 Aurelianensi episcopo. ^{Oct. 6}

Licet non alias nisi damnationis litteras ab apostolica sede
 iam ex longo tempore inobedientia tua promeruerit^d, nos tamen,
 ex radice infructuose mentis tuae aliquid boni in vanum excu-
 tere temptantes, hanc nostram tibi curavimus mittere legationem,
 videlicet: ut in praesentiam^e confratrum nostrorum Richerii Seno-

a. vi excidisse videtur. b. abutum c. c. nostrae receptae excidisse videtur.
Cf. ep. 9 infra. d. promeruit cod. e. praesentia c.

1077 nensis archiepiscopi et Richardi Biturigensis nec non suffraga-
 Oct. 6 neorum suorum et aliorum religiosorum qui Deum timeant, re-
 sponsurus de obiectis, venias. Quibus litteras nostras misimus,
 ut ipsi in eo loco, quem magis abilem et aptum probaverint,
 convenient et causam tuam diligenter perquirant; terminum
 autem examinandi huius negotii infra quadraginta dies post re-
 ceptionem litterarum nostrarum praefigimus. Et quia de obicien-
 dis tibi cautum te atque providum reddere volumus, ea tibi ante
 pertractationem negotii insinuamus. Diceris siquidem, legiti-
 mam aetatem non habens, contra decreta sanctorum patrum sine
 idonea cleri et populi electione te eis inieccisse. Diceris etiam
 huic iniuritati illud addidisse, ut in promotione^a clericorum, ar-
 chidiaconatus et abbatias per negociationem vendendo, nullam
 honestatem nullumque Dei timorem servasses^b. Super hoc etiam,
 ut nobis videtur, bis et ter fraterna caritate a nobis vocatus,
 non solum ad nos non venisti, sed etiam aliquem, qui te de
 obiectis iuste excusaret, mittere contempsisti. Suspensus etiam
 ab episcopali officio et a communione corporis et sanguinis Do-
 mini, publicas missas celebrare non timuisti. Clericum etiam,
 deferentem litteras nostras, diu in captione tuorum ad contem-
 ptum apostolicae sedis vi^c affici permisisti. Quapropter, si
 cognoscis te super his omnibus inculpabilem, ad conventum con-
 fratrum nostrorum adire atque respondere nulla ratione praeter-
 mittas. Quodsi, in superbia tua permanens, aut illuc venire
 contempseris aut veniens de his omnibus canonice te non ex-
 purgaveris, iudicio sancti Spiritus et auctoritate apostolicae sedis
 sententiam damnationis sine omni spe restitutionis in te promul-
 gamus. Data Romae 2 Nonas Octobris, indictione 1.

V 10. *Haraldo Hein regi Danorum scribit de mutuis inter pa-
 trem eius ecclesiamque Romanam officiis. Hortatur, ut pau-
 peribus, pupillis, ecclesiis consulat, legatosque ad se mittat.*

1077 Nov. 6 Gregorius episcopus servus servorum Dei ... regi Danorum¹
 salutem et apostolicam benedictionem.

a. promotiones cod.

b. servasse cod.

c. diu c.

1. Haraldo Hein.

Sancta et universalis mater nostra, Romana scilicet ecclesia,
1077
Nov. 6
 quanta dilectionis et amoris instantia erga patris tui¹ curam et honoris sui sollicitudinem invigilaverit, te plene nosse nec tui memoria excidisse dubitamus; videlicet cum ipse reminisci poteris, quam puram semper et in omnibus servitutis et debitae oboedientiae reverentiam circa beati Petri apostoli honorem exhibuisset. Suis nanque temporibus, ut apostolica testatur ecclesia, tam devotum tam fidum tamque unicum in amoris sui studio fuisse filium novimus, ut pene in regibus nullus inveniretur secundus. Et ni diabolico instinctu, incentivas vitiorum illecebras inhians^a, corporis sui frena laxasset, inter optime Deo placentes reges illum celicas sedes^b nequaquam dubitaremus. Sed quoniam credimus, apostolis quibus fidelis extitit opitulantibus, Domini illum misericordia et gratuita pietate lamenta poenitentiae ante vitae suae finem contrito corde arripuisse, veniam posse consequi non dubitamus, immo, sui memores in orationibus nostris, sibi concedi caritatis affectu rogamus. Et te, ut optimum decet filium, ei succurrere largis elemosinarum subsidiis et ecclesiarum orationibus hortamur. Decet enim, ut, qui te sui corporalis et secularis regni seu honoris heredem ut bonus pater reliquit, spiritualibus auxiliis, prout esse poterit, non videatur fraudari; quatenus res, quas^c tibi decus paterni ministrat regni, manibus pauperum delatae celo, patri conferant auxilium requiei.

Nunc vero, fili karissime, apostolica te invitatione monemus, ut patris tui fidem et dilectionem, quam erga apostolicam gessit ecclesiam, corde prospicias, fide intendas, mente advertas; et sic te filium Petri apostoli exhibeas: quatenus, sereno te vultu conspiciens, in hereditatem superni regni, in locum piae retributionis, ut dignam sobolem, introducat. Si vero te devotum prospexerit, profecto, vocem pii sui magistri assumens, dicet: *Volo ut, ubi ego sum, et hic sit mecum^d*; sic enim^d a Domino

a. imitans c. b. obtinuisse vel inhabitare *excidisse videtur*. c. que cod.
 d. eum *excidisse videtur*.

1. Sueini II (Estrithson). 2. Ioh. 17, 24.

1077 Nov. 6 potestatem accepisse credimus, ut, quem ligaret, ligatus, et quem solveret, in coelis esset solutus. Et idcirco iterum iterumque monemus, ut te ita dignum acceptabilemque, prout fragilitas humana permiserit, Domino concedente omni annisu perficere satagas, ut tam praesentis quam etiam futuri regni sublimitatem obtinere valeas. Quodsi forte pater etiam tuus diabolo suadente aliqua incurrit animae detrimenta, coelum potius, immo coeli dominum hortamur adtendas quam terram, et contra ea tui creatoris invincibilia arma corde puro exposcas; quatenus et profectu apostolici filii laetemur, et tuis comparibus regibus incitamenta preebere virtutum.

Monemus insuper, karissime, ut tibi commissi a Deo regni honorem omni industria sollertia peritiaque custodias. Sit vita tua digna, sapientia referta, iustitiae et misericordiae condimento saleque condita, ut de te vera sapientia quae Deus est dicere queat: *Per me rex iste regnat*¹. Pauperum et pupillorum ac viduarum adiutor indeficiens esto; sciens pro certo, quoniam ex his operibus et condimentis amor tibi reconciliatur Dei.

Audivimus insuper nec dubitamus, quod Dei ecclesia, quae mater et domina nostra est, sicut in multis aliis terrarum partibus, ita in vestris ab iniquis hominibus et diaboli membris comprimatur et non, ut decet, tueatur et veneretur. Ad cuius auxilium et tuitionem in omnibus et super omnia te invigilare volumus et paterne monemus. Nam talibus non resistere, quid aliud est quam fidem negare? Quapropter monemus te^a et obsercamus: ut — posthabito omni humano odio, invidia postposita et, iam si incubuerit, morte — eam eruere protegere fovere tueri et ab insidianum faucibus luporum eripere pro posse labores; sciens pro certo, quod nullam orationem nullumque gratius sacrificium in supremi arbitri oculis poteris offerre. Votum insuper nostrum tale Deo teste est: quod saepe velimus nuncios tuos videre; per quos possemus tui salutem, animae videlicet et corporis, plenius agnoscere et te mutua vice, prout Deus concederet, apostolicis institutionibus excitare. Omnipotens Deus, a

1. Prov. 8, 15.

a. te addidi.

quo bona cuneta procedunt, meritis beatissimorum apostolorum 1077
 Petri et Pauli te, karissime fili, custodiat et sua virtute et pie-
 tate corroboret, quatenus sic in ipso temporalia administrare
 valeas, ut post huius vitae metam aeterni regni gloriam optinere
 merearis. Data Romae 8 Idus Novembris, indictione 1.
Nov. 6

V 11. *Hugonem episcopum Diensem laudat, quod Robertum monachum, Carnotensi ecclesiae praefectum, deiecerit. Ut Robertus, abbas S. Euphemiae, episcopus fieret, regem a se petuisse. Quid Carnotenses sentiant, audire cupit.*

Gregorius episcopus servus servorum Dei Hugoni Diensi 1077
 episcopo salutem et apostolicam benedictionem.

Quid de negocio Carnotensis ecclesiae actum sit, tua relatione, remota omni ambiguitate, sicut oportuerat, cognovisse vellemus. Pervenit enim ad aures nostras, te excommunicasse et inrecuperabiliter deposuisse quendam iuvenem¹, illuc indigne appositum pro episcopo. Quod quidem, si ita est, nobis multum placet, et praesenti auctoritate confirmamus. Caeterum fraternitati tuae notum esse volumus, Philippum regem Francorum iterata missione postulationem ad nos direxisse pro Roberto, abate monasterii sanctae Eufemiae de Calabria — qui et hoc in anno, cum in Longobardia eramus, per nos transivit in Franciam — ut eum ad regimen Carnotensis ecclesiae episcopum probaremus et ordinaremus. Reversus est etiam ille idem Robertus abbas ad nos, dicens: se donum episcopatus offerente rege refutasse, nec quicquam inde sine nostro consilio facere voluisse vel facturum esse. Veneruntque cum eo duo clerci praefate ecclesiae, referentes nobis et multum affirmantes: pene omnium qui de eadem ecclesia sunt maiorum et meliorum voluntates in hunc convenisse; non tamen aliquam de eo electionem factam esse. Verum quia, sanctorum patrum statuta sequi et observare cupientes, nichil de eo aut de promotione eius sine electione ecclesiae nobis probandum esse iudicavimus; nec id ipsum, quod isti nobis de voluntate absentium referebant, satis constabat;

1. Robertum, monachum. V. L. IV ep. 14 et 15 supra p. 261 et 262.

1077 prudentiam tuam admonemus: ut ecclesiam illam aut per te aut per fidelem et probatam tibi personam visitare studeas, et voluntatem omnium tam maiorum quam minorum super hac re diligenti inquisitione cognoscas. Quodsi causam ex omni parte divina miseratione et dispensatione ita coaptari^a posse videris, ut illorum in hoc, quem supra diximus, abbate^b voluntas libera, consideratio prudens, electio canonica et sanctorum patrum regulis consonans dinoscatur, quam citissime nobis certa litterarum tuarum significatione indicare procures; ut, quae ad effectum huius dispensationis necessaria sunt, Deo auctore exequi et implere possimus. Sin autem aliter aliquid inveneris, quod et causa potior et ratio probabilior administret, itidem nobis notificare non differas; quatenus, in quo oporteat, nobis et ecclesiae prouidere ac salubriter, Deo adiuvante, quod officii nostri est, impendere valeamus.

V 12. *Michaeli regi Serblorum respondet, statui non potuisse de vexillo pallioque ecclesiae Ragusanae petitis. Iubet Petrum episcopum Antibarensem ad se venire, ut lis diadicetur inter Spalatinum et Ragusanum.*

1078 Gregorius episcopus servus servorum Dei Michaheli Sclavorum⁹ regi salutem et apostolicam benedictionem.

Cognoscat debitae tuae devotionis circa sedem apostolicam reverentia: Petrum, apud vos dictum nostrum legatum, adhuc ad^c nostram non advenisse praesentiam; suas tamen misisse litteras, quae ita a^d vestris dissonantes existunt, quod vestram causam seu Ragusanae ecclesiae penitus finire nequivimus. Quapropter Petrum Antibarensem episcopum atque Ragusanum sive alios idoneos nuncios ad nos mittere oportet, per quos de lite, quae est inter Spaletanum archiepiscopum² ac Ragusensem^e, iustitia^f possit inquiri ac canonice diffiniri, tuique regni honor a nobis cognosci. Tunc vero, re cognita, tuae petitioni iuste satis-

a. coaptare c. b. abbatem cod. c. ad om. cod. d. a addidi.
e. Raguensem c. f. dictante excidisse videtur.

1. Serblorum. V. Farlati Illyricum sacrum III 150. 2. Laurentium.

facere, secundum quod cupimus, valebimus; ac te^a in dono vexilli 1078
et in concessione pallii, quasi karissimum beati Petri filium,^{Ian. 9}
dictante rectitudine audiemus. Data Romae⁵ Idus Ianuarii,
indictione 1.

V 13. *Guiberti archiepiscopi Ravennatis et aliorum temeritatem
reprehendit, eosque ad synodum vocat.*

Gregorius episcopus servus servorum Dei Guiberto Raven- 1078
nati archiepiscopo omnibusque suffraganeis eius et universis epi-^{Ian. 28}
scopis et abbatibus in marchia Firmana et Camerina et in Pen-
tapolim et Emilie et Longobardiae partibus constitutis.

Salutem vobis cum apostolica benedictione libenter mitte-
remus, si vestrae temeritati sanctorum patrum auctoritas non
obstitisset. Quam graviter enim, ultra quam christianos oport-
eret, beatum Petrum apostolum eiusque sanctam Romanam
ecclesiam, vestram utique omniumque fidelium matrem, offend-
sam atque commotam reddidistis, Deus est testis sanctorumque
patrum regula vestraque conscientia. Sed quoniam humanum
est peccare, Deique est peccantibus conversis veniam tribuere;
ipsa, quae eiusdem Dei et domini sanguine fundata est, ecclesia
ad gremium suum redire vos adhuc ut mater expectat; nequa-
quam in vestra crassari desiderat nece, immo vestrae cupit sa-
luti occurtere. Quapropter, moti tam vestra quam omnis gregis
Christi vobis commissi salute, ex omnipotentis Dei parte et Ro-
manae ecclesiae, universalis videlicet matris, apostolica auctori-
tate monemus et invitamus vos: ut ad synodum, quam Deo
auctore in proximo venturae quadragesimae prima ebdomada¹
celebraturi sumus, conveniatis; scientes, vos securos fore ab
omni laesione vitae et membrorum rerumque vestrarum et ab
omni seculari iniuria, eorum scilicet, quos constringere poter-
imus. Sciatis etiam: quod apud nos nullius unquam odium aut
preces seu turpis iactantia locum optinere poterit, quo contra
vos in aliquo iniustitiam exercere possit; immo, rigorem iustitiae
prout possumus temperantes, indulgere vobis, quantum sine de-

1. Febr. 25 — Mart. 3.

a. te addidi.

1078 Ian. 28 trimento animarum vestrarum et nostro periculo poterimus, parati sumus. Desideramus enim potius Deo teste vestrae saluti et populi vobis crediti consulere, quam nostro saeculari commodo in aliquo providere. Data Romae 5 Kalendas Februarii, indictione 1.

V 14. *Aurelianensibus scribit, de Sanzone, quem episcopum electum nuntiaverint posteaque accusaverint, in aliud tempus reservatam sententiam esse. Praecipit, interim ut debitum illi honorem praestent.*

1078 Ian. 29 Gregorius episcopus servus servorum Dei clero et populo Aurelianensis ecclesiae salutem et apostolicam benedictionem.

Litteras a vobis delatas apostolicam sedem accepisse, non ignorare vos credimus, quibus electio episcopalnis, facta in Sanzone ecclesiae vestrae clerico, intimabatur. Quibus, quoniam honestatem eius iam pridem agnovimus, fidem accommodare assensumque praebere parati fuimus. Sed quoniam, quo instinctu actuve^a nescimus, inopinatae litterae, nichil priorum sensus habentes immo contraria sentientes, ad nostram praesentiam delatae sunt, nostram diffinitivam sententiam — ne facere aliquid super hoc negocio praecipitanter et inordinate videremur — quoad usque vobis aut nuncium seu litteras nostras^b per quod omnia eiusdem negotii acta plenius cognoscamus, suspendere dignum duximus. Tamen unum vos scire volumus: quod clericos illos, qui a vobis litteras nobis detulerant quique Sanzoni contraria sentiebant, una cum praenominato Sanzone coram episcoporum nostrorum praesentia diligenter perserutari fecimus; quatenus, utriusque partis veritate percognita, quid improbandum esset^c, obiurgaremus^d, quidve approbandum, laudassemus. Tandem paene^e omnia, quae sui emuli sibi obiecerant, Sanzo ipse confutans, sibi magis favere iustitiam, nobis dignis assertionibus demonstravit. Verum — quia nichil super hoc negocio aliisque suis causis absque nostro apostolico consensu consiliove

a. Sed quoniam instinctu quo actuve cod. b. quae hoc loco excidisse patet,
uno verbo mittamus omnino suppleri, non concesserim Giesebrichto (de emend. p. 38).
c. esset addidi. d. abigeremus cod. e. poene c.

agere cupit, immo se suaque omnia sub tutela sedis apostolicae constituit — quantum sibi iuste subvenire Domino concedente possumus, non denegamus. Interea apostolica mansuetudine tam vos quam ceteros, ubicunque possessionem habet, monemus et auctoritate^a praecipimus: ut omnem honorem omnemque reverentiam sibi exhibere non denegatis, ac eum cum omnibus, quae sua sunt, tute et sine omni molestia seu inquietudine manere permittatis; scientes, quod, si aliter feceritis — quod non credimus — ac ei honorem reverentiamque substraxeritis et eum et quae sua sunt quiete et secure manere minime permiserritis, ita in vos, sicut in hostes nostros et apostolicae sedis adversarios, vindictam et apostolicae ultionis gladium exeremus. Nos vero cum praedicto viro Sanzone Deo iuvante tale consilium adinveniemus, quod honor vestrae ecclesiae et utilitas in omnibus melius quam solito vigebit. Data Romae 4 Kalendas Februarii, indictione 1.

V 14 a. Acta concilii Romani.

Concilium.

Anno ab incarnatione Domini millesimo septuagesimo octavo, 1078 pontificatus vero domni Gregorii papae septimi anno 5, celebravit ipse dominus Gregorius papa synodum, ubi interfuerunt archiepiscopi et episcopi diversarum urbium fere numero centum, nec non et abbatum ac diversorum ordinum clericorum et laicorum innumerabilis multitudo. In qua, apostolica constituta corroborans, multa quae corrigenda erant correxit et quae corroboranda firmavit.

Inter caetera nanque in fine synodalis absolutionis haec annexuit, et perpetuae memoriae pro posteris scribenda mandavit, ita dicendo: *Tedaldum dictum archiepiscopum Mediolanensem et Ravennatem Guibertum, inaudita heresi et superbia adversus hanc sanctam catholicam ecclesiam se extollentes, ab episcopali omnino suspendimus et sacerdotali officio; et olim iam factum anathema super ipsos innovamus. Arnulfum Cremonensem,*

^{a.} beati Petri excidisse videtur.

1078 Mart. 3 *publice coram nostra praesentia convictum et confidentem se symoniacum, ab omni episcopali officio absque spe recuperationis deponimus, et usque ad dignam satisfactionem anathemate percutimus. Rolandum vero Tarvisiensem, qui pro adipiscendo episcopatus honore subdolus factus legatus^a, inter regnum et sacerdotium scisma facere non abhorruit^b, ut a modo et usque in seculum episcopali careat dignitate, apostolica censura censemus; et ut nullus successorum nostrorum suae consecrationi aliquo modo consentiat, modis omnibus prohibemus; et perpetuo eum anathemate alligamus, nisi resipuerit et digne Deo satisfecerit.*

Ugonem cardinalem tituli sancti Clementis — tertio ab apostolica sede damnatum, eo quod aspirator et socius factus haeresis Cadaloi Parmensis episcopi, et iterum, constitutus legatus apostolicae sedis, haereticis et symoniacis et ab apostolica sede damnatis se coniunxit, et tertio factus apostata et heresiarcha, scismata et divisiones atque scissuras in ecclesia Dei, temptans eam scindere, fecit — ab omni sacerdotali officio privamus, et tam ab ingressu et honore praedictae ecclesiae, quam omnium ecclesiarum, sub perpetua et inrevocabili sententia submovemus, et usque ad satisfactionem anathemate percutimus.

Renovamus etiam excommunicationem a praedecessoribus nostris factam super Guifredum archiepiscopum Nerbonensem, et absque ulla recuperationis spe ab episcopali officio eum submovemus.

De causa regis.

Et quoniam^c lis et perturbatio^d regni in maximum sanctae ecclesiae periculum et detrimentum cotidie redundare cernimus, placet nobis elaborare pro viribus: quatenus idonei tam religione quam etiam scientia pollentes nuncii e latere apostolicae sedis ad partes illas mittantur, qui omnes religiosos et iustitiae amatores, in Teutonici regni partibus commorantes, clericalis et laicalis ordinis viros et ad hoc opus idoneos, convocent; cum quibus, Domini gratia praeceunte, aut finem et pacem iuste componant aut,

a. legatus addidit manus alia. b. oborruit cod. c. Et quoniam — conterantur leguntur etiam ap. Paulum Bernridensem c. 99. d. sic pro litem et perturbationem.

veritate percognita, cui parti magis iustitia faveat, ad plenum addiscere valeant; quatinus pars iniusta resipiscat, et, apostolica auctoritate munita, iustitia vigoris et auctoritatis robur optineat. Verum quoniam nonnullos, diabolico instinctu collectos, tyrannidis suaे facibus accensos, turpis lucri avaritia mancipatos, discordiam potius quam pacem fieri et videre desiderantes fore non ignoramus, statuimus: ut nulla unquam persona alicuius potentiae, sive rex aut archiepiscopus episcopus dux comes marchio sive miles, aliqua praesumptione temerariove ausu, fraude dolore seu aliqua perturbatione, legatis nostris obsistere et contraire, ne iustitiam et finem componant, pertemptet^a. Quicunque autem temerario ausu, quod non optamus, huius nostrae constitutionis violator extiterit, legatisque nostris ad hanc pacem componendam euntibus praenominatis fraudem obponere temptaverit, vinculo eum anathematis alligamus, et non solum in spiritu verum etiam et in corpore et omni prosperitate huius vitae apostolica potestate innodamus, et victoriam eius^b armis auferimus; ut sic saltem confundantur et duplice confusione et contritione conterantur.

Item: Rainerio vero Ugizzoni filio induitias trium ebdomadarum damus. Quodsi in spacio isto coram praesentia nostra aut per se aut per legatos suos iustitiam facere noluerit — eo quod fratrem suum manu sua interemit et multa periuria ut scelestus incurrere non abhorruit, et cognatam suam et pupillos, liberos utique fratri sui, castra eorum diripiendo et praedia, contra animae suaे periculum vexare non desinit — transacto praenominato termino, anathemate eum alligando percutimus.

Et filium comitis^c, datus induitius usque in palmas¹, simili excommunicatione innodamus, eo quod Lucensem ecclesiam quiete manere, sua diripiendo, minime permittit.

Excommunicamus omnes Normannos, qui invadere terram Sancti Petri laborant, videlicet marchiam Firmanam, ducatum Spoletanum; et eos, qui Beneventum obsident, et qui invadere et depraedari nituntur Campaniam et Maritimam atque Sabinos; nec non et qui temptant urbem Romanam confundere.

1. Apr. 1. a. pertemptent c. b. sequitur in *in cod.* c. sequitur *litura.*

1078
Mart. 3

*Episcopos vero, qui, acceptis epistolis nostris aut cognitis,
neque per se neque per canonicam excusationem ad praesentem
synodum venerunt, ab episcopali suspendimus officio. Et qui-
cunque eorum, seu episcopus sive presbyter, praedictis Norman-
nis, donec excommunicati fuerint, divinum officium fecerit, a
sacerdotali officio eum^a perpetuo summovemus.*

*Abbatis Farfensi¹ octo similiter dierum indutias concedimus;
post quem terminum eum^a, nisi ad emendationem venerit, excom-
municamus et ei corpus et sanguinem Domini interdicimus, ab-
batisque ordine in perpetuum carere eum censemus.*

*Et quoniam Dei iudicio nonnullos naufragio perire cognoscimus et eos, quasi legali iam iure, diabolico immo instinctu,
ab his, a^b quibus misericorditer sublevari et consolari deberent, de-
praedari conspicimus, statuimus et sub anathematis vinculo, ut
a praedecessoribus nostris statutum est, iubemus: ut, quicumque
naufragum quemlibet et bona illius invenerit, secure tam eum
quam omnia sua dimittat.*

*Ordinationes^c vero illorum, qui ab excommunicatis sunt
ordinati, sanctorum patrum sequentes vestigia, irritas fieri cen-
semus^d. Iterum^e, sanctorum^f praedecessorum nostrorum statuta
tenentes, eos, qui excommunicatis^g fidelitate aut sacramento con-
stricti^h sunt, apostolica auctoritate a sacramento absolvimus et,
ne sibi fidelitatem obseruent, omnibus modis prohibemusⁱ.*

*Et quoniam^k multos, peccatis nostris exigentibus, pro causa
excommunicationis perire cotidie cernimus partim ignorantia,
partim etiam nimia simplicitate, partim timore, partim etiam^l
necessitate, devicti misericordia, anathematis sententiam ad tem-
pus, prout possumus, oportune temperamus. Apostolica nanqueⁱ*

a. eum addidi. b. a addidi. c. Ordinationes — in ecclesia domini Salvatoris
leguntur etiam 2) ap. Hugon. Flaviniac., Mon. Germ. SS. VIII 442. d. censuimus 2.
e. om. 2. f. iuraverunt add. 2. g. constricti — sacramento om. 2. h. nimia
add. 2. i. itaque 2.

1. Berardo I. 2. „Nos sanctorum — prohibemus“ leguntur etiam
in Decreto Gratiani, P. II c. 15 qu. 6 can. 4. 3. in Gratiani decret. l. l.
addita haec sunt: „quousque ipsi ad satisfactionem veniant“. 4. „Quo-
niam multos — non prohibemus“ leguntur in Gratiani decr. P. II c. XI
qu. 3 can. 103.

auctoritate ab anathematis vinculo hos subtrahimus: videlicet uxores liberos servos ancillas seu mancipia nec non rusticos et servientes et omnes alios, qui non adeo curiales sunt, ut eorum consilio scelera perpetrentur, et illos qui ignoranter excommunicatis communicant, seu illos qui communicant cum eis, qui communicant excommunicatis. Quicumque autem aut^a orator sive peregrinus aut viator in terram excommunicatorum devenerit^b, ubi non possit emere vel non habet unde emat, ab excommunicatis accipiendi licentiam damus. Et si quis excommunicatis non pro^c sustentatione superbiae sed humanitatis causa aliquid dare voluerit, fieri^d non prohibemus.

Actum Romae^e in ecclesia domini Salvatoris^f 5 Nenas Martii, indictione 1.

V 15. *Teutonicis significat, de pace componenda legatos missum iri. Quibus qui impedimento fuerint, eos anathematizat. Praemittit nuntium, qui de tempore locoque conventus constituat^g.*

Gregorius episcopus servus servorum Dei archiepiscopis 1078
episcopis clericis^h ducibus principibusⁱ marchionibus^k omnibusque Mart. 9
maioribus et minoribus in Teutonico regno constitutis — exceptis his^j, qui canonica excommunicatione tenentur — salutem et apostolicam benedictionem, si^m decretis Romanae ecclesiae oboedierint.

Notum vobis fieri volumus, fratres karissimi, quod in ea synodo, quam nuper Rome celebravimus, inter multa alia, quae de statu sanctae ecclesiae Deo cooperante peregrimus, de ruina et confusione nobilissimi regni vestri diligenter tractantes, hoc salutiferum et oportunum pro reparatione pacis vestrae fore putavimus: ut religiosi legati apostolicae sedis ad partes vestras dirigantur, qui archiepiscopos episcopos et religiosos clericos nec

a. om. 2. b. venerit 2. c. pro om. 2. d. fieri om. 2. e. Romae om. 2.
f. quae appellatur Constantiniana add. 2. g. Legitur etiam 2) ap. Paulum Bernrid.
c. 100, Pont. Rom. Vit. ed. Watterich I 533, 3) ap. Hugon. Flavin., Mon. Germ. SS.
VIII 448. h. om. 3. i. om. 2 k. comitibus add. 2. l. is cod. m. si —
obedierint om. 2. 3.

1078 non laicos ad id idoneos in loco, qui utriusque parti abilis et con-
 Mart. 9 gruuus sit, convenire commoneant^a, ut aut pacem Deo auxiliante
 inter vos componant aut, cui parti iustitia faveat, veraciter ad-
 discant. Nam in eadem synodo diffinitum est, quod^b nos contra
 eam partem, quae pacem fastu superbiae refutaverit et cui iu-
 stitia non faverit, omni conamine omnibusque modis^c potestate
 beati Petri insurgamus. Et quia^d nonnullos de regno vestro
 intelleximus magis iurgium et discordiam quam pacem diligere,
 ex parte omnipotentis Dei et beatorum apostolorum Petri et
 Pauli interdicimus: ut nullus sit, qui aliquo ingenio aut studio
 seu violentia impedit praedictos viros ad restaurandam regni
 vestri concordiam convenire aut^e convenientes iustum et legalem
 huic discordie finem^f imponere. Ad reprimenda etiam mala
 ingenia et illicitos conatus iudicio sancti Spiritus et auctoritate
 apostolicae sedis anathematizavimus et anathematizamus^g,
 quicumque — sive rex sive archiepiscopus sive episcopus sive
 dux sive marchio sive^h alicuius dignitatis vel ordinis persona
 sit — praesumpserit aliquo modo hanc salutiferam constitutionem
 perturbare, videlicet qui operam dederit, ne praedictus conventus
 fiat aut concordia tantae perturbationis. Adiecimus etiam ei-
 dem anathemati: ut, quicumqueⁱ huius iniquitatis praesumptor
 fuerit, non solum in anima sed etiam in corpore et in omnibus
 rebus suis vindictam omnipotentis Dei sentiat et in omni con-
 gressione belli nullas vires nullumque in vita sua triumphum
 optineat, sed, duplice contritione prostratus, semper vilescat^k et
 confundatur; ut sic saltem ad poenitentiam redire addiscat.
 Praesentium vero portitorem ad hoc vobis dirigimus, ut — una
 cum venerabili fratre nostro Treverensi archiepiscopo^l, qui Hein-
 rico favet, et altero, qui utilis et religiosus ad hoc sit opus
 episcopus^m ex parte Rodulfi — locum et tempus praedicti con-
 ventus statuant, quatenus legati nostri, quos praefati sumus,
 securius et certius ad vos venire et, quae omnipotenti Deoⁿ pla-

a. ita add. 2. 3. b. ut 3. c. omniisque modo 3. d. quoniam 3.
 e. ut 3. f. possint add. 3. g. si add. 2. h. comes seu add. 2. i. qui 3.
 k. conteratur 2. l. episcopo 3. m. om. 3.

1. Udone.

ceant, ipso auxiliante vobiscum valeant perficere. Data^a Rome 1078
7 Idus Martii, inductione 1.

V 16. *Udonem archiepiscopum Trevireensem ad pacis opus suscipiendum hortatur. Loco et tempore conventus constitutis, eum adire Roman iubet. De treva servanda. Moneat regem, ut legatis, si velint Romam redire, praesidium concedat^b.*

Gregorius episcopus servus servorum Dei Udoni^c Trevirensi 1078
archiepiscopo salutem et apostolicam benedictionem.
Mart. 9

Quanta nobis sollicitudo quantaque tristitia sit de perturbatione immo de discidio regni vestri, olim clarissimi et potentissimi, in communibus litteris, quas hoc in anno ad vos misimus, satis vobis declaratum esse putamus. Verum quia res de die in diem perniciosius implicari videtur^d, nobis quoque cura cum nimia anxietate altius in mente^e figitur. Proinde, quicquid nobis super hac re ad praesens melius visum est, quod nostra providentia vel auctoritate intervenire potuisset, maturare curavimus; quod tua fraternitas in litteris^f, quibus illud singulariter descriptum est, plenius cognoscet. Rogamus igitur et admonemus prudentiam tuam, in qua multum confidimus: ut secundum tenorem earumdem litterarum sine omni dilatione de causa hac te intromittas, et omnibus tam minoribus quam maioribus, quoad potes, quid a nobis deliberatum et qualiter tibi iniunctum sit, notum facias; ut, miserante Deo et adiuvantibus his qui Dominum^g diligunt, tam feralis discordiae furorem aut penitus compescere et, quod maxime optamus, ad plenam pacem reducere possimus; aut, si illud peccatis impedientibus minime obvenire poterit^h, saltim nos in tanto fratrum nostrorum periculo culpam negligentiae declinemus.

Notificato autem consilio et decreto nostro, et requisitis utrimque responsionibus — ut eam certitudinem et consensum in-

a. Data — ind. 1 om. 3. b. Legitur etiam 2) ap. Paulum Bernrid. c. 101,
Pont. Rom. Vit. ed. Watterich I 535, 3) ap. Hugonem Flaviniacensem, Mon. Germ. SS.
VIII 449. c. Uttoni 2. d. implicatur 3. e. mente om. 3. f. Deum 3.
g. potuerit 3.

1. ep. 15 supra p. 309.

1078 Mart. 9 veniatis, ne in mittendis legatis nobis^a dubitandum^b sit — ordinatis et confirmatis omnibus, quae ad prosequendum hoc negocium loco tempore vel ceteris convenientiis necessaria sunt, volumus: ut tu et frater ille, qui tecum^c huius rei mediator esse debuerit, confessim ad nos veniatis; quatenus, cognitis securitatibus et quae spes pacis esse debeat, legatos nostros tam sine periculo quam sine desperatione fructus^d laboris et fatigationis eorum vobiscum mittere valeamus. Nec durum tibi sit, frater, subire, quod imponimus. Quoniam, ex quo in ecclesia locum sacerdotii et officium suscepisti, nichil Deo dignius aut animae tuae salubrius fecisti, quam si in hac re nequitiam diabolice fraudis elidere, et saluti tot milium hominum, opitulante Deo, consulere poteris. Et si hoc fatigationi tuae pro voto non successerit, tibi tamen apud illum certa manet retributio, apud quem non^e infectum reputabitur omne bonum, quod iusta^f et perseveranti voluntate concipitur. Illud tamen a dilectione tua omnino nobis exhiberi volumus: ut, etiamsi illum alium, quem huius rei mediatorem te habere supra diximus, socium itineris habere non possis, tu tamen ad nos venire nullatenus praetermittas. Praecipimus etiam tibi ex auctoritate beati Petri, ut, cui iustitia favet, tu omnino faveas; et, hoc idem facere, clericos et laicos quos poteris ex parte nostra commoneas. Treva^g etiam, a^h vobis provisa usque ad quindecim dies post conventus solutionem, inlaesaⁱ servetur. Volumus autem, ut apud regem^j diligenter procures, quatenus legati nostri, qui in partibus illis sunt, Bernardus^k scilicet diaconus sanctae Romanae ecclesiae et Bernardus Massiliensis abbas, si voluerint, licenter et secure ad nos redire valeant. Data^l Romae 7 Idus Martii, indictione 1.

V 17. Ostendit, quare Manassem Remensem aliosque Galliae episcopos, ab Hugone episcopo Diensi partim suspensos partim damnatos, in pristinum restituerit.

1078 Mart. 9 Gregorius episcopus servus servorum Dei.

a. vobis 3. b. sequitur non *in cod.* c. tecum *om.* 3. d. et *add.* 2.
 e. nihil 3. f. iusta et *om.* 3. g. Treuga 2. h. a *om.* 2. i. omnino ser-
 vetur illesa 3. k. Bernardus — abbas *om.* 3. l. Data — ind. 1 *om.* 3.

1. Heinricum IV.

Quia consuetudo sanctae Romanae ecclesiae, cui Deo auctore licet indigni deservimus, est^a: quaedam tolerare quaedam etiam dissimulare; discretionis temperantiam potius quam rigorem canonum sequentes, causas episcoporum Franciae atque Burgundiae, qui suspensi seu damnati a legato nostro Hugone Diensi episcopo fuerant, non sine gravi labore discussimus. Denique Manassem¹ Remensem archiepiscopum — qui in multis accusatus fuerat seseque a synodis, ad quas Hugo Diensis episcopus eum invitavit, subtraxerat — quia sententia super eum data non^b Romanae ecclesiae gravitate et solita mansuetudine videbatur, in proprium gradum officiumque restituimus; ea quidem ratione, ut supra corpus sancti Petri iuraret hoc modo:

Ego Manasses Remensis archiepiscopus pro superbia non dimisi, quod non venerim ad synodum Augustudunensem^c, ad quam me Diensis episcopus vocavit. Si vocatus nuncio vel litteris apostolicae sedis fuero, nullo malo ingenio et nulla fraude me subtraham; sed veniens definitioni et iudicio huius ecclesiae fideliter oboediam. Quodsi domino papae Gregorio vel successori suo placuerit, me de obiectis ante legatum suum respondere, idem per omnia faciam. Thesauros autem ornamenta et praedia Remensis ecclesiae mihi commissae ad honorem ipsius ecclesiae fideliter tractabo, et ad resistendum iustitiae ea non abalienabo.

Ugoni quoque Bisontino archiepiscopo, quia litterae, quibus invitabatur ad synodum, a clericis suis retente et non sibi ostense fuerant, suspenso in eadem synodo, episcopale officium reddidimus; hac condicione, quod debeat se de obiectis coram legato nostro, si ei visum fuerit, cum suffraganeis aut convicinis episcopis expurgare.

Richerio vero Senonensi archiepiscopo interdictum reddidimus officium. Promisit enim in manu nostra: quod sive per se sive per nuncium suum causam, pro qua ad synodum praefati legati nostri non venit, coram eodem legato debeat exponere; et in negotiis ecclesiasticis pro posse suo consilium et auxilium fideliter et humiliter sibi impendere eiusque animum placare.

1. I. a. est om. cod. b. digna excidisse videtur. c. Agustudunensem cod.

1078 Mart. 9 Gosfredus autem Carnotensis episcopus, quia non invitatus et absens iudicatus fuerat, episcopali officio a nobis restitutus est; hoc quidem tenore, quod causa sua ante legatum nostrum debeat retractari atque diffiniri.

Richardus¹ Biturigensis archiepiscopus, quia irato animo et non synodali iudicio dimisit ecclesiam suam, virgam et anulum recepit; promittens, se de obiectis coram legato nostro satisfacere.

Rodulfus Turonensis archiepiscopus, quia legales accusatores non habuit, sacerdotali et episcopali officio restitutus est; etiam episcopis, qui eum accusaverant, ab accusatione deficientibus. Et, quia causa sua ab antecessore nostro beatae memoriae Alexandro retractata^a et determinata fuerat, videbatur: quod non sine certa accusatione deberet retractari. Nobis tamen visum fuit: quod legatus noster cum legato Diensis episcopi Turonis debeat proficisci et convocare omnes suffraganeos episcopos nec non clerum et populum et ex parte beati Petri illos commonere, ut, qualiter electus fuerit vel ordinatus, veraciter profiteantur; ut, si claruerit, eum de obiectis innocentem esse, questio accusationis suae omnino deinceps sopiaitur; sin autem certissimum et unde dubitari non possit contra eum testimonium datum datum fuerit, canonica sententia feriatur. Actum Rome 7 Idus Martii, inductione 1.

V 18. *Huzmanno episcopo Spirensi, ignorationem decreti de investitura excusanti, interdictum episcopatum restituit. Horatur, ut sacerdotes simoniacos expellat, et clericos ad castitatem inducat.*

1078 Mart. 19 Gregorius episcopus servus servorum Dei H(uzmanno) Spirensi episcopo salutem et apostolicam benedictionem.

Quia in susceptione Spirensis ecclesiae veremur te contra decretum apostolicae sedis virgam de manu regis scienter ac temerarie suscepisse, episcopale officium hactenus te agere non concessimus. Quodsi, secundum legati tui verba, decretum nostrum ante investituram pro certo non cognovisti, officium episcopale faciendi facultatem et licentiam tibi concedimus; eo tamen tenore,

ut oportuno tempore nobis vel legatis nostris de obiectis te satisfacturum repraesentes. Et quia in Romanis conciliis tam a nobis quam ab antecessoribus nostris promulgatas constitutiones non, sicut decuit, te servasse comperimus, videlicet ut omnem venalitatem de ecclesia tua eiceres; negligentiae non parvae fraternitatem tuam arguere possumus. Unde apostolica auctoritate interdicimus — electis illis, qui in ecclesia tua per pecuniam promoti sunt — ut neque archidiaconatus neque archipresbyteratus neque aliquid, quod ad spiritualem curam videatur pertinere, pretio dari permittas; sed secundum Domini praeceptum dicentis: *Gratis accepistis, gratis date*¹, te inreprehensibiliter habens et clericos non caste viventes rigore pastorali corrigens, sicut olim negligens et desidiosus fuisti, ita deinceps in administratione suscepti officii vigilans et studiosus appareas; quatenus in fine vitae tuae omnipotentem Dominum clementem et misericordem operis tui rectitudo tibi faciat. Data Romae 14 Kalendas Aprilis, inductione 1.

1078
Mart. 19

V 19. *Guilielmo I regi Anglorum mittit Hubertum subdiaconum, qui cognoscat, oporteatne, ut Iohannes II archiepiscopus Rotomagensis successorem accipiat.*

Gregorius episcopus servus servorum Dei Guilielmo regi 1078
Anglorum salutem et apostolicam benedictionem. Apr. 4

Officii nostri cura exigit, ut ecclesiis pastoribus viduatis sollicite subvenire properemus. Quia vero inter reges tum morum honestate^a qua nites tum liberali prudentia qua muniris te speciali dilectione amplectimur, dignum est, ut ecclesiis, quae sunt in regno divina dispositione tibi commisso, specialiter cavere studeamus. Unde Rotomagensi ecclesiae, quam dudum pastore² destitutam egritudine impediente audivimus, succurrere hoc modo disposuimus. Hubertum sanctae Romanae ecclesiae subdiaconem, quem experimento nobis et tibi fidelem didicimus, liberali gloriae tuae, fili karissime, mittimus; qui cum viris religiosis, episcopis

a. sie scripsit Brial Recueil XIV 618 n. b pro more honestatis c.

1. Matth. 10, 8. 2. Iohanne II.

1078 et abbatibus, eiusdem etiam ecclesiae fratribus, praedictum ar-
 Apr. 4 chiepiscopum adeat, ac^a diligent et pia consideratione examinet,
 an pastorali moderamini praeesse ut oportet valeat. Si vero
 valetudine corporali sic iudicent destitutum, ut a modo episcopali
 non sit aptus regimini, piis admonitionibus sibi persuadere non
 desistant, si oportuerit etiam auctoritate apostolica, ut suo con-
 sensu ordinetur ecclesia. At si valetudo sic eum oppresserit, ut
 insensatum et officii sui obliviousum reddiderit, non diiudicant^b,
 quanti sibi et universae patriae egritudo sit detimenti, praeci-
 pimus auctoritate apostolica, virum tanto ponderi competentem,
 bene moratum et sapientem, universorum consensu canonice eligi
 et in archiepiscopum promoveri. Data Romae 2 Nonas Aprilis,
 inductione 1.

V 20. *Rainerio episcopo Aurelianensi praecepit, ut dilapidata
 ecclesiae ornamenta restituat seque sistat in synodo lega-
 torum suorum. In qua si crimina non diluerit, fore ut
 deiciatur.*

1078 Gregorius episcopus servus servorum Dei Rainerio Aure-
 Apr. 24 lianensi.

Quanta in Deum et tui ordinis salutem commiseris, si sanae
 mentis te velles ostendere, a tui memoria excidisse, peiora ope-
 rando nequaquam monstrares. Decuerat te summopere meditari,
 quantam erga te patientiam Romana ostendit ecclesia; quae dum,
 ultra quam oportuit, tui^c est miserta, ipsius misericordia quodam-
 modo versa est tuo opere in culpam. Qua quidem sic nimium
 impudens abuteris, ut cogas nos, tuis stimulis agitatos, in te
 districta aequitatis censura surgere. Inter cetera nanque,
 quae olim perversa mente egisti, ut vulnus vulneri infligeres,
 sicut nobis insinuatum est, pene cuncta ecclesiae tibi commissae
 ornamenta — pallia videlicet, calices, turibula, planetas^d et ce-
 tera sacrata Deo — non ad utilitatem Dei et praefatae ecclae-
 siae, non in adiutorium pauperum et captivorum, sed ad libitum
 tuum et inanem gloriam atque superbiam distraxisti. Quod qui-

a. ac addidi.

b. sic cod. pro diiudicantem.

c. tui addidi.

d. planetę c.

dem quantum nos contrastat, advertere poteris. Nunc itaque 1078
apostolica tibi auctoritate praecipimus: ut, omni excusatione se-
mota, quicquid abstulisti, iuste restituas; et, restitutis omnibus,
ad synodum, quae vestris in partibus celebranda erit, convenias
ibique coram legatis nostris — Hugone videlicet episcopo^a Diensi
et Hugone abbatem^b Cluniacensi nec non et Rogerio subdiacono
nostro — de his et aliis, quae tibi intentantur, rationem canon-
ice exponas. Quodsi forte de omnibus, quae tibi obiecta fuerint,
canonice te non expurgaveris ac ablata secundum nostram ius-
sionem non reddideris, iudicio sancti Spiritus et auctoritate apo-
stolica sententiam anathematis et depositionis sine omni spe re-
cuperationis in te promulgabimus. Data Romae 8 Kalendas Maii,
indictione 1.

V 21. *Hugoni abbatii Cluniacensi nuntiat, se regis Hispaniae
rogatu abbatem episcopum consecrasse. Petit, ut Richardo
cardinali ad regem misso auxilium praebeat comitemque
addat. De Berengario; de suis angustiis.*

Gregorius episcopus servus servorum Dei Hugoni Clunia- 1078
censi abbatii salutem et apostolicam benedictionem. Mai. 7

Diversarum gentium concursione et multorum negotiorum
fatigatus meditatione, ei parum scribo, quem multum diligo.

Abbatem itaque, sicut rex Hispaniae rogavit et vos consilium dedistis, Deo auctore episcopum consecravimus. Et ad eundem regem sacerdotem^c cardinalem Riccardum, vicem nostram illi committentes, in Hispaniam dirigimus; cui ut praebeas auxilium et idoneum socium, fraternitatem tuam rogamus.

De Berengario, unde nobis scripsistis, quid nobis videatur
vel quid disposuerimus, fratres, quos tibi remittimus cum prae-
dicto cardinali nostro, nunciabunt.

Vos autem certate^d fide immo et oratione Dei omnipotentis
misericordiam implorate, ut mentes nostras secundum suam vo-
luntatem dirigat et in magna tempestate nos gubernans ad por-

a. episcopo addidi. b. Hugoni — Hugoni abbatii cod. c. pro sacerdotem
legendum videtur Sanctum. d. certa e.

1078 tum suae pietatis perducat. Tot enim angustiis premimur tan-
Mai. 7 tisque laboribus fatigamur, ut hii, qui nobiscum sunt, non
solum pati nequeunt sed nec etiam videre possunt. Et licet coe-
lestis tuba clamet, unde quisque secundum suum laborem mer-
cedem recipiet¹, et bonus rex manifestet: *Secundum multitudinem*
dolorum meorum in corde meo consolationes tuae, Domine, laeti-
*ficaverunt animam meam*², tamen frequenter haec vita nobis est
tedio et mors carnis desiderio. Sed cum pauper Iesus, ille pius
consolator, verus deus et verus homo, manum porrigit, valde
tristem et afflictum laetificat; dum vero memet dimittit, nimis
me conturbat. In me quippe semper morior, sed in eo interdum
vivo. Et cum viribus omnino deficio, ad illum gemens clamo:
Si Moysi et Petro tantum pondus imponeres, credo, quia illos
gravaret. Quid ergo de me, qui nichil ad eorum comparationem
valeo, fieri? Restat ergo, ut aut tu ipse cum tuo Petro pontif-
catum regas, aut me succumbere et eundem pontificatum confundi-
cernas. Tunc ad illud recurro: *Miserere michi, Domine, quoniam*
*infirmus sum*³; et ad^b illud: *Tamquam prodigium factus sum*
*multis; et tu adiutor fortis*⁴; nec illius obliviscor: *Potens est enim*
*Deus de lapidibus istis suscitare filios Abrahe*⁵. Omnipotens
Deus, qui per sanctum officium, quod committit peccatori, mira
pietate peccatores iustificat, potestate beati Petri, michi valde
indigno commissa, te tibique omnes fratres creditos a cunctis
peccatis absolvat et ad sinum Abrahe patriarchae nostri letos
perducat. Data Rome Nonis Maii, inductione 1.

V 22. *Huberto et Teuzoni scribit, se Hugoni episcopo Diensi man-*
dasse, ut in synodo inter Evenum archiepiscopum Dolen-
sem et Iuhellum iudicaret. Hortatur, ut synodo intersint
et regem Anglorum ad legatum illuc mittendum inducant.

1078 Gregorius episcopus servus servorum Dei Huberto subdia-
Mai. 22 cono⁶ et Teuzoni monacho salutem et apostolicam benedictionem.

a. *hic quaedam excidisse liquet.* b. *ad addidi.*

1. 1 Cor. 3, 8. 2. Ps. 93, 19. 3. Ps. 6, 3. 4. Ps. 70, 7.
5. Matth. 3, 9. 6. ecclesiae Romanae. V. ep. 19 supra p. 315.

Pervenit ad nos frater noster Evenus Dolensis archiepiscopus, exhibens se pro discutienda controversia, quae de introitu eius in episcopatum orta est, proclaimante illo¹ de expulsione sua quasi iniusta, qui ante ordinationem huius eandem sedem, quamvis^a perverso ut dicitur accessu, ceperat et nefaria conversatione tenuerat. Ad quam exhibitionem se vocatum aiebat a confratre nostro Hugone Diensi episcopo — quod et ipse, qui tunc praesens aderat, fatebatur — ac propterea se recusasse redire vobis-
cum aut in aliquam partem vertere, donec ab ore nostro, quid sibi agendum foret quove se exhibendum, intelligeret. Verum quia Diensis episcopus ut diximus praesens aderat, commisimus sibi negocium istud: ut in concilio, quo causam Remensis archiepiscopi² et aliorum episcoporum Franciae, adiuncto sibi abbate Cluniacensi³, tractaturus est, etiam hoc regulariter diffinire procuret. Quapropter admonemus et vos: ut ibidem aut alter ve-
strum aut ambo si fieri possit adsitis; et episcopos ac religiosos abbates illius parroechiae nec non clericos et laicos eiusdem ec-
clesiae, qui utramlibet partem aut accusare aut defendere idonei videantur, adesse commoneatis; procurantes etiam, ut Anglorum rex⁴ ex sua parte legatum illuc dirigat, tam prudentem quam religiosam personam; quatenus causa ista, sublato favore partium omnique personali acceptance, ad effectum iuste diffinitionis Deo disponente perveniat; et quod ibi inde statutum ac definitum fuerit, ita ab omnibus consona voce sententiaque firmetur, ut calumniosae proclamationis improbitas et reiterandae questionis omnis undique occasio omnisque penitus licentia decidatur. Data Lateranis 11 Kalendas Iunii, indictione 1.

V 23. *Britanniae comites rogat, ut synodum, in qua de ecclesia Dolensi agatur, a sacerdotibus laicisque eiusdem ecclesiae adeundam curent^b.*

Gregorius episcopus servus servorum Dei Oeli^c, Gausfredu^d 1078 Mai. 22

a. quamlibet c. b. Legitur etiam 2) ap. Martene Thes. anecd. III 876 et 2^a) ap. Morice Mémoires de Bretagne I 447, ex tabulario Turonensi. c. Oeli cod., dilectis 2, dilecto 2a. d. Goffredo 2, Gauffredo 2a.

1. Iuhello. 2. Manassis I. 3. Hugone. 4. Wilhelmus I.
5. comiti Cornubiae, duci Britanniae.

1078 Redonensi, item^a Gausfredo¹ filio Eudonis, nobilibus comitibus
 Mai. 22 Britanniae, salutem et apostolicam benedictionem.

Non ignorare vos credimus, quantam molestiam quantumque perturbationem sustineat Dolensis ecclesia et confrater noster Evenus archiepiscopus, quem ibi ordinavimus, ab illo², qui — prius sedem occupans ac remordente eum conscientia sua, ut dicitur expoliatam, deserens — nunc iniuste se expulsum conqueritur. Qua de re cum praefatus archiepiscopus suam nobis exhiberet praesentiam, quoniam absente illo, qui super eum conqueritur, causam discutere nulla ratione potuimus, totum hoc negocium confratri nostro Hugoni Diensi episcopo, cui vicem nostram dedimus, committere necessarium duximus; ut eo tempore et loco illud diligentि inquisitione pertractare ac diffinire studeat^b, ubi, qui in hac causa utrimque necessarii sint, convenire et interesse valeant. Statuimus enim, praefatum confratrem et vicarium nostrum celebrare concilium propter multa et magna negotia, quae in regno Francorum emersa apostolicae auctoritatis examinatione atque iudicio indigent; ubi et hoc negotium Deo auxiliante diffiniri volumus atque censemus. Quapropter multum rogamus et admonemus excellentiam vestram: ut huic causae quantum potestis operam detis; et episcopos nec non religiosos abbates terrae illius, clericos quoque et laicos eiusdem ecclesiae, qui idonei tam scientia quam religione videantur, ad praefatum concilium, iuxta quod vobis significatum fuerit, convenire faciatis; quatenus, opitulante divina clementia, per sinceram explorationem, in hac causa Dei quicquid iustitia et populi requirat salus, evidenter appareat; et decisa penitus hac lite et querimonia, diu et nimium indigne lacerata quam praefati sumus Dolensis ecclesia per misericordiam Dei — vestro studio vestraque iuvante et procurante potentia receptis bonis suis — pacem etiam et tranquillitatem recipere et in statum^c suae incolumitatis venire et permanere valeat. Data Lateranis 11 Kalendas Iunii, inductione 1.

a. item c., Iacert 2, Hoelo 2a. b. audeat 2. c. statu c., statum 2.
 1. comiti Penthiverensi. 2. Iuhello.

IN NOMINE DOMINI

I N C I P I T L I B E R S E X T U S

REGISTRI SEPTIMI GREGORII PAPAE

anno dominicae incarnationis millesimo septuagesimo
octavo, indictione prima^a.

VI 1. *Omnes clericos et laicos regni Teutonici hortatur, ne fa-
veant aut communicent iis, qui impedire synodum cogitent,
de regum certamine habendam^b.*

Gregorius episcopus^c servus servorum Dei omnibus clericis 1078
et laicis in regno Teutonico constitutis, qui excommunicationis
vinculo non tenentur, salutem et apostolicam benedictionem.
Iul. 1

Quae et quanta cura nobis fuerit et est, ut pestilentia et^d
clades et desolatio a vestro regno auferatur, et pax honestas et
solitum decus vobis reddatur, in synodo, quae hoc anno in qua-
dragesima Rome celebrata fuit, declaravimus. Iudicio enim sancti
Spiritus decrevimus et praeceperimus: ut in regno vestro conventus
omnium episcoporum et eorum laicorum, qui Deum timent et
inter vos pacem desiderant, fieret; et coram nostris legatis de-
cerneretur, si^e Heinrico vel Rodulfo, qui de regni gubernaculo
inter se decertant, amplius iustitia faveret. In iustior enim pars^f,
ratione devicta et beati Petri auctoritate constricta, facilius ce-
deret et ab interitu animarum et corporum Deo propitiante ces-
saret; iustior vero pars amplius de Deo confideret et, adiuta
beati Petri potestate^g et omnium iustitiam diligentium consensu,
de victoria omnino speraret neque utramque^h mortem timeret.

Sed quia pervenit ad nos, quod inimici Dei et filii diaboli
quidam apud vos contra interdictum apostolice sedis praedictum
conventum procurent in irritum ducere, et non iustitia sed su-
perbia ac totius regni desolatione suas cupiditates anhelent im-
plere et christianam religionem^h destruere; monemus vos et ex

a. secunda c. b. Legitur etiam 2) ap. Brunonem de bello Saxon. c. 113, Mon. Germ. SS. V 375. c. om. 2. d. si cui, Heinrico videlicet vel 2 (cui, Heinrico scilicet an ap. Annalist. Sax., Mon. Germ. SS. VI 716). e. parsque iustior 2. f. auctoritate 2. g. et neutram 2 pro neque utramque. h. christiana religione cod.

1078 parte beati Petri praecipimus, ut talibus nullum adiutorium^a praebatis neque illis communicetis. In predicta enim synodo iam omnes sunt excommunicationis et anathematis vinculo innodati et, ut nullam victoram possint optinere, potestate beati Petri sunt alligati^b; ut, saltim coacti, confundantur et a morte animarum suarum et desolatione patriae vestrae^c revocentur.

Vos autem, fratres karissimi, de me nullo modo dubitetis, quod iniuste parti scienter aliquo modo faveam. Magis enim pro vestra salute desidero mortem subire, quam totius mundi gloriam^d ad vestrum interitum arripere. Quodsi aliqui, de falsitate confisi, litteris vel verbis aliter vobis indicaverint^e, nullo modo illis^f acquiescatis. Deum enim timemus et pro eius amore cotidie affligimur, et ideo superbiam et oblectamenta saeculi parvi pendimus; quia cito apud eum consolari indubitanter credimus. Omnipotens et misericors Deus, qui ultra spem ultra meritum miseretur et consolatur nos in omni tribulatione nostra^g, aperiat cor vestrum in lege sua et confirmet vos in praecepsis suis; ut, auctoritate beati Petri a cunctis peccatis absolutos, vos ad caeleste^g regnum perducat regnatos. Data^h Capue Kalendis Iulii, inductione 1.

VI 2. *Manassi I archiepiscopo Remensi respondet, legati apostolici ex clero Romano deligantur non oportere. Privilegia saluti ecclesiae contraria posse commutari. Apud vicarios suos de obiectis criminibus se defendat.*

1078 Gregorius episcopus servus servorum Dei Manasse² Remensi Aug. 22 archiepiscopo salutem et apostolicam benedictionem.

Cum vos ea a sede apostolica flagitatis, quae et honorem praesulatus vestri condeceant et a praecedentium patrum auctoritatibus nequaquam dissentiant, fidentes petite, spe certissimi postulate; scientes, omni ambiguitate remota: nos petitionibus huiusmodi paratos annuere; cum quia vos fraterna dilectione in

a. auxilium 2. b. obligati 2. c. propriae patriae 2. d. gloria cod.
e. indicaverit c. f. eis 2. g. celestē c. h. Data — ind. 1 om. 2.

1. 2 Cor. 1, 4. 2. I.

Christo amplectimur, tum etiam nichilo minus, quia ad haec 1078
 quorumdam fidelium nostrorum, qui vos diligunt, precibus et Aug. 22
 interventionibus sedulis promovemur. Quocirca fraternitatem
 vestram rogatam atque commonitam volumus, ne debeat gra-
 viter ferre, si studeamus ad tempus pro communi honestate at-
 que proficio petita contra utilitatem ecclesiae denegare.

Haec autem omnia ad id praemissa noveritis, quia petitis
 in litteris vestris¹: ne adversus privilegium, quod ab hac apo-
 stolica sede vos habere fatemini, cogamini nisi soli michi aut
 Romanis legatis super obiectis quibuslibet respondere. Quodsi
 vos Romanos legatos intelligere videremini quoslibet cuius-
 libet gentis, quibus Romanus pontifex aliquam legationem in-
 iungat vel, quod maius est, vicem suam indulgeat, et laudaremus
 sane petita et petitis libenter annueremus. Sed quia, praemit-
 tendo: Romanis, continuo subiungitis: non ultramontanis,
 ostenditis: vos tantum eos velle Romanos habere legatos, qui
 vel Rome nati vel in Romana ecclesia a parvulo educati^a vel in
 eadem sint aliqua dignitate promoti. Miramur nimium pruden-
 tiatam vestram eo usque perductam, ut precaremini: benevolentiam
 nostram iura sedis apostolicae debere imminuere; idque nobis in
 solius vestri negotiis non debere licere, quod in negotiis omnium
 praedecessores nostri sine omni contradictione et licitum et legi-
 tum tenuere. Nostis enim: et Osium episcopum² in Niceno
 et Cirillum³ in Ephesino concilio Romanorum vice, eisdem con-
 cedentibus, functos fuisse pontificum; Syagrio quoque Augustu-
 dunensi episcopo, Lugdunensis antistitis^b suffraganeo, sanctum
 papam Gregorium celebrandi generalis in Gallia concilii vicem
 suam legato^c indulsisse^d. Sed quid haec de episcopis loquimur,
 cum idem sanctus papa monachum quemdam Hylarum nomine
 in Africæ partibus, litterarum suarum auctoritate fultum, usque

a. edocati c. b. antistitis c. c. legatis c.

1. in Recueil des historiens XIV 611, ap. Gousset Les actes de la province de Reims II 88. 2. Cordubensem. V. Gelasi Cyzicenii commentarium ap. Mansi Cone. II 806, et concilii Nicaeni subscriptiones ibid. p. 692. 3. ep. Alexandrinum. V. Regesta pont. Rom. p. 32 n. 60. 4. V. Regesta pont. Roman. n. 1265.

1078 adeo suum fecerit esse vicarium, ut per eum ibidem concilium
 Aug. 22 generale celebraretur et, quicquid synodus sancta decerneret, ad
 finem eo exequente perduceretur¹. Ne igitur ad tantum velit
 culmen vestra fraternitas erigi, ut, quae in causis omnium Ro-
 manis pontificibus rata fuerunt et licita, in vestri solius causa
 irrita velitis et illicita reddi.

Ad id autem, quod de privilegio dicitis, breviter interim
 respondemus: quod possunt quaedam in privilegiis pro re pro
 persona pro tempore pro loco concedi, quae iterum pro eisdem,
 si necessitas vel utilitas maior exegerit, licenter valent commu-
 tari. Privilegia siquidem non debent sanctorum patrum aucto-
 ritatem infringere, sed utilitati sanctae ecclesiae prospicere. Inde
 est, quod — Arelatensis ecclesia non solum a beato Gregorio²
 doctore dulcifluo sed etiam a pluribus eius sanetis antecessoribus
 cum haberet vicem sedis apostolicae: ut omnes episcopos totius
 regni Francorum, quod tunc latius extendebatur, ad concilium
 convocaret eosque in iudicio constrainxerit; sine cuius licentia
 nullis ex supra dictis episcopis longe a suo episcopatu fas erat
 abire — post aliqua tempora pro quibusdam causis praedicta
 potestas et auctoritas cessavit, et suam vicem aliis quibus pla-
 cuit sedes apostolica concessit. Remensis etiam, cui praesides,
 ecclesia quodam tempore primati subiacuit et ei, ut magistro
 post Romanum pontificem, obedivit. Quod et de pluribus aliis
 ecclesiis potestis invenire, si sanctorum patrum dicta et acta
 procuratis diligenter investigare. Nec id dicimus, ut privilegia
 vestrae ecclesiae contra rationem vel infringi velimus vel imminui;
 de quibus vita comite suo tempore ore ad os otiosius collocuturi
 sumus. Sed interim dilectionem vestram ex parte beati aposto-
 lorum principis Petri admonemus: ut — quemadmodum, vobis
 Romae positis, constituimus — coram Diensi episcopo³ et Clunia-
 censi abbatे⁴, quibus in his vicem nostram commisimus, occa-
 sionibus cunctis obstaculisque remotis, super obiectis omnibus
 sitis respondere parati, legaliter satisfacere, canonice purificari;

1. V. Regesta pont. Rom. n. 788. 2. Regesta pont. Rom. n. 1005.
 3. Hugone. 4. Hugone.

ne, si aliud a vobis quod absit agatur, tergiversationi^a et fugae Aug. 22
et conscientiae scelerum, non exactioni iustitiae et aequitatis a
pluribus ascribatur.

De archiepiscopo autem Viennensi¹, quem conquerimini in diocesi vestra et deposuisse presbyteros et eosdem iterum in gradum pristinum restituisse; et de episcopis Laudunensi² et Suessonensi³ suffraganeis vestris, qui Ambianensem episcopum⁴, vobis inconsultis et nescientibus, Rome etiam positis, consecrarent; et de Manasse⁵, qui vos et ecclesiam vestram, quia malefactis non potest, maledictis infestare non cessat; et de caeteris omnibus, super quibus conquestionem vobis collibuerit facere, misimus litteras nostras⁶ memoratis confratribus nostris, Diensi videlicet episcopo et Cluniacensi abbat: ut cuncta studeant diligenter inquirere, sollicite discutere, discussa et indagata ad purum iuste legaliter et canonice iudicare. His nostris monitis obsecundantes, per omnia beatorum apostolorum Petri et Pauli benedictione in praesenti donemini et in futuro, a peccatorum omnium vinculis absoluti, ad eorum consortium eisdem interventoribus provehi mereamini. Data ad Sanctum Germanum 11 Kalendas Septembris, inductione 1.

VI 3. *Hugoni episcopo Diensi et Hugoni abbat: Cluniacensi mandat, ut de Manassis I archiepiscopi Remensis queri- moniis iudicent^b.*

Gregorius episcopus servus servorum Dei dilectis^c in Christo 1078
fratribus Hugoni Diensi episcopo et Hugoni Cluniacensi abbat: Aug. 22
salutem et apostolicam benedictionem.

Quia in sanctae Dei, cui divina dispositione praesidemus,
ecclesiae regimine sollicite nos vigilare oportet, vestris assiduis
precibus nobis ut divinum obtineatis praesidium, deposeimus.
Quapropter vos summopere studium adhibere admonendo man-

a. tergiversatione c. b. *Legitur etiam 2) ap. Hugon. Flavin., Mon. Germ. SS. VIII 420.* c. dilectis — fratribus addidi ex 2.

1. Warmundo. 2. Helinando. 3. Theobaldo II. 4. Radulfum.
5. praeposito Remensi, postea II archiepiscopo Remensi. V. Brial in Reueil des historiens XIV 614 n. f. 6. ep. 3 infra.

1078 Aug. 22 damus, quatenus inquiratis et canonice prout potestis finem im-
ponere procuretis negotiis, unde Remensis archiepiscopus¹ con-
frater noster suis litteris nobis conquestus est. Conqueritur
enim de confratre nostro archiepiscopo Viennensi Warmundo²,
qui in suo archiepiscopatu presbyteros depositi et eosdem resti-
tuit sub³ nomine Romanae legationis. Quin etiam conqueritur,
quod duo suffraganei eiusdem Remensis, Laudunensis⁴ scilicet et
Suessonensis⁵, postposita canonica auctoritate, Ambianensem
ausi sunt episcopum⁶ consecrare, dum ipse esset nobiscum Rome
et de se sententiam nos dare⁷ humiliter expectaret. Quod vos
digna et sollerti⁸ indagatione discutere et cognoscere omni modo
studete, an ita sese res habeat, ut praediximus nos suis litteris
intellexisse. Praesertim si idem Ambianensis contra Romanae
synodi et apostolicae sedis decretum de manu laici nefanda ambi-
tione et temerario ausu investituram suscipere praesumpsit, ca-
nonici rigoris severitate taliter in eum vindicare et punire obnixe
satagite, ut eius exempla caeteri imitari timeant. De Manasse⁹
autem, de quo similiter conqueritur, quod¹⁰ Oebali¹¹ suorumque
refugio et auxilio¹² illum et ecclesiam fatigare non cessat, labo-
rate: ut ad pacem redeat et ab inquietatione ecclesiae et perse-
cutione archiepiscopi quiescat¹³. Quodsi forte, in sua contumacia
persistens, oboedire renuerit, nisi illum iustum excusationem
habere cognoveritis, quodecumque vobis iustius videtur, facite.
De aliis autem necessitatibus eundem archiepiscopum, si tamen¹⁴
vobis oboedierit, sicut dignum est adiuvate; eique commissam
ecclesiam auctoritate beati Petri — quod et de aliis ecclesiis vos
oportet agere — defendite. Ipse autem, sicut ex suis cognovi-
mus litteris, quas vobis direximus, indurias querit, ut subter-
fugiat; cui qualiter rescripsimus, vobis etiam per exemplar in-

a. G(uarmundo) 2. b. sub — legationis *addidi ex* 2. c. nos dare *recepit ex* 2.
d. sagaci 2. e. qui *c.*, quod 2. f. suffragio et refugio 2. g. desistat 2.
h. *om. 2.*

1. Manasses I. 2. Helinandus. 3. Theobaldus II. 4. Radulfum.
5. praeposito Remensi. V. supra p. 325 n. 5. 6. s. Ebali II comitis de
Roceio. V. Manassis I archiep. epist. in Recueil des histor. XIV 611 et
ap. Gousset Les actes de la province de Reims II 88 et in Mon. Germ.
SS. VIII 420.

dicamus. Vos autem, fratres mei karissimi, viriliter et sa-
pienter agite; vestraque omnia in caritate fiant, ut oppressi vos
prudentes defensores inveniant et opprimentes amatores iustitiae
recognoscant. Omnipotens Deus Spiritum sanctum cordibus ve-
stris infundat vosque per viam sibi placitam perducat et ad so-
cietatem sanctorum patrum pervenire faciat. Data^a ad Sanctum
Germanum 11 Kalendas Septembbris, indictione 1.

1078
Aug. 22

VI 4. *Heinrici I episcopi Leodiensis epistolam reprehendit parum
reverenter scriptam. De Weremboldi uxorisque ab eo ex-
communicatorum causa. De iis, qui concilium de regibus
convocatum impedire conati sint.*

Gregorius episcopus servus servorum Dei Heinrico¹ Leo- 1078
diensi episcopo salutem et apostolicam benedictionem, si con-
temptoribus Romanae synodi, habitae in praeterita quadragesima,
non communicat.

Oct. 8

Lectis fraternitatis tuae litteris, non parum mirati sumus,
non ea te, qua decuit apostolicam sedem, pro! reverentia sibi
scripsisse, sed nos de absolutione illius parroechiani tui, qui
olim ad nos venit, mordaci invective reprehendisse; tamquam
apostolicae sedis non esset auctoritas, quoscunque et ubique
vult, ligare et absolvere. Unde scias, nos adversus temeritatem
tuam graviter commotos fuisse, nisi apostolicae sedis mansuetudo
nos detineret et nisi mens nostra de litteris olim super hoc
negocio tibi transmissis quodammodo dubitaret. Solliciti etenim
fuimus, ne litterae illae fraude alicuius aut falsitate immutarentur.
Et ideo exemplar earum ad cognoscendam voluntatem nostram
tibi ostendendum esse putavimus, ut — si easdem esse et non
immutatas claruerit — intelligas: te aut spiritu praesumptionis aut
ignorantia contra auctoritatem sanctae Romanae ecclesiae verba
iactasse, quasi imitando orientales, qui contra beatum papam
Iulium obloqui praesumpserunt, eo quod ipse sanctissimum Atha-
nasium patriarcham sine assensu eorum absolverat²; tibique dein-

a. Data — indictione 1 *om. 2.*

1. I. 2. V. Regesta pont. Rom. n. 32.

1078 Oct. 8 ceps caveas, ne huiusmodi contra nos temeritate rescribas, sed potius ad documenta sanctorum patrum, quae te loqui et scribere doceant, humiliter recurras; et secundum tenorem litterarum, quarum exemplar tibi transmittimus, praedicti hominis negocium ad finem perducere studeas:

Vir iste Weremboldus nomine conquestus est, se iniuste a te excommunicatum cum uxore sua esse; unde sibi vix fidem adhibere possumus. Tamen monemus prudentiam tuam, ut ad notitiam religiosorum confratrum nostrorum, Treverensis scilicet archiepiscopi¹ et Mettenensis episcopi², huius rei causam deferre facias eorumque consilio et iudicio diffinire procures. De veste vero monachica et velo imposito et pecunia ablata eorundem testimonia et iustitiam facere et rationem ponere non excuses; quatinus sibi occasionem proclamandi auferas et te ipsum ab omni accusatione protegas, iustitiae integritate et canonica auctoritate servata in omnibus.

Contemptores quippe synodi in praedicta nostra salutatione³ illos notamus, qui aliquo ingenio vel violentia conati sunt impedire, ne concilium aut conventus fieret in Teutonicis partibus, in quo sollerti inquisitione recognosceretur, utrum Heinrico an Rodulfo magis iustitia faveret de gubernaculo regni⁴.

Preterea scire vos volumus, nos horum portitorem absolvisse ab excommunicatione, timore mortis facta ab eo promissione in nostra manu: se omnia facturum secundum vestram iussionem, consilio praedictorum episcoporum factam. Data in burgo Aquaependentis 8 Idus Octobris, inductione 2.

VI 5. *Herimanno episcopo Mettensi commendat Popponem episcopum Tullensem, infamiam amatiri cupientem. Monet, ecclesiae bona ne militibus largiatur.*

1078 Oct. 22 Gregorius episcopus servus servorum Dei Herimanno Mettensi episcopo salutem et apostolicam benedictionem.

1. Udonis. 2. Herimanni. 3. supra in limine huius epistolae.
4. Cf. ep. 1 supra p. 321.

1078
Oct. 22

Novit dilectio tua, frater karissime, quanto iam tempore Tullensis episcopus¹ fatigatus laboraverit atque^a multis angustiis sudaverit pro repellenda ea, quam sibi iniuste obiectam esse contendit, infamia^b. Sed quia propter imminentem regni commotionem sex simul episcopos ad expurgationem suam convocare non potest, hoc ei paterna compatientes pietate concessimus: ut, quatuor episcopis ad praesens secum iurantibus expurgatus, episcopale officium per omnia faciat. De duobus autem, qui statuto iudicio interesse debent, indutias usque ad quadragesimam a nobis accepit. Unde, quia tu in eadem diocesi positus es, monemus et exhortamur tuam dulcissimam michi caritatem et apostolica tibi auctoritate praecipimus: ut, si praefatum Tullensem episcopum inculpabilem indubitanter esse cognoveris, fraternali manu auxilii, ut iustum est, ei praebere non differas. Scriptum est enim: *Alter alterius onera^c portate, et sic adimplebitis legem Christi²*; et item: *Si quis viderit fratrem suum necessitatem habentem, et clauserit viscera sua ab eo, quomodo caritas Dei manet in eo?*³

Preterea pervenit ad nos, quod propter instantem inimicorum tuorum infestationem tuae bona ecclesiae largitus sis quibusdam militibus; et eo modo honoris tui dignitas cotidie, quod non optamus, minuatur atque decrescat. Proinde tuam volumus admonitam esse prudentiam: ne, alicuius magnitudine tribulationis coactus, ecclesiasticas cuiquam hereditates largiaris; unde multum te postea poeniteat; cum, quod modo turbatus egeris, nullo modo emendare potueris. Oportet autem, ut totam spem tuam in Domino ponas, certissime sciens, quia Dominus non derelinquit sperantes in se⁴. Confidimus enim, omnipotentem Dominum, vestris aliorumque relligiosorum, quos in partibus vestris plures esse cognoscimus, orationibus placatum, pacem ecclesiae suae cito esse daturum. Data Sutrio 11 Kalendas Novembbris, indictione 2.

a. quam *excidisse videtur.* b. *infamia cod.* c. *honera c.*

1. Poppo. 2. Galat. 6, 2. 3. 1 Ioh. 3, 17. 4. Cf. Ps. 9, 11.

VI 5a. *Marro filius Gisleri suam castri Moricicensis portionem
beato Petro tribuit¹.*

1078 Nov. 17 In nomine Patris et Filii et Spiritus sancti, anno sexto pontificatus domni Gregorii papae septimi, mensis Novembris die decima septima, indictione secunda, Rome.

Ego Marro Gisleri filius, habitator in ducatu Spoletano, pro redemptione animae meae et parentum meorum dono trado atque offero beato Petro apostolorum principi et super altare eius omnia, quae mihi pertinent de castro, quod vocatur Moricicla, positum inter Muricem et Clarignanum — quod conquisitum habeo per concambiationem a Litaldo et Hugone, nepotibus Ugonis, filii Ascari, in plebe de Luzano — reservato usufructu diebus vitae meae et Brittuli filii mei et filiorum Brittuli, si masculi fuerint, de legitimo coniugio procreati.

VI 5b. *De synodo Romana.*

1078 Nov. 19 Anno ab incarnatione Domini millesimo septuagesimo octavo, pontificatus vero domni Gregorii septimi papae sexto, 13 Kalendas Decembris, indictione secunda, celebrata est synodus Rome in ecclesia sancti Salvatoris pro restauratione sanctae ecclesiae.

In qua inter alia excommunicatus est Constantinopolitanus imperator^{2a} aliquie, qui subscripti habentur.

Iuraverunt quoque legati Heinrici et Rodulfi, quisque pro domino suo: quod nullis dolis colloquium legatorum sedis apostolicae, in Teutonico regno habendum, impedierint.

Constituta etiam sunt illic ad utilitatem sanctae ecclesiae quaedam capitula, quae in sequentibus denotantur:

De Teutonicis contradicendis, ne praedia ecclesiastica, a regibus data sive ab invitatis episcopis, detineant.

a. *sequitur in cod. lacuna dimidii versus.*

1. De hac tabula Deusdedit cardin. in coll. canon. (ap. Borgia breve istoria del dominio temp., app. p. 12) sic memorat: „Septimus vero papa Gregorius in VI libro sui reg(istri) dicit, castrum, quod dicitur Moriciela beati Petri esse, situm in ducatu Spoletino, inter Maricem et Clarignanum, in plebe de Luzano, ex editione Gisleri sub usufructu vite sue et filii sui et legitimorum filiorum eius“.

2. Nicephorus Botoniates.

Ut iterum excommunicentur illi, quorum culpa colloquium 1078
Nov. 19 remansit.

Narbonensis archiepiscopus¹ iterum excommunicetur, et alii, qui ab Amato episcopo² sunt excommunicati.

Comes Sancti Egidii³ excommunicetur propter uxorem; et idem monasterium, si fuerit in potestate comitis.

Monasterium sancti Benedicti Montis Casini defendatur ab omnibus Normannis.

Ut contradicatur, ne aliquis accipiat investituram ecclesiarum de manu laicorum; et ne praebendae vel officia ecclesiastica vendantur.

De consanguinitate; de symoniacis; de castitate clericorum; de falsis ordinationibus; de falsis poenitentiis. Qualiter vera poenitentia detur. De decimis a laicis iniuste detentis.

De patriarcha Aquileiensi⁴; de patriarcha Gradensi.

De imperatore Constantinopolitano.

De festivitatibus pontificum Romanorum celebrandis. De abstinentia sabbati.

De Iudeis non praeponendis christianis.

De sancti Petri hereditate occultata.

Ut nullus penitens suscipiatur sine litteris episcopi sui, nisi forte fuerit episcopus mortuus vel excommunicatus.

Ut nullus abbas decimas et primitias sine auctoritate Romani pontificis seu episcopi consensu, in cuius diocesi habitat, detineat.

Ut nullus episcopus gravamen seu servile servitium ex usu abbatibus imponat.

Ut sacerdotes sine licentia sui episcopi, et monachi de notis monasteriis sine licentia suorum abbatum non recipiantur.

Ut episcopi, qui consenserint fornicationem vel incestum in suis parroechiis, a suo officio suspendantur.

Ut omnes episcopi firmamentum faciant, ne praedia ecclesiastica vendantur.

1. Guifredus. 2. Elorensi. 3. Raimundus, postea IV comes Tolosanus. 4. Heinrico.

1078 Nov. 19 Ut nulli episcopi praedia ecclesiae in beneficium tribuant sine consensu papae, si de sua sunt consecratione. Caeteri autem sine consensu archiepiscopi sui et fratrum suorum hoc idem non praesumant. Si autem praesumpserint, ab officio suo suspendantur; et, quod venditum est vel datum beneficium, ecclesiae reddatur, omnino evacuata omni venditione vel in beneficium traditione.

Ut omnes episcopi artes litterarum in suis ecclesiis doceri faciant. Et ornamenta ecclesiae sine certa utilitate aut gravi necessitate nullo modo nulloque ingenio ecclesiis subtrahant, ne periculum sacrilegii, quod absit, incurvant.

Ut annuncietur laicis, cum quanto periculo animae suae decimas detinent et ecclesias possident.

Ut, qui certam partem in sollempni missa volunt habere, aliquid procurent offerre.

Decreta in eadem synodo facta^a.

Quicunque¹ militum vel^b cuiuscunque ordinis vel professionis persona^b predia ecclesiastica a quo^cunque^b rege seu seculari principe vel^c ab episcopis invitis seu abbatibus aut ab aliquibus ecclesiarum rectoribus suscepit vel suscepit vel invasit^d, vel etiam de^e rectorum depravato seu vitioso eorum^f consensu tenuerit, nisi eadem praedia ecclesiis restituerit, excommunicationi subiaceat.

Si^g quis Normannorum vel^h quorumlibet hominum praedia monasterii sancti Benedicti Montis Casini invaserit vel quascunque res eiusdem monasterii iniuste abstulerit et, bis vel ter admonitus, non emendaverit, excommunicationi subiaceat, donec resipiscat et ecclesiae satisfaciat.

Quoniam² investituras ecclesiarum contra statuta sanctorum patrum a laicis personisⁱ in multis^k partibus cognovimus fieri

a. Leguntur etiam 2) in Bertholdi annalibus Mon. Germ. SS. V 314, 3) ap. Hugon. Flavin., Mon. Germ. SS. VIII 423. b. om. 2. c. vel ab om. 2, vel om. 3. d. invasit vel invaserit 2. e. etiam de — vitioso 2; eorundem 3 pro de. f. om. 3. g. Si quis — excommunicationi subiacere om. 3. h. vel — hominum om. 2. i. om. 2. k. terrarum add. 2.

1. „Quicunque — subiaceat“ recepit Gratianus in deer. P. II C. XII qu. 2 c. 4. 2. „Quoniam — subiacere“ sunt in Gratiani deer. P. II C. XVI qu. 7 c. 13.

et ex eo plurimas perturbationes in ecclesia^a oriri, ex quibus christiana^b religio conculeatur^c, decernimus: ut nullus clericorum investituram^d episcopatus vel abbatiae vel ecclesiae^e de manu imperatoris vel regis vel alicuius laicæ personæ, viri vel feminae, suscipiat. Quod si praesumpserit, recognoscat: investituram illam apostolica auctoritate irritam esse, et se usque ad condignam^f satisfactionem excommunicationi subiacere.

Si¹ quis episcopus^g praebendas, archidiaconatus, praeposituras vel aliqua officia ecclesiastica vendiderit vel aliter, quam statuta sanctorum patrum praecipiunt, ordinaverit, ab officio suspendatur. Dignum enim est, ut, sicut gratis episcopatum accepit, ita membra eiusdem episcopatus gratis^h distribuat.

Ordinationes², quae interveniente pretio vel precibus vel obsequio alicuiusⁱ personæ ea^k intentione impenso, vel quae^l non communi consensu cleri et populi secundum canonicas^m sanctiones fiunt, et ab his ad quos consecratio pertinetⁿ non comprobantur^o, irritas^p esse diiudicamus^q. Quoniam, qui taliter ordinantur, non per ostium id est per Christum intrant, sed, ut ipsa^r veritas testatur, fures sunt et latrones^s.

Falsas^t poenitentias dicimus, quae non secundum auctoritatem sanctorum patrum pro qualitate criminum imponuntur. Ideoque, quicunque miles, vel negociator, vel alicui officio deditus quod sine peccato exerceri non possit, culpis gravioribus irretitus ad penitentiam venerit; vel^u qui bona alterius iniuste detinet; vel qui odium in corde gerit; recognoscat: se veram peni-

a. sequitur in cod. immo ruinam sanctae religionis; sed haec verba inducta sunt; in aeccliesia perturbationes esse, immo ruinas religionis sanctae oriri 2. b. ipsa christiana censurae dignitas 2 pro christiana religio. c. perspeximus add. 2. d. investiturae 2. e. seu praepositurae vel alicuius clericalis dignitatis add. 2. f. dignam 2. g. episcopus addidi ex 2. h. vel dignitatis 2 pro gratis. i. alicui 2. 3. k. ea intentione om. 3. l. quae om. 2. m. canonum 3. n. attinet 3. o. approbatur 3. p. primitus scriptum erat in cod.: falsas; quo inducto, superscriptum est: infirmas; quo item deletio, est irritas positum; falsas et irritas 2. q. censuimus 3. r. ipse 3 pro ipsa veritas. s. id est 2 pro vel.

1. „Si — distribuat“ leguntur in Gratiani deer. P. II C. I qu. 3 c. 3.
 2. „Ordinationes — latrones“ sunt in Gratiani deer. P. II C. I qu. 1 c. 113.
 3. Ioh. 10, 1. 4. „Falsas — poenitentiam“ sunt in Gratiani deer. P. II C. XXXIII qu. 3 de poen. D. V c. 6.

1078
Nov. 19

1078 tentiam non posse peragere^a, per quam ad aeternam vitam valeat
 Nov. 19 pervenire, nisi arma deponat, ulteriusque^b non ferat nisi^c consilio religiosorum episcoporum^d pro^e defendenda iustitia; vel^f
 negotium derelinquit vel officium deserat; et odium ex corde
 dimittat; bonaque^g, quae iniuste abstulit, restituat. Ne^h tamen
 desperet; interimⁱ, quicquid boni facere poterit^k, hortamur ut
 faciat, ut omnipotens Deus cor illius^l illustret ad poenitentiam.

Decimas¹, quas in usum^m pietatis concessas esse canonicaⁿ
 auctoritas demonstrat^o, a laicis possideri, apostolica auctoritate
 prohibemus. Sive enim ab episcopis vel regibus vel quibuslibet
 personis eas^p acceperint^q, nisi ecclesiae reddiderint, sciant^r, se
 sacrilegii crimen committere^s et^t aeternae dampnationis pericu-
 lum^v incurre.

Quia² dies sabbati apud sanctos patres nostros in absti-
 nentia celebris est habitus^w, nos, eorundem^x auctoritatem se-
 quentes, salubriter^y admonemus: ut, quicunque se christianaee
 religionis participem esse desiderat, ab esu carnium eadem die,
 nisi maiori festivitate interveniente vel infirmitate impediente,
 abstineat.

Ut nullus abbas decimas et^z primitias et reliqua, quae secun-
 dum statuta canonum ad episcopos pertinent, sine auctoritate
 Romani pontificis seu episcopi consensu, in cuius diocesi habitat,
 detineat, apostolica sanctione^a firmamus.

Nullus^b episcopus gravamen seu servile servitium ex usu
 contra ecclesiasticam normam abbatibus seu clericis suis imponat

a. agere 3. b. ea add. 2. c. aut add. 2. d. virorum 3. e. et pro 2.
 f. et negotiator negotium derelinquit, et officialis officium deserat, bona quae quilibet
 illorum iniuste abstulit restituat, et odium ex corde dimittat 2. g. bona 3. h. nec 2.
 i. set 2; om. 3. k. potuerit 3. l. eius 3. m. usu 2. 3. n. om. 3. o. san-
 ctivit 2, monstrat 3. p. idem in proprietatem 2 pro eas. q. acceperit 3. r. re-
 stituat 3. s. sciat 3. t. incurre 3. u. ob id add. 2. v. poenam subire 3.
 w. om. 3. x. patrum add. 3. y. ab esu carnium, nisi maiori interveniente festivi-
 tate vel infirmitate impediente, salubriter ammonemus abstine omnem, qui christianaee
 religionis particeps esse desiderat 3 pro salubriter — impedit. z. vel 3. a. aucto-
 ritate sancimus 3.

1. „Decimas — incurrere“ sunt in Gratiani deer. P. II C. XVI qu. 7 c. 1.
 2. „Quia dies — abstineat“ sunt in Gratiani deer. P. III D. V c. 31.
 3. „Nullus — subeat“ sunt in Gratiani deer. P. II C. I qu. 1 c. 124.

vel interdictum sacerdotale officium, pretio interveniente, restituat. 1078
Quod^a si fecerit, officii sui periculum subeat. Nov. 19

Si quis praedia beati Petri apostolorum principis, ubique posita, in proprietatem suam^b usurpaverit vel sciens occultata non propalaverit vel^c debitum servitium exinde beato Petro non exhibuerit, recognoscat, se iram Dei et sanctorum apostolorum velut sacrilegus^d incurrere. Quicumque autem in hoc crimine^e deprehensus fuerit, eandem hereditatem beati^f Petri legitime^g restituat, et poenam quadrupli^h de propriis bonis persolvatⁱ.

Si quis^j episcopus fornicationem^k presbyterorum diaconorum seu subdiaconorum vel^l crimen incestus^m in sua parroechiaⁿ, precibus vel pretio interveniente^o, consenserit, vel commissum^p sibique compertum auctoritate sui officii^q non impugnaverit, ab officio suspendatur.

Ut omnis^r christianus procuret^s ad missarum sollemnia aliquid Deo offerre, et duci^t ad memoriam, quod Deus per Moysen dixit: *Non apparebis in conspectu meo vacuus^u*. Etenim in collectis^v sanctorum patrum liquido^w apparet, quod omnes christiani offerre aliquid Deo ex usu sanctorum patrum debent^x.

**VI 6. Cuniberti episcopi Taurinensis et Benedicti II abbatis S.
Michaelis Clusini controversiam dirimit.**

Gregorius episcopus servus servorum Dei.

1078

Nov. 24

Notum tam praesentibus quam posteris fieri volumus, causam Cuniberti Taurinensis episcopi et abbatis^y Sancti Michahelis^z qualiter^{aa} finiendam esse, posuimus^{bb}. Venientes enim ante nostram praesentiam, post plura annorum curricula quibus con-

a. Idem 2. b. in proprietate sua 3. c. vel — exhibuerit *om.* 3. d. *sic*
cod. et 3, sacrilegum 2. e. *om.* 3. f. beato Petro 2; *om.* 3. g. *om.* 2. h. quadruplicem 2, quadrupliciter 3. i. solvat 3. k. fornicationi — crimini 2. l. et 3.
m. incesti 3. n. in sua parroechia *om.* 3. o. intervenientibus 2. p. commissa 2,
ubi om. sibique compertum. q. sua 3 *pro* sui officii. r. offerat 3 *pro* procuret
offerre. s. ducere 2, ducat 3. t. missalibus *add.* 2. u. *om.* 3. v. debeant 3.
w. *an* taliter? x. *an* disposuimus?

1. „Si quis — suspendatur“ recepit Gratianus in deer. P. I D. 83 c. 1.
2. „Omnis — debent“ sunt in Gratiani deer. P. III D. I c. 69. 3. Exod.
23, 15. 4. Benedicti II. 5. Clusini.

1078 Nov. 24 questi sunt alter adversus alterum, ex voluntate acquiescentes et oboedientes nostro iussui, pacem inter se nobis praecipientibus fecerunt. Quibus ex auctoritate apostolica interdiximus: ne alter alteri occasionem discordie ulterius preeberet. Sed episcopus abbati et praedicto monasterio emendet, quae ei abstulit, nisi quantum abbas ei condonaverit; similiter et abbas episcopo faciat; et hoc in existimatione Astensis episcopi¹ et episcopi Aquensis² nec non et abbatis Fructuariensis³. Si autem episcopus voluerit et potuerit probare, illud monasterium in proprietate et allodio sui episcopii esse constructum, in sequenti synodo uterque se praesentent et in eo iustum et legalem diffinitionem accipient. Si vero aliquo impedimento^a cessaverint, legatos suos dirigant, quatenus eis ipsi reportent, qualiter et quando finem eorum negocio imponamus. Quodsi episcopus, cognita veritate, cognoverit, idem monasterium non esse constructum in alodio sui episcopatus, vel abbas perpenderit, quod episcopus circa hoc negocium iustum et veram habeat rationem, sine aliqua disceptatione^b vel controversia ei, qui veritatem et iustitiam habuerit, acquiescat; procul dubio scientes, quia in eum, qui iniustum causam habens defendere temptaverit vel, aliquod patrocinium vel potentiam sperans, iniustum negocium agitare ausus fuerit, graviter et severissime puniemus. Data Romae 8 Kalendas Decembris, inductione 2.

VI 7. *Hugoni episcopo Diensi mandat, ut Robertum I comitem Flandrensem, si iniuste excommunicatus sit, absolvat.*

1078 Nov. 25 Gregorius episcopus servus servorum Dei Hugoni Diensi episcopo salutem et apostolicam benedictionem.

Quia ex pastoralis officii susceptione oportet nos magnam sollicitudinem habere de salute omnium filiorum ecclesiae, debemus quantotius emendare, si quid noverimus aliter gestum esse, quam convenit rectitudini ecclesiasticae. Proinde notificamus dilectioni tuae, nobis per aliquos, et maxime per Ingelran-

a. venire excidisse videtur. b. disceptatione cod.

1. Ingonis. 2. Alberti. 3. Alberti II.

1078
Nov. 25

num Flandrensem clericum, innotuisse: Robertum¹ Flandrensem comitem ab Huberto² legato nostro et Hugone Lingonensi^a episcopo³ per machinationes inimicorum suorum excommunicatum esse. Quod quia non debemus, si verum est, ferre, rogando mandamus fraternitati tuae: ut, si tibi molestum non est, ad illas partes festines accedere; et, si inveneris eum non canonice excommunicatum, absolvias eum ex beati Petri apostolorum principis et nostra parte; sin autem, quod non optamus, canonice, et tamen voluerit satisfacere, item^b ne differas eum ovili dominico reconciliare; quia ipse summus pastor ovem perditam propriis humeris voluit ad gregem reportare⁴. Si autem tibi possibile non est id per temet ipsum agere, mitte personas religiosas pro te, quae praordinata praedicto modo valeant finire. Data Rome 7 Kalendas Decembris, indictione 2.

VI 8. *Uberto archidiacono Tarvannensi et clericis ac comitibus S. Pauli praecipit, ut Kesecam villam clericis S. Mariae et S. Audomari restituant, aut apud Hugonem episcopum Diensem causam agant.*

Gregorius episcopus servus servorum Dei Uberto⁵ et clericis et comitibus de castro Saneti Pauli⁶, Guidoni et Ugoni, salutem et apostolicam benedictionem.

Clerici Sanctae Mariae et Sancti Audomari⁷, adeuntes apostolicam sedem, conquesti sunt de vobis: quod iam multo tempore sibi et suae ecclesiae aufertis quamdam villam Keseca nominatam cum omnibus ad eam pertinentibus; atque cum multoties de hoc in provincialibus synodis coram episcopo vestro⁸ et ad ultimum coram Hugone Diensi coepiscopo et confratre nostro apostolicae ecclesiae legato in Pictavensi concilio querelam fecissent atque ille ex auctoritate nostra preecepisset, ut

a. Lingonensis cod. b. iterum c.

1. I. 2. subdiacono ecclesiae Romanae. 3. qui et Rainardus et Hugo vocatus est. V. Gall. Chr. IV 560. 4. V. Luc. 15, 4—6. 5. archidiacono Tarvannensi postea episcopo Tarvannensi. Cf. Lib. IV ep. 10 supra p. 255 et Lib. VII ep. 16 infra. 6. S. Pol, in Artesia. 7. S. Omer, in Artesia. 8. Drogone ep. Tarvannensi, qui obiit d. 21 Aug. 1078.

1078 coram episcopo vestro aut proclamata ecclesiae praefatae et cle-
 Nov. 25 ricis redderetis aut, quod vestra iure esse debeant, rationem di-
 ciceris, episcopusque vester tres terminos vobis et ad ultimum
 provincialem synodum statuisset ut utrumlibet ageretis, vos
 tamen neutrum, sicut nunquam, ita quoque nec tunc facere vo-
 luistis. Unde ex auctoritate Dei et sancti Petri apostolorum
 principis praecipimus vobis: ut, si ita est, praedictas res praee-
 dictae ecclesiae et clericis eius sine dilatione canonice restituatis;
 aut, si ita non est et iusta ratione pro certo scitis ad vestram
 ecclesiam eas pertinere debere, infra quadraginta dies, postquam
 litteras nostras videritis vel, si eas videre vitaveritis, postquam
 eas missas vobis cognoveritis, Hugonem praefatum coepiscopum
 et fratrem nostrum ad diem, Ingelranno¹ et fratribus eius a
 vobis ante denominatum atque praenunciatum, adeatis; ut, utris-
 que partibus coram positis, ipse legitimum finem faciat huius
 contentionis. Quodsi et^a istud agere nolueritis infra praescriptos
 dies, finitis eis, contradicimus vobis et Widoni Hugonique et
 Eustachio comitibus, Oilardo quoque subdefensori praefatae pos-
 sessionis omnibusque, vobis a modo auxilium et consensum ad
 hoc sacrilegium praebituris, velut sacrilegis et raptoribus, omnem
 penitus ecclesiae ingressum et christianam communionem atque
 gratiam beati Petri apostolorum principis et in vita et in morte;
 nisi forte poenitentiam egeritis, et iniuste rapta ecclesiae praefatae
 canonice restitueritis. Si autem, quod absit ab omnibus
 christianis, post haec omnia, diabolica infecti malitia, in ex-
 communicatione praescripta incorrigibiliter perseverare malue-
 ritis, praecipimus defensoribus et patronis praedictae ecclesiae,
 ut eidem et clericis eius praefatas res restituere omnibus modis
 satagant. Data Romae 7 Kalendas Decembris, indictione 2.

VI 9. *Ernolfo et Huberto clericos et comites S. Pauli, nisi obe-
 dierint, excommunicatos nuntiat. Moneant Mathildem, ut
 ecclesiae S. Mariae tradat terram a marito relictam; alios-
 que, ut decimas ecclesiae praestent.*

1078 Gregorius episcopus servus servorum Dei archidiaconibus
 Nov. 25 1. canonico S. Audomari, v. Recueil XIV 624 n. d. a. Quod etsi c.

Tarvannensis ecclesiae Ernolfo et Huberto¹ et canonicis, si ca- 1078
nonice vixerint, salutem et apostolicam benedictionem. Nov. 25

Clericos de castro Sancti Pauli, de quibus canonici Sanctae Mariae et Sancti Audomari per Ingelrannum et alios fratres eius nobis sunt conquesti, ad civitatem Tarvennam ex auctoritate nostra omnes convocate, et litteras nostras eis legite, quae vobis dabuntur ex nostra parte. Quodsi noluerint venire vel venientes litteris nostris non oboedire, omnem ecclesiae ingressum et, quod in litteris nostris eis contradicitur, contradicite, et insuper quicquid de ecclesia Tarvannensi possident clericali exhibitione. Laicis quoque in litteris nostris nominatis et, qui cumque alii praefatis clericis, post litteras nostras visas vel notificatas non obedientibus, consensum auxiliumque, ut in rapina et sacrilegio perseverent, praebuerint, notificate: quod in praescripta positi sint excommunicatione. Mathildem viduam Arnulfii advocati, quae terram, quam maritus suus moriens dedit ecclesiae sanctae Mariae et quam ipsa^a promisit morienti se liberam facere, admonete adhuc, ut quod promisit perficiat; sin autem, in praefata damnatione, quam diu non fecerit, maneat. Rengerium, Adam, Berewoldum et caeteros, qui subtrahunt decimas novarum terrarum praefatae ecclesiae, admonete, ut reddant et satisfaciant; quod si noluerint, quo usque resipiscant, praedictae damnationi subiaceant. Et hoc etiam addimus, ut nullus accipiat de manu omnium praelibatorum oblationem aliquam sive in vita sive in morte, quo usque canonice quod peccaverunt emendent. Data Rome 7 Kalendas Decembris, in dictione 2.

VI 10. Ravennatibus Wibertum in synodo deiectum esse nuntiat.

Gregorius episcopus servus servorum Dei omnibus Ravennatibus maioribus et minoribus, qui beatum Petrum eiusque filium, sanctum videlicet Apollinarem^b, salutem et apostolicam benedictionem.

a. ipse cod. b. venerantur vel diligunt excidisse videtur.

1. post episcopo Tarvannensi.

1078 Quam fideliter quamque humiliter beato Petro, nempe apo-
 Nov. 25 stolorum principi, Ravennas ecclesia semper adhaeserit quantam-
 que matri suae, sanctae videlicet Romanae ecclesiae, oboedien-
 tiam in omnibus exhibuerit, vestra fraternitas optime novit. Ille¹
 autem, qui nunc ecclesiae Ravennatis episcopus esse dicitur,
 quomodo eam, olim tam ditissimam quam etiam religiosissimam,
 tyrannica depredatione devastaverit et in religiosae vitae exemplo
 corruerit, et vos patiendo videndoque sensistis et nos certo ex-
 perimento didicimus. Sed quia, his malis aliisque quam pluribus
 flagitiis irretitus atque pollutus, ne argui possit atque convinci,
 superbiae fastu elatus, contra apostolorum principem calcaneum
 erexit et in inoboedientia, quae sceleri comparatur idolatriae²,
 perseverat, eum sine spe recuperationis Spiritus sancti iudicio,
 apostolicae sedis auctoritate, in sancta Romana synodo esse de-
 positum, praesentium indiciis indubitanter cognoscite. Quapropter,
 ut nullam ei deinceps, quae episcopo debetur, oboedientiam ex-
 hibeatis, omnibus vobis beati Petri apostolorum principis aucto-
 ritate praecipimus. Si qui vero, excommunicationis contagione
 vulnerati, his salutiferis ausi fuerint repugnare praeceptis, eos
 veluti putrida membra a toto corpore Christi, quod est ecclesia
 catholica, anathematis gladio resecamus atque proicimus. Vobis
 autem, Deum diligentibus et beato Petro oboedientibus, ex aucto-
 ritate eiusdem apostolorum principis omnium peccatorum remis-
 sionem largimur. Data Rome 7 Kalendas Decembris, inductione 2.

VI 11. *Clericis S. Mariae Lucensis interdicit ecclesiis intrandi,*
nisi aut in communione bonorum vivant aut ecclesiae
praebendam Anselmo II episcopo reddant.

1078 Gregorius episcopus servus servorum Dei clericis Sancti Mar-
 Nov. 28 tini Lucensis ecclesiae salutem et apostolicam benedictionem.

Cum apud vos essemus³, sepissime vos per nos et per con-
 fratres nostros ammonuimus: uti secundum privilegium anteces-
 sorum nostrorum, sancti videlicet Leonis papae et Victoris, quod
 ipsorum tunc canonicorum vestrae ecclesiae rogatu ipsi ecclesiae

1. Wibertus. 2. Cf. 1 Reg. 15, 23. 3. Cf. Lib. V ep. 1 supra p. 288.

fecerunt, communem regularemque vitam duceretis. Sed vos, ¹⁰⁷⁸
 Nov. 28
 quae vestra sunt quaerentes non quae Iesu Christi¹, nostras am-
 monitiones neglexistis. Cumque — tantae negligentiae et inoboe-
 dientiae, quae scelus idolatriae a sanctis patribus dicitur², merito
 — iure vos sententia iudicialis ferire deberet, episcopi tamen
 vestri³ et quorumdam fratrum vestrorum precibus apostolica man-
 suetudo solita pietate ut filios usque ad festivitatem omnium
 sanctorum⁴, deinde etiam interventu eiusdem episcopi usque ad
 synodum⁵ clementer vos sustinuit. Ad quam praecepimus ut ali-
 quos mitteretis de vobis, qui de vestra nobis oboedientia respon-
 derent. Quod quia minime factum est^a, ut decuerat, iam nunc
 aequitatis non possumus differre censuram. Proinde per veram
 oboedientiam moneo: ut communem vitam vivatis, sicut sanctus
 Leo papa ecclesiae vestrae instituit et sicut Romana ecclesia in-
 telligit — id est, ut omnia ecclesiae bona in communem utilitatem
 redigantur et communiter, sicut supra dictum est, expendantur —
 aut, si id facere recusatis, ecclesiae praebendam in manu epi-
 scopi ad ecclesiae utilitatem reddatis. Quodsi neutrum horum,
 quod absit, facere curatis^b, ex auctoritate Dei omnipotentis et
 sanctorum apostolorum Petri et Pauli omnium ecclesiarum in-
 troitum vobis usque ad emendationem congruam prohibemus.
 Data Rome 4 Kalendas Decembris, indictione 2.

VI 12. *Ecclesiae Pisanae bona confirmat. Landulfum episcopum
 et eius successores vicarios suos in Corsica constituit.*

Gregorius episcopus servus servorum Dei dilecto in Christo ¹⁰⁷⁸
 fratri Landulfo Pisano episcopo suisque successoribus. ^{Nov. 30}

Supernae miserationis respectu ad hoc universalis ecclesiae
 curam suscepimus et apostolici moderaminis sollicitudinem ger-
 imus, ut iustis precantium votis attenta benignitate faveamus, et
 libramine aequitatis omnibus in necessitate positis, quantum Deo
 donante possumus, subvenire debeamus. Unde, postulante te,

a. est addidi. b. recusatis c.

1. Philipp. 2, 21. 2. Cf. 1 Reg. 15, 23. 3. Anselmi II. 4. Nov. 1.
 5. die 19 Nov. habitam. V. supra p. 330.

1078 frater Landulfe, ut ecclesiam, cui Deo volente praeesse dinosceris,
 Nov. 30 eiusque bona ab^a adversariorum impetu et infestatione nostrae apostolicae auctoritatis munimine tueremur, inclinati iustis preceptibus tuis, concessione praesentis privilegii confirmamus tibi episcopatum praedictae Pisanae ecclesiae cum omni iure suisque pertinentiis. Et quia Pisana ecclesia, quae in praeficiendis^b sibi pastoribus a constitutionibus sanctorum patrum deviaverat, tandem pro restitutione antiquae libertatis suae salubre consilium matris suae sanctae Romanae ecclesiae suscepit ita, ut te, non aliunde sed per ostium quod Christus est intrantem, gaudeat nobis ordinantibus habere pastorem; indulgemus concedimus atque firmamus sibi tam ea, quae ab antiquis temporibus iuste collata sunt, quam ea, quae divina pietas per serenissimam filiam nostram Mathildim pro remedio animae matris suae¹, in eadem ecclesia sepulta, concedere dignata est — videlicet locum, qui dicitur Scanellum cum castellis et pertinentiis suis — et alia, quae in futurum Deo auctore a fidelibus legaliter conferenda sunt. Preterea, fidei et religionis tuae gratum in te fructum exuberare cognoscentes, committimus tibi tuisque successoribus vicem nostram in Corsica insula — si tamen ipsi consensu Romani pontificis et electione^c Pisani populi ita canonice intraverint, sicut te constat intrasse — ut, secundum quod Deus tibi tradidit, quae ad christianam religionem pertinere videntur, vigilanti studio episcopos clericos populumque eiusdem insulae doceas atque morum honestate confimes, iuxta propheticum sermonem ut evellas et destruas, aedifices et plantes². Quae nimirum insula, a iure et dominio sanctae Romanae ecclesiae per quorundam pravorum hominum invasionem subtracta, ut prudentiae tuae studio, exclusis invasoribus, secundum antiquum morem ad dominium eiusdem Romanae ecclesiae revocetur; concedimus tibi — per quem Pisana ecclesia ad antiquum sui decorem reducta est, et qui prius in restitutione praedictae insulae elaboraturus es — medietatem omnium reddituum, et totius pretii medietatem quae de

a. ab *om. cod.*b. *perficiendis cod.*c. *electionē cod.*

1. Beaticis.

2. Ierem. 1, 10.

placitis adquiretur; duobus vero successoribus tuis quartam par- 1078
tem redditum et totius pretii, quae de placitis adquiretur; ita Nov. 30
tamen, ut arces et queque munita loca, per te adquirenda, in
potestate nostra et successorum nostrorum permaneant, eo tenore:
ut, si necessitas exegerit, custodes eorumdem locorum tibi suc-
cessoribusque tuis, salvo iure et honore Romanae ecclesiae, oboe-
diant. Dignum quippe est, ut, si ad imperium et consensu
sanctae Romanae ecclesiae pastoralem^a secundum Dominum suscep-
perint^b dignitatem, habeant ex largitione apostolicae sedis tem-
poralium rerum sustentationem et decorem. Hoc etiam addendum
esse censuimus, ut in agendis placitis nuncius noster semper
intersit. Actum Romae 2 Kalendas Decembris, indictione 2.

*VI 13. Olavi III regis Norwegiae fidem confirmat. Iuvenes
mittat, qui, praedicatores facti, ad eum revertantur. Ne
fratribus Haraldi Hein regis Daniae opem ferat.*

Gregorius episcopus servus servorum Dei Olavo Norvechco- 1078
rum regi salutem et apostolicam benedictionem. Dec. 15

Licet ex universalis cura sanctae et apostolicae sedis, cui
divina miseratione praesidemus, debitores simus omnibus, qui
Christi fidem colunt; de vobis tamen, qui quasi in extremo orbis
terrarum positi estis, tanto nos maioris sollicitudinis ratio neces-
sitasque circumstat, quanto vos eorum, qui in christiana religione
vos instruant, minorem copiam et necessaria minus solacia habere
cognoscimus. Quapropter, oblata oportunitate, scripsimus vobis
ad confortandam aliquo modo gloriam vestram in fide, quae est
in Christo Iesu. Qui secundum propositum voluntatis aeterni
patris Dei, cooperante Spiritu sancto, pro salute mundi homo
factus est, de intemerata virgine natus; mundum reconcilians
Deo per mortem suam; delens peccata nostra per redemptionem,
quae est in sanguine ipsius; et devicta morte, in semet ipso
convivificavit ac resuscitavit nos in spem vivam, in hereditatem
inmarcessibilem, incontaminatam, incorruptam¹. In quo, sicut

a. pastorale cod. b. suscepserit cod.

1. 1 Petr. 1, 4.

1078 confidimus in misericordia eius, vobis parata est aeterna salus
 Dec. 15 et vita, si tamen in illo spem firmam usque ad finem tenueritis¹, credentes, sicut dicit apostolus Paulus, quoniam in ipso inhabitat omnis plenitudo divinitatis corporaliter². Propter quod servite ei cum omni timore et humilitate, memores quod psalmista dicat: *Quoniam Domini est regnum, et ipse dominabitur gentium*³. Sitque semper in ore, sit semper in corde vestro, quod hunc versiculum paucis interpositis sequitur: *Et anima mea illi vivet, et semen meum serviet ipsi*⁴.

Notum autem vobis esse volumus, quoniam desiderium nostrum est: si quo modo possemus, ad vos aliquos de fratribus mittere, qui fideles et docti essent ad erudiendum vos in omni scientia et doctrina in Christo Iesu; ut, secundum euangelicam et apostolicam doctrinam decenter instructi, in nullo vacillantes essetis; sed, radicati atque fundati super stabile fundamentum quod est Christus Iesus, abundantius atque perfectius in virtute Dei cresceretis, et secundum operationem fructum fidei, aeterna retributione dignum, redderetis. Quod quia nobis tum^a propter longinquitatem terrarum, et maxime propter ignotas linguas valde difficile est, rogamus vos, sicut et regi Danorum⁵ denunciavimus: ut de iunioribus et nobilibus terrae vestrae ad apostolicam aulam mittatis; quatenus, sub alis apostolorum Petri et Pauli saeris ac divinis legibus diligenter edocti, apostolicae sedis ad vos mandata referre non quasi ignoti sed cogniti, et quae christianaee religionis ordo postulaverit, apud vos — non quasi rudes aut ignari sed lingua ac scientia moribusque prudentes — digne Deo praedicare et efficaciter ipso adiuvante excolere valeant.

Relatum quoque nobis est, fratres⁶ regis Danorum⁷ ad vestram se contulisse excellentiam, ut, vestris viribus copiisque nitentes, quatenus cum illis regnum dividat, fratrem cogere intendant. Quae quidem res quantum ad regni detrimentum, quantum ad confusionem populi christiani quantumque ad destructio-

a. sic.

1. Cf. Hebr. 3, 6. 2. Coloss. 2, 9. 3. Ps. 21, 29. 4. Ps. 21, 31.
 5. Haraldo Hein. 6. S. Kanutus (postea IV rex Daniae); eiusque fratres.
 7. Haraldi Hein.

nem ecclesiarum, quibus cotidie vicina paganorum crudelitas in- 1078
hiat, et totius terrae desolationem attineat, per semet ipsam nos Dec. 15
veritas, quae Christus est, in euangelio docet; cum dicit: *Omne regnum in se ipsum divisum desolabitur, et domus supra domum cadet*¹. Unde eminentiam vestram id summopere cavere mone-
mus: ut nullius umquam persuasione in hac parte cuiquam assen-
sum praebeatis vel adiutorium; ne peccatum hoc quod absit in
vos retorqueatur, neu de discidio regni illius contra vos et regnum
vestrum divina indignatio concitetur. Hoc autem vos procurare
libenter volumus atque consulimus: ut praefatus rex Danorum
fratres suos in regnum cum caritate suscipiat, et ita eis de reli-
quis bonis et honoribus, ubi potest, distribuat, ut nec illos in-
digna angustet necessitas nec regni status labefactetur aut dignitas.

De cetero semper cogitate de spe vocationis vestrae et —
attenti ad ea, quae Dominus in euangelio dicit: *Quia venient ab oriente et occidente, et recumbent cum Abraham Ysahac et Iacob in regno coelorum*² — nolite tardare, currite, festinate. De ulti-
mis finibus estis; sed si curritis, si festinatis, primis patribus in
regno coelesti^a sociati eritis. Sit cursus vester fides amor et
desiderium; sit iter vestrum: mundi gloriam assidue meditari
esse caducam, et ideo cum amaritudine potius quam delectatione
tenendam. Sit vestrae potentiae usus et exercitatio: subvenire
oppressis, defendere viduas, iudicare pupillis, iustitiam non solum
diligere sed etiam tota virtute defendere. His nanque vestigiis,
hoc thesauro, his opibus de terreno ad coeleste regnum, de fluxo
et fragili ad certum et perenne gaudium, de caduca et transi-
atoria ad aeternam et semper permansuram pervenitur gloriam.
Deus autem omnipotens, qui dives et copiosus est in miseri-
cordia, meritis et auctoritate apostolorum Petri et Pauli et nostra,
per illos nobis licet indignis divinitus concessa, absolvat te et
omnes fideles tuos ab omnibus peccatis vestris; et dirigat vos in
omnem voluntatem suam, ut in hac vita vos promereri faciat,
quod in aeterna beatitudine multipliciter vobis adacta corona^b
retribuat. Data Romae 18 Kalendas Ianuarii, inductione 2.

1. Lue. 11, 17. 2. Matth. 8, 11.

a. coelesti addidi.

b. sic cod.

VI 14. *Welfonem ducem Bavariae (et episcopos quosdam) scribit contra se non esse murmuraturos, si respectum ad ea habeant, quae de regni perturbatione in huius anni synodis acta sint.*

1078 Dec. 30 Gregorius episcopus servus servorum Dei Welfoni¹ duci² salutem et apostolicam benedictionem.

Si diligenter secundum aequitatem pontificalis officii non secundum propriam voluntatem perpenditis, quae agimus, quae dicimus de communi negocio immo maxima perturbatione regni vestri, contra nos non^a murmurabis; sed, per viam patrum nostrorum nos incedere Deo duce meritis beati Petri apostoli, cognoscetis. Perpendite, quod sanctus Spiritus per nos licet indignos dignatus est in sancta synodo hoc in anno Rome in quadragesima celebrata statuere, et cognoscitis, quantum valeat, quantum possit auctoritas et potestas beati Petri. Agite itaque omnipotenti Deo et beato Petro semper grates et, non contra nos murmurando sed beato Petro gratias referendo, meliora sperate. Michi credite, fratres carissimi, quia, qui de falsitate et calliditate non de iustitia et simplicitate confidunt, omnino decident et hos beati Petri gladius devorando confundet. Quid autem sit actum in quadragesimali synodo, sive in ea, quam in mense Novembri fecimus, vestri fideles qui interfuerunt et nostrae litterae vobis missae indicare possunt. Vos autem, de iustitia confidentes et de beati Petri adiutorio praesumentes, confortamini in Domino et in potentia virtutis eius; quia, si fideli corde et stabili Deo adhaeseritis, cito vobis victoria et pax arridebit.

Omnipotens Deus meritis beatae Mariae coelorum reginae per auctoritatem beati Petri apostolorum principis, mihi valde indigno commissam, te tuosque omnes socios, qui iustitiam amatis et beati Petri sedem diligitis, a cunctis peccatis absolvat et ad vitam aeternam perducat. Data Rome 3 Kalendas Ianuarii, indictione 2.

a. non om. cod.

1. (IV) duci Bavariae. 2. episcoporum quorundam nomina hic excidisse liquet ex iis, quae sequuntur, verbis: „Si — secundum aequitatem pontificalis officii — perpenditis“; et ex his: „Michi credite, fratres carissimi“.

VI 15. *Monachis Massiliensibus scribit de Bernardi abbatis summo erga se studio. Huius absentiam aequo animo ferant. Monasterium eorum cum Romano S. Pauli monasterio coniungi cupit.*

Gregorius episcopus servus servorum Dei carissimis fratribus 1079
in monasterio Massiliensi commorantibus salutem et apostolicam Ian. 2
benedictionem.

Contristavi vos, immo beatus Petrus commovit, turbavit. Et ipse sanabit. Filius namque illius, abbas vester¹, venit ad nos, et pro eius amore factus est obediens usque ad corporis captiōnem². Et quia paratus fuit si oporteret mori, et ex hoc habebit retributionem. Sed, sicut scitis fratres mei, rari sunt boni, qui etiam Deo in pace serviant; sed rarissimi, qui pro illius amore persecutiones non timeant, vel qui se contra inimicos Dei indubitanter opponant. Proinde christiana religio heu proh dolor pene deperiit et impiorum superbia nimis accrevit. Praedictus autem pater vester, re vera apostolorum principem diligens, in eius acie nobis adhaesit et adiutorium Christo gubernante nobis impendit, non surda aure intendens, quod dicit apostolus: *Si fuerimus socii passionum, erimus et consolationum*³. Sed quia caritas, licet ratio vos consoletur, ad dolorem vos impellit eo, quod tantum patrem tamque vobis dulcem quasi longo tempore amiseritis, rogamus vos ex parte omnipotentis Dei et amore beati Petri: patienter supportate nos; quia cito Deo adiuvante eum vobis laetum remittemus. Et ex hoc auctoritate beati Petri apostolorum principis, nobis valde indignis commissa, indulgentiam omnium peccatorum vestrorum promittimus et absolutionem cum benedictione concedimus. Confidimus namque de nimia pietate Altissimi et de ineffabili clementia reginae coelestis, quia beati Petrus et Paulus locum vestrum amplius solito custodient et tuebuntur, qui pro illorum servitio damnum et incommodum habere videtur. Desideramus enim locum beati Pauli⁴ et ve-

1. Bernardus. 2. v. L. V ep. 7 supra p. 295 n. 6. 3. 2 Cor. 1, 7.

4. Romanum. Bernardum enim abbatem Massiliensem a Gregorio VII (quem scimus anno 1058 abbatem S. Pauli fuisse, v. Lamberti annales 1058, Mon.

1079 strum ita unire, ut — sicut iam ex longo tempore Cluniacus —
 Ian.² apostolicae sedi specialiter adhaereat et speciali ecclesiae huius
 adiutorio et benedictione congaudeat. Moveat vos, fratres ca-
 rissimi, summa dilectio Christi, ut nos sicut vos ipsos diligatis,
 et manum adiutorii nobis^a in magna tempestate positis por-
 rigatis, illud semper p[re]a oculis habentes: *Alter alterius onera
 portate, et sic adimplebitis legem Christi*¹. Quod autem minus
 scripsimus, horum portiori dicenda reliquimus. Omnipotens
 Deus, a quo bona cuncta procedunt, meritis et intercessione Dei
 genitricis et virginis per auctoritatem, beatis Petro et Paulo apo-
 stolorum principibus concessam, vos respiciat vosque semper in-
 novet et custodiat vobisque, quod sit novum canticum², indicet,
 et in sancta iubilatione inflammet^b, ut perfecte sciatis humanam
 fragilitatem deflere et ineffabilem Dei benignitatem cognoscere;
 ut, in eius amore semper crescentes, ad eius certam notitiam
 et mirabilem letitiam coelesti matre ducente mereamini pervenire.
 Data 4 Nonas Ianuarii, indictione 2.

VI 16. *Berengario episcopo Gerundensi mandat, ut Raymundi
 Berengarii I comitis Barcinonensis filios in gratiam re-
 conciliet. Addit de fratre eius Guifredo archiepiscopo
 Narbonensi ad virtutem reducendo.*

1079 Gregorius episcopus servus servorum Dei dilecto in Christo
 Ian.² fratri Berengario Gerundensi episcopo salutem et apostolicam
 benedictionem.

Sicut per filium nostrum Massiliensem abbatem³ didicimus,
 paratum esse te dicis, in oboedientia et fidelitate beati Petri fir-
 missimo animo et constanti persistere et secundum praeceptum
 nostrum vitam tuam deinceps moresque componere, cupisque et
 desideras p[re]a ceteris, qui in partibus vestris sunt, nobis fami-
 liariter adhaerere. Sed et nos ad suscipiendum tantae devotionis

a. nobis addidi. b. sic cod.

Germ. SS. V 159 „Romae sancti Pauli ecclesiae primicerium incardinatum
 esse“, tradidit Bertholdus in annal. 1079, Mon. Germ. SS. V 324.

1. Galat. 6, 2. Cf. Ps. 32, 3. 3. Bernardum.

affectum sinum paternae dilectionis extendimus et modis omnibus pio circa nos amori tuo favemus, ita plane, ut et tu, sicut 1079
Ian. 2 promittis, in amorem Petri et sollicitudinem ecclesiasticae religionis et pacis christiana semper excrescas dignumque te apostolica familiaritate ex oboedientia sincerissima reddas. Itaque in primis negocium tibi, de quo multum curamus, iniungimus.

Comperimus enim, quod inter filios¹ Raimundi Berengarii² per vanitatem et superbiam, et maxime per consilium impiorum, nimirum ex invidia diaboli, discordia oritur. Et ego inde nimis contristor tum pro amore patris eorum, qui me satis ex quo cognovit dilexit, tum etiam, quia super christianam gentem, quae in partibus illis magno impiorum Sarracenorum odio laborare dinoscitur, grave sentio periculum imminere. Unde praeципimus tibi: ut — adiunctis tecum religiosis vicinis tuis abbatibus, scilicet Tomeriense³ Ripollense⁴ et Sancti Cucufati⁵, et quoscunque alios Deum timentes clericos vel laicos poteris invenire — pacem inter illos reformare et componere studeas. Quodsi acquiescere monitis vestris fortasse noluerint, ostensis eis praesentibus litteris, ad tenendam eos treuvam firmissimam usque ad determinatum tempus ex auctoritate nostra constringite; infra quod nos tales illuc ex latere nostro nuncios dirigamus, qui causam litis eorum ita iuste diffiniant, ut non se ad gratiam alicuius nec pretio nec favore deflectant. Porro hoc illis debes firmiter inculcare: quia — si nobis inoboedientes extiterint et in fraterno odio remanere diabolo instigante maluerint — illi quidem, ex cuius culpa vel superbia pax ista remanserit, gratiam sancti Petri auferemus^a eumque sicut membrum diaboli et desolatorem christiana religionis cum omnibus fautoribus suis festinabimus a communione christiana societatis abscindere, ita ut nullam deinceps victoriam in bello, nullam prosperitatem habere possit in saeculo; alteri vero, qui humiliter paci consenserit

a. auferimus cod.

1. Raimundum Berengarium II et Berengarium Raimundum II, comites Barcinonenses. 2. I comitis Barcinonensis. 3. Frotardo abbate S. Pontii Tomeriensis. V. L. IV ep. 28 supra p. 286 n. 1. 4. s. Rivipulense (d. Ausonensis in Hispania). 5. coen. d. Barcinonensis.

1079 debitamque oboedientiam apostolicae sedi exhibuerit, statuemus
 Ian.² ex gratia sancti Petri inexpugnabile apostolici favoris auxilium,
 eumque, sicut filium sanctae Romanae ecclesiae condecet, ad
 obtinendam haereditatem dignitatemque paternam modis omni-
 bus procurabimus adiuvare, et omnibus christianis in partibus
 illis, ut ei faveant eumque ad obtinendum principatum adiuvent,
 apostolica auctoritate praecipiems. Quicquid autem de hoc
 a te inter eos diffinitum fuerit, quantotius nobis litteris intimare,
 immo, si oportunum fuerit, te ipsum nobis repraesentare curabis.

Praeterea de fratre tuo Narbonensi¹ magis, quam hactenus
 fueris, volo te esse sollicitum. Quia ego satis de perditione illius
 doleo; et miror, si tu illum, cui gemina germanitate² cohaeres,
 ad salutem non studes reducere, cum scias, quia pro sola vel
 carnali vel spirituali affinitate alicuius christianus homo in tanti
 periculo articuli se ipsum debet opponere. Age ergo et, fraterna
 caritate succensus, illum ex nostra fiducia admonitionis aggredere,
 commemorans illi et praeteritos longaevae aetatis excessus
 et propinquum iam sibi divinae ultionis imminere iudicium; si
 forte possis eum ab ipso mortis aeternae limine revocare, et
 de salute fratris non solum cordis gaudium, verum etiam maxi-
 mum aeternae retributionis a divina largitate praemium prome-
 reri. Data Rome 4 Nonas Ianuarii, inductione 2.

*VI 17. Hugonem abbatem Cluniensem reprehendit, quod Hu-
 gone I duce Burgundiae in monachorum numerum ascen-
 scendo ecclesiis, viduis, pupillis defensorem eripuerit.*

1079 Gregorius episcopus servus servorum Dei H(ugoni) venera-
 Ian.² bili Cluniaciensi abbatи et carissimo fratri salutem et apostolicam
 benedictionem.

Si Romani ad vestras partes, sicut vestrates ad nos, saepe
 venirent, frequentius tibi litteris seu verbis, qualiter circa nos
 geruntur quae terrena sunt vel coelestia, indicaremus. Sed quia,

1. Guifredo archiepiscopo, quem in concilio a. 1078 die 3 mens. Mart.
 excommunicatum esse scimus. V. supra p. 306. 2. i. e. et iisdem pa-
 rentibus natus et episcopali munere coniunctus.

dum satis intendis aulicos nutrire, de rusticis parum tibi est 1079
curae; inter haec debes ad memoriam reducere: quia pauper
noster et pius Redemptor sic in coelo angelos pascebatur, ut in
terrīs peccatores non solum non despiceret sed etiam cum eis
cibum sumeret. Cur, frater carissime, non perpendis, non con-
sideras, in quanto periculo, in quanta miseria sancta versatur
ecclesia? Ubi sunt, qui se sponte pro amore Dei opponant peri-
culis, resistant impiis et pro iustitia et veritate non timeant
mortem subire? Ecce, qui Deum videntur timere vel amare, de
bello Christi fugiunt, salutem fratrum postponunt et, se ipsos
tantum amantes, quietem requirunt. Fugiunt pastores, fugiunt
et canes, gregum defensores; invadunt oves Christi, nullo contra-
dicente, lupi, latrones. Tulisti vel recepisti ducem¹ in Clunia-
censem quietem; et fecisti, ut centum milia christianorum careant
custode. Quodsi nostra exhortatio apud te parum valuit et apo-
stolicae sedis praeceptum oboedientiam in te ut te decet non
invenit, cur gemitus pauperum, lacrimae viduarum, devastatio
ecclesiarum, clamor orfanorum, dolor et murmur sacerdotum et
monachorum te non terruerunt, ut illud^a quod apostolus dicit
non postponeres, videlicet: *Caritas non, quae sua sunt, quaerit*²,
et illud in corde, ut soles, haberet: *Qui diligit proximum, legem
implevit*³? Quid tibi dicent beatus Benedictus et Gregorius, quo-
rum alter⁴ praecipit, ut per annum probetur novitus, alter⁵
vero prohibet, ut ante triennium miles non efficiatur monachus?
Haec ideo dicimus, quia, quod vix aliquis princeps bonus in-
venitur, dolemus. Monachi vero Deo miserante, sacerdotes et
milites et non pauci pauperes per diversa loca, qui Deum ti-
meant, repperiuntur; principes autem Deum timentes et amantes
vix in toto occidente aliqui inveniuntur. Omittimus iam de hac
re tibi scribere, quia confido de misericordia Dei: caritas Christi,

a. sequitur in codice lacuna, radendo facta.

1. Hugonem I ducem Burgundiae. V. Orderici Vitalis hist. eccl. ed. Prevost T. V p. 34. 2. 1 Cor. 13, 5. 3. Rom. 13, 8. 4. S. Bene-
dictus in regulae c. 58, ap. Holstenium Codex regularum, Parisiis 1663
p. 34. 5. S. Gregorius in Registri L. VIII ep. 5 (al. 11), Opp. ed. Bene-
dictini T. II 898: „debent in suo habitu per triennium probari“.

1079 quae in te solet habitare, me vindicando, cor tuum transfodiet
 Ian. 2 et, quantus michi dolor esse debeat de bono principe ablato
 matri suae, ostendet. Quodsi non illo peior ei successit¹ in regi-
 mine, possumus habere consolationem. Praeterea monemus fra-
 ternitatem tuam: ut in talibus cautius te habeas; omnibusque
 virtutibus dilectionem Dei et proximi preeponas. Haec etiam te
 compellant, ut manum orationis nobis porrugas omnesque fratres
 tibi creditos ad hoc provocare studeas, ut merearis de virtute
 in virtutem proficere et ad perfectionem summe caritatis per-
 venire. Data Romae 4 Nonas Ianuarii, indictione 2.

VI 17 a. *Acta synodi Romanae^a.*

1079 Anno ab incarnatione sempiterni principii millesimo septua-
 Febr. 11 gesimo nono, mense Februarii, indictione secunda, pontificatus vero
 domni Gregorii universalis pontificis septimi anno sexto ad hono-
 rem Dei et hedificationem sanctae ecclesiae, salutem quoque tam
 corporum quam animarum, ex preecepto sedis apostolicae con-
 venerunt finitimi et diversarum provinciarum archiepiscopi, epi-
 scopi religiosaeque personae, ut sanctam synodus celebrent.

Omnibus igitur in ecclesia Salvatoris congregatis, habitus est
 sermo de corpore et sanguine domini nostri Iesu Christi, multis
 haec, nonnullis illa prius sentientibus. Maxima siquidem pars,
 panem et vinum per sacrae orationis verba et sacerdotis con-
 secrationem, Spiritu sancto invisibiliter operante, converti sub-
 stancialiter in corpus dominicum de virgine natum, quod et in
 cruce peperdit, et in sanguinem, qui de eius latere militis ef-
 fusus est lancea, asserebat atque auctoritatibus^b orthodoxorum
 sanctorum patrum, tam Grecorum quam Latinorum, modis omni-
 bus defendebat. Quidam vero, cecitate nimia et longa perculsi,
 figura^c tantum^d esse^e, se aliasque decipientes, quibusdam cavil-

a. Leguntur maximam partem etiam 2) ap. Petrum Pisanum, Pont. Rom. vit. ed. Watterich I 299 – 301; cf. 3) Hugon. Flav., Mon. Germ. SS. VIII 443. b. auctoritatibus — Latinorum in margine cod.; in textu: rationibus tam Grecis quam Latinis. c. figuram 3. d. sequuntur in cod.: quae substantiale illud corpus in dextera patris sedens, sed haec inducta sunt. e. ante esse excidisse videtur: intelligendum.

1. Odo I dux Burgundiae, frater Hugonis I.

lationibus conabantur astruere. Verum ubi cepit res agi, prius etiam quam tertia die ventum fuerit in synodum, defecit contra veritatem niti pars altera; nempe sancti Spiritus ignis, emolumenta^a palearum consumens, et fulgore suo falsam lucem diverberando obtenebrans, noctis caliginem vertit in lucem. Denique Berengarius, huius erroris magister, post longo tempore dogmatizatam impietatem^b, errasse se coram concilio frequenti confessus, veniamque postulans et orans ex apostolica clementia meruit. Iuravitque sicut in consequentibus continetur:

Iusiurandum Berengarii Turonensis presbyteri^c.

Ego Berengarius corde credo et ore confiteor: panem et vinum, quae ponuntur in altari, per mysterium sacrae^d orationis et verba nostri Redemptoris substantialiter converti in veram et propriam ac vivificatricem carnem et sanguinem Iesu Christi domini nostri; et post consecrationem esse verum Christi corpus, quod natum est de virgine, et quod pro salute mundi oblatum in cruce pependit, et quod sedet ad dexteram Patris; et verum sanguinem Christi, qui de latere eius effusus est; non tantum per signum et virtutem sacramenti, sed in proprietate naturae et veritate substantiae, sicut in hoc brevi continetur et ego legi et vos intelligitis. Sic credo, nec contra hanc fidem ulterius docebo; sic me Deus adiuvet et haec sacra euangelia^e.

Tunc^f dominus papa praecepit Berengario ex auctoritate Dei omnipotentis et sanctorum apostolorum Petri et Pauli: ut de corpore et sanguine Domini nunquam ulterius cum aliquo disputatione vel aliquem docere praesumeret; excepto causa reducendi ad hanc fidem eos, qui per eius doctrinam ab ea recesserant.

His itaque pie et feliciter actis, inter multas proclamationes conquesti sunt legati regis Rodulfi super Heinrico: quod, nulli loco nullique personae parcens, regionem^g transalpinam conte-

a. emolumenta c. . . b. sic est in cod. correctum facinus. c. Berengarii iuriandum legitur in registri codice etiam post L. III ep. 17. d. sanctae 2. e. in eo, quod post L. III ep. 17 legitur, huius iuriandi exemplo sequuntur haec: excepto causa reducendi ad viam veritatis eos, qui per meam doctrinam ab hac fide recesserunt, aut exponendi fidem, quam hactenus tenui, his qui me interrogaverint. f. Tunc — recesserant in margine inferiore posita sunt. g. religionem cod. et 2.

1079 Febr. 11 rereret et conculcaret; neminem debitus honor vel reverentia vel dignitas tueretur; et ceu vilia mancipia non modo sacerdotes sed etiam episcopi et archiepiscopi caperentur vinculisque manciparentur partimque^b trucidarentur. Decreverunt ergo quam plures concilii, in illius tyrannidem gladium apostolicum debere evaginari; sed distulit apostolica mansuetudo. Iuraverunt igitur legati Heinrici regis illud, quod in sequentibus scriptum repperitur:

Sacramentum nunciorum Henrici regis.

Legati domini mei regis ad vos venient infra terminum ascensionis Domini¹ — exceptis legitimis soniis^c, id est: morte vel gravi infirmitate vel captione absque dolo — qui legatos Romanae sedis^d secure ducent et reducent. Et dominus rex oboediens erit illis in omnibus secundum iustitiam et iudicium illorum. Et haec omnia observabit absque dolo, nisi quantum ex iussione vestra remanserit. Et haec iuro ex pracepto domini mei regis Heinrici.

Item iusiurandum nunciorum Rodulfi regis, itidemque Rodulfi^e, quod sequitur.

Si colloquium ex vestro pracepto constitutum fuerit in partibus Teutonicis, loco et tempore a vobis definito ante praesentiam vestram vel legatorum vestrorum dominus noster rex Rodulfus vel ipse veniet vel episcopos et fideles suos mittet; paratusque erit, iudicium, quod sancta Romana ecclesia decreverit de causa regni, subire; nulloque malo ingenio conventum a vobis sive legatis vestris constitutum impediet; et postquam certum inde vestrum nuncium videbit de pace in regno constituenda^f et confirmanda, studebit, ut legatio vestra provenire ad pacem regni et concordiam possit. Haec omnia observabuntur, nisi quantum ex vestra certa^g licentia remanserit vel ex^g impedimento legitimo, scilicet morte vel graci infirmitate vel captione sine dolo.

Sacramentum archiepiscopi Aquileiensis.

Iuravit item eodem tempore archiepiscopus Aquileiensis

a. et om. c. b. etiam add. 2. c. excepta maiore causa 2. d. ecclesiae 2.
e. sic cod. f. statuenda 2. g. om. 2.

1. Mai. 2. 2. impedimentis. V. Ducange ad v. sunnis.

Heinricus secundum haec verba: *Ab hac hora et in antea fidelis ero et oboediens beato Petro et papae Gregorio suisque successoribus, qui per meliores cardinales intraverint. Non ero^a in consilio neque in facto, ut vitam aut membra aut papatum perdant, aut capti sint mala captione. Ad synodum, ad quam me vocabunt vel per se vel per suos nuncios vel per suas litteras, veniam et canonice oboediam; aut, si non potero, legatos meos mittam. Papatum Romanum et regalia sancti Petri adiutor ero ad tenendum et defendendum, salvo meo ordine. Consilium vero, quod michi crediderint per se aut per nuncios suos sive per litteras, nulli pandam me sciente ad eorum damnum. Legatum Romanum eundo et redeundo honorifice tractabo et in necessitatibus suis adiuvabo. His, quos nominatim excommunicaverint, scienter non communicabo. Romanam ecclesiam per saecularem militiam fideliter adiuvabo, cum invitatus fuero. Haec omnia observabo, nisi quantum sua certa licentia remanserit.*

Excommunicati sunt in eadem synodo sine spe recuperationis archiepiscopus Narbonensis¹, Tedaldus dictus archiepiscopus Mediolanensis, Sigifredus dictus episcopus Bononiensis, Rolandus Tarvisiensis, item episcopi Firmanus² et Camerinus³; hi omnes cum sequacibus suis, tam clericis quam etiam laicis.

Sacramentum Regiensis episcopi.

Ego Gandulfus Regiensem episcopatum contra interdictum vestrum aut vestri legati octo diebus non tenebo; neque aliquo inveniam studio, quo vestre legationi resistatur; sic me Deus adiuvet et haec sacra euangelia.

VI 18. *Evrardo episcopo Parmensi praecipit, ut, quem ceperit ad synodum iter facientem, Ecardum abbatem Augiensem continuo perducendum ad Mathildem curet. Iubet eum venire Romam, intereaque officio episcopali abstinere.*

Gregorius episcopus servus servorum Dei Evrardo Parmensi 1079
episcopo. Febr. 14

a. ergo c.

1. Guifredus. 2. Grisforanus. 3. Hugo I, de quo cf. Turchi Camerinum sacram p. 148 sq.

1079 Febr. 14 Diu est, quod te pura et sincera caritate dileximus. Sed quod abbatem¹, ad nos venientem et ad sanctam synodus properantem, cepisti, non aequam vicem dilectioni nostrae reddidisti. Magnum quidem facinus et officio tuo indignum, cuius nescio iussu vel instinctu, contra tales virum praesumpsisti. Qui, si quid tibi deberet, tamen, quia ad nos veniebat, teneri non meruit. Quapropter apostolica auctoritate praecipimus tibi: ut, si nondum dimisisti eum, acceptis his litteris, continuo cum honore perduci facias ad Mathildim. Interim vero ab episcopali officio propter hoc, quod illum remoratus es, abstineas, usque quo ad nos ipse venias. Sin autem, quod non speramus, neque his mandatis nostris, ut dimittas scilicet, obtemperare volueris, ecclesiae introitum omnino tibi ex parte beati Petri interdicimus. Data in synodo 16 Kalendas Martii, indictione 2.

VI 19. *Ecclesiae Bambergensis militibus praecipit, ut bona ecclesiastica, quae ab Herimanno deiecto episcopo et a rege, dum Rupertus episcopus esset in vinculis, acceperint, restituant.*

1079 Febr. 17 Gregorius episcopus servus servorum Dei Hirimanno, Udelrico, Frederico, Mazelino, Heroldo, Wirintoni, Goteboldo, militibus Babenbergensis ecclesiae.

Intelleximus iam diu, quod vos, scilicet Haremanne et Udelrice, accepistis bona ipsius ecclesiae pro introitu Babenbergensis episcopi He(rimanni) iam depositi; quodque vos, Frederice, Mazeline, Herolde, Wirinto, post illius excommunicationem ab hac sede^a, bona eiusdem ecclesiae ab eo similiter accepistis; intelleximus etiam, te Gotebolde, quando captus tenebatur episcopus², iam memoratae ecclesiae bona de manu regis accepisse. Sciatis igitur, in eo concilio, quod nuper celebravimus, ita definitum esse: ut, nisi infra terminum viginti dierum, postquam

a. factam excidisse videtur.

1. Ecardum abbatem Augiensem. V. Bertholdi annales 1079, Mon. Germ. SS. V 317. 2. Rupertus, quem a Welfone (IV) duce Bavariae spatio dierum 25 Dec. 1076 et 24 Augusti 1077 custoditum esse, docent Lamberti Annales 1077, Mon. Germ. SS. V 257.

haec legationis nostrae verba ad vestras aures pervenerint, res iam dictae ecclesiae, quas iniuste detinetis, aut reddideritis aut de manu episcopi acceperitis, periculo excommunicationis subiaceatis; si vero resipiscentes ad episcopum veneritis et sepe nominata bona restitueritis, liceat episcopo vos excommunicationis vinculo solvere. Data in synodo 13 Kalendas Martii, in-dictione 2.

1079
Febr. 17

VI 20. *Centullum comitem Bearnensem hortatur, ut scelus, quod commiserit Gisla consanguinea in matrimonium ducenda, expiet.*

Gregorius episcopus servus servorum Dei Centullo comiti¹ salutem et apostolicam benedictionem.

1079
Febr. 25

Audivimus de te per tales, quibus fidem habemus, ea, quae christianum principem bonis omnibus debeant commendare; quia sis videlicet amator iustitiae, defensor pauperum et propagator pacis. Unde te in dilectionem et gratiam sicut filium ecclesiae Romanae suscipimus et, ut in bonis ceptis de die in diem proficere studeas, admonemus. Tamen reprehensibile quoddam in te esse cognovimus; quia scilicet consanguineam tuam² habes uxorem. Et inde nimis cavendum tibi est, ne ex occasione culpae istius caetera, quaecunque agis, bona dispereant. Age ergo, et secundum consilium Amati episcopi Elorensis et Bernardi Maxiliensis abbatis — si quidem ad vestras partes poterit pervenire — praedictum reatum emendare et penitentiam inde agere stude; ne pro hoc animam tuam perdas et nobilem feminam, quae sub tutela tua est commissa, confundas. Ante omnia ecclesiam Dei venerari semper et honorare atque defendere stude, et episcopis quasi patribus tuis reverentiam et obedientiam exhibe. Scias, pro hoc te et in hoc saeculo maiorem gloriam et in futuro vitam promereri perpetuam. Si facultas tibi esset veniendi ad nos, desideramus te videre ac plenius de animae tuae salute instruere. Data Rome 5 Kalendas Martii, indictione 2.

1. Bearnensi. 2. Gislam.

VI 21. *Arelatenses hortatur, ut aut quem Hugo episcopus Dien-
sis iis commendaverit, archiepiscopum eligant, aut pro-
mittant, se suscepturos eum, quem ipse miserit.*

1079 Mart. 1 Gregorius episcopus servus servorum Dei universo clero et populo Arelatensis ecclesiae salutem et apostolicam benedictionem.

Quoniam, sublata pastorali custodia, gregi non parva pericula imminere perpendimus, multa pro vobis sollicitudine angimur, multo dolore compungimur, quod ecclesiam vestram tandiu vigilantia pastoris et regimine idonei gubernatoris destitutam esse cognoscimus. Quod in hac re minus quam oportet vos esse sollicitos, immo, quasi propriae salutis oblitos, nulla pene cura vel affectione permotos deprehendimus, maioris nobis tristitiae causa consistit; quoniam pernitiosius fere nichil est, quam contra mala urguntia nulla ratione consurgere et suae saluti in supremo discrimine aut nescire aut nolle consulere. His itaque curis ac tantae desolationis vestrae causa stimulante, misimus ad vos fratrem nostrum, videlicet Leodegarium¹ Wapincensem^a episcopum; quatenus cum illius consilio aut talem personam secundum Deum eligatis, quam vicarius noster Hugo Diensis episcopus litteris suis nobis commendet; aut, si apud vos, quod credimus, tanto regimine^b digna inveniri persona non potest, in manu fratris nostri Leodegarii Wapincensis episcopi firmetis, illum vos suscipere in pastorem, quem consecratum et honore pallii insignitum vobis ex parte sancti Petri miserimus. Cogitare enim debetis, quoniam secundum electionem gratiae Dei de numero ovium Christi estis; et nequaquam secure vivetis, nisi, qui eius vice vobis praesit et contra incursus callidi insidiatoris assidua circumspetione auxiliante Deo vos muniat, habeatis. Agite ergo: ne quis vos ad prospiciendum de honore ecclesiae vestrae et communi salute^c animarum vestrarum impedire valeat; et ne visitatio legationis nostra frustra ad vos facta esse videatur, per quam vobis caritas nostra repraesentatur et auctoritas; scientes, quoniam, quicquid ex utraque^d Deo auctore debemus et possu-

a. Wapicensem cod.

b. regimini cod.

c. saluti c.

d. utroque c.

1. I.

mus, ad profectum vestrum vobis exhibere promptam et inde-
fessam voluntatem gerimus. Caetera, quae dicenda sunt, fratri
nostro Leodegario iniunximus; cuius legationi, quantum ad hoc
pertinet negocium, ita volo ut credatis, ac si a nobis viva voce
in auribus vestris dicerentur. Data Romae Kalendis Martii, in-
dictione 2.

*VI 22. Mathildi rescritit de Theoderici ducis Lotharingiae ma-
trimonio; de pace cum rege componenda; de duce ex-
communicato.*

Gregorius episcopus servus servorum Dei dilecte in Christo 1079
filiae Mathildi salutem et apostolicam benedictionem. Mart. 3

Quoniam, animi nostri voluntatem super ea re scire cupiens,
misisti nobis, quod Theodoricus dux¹ optaret sibi coniugio co-
pulare quondam uxorem marchionis Petroni², mandamus tibi:
ille non est adeo notus nobis, nec illa nobis ita commissa, ut
aliquid inde agere velimus.

De eodem duce item significasti, quod, si placeret nobis,
de componenda pace inter nos et Heinricum regem se intro-
mitteret. Super hoc itaque respondemus: legatus regis in praes-
entia universalis synodi iuravit ex praecepto domini sui, eum
nostris mandatis per omnia obtemperaturum³. Ea quoque de
causa et spe nos iam misisse legatos nostros, credo tuam scien-
tiam non latere.

Excommunicatum vero iam saepe dictum ducem ab episcopo
Mettensi⁴ quia non ignoras, nos sententiae in illum prolatae no-
veris assensum dedisse et eam firmavisse, nisi infra viginti dies,
postquam mandata nostra resciverit, iussis nostris oboedierit et
nisi civitatem et bona sancti Stephani, quae iniuste invasit, li-
bera dimiserit et ecclesiae satisfecerit. Data Romae 5 Nonas
Martii, indictione 2.

1. Lotharingiae superioris. 2. an Petroni comitis Lesinensis (in Apu-
lia)? De quo v. Leonis chron. Casin. III 25 et Lup. Protospat. 1073 et 1079,
Mon. Germ. SS. VII 715, 716, V 60. 3. V. supra p. 354. 4. Heri-
manno. Cf. Bertholdi annales 1079, Mon. Germ. SS. V 317.

VI 23. *Aurelianensibus, ecclesiae praefici Sanzonem cupientibus, significat, se legatos missurum, qui inter eum et Rainerium episcopum iudicent. Ne dissipari ecclesiae bona patientur.*

1079 Mart. 5 Gregorius episcopus servus servorum Dei clero et populo Aurelianensis ecclesiae salutem et apostolicam benedictionem.

Sciatis incunctanter: quod de ecclesiae vestrae aerumnis et angustiis — quam specialiter dileximus et quae una ex nobilissimis Galliae ecclesiis quondam fuit et adhuc erit Deo favente — nos valde dolemus; et quia, illi qualiter subvenire debeamus, solliciti sumus; et, ut ad pristinum decus et gloriam redeat, nos impense operam damus. De Sanzone item^a filio nostro, quem vobis in episcopum optatis, neveritis, quia libenter eum suscepimus et paterno amore tractavimus. Sed quia Rainerius, dictus episcopus et ecclesiae vestrae ut dicitur inutilis, nondum ex toto constat ab ea separatus — ne videamur alicui praeiuditum facere, neu, ob alicuius amicitiam, forte quis suspicetur, nos contra iustitiam facere velle — legatos nostros ad vos mittere disponimus; qui, veritate discussa diligenter et probata, de eo possint ex auctoritate nostra immo beati Petri, prout iustitia dictaverit, sententiam dare. Postea vero electionem vestram secundum Deum confirmare et, quibus modis oportere videbitur, corroborare secundum canonica instituta curabimus. Interim vero res eiusdem ecclesiae tam vobis quam omnibus, apud quos ubicunque reperiuntur, ex parte beati Petri monendo praecipimus, ut nemo distrahere vel demoliri praesumat; videlicet praedia et ornamenta, quae illi pertinere noscuntur. Quod si quis contra haec nostra praecepta temerarie conari temptaverit, sciat se gratiam beati Petri amissurum et anathematis gladium, nisi resipuerit, incursurum. Datae Rome 3 Nonas Martii, indictione 2.

VI 24. *Amatum Elorensem et Hugonem Diensem episcopos iudices inter S. Crucis Burdigalense et S. Severi monasteria constituit.*

1079 Mart. 8 Gregorius episcopus servus servorum Dei Amato Elorensi episcopo in Wasconia salutem et apostolicam benedictionem.

^{a.} an autem?

Iozelinus archiepiscopus Burdigalensis, confrater noster, ve-
 niens ad limina apostolorum, duxit nobis ad memoriam, qualiter
 olim actum sit de discordia monasterii sanctae Crucis¹ et sancti
 Severi², quidve diffinitionis in Romana ecclesia suscepere. Nam
 et litteras olim a nobis super hac re abbatii³ sancti Severi trans-
 missas⁴ invenimus; et abbatem secundum tenorem earum inoboe-
 dientem fuisse cognovimus. Unde, ne praeiudicium sibi aliqua
 pars fieri suspicetur, censuimus: causam illam ante te et con-
 fratrem nostrum Hugonem Diensem episcopum diligenter esse
 retractandam; ita, ut uterque auditores^a legitimum Deo auxi-
 liante huic negocio finem imponatis. Adiudicavimus etiam: ut
 illud, quod in lite est, ex integro abbatiae sanctae Crucis re-
 stituatur; quatenus, possessione sibi redditam, canonicum et legale
 sit, quod acturi estis, et in executione iudicij nostri irreprehen-
 sibles appareatis. Quodsi ille inoboediens fuerit et memorate ec-
 clesiae⁵ investituram abbatiae sanctae Crucis non restituerit, illum
 sicut rebellem a communione corporis et sanguinis Domini me-
 rito separate. Data Rome 8 Idus Martii, indictione 2.

VI 25. Arnaldo abbatii S. Severi praecipit, ut Hugonis Diensis
 et Amati Elorensis episcoporum sententiae pareat, interim-
 que ecclesiam S. Mariae Solacensem abbatiae S. Crucis
 restituat.

Gregorius episcopus servus servorum Dei Arnaldo abbatii¹⁰⁷⁹
 Sancti Severi salutem et apostolicam benedictionem.
 Mart. 8

Post recessionem tuam proxime factam, scias, nos litteras
 quasdam repperisse, in quibus inoboedientiam tui liquido depre-
 hendimus. Proinde notum tibi sit: nos eam causam, scilicet quae
 inter te et abbatem⁶ Sanctae Crucis esse dinoscitur, diligentius
 discutiendam fratribus et coepiscopis Hugoni Diensi et Amato
 Elorensi, legatis nostris, commissose; et quicquid ipsi de ea re
 statuerint, iudicantes, hoc deinceps vobis esse ratum firmumque

a. an ut utraque audita re?

1. Burdigalensis.	2. d. Adurensis.	3. Arnaldo.	4. L. I ep. 51
supra p. 71.	5. S. Mariae Solacensis.	6. Arnaldum.	

1079 tenendum. Attamen interim, ut illam possessionem, scilicet eccl^a Mart. 8 siam sanctae Mariae de Solaco de qua lis inter vos orta est, abbatiae sanctae Crucis ex integro restitutas, apostolica tibi auctoritate praecipimus; et ut^a quiete, donec ad iudicium veniat, possidere permittas, ex parte beati Petri iubendo monemus. Indignum quippe esse et canonicis institutis nimis alienum ducimus: causam^b, quae ventilanda est, ad examen debere deduci, nisi de rebus in lite positis ille, qui vim patitur, prius fuerit revestitus. Iuxta ergo quod et monuimus et praeceperimus, iterum inculcare curamus^c; ne te ulterius super hac re sicut actenus inobedientem repperire valeamus. Quodsi inobedientia tua auribus nostris iterum fuerit delata, scias indubitanter, te iram beati Petri et nostram incurrisse et dignae animadversionis sententiam in periculum ordinis tui provocasse. Data Rome 8 Idus Martii, indictione 2.

VI 26. Fulcardo Insulanae congregationis praeposito et canonicis praecipit, ut Lambertum canonicum benigne excipient eique ablata reddant.

1079 Mart. 14 Gregorius episcopus servus servorum Dei Fulcardo Insulanae congregationis¹ praeposito caeterisque eiusdem congregationis canonicis tam minoribus quam maioribus — licet aliter meritis — salutem et apostolicam benedictionem.

Non modicum offendistis nos super iniuria et expoliatione rerum Lamberto filio nostro^d a vobis illata, immo in persona sua nobis facta; praecipue cum per Ingelrannum nostrum vobis mandaverimus, ut ei nullam iniuriam inferretis propter oboedientiam, quam sibi iniunximus. Mandamus ergo vobis et apostolica auctoritate praecipimus, sicut canonicis specialiter munitis privilegiis beati Petri: quatenus hunc filium nostrum Lambertum, fratrem et concanonicum vestrum, cum omni benevolentia et dilectione suscipiatis et sua sibi integre restituatis; remittentes vobis, ipso eodem interveniente, quicquid in eo et nobis deli-

a. eam excidisse videtur. b. causa cod. c. curavimus cod. d. Lamberti filii nostri cod.

1. congregationis Insulane in Meduleo pago, d. Burdigalensis.

quistis; eo videlicet tenore, ne deinceps contra nostra et sanctorum canonum decreta agere praesumatis. Quod si facere neglexeritis, quod absit, rursumque clamor ad nos seu ad vicarium nostrum, venerabilem virum Hugonem Diensem episcopum, venerit, et gratiam beati Petri et nostram perdetis, et nos ulterius nullo modo patiemur inultos, sed, sicut dignum fuerit, gladio beati Petri contemptum nostrum vindicabimus. Data Romae 2 Idus Martii, inductione 2.

1079
Mart. 14

VI 27. Monachis Dolensibus scribit, Gualterio demoto, Wormundum archiepiscopum Viennensem a se abbatem ordinatum esse. Inobedientiae luendae causa se Valentiam conferant ad Hugonem episcopum Diensem.

Gregorius episcopus servus servorum Dei monachis Dolensis¹ 1079
monasterii. Mart. 20

Noveritis, Gualterium, quem vobis in abbatem contra excommunicationem apostolicae sedis constituitis, collaudatione Romani concilii a nobis inrecuperabiliter esse depositum et, si de administratione abbatiae vestrae se ulterius, cognitis his litteris, intromiserit, omnino excommunicandum. Quapropter apostolica vobis auctoritate praecipimus: ut confratrem nostrum Wormundum Viennensem archiepiscopum, quem vobis in abbatem Deo annuente ordinavimus, sine omni contradictione suscipiatis et ei sicut patri et abbati per omnia toto cordis affectu oboediatis. Et quia non modicum pro inoboedientia vestra incurristis delictum, praecipimus vobis: ut dominica prima post pentecosten², scilicet in octavis, coram vicario nostro Hugone Diensi episcopo satisfacturi, Valentiae videlicet urbi, vos repraesentetis et, quod ipse vobis praeceperit, oboedienter teneatis. Quodsi spiritu superbie his nostris litteris inoboedientes fueritis, excommunicationem, a praefato vicario nostro super vos factam, ab illo die nos confirmasse, indubitanter sciatis. Data Rome 13 Kalendas Aprilis, inductione 2.

1. s. Burgidolensis, d. Bituricensis.

2. Mai. 19.

VI 28. *Bituricae regionis principes hortatur, ut Wormundo abbatii Dolensi obedient et opitulentur.*

1079 Mart. 20 Gregorius episcopus servus servorum Dei Rodulfo¹, Oddoni², Epponi³, Humbaldo⁴, Everardo, Bosoni, Giraldo⁵, Adelardo⁶ et caeteris principibus Bituricae regionis salutem et apostolicam benedictionem, si oboedierint.

Miramur temeritatem et insolentiam praesumptionis vestrae, quod — contra fas et excommunicationem apostolicam vobis delatam — abbatiam Dolensem, quam in tutelam hactenus habuistis immo etiam ad cumulum detrimenti tam animalium vestrarum quam corporum, abiecto eo⁷, quem manibus propriis Deo volente vobis in abbatem consecravimus,
.....^a Gualterium invasorem inrecuperabiliter deposuimus et ei res ecclesiae suisque fautoribus sub excommunicatione interdiximus; confratri autem nostro Wormundo Viennensi archiepiscopo abbatiam Dolensem concessimus, immo reddidimus. Vos ergo monemus et apostolica auctoritate praecipimus: ut, abiecto invasoris praedicti dominio, abbati vestro iure canonico, Wormundo Viennensi archiepiscopo, sincera mente et puro corde oboediatis. Quodsi rebelles Deo et beato Petro in his deinceps fueritis, a dominica prima post pentecosten⁸, scilicet in octavis, cum Dolensibus monachis, nisi satisfecerint coram vicario nostro Hugone Diensi episcopo Valentiae, vos excommunicationi subiacebitis; si autem patri vestro spirituali, confratri nostro Wormundo Viennensi archiepiscopo, oboedientiam et auxilium exhibueritis, gratiam Dei et beati Petri percipientis. Te autem, Rodulfe, quia in his plus caeteris tibi a Deo concessa est potestas, rogamus te et praecipimus: ut eum in abbatiam sine simulatione et dolo restituas et, totius irae sive discordiae oblitus, ei ut filius karissimus adhaereas; quatenus gratiam Dei et peccatorum tuorum indulgentiam ab ipso, cui

a. *complura verba excidisse patet.*

1. Burgidolensi. Et huius et ceterorum principum sedes ostendit Brial in Recueil des historiens XIV 632. 2. Exoldunensi. 3. Carentonensi et de Castra. 4. Virzionensi, domino Magdunensi. 5. de Lineriis. 6. de Castro Mellano. 7. Wormundo archiepiscopo Viennensi. 8. Mai. 19.

data est potestas ligandi atque solvendi, percipias. Data Rome ¹⁰⁷⁹
13 Kalendas Aprilis, indictione 2. Mart. 20

VI 29. *Ladizlai I regis Ungarorum fidem collaudat. Comites
exsulantes commendat. Legatos mitti ad se cupit.*

Gregorius episcopus servus servorum Dei Ladizlao Unga- ¹⁰⁷⁹
rorum regi salutem et apostolicam benedictionem. Mart. 21

Sicut fidelium tuorum crebra relatione cognovimus itemque^a ipsum nostris attestantibus ratum habemus, excellentia tua ad serviendum beato Petro, quemadmodum religiosa potestas debet, et ad oboediendum nobis, ut liberalem filium decet, toto affectu et cordis intentione parata est. Unde nimirum devotionem mentis tuae super hoc studio non indigne laudamus; eique sincere congratulamur, qui^b quidem, optimorum regum sequendo vestigia, illustrat se^c, servando tam in moribus normam iustitiae quam etiam lineam nobilitatis in sanguine. Igitur, quia de celsitudinis tuae liberalitate et oboedientia satis confidimus, ad quiddam — nostrae universali sollicitudini congruens, quod honori quoque tuo non parum concordat — invitare te non dubitamus; quatinus in eo et illa, quae de te verbis solis credita sunt, esse vera facti indicio pateant, et nobis sit aperte firmior causa, qua te prae caeteris regiae dignitatis amplius specialiusque diligere merito debeamus.

Itaque comites illos E...., videlicet Ou.... et C...., eorumque milites, quos beato Petro fideles iustitiaeque fautores iniusta ut accepimus sententia in exilium expulit, tibi commendatos esse ex parte nostra, optamus. Et quia hactenus illis subvenire ex industria propria claritudo tua curavit, sentiant, sibi nunc ob fidelitatem beati Petri nostramque commendationem solacii auxiliique munus copiosius accessisse. De caetero prudentiam tuam monemus: ut viam iustitiae semper studeas inreflexo calle tenere, viduas et orphanos et peregrinos paterna pietate tueri, ecclesiastis non modo non laedere sed etiam ab arrogantium et invasorum petulantia et temeritate defendere, nec non et alia, quae recte intelliges, procures diligenter servare.

a. idemque c. b. quod c. c. se addidi.

1079 Mart. 21 Illud quoque nichilominus scire te volumus: quosdam nomine tuo legatos ad nos olim venisse, quibus item nos istud iniunximus, ut dilectioni tuae sugererent, quatinus alias destinare, quo certiores efficeremur, censeret. Verum nobis adhuc in incerto manet: an ad te mandata nostra perlata sint, an aliquos postea miseris. Liquet autem, neminem a te legatum ad nos post inde venisse. Quare decrevimus, ad te iterum idem repetendo scribere, itidemque de comitibus, quod iam postulavimus, iterando inculcare; quo et nuncios, si nondum misisti, non ulterius mittere negligas, et praenominatis comitibus^a praesidii manum familiarius proniusque in cunctis porrigerere studeas. Omnipotens et misericors Deus, a quo bona cuncta procedunt, per merita et intercessiones beatae Dei genitricis semperque virginis Mariae et beatorum Petri et Pauli, gressus tuos per viam deducens iustitiae constanter dirigat usque ad finem; et sic huius vitae temporalia regni gubernacula faciat te^b temperare, quatenus aeterna promerendo valeas adipisci. Data Romae 12 Kalendas Aprilis, indictione 2.

VI 30. *Lanfrancum archiepiscopum Cantuariensem reprehendit, quod Romam nondum adierit. Ne metu Wilhelmi I regis, quominus veniat, impediatur. Regem, ne iniuriis afficiat ecclesiam Romanam, admoneri vult.*

1079 Mart. 25 Gregorius episcopus servus servorum Dei Lanfranco Cantuariorum archiepiscopo salutem et apostolicam benedictionem.

Quod ex illo tempore, quo sacerdotale summae sedis iugum cervici nostrae licet indigni suscepimus, venire ad nos non multum curavit fraternitas tua, quanto minus hoc de dilectione tua sperare potuimus, eo amplius stupentes miramur. Et nisi apostolica mansuetudo nec non et amoris pignus antiquum nos hue usque detinuissest, profecto, nos hoc graviter ferre, iam dudum tibi constitisset. Verum, sicut certissime compertum habemus, adventum tuum vel metus regis¹ — eius scilicet, quem inter caeteros illius dignitatis specialius semper dileximus — vel maxime

1. Wilhelmi I regis Angliae.

a. omnibus e.

b. te addidi.

tua culpa nobis negavit. Et te quidem, si vel prisci amoris memoria superesset vel debita matri Romanae ecclesiae dilectio in mente remaneret, non debuit aliquis aut mundanae potestatis terror aut cuiusquam personae superstitionis amor a conspectu nostro retrahere. Illum vero si contra apostolicam sedem novus arrogantiae tumor nunc erigit sive contra nos ulla libido seu procacitas iactat, tanto gravius feremus, quanto^a eum dilectione nostra indignum se fecisse constiterit. Quod tamen ne illi accidat, religio tua poterit hoc modo vitare, si ei diligenter aperiendo et constanter admonendo consilium dederis: ne contra matrem omnium Romanam ecclesiam quid iniustum praesumat, neve quid a religiosa potestate alienum petulanter audeat, et neque tuam neque alicuius devotionem ab apostolicae sedis visitatione ulterius coercere attemptet. Igitur decet fraternitatem tuam: negligentiae suae excessus sapienter corrigere, atque ad apostolicam sedem quantotius properare teque ipsum nostris obtutibus, ut optamus utque saepe mandavimus, praesentare; quatinus nos de his et de aliis negotiis praesentialiter conferre, atque utilitas ecclesiae de nostro colloquio augmentum valeat Deo favente percipere. Data Romae 8 Kalendas Aprilis, indictione 2.

VI 31. Provinciae clericis et laicis praecipit, ut monasterio S. Petri in Monte-maiore ablata bona restituant.

Gregorius episcopus servus servorum Dei omnibus archiepiscopis episcopis principibus clericis laicisque in Provincia commorantibus — exceptis his qui excommunicationi subiacent — salutem et apostolicam benedictionem.

Notum vobis omnibus esse putamus, quod monasterium sancti Petri, situm in loco qui Mons Maior¹ dicitur, sanctae Romanae ecclesiae speciali quodam iure subiectum est et apostolicae sedis privilegiis ex tempore longo munitum. Unde, quia nobis pro suscepti regiminis sollicitudine imminet ecclesiis omnibus providere, illis praecipue debemus vigilanter prospicere, quae Romanae apostolicaeaeque sedi quodammodo vicinius herent et eius

1. d. Arelatensis.

a. magis excidisse videtur.

1079
Mart. 25

1079
Mart. 31

1079 Mart. 31 tutela maxime sperant defendi. Quapropter, quoniam audivimus, aliquos vestrum bona memorati monasterii contra ius et honestum sacrilega manu invasisse distrahere atque diripere, paterno affectu monemus et apostolica auctoritate praecipimus: ut, quiunque res illius monasterii vi tenere invasas noscuntur, digna cum satisfactione emendare festinent, ac nemo deinceps contra animae suaे salutem bona ipsius ecclesiae violenter attractare prae-sumat. Quicunque ergo his salubribus mandatis nostris contraire^a et bona ecclesiae, sicut dictum est, sacrilego ausu contra interdictum nostrum detinere temptaverit, admonitus semel atque iterum et tertio per convenientes indutias, si emendare contempserit, iram et furorem omnipotentis Dei contra se per excommunicationem apostolicam provocabit. Oboedientibus vero apostolica auctoritate et beati Petri nobis licet indignis concessa potestate peccatorum suorum veniam indulgemus. Data Rome 2 Kalendas Aprilis, indictione 2.

VI 32. *Isemberto episcopo Pictaviensi, mandat, ut, adhibito Guilielmo VI duce Aquitaniae, cogat Hugonem Lerziniacensem ablata Hugoni clerico restituere.*

1079 Apr. 13 Gregorius episcopus servus servorum Dei Isemberto¹ Pictavensi episcopo salutem et apostolicam benedictionem.

Pervenit ad aures nostras, quod bona Rorganis de Coequo, quae mortuo ipso in potestatem germani, scilicet Ugonis, nostri fidelis et filii, iure debent concedere, Ugo de Lerziniaco² iniuste praesumpsit invadere. Unde, quia praenominatum Ugonem clericum nostrum et res ipsius in tutelam apostolicae sedis suscepimus, fraternitati tuae invitando praecipimus: ut, super his curram vice nostra gerens, duci Guigelmo³ haec eadem significando suggeras, quatinus in hac etiam re, quantum beato Petro sit fidelis, ostendat. Verum in primis volumus: ut dilectio tua studeat memoratum Lerziniacensem ex parte nostra cum iam dicto duce convenire, nec non illum de temeritate sua redarguendo de

^{a.} contrahire c.

1. II. 2. Lusignan. 3. VI duci Aquitaniae, comiti Pictavensi.

satisfactione monere. Quodsi, admonitus semel iterum ac tertio 1079
 per competentes indutias, in pertinacia sua duraverit et man-
 datis nostris inoboediens iustitiae parere contempserit, apostolica
 auctoritate praecipimus, ut eum, quo usque resipiscens ablata re-
 stituat, vinculo anathematis illiges. Quod idem postmodum nos
 firmaturos, non dubites. Data Rome Idibus Aprilis, indictione 2.
 Apr. 13

VI 33. *Hugoni abbatii Cluniacensi praecipit, ut bona Landerico
 episcopo Matisconensi restituat, aut litem componendam
 Hugoni episcopo Diensi et abbatii S. Pauli permittat^a.*

Gregorius episcopus servus servorum Dei Hugoni venera- 1079
 bili^b Cluniacensi abbati salutem et apostolicam benedictionem. Apr. 14

Landericus Matisconensis, frater et coepiscopus noster, ad apostolorum limina veniens conquestus est apud nos: ecclesiae suae iura a te sibi auferri, quae praedecessorum suorum temporibus, etiam symoniacorum, quiete visa est possidere^c. Nos ergo dignum esse et competens adiudicavimus: ut, quae bona temporibus inreligiosorum ecclesia sine molestia tenuit, eisdem sub pastore religioso, in Romana ecclesia ordinato, privari absque ratione non debeat. Quapropter dilectionem tuam monemus, ut res illas, super quibus praedicta Matisconensis ecclesia queritur, si usque ad supra memorati fratris nostri tempus possedit, deinceps quoque aut quiete retinere permittas aut concambium competens reddere studeas. Quodsi inter vos hanc causam non potestis ipsi componere, volumus fratrem nostrum Diensem episcopum^d et Sancti Pauli^e abbatem negocio huic interesse; quatenus, eorum adhibita diligentia, finem lis invenire rectum et congruum valeat, ac ulterius inter vos dissensio nulla remaneat. Sine concordia nanque neque religiositatem dicimus^f quicquam valere neque aliud opus, etsi bonum videatur, aliquid esse. Data^g Rome 18 Kalendas Maii, indictione 2.

a. Legitur etiam 2) ap. Severium Chronoglia Lugdunensis archiepiscopatus II 112,
 ex ms. ecclesiae Matisconensis. b. venerabili addidi ex 2. c. gaudere 2. d. an
 ducimus? HARDUINUS. e. Data — ind. 2 om. 2.

1. Hugonem. 2. Lugdunensis BRIAL.

VI 34. *Gebuino archiepiscopo Lugdunensi eiusque successoribus
asserit primatum Lugdunensis, Rotomagensis, Turonen-
sis, Senonensis provinciarum^a.*

1079 Apr. 19 Gregorius episcopus servus servorum Dei dilecto^b in Christo
fratri Gebuino Lugdunensi archiepiscopo.

Antiqua sanctorum patrum, quibus licet indigni et longe
meritis impares in administratione huius sedis succedimus, ve-
stigia, in quantum divina dignatio permittit, imitari desiderantes,
ius, quod unicuique ecclesiarum pro merito et dignitate sui ipsi
contulerunt, nos ex eorum successionis consideratione decet ille-
sum et immutabile conservare et munimine decretorum nostro-
rum ad perpetuam stabilitatem corroborare. Quapropter, quia
dilectissime in Christo frater Gebuine postulasti a nobis, quaenam
tenus dignitatem ab antecessoribus nostris concessam ecclesiae,
eui Deo auctore praeesse dinosceris, confirmaremus et quaeque
sua ab infestatione hostili apostolicae sedis defensione tueremur;
inclinati precibus tuis, confirmamus primatum super quatuor pro-
vincias Lugdunensi ecclesiae tuae, et per eam tibi tuisque suc-
cessoribus. His tantum, qui nullo interveniente munere electi vel
promoti fuerint, videlicet a manu ab obsequio et a lingua; a
manu: ut nullum pretium prorsus a se vel ab aliquo tribuat;
ab obsequio: ut nichil inde servitii faciat, sicut quidam inten-
tione ecclesiasticae praelationis potentibus personis solent deferre;
a lingua: ut neque per se neque per summissam personam
preces effundat. Sed neque his, qui per saecularem potestatem
ad hanc dignitatem pervenerint, videlicet dono vel confirmatione
alicuius personae, quae sanctae religioni videatur obviare et con-
tra puram et autenticam sanctorum patrum auctoritatem venire.
Sed his nimirum hanc dignitatem concedendam esse sancimus,
qui pura et sincera electione tibi successerint et ita per ostium
intraverint, sicut fraternitatem tuam cognovimus intrasse. His
vero, qui aliter intraverint, videlicet qui iuxta dominicam sen-
tentiam¹ non per ostium sed aliunde ut fures et latrones ascen-

a. integrum tabulam hanc e codice ms. S. Albini Andegavensis edidit Baluzius in:
Petri de Marca dissertationes tres p. 343. b. dilecto — fratri om. cod.

1. Ioh. 10, 1.

derint, non solum primatum huius dignitatis^a non concedimus, verum etiam omni honore ecclesiastici regiminis indignos et alienos fore adiudicamus. Provincias autem illas, quas vobis confirmamus, dicimus Lugdunensem Rotomagensem Turonensem et Senonensem; ut hae videlicet provinciae condignam oboedientiam Lugdunensi ecclesiae exhibeant, et honorem, quem Romani pontifices reddendum esse scriptis propriis praefixerunt, humiliter et devote persolvant; salva in omnibus apostolicae sedis reverentia et auctoritate. Praeterea iuxta tenorem postulationis tuae ecclesiae tuae huiusmodi privilegia praesenti auctoritatis nostrae^b decreto indulgemus concedimus atque firmamus, statuentes: nullum regem [vel^b] imperatorem, antistitem nullum quaunque dignitate praeditum vel quemquam alium audere de his, quae eidem ecclesiae a quibuslibet hominibus de proprio iure condonata sunt vel in futurum Deo miserante collata fuerint, prius^c de causis pro suae avaritiae excusatione concedere. Sed cuncta, quae ibi oblata sunt vel offerri contigerit, tam a te quam ab eis, qui in tuo officio locoque successerint, perenni tempore illibata et sine inquietudine volumus possideri. Si quis vero regum, imperatorum, sacerdotum, clericorum, iudicium ac secularium personarum, hanc constitutionis nostrae paginam agnosca, contra eam temerario ausu venire temptaverit et, admonitus semel et iterum usque tertio per convenientes inducias, si non resipuerit atque praedictae ecclesiae non satisfecerit, potestatis honorisque dignitate careat, reumque se existere de perpetrata iniquitate cognoscat et, nisi ea quae ab illo sunt male facta restituerit vel digna poenitentia illicite acta defleverit, a sacratissimo corpore ac sanguine domini redemptoris nostri Iesu Christi alienus fiat atque in extremo examine districtae ultioni subiaceat. Cunctis autem eidem loco iusta servantibus sit pax domini nostri Iesu Christi; quatenus et hic fructum bonae actionis percipient et apud districtum iudicem praemia aeternae pacis

a. huiusmodi B. b. vel — indictione 2 assympsi ex Baluzii editione. Pro quibus in codice leguntur haec: et reliqua usque in finem, sicut in privilegio constat, quod est in capite huius libelli. Data Rome 12 Kalendas Maias, indictione 2. c. an piis?

1079 Apr. 19 inveniant. Datum Romae 13 Kal. Madii per manus Petri sanctae Romanae ecclesiae presbyteri cardinalis ac bibliothecarii, anno pontificatus domni Gregorii VII papae sexto, indictione 2].

VI 35. Iohannem II Rotomagensem, Radulfum Turonensem, Richerium Senonensem archiepiscopos hortatur, ut primati archiepiscopo Lugdunensi obedient.

1079 Apr. 20 Gregorius episcopus servus servorum Dei fratribus et coepiscopis Rotomagensi¹ Turonensi² et Senonensi³ salutem et apostolicam benedictionem.

Sicut novit fraternitas vestra, sedes apostolica, cui licet indigni Deo auctore praesidemus, divina gratia inspirante, Spiritu sancto edocta, per diversas provincias et regna praesules, archiepiscopos et primates, ordinavit. Cuius constitutione et auctoritate Lugdunensis ecclesia primatum super quatuor provincias, videlicet Lugdunensem Rotomagensem Turonensem et Senonensem, per annorum longa curricula obtinuisse cognoscitur. Sanctorum igitur patrum nos, in quantum Deo favente valemus, exempla sequi cupientes, ecclesiae memoratae primatum, quem ipsi decretis suis constituerunt atque sanxerunt, eorum freti potestate, subinde confirmare studemus. Ad hoc enim divinae dispensationis provisio gradus et diversos constituit ordines esse distinctos, ut, dum reverentiam minores potioribus exhiberent et potiores minoribus dilectionem impenderent, una concordia fieret ex diversitate, contextio^a et recte^b officiorum gigneretur administratio singulorum. Neque enim universitas alia poterat ratione subsistere, nisi huiusmodi magnus eam differentiae ordo servaret. Quia vero creatura in una eademque aequalitate gubernari vel vivere non potest, coelestium militiarum exemplar nos instruit; quia, dum sint angeli sint archangeli, liquet: quia non aequales sunt, sed in potestate et ordine, sicut nosti, differt alter ab altero. Si ergo inter hos, qui sine peccato sunt, ista constat esse distinctio, quis hominum abnuat huic se libenter dispositioni

a. contextio c. b. recte cod.

1. Iohanni II. 2. Radulfo. 3. Richorio.

submittere? Hinc etenim pax et caritas mutua se vice complectuntur, et manet firma concordia¹ in alterna et Deo placita dilectione sinceritas; quia igitur unumquodque tunc salubriter completur officium, cum fuerit unus, ad quem possit recurri praepositus.

1079
Apr. 20

Provinciae² autem multo ante Christi adventum tempore divisae sunt maxima ex parte, et postea ab apostolis et beato Clemente praedecessore nostro ipsa divisio est renovata. Et in capite provinciarum — ubi dudum primates legis erant saeculi ac prima iudicaria potestas; ad quos, qui per reliquas civitates commorabantur, quando eis necesse erat, qui ad aulam imperatorum vel regum configere non poterant vel quibus permissum non erat, configiebant pro oppressionibus vel iniustitiis suis ipsosque appellabant, quotiens opus erat, sicut in lege eorum praeceptum erat — ipsis quoque in^a civitatibus vel locis celebrioribus^b patriarchas vel primates, qui unam formam tenent licet diversa sint nomina, leges divinae et ecclesiasticae ponit et esse iusserunt; ad quos episcopi si necesse fuerit configuerent eosque appellarunt, et ipsi nomine primatum fruerentur et non alii; reliquae vero metropolitanae civitates, quae minores iudices habebant, licet maiorum comitum essent, haberent tamen metropolitanos suos, qui praedictis iuste oboedirent primatibus, sicut et in legibus saeculi olim ordinatum erat, qui non primatum, sed aut metropolitanorum aut archiepiscoporum nomine fruerentur; et licet singulae metropoles civitates suas provincias habeant et suos metropolitanos habere debeat episcopos, sicut prius metropolitanos iudices habebant seculares, primates tamen, ut praefixum est, tunc et nunc habere iusse sunt, ad quos post sedem apostolicam summa negotia convenient, ut ibidem quibus necesse fuerit^c relevetur^d et iuste restituantur, et hi qui iniuste opprimuntur iuste reformatur atque fulciantur, episcoporumque cau-

a. in om. cod. b. nostris ap. Anacletum. c. fuerit om. cod. d. eleventur cod.

1. „firma concordia“ in casu ablativo dicuntur. 2. „Provinciae — iustissime terminentur“ ad verbum descripta sunt ex Pseudoisidoriana Anacleti epistola. V. Decretales Pseudoisidoriana ed. Hinschius p. 79. 80.

1079 sae et summorum negotiorum iudicia, salva apostolicae sedis
 Apr. 20 auctoritate, iustissime terminentur.

Quapropter apostolica vobis auctoritate praecipimus: ut saepe dictae Lugdunensi ecclesiae honorem et reverentiam, a maioribus nostris de ecclesiis vestris praefixam, ita vos exhibere humiliter et devote procuretis, quemadmodum vobis a suffraganeis vestris reddi debere non dubitatis. Omnipotens et misericors Deus, pacis iustitiaeque serenus inspector, cordi vestro clementer inspirare dignetur, ut per viam aequitatis concordiaeque firmos gradus in hoc saeculo tendere taliter studeatis, quatenus, pro temporalibus aeterna sumpturi, ad coelestis Hierusalem fines mereamini pervenire. Data Romae 12 Kal. Maii, indictione 2.

VI 36. *Canonicis Lugdunensibus praecipit, ut munera, simoniace et contra Landerici episcopi Matisconensis interdictum suscepta, Gebuino archiepiscopo tradant.*

1079 Gregorius episcopus servus servorum Dei canonicis Lugdu-
 Apr. 20 nensis ecclesiae salutem et apostolicam benedictionem.

Quidam vestrum, ad nos cum archiepiscopo¹ suo venientes, postquam de ecclesiae vestrae statu et utilitate nos consuluerunt, sine apostolica benedictione recesserunt. Quod quidem licet merito indigne tulerimus, tamen apostolica mansuetudine dissimulamus et, dum cupimus saluti vestrae consulere, illorum excessus omittimus insequi. De filio vero nostro vestraeque decano ecclesiae B.² notificamus dilectioni vestrae: quod, prudenti ac salubri consilio ductus, oboedientias³ ecclesiae caeteraque beneficia, quae sine communi consensu fratrum adquisiverat, in manus nostras sponte renunciavit, et se^a ulterius non intromissurum promisit. Ad cuius formam tam his, qui furtim se subduxerunt, quam etiam abbatibus vel cuiuscunque clericalis ordinis omnibus ecclesiae vestrae, quicunque oboedientias vel ecclesiae dispensationes pretii pactione vel contra excommunicationem Landerici Matisconensis episcopi, quam in capitulo vestro fecit, adepti sunt,

a. de eis excidisse videtur.

1. Gebuino. 2. an Bladino? V. Gall. Chr. IV 200. 3. munera.

apostolica auctoritate praecipimus: ut eas^a in manus fratris nostri Gebuini archiepiscopi vestri refutare sine dilatione procurent. Volumus siquidem: ut nobilitatem, qua inter omnes Gallicanas ecclesias vestra huc usque resplenduit in religionis exemplo, nunc quoque vigilanter custodiat; et ut gloriam, quam hactenus prae caeteris illis habuit in dignitate, nunc augere incipiat in forma religionis. Noverit autem dilectio vestra: quoniam, si nostris salubribus iussis obtemperantes hactenus male habita^b censueritis iuste dimittere, ita vobis providebimus in utroque, ut et temporalibus commodis non destituamini et erroris veniam de divina misericordia consequi valeatis. Quodsi quis contra salutem propriam animo indurato, postquam ad notitiam eius haec nostra pracepta pervenerint, ultra viginti dies eis inoboediens fuerit, illi omnium ecclesiarum ingressum et corporis ac sanguinis Domini communionem, quo usque resipiscat, apostolica interdicimus auctoritate. Data Rome 12 Kalendas Maii, inductione 2.

VI 37. Iordanum I principem Capuanum monet, ut de noverca ad contrahendum matrimonium coacta, de Dodone episcopo Rossellano expilato, de monasterio Casinensi di repto sibi satisfaciat.

Gregorius episcopus servus servorum Dei Iordanus¹ Capuano 1079
principi. Apr. 21

Sicut nonnulli noverunt, olim te nos admodum dileximus; et honorem tuum tam in praesenti saeculo adaugere quam et in futuro servare studuimus hactenus. Existimavimus enim, te, ut nobilem deceret filium, fidem beato Petro servaturum et deus ipsius in cunctis pro viribus tuis adauerturum. Verum longe nos fefellit opinio; et qui de te nichil tale pridem quivimus credere, nunc advertimus, de hac perfidia tua multos non fuisse mentitos. Ecce enim dudum novercam tuam et dominam contra ius et fas de ecclesia trahere invitam et reclamantem, eamque, nubere nolentem, nuptiis tradere violentissime praesumpsisti.

a. eas addidi. b. sic est in cod. correctum debita.

1079 Apr. 21 Episcopum¹ ad apostolorum limina venientem nuper ausus es
impedire et, quod ferebat, more praedonum auferre. Novissime
ecclesiam beati Benedicti² sacrilego ausu intrare depraedari et
violare non timuisti; et qui bona ecclesiarum — quoniam fere
cuncta, quae tenes, earum sunt — defendere debueras, tu potis-
simum temerator ipsarum et dilaniator existis. Quapropter ex
parte beati Petri monemus te, ut, si ipsius iram et beati Bene-
dicti indignationem non vis incurrere, super his omnibus nobis
iustitiam facias. Quod si contempseris, ad Deum omnipotentem
nos reclamabimus; de cuius misericordia confidimus, quod dabit
nobis consilium, quid in tantam arrogantiam et immoderatam
superbiā tuam facere debeamus. Rome 11 Kalendas Maii, in-
dictione 2.

VI 38. Heinrico patriarchae Aquileiensi ob Petrum Albanensem
et Udalricum Patavinum episcopos suos bene tra-
ctatos, et ob operam conciliandae paci datam, pallii
usum concedit. 8. 17

1079 Jun. 16 Gregorius episcopus servus servorum Dei Heinrico karis-
simo in Christo fratri et coepiscopo Aquileiensi salutem et apo-
stolicam benedictionem.

Tuae dilectio fraternitatis per legatum suum humiliter exo-
ravit, quatenus sibi praeter eas sollempnitates, quae in privilegio
ecclesiae vestrae continentur, in beati Udalrici confessoris Christi
atque pontificis³ sed et in beatae Afrae martiris⁴ festivitatibus
usum pallii concederemus. Cuius ecclesiastici honoris excellentia,
sicut pravis et inobedientibus iuste denegatur, ita bonis et mo-
rum honestate praeditis apostolica moderatione pro meritis quan-
doque supereroganda fore videtur. Proinde, quia te sincere di-
lectionis erga nos affectum habere confidimus, quia legatos nostros,
Albanensem videlicet episcopum⁵ et Paduensem⁶, benigne tra-
etasse et fideliter sicut oportuit adiuvisse dinosceris⁷, postremo

1. Dodonem episcopum Rossellanum. V. Petri Chron. mon. Casin. L. III
c. 46, Mon. Germ. SS. VII 736. 2. Casinensem. 3. Iul. 4. 4. Aug. 7.
5. Petrum. 6. Udalricum. 7. Cf. Bertholdi annales 1079, Mon. Germ.
SS. V 318.

quia pro componenda pace multum desudasse probaris, petitio-
nem tuam libenter accepimus. Huius igitur tibi praecepti aucto-
ritate concedimus, ut in sollempniis beati Udalrici confessoris
atque pontificis et beatae Afrae martiris in missarum celebritate
pallio utendi licentiam habeas. Quod tamen tibi in tua vita, non
loco tuo, concessum esse cognoscas. Data Romae 16 Kalendas
Iulii, indictione 2.

*VI 39. Rainaldo episcopo Comensi mandat, ut Arnulfum electum
Bergomensem ad emendanda peccata adducat. Addit, qui
sine mercede ordinati a simoniacis sint, eos licere confirmari.*

Gregorius episcopus servus servorum Dei Rainaldo Cumano¹ 1079
episcopo salutem et apostolicam benedictionem.
^{Iun. 21}

Tua nobis, frater karissime, missis litteris curavit intimare
dilectio, Arnulfum, Pergamensis² ecclesiae electum, nostro libenter
et consilio credere et praecepto oboedire. Nos equidem vestrae
caritatis, sicut nostis, experientiae indubitanter credimus; verum-
tamen multa de praedicto viro ad nostram ex quorundam rela-
tione pervenere notitiam, quae, si vera quod absit esse consti-
terit, nos valde contristant et in eo non levi sunt ultione ple-
ctenda. Conqueritur enim Gorzo^a, miles eius et signifer, cum
duobus fratribus atque coheredibus suis: castellum, quod dicitur
rocha de Glixione³, quod hactenus utpote proprii iuris sine omni
contradictione tenuerunt atque possederunt, nunc tam sibi quam
consortibus suis a supra dicto Arnulfo violenter et, quod dictu
nefas est, fraudulenter esse subreptum. Cui tamen militi prius
cuiusdam quasi securitatis et foederis, tanquam ad tollendum
suspicionis metum, quaedam fertur callide sacramenta praebuisse;
et postposito Dei timore, cupiditatis perfidiam incurrisse. Nec
tali contentus facinore, B. presbyterum, praefati Gorzi clericum,
depraedari et suis, ut asserit, omnibus spoliare non metuit.
Preterea pestiferas symoniace heresis nundinas exercere, et

a. Goizo legi vult Lopus Cod. dipl. Bergom. II 719.

1. Comensi. 2. Bergomensis. 3. Clusone, a Bergomo inter
septentriones et orientem.

1079 inter cetera archidiaconatum Pergamensis ecclesiae quinquaginta
 Iun. 21 librarum pretio vendidisse perhibetur. Huc accedit, quod ser-
 vos Dei — quos, ut religiosum virum decet, tueri et in cunctis
 adiuvare deberet — e contrario infestare et molestare conatur.
 Tuae igitur fraternitatis sollicitudo corripiendo sive exhortando
 studeat atque provideat: quatenus saepe dictus electus haec omnia
 emendare festinet, et tam coram Deo quam coram hominibus
 bonum testimonium habere procuret. Si vero vel omnia haec
 vel quaedam fortasse negare voluerit, volumus atque praecipimus:
 ut apto tempore et loco nostrae vicis auctoritate eum de obiectis
 diligenti examinatione discutias, et remota omni occasione, quod
 iustitia dictaverit, modis omnibus exequaris.

Quod autem M. presbyter filius noster interrogare curavit,
 quid de his, qui a symoniacis nescienter et sine pretio ordinati
 sunt, apostolicae sedis misericors censura decernat, hoc obser-
 vare te volumus: eos, qui ante tempus Nicolay papae sine venia
 litate a symoniacis ad aliquem gradum promoti sunt, si tamen
 vita eorum inreprehensibilis esse probatur, per manus imposi-
 tionem confirmatos, in suis ordinibus permanere et ministrare
 posse. Data Romae 11 Kalendas Iulii, indictione 2.

VI 40. *Bosonem hortatur, ut ecclesiam S. Sepulchri de Novovico
 iniuriis afficere desinat, iusque suum in synodo episcopi
 Diensis persequatur. Alioquin fore ut excommunicatio
 eius confirmetur.*

1079 Gregorius episcopus servus servorum Dei Bosoni¹.
 Iun. 28 Ecclesiam sancti Sepulcri de Novo Vico², quae iuris eccl-
 esiae Hierosolimitanae et censualis eius esse dicitur, huic nostro
 clero Symoni regendam commendavimus; quam ab omni mo-
 lestia et calumniosa omnium hominum infestatione liberam esse
 volentes, sub tutela nostra esse decernimus. Quapropter, quo-

1. quem fuisse putat Brial (Recueil des historiens XIV 636 n. b) filium Audeberti comitis Marchiae Lemovicensis (de la Marche), postea III co-
 mitem Marchiae 1088—1091. 2. „Neuvic“. Duo sunt eius nominis
 oppida, unum in Lemovicis, alterum apud Petragoricos. BRIAL.

niā te illam tyrannice invasisse audivimus, te praesenti pagina 1079
commonemus: ut, si Deum et sanctos apostolos tibi vis habere
propitios, ab invasione praedictae ecclesiae de caetero cessare
penitus debeas, nullamque ulterius praefato Symoni molestiam
vel clericis ibi Deo servientibus inferre praesumas; sed, ut dictum
est, libera ab omni perturbatione, secura sanctae Hierosolimi-
tanae ecclesiae, cui fidelium illam devovit intentio, Deo propitio
ex nostra auctoritate in perpetuum conservetur. Quodsi aliquid
iustitiae in supra dicta ecclesia te habere confidis, ante legatum
nostrum Diensem episcopum in concilio, quod proxime celebra-
turus est, te praesentare debebis; sciens hoc, quod in nullo con-
tra iustitiam te volumus praeggravare. Si autem, monita nostra
immo Dei verba quod absit audire contemnens, ab illicita et
interdicta invasione supra dictae ecclesiae te cohibere nolueris,
excommunicationem, quam in te pro ipsa ecclesia legatus noster
Hugo Diensis episcopus in concilio Pictavensi iaculatus est, auctor-
itate apostolica confirmamus. Data Lateranis 4 Kalendas Iulii,
indictione 2.

EXPLICIT LIBER SEXTUS.

IN NOMINE DOMINI

INCIPIT LIBER SEPTIMUS

REGISTRI GREGORII PAPAE SEPTIMI

anno dominice incarnationis millesimo septuagesimo nono,
pontificatus vero domni Gregorii anno septimo,
indictione secunda.

VII 1. *Hubertum revocat. Teuzonem iniussu suo in regem An-
gliae verba fecisse. Wilhelmi I Rotomagensis promotionem
improbat. De Rainardo Lingonensi. Episcopos Angliae
et Normanniae ad synodus venire vult.*

Gregorius episcopus servus servorum Dei dilecto in Christo 1079
filio Huberto sanctae Romanae ecclesiae subdiacono salutem et Sept. 23
apostolicam benedictionem.

1079 Sept. 23 Miramur nimium et nobis admodum displicere cognoveris, te tantas moras hactenus habuisse et ad apostolicam sedem tandem distulisse reverti. Neque vero alicuius rei excusatio te satis reddere potest purgatum, excepto si vel causa infirmitatis, vel quod non patuerit aditus redeundi, dimiseris. Nam pecunias, sine honore tributas, quanti pretii habeam, tu ipse optime potuisti dudum perpendere. Quapropter, sciens quia propter multa volumus tuam praesentiam, redditum tuum quantum potes maturare procura.

Significasti autem nobis, Teuzonem, quasi ex parte nostra legatum, adversus Anglicum regem¹ verba fecisse. Quae noveris ex nobis mandata non esse. Verum multa sunt, unde sancta Romana ecclesia adversus eum queri potest. Nemo enim omnium regum, etiam paganorum, contra apostolicam sedem hoc praeumpsit temptare, quod is non erubuit facere; scilicet ut episcopos, archiepiscopos ab apostolorum liminibus ullus tam irreverentis et impudentis animi prohiberet. Unde volumus, ut eum nostra vice prudentia tua studeat admonere: quatinus honorem, quem sibi a subditis suis graviter ferret non exhiberi, sanctae Romanae ecclesiae non tantopere laboret imminuere; et^a debitas gratias agendo, gratiam beati Petri procuret acquirere. Nos enim, amicitiae nostrae pristinae circa eum memores et apostolicam mansuetudinem, quantum Deo auctore possumus, imitantes, hue usque illius culpae pepercimus; qui, si his et similibus, quae tibi nota sunt, modum non imposuerit, omnino sciat se iram beati Petri in se graviter provocaturum.

Audivimus etiam, Rotomagensem archiepiscopum² sacerdotis³ filium esse. Quod si verum deprehenditur, noveris: promotioni illius nos assensum nequaquam tribuere.

De eo autem, quod in Flandria cum Lingonense episcopo⁴ — non ex monitis nostris — intelleximus te fecisse, scias: contra rationem et iniuste fuisse praesumptum; cum nos in partibus

a. *an* sed *ei?*

1. Wilhelnum I. 2. Wilhelnum I. 3. Ratbodi episcopi Sagiensis.
V. Gallia Christ. XI 37. 4. Rainardo.

illis Diensi episcopo¹ praecipue sollicitudinis nostrae vicem de omnibus commiserimus. Quam ob rem monemus te^a, ut ipsum quantotius procures adire et cum eo rationem facti ponere, quatenus in ea re ipse quod corrigendum fuerit corrigat et quod confirmandum corroboret.

1079
Sept. 23

Preterea monemus te, ut ex parte beati Petri praecipias et invites tam Anglicos quam Normannicos — ex unoquoque archiepiscopatu vel duos — episcopos ad Romanam synodum, quam in quadragesima Deo auctore sumus celebraturi, venire. Qui si forte murmuraverint et ad eum terminum se dixerint interesse non posse, vel post pascha² studeant apostolicae sedi se praesentare. Data Romae 9 Kalendas Octobris, indictione 3.

VII 2. *Lucensibus clericos S. Martini tum muneribus tum communione privatos nuntiat. Quibuscum ne communicent, praecipit.*

1079
Oct. 1

Gregorius episcopus servus servorum Dei Lucensi clero et populo, videlicet^b his qui non communicant neque consentiunt excommunicatis, salutem et apostolicam benedictionem.

Clericorum vestrae ecclesiae diligenter causam examinantes diuque in ea laborantes, nullam in eis rationem atque veritatem, sicut decet christianos, invenimus. Quorum mirabilem et inauditam superbiam licet sine audience secundum synodalem sententiam, quam in se provocaverant, punire debuerimus, mansuetudinis tamen spiritu res eorum audiendas esse dignum duximus; ut saltim confusos et convictos ad sanum consilium sensumque humilitatis revocaremus. Nam si in eis aliquod humilitatis signum mens nostra perpendisset, sine aliqua a nobis misericordia non recessissent. Quibus in superbia sua perdurantibus, auctoritas beatorum martyrum atque pontificum Fabiani et Stephani coram nobis allata est; quam nos per omnia huic negocio convenire cernentes, eos ut rebelles et inobedientes eiusdem auctoritatis sententia damnavimus. Quam litteris nostris inserendam esse existimavimus; ut, quantis sint facinoribus inretiti quantisve

1. Hugoni. 2. 1080 Apr. 12.

a. te addidi.

b. exceptis cod.

1079 contumeliis digni, liquido pateat. Fabianus: *Statuimus¹, si aliquis clericorum suis episcopis infestus aut insidiator fuerit eosque^a criminari temptaverit aut conspirator fuerit, ut, mox ante examinatum iudicium submotus, a clero curiae tradatur; cui diebus vitae suae deserviat, et infamis absque ulla restitutionis spe permaneat.* Stephanus² papa: *Clericus, qui episcopum suum accusaverit aut ei insidiator extiterit, non est recipiendus, quia infamis effectus est et a gradu debet recedere ac curiae tradisi servendus.* Hanc itaque in eos promulgantes sententiam, existimavimus, ut saltim terrore tantae auctoritatis ad humilitatem converterentur. Sed ipsi, dati in reprobum sensum³ et demersi in diabolicae caecitatis puteum, a communione sanctae ecclesiae separati et excommunicati recesserunt. Unde nos, praedictorum sanctorum statuta firmantes, ex auctoritate beati Petri eos ab ordinibus et praebendis ecclesiae sancti Martini in perpetuum submovemus; et decernimus ita, ut nullum deinceps inter canonicos eiusdem ecclesiae locum teneant aut praebendarum aliquod solatium seu spem in posterum habeant. Vos itaque, dilectissimi filii, admonemus immo apostolica auctoritate interdicimus: ut scelerosis contumaciae actibus eorum non communicetis neque consilium aut auxilium contra Deum impendatis; sed, ut ipsi illesi et immunes a damnatione eorum permaneatis, illique ad penitentiam confundantur, infra ambitum civitatis vestrae eos cohabitare non permittatis; et, ut tota provincia eorum praesentia et contagione mundetur, operam detis. Quod nisi feceritis et eos magis quam iustitiam et salutem animarum vestrarum dilexeritis, totius excommunicationis eorum in vos periculum inducetis et iram Dei in praesenti et in futura vita sine dubio sentietis. Eos vero, qui illis, ne in superbia sua permaneant et confundantur, restiterint, gratia beati Petri remunerandos censemus et promittimus. Data Romae Kalendis Octobris, indictione 3.

a. eoque cod.

1. „Statuimus — permaneat“ ex Fabiani epistola secunda; v. Decretales Pseudo-Isidorianas ed. Hinschius p. 165. 2. I in epistola secunda; Decretales Ps. Isid. ed. Hinschius p. 186. 3. Rom. 1, 28.

VII 3. *Fidelibus S. Petri in regno Teutonico scribit, se non esse usum seculari levitatem. Angustias suas commemorat. Legatos suos dolet contra mandata sua egisse^a.*

Gregorius episcopus servus servorum Dei omnibus fidelibus 1079
sancti Petri in Teutonico regno commorantibus salutem et apostolicam benedictionem. Oct. 1

Pervenit ad nos, quod quidam ex vobis de me^b dubitant, tamquam — in instanti modo necessitate — usus sim seculari levitate. Qua certe in causa nullus vestrum, praeter instantiam praeliorum, maiores me et patitur angustias et suffert iniurias. Quotquot enim laici^c sunt, omnes causam Heinrici praeter admodum paucos laudant ac defendunt, et perniciose duritiae ac impietatis circa^d eum me redarguunt. Quibus Dei gratia omnibus sic restitimus hactenus, ut in neutram adhuc partem, nisi secundum iustitiam et aequitatem, secundum nostrum intellectum declinaremus. Nam si legati nostri aliquid contra, quod illis imposuimus, egerunt^e, dolemus. Quod ipsi tamen, sicut comperimus, tum violenter coacti tum dolo decepti, fecerunt. Nos vero iniunximus eis: ut locum ac terminum communiter statuerent oportunum, ad quem sapientes nostros et idoneos legatos propter discutiendam causam vestram dirigeremus; atque ut in sedes suas episcopos restituerent; et abstinere ab excommunicatis docerent. Si quid contra haec vel decepti vel coacti fecerunt, non laudo. Sciatis indubitanter, quoniam Deo gubernante nemo hominum sive amore sive timore aut per aliquam cupiditatem potuit me unquam aut a modo poterit seducere a recta semita iustitiae. Vos itaque, si re vera et in caritate non facta fideles Dei atque sancti Petri estis, nolite in tribulationibus deficere; verum, ut boni emulatores, in incepta fidelitate^f immobiles perdurate^g, quoniam: *Qui perseveraverit^h usque in finem, hic salvus eritⁱ.* In^j praesentiarum modo^k nichil vobis aliud de praedicto negocio mandare possumus; quia nuncii nostri^l nondum sunt re-

a. Legitur etiam 2) ap. Hugon. Flavin., Mon. Germ. SS. VIII 451. b. nobis 2.
c. latini c., laici 2. d. in 2. e. egerint 2. f. in incepto fideliter 2. g. persevere 2. h. perseverat c. i. In om. cod. k. modo om. 2. l. vestri 2.

1. Matth. 11, 22.

1079 versi. Quibus utique venientibus, secundum quod ab ipsis in-
Oct. 1 tellexerimus, vobis quantotius possumus^a veraciter indicabimus.
Data^b Rome Kalendis Octobris, indictione 3.

VII 4. *Wezelinum militem contra Suinimirum, apostolica auctoritate in Dalmatia regem constitutum, arma ferre vetat.*

1079 Gregorius episcopus servus servorum Dei Wezelino nobili
Oct. 4 militi salutem et apostolicam benedictionem.

Scias, nos de prudentia tua multum mirari, ut, qui te esse dudum beato Petro et nobis fidelem promiseris, contra eum, quem in Dalmatia regem¹ auctoritas apostolica constituit², tu modo coneris insurgere. Quapropter nobilitatem tuam monemus et ex parte beati Petri praecipimus: ut adversum iam dictum regem deinceps arma capere non praeasumas; sciens, quicquid in illum ausus fueris, procul dubio te in apostolicam sedem facturum. Si vero adversus ipsum aliquid te forte dicis habere, a nobis iudicium debes expetere, et expectare iustitiam potius, quam contra eum ad iniuriam sedis apostolicae manus tuas armare. Quodsi te temeritatis tuae non poenituerit, sed contra mandatum nostrum contumaciter ire temptaveris, scias indubitanter: quia gladium beati Petri in audaciam tuam evaginabimus et eodem pertinaciam tuam et omnium, qui tibi in ea re favent, nisi resipiscas, multabimus. Sin vero oboediens, sicut christianum decet, prudenter extiteris, gratiam beati Petri et apostolicae sedis benedictionem, sicut obtemperans filius, consequeris.

Data Rome 4 Nonas Octobris, indictione 3.

VII 5. *Aconis (Haraldi Hein) regis Danorum fidem laudat. Clericum mitti cupit, qui et Danorum mores sibi exponat, et sua mandata ad eos perferat.*

1079 Gregorius episcopus servus servorum Dei Acono³ regi Da-
Oct. 15 norum salutem et apostolicam benedictionem.

a. possimus 2. b. Data — 3 om. 2.

1. Suinimirum s. Demetrium. 2. De hac re v. Demetrii regis tabu-
lam ap. Farlatum Illyric. sacr. III 146. 3. Araldo s. Haraldo Hein.

Sincero caritatis affectu dilectioni tuae congratulamur, quia, 1079
Oct. 15 licet in ultimis terrarum finibus positus, ea tamen, quae ad christianaे religionis cultum pertinere noscuntur, vigilanter studes inquirere; et quod, sanctam Romanam ecclesiam matrem tuam et universorum recognoscens, ipsius documenta tibi exoptas et exposcis. Volumus etiam atque monemus: ut in his studiis et desideriis devotio tua persistens et, quantum pietas divina praestiterit, crescents nullatenus a proposito recto deficiat; sed ad meliora cotidie, sicut prudentem virum et regiam decet constantiam, roboretur. Animadvertere siquidem debet excellentia tua, quod, quanto pluribus supereminet ac dominatur, tanto magis sibi subditos potest exemplo suo aut ad deterius quod absit inflectere aut ad sanum consilium ignavos etiam provocare. Intueri quoque prudentiam tuam necesse est: temporalis vite gaudia quam sint caduca, quam fugitiva; quae, etsi vita diu crederetur mansura, tamen, saepe multis adversis ex improviso surgentibus, secura stare non possunt. Unde summopere curare oportet, ut ad illa, quae transire nesciunt et habentem deserere nequeunt, gressus tuos constanter dirigas et affectum mentis intendas. Cuperemus nimium: certe^a de vestris aliquem prudentem clericum ad nos venire, qui et vestrae gentis mores seu concinentias^b sciret nobis pleniter intimare, et apostolicae sedis documenta sive mandata plenius eruditus ad vos posset perferre.

Data Rome Idibus Octubris.

VII 6. *Adefonsi VI regis Legionis et Castiliae studium erga b.
Petrum laudat. Richardum cardinalem presbyterum iterum mittit; cui ut obediatur, hortatur. Mittit reliquias.*

Gregorius episcopus servus servorum Dei carissimo in Christo filio, glorioso regi Hispaniarum¹, salutem et apostolicam benedictionem.

Omnipotenti Deo laudes et gratias agimus, qui gloriam vestram gratia suae visitationis illustrans, beato Petro apostolorum

a. *an cito?* b. *continentias c.*

1. Adefonso VI regi Legionis et Castiliae (cf. L. VIII 2, 3 infra).

1079 principi fide ac devotione coniunxit; cui omnes principatus et
 Oct. 15 potestates orbis terrarum subiciens, ius ligandi atque solvendi in
 coelo et in terra contradidit. Qua de re et vobis merito gau-
 dendum est. Quoniam eo ampliora vobis parata sunt praemia,
 quo^a divina dignatio correctionem regni vestri, quod diu in er-
 rore^b perstiterat, usque ad vestra reservavit tempora: ut veri-
 tatem Dei et iustitiam — qua illi, qui vos praecesserunt, recto-
 res et principes et universus populus tot annis tum cecitate
 ignorantiae tum obstinata temeritate caruerant — vestra mere-
 tur suscipere sublimis humilitas et fidelis oboedientia. Verum
 quia omne opus bonum non tam ab inceptu quam ex fine suo
 retributionis debitum spectat, excellentiam vestram paterna cari-
 tate monemus: ut, quod a legatis nostris de religione fidei et
 ecclesiastici ordinis accepistis et adhuc Deo auctore accepturi
 estis, firmiter teneatis. Quia, sicut certa spes salutis est his,
 qui in observatione fidei et doctrinae huius sanctae apostolicae
 sedis permanent, ita illis, qui ab eius concordia et unitate ex-
 orbitaverint^c, haut dubiae damnationis terror imminet. Et
 quidem de vobis bene speramus; quoniam relatione dilecti filii
 nostri Richardi cardinalis presbyteri sanctae Romanae ecclesiae,
 quem nunc secundo ad vos mittimus, bonam voluntatem vos ha-
 bere intelleximus. Sed quoniam devota corda semper admoni-
 tione gaudent et ipsae etiam virtutes exercitio indigent, hor-
 tamur eminentiam vestram: ut ab hac terrena et caduca digni-
 tate ad illam, quae caelestis et aeterna est, mentem levet; hac
 utatur sicut transitoria et cito peritura, illam appetat, quae aeter-
 nitatem pariter habet et gloriae plenitudinem. Attendere enim
 et sollicite pensare debetis: quoniam cotidie ad finem vitae vo-
 lentes nolentesque properatis; et, quicquid divitiarum honoris
 potentiae nunc arridet, vicina mors, cum minime putatur, rapiet
 et omnia tenebris et amaritudine claudet. Quae ergo in illis
 spes, quae gloria, quae delectatio aut desiderium esse debet, quae
 se amantes decipiunt, sequentes fugiunt, habentes derelinquent?
 Quanto autem in his quisque minus delectatur minusque elatione

a. clementius excidisse videtur.

b. herrore c.

c. exorbitaverint c.

1079
Oct. 15

super se rapitur, tanto securius ad ea quae vera sunt bona deducitur. Cuius rei exemplum ipse dominus ac salvator noster Iesus Christus aperte monstravit, cum oblatum sibi ab hominibus regnum pia humilitate respuit; nec speciem quidem terrena sublimitatis in oculis hominum gerere voluit, qui in hunc mundum, ut nos ad regnum caeleste reduceret, venit. Quapropter sicut carissimum filium vos admonemus: ut, haec sedulo vobiscum cogitantes, coram illo vos exhibeatis humilem, qui vos constituit valde sublimem; et inter omnia et prae omnibus Deo placere studentes, commissa vobis regni gubernacula ita administrare cum Dei adiutorio procuretis, quatenus vestra eminentia nullum futurae abiectionis aut infortunii casum sentiat, sed ad coronam incomparabilis regni et solium aeternae gloriae transeat.

Ut autem nostra exhortatio cordi vestro altius imprimatur, ex more sanctorum patrum^a misimus vobis claviculam auream, in qua de catenis beati Petri benedictio continetur; quatenus, per eius praesentia patrocinia, uberiora eius erga vos beneficia sentiatis, et in amore ipsius de die in diem ferventius^b accendamini, promerentes, ut omnipotens Deus, qui illum admirabili potentia a nexibus ferreis liberavit, eius meritis et intercessionibus vos ab omnium peccatorum vestrorum vinculis absolvat et ad gaudia aeterna perducat.

Ad haec commendamus vobis hunc dilectum filium nostrum, quem, sicut supra diximus, nunc secundo ad vos mittimus, ut eum sicut nos audiatis et in omnibus sibi favorem exhibeatis; quatenus non fiat inanis cursus et labor illius apud vos, sed pro commissa sibi legatione ea, quae de ecclesiasticis causis tractanda invenerit, efficaciter exequi et ad statum rectitudinis Deo adiuvante perducere valeat. Caetera vero, quae hic minus continentur, in eius ore posuimus. Cui vos in nullo credere dubitetis; per quem nostram vobis auctoritatem repraesentari cognoscitis. Data Romae 18 Kalendas Novembbris, indictione 3.

a. patrum addidi. b. ferventes c.

1. Recharedo regi Wisigothorum misit anno 599 S. Gregorius I „clavem parvulam a b. Petri corpore, in qua inest ferrum de catenis eius inclusum“. V. S. Gregorii Reg. IX 121, opp. ed. Ben. II 1031.

VII 7. *Richardo cardinali significat, se eum monachis Massiliensibus abbatem praeposuisse. Quorum coenobium cum b. Pauli monasterio coniungi cupit. Praecipit, ut legationem Hispanicam perficiat.*

1079 Nov. 2 Gregorius episcopus servus servorum Dei Riccardo cardinali in legatione Hyspaniae constituto salutem et apostolicam benedictionem.

Unanimitas fratrum Massiliensium, in litteris suis sanctae memoriae fratris tui¹ memorans obitum, novo me dolore sautiavit; petens insuper — contemplatione amoris sancti fratris tui, teque velut ipsum alterum futurum sperans — uti sibi te concederem in abbatem. Quod et feci. Volo ergo: ut fratres tuos nullo modo, pertinaciter resistendo, contristes; sed voluntati Dei et sanctorum fratrum facile acquiescas. Volumus etiam atque monemus: ut, in quantum potes, spes tantorum fratrum de te vana non fiat; sed spiritum sanctum fratris tui viriliter induas, saecularia ac iuvenilia desideria ut mortem fugias, sanctae regulae medullitus te astringas; ne occasione tuae iuventutis monasterium sanctum, quod avertat Deus, patiatur aliquod detrimentum religionis. Notum autem tibi facio, quia desiderium mihi est, monasterium beati Pauli² apostoli et monasterium Massiliense tanta caritatis unione constringere, ut et illud semper pro amore beatissimi Pauli ex apostolica auctoritate succrescat et beatissimi Pauli monasterium ad sanctam religionem ex illius monasterii religione proficiat. Postquam autem Deo auctore monasteria tua bene composueris, legationem tibi commissam ad Hyspanias perficere non moreris. Data Romae 4 Nonas Novembribus, inductione 3.

VII 8. *Monachos Massilienses de obitu Bernardi abbatis conosclatur; laudatque, quod Richardum presbyterum cardinalem elegerint.*

1079 Nov. 2 Gregorius episcopus servus servorum Dei dilectis in Christo

1. Bernardi abbatis S. Victoris Massiliensis, qui obiit die 20 Iulii 1079.
V. Bernoldi necrologium et Bertholdi annales 1079, Mon. Germ. SS. V 392 et 324. 2. Romanum. Cf. supra p. 347 n. 4.

Massiliensis congregationis fratribus salutem et apostolicam bene- 1079
dictionem.
Nov. 2

Non dubitamus, fraternitatis vestrae dilectionem, meroris et tristitia plenam, super venerandi patris sui¹ excessu vehementi dolore constringi. De cuius transitu profecto nemini maius incommodum quam nobis aut aequa magnum evenisse putamus, qui talem tantumque adiutorem nobis e latere subductum sentimus. Intelleximus siquidem: in ipsis prudentia et consilio, si vita aliquandiu comes maneret, plurimum utilitatis Deo favente non solum in transalpinis verum etiam in Italiae partibus cum multorum salute sanctae Romanae ecclesiae proventurum. Unde nos quoque — tanti culminis onus quod ultra vires nostras^a est sustinentes, eiusmodi solatio sublato, cum neminem aut vix paucos suffragatores similes inveniamus — quanto mentis angore teneamur, liquido quidem potestis et ipsi perpendere. Verum quia omnipotens Dei inaestimabilis providentia omnia iuste et sapienter disponit, iudicia eius, nimurum recta consilia ipsis, aequitatis et misericordiae plena, nobis sunt, fratres, aequanimiter ferenda. Et quoniam memoratus pater vester, quod vivendo promeruit, obeundo incunctanter est Abrahae sinu receptus; nos, dulci illius memoria vobis astrieti^b, praecipue etiam divino amore monente, locum vestrum specialiter diligere iuvare et ab omnibus violentiis, sicut ecclesiae Romanae specialiter herentem, defendere decrevimus. Et quemadmodum Cluniacense monasterium longo iam tempore sedi apostolicae constat esse unitum, ita quoque vestrum deinceps ut eidem sedi similiter hereat in perpetuum, volumus atque sancimus. Audivimus autem, quod caritas vestra filium nostrum et presbyterum cardinalem Riccardum loco germani ipsis in abbatem velit eligere. Quam denique electionem nos approbamus et apostolica auctoritate firmamus; in hoc item vobis obnoxii et quasi vinculis geminatis annexi, quod sanctae Romanae ecclesiae filium rectorem vobis appetitis. Oportere igitur arbitramur, omnium bonorum dispensatorem ex-

a. nostras addidi. b. a vobis stricti cod.

1. Bernardi abbatis.

1079 Nov. 2 orare, quatinus ipsum eum saluti vestrae ita vigilantem provisorem efficiat, ut is pro salubri cura et talentis multiplicatis aeternae hereditatis dona percipiat et, praemia beata reportans, matrem suam laetificet. Data Romae 4 Nonas Novembris, inductione 3.

VII 9. *Astensi, Taurinensi, Aquensi episcopis mandat, ne a Bonifacio marchione patientur Anselmi fratris defuncti sponsam in matrimonium duci.*

1079 Nov. 3 Gregorius episcopus servus servorum Dei fratribus et coepiscopis Astensi¹ Taurinensi² et electo Aquensi salutem et apostolicam benedictionem.

Pervenit ad nos, quod Bonifatius marchio³, germanus Mainfredi et Anselmi, nuper interemptorum, eiusdem Anselmi de sponsatam conatur sibi in coniugium copulare. Quod quam sit flagiti plenum, quam a christiana religionis legibus alienum, nemo, qui sacros canones novit, potest ambigere. Quapropter dilectioni vestrae praecipimus, ut illum nostra vice convenientes commoneatis, quatinus contra sanctorum patrum statuta tali tamque^a nefario conubio desistat ulterius operam dare. Quodsi se ad hoc perpetrandum iuramento putat astrictum teneri, pernitosae obligationis stultum pactum non observandum sed in irritum devocandum esse censemus, et vobis taliter habendum mandamus. Sin vero contra salutem suam animo indurato in placito tam nefando perstiterit, et salubribus monitis, sicut christianum decet, obtemperare contempserit, vos in eum primi canoniam sententiam promulgate. Quam nos exinde Deo auctore firmabimus et apostolica potestate roborabimus; ne ceteri, hoc exemplo ducti, aut in deteriora labantur aut similia sibi licere forte existiment. Data Romae 3 Nonas Novembris, inductione 3.

a. tamquam c.

1. Ingoni? 2. Cuniberto? 3. de quo cf. San Quintino Osservazioni critiche, Torino 1851 p. 54 sq. et S. Giovanni Dei marches del Vasto, Torino 1858 p. 37 sq.

VII 10. *Britannos iubet cum Amato episcopo Elorensi, legato suo, synodum celebrare, qua rem poenitentialem ad normam dirigant.*

Gregorius episcopus servus servorum Dei episcopis sacerdotibus principibus aliisque omnibus in Britannia commorantibus salutem et apostolicam benedictionem, si obedierint.

1079
Nov. 25

Sacerdotalis culminis dignitas tum imperitia tum negligentia sacerdotum, sicut vestra dilectio novit, ex longo iam tempore peccatis exigentibus fuit collapsa. Ex qua quidem re quasi ex pestifera radice innumera mala exorta^a sunt; adeo ut usque ad haec nostra tempora, inter cetera quae male pullulant vitia, falsae nihilominus poenitentiae consuetudo inoleverit. Quapropter quia nobis pro officii nostri consideratione et sollicitudinis magnitudine imminet, haec et huiusmodi, quantum possumus, Domino largiente corrigere, volumus atque apostolica auctoritate praecipimus: ut legatum nostrum, Amatum videlicet Olorensem episcopum, cui vicem nostram in partibus vestris commisimus, studeat vestra fraternitas reverenter convocare et , ut illo agente synodale concilium congregetur; ubi cum de aliis, quae ad salutem pertinent animarum, tum etiam de poenitentiae constitutione^b diligentius pertractetur. Qua in re hoc sumppere vos cavere oportet aliosque monere debetis: quia, si quis, in homicidium adulterium perjurium vel aliquid huiusmodi lapsus, in aliquo talium criminum permanserit; aut negociationi, quae vix agi sine peccato potest, operam dederit; aut arma militaria portaverit — excepto si pro tuenda iustitia sua vel domini vel amici seu etiam pauperum nec non pro defendendis ecclesiis, nec tamen sine religiosorum virorum consilio sumpserit, qui aeterne salutis consilium dare sapienter neverunt — aut aliena bona iniuste possederit; aut in odium proximi sui exarserit; verae poenitentiae fructum facere nullatenus potest. Infructuosam enim poenitentiam dicimus, quae ita accipitur, ut in eadem culpa vel simili, deteriori vel parum minori, permaneatur. Unde quisquis digne vult poenitere, necesse est, ut ad fidei recurrat originem

a. exhorta c. b. consultatione c.

1079 et, quod in baptismo promisit — diabolo scilicet pompisque illius
 Nov. 25 abrenunciare et in Deum credere, videlicet recta de eo sentiendo
 mandatis ipsius oboedire — sollicitus sit vigilanter custodire.
 Quicunque ergo taliter poenituerit — quoniam aliter, simulatio
 dici potest, non poenitentia — illi peccatorum suorum remis-
 sionem apostolica freti potestate largimur, insuper aeternae beat-
 itudinis gaudia, de omnipotentis Dei misericordia confisi, pro-
 mittimus. Data Romae 7 Kalendas Decembbris, indictione 3.

VII 11. *Wratizlaum II ducem Bohemiae cum excommunicatis
 conversantem vituperat. Vetat linguam Sclavonicam in pro-
 curandis sacris adhiberi. De legatis ad se mittendis.*

1080 Gregorius episcopus servus servorum Dei Wratizlao¹ Boemo-
 Ian. 2 morum duci salutem et apostolicam benedictionem.

Huiusmodi salutationis nostrae consuetudinem, scilicet apo-
 stolicae benedictionis, eam² tibi mittentes, non sine hesitatione
 modo servavimus; propterea quod videris excommunicatis ipse
 communicare. Quicunque enim bona ecclesiarum invadunt, id
 est sine certa licentia episcoporum vel abbatum diripiunt, vel
 ab aliqua persona accipiunt, non solum ab apostolica sede hoc
 tempore, verum etiam a multis sanctis patribus, sicut in scri-
 pturis eorum repperimus, Verum, utcunque se
 res habeat, saluti tuae internae^a providere non modo ex antiqua
 tui dilectione movemur, verum etiam ex suscepti honoris immo
 laboris intuitu profecto compellimur eo magis, quod multorum
 profectui tua sublimitas esse potest exemplum. Neque enim hoc
 tibi relinquitur vel dicere vel cogitare: *Meum non est, alienam
 vitam vel mores in spiritualibus exquirere sive distingere;* pro-
 cul dubio nanque tantorum reus existis, quantorum vias ab in-
 teritus praecipitio poteras nolens^b reflectere. Illud quoque vi-
 gili mente pertractes oportet: ne honorem tuum divino honori,
 seu pecuniam praeponas iustitiae; neu, quod in te cinerem a sub-
 dito, tibi consimili, fieri non sine gravi animadversione patereris,
 in creatorem tuum et omnium praesumi aequanimiter feras. In-

1. II. 2. sc. salutationem.

a. an aeternae? b. volens cod.

dubitanter etenim non Dei sed diaboli membra et falsi christiani 1080
 convincuntur, qui suas iniurias persecuntur usque ad sanguinem ^{Ian. 2}
 et Dei contumelias negligunt usque ad oblivionem. Divitias
 autem, potentia tua quas habet, non ob meritum datas sed ob
 sollicitudinem putare debet sibi commissas. Denique non tantum
 saecularibus oneri^a videtur inopia, quantum spirituales viros gra-
 vant divitiae, simul etiam diffusa potestas. Perpendunt quippe —
 si ille, cui una ovis sub necis suae conditione committitur, non
 solum centum eodem pacto non cuperet recipere, verum etiam,
 illa ne aliquo casu dispereat, haud sine timore sollicitus est ob-
 servare — quod sibi tanto sit inremissius vigilandum magisque
 timendum, quanto super plures curam seu potestatem accipiunt.
 His ita perspectis, ad maiorem te mentis vigilantiam praesentis
 saeculi fugacitas invitat. Et cum illud, quod in hac luce magis
 diligitur, vita scilicet praesens, ad occasum furtim festinet, pro-
 fecto, quo magis ad districti examinis diem propinquas, eo am-
 plius ad aeterna praemeditanda et adipiscenda te sana ratio mittit.
 Haec itaque nostra monita sive mandata, volumus immo iubemus,
 ut ante suae mentis oculos excellentia tua saepius ponat et cre-
 brius legendo audiendo meditetur; non quod elegantius scripta
 nequeas in sanctorum paginis invenire, sed quia haec ad te spe-
 cialiter ex nobis immo ex beato Petro missa sunt et, ista fre-
 quenter recogitando, poteris Deo propitiante ad potiora cognoscenda
 exurgere.

Quia vero nobilitas tua postulavit: quod^b secundum Sclavonicam linguam apud vos divinum celebrari annueremus officium,
 scias, nos huic petitioni tuae nequaquam posse favere. Ex hoc
 nempe, saepe volventibus liquet, non immerito sacram scriptu-
 ram omnipotenti Deo placuisse quibusdam locis esse occultam¹:
 ne, si ad liquidum cunctis pateret, forte vilesceret et subiaceret
 despectui aut, prave intellecta a mediocribus, in errorem indu-
 ceret. Neque enim ad excusationem iuvat, quod quidam religiosi
 viri hoc, quod simpliciter populus querit, patienter tulerunt seu

a. honeri cod. b. quo c.

1. Coniunge sic: „Ex hoc nempe scripturam occultam esse placuisse,
 liquet“.

1080 incorrectum dimiserunt; cum primitiva ecclesia multa dissimu-
 Ian. ² laverit, quae a sanctis patribus postmodum, firmata christianitate
 et religione crescente, subtili examinatione correcta sunt. Unde,
 ne id fiat, quod a vestris imprudenter exposcitur, auctoritate
 beati Petri inhibemus; teque ad honorem omnipotentis Dei huic
 vane temeritati viribus totis resistere praecipimus.

De legato autem nostro, quem mitti ad se tua devotio por-
 poscit, neveris item, nos preces tuas ad praesens commode effi-
 cere minime potuisse. Tamen in hoc anno, divina favente cle-
 mentia, tales procurabimus invenire personas, quae et negotiis
 vestris valeant utiliter deputari et necessitudines vestras plenius
 cognoscentes ad notitiam nostram deducere. Ut ergo tute pos-
 simus ad vos legatos nostros dirigere, necesse arbitramur et vo-
 lumus: ut filium nostrum Fredericum et hunc Felicem ad nos
 iterum studeas aut horum alterum mittere; quatinus ita possint,
 quo destinabimus, secure venire. Data Romae 4 Nonas Ianuarii,
 indictione 3.

VII 12. *Manassi I archiepiscopo Remensi praecipit, ut syno-
 dum Lugdunensem adeat.*

1080 Gregorius episcopus servus servorum Dei Manasse¹ Remensi
 Ian. ³ archiepiscopo salutem et apostolicam benedictionem.

Miramur, fraternitatis tuae prudentiam ad hoc tot occasiones
 invenire, ut in infamia sua et ecclesiae suae tempore longo per-
 maneat et, quoad^a opinioni relinquitur, iudicium subterfugere
 videatur; cum magis ad hoc profecto eam decuerit laborare, ut
 suspicionem tanti reatus a se et ecclesia sua excluderet. In
 praeterito siquidem anno ad argumentum excusationis tuae quan-
 dam nobis obtulisti auctoritatem: te videlicet non alicuius legati^b
 sed nostrae tantum praesentiae subdendum fore iudicio; unde
 etiam tunc, ut^c apparet in litterarum nostrarum exemplaribus²,
 dignissime reprehensus es. Nunc vero, immemor promissionis
 tuae, qua Romae te supra corpus beati Petri obligasti, aliam

a. quod c. b. legati addidi; cf. infra. c. etiam tunc, ut scripti pro ut
 etiam nunc c.

1. I. 2. V. L. VI ep. 2 supra p. 322.

excusationem obtendis: te^a timore videlicet dissidentis regni ad 1080
 Lugdunense concilium, ad quod vocatus es, venire non posse. In qua re quantum excusatio tua nutet, liquido valet perpendi. Nam neque legatus Romanae ecclesiae in negocio tuo contemnendus fuit, qui — sicut noscit fraternitas tua — maximis et praecipuis conciliis, videlicet Niceno¹ et Chalcedonensi², aliisque multis praefuit et huiusmodi questionibus certum diffinitionis terminum dedit; neque illud nunc assumendum tibi fuit, te Lugdunum non posse venire, cum omnia viae illius pericula, si qua sunt, tutissimis et securissimis ductoribus posses transire: Lugdunensi scilicet archiepiscopo³ et Lingonensi episcopo⁴, qui fraternate caritate tractarent et sine omni formidine ad praenominatum perducerent locum. Ad quem nimirum locum sponte et sine invitatione aliqua accedendum fuit; ut, si immunis es a culpa, collaudatione synodali infamiae tuae silentium daretur, et non solum per Diensem⁵ sed etiam^b per confratrem nostrum Albanensem episcopum⁶ et per abbatem Cluniacensem⁷, quem eidem synodo interesse speramus, res tua diligentius retractaretur. Qui^c, si aliqua nimis dura in te daretur sententia, iustitiae moderamine utentes, non solum contra te non agerent verum etiam, pro te laborantes, praepropere dictum vel factum corrigerent. Quodsi forte ad praedictum concilium non iveris, aurem debitae oboedientiae matri tuae Romanae ecclesiae diu te supportanti non inclinaveris, si quid contra te Diensis cum consensu reliquorum fratrum nostrorum egerit, non solum sententiam in te prolamatam non immutabimus verum etiam apostolica auctoritate firmabimus. Quodsi fraternitati tuae videbitur, prolatae sententiae rationabiliter posse obviari, volumus: te magis coram vicario nostro, Diensi videlicet episcopo, aliisque religiosis in patria illa, ubi accusatorum et defensorum maior copia invenitur, rationes tuas exponere, quam Romam per tot labores et difficultates, ubi utrumque deest, frustra spe iudicii quaerere. Interea fraterni-

a. te *addidi*. b. etiam *addidi*. c. quod *cod.*

1. V. L. VI ep. 2 supra p. 323 n. 2. 2. anni 451. V. Concil. ap. Mansi VI 566. 3. Gebuino. 4. Rainardo. 5. ep. Hugonem. 6. Petrum. 7. Hugonem.

1080 tatem tuam ex parte omnipotentis Dei per auctoritatem beati
 Ian. ³ Petri monemus, ut, si te in hac causa culpabilem cognoscis,
 potius, quam aliquo seculari ingenio te excusandum existimes,
 studeas animam tuam per dignos fructus penitentiae liberare.
 Data Romae 3 Nonas Ianuarii, indictione 3.

VII 13. *Theoderico episcopo Virdunensi mandat, ut in synodo ad satisfactionem cogat Arnulphum comitem, qui Heinricum I episcopum Leodiensem direptum coegerit ad iurandum, se nec ablata repetiturum et veniam illi ab ipso impetraturum.*

1080 Gregorius episcopus servus servorum Dei Theoderico Vir-
 Ian. ³⁰ dunensi episcopo salutem et apostolicam benedictionem.

Pervenit ad nos fratris et coepiscopi nostri Heinrici¹ Leo-
 dicensis gravis calamitas. Quem ad apostolorum limina venien-
 tem Arnulphus comes², rebus suis omnibus quas secum ferebat
 expoliatum³, ad augmentum nequitiae post suorum erectionem
 compulit gladiis iurare: quod ablata nunquam repeteret, et quod
 a nobis super tali tantoque facinore sibi veniam impetraret. Quod
 immane flagitium ut cognovimus, profecto vehementer doluimus,
 cum propter impeditam fratris nostri devotionem tum propter
 illius detestabilem audaciam. Quae nisi digna animadversione
 vindicata fuerit, restat, ut ei suisque similibus, si qua deteriora
 sunt et possunt, perpetrandi concedatur occasio. Verumtamen,
 ne forte iudicemur potius irae consulere quam parere iustitiae,
 volumus atque apostolica auctoritate praecipimus: ut fraternitas
 tua quoscunque potest episcopos abbates sacerdotes et clericos
 studeat adunare et, conventu habito super hac re, illum impro-
 bum ad poenitentiam et satisfactionem invitare. Quodsi, in ma-
 litia sua perdurans, aut poenitentiam agere aut ablata noluerit
 digna cum satisfactione restituere, ecclesiae introitum et corporis
 et sanguinis dominici participationem tua ei fraternitas inter-

1. I. 2. de Chiny (a Virduno ad septemtriones). V. Friderici ep. Leodiensis epistolam ap. Martene Coll. I 654. 3. die 24 Dec. 1079. V. apologiam Manassis I archiepiscopi Remensis (ap. Mabillon Musaeum Italicum I 121, Tromby Storia del ordine Cartusiano I appendix p. 19): „in episcopo Leodiensi, quem nuper in vigilia natalis Domini novimus captum“.

dicat; datisque sibi quindecim dierum indutiis, si infra illud 1080
 spatium non poenituerit et ad emendationem sceleris sui non
 Ian. 30
 venerit, anathematis eum gladio, fulta pracepto auctoritatis apo-
 stolicae, feriat. Quod certe nos exinde omnibus modis firma-
 bimus; ac postmodum quidem volumus atque iubemus, ut in
 illum dilectio tua quibus valebit modis insurgat. Quicumque
 enim illius nefandae praesumptioni auxilium aut assensum de-
 derit, sciat se gratiam Dei et beati Petri procul dubio amis-
 surum. Quicumque vero praedicti confratris nostri immo beati
 Petri iniurias pro viribus suis ulcisci contenderit, ei nos aposto-
 licam benedictionem tribuimus et, de divinae pietatis munere
 confisi, peccatorum suorum veniam pollicemur. Nolumus etiam
 prudentiam tuam ignorare, nos saepe dictum coepiscopum ab
 illius malitiose coacti iuramenti conditione absolvisse, sanctaeque
 ecclesiae contumeliam vindicandi licentiam ipsi dedisse. Quem
 ut in omnibus pro posse studeas adiuvare, iterum iterumque
 monemus atque rogamus. Data Romae 3 Kalendas Februarii,
 inductione 3.

VII 14. *Heinricum I episcopum Leodiensem extorto iureiurando
 absolvit, monetque, ut ab Arnulpho comite poenas petat.
 De superiore epistola significat.*

Gregorius episcopus servus servorum Dei Heinrico¹ Leodi- 1080
 censi episcopo salutem et apostolicam benedictionem. Ian. 30

Cognita tuae fraternitatis adversitate et contumelia, tibi
 immo beato Petro illata, nimirum valde dolere sumus coacti.
 De iuramenti^a vero iniustissima obligatione dilectioni tuae sic^b
 respondemus: non debere existimari^c, eam^d ullis iuramenti vin-
 culis posse teneri, quae^e tam nefandissime coacta^f iuraverit. Unde
 et apostolica te auctoritate absolvimus, ut non tuae vel alicuius
 conscientiae ob hoc videaris innexus aut debitor esse. Insuper
 etiam, eadem freti potestate, fraternitati tuae licentiam damus

a. De iuramenti — iuraverit *leguntur etiam in Friderici ep. Leod. epistola ap. Martene Coll. I 655.* b. Heinrice pro sic *M.* c. aestimari *M.* d. eam *c.*, eum *M.*
 e. quae *c.*, qui *M.* f. nefandissima coacte *M.*

1080 immo hortamur: ut contra iniurias beato Petro illatas, nisi
 Ian. 30 praesumptor ille penituerit digneque satisfecerit, quibus viribus
 potest, insurgat; atque illum omnibus modis infestet; et de eo
 tanti sceleris poenas, Deo opitulante, petat et sumat. Indignum
 nanque nobis videtur, exemplumque caeteris improbis audendi
 peiora futurum, si hoc flagitium iste impune susceperit. Unde
 etiam fratri nostro Virdunensi episcopo¹ aliisque beati Petri fide-
 libus summopere praecipimus: ut, dilectionem tuam unanimiter
 adiuvantes, eum ut tyrannum et christianaे religionis conculea-
 torem impugnent et armis tam carnalibus quam spiritualibus
 undique et ubique, quantum possunt, insequentes coartent. Data
 Romae 3 Kalendas Februarii, indictione 3.

VII 14 a. *Acta concilii Romani^a.*

1080 Anno ab incarnatione Domini millesimo octuagesimo, pon-
 Mart. 7 tificatus vero domni Gregorii VII papae anno septimo, indictione
 tertia, celebravit ipse dominus papa synodum Romae; ubi inter-
 fuerunt archiepiscopi et episcopi diversarum urbium, nec non et
 abbatum ac diversorum ordinum clericorum et laicorum innumerabili-
 bilis multitudo. In qua, apostolica constituta corroborans, multa
 quae corrigenda erant correxit et quae corroboranda firmavit. Inter
 cetera nanque in fine synodalis absolutionis haec annexuit et per-
 petuae memoriae pro posteris scribenda mandavit, ita dicendo:

*Sequentes statuta sanctorum patrum — sicut in prioribus
 conciliis, quae Deo miserante celebravimus, de ordinatione eccl-
 esiasticarum dignitatum statuimus — ita et nunc apostolica aucto-
 ritate decernimus ac confirmamus: ut, si² quis deinceps episco-
 patum vel abbatiam de manu alicuius laicæ personæ susceperit,
 nullatenus inter episcopos vel abbates habeatur nec ulla ei ut
 episcopo seu abbatи audientia concedatur. Insuper etiam ei gra-
 tiam sancti Petri et introitum ecclesiae interdicimus, quo usque*

a. Leguntur magna ex parte etiam 2) ap. Petrum Pisanum, Pont. Rom. Vit. ed. Watterich T. I 301 — 305.

1. Theoderico. V. ep. 13 supra p. 396. 2. „Si quis deinceps — sentiæ vinculo se esse sciāt obstrictum“ sunt in Gratiani deer. P. II C. XVI qu. 7 c. 12.

locum, quem sub crimine tam ambitionis quam inobedientiae, quod est scelus idolatriae¹, cepit, resipiscendo non deserit. Similiter etiam de inferioribus ecclesiasticis dignitatibus constituimus.

1080
Mart. 7

Item si quis imperatorum regum ducum marchionum comitum vel quilibet^a saecularium potestatum aut personarum investituram episcopatum vel alicuius ecclesiasticae dignitatis dare praesumpserit, eiusdem sententiae vinculo se obstrictum esse sciatur. Insuper^b etiam, nisi resipiscat et ecclesiae propriam libertatem dimittat, divinae animadversionis ultionem in hac praesenti vita tam in corpore suo quam ceteris rebus suis sentiat; ut in adventu Domini spiritus salvus fiat.

Item sententiam depositionis et excommunicationis, iam pleniusque datam in Tedaldum Mediolanensem dictum archiepiscopum et Guibertum Ravennatem et Rolandum Tarvisiensem, confirmamus et corroboramus. Et Petrum, olim Rotonensem^c episcopum, nunc autem Narbonensis ecclesiae invasorem, pari sententia damnamus.

Item si quis Normannorum terras sancti Petri, videlicet illam partem Firmanae marchiae, quae nondum pervasa est, et ducatum Spoletanum et Campaniam nec non Maritimam atque Sabinum et comitatum Tiburtinum nec non monasterium sancti Benedicti Montis Cassini et terras sibi pertinentes, insuper etiam Beneventum invadere vel depraedari praesumpserit, gratiam sancti Petri et introitum ecclesiae ei usque ad satisfactionem interdicimus. Verumtamen, si quis illorum adversus habitatores harum terrarum aliquam iustum causam habuerit, prius a nobis vel a rectoribus^d seu ministris inibi constitutis iustitiam requirat; quae si ei denegata fuerit, concedimus: ut pro recuperatione suarum rerum de terra illa accipiat; non tamen ultra modum nec more praedonum, sed ut decet christianum et eum, qui sua magis querit recipere, quam aliena diripere, et qui timet gratiam Dei amittere et maledictionem beati Petri incurrere.

Preterea^e admonemus omnes, qui aeternae damnationis poe-

a. om. 2. b. Insuper — fiat om. 2. c. Redonensem 2. d. nostris add. 2.

e. Preterea — eligendi potestate privatur om. 2.

1. 1 Reg. 15, 23. 2. Ruthenensem.

1080 *nas evadere et verae beatitudinis gloriam cupiunt intrare, ut a Mart. 7 falsis sibi caveant poenitentiis. Sicut enim falsum baptismus non lavat originale peccatum, ita post baptismum falsa poenitentia non delet nefas commissum. Ideoque valde necessarium est, ut, qui se aliquod grave crimen commisisse cognoscit, animam suam prudentibus et religiosis viris committat, ut per veram poenitentiam certam peccatorum suorum consequatur veniam. Haec est enim vera penitentia: ut post commissum alicuius gravioris criminis — utpote meditati homicidii et sponte commissi; seu perjurii pro cupiditate honoris aut pecuniae facti; vel aliorum his similius — ita se unusquisque ad Dominum convertat, ut, relictis omnibus iniquitatibus suis, deinde in fructibus bonae operationis permaneat. Sic enim Dominus per prophetam docet: „Si conversus fuerit impius ab omnibus iniquitatibus suis et custodierit universa mandata mea, vita vivet, et non morietur“¹. In quibus verbis manifeste datur intelligi: quoniam, qui aliena bona diripuit et ea, cum possit, reddere vel emendare noluerit; vel qui arma contra iustitiam portaverit; aut odium in corde retinet; vel qui huiusmodi negociationibus aut officiis implicitus fuerit, quae sine fraude sine falsitate sine invidia sine deceptione fratrum exercere non possit; nec ad Deum conversus nec de perpetratis facinoribus veram poenitentiam facere credendus est. Unde inter omnia vos hortamur atque monemus: ut in accipiens poenitentiis non ad illos curratis, in quibus nec religiosa vita nec est consulendi scientia, qui animas hominum magis ad interitum quam ad salutem ducunt, teste Veritate quae ait: „Si caecus caecum ducat, ambo in foveam cadunt“²; sed ad eos, qui, religione et scripturarum doctrina instructi, viam veritatis et salutis vobis ostendere valeant.*

Item de electione pontificum.

Quotiens, defuncto pastore alicuius ecclesiae, alius est ei canonice subrogandus, instantia visitatoris episcopi, qui ei ab apostolica vel metropolitana sede directus est, clerus et populus, remota omni saeculari ambitione timore atque gratia, apostolicae

1. Cf. Ezech. 18, 21. 2. Matth. 15, 14.

sedis vel metropolitani sui consensu pastorem sibi secundum Deum eligat. Quodsi corruptus aliquo vitio aliter agere praesumpserit, electionis perperam factae omni fructu carebit; et de caetero nullam electionis potestatem habebit; electionis vero potestas omnis in deliberatione sedis apostolicae sive metropolitani sui consistat. Si enim is, ad quem consecratio pertinet, non rite consecrando, teste beato Leone, gratiam benedictionis amittit, consequenter is, qui ad pravam electionem declinaverit, eligendi potestate privatur.

Item excommunicatio regis Heinrici.

Beate^a Petre princeps apostolorum et tu beate Paule doctor gentium, dignamini^b queso aures vestras ad me inclinare meque clementer exaudire. Quia veritatis estis discipuli^c et amatores, adiuvate, ut veritatem vobis dicam, omni remota falsitate quam omnino detestamini; ut fratres mei melius michi adquiescant, et sciant et intelligant: quia ex vestra fiducia post Deum et matrem eius semper virginem Mariam pravis et inquis resisto, vestris autem fidelibus auxilium praesto. Vos enim scitis: quia non libenter ad sacrum ordinem accessi; et invitus ultra montes cum domino^d papa Gregorio¹ abii, sed magis invitus cum domino meo 1047 papa Leone² ad vestram specialem ecclesiam redii, in qua ut- 1049 cunque vobis deserviri; deinde valde invitus cum multo dolore et gemitu ac planetu in throno vestro valde indignus sum col- 1073 locatus. Hec^e ideo dico, quia non ego vos, sed vos elegistis me et gravissimum pondus vestrae ecclesiae supra^f me posuistis. Et quia super montem excelsum me iussistis ascendere et clamare atque annunciare populo Dei scelera eorum et filii ecclesiae peccata eorum^g, membra diaboli contra me coeperunt insurgere et usque ad sanguinem praesumpserunt in me manus suas^g inicere. Astiterunt enim^h reges terrae et principes saeculares et ecclesiastici, aulici etiam et vulgares convenerunt in unum adversus Dominum et adversus vos christos eius, dicentes: „Dirumpamus

a. abhinc legitur etiam 3) ap. Hugon. Flav., Mon. Germ. SS. VIII 451, 4) ap. Udalr. Babenberg. n. 150, Eccardi Corp. list. II 152. b. dignamini 2. c. apostoli 3. d. meo add. 2. 3. e. Nec c. f. super 2. 3. g. suas om. 3. 4. h. enim om. 3.

1. VI, anno 1047. 2. IX, anno 1049. 3. Cf. Isai. 58, 1.

vincula eorum et proiciamus a nobis iugum ipsorum^a; et ut me omnino morte^b vel exilio confunderent, multis modis conati sunt in me insurgere.

Inter quos specialiter Heinricus, quem dicunt regem, Heinrici imperatoris filius^b, contra vestram calcaneum erexit ecclesiam, facta cum multis episcopis ultramontanis et Italicis conspiratione, annitens, me deiciendo eam sibi subiugare. Cuius superbiae vestra resistit^c auctoritas, eamque^d vestra^e destruxit potestas. Qui, con-

1077

fusus et humiliatus ad me in Longobardiam veniens^f, absolutio-

Jan.

nem ab excommunicatione quesivit. Quem ego videns humiliatum, multis ab eo promissionibus acceptis de suae vitae emendatione^g, solam ei communionem reddidi; non tamen in regno, a quo eum in Romana synodo^h deposueram, restauraviⁱ; nec fidelitatem^j omnium, qui sibi^k iuraverant vel erant iuraturi, a qua^l omnes absolvi in eadem synodo, ut sibi servaretur^m, praecepi. Et haec ideo detinui, ut inter eum etⁿ episcopos vel principes ultramontanos, qui ei causa iussionis vestrae ecclesiae restiterant, iustitiam facerem vel pacem componerem; sicut^o ipse Heinricus iuramento per duos episcopos^p michi promisit. Praedicti autem episcopi et principes ultramontani, audientes, illum non servare mihi^q quod promiserat, quasi desperati de eo, sine^r meo consilio vobis testi-

Mart. 15

bus, elegerunt sibi Rodulfum ducem in regem. Qui rex Rodulfus festinanter ad me misso nuncio indicavit: se coactum regni gubernacula suscepisse tamen; sese paratum michi omnibus modis oboedire. Et ut^s hoc verius credatur, semper ex eo tempore eundem mihi^t misit sermonem, adiciens etiam filio^u suo^v obside et fidelis sui ducis Bertaldi^w filio, quod promittebat, firmare. In-

a. morti traderent 4. b. filium *cod.* c. restitut 2. 4. d. eumque 3.
 e. nostra *cod.* f. venit 3. g. melioratione 3. h. restauravi 3. i. *sic pro*
fidelitas. k. ei 3. l. quo *c.* m. servarent 4. n. et episcopos *om.* 3.
 o. et add. 3. p. *om.* 3. q. sine — consilio *om.* 3. r. ut — credatur *om.* 3. 4.
 s. sequitur iterum semper *in cod.* t. filio suo dato obside et fidelis sui ducis Ber-
 taldi, quod promittebat sacramento firmare 3, et filio suo dato obside et fidelis sui ducis Ber-
 tholdi filio, quod promittebat, confirmare 4.

1. Ps. 2, 3. 2. mensis Februarii a. 1076. V. supra p. 223. 3. per
 Eberhardum Numburgensem et Gregorium Vercellensem. 4. Bertholdo
 (duce Alamanniae). 5. I ducis de Zeringen.

terea Heinricus cepit me precari, ut illum contra predictum Ro- 1077
 dulfum adiuvarem. Cui respondi: me libenter facere, audita utri-
 usque partis ratione, ut scirem, cui iustitia magis faveret. Ille
 vero putans, suis viribus eum posse devincere, meam contempsit
 responsionem. Postquam autem persensit, se non posse sicut
 speravit agere, duo episcopi, Verdunensis¹ videlicet^a et Osen- 1078
 burcensis², de consentaneis suis, Romam venerunt³ et in synodo
 ex parte Heinrici me, ut ei iustitiam facerem, rogaverunt. Quod
 et nuncii Rodulfi fieri laudaverunt. Tandem, aspirante Deo sicut
 credo, statui in eadem synodo: in partibus ultramontanis fieri
 colloquium, ut illic aut pax statueretur aut, cui amplius iustitia
 faveret, cognosceretur⁴. Ego^b enim, sicut vos mihi testes estis
 patres et domini, usque hodie nullam partem disposui adiuvare
 nisi eam, cui plus iustitia faveret. Et quia putabam, quod in-
 iustior pars colloquium nollet fieri, ubi iustitia suum locum ser-
 varet, excommunicavi et anathemate alligavi^c omnes personas sive
 regis sive ducis aut episcopi seu alicuius hominis, qui colloquium
 aliquo ingenio impediret, ut^d non fieret. Predictus autem Hein-
 ricus cum suis fautoribus, non timens periculum inobedientiae
 quod est scelus idolatriae^e, colloquium impediendo excommuni-
 cationem incurrit, et se ipsum anathematis vinculo alligavit,
 magnamque multitudinem christianorum morti trudi^f et ecclesias
 fecit dissipari, et totum paene Teutonicorum regnum desolationi
 dedit. Quapropter, confidens de iudicio et misericordia Dei 1080
 eiusque piissime matris semper virginis Mariae, fultus vestra
 auctoritate, saepe nominatum Heinricum, quem regem dicunt,
 omnesque fautores eius excommunicationi subicio et^g anathematis
 vinculis alligo. Et iterum^h regnum Teutonicorum et Italiae ex
 parte omnipotentis Dei et vestra interdicens ei, omnem potestatem
 et dignitatem illi regiam tollo; et, ut nullus christianorumⁱ ei
 sicut regi oboediat, interdico; omnesque^j, qui ei iuraverunt vel

a. Teodericus add. 3. b. Ego — faveret om. 3. 4. c. obligavi 3. d. ne 3. 4
 pro ut non. e. tradidit 2, tradit 4. f. et — alligo om. 3. g. totum 4.
 h. christianus 3. 4. i. omnesque — absolvo om. 3.

1. Theodericus. 2. Benno II. 3. Cf. Bertholdi chron. 1078, Mon.
 Germ. SS. V 306. 4. V. supra p. 306. 5. 1 Reg. 15, 23.

1080 *iurabunt de regni dominatione, a iuramenti promissione absolvo.*
 Mart. 7 *Ipse autem Heinricus cum suis fautoribus in omni congreSSIONe belli nullas vires nullamque in vita sua victoriam optineat. Ut autem Rodulfus regnum Teutonicorum regat et defendat, quem Teutonici elegerunt sibi in regem, ad vestram^a fidelitatem ex parte vestra dono largior^b et concedo; omnibus^c sibi fideliter adhaerentibus absolutionem omnium peccatorum vestramque benedictionem in hac vita et in futura, vestra fretus fiducia, largior. Sicut enim Heinricus pro sua superbia inobedientia et falsitate a regni dignitate iuste abicitur, ita Rodulfo pro sua humilitate oboedientia et veritate potestas et dignitas regni conceditur.*

Agite nunc queso, patres et principes sanctissimi, ut omnis mundus intelligat et cognoscat, quia, si potestis in coelo ligare et solvere, potestis in terra imperia regna principatus ducatus marchias comitatus et omnium hominum possessiones pro meritis tollere unicuique^d et concedere^e. Vos enim^f patriarchatus primatus^g archiepiscopatus episcopatus frequenter tulistis pravis et indignis, et religiosis viris dedistis. Si enim spiritualia iudicatis, quid de saecularibus vos^h posse credendum est! Et si angelos, dominantes omnibus superbis principibus, iudicabitisⁱ, quid de illorum servis facere potestis! Addiscant nunc reges^j et omnes saeculi principes, quanti vos estis, quid potestis; et timeant parvi pendere iussionem ecclesiae vestrae. Et in praedicto Heinrico tam^k cito iudicium vestrum exercete, ut omnes sciant, quia non fortuitu^l sed vestra potestate cadet. Confundetur^m; utinam ad penitentiam, ut spiritus sit salvus in die Domini.

Actaⁿ Rome Nonis Martii, indictione 3.

a. nostram 4. b. largior *om. 2.* c. omnibusque 3. 4. d. *om. 3.* e. possessiones tollere et meritis concedere 4. f. primatus *om. 2.* g. potestis 3 *pro* vos — est. h. *om. 3.* iudicatis 4. i. terrae *add. 3.* k. tam *om. 2.* l. fortuito 2. 4. m. Confundatur 2, et confundetur 3. 4. n. Actum 2, Data 3; Acta — ind. 3 *om. 4.*

VII 15. *Statutum in synodo Romana esse nuntiat, ut Dolensis et Turonensis ecclesiarum de iure metropolitano controversia a legatis apostolicis diiudicaretur^a.*

Diffinitio^b synodalis inter archiepiscopum Turonensem et episcopum Dolensem de pallio. 1080 Mart. 8

Gregorius episcopus servus servorum Dei omnibus episcopis Brittanniae, clero et populo in Turonensi provincia constitutis.

Notum esse volumus: controversiam, inter ecclesiam vestram et Dolensem pestifere ortam, multum nobis in Romana synodo laborem ingessisse, sed tamen Deo miserante post longam discussionem, quam iustius potuimus, hanc quae subscriptitur^c diffinitionem invenisse. Archiepiscopus siquidem vester¹, ecclesiam Turonensem ius suum in Britannia perdidisse conquerens, Romanorum pontificum auctoritatem in medium duxit; quae perspicue probat, Britanniam Turonensi ecclesiae, quemadmodum spirituali matri et metropoli sua, subiectionem et^d reverentiam debere. Dolensis vero episcopus² non solum auctoritatem audienciae nostrae non exhibuit, verum etiam ipsa verba sua, ad defensionem prolata, nulla certitudine cui fides danda esset fulta videbantur. Tamen, quia in patria sua quandam auctoritatem se reliquise asserebat, visum nobis fuit: ut ad retractandum negotium illud industiae darentur et pro hac aliisque causis legati apostolicae sedis dirigerentur; ut, auditis utriusque partis rationibus, si cognoverint, Britanno auctoritatem autenticam apostolicae sedis — videlicet eorum pontificum, quorum ordinatio et vita digna et legalis fuerit — habere, per quam possint se a subiectione predictae Turonensis ecclesiae subtrahere, quieti deinceps permaneant in sua libertate. Quodsi contigerit, eos huius auctoritatis, quam modo diximus, non posse habere defensionem, sopita deinceps et in aeternum omni controversia, Turonensem ecclesiam matrem et metropolim suam recognoscant

a. Legitur etiam 2) ap. Martene Thes. anecd. III 877 et ap. Morice Mém. de Bretagne I 450 ex tabulario Turonensi. b. Diffinitio — pallio om. 2. c. subsequtur 2. d. et reverentiam om. 2.

1. Radulfus. 2. Rollandus.

1080 Mart. 8 et eam, quae decet metropolitanum, archiepiscopo vestro subiec-tionem et oboedientiam exhibeant; reservato Dolensi episcopo pallii usu. Ita tamen, ut nullus successorum suorum aliquo in tempore ad hanc dignitatem¹ aspiret; sed, sicut supra diximus, tam ipsi, videlicet in ecclesia Dolensi constituendi, quam etiam caeteri Brittanniae episcopi magisterio Turonensis archiepiscopi in perpetuum subditi permaneant. Data Romae 8 Idus Martii, inductione 3.

VII 16. *Huberti episcopi Tarvannensis contumaciam reprehendit.*

Praecipit, ut vocatus ab Hugone episcopo Diensi ad eundem accedat. Canonicis castri S. Pauli divino officio interdicit, donec Kessecam villam canonicis S. Mariae et S. Audomari restituerint.

1080 Mart. 26 Gregorius episcopus servus servorum Dei Huberto Tarvan-nensium^a episcopo.

Quod salutem et apostolicam benedictionem tibi non man-damus, ea maxime causa est: quod in registro nostro legitur², te ab Hu(berto) huius sanctae sedis legato apud Monasteriolum³ hereticum publice convictum; et postea, antequam esses ab hac infamia expurgatus, audivimus symoniace te^b episcopum factum. Deinde, quod apostolicae sedis praecepta — super te et super concanonicos tuos de castro Sancti Pauli promulgata pro quadam villa, Kesseca nominata, quam cum suis pertinentiis cano-nici Sanctae Mariae et Sancti Audomari saepe in praesentia nostra conquesti sunt sibi et suaे ecclesiae auferri — prout ipsi iterum conqueruntur, penitus despexisti. Ac propterea excom-municationem, quae in nostro registro scripta est⁴, tu cum eis incurriendo, sine respectu Dei et apostolicae reverentiae divinum officium, sicut audivimus, celebrare praesumpsisti. Pro quibus et aliis pluribus a fratre nostro Hu(gone) Diensi episcopo semel et iterum ad concilium vocatus et postea a nobis ad synodum

a. Tarvannentium c. b. te addidi.

1. pallii gerendi. 2. Lib. IV ep. 10 supra p. 255. 3. Montreuil.
4. Lib. VI ep. 8 supra p. 337.

Romanam invitatus, ut te expurgares, quia non venisti nec canonice te^a excusasti, nisi apostolicae pietatis mansuetudo nos dispensatorię ad tempus sustineret, sententiam iuste depositionis tua inoboedientia, quae vere est idolatria¹, iam dudum suscepisset. Sed tamen adhuc tibi paterno parcentes affectu, quia diutius tot et tanta, quae de te dicta sunt, ferre nullo modo honeste possumus, apostolica auctoritate praecipimus: ut, ubi et quando praedictus frater noster Hu(go) Diensis episcopus te vocaverit, de his vel aliis satisfacturus, omni occasione postposita ita paratus et circumspectus advenias, ut, si te innocentem et falso accusatum scis, cum Dei auxilio et conscientiae puritate ab omnibus obiectis et obiciendis canonice expurgari possis. Preterea omne divinum officium omnibus canonicis de castro Sancti Pauli — te solo interim usque ad audientiam excepto — interdicimus et ipsis et locis eorum, quo usque praephatam villam cum ecclesia et aliis suis pertinentiis canonice ecclesiae sanctae Mariae et sancti Audomari restituerint et coram H(ugone) Diensi episcopo de inoboedientia et excommunicatione satisfecerint. Et nisi tu statim, visa praceptione nostra, praedictis canonicis tuis et omnibus locis eorum, et praecipue, ubi canonici denominati sunt, omne divinum officium interdixeris, omne officium tuum auctoritate apostolica tibi interdictum noviris. Data Romae 7 Kalendas Aprilis^b, inductione 3.

1080
Mart. 26

VII 17. *Monachis Dolensibus praecipit, ut Guidoni I episcopo Lemovicensi monasteria duo restituant; sed permittit, ut apud legatos suos lege agant.*

Gregorius episcopus servus servorum Dei Dolensibus monachis salutem et apostolicam benedictionem.

1080
Mart. 24

Frater et coepiscopus noster Lemovicensis² conquestus est nobis in synodo, quam nuper Romae Deo opitulante celebravimus, quod vestra fraternitas ecclesiae suaे duo monasteria subtrahit. Testatus est etiam ipse frater et coepiscopus atque le-

a. te addidi. b. Aprelis c.

1. Cf. 1 Reg. 15, 23. 2. Guido I.

1080 Mart. 24 gatus noster H(ugo) Diensis episcopus: quod vos pro hac causa ad duo concilia; scilicet ut inter vos et supra libatum episcopum exinde iustitiae finem componeret, admonuit; sed, ut ipse assentit, nullam iustitiam seu obedientiam exhibere voluistis. Quapropter synodalibus conventus decrevit, ut praefata monasteria in potestatem^a Lemovicensis ecclesiae redire debeant et sine contradictione vestra seu vestrorum usque ad adventum legati nostri quiete ab ipsa ecclesia possideantur. Nos itaque, iuxta fratrum nostrorum consensum atque consilium quod supra libatum^b est confirmantes, mandamus vobis atque praecipimus: ut usque ad praefixum terminum permittatis praedictam ecclesiam Lemovicensem ipsa monasteria retinere. Si vero in eis aliquid iustitiae vos habere confiditis, legati nostri adventum expectantes, causam vestram illi oportuno loco et tempore, ubi possit Lemovicensis episcopus interesse, repraesentate; ante cuius audiencem causa vestra diligentius ventilata et plenius cognita iustitiae finem inveniat et, inter vos omni lite sopita, quisque vestrum suo iure contentus^c iniuriam facere desinat. Data Romae 9 Kalendas Aprilis, indictione 3.

VII 18. *Wilielmum I archiepiscopum Ausciensem de inobedientia obiurgat. Mandat, ut a Dodone abbe Pezanensi ecclesiam S. Mariae Dalmairacensem Petro abbati Aureliacensi restitui iubeat.*

1080 Apr. 12 Gregorius episcopus servus servorum Dei Wilielmo¹ Auxiensis archiepiscopo salutem et apostolicam benedictionem.

Miramur, prudentiam tuam ita se apostolicae sedi inobedientem exhibuisse, ut negocium, quod tibi vicarii nostri commiserunt ad exequendum, tu, non curans^d parere, contempseris ad effectum perducere. Siquidem iniuncta tibi est ab eis cura iustitiam faciendi Petro abbati Aureliacensis cenobii², iuris huius sanctae Romanae ecclesiae, de Dodone abbe Pezanense³; qui

a. potestate cod. b. sic scriptit Giesebricht pro liberatum c. alteri ex-
cidisse videtur. d. curas c.

1. I. 2. d. Claromontensis (post d. Sancti Flori). 3. coenobii Pezanensis, d. Ausciensis.

ex longo tempore invasam detinet ecclesiam, iuris itidem beati Petri sed praefato monasterio Aureliacensi concessam, quae nominatur Sancta Maria Dalmairaci¹. Quia in re quantam beato Petro reverentiam habueris, in hoc evidenter apparet, quod et invasor ecclesiam calumpniosa adhuc occupare non desinit et praedictus abbas Aureliacensis apostolicas aures ob id interpellare compellitur; praesertim cum supra nominatus Pezanensis — convictus et a legatis nostris Stephano cardinale et Gerardo Hostiensi coepiscopo adiudicatus, debere illam ecclesiam reddere — quia non fecerit, excommunicationem incurrit. Quapropter dilectionem tuam monemus et apostolica auctoritate praecipimus, ut saepe dictum Pezanensem abbatem cegas, Aureliacensi praefixam ecclesiam, unde lis est, restituere et condigna satisfactione ipsum sibi placabilem reddere. Quodsi forte spiritu superbiae induratus acquiescere noluerit, et monasterio illi, quod invasum est, officium divinum et invasori nostra auctoritate omnis ecclesiae interdicas introitum. Nam non solum non^a inter religiosos monachos sed nec inter laicos debet annumerari, qui sacrilegium perpetrare non timet. Data Romae 2 Idus Aprilis, indictione 3.

VII 19. *Bituricensibus, Narbonensibus, Burdigalensibus significat, se monasterii Aureliacensis possessiones confirmasse, ablatasque restitui iussisse.*

Gregorius episcopus servus servorum Dei omnibus in Bituricensi Narbonensi seu Burdegalensi provinciis constitutis — exceptis his, qui apostolica excommunicatione tenentur — salutem et apostolicam benedictionem.

Clamor abbatis² Aureliacensis cenobii — quod proprii iuris beati Petri concessionе fundatoris, scilicet beati Geraldī³, esse dinoscitur — auribus nostris insonuit, videlicet super quibusdam personis, qui iniuste detinent beneficia praedicti monasterii, a^b praedecessoribus suis⁴ sub fidelitate et hominio pro defensione

a. solum non addidi. b. apud c.

1. Almayrac, ab Albia ad septentriones. 2. Petri. 3. comitis Aureliacensis. Cf. Odonis vitam S. Geraldī cap. 4 § 55, Acta SS. Octobr. T. VI p. 316. 4. abbatis.

1080
Apr. 12

1080 Apr. 12 ecclesiae sibi¹ et suis antecessoribus olim concessa. Praecipue conqueritur super Berengario Carlatensi² vicecomite; qui, propria cupiditate ductus, debitum servitium et fidelitatem abbati exhibere negat, nisi beneficium, quod immerito detinet, adhuc etiam de iure ecclesiae augeatur. Proinde apostolica auctoritate praecipimus: quatenus omnis, qui beneficium praefatae ecclesiae ad hoc aliquando suscepisse cognoscitur, subiectionem et fidelitatem abbati persolvat, et servitium pro beneficio largiri non deneget, et ab exactione illicite augmentationis desistat; aliter enim invasor et sacrilegus esse comprobatur. Nos vero, detrimentum supra dicti cenobii agnoscentes, abbatem sub promissione fidei suae in manu nostra obligavimus: ut nulli militum liceat illi ultra unum mansum de possessione ecclesiae dare sub hac vel alia occasione, neque alicui alteri personae, nisi communis utilitas fratrum regulariter degentium postulaverit et apostolicae aequitati renunciare ausus fuerit³. Monasterium autem Maurziacense⁴ cum omnibus sibi adiacentiis et ecclesiis, scilicet Dalmaciaci⁵ et Montis Salvii⁶ et caeteras, nec non terras et possessiones, in quacunque supra scriptarum provinciarum ablatas seu malis consuetudinibus oppressas, monasterio Aureliacensi scriptis sive testibus olim iuste concessas, apostolica auctoritate praecipimus restitui et sine inquietudine aliqua permitti. Monasterium quidem Viancense⁷, in manu abbatis refutatum a principibus ipsius terrae consensu episcopi⁸ et clericorum, sibi suisque successoribus concedimus et confirmamus; et fautoribus refutationis apostolicam benedictionem largimur, et eos, qui ecclesiis sive praedia praefati monasterii iniuste detinent, absque ulla dilatione reddi iubemus. Qui ergo his mandatis nostris spiritu superbie acquiescere noluerit, praecipueque Berengarius, si oboedire contempserit, gratiam beati Petri amittet et iram omnipotentis Dei

a. sic cod.

1. sc. invasoribus.
2. Carlat est a Rutena ad septentriones.
3. Maurs, ab Aureliaco inter meridiem et occidentem.
4. Almayrac.
5. Montsalvy, ab Aureliaco ad meridiem.
6. Vieux, ab Albia inter septentriones et occidentem.
7. Frotardi episcopi Albiensis.
- V. Notitiam de ecclesia S. Eugenii de Vianco in Recueil des historiens XIV 49.

incurret. Obtemperantibus autem gratiam Dei et apostolicam benedictionem, de misericordia divina confisi, largimur. Data Rome 2 Idus Aprilis, indictione 3.

VII 20. *Manassi I archiepiscopo Remensi significat, deiectionis sententiam, ab Hugone episcopo Diensi in eum prolatam, sese in synodo confirmasse. Tamen permittit, ut usque ad diem 29 Septembris noxam purget.*

Gregorius episcopus servus servorum Dei Manasse¹ Remensi. 1080
Sciat fraternitas tua, quod depositionis sententiam, a legato nostro Diensi episcopo² in Lugdunensi concilio religiosorum virorum consilio in te^a prolatam, et nos dictante iustitia in Romana synodo apostolica auctoritate firmavimus. Sed tamen contra morem Romanae ecclesiae, nimia ut ita dixerim misericordia ductus, adiunctis tibi Suessionensi³ Laudunensi⁴ Cameracensi⁵ Catalaunensi⁶ episcopis vel eorum similibus, cum aliis duobus quorum testimonio aequa confidamus, si de iustitia confidis et eos habere poteris, usque ad festivitatem sancti Michahelis⁷ purgandi licentiam tibi indulgemus; ea videlicet condicione: ut — Manasse⁸ et Brunoni⁹ et ceteris, qui pro iustitia contra te locuti fuisse videntur, rebus suis in integrum restitutis — usque ad ascensionem Domini proximam¹⁰ Remensem ecclesiam a tua occupatione ex toto liberam deseras, et Cluniacum aut Casam Dei¹¹ cum uno clero et duobus laicis, tuis stipendiis religiose victurus, secedas. Quod si facere volueris, praedicto Diensi episcopo praenunciare procures, ut in eius praesentia sacramento confimes: de rebus praedicte ecclesiae te nichil interim distracturum, nisi quantum tibi et praedictis sociis competenter sufficerit. Clericos autem, qui tanto tempore pro iustitia exilium passi sunt,

a. in te addidi.

1. I. 2. Hugone. 3. Ursione. 4. Helinando. 5. Gerardo II.
6. Rogerio III. 7. Sept. 29. 8. praeposito Remensi, postea II archiepiscopo. 9. canonico S. Cuniberti Colonensi et Remensi, qui ordinem Carthusiensem postea condidit. V. Manassis I archiep. Remensis apologiam ap. Mabillon Mus. Ital. I 121 et ap. Tromby Storia del ordine Cartus. I app. p. 19. 10. Mai. 21. 11. Casam Dei coen. d. Claromontensis.

Apr. 12

Apr. 17

1080 in ecclesia secure Deo servire permittas. Et quoniam laborio-
 Apr. 17 sum tibi fuerit ad nos usque venire, concedimus: ut coram Diensi
 episcopo et abbe Cluniacensi¹ aut, si abbatem deesse contigerit,
 coram Amato episcopo Elorensi^a praedicto modo cum praedictis
 testibus de infamia te expurges. Quodsi huic nostrae dispensa-
 tionis praeecepto oboedire contempseris, scias: quoniam iniqui-
 tatem tuam ulterius portare non possumus, et depositionis sen-
 tentiam non solum immutabiliter permansuram, sed etiam nullam
 tibi audientiam in posterum relinquendam. Data Romae 15 Ka-
 lendas Maii, indictione 3.

VII 21. Aconum (*Haraldum Hein*) regem Danorum hortatur,
 ut in devotione erga b. Petrum perseveret patrisque virtu-
 tes imitetur. Ecclesias defendat, sacerdotes colat, iustitia
 et misericordia utatur; caveatque, ne Dani naturae malo-
 rum culpam vel sacerdotibus vel mulieribus assignent.

1080 Gregorius episcopus servus servorum Dei Acono² regi Da-
 Apr. 19 norum, episcopis, principibus, clero et populo, salutem et aposto-
 licam benedictionem.

Quoniam vestrae dilectionis amor Deo et beato Petro pro-
 nam oboedientiam debitamque reverentiam, in quantum potuimus
 intelligere, studuit hactenus propensius exhibere, non dubium
 habemus, quin idecirco vobis triumphum et gloriam prae ceteris
 gratia divina contulerit. Quodsi, in eodem studio perseverando,
 vestrae devotionis affectus in finem permanere curaverit, pro-
 certo et eam, quam nunc habetis, gloriam retinere et ampliorem
 Domino auxiliante valebitis deinceps adipisci.

Te itaque specialiter, fili karissime, cui regni curam provi-
 dentia divina commisit, paterno monemus affectu, ut excellen-
 tissimi parentis tui³ regias probitates et virtutes egregias imitari
 satagas. Eius quidem praecipui mores in tantum caeteris regibus
 praenituerunt, ut — cunctis posthabitis, nec ipso etiam impera-
 tore Heinrico⁴, qui sanctae Romanae ecclesiae propinquius haesit,

a. episcopo Elorensi *addidi*.

1. Hugone. 2. Araldo s. Haraldo Hein. 3. Sueini II (Estrithson).

4. III.

excepto — singulari amore illum nobis amplectendum iudicavemus. De cuius nos obitu¹ vehementer nimiumque dolentes, ut ipsum tibi proponas exemplum, volumus hortamur iterumque monemus; quatinus inde possis ornamenta virtutum propagando educere, unde videris nobilissimi sanguinis lineam trahere. Denique cogitare debes et vigilanter perpendere: haec terrena quam caduca et frivola sint, quam incessanter ad occasum cuncta festinent, ut eis confidere nulla stabilitas suadeat, ut in illis habendis timor horribilis lateat. Sieque fugitivis perspicaciter agnitis et sapienter despectis, poteris ad illa stabilia et sempiterna mentis acumen extendere, quae ad sese obtinenda animum tuum invitent et ad quae concupiscenda bonorum te exempla accendant. Inter caeteras ergo virtutes, quas animo tuo imitandas censueris, ecclesiarum defensionem in mente tua volumus eminere, sacerdotalis ordinis reverentiam proximum locum tenere, ac deinde iustitiam et misericordiam in cunctis te iudiciis discrete servare.

Illud interea non praetereundum, sed magnopere apostolica interdictione prohibendum videtur, quod de gente vestra nobis innotuit: scilicet vos intemperiem temporum, corruptiones aeris, quascunque molestias corporum ad sacerdotum culpas transferre. Quod quam grave peccatum sit, ex eo liquido potestis advertere: quod Iudeis etiam sacerdotibus ipse salvator noster, lepra curatos eis mittendo, honorem exhibuerit², ceterisque servandum esse, quae illi dixissent, preecepit³; cum profecto vestri, qualescunque habeantur, tamen illis longe sint meliores. Quapropter apostolica auctoritate praecipimus: ut, hanc pestiferam consuetudinem de regno vestro funditus extirpantes, presbyteris et clericis honore et reverentia dignis tantam contumeliam contra salutem vestram ulterius non praesumatis inferre, volentes eis occultas divini iudicij causas imponere.

Preterea in mulieres, ob eandem causam simili immanitate barbari ritus damnatas, quicquam impietatis faciendi vobis fas esse, nolite putare. Sed potius discite, divinae ultionis sententiam

1. Suein II obiit 1076 Apr. 28. V. Dahlmann Gesch. von Dänemark I 190. 2. Matth. 8, 4; Marc. 1, 44. 3. Matth. 23, 3.

1080 digne penitendo avertere, quam, in illas insontes frustra feraliter
 Apr. 19 seviendo, iram Domini multo magis provocare.

Si enim in his flagitiis duraveritis, procul dubio vestra felicitas in calamitatem vertetur; et, quibus victis huc usque soliti fuistis dominari, eorum nimirum iugum ferre, superati nec resistere valentes, cogemini. Si vero nobis, immo beato Petro in his oboedientes fueritis, sicut de clementia divina confidimus, et peccatorum vestrorum veniam et apostolicam benedictionem poteritis consequi. Data Rome 13 Kalendas Maii, indictione 3.

VII 22. *Arnaldo episcopo Cenomannensi officium episcopale reddit. Rainaldum abbatem S. Petri pellat; Ioheli monasterium restituat.*

1080 Gregorius episcopus servus servorum Dei Arnaldo Cenoma-
 Apr. 24 nensi episcopo salutem et apostolicam benedictionem.

Episcopale officium, quod tibi legatus noster¹ interdixerat, iustitia dictante reddimus. Abbatem² Iohelem absolvimus; Rainaldum invasorem³, quia per ambitionem periuravit, deponimus, ut nec in illo quod cupivit nec in alio monasterio ulterius abbas existat. Quapropter volumus: ut iam dictum Rainaldum cedere facias, et Iohelem in loco suo abbatem restituas. Data Rome 8 Kalendas Maii, indictione 3.

VII 23. *Guillelmo I regi Anglorum scribit de suo erga eum studio. Hortatur, ut sibi obediatur. Legatis eius se plura mandasse scribit. Addit de Arnaldo episcopo Cenomannensi in integrum restituto.*

1080 Gregorius episcopus servus servorum Dei Guillelmo regi
 Apr. 24 Anglorum salutem et apostolicam benedictionem.

Notum esse tibi credo, excellentissime fili: priusquam ad pontificale culmen ascenderem, quanto semper te sincerae dilectionis affectu amavi; qualem etiam me tuis negociis et quam efficacem exhibui; insuper, ut ad regale fastigium cresceres, quanto

1. Amatus episcopus Elorensis, v. L. VII ep. 10 supra p. 391.

2. S. Petri de Cultura Cenomannensem. 3. eiusdem coenobii S. Petri.

studio laboravi. Qua pro re a quibusdam fratribus magnam pene infamiam pertuli, submurmurantibus, quod ad tanta homicidia perpetranda tanto favore meam operam impendissem. Deus vero in mea conscientia testis erat, quam recto id animo feceram, sperans per gratiam Dei et non inaniter confidens de virtutibus bonis, quae in te erant: quia, quanto ad sublimiora proficeres, tanto te apud Deum et sanctam ecclesiam — sicut et nunc Deo gratias res est — ex bono meliorem exhiberes. Itaque nunc tamquam dilectissimo filio et fideli sancti Petri et nostro, sicut in familiari colloquio facerem, consilium nostrum, et quid te postmodum facere deceat, paucis aperio. Quando enim complacuit ei, qui exaltat humiles¹, ut sancta mater nostra ecclesia ad regimen apostolicae sedis, invitum satis ac renitentem Deo teste, me raperet, continuo nefanda mala, quae a pessimis filii suis patitur, officii mei — quo mihi clamare et nunquam cessare iunctum est² — necessitate compulsus, amore quoque ac timore devinctus, dissimulare non potui. Amore quidem: quia sanctus Petrus a puero me^a in domo sua dulciter nutrierat, et quia caritas domini Dei nostri me, quasi aliquid aestimans, tanti pastoris vicarium ad regendam sanctam matrem nostram elegerat; timore autem: quia terribiliter divina lex intonat, dicens: *Male-dictus homo qui parcit gladio suo a sanguine³*, id est qui doctrinam subtrahit ab occisione carnalis vitae⁴. Nunc igitur, karissime et in Christo semper amplectende fili, cum et matrem tuam nimium tribulari conspicias et inevitabilis nobis^b succurrendi necessitas urgeat, talem te volo et multum pro honore tuo et salute in vera et non ficta caritate moneo ad omnem obedientiam praebeas et, sicut cooperante Deo gemma principum esse meruisti, ita regula iustitiae et oboedientiae forma cunctis terrae principibus esse merearis; tot procul dubio in futura gloria principum princeps futurus, quot usque in finem saeculi exemplo tuae oboedientiae principes salvabuntur; et si quidam illorum salvari noluerint, tibi tamen retributio nullatenus minuetur; non

a. me om. cod.

b. nos cod.

1. Luc. 1, 52. 2. Isai. 58, 1: „Clama, ne cesses“.
48, 10. 4. V. supra p. 26 n. 4. 3. Cf. Ierem.

1080
Apr. 24

1080 solum autem^a, sed et in hoc mundo tibi et haeredibus
 Apr. 24 tuis victoria, honor, potentia, sublimitas amplius coelitus tribuetur.
 Exemplum tibi te ipsum propone. Sicut enim velles ab eo, quem
 ex misero et pauperrimo servo potentissimum regem fecisses,
 non immerito honorari; sic et tu, quem ex servo peccati misero
 et pauperculo — ita quippe omnes nascimur — potentissimum
 regem Deus gratis fecit, honoratorem tuum, protectorem atque
 adiutorem tuum omnipotentem Iesum honorare semper studiose
 festina. Nec ab hoc impedit te pessimorum principum turba;
 nequitia enim multorum est, virtus autem paucorum; gloriōsius
 est probato militi, multis fugientibus, in praelio stare; pretiosior
 illa est gemma, quae rarius invenitur. Immo quanto magis po-
 tentes huius saeculi, superbia sua et impiis actibus excecati, cor-
 ruunt in profundum, tanto magis te, qui prae illis multum Deo
 carus inventus es, pie humiliando decet erigi et oboediendo subli-
 mari, ut sit, sicut scriptum est: *Impius impie agat adhuc, et*
*qui in sordibus est sordescat adhuc, et iustus iustificetur adhuc*¹.
 Plura tibi adhuc exhortando scriberem; sed quia tales misisti,
 qui me satis de tua prudentia honestate iustitia simul cum filio
 nostro Huberto² laetificaverunt, sapienti viro satis esse dictum
 iudicavi; sperans, quia omnipotens Deus, supra quam dicimus,
 in te et per te ad honorem suum dignabitur operari. Quae vero
 in litteris minus scripta^b sunt, legatis tuis tibi voce dicenda com-
 misimus. Ipse autem omnipotens Deus et pater noster hoc tuo
 cordi, karissime fili, ita inspirare atque plantare misericorditer
 dignetur, quatinus et in hoc saeculo merito virtutum tuarum
 regnum tuum et potentiam augeat, et in futuro cum sanctis re-
 gibus ad regna supercaelestia inexcogitabiliter meliora te^c feli-
 citer introducat. Amen.

Cenomannensi episcopo³, tuis precibus iustitia dictante fa-
 ventes, officium episcopale reddidimus. Abbatem⁴ quoque mona-
 sterii Sancti Petri, quod est Cenomanni, absolvimus. Data Romae
 8 Kalendas Maii, indictione 3.

a. aeterni regni gloria *excidisse videtur.* b. scripta *addidi.* c. te *addidi.*

1. Apocal. 22, 11. 2. subdiacono ecclesiae Romanae. 3. Arnaldo.

V. ep. 22 supra p. 414. 4. Iohelem.

VII 24. *Willelmum abbatem Hirsaugiensem laudat, quod monasterii S. Salvatoris Schaffhusensis curam suscepérít. Monasterii privilegia possessionesque confirmat^a.*

Gregorius episcopus servus servorum Dei dilecto^b in Christo 1080
Willelmo abbati Hirsaugiensis monasterii^c salutem et apostolicam
benedictionem. Mai. 8

Quoniam pervenit ad nos, quod religio tua curam monasterii sancti^d Salvatoris — iuris apostolicae sedis, cui etiam duodecim aurei, quorum viginti unciam faciunt, ex eodem monasterio annis singulis persolvi debent — siti in villa Scaphusa in episcopatu Constantiensi, obsecrante comite Burchardo^e virisque religiosis hortantibus, eo dumtaxat tenore suscepérít: ut praedictus comes, qui sibi in praefato monasterio quasdam quasi proprias conditiones vendicabat, dimissa^f atque renunciata omni saeculari potestate, locum ipsum liberum esse permitteret; studium dilectionis tuae probantes, quod factum est, apostolica auctoritate firmamus. Et quia per te locus ille, sicut audivimus, ad religionis statum Domino miserante coepit assurgere, nos, in quantum valemus perpetuam illic sanctitatis stabilitatem providere cupientes, fraternitati tuae super cenobium illud nostrae sollicitudinis vicem committimus; scilicet^g ut fratres ibi disciplinis regularibus instruere, mores eorum vitamque competenter instituendo, ea quae ad animarum salutem pertinent vigilanter providere, ac maxime, ut inibi abbas secundum Deum ordinetur, procures. Preterea, ut saepe fati monasterii fratres sine inquietudine propositum suum valeant securius et propensius exequi ac omnipotenti Domino debitae devotionis obsequium instanter et gratanter exsolvere, volumus et apostolica auctoritate praecipimus: ut nullus sacerdotum regum vel^h ducum aut comitum seu quelibet magnaⁱ aut parva persona praesumat, sibi in eo loco aliquas proprietatis conditiones — non hereditarii iuris, non^k

a. *Habetur haec tabula etiam 2) ap. Fickler Quellen u. Forschungen p. 21, ex archetypo (?) tracta.* b. *dilecto in Christo recepi ex 2.* c. *coenobii 2.* d. *sacrosancti 2.* e. *snsecepit 2.* f. *demissa 2.* g. *scilicet om. 2.* h. *aut 2,* i. *magna aut parva om. 2.* k. *nec 2.*

1. Nellenburgensi.

1080 ^{Mai. 8} advocatiae, non^a investiturae, non^a cuiuslibet potestatis, quae libertati monasterii noceat — vendicare, non^a ornamenta ecclesiae sive possessiones invadere minuere vel alienare; sed ita sit ab omni saeculari potestate securus^b et Romanae sedis libertate quietus^c, sicut constat Cluniacense monasterium et Massiliense manere. Abbas autem advocatum quem voluerit eligat; quodsi is postmodum non fuerit utilis monasterio, eo remoto, alium constituat. Privilegium autem, quod bona memoriae praedecessor noster Alexander contra sanctorum patrum statuta, aliqua subreptione^d vel deceptione inductus, eidem loco fecit, in quo Heverardo comiti¹ eiusque posteris advocatiā et praeſificiendi abbatis potestatem et totius rei administrationem concessit, nos^e, canonice correctionis sententia per apostolicam functionem utentes, infirmamus^f infringimus atque cassamus et, ne per hoc alicuius temeraria cupiditas in audaciam suae perditionis erumpat, apostolica auctoritate^g in irritum devocamus. Si quis ergo contra hoc salubre praeceptum nostrum pertinaciter ire temptaverit, gratiam beati Petri se non dubitet^h amissurum; admonitusque semel bis et tertio per competentes indutias, si non resipuerit et si delictum suum emendare contempserit, sciat se divino anathemate innodatum et a corporis et sanguinis dominici communione alienum. Illud etiam ad Romanae libertatis munus confirmandum subiungentes adicimus: ut, si aliquo tempore Constantiensi ecclesiae praesidens ab apostolica sede discordaverit eique inobediens fuerit — quod, confirmante Samuhele, peccatum ariolandi et idolatriae scelus est², dicente quoque beato Ambrosioⁱ³: Ereticum esse constat, qui Romanae ecclesiae non concordat — liceat abbati, sibi suisque a quocunque religioso episcopo placuerit ordinationes consecrationes et, quae ad episcopale officium pertinent, expetere atque suscipere, vel ad apostolicam sedem recurrere. Observatores autem huius nostri praecepti remissio-

a. nec 2. b. secura 2. c. quieta 2. d. surreptione 2. e. hoc 2.
f. et add. 2. g. potestate 2. h. indubitanter 2 *pro* non dubitet. i. in lib. epp.
add. ap. 2.

1. Nellenburgensi. 2. 1 Reg. 15, 23. 3. Cf. S. Ambrosii epistoliarum classis I 11, Opp. ed. Benedictini T. II 811.

nem omnium peccatorum suorum et gratiam bonam a Domino ¹⁰⁸⁰
consequantur. Actum Lateranis 8 Idus^a Maii, indictione 3^b.

VII 25. *Guilielmum I regem Anglorum docet, ipsi obediat oportere.*

Gregorius episcopus servus servorum Dei Guilielmo regi ¹⁰⁸⁰
Anglorum salutem et apostolicam benedictionem. ^{Mai. 8}

Credimus, prudentiam vestram non latere: omnibus aliis excellentiores apostolicam et regiam dignitates huic mundo, ad eius regimina, omnipotentem Deum distribuisse. Sicut enim, ad mundi pulchritudinem oculis carneis diversis temporibus repraesendantam, solem et lunam omnibus aliis eminentiora dispositu lumina; sic, ne creatura, quam sui benignitas ad imaginem suam in hoc mundo creaverat, in erronea et mortifera traheretur pericula, providit, ut apostolica et regia dignitate per diversa regeretur officia. Qua tamen maioritatis et minoritatis distantia religio sic se movet christiana, ut cura et dispensatione apostolica dignitas post Deum gubernetur regia. Quod licet, fili karissime, tua non ignoret vigilantia, tamen, ut pro salute tua indissolubiliter menti tuae sit alligatum, divina testatur scriptura, apostolicam et pontificalem dignitatem reges christianos caeterosque omnes ante divinum tribunal repraesentaturam et pro eorum delictis rationem Deo reddituram. Si ergo iusto iudici, et qui mentiri nescit, creaturarum omnium creatori, in^c tremendo iudicio te sum repraesentatus, iudicet diligens sapientia tua: an debeam vel possim saluti tuae non diligentissime cavere, et tu mihi ad salutem tuam, ut viventium possideas terram, debeas vel possis sine mora non oboedire. Provideas ergo, ut per^d te incessanter insistas, ut te diligis, Deum et^e honorem Dei tibi tuoque praeponere honori, Deum munda mente, totis viribus, integro corde diligere. Crede mihi, si Deum pura mente, ut audis et ut scriptura praecipit, dilexeris, si Dei honorem, ut debes, in omnibus tuo praeposueris, qui flete nescit diligere,

a. V. N(on.) 2. b. anno dominicae incarnationis 1080, anno vero pontificatus domini Gregorii papae septimi octavo add. 2. c. in addidi. d. pro c. e. et addidi.

1080 qui potens est etiam te praepondere, hic et in futuro te amplexabitur et regnum tuum omnipotenti suo brachio dilatabit^a. Data
Mai. 8 Romae 8 Idus Maii, indictione 3.

VII 26. *Mathildi reginae Anglorum promittenti munera respondeat, se ab ea nihil poscere praeter castam vitam, egentium curam, religionem, humanitatem.*

1080 Gregorius episcopus servus servorum Dei Mathildi¹ regine
Mai. 8 Anglorum salutem et apostolicam benedictionem.

Ingenuitatis vestrae lectis litteris, quam fidei mente Deo oboedias, quanta dilectione fidelibus suis adhereas, intelleximus. Nos quoque quomodo mentis tuae memoria praesentes contineat, ex^c amplitudinis tuae promissionibus non minus percipimus; quibus designastis: ut, quicquid de vestris vellemus, si notum vobis fieret, sine mora susciperemus. Quod, filia karissima, qua suscepimus dilectione et quae munera a te obtamus, sic intelligas. Quod enim aurum, quae gemmae, quae mundi huius preciosa mihi a te magis sunt expectanda, quam vita casta, rerum tuarum in pauperes distributio, Dei et proximi dilectio? Haec et his similia a te munera obtamus. Ut integra et simplici^b diligas nobilitatem tuam precamur, dilecta obtineas, habita nonnunquam derelinquas. His armis et similibus virum tuum armare, cum Deus tibi oportunitatem dederit, ne desistas. Caetera, quae dimisimus, per Hubertum² filium^e et fidelem communem mandamus.

Data Rome 8 Idus Maii, indictione 3.

VII 27. *Robertum Wilhelmi I regis Anglorum filium hortatur, ut parentes veneretur et improborum consilia fugiat.*

1080 Gregorius episcopus servus servorum Dei Roberto filio re-
Mai. 8 gis³ Anglorum salutem et apostolicam benedictionem.

Certi rumores tuorum morum et tuae prudentiae et liberalitatis, qui usque ad nos pervenere, partim dilectione parentum

a. dilatabitur e b. mente sive anima excidisse videtur; cf. Giesebricht de emend. p. 41. c. nostrum excidisse videtur.

1. uxori Wilhelmi I regis Angliae. 2. subdiaconum ecclesiae Romanæ. 3. Wilhelmi I.

partim tua nos laetificaverunt. Qui vero e contra, quorumdam 1080
 pravorum consilio^a aures nostras molestaverunt, ut
 priores hilarem, sic sinistri nos reddidere tristem. Nunc vero,
 quia per Hubertum filium nostrum audivimus, te paternis Mai. 8
 consiliis adquiescere, pravorum vero^b omnino dimittere, lae-
 tamur. Insuper monemus et paternę precamur: ut menti^c tuae
 semper sit infixum, quam^d forti manu, quam divulgata gloria,
 quicquid pater tuus possideat, ab ore inimicorum extraxerit;
 sciens tamen, se non in perpetuum vivere, sed ad hoc tam viri-
 liter insistere, ut eredi alicui sua^e dimitteret. Caveas ergo, fili
 dilectissime, admonemus, ne abhinc pravorum consiliis adquiescas,
 quibus patrem offendas et matrem contristeris. Sint tibi indis-
 solubiliter infixa praecepta et monita divina: *Honora patrem et*
matrem, ut sis longevus super terram^f; et illud: *Qui maledixerit*
patri vel matri, morte moriatur^g. Si vero ex honore patris et
 matris longior tibi tribuitur vita, e contra si eos^h dehonestas,
 quid tribuatur, liecat videas. Si autem ex maledictis mortem
 filio divina scriptura intonat, multo certius ex malefactis cer-
 tiorem mortem insinuat. Quid ergo restat, si membrum Christi
 vis vivere et in mundo isto honeste conversari? Pravorum con-
 silia ex officio nostro praecipimus penitus dimittas, patris vo-
 luntati in omnibus adquiescas. Data Rome 8 Idus Maii, in-
 dictione 3.

VII 28. *Roffredo archiepiscopo Beneventano mandat, ut in*
Macharium ex Armenia pulsum haeresisque a Gregorio
archiepiscopo Simadensi accusatum, quaestionem habeat,
eumque, nisi resipuerit, ex archiepiscopatu eiciat.

Gregorius episcopus servus servorum Dei fratri et coepiscopo 1080
 Beneventano R(offredo) salutem et apostolicam benedictionem.

Fraternitati tuae notum facimus, praesentium latorem Io-
 hannem presbyterum, virum quidem sicut ex professione sua

a. te antea acquevisse nuntiantes. *excidisse videtur.* b. societatem *excidisse*
videtur. c. mentis *cod.* d. quia quam *cod.* e. suo *cod.* f. eos *addidi.*

1. Exod. 20, 12. 2. Exod. 21, 17.

1080 cognovimus orthodoxum, nobis ex parte Simadensis archiepiscopi Armenii¹ conquestum esse super quodam nefario — quem nos, ex ore suo convictum, hereticum adiudicavimus — quod is, ob hanc impietatem de Armenia expulsus, gravem contra Armeniam eiusdem heresis gignat Latinae apostolicae catholicaeque aecclesiae suspicionem, immo vero iudicium. Unde nos illius aecclesiae, Armeniorum scilicet, fidem — sicut ex huius verbis didicimus — comprobantes, dilectioni tuae monendo praecipimus: ut praefatum hereticum, qui manus nostras, iudicium suae perfidiae formidans, suffugit, diligenter exquiras et sollerter examines. Si igitur, illum resipuisse et ad catholicam fidem redisse, intelligentiae tuae constiterit, sane edoctum et confirmatum ac in nullo lesum dimittas in colum; si vero nondum ad matris ecclesiae gremium et rectam fidem de sui erroris gravitate conversus est, ad sanae doctrinae consilium per penitentiae trahitatem eum reducere commonendo procures. Quodsi veris rationibus et saluberrimis monitis tuis, diabolico spiritu induratus, acquiescere et sinceris intellectibus fidei consentire noluerit, ne rabies illius ignaros latere et sic incautos valeat ledere, iubemus: ut eum facias perfidiae nota in aperto signari; ac deinde, ex toto archiepiscopatu tuo ipsum expulsum, heresim eius cunctis detegendo ubique, quantum potes, ut apostamat et christiana unitatis inimicum non desinas persecuti. Ut autem eum invenire repertumque citius possis agnoscere, nomen ipsius Macharum et loci, in quo moratur, Frigentum² subiungimus. Hoc etiam tibi praecipimus, ut, iunctus religioso abbatii Montis Casini cunctisque tuis coepiscopis, praephati heretici causam discutias, discussaque diffinias. Insuper ferrum, quod nos sibi portare contradiximus, ulterius ferre interdicito, ne hac hypocrisi incautas mentes amplius decipiatis. Pecuniam vero, quam tanta fraude acquisivit, nostro pracepto sibi auferas pauperibusque distribuas.

1. Gregorii III Vecaiaser. V. Galani Hist. Armena p. 285 sq. et Le Quien Oriens Christianus I 1396. 2. Frigento, a Benevento inter meridiem et orientem.

IN NOMINE DOMINI

I N C I P I T L I B E R O C T A V U S

REGISTRI DOMNI GREGORII VII PAPAE

anno dominicae incarnationis millesimo octuagesimo,
 pontifieatus vero domni Gregorii anno septimo,
 indictione tertia.

VIII 1. *Gregorio archiepiscopo Simudensi scribit, cum dolore
 se accepisse, Armenorum ecclesiam a Romana caerimoniis
 et dogmatibus quibusdam dissentire. Litteras postulat.
 Monet, ne Graecorum garrulitate moveatur.*

Gregorius episcopus servus servorum Dei G(regorio)¹ dilecto 1080
 in Christo fratri Simadensi archiepiscopo salutem et apostolicam^{Iun. 6}
 benedictionem.

Summe sedis specula, cui Deo auctore licet indigni praesidemus, ac universalis ecclesiae sollicitudo, quam ipsius disponente providentia gerimus, compellit nos: sicut de illorum, qui se a Christi corpore separant, perditione vehementer dolere, ita quoque de eorum, qui recta sentiunt et unitatem fidei servare noscuntur, salutari consensu ineffabili laetitia congratulari. Proinde, quoniam vestram, scilicet Armeniorum, ecclesiam a rectitudine fidei, quam ab apostolis et sanctis patribus traditam universalis ecclesia tenet, in quasdam pravas exorbitasse sententias nobis relatum est, profecto nimium paterni affectus compassionem doluimus.

Quorumdam siquidem relatione didicimus: in celebrandis sacrificiorum salutiferis sacramentis aquam vino penitus apud vos non admisceri; cum nemo christianus, qui sacra novit euangelia, dubitet, e latere Domini aquam cum sanguine emanasse. Audivimus etiam: quod contra morem sanctae ecclesiae vestra non ex balsamo sanctum chrisma sed ex butyro conficiat; et quod Dioscorum Alexandrinum heresiarcham, ob perfidiae suaue duritiam in concilio Chalcedonensi² depositum atque dampnatum, veneretur et approbet.

1. Gregorio Vecaiaser. V. L. VII ep. 28 supra p. 422 n. 1. 2. a. 451.

1080 Haec autem licet praesentium portitor, tuus legatus, ita esse
 Jun. 6 coram nobis negaverit, tamen, ex fraternitate tua scire firmius
 cupientes, volumus: ut per hunc eundem Iohannem presbyterum,
 et de istis rebus quid sentias, et de caeteris sicubi hesitas, ad
 nos procures cum sigillo tuo rescribere; ac deinceps dilectionis
 tuae litteras ad apostolicam sedem frequenter dirigere. Volumus
 etiam, caritatem tuam litteris suis significare: utrum vestra
 recipiat, quod ecclesia universalis amplectitur, fidem scilicet qua-
 tuor conciliorum; quae, a sanctis patribus comprobata, a Roma-
 nis pontificibus Silvestro Leone aliisque apostolica sunt auctorita-
 tate firmata. Inter quos nichilo minus beatissimus Gregorius papa
 doctor egregius maioribus ecclesiae Alexandrinae Antiochenae
 aliisque in epistola sua¹, sese eam tenere, his verbis testatus
 est: *Quia corde creditur ad iustitiam, ore autem confessio fit ad
 salutem, sicut sancti euangelii quatuor libros, sic quatuor con-
 cilia suscipere et venerari me fateor. Nicenum scilicet, in quo
 perversum Arii dogma destruitur; Constantinopolitanum quoque,
 in quo Eunomii et Macedonii error convincitur; Efesinum etiam
 primum, in quo Nestorii impietas iudicatur; Chalcedonense vero,
 in quo Euthichis Dioscorique pravitas reprobatur, tota devotione
 complector, integerrima approbatione custodio.* Quia in his velut
 in quadrato lapide sanctae fidei structura consurgit et cuiuslibet
 vitae atque actionis constitut, quisquis eorum soliditatem non tenet,
 etiamsi lapis esse cernitur, tamen extra aedificium iacet. Quintum
 quoque concilium pariter veneror, in quo epistola, quae
 Ibae dicitur, erroris plena reprobatur, Theodorus personam me-
 diatoris Dei et hominum in duabus substantiis separans, ad im-
 piетatis perfidiam cecidisse convincitur, scripta quoque Theodoriti,
 per quae beati Cyrilli fides reprehenditur, ausu dementiae pro-
 plata refutantur. Cunctas vero quas praefata veneranda concilia
 personas respuunt respuo, quas venerantur amplector; quia, dum
 universali sunt consensu constituta, se et non illa destruit, quis-
 quis praesumit aut solvere quos ligant, aut ligare quos solvunt.
 Quisquis ergo aliud sapit, anathema sit.

1. Registri L. I ep. 25 (al. 24), Opp. ed. Benedictini T. II 515.

His itaque sanctissimi viri precipuique doctoris verbis diligenter declaratis, prudentiam tuam caritatis affectu commonen-<sup>1080
Jun. 6</sup>dam censuimus: ut clausulam, quam in illa laude¹ subiungitis *Sanctus Deus, sanctus fortis, sanctus immortalis*, istam videlicet: *Qui crucifixus es pro nobis²*, quoniam nulla orientalium praeter vestram sed nec sancta Romana habet ecclesia, vos, totius scandali occasionem pravique intellectus suspicionem vitantes, superaddere de caetero omittatis. Si enim vas electionis, beatissimus Paulus, de sumendis cibis melius sibi esse, non manducare neque bibere, quam ut frater scandalizaretur asseruit³, considerare debetis, quam grave et periculose sit, ubi saniori intellectu vitari potest, fratribus de fide scandalum generare. Quapropter fraternitas tua ecclesiae, cuius sibi cura commissa est, tenendum putet et credat sufficere, quod catholica in orbem terrarum diffusa ecclesia, Spiritu sancto illustrante edocta, sentire cognoscitur et tenere declaratur.

De reliquo, quia cognovimus, ecclesiam vestram azima sacrificare et ob hoc a Grecis dumtaxat imperitis quasi de heresi reprehendi, volumus: vos de temeraria garrulitate illorum non^a multum mirari, sed nec ab instituto desistere; scientes, eorum provocitatem non modo vobis hanc velut calumniam obicere, verum etiam de simili causa, graviori vero iniuria, huc usque contra sanctam Romanam ecclesiam insurgere. Quae per beatum Petrum quasi quodam privilegio ab ipsis fidei primordiis a sanctis patribus omnium mater ecclesiarum astruitur, et ita usque in finem semper habebitur. In qua nullus unquam haereticus praefuisse dinoscitur, nec unquam praeficiendum, praesertim Domino promittente, confidimus; ait enim dominus Iesus: *Ego pro te ro-*

^{a.} non addidi.

1. in trisagio cherubico, quod inter sollemnia feriae sextae paraseues a duobus choris cantatur hoc modo: Unus chorus: „Agios o theos“; alius chorus: „Sanctus deus“; primus chorus: „Agios ischyros“; secundus chorus: „Sanctus fortis“; primus chorus: „Agios athanatos, eleison imas“; secundus chorus: „Sanctus immortalis, miserere nobis“. V. Missale Romanum ad feriam sextam paraseues. 2. Cf. Martene, Tractatus de antiqua ecclesiae disciplina p. 362 et Thomas Wegelinus De hymno trisagio, Francofurti 1609. 3. 1 Corinth. 8, 13.

1080 ^{Iun. 6} *gavi, Petre, ut non deficiat fides tua*¹. Et illi quidem, suum fermentatum commendantes, reprehensionis in nos levissima verba contumaciter iaculari non desinunt. Nos vero, azimum nostrum inexpugnabili secundum Dominum ratione defendantes, ipsorum fermentatum nec vituperamus nec reprobamus, sequentes apostolum dicentem, mundis esse omnia munda². Sed ad detergendarum et contemnendarum Grecorum temeritatem nunc ista sufficient.

Dilectioni vero tuae iterum inculcando mandamus: ut de supra scriptis et de aliis, quae ad fidem pertinere cernuntur, qualiter teneas, per memoratum presbyterum aut per alium idoneum nuncium tuas ad nos litteras mittere studeas. Insuper etiam, licet sollertia tuam bene doctam credamus, ex debito tamen eam caritatis affectu paucis monemus: quatinus, districti examinis diem semper prae oculis habens, commissae sibi sollicitudinis sarcinam cogitet, et quanto illum sine dilatione celerius^b approximare considerat, tanto de reddenda pecuniae ratione propensius vigilare non negligat; quo severus foenerator idemque rigidus arbiter non de male infosso talento quid deputet poenis inveniat, sed, de multiplicato lucro arridens, vos ad fructum beate retributionis percipiendum invitet. Omnipotens Deus, cuius est quicquid recte sapimus sentimus et credimus, ipse mentem tuae fraternitatis uberius illuminando per sani intellectus tramitem dirigat et, te in concordi fidelium unitate conservans, ita gubernet atque custodiat: ut et subiectos tibi populos efficaciter de divina scientia possis instruere et cum ipsis sempiternam gloriam ingredi, pro eis vero valeas praemia summa percipere.

Datum 8 Idus Iunii.

VIII 1 a. *Robertus Guiscardus dux iurat in obsequium Gregorii VII papae*^c.

1080 ^{Iun. 29} Ego R(obertus), Dei gratia et sancti Petri Apuliae et Calabriae et Siciliae dux, ab hac hora et deinceps ero fidelis sanctae

a. detegendam c. b. celeriter c. c. Legitur etiam 2) in *Deusdedit cardinalis collectione canon.*, ap. *Borgia Breve istoria del dominio temp.*, app. p. 21.

1. Luc. 22, 32. 2. Tit. 1, 15.

Romanae ecclesiae et apostolice sedi et tibi domino meo Gregorio universali papae. In consilio vel^a facto, unde vitam aut membrum perdas vel captus sis mala captione, non ero. Consilium^b, quod mihi credideris, et contradixeris ne illud manifestem, non manifestabo ad tuum damnum me sciente. Sanctae Romanae aecclesiae tibique adiutor ero ad tenendum^c acquirendum et^d defendendum regalia sancti Petri eiusque possessiones pro meo posse contra omnes homines — excepta parte Firmiana marchiae et Salerno atque Amalfi, unde adhuc facta non est definitio — et adiuvabo te, ut secure et honorifice teneas papatum Romanum. Terram^e sancti Petri, quam nunc tenes vel habiturus es, postquam scivero tuae esse potestatis, nec invadere nec adquirere quaeram nec etiam depraedari praesumam absque tua tuorumque successorum, qui ad honorem sancti Petri ordinati fuerint^f, certa licentia, praeter illam quam tu michi concedes vel tui concessuri sunt successores. Pensionem de terra sancti Petri, quam ego teneo aut tenebo, sicut statutum est^g, recta fide studebo, ut illam annualiter sancta Romana habeat ecclesia. Omnes quoque aecclesias, quae in mea persistunt dominatione, cum earum possessionibus dimittam in tua potestate^h; et defensor ero illarum ad fidelitatem sanctae Romanae aecclesiae. Et si tu vel tui successores ante me ex hac vita migraveritis, secundum quod monitus fuero a melioribus cardinalibus, clericis Romanis et laicis, adiuvabo, ut papa eligatur et ordinetur ad honorem sancti Petri. Haec omnia supra scripta observabo sanctae Romanae aecclesiae et tibi cum recta fide. Et hanc fidelitatem observabo tuis successoribus, ad honorem sancti Petri ordinatis, qui michi, si meaⁱ culpa non remanserit, firmaverint investituram a te mihi concessam. [Sic^j me Deus adiuvet et haec sancta euangelia.] Actum^k Ciperani^l 3 Kalendas Iulii.

- | | | | |
|--------------------|---------------------------------------|---------------|--------------------------|
| a. in add. 2. | b. consiliumque 2. | c. ad add. 2. | d. et defendendum om. 2. |
| e. terramque 2. | f. intraverit 2 pro ordinati fuerint. | | g. tuam potestatem 2. |
| h. sine 2 pro mea. | i. Sic — euangelia addidi ex 2. | | k. Actum — Iulii om. 2. |

1. v. infra 1c, p. 428. 2. Ceprano.

VIII 1b. Investitura domni Gregorii papae, qua Robertum ducem investivit^a.

1080 Ego Gregorius papa investio te, Roberte dux, de terra, quam
Jun. 29 tibi concesserunt antecessores mei sanctae^b memoriae Nicolaus
et Alexander. De illa autem^c terra, quam iniuste tenes, sicut
est Salernus et Amalfia^d et pars marchiae Firmane, nunc te pa-
tienter sustineo in^e confidentia Dei omnipotentis et tuae boni-
tatis: ut tu postea exinde ad honorem Dei et sancti Petri ita
te habeas, sicut et te agere et me suscipere decet sine periculo
animae tuae et meae. Actum^f, ut supra.

VIII 1c. Constitutio reddendi census in die resurrectio-
nis Domini, duodecim videlicet denariorum Pa-
piensis monete, de tota Apulia Calabria et Sicilia.

1080 Ego Robertus, Dei gratia et sancti Petri Apuliae et Cala-
Jun. 29 briae et Siciliae dux, ad confirmationem traditionis et ad re-
cognitionem fidelitatis de omni terra, quam ego teneo proprię
sub dominio meo, et quam adhuc nulli ultramontanorum ita con-
cessi ut teneat, promitto: me annualiter pro unoquoque iugo
boum pensionem, duodecim scilicet denarios Papiensis monetae,
persoluturum beato Petro et tibi domino meo Gregorio papae
et omnibus successoribus tuis, aut tuis aut successorum tuorum
nunciis. Huius autem pensionariae redditionis erit semper ter-
minus, finito quoque anno, sanctae resurrectionis dies dominicus.
Sub hac vero condicione huius persolvende pensionis obligo me
et meos sive heredes sive successores tibi domino meo Gregorio
papae et successoribus tuis.

VIII 2. Hugoni abbatii Cluniacensi scribit de Roberto monacho
coercendo. Adefonsum VI regem Legionensem, qui eccl-
esiae Romanae legatum parum reverenter tractaverit, sanare
culpam iubeat.

1080 Gregorius episcopus servus servorum Dei Ugoni venerabili
Jun. 27 Cluniacensi abbatii salutem et apostolicam benedictionem.

a. Legitur etiam 2) ap. Deusdedit cardinalem l. l. b. sanctae memoriae om. 2.
c. vero 2. d. Malfia 2. e. in Dei et tua confidentia 2 pro in — bonitatis.
f. Actum ut supra om. 2.

Quanta impietas a monasterio vestro per Roberti monachi 1080
 vestri praesumptionem exierit, ex litteris Richardi legati nostri,
 abbatis videlicet Massiliensis, potes cognoscere. Qui nimurum
 Robertus, Symonis Magi imitator factus, quanta potuit maligni-
 tatis astutia, adversus beati Petri auctoritatem non timuit in-
 surgere et centum milia hominum, qui laboris nostri diligentia
 ad viam veritatis redire cuperant, per suggestionem suam in
 pristinum errorem reducere. Cuius iniquitati non solum te con-
 sensisse non credimus, verum etiam pro immunitate sceleris no-
 biscum tristari et ad exercendam debitam ultionem animum ha-
 bere intelligimus; praesertim cum fidei nostrae antiquum pre-
 bebas experimentum: te^a de honore sanctae Romanae ecclesiae
 idem nobiscum sentire et ad executionem iustitiae, quae frige-
 scente caritate iam pene terris excessit, libertatem^b rectitudinis
 reservasse. Ab hac utique animi concepta certitudine nullus
 rumor, nulla suggestio poterit nos divellere. Sed neque illi, qui
 de multis adversum vos negotiis murmurant, ante tempus fra-
 ternaee collocutionis ad suspicandum aliud poterunt nobis scan-
 dalum generare. Nam, ut de aliis taceamus, pene omnes qui
 nobiscum sunt fratres, nisi freno rationis nostrae retinerentur,
 amorem, ab eis loco vestro exhibitum, in gravem inimicitiam
 convertissent. Quapropter, salutem vestram sicut nostram dili-
 gentes, monemus: ut, subditos vestros corrigentes, huiusmodi
 murmurationis occasionem religionem vestram diligentibus nobis
 non praebeat. Specialiter autem admonemus: ut R(obertum)
 illum — qui supra dicte iniquitatis auctor extitit, qui diabolica
 suggestione Hispanensi aecclesiae tantum periculum invexit —
 ab introitu aecclesiae et ab omni ministerio rerum vestrarum
 separatis, donec ad vos redeat et temeritatis sua dignam ultio-
 nem suscipiat. Regem¹ quoque, illius fraude deceptum, dili-
 genter litteris tuis intelligere facias: beati Petri iram et indignationem
 atque, si non resipuerit, gravissimam adversum se et
 regnum suum ultionem provocasse, quod legatum Romanae aec-

a. te addidi. b. libertatem cod.

1. Adefonsum VI regem Legionis et Castiliae.

1080 ^{Iun. 27} clesiae indecenter tractavit et falsitati potius quam veritati credidit; de quibus digne Deo et beato Petro satisfacturus, sicut legatum nostrum dehonestavit, ita se sibi per debitam humilitatem et condignam reverentiam commendabilem faciat ac devotum. Significare etiam te sibi, dignum ducimus: nos eum, si culpam suam non correxerit, esse excommunicaturos et, quotquot sunt in partibus Hispaniae fideles sancti Petri, ad confusione suam sollicitaturos. Qui si minus praeceptioni nostrae obedirent, non gravem existimaremus laborem: nos ad Hispaniam proficiisci et adversum eum, quemadmodum christianaे religionis inimicum, dura et aspera moliri. Tui etiam studii sit, ut monachi, in eisdem partibus iniuste dispersi, ad proprium redeant monasterium, et nulla ibidem ordinatio vires obtineat, nisi quae legati nostri fuerit auctoritate probata. Volumus etiam, ut alteram epistolam nostram¹ regi praedicto deferri praecipias. Datum Ciperani 5 Kalendas Iulii, inductione 3.

VIII 3. *Adefonsum VI regem Legionis et Castiliae monet, ut Robertum pseudomonachum, consiliarium fallacem, amandet; connubium cum Agnetis uxoris consanguinea initum tollat; Richardi legati sui consilia sequatur.*

1080 ^{c. Iun. 27} Gregorius episcopus servus servorum Dei dilectissimo in Christo filio regi Adefonso² salutem et apostolicam benedictionem.

Dici non potest, fili carissime, quantum nos, referente filio nostro apostolice sedis legato Richardo, nobis cognita praeclara tua obedientia laetificaverat. Tu enim coram Deo semper in visceribus nostris eras, tu apud homines maximum nobis exemplum egregiae virtutis eras, de te apud alios reges gloriabamus, te vere christianum regem et ideo vere regem nos habere in parte domini Iesu contra membra diaboli gaudebamus. Unde et bona tua fragrantia^a multas iam regiones asperserat et velut sol quidam, in occidis natus, orientem versus coelestis luminis radios emittebat.

At nunc comperto, quod diabolus, tuae saluti et omnium
1. ep. 3 infra. 2. VI regi Legionis et Castiliae. a. fragrantia c.

qui per te salvandi erant more suo invidens, per membrum suum, quendam Rodbertum pseudomonachum¹, et per antiquam adiutricem suam, perditam feminam, viriles animos tuos a recto itinere deturbavit; quantum de te primo fueramus gavisi, tantum nunc confundimur erubescimus contristamur. Quapropter, ut cognoscas, quantum circa te pie solliciti sumus, per bonitatem et gloriam Christi te paterna voce monemus et contestamur: remove a te quantotius consiliarios falsitatis; corrumpunt quippe mores bonos colloquia prava². Acquiesce autem per omnia legato nostro fratri Richardo; quem nisi prudentem et religiosum cognovissem, nostras ei vices nullatenus commisissem. Non te a salutaribus monitis atque institutis nostris inceste mulieris amor abripiat, quia mulieres apostatare faciunt sapientes³. Ipsum quippe regem sapientissimum Salomonem incestus mulierum turpiter amor deiecit et florentissimum regnum Israel Dei iudicio pene totum de manu posteritatis eius abruptit. Proinde per dominum nostrum Iesum Christum et per potentiam adventus eius nec non et ex auctoritate beatissimorum apostolorum Petri et Pauli iterum monemus atque praecipimus: ne te ipsum despicias, ne in gloria tua maculam ponas, ne posteritatem carnis tuae inutilem et reprobam facias. Vires resume; illicitum connubium, quod cum uxoris tuae⁴ consanguinea inisti, penitus respue. De tua emendatione nos et totam ecclesiam Dei cito laetifica; ne, si inobediens quod avertat Deus esse malueris, iram Dei omnipotentis incurras et nos — quod valde inviti dolentesque dicimus — beati Petri gladium super te evaginare cogamur. Praedictum sane nefandissimum Robertum monachum, seductorem tui et perturbatorem regni, ab introitu aecclesiae separatum, intra claustra monasterii Cluniacensis in penitentiam retrudi decernimus. Sed^a abbas Cluniacensis⁵, nos imitando, idem faciet; eadem enim via, eodem sensu, eodem spiritu ambulamus.

a. et excidisse videtur.

1. Cluniacensem, v. ep. 2 supra p. 429.

2. 1 Corinth. 15, 33.

3. Eccli. 19, 2. . 4. Agnetis, filiae Guilielmi VI comitis Pictavensis VIII ducis Aquitaniae, qui fuit frater Agnetis imperatricis.

5. Hugo.

1080
c. Jun. 27

1080 Deus autem omnipotens nos de tua correctione cito exilarare
c. lun. 27 dignetur, karissime fili.

VIII 4. *Richardum legatum suum, exsequendis mandatis impe-
ditum, ad perseverantiam hortatur. Significat de litteris
ad abbatem Cluniacensem missis.*

1080 Gregorius episcopus servus servorum Dei Richardo^r karis-
c. lun. 27 simo filio salutem et apostolicam benedictionem.

Quia missis litteris significasti nobis, antiquum hostem opus tuum, ad utilitatem christianam ex parte^a directum, per membra sua non praeter solitum impedisce, ac per hoc fraternitatem tuam tristitiam nimiam incurrisse, nos quoque, tibi merito compati- tientes, eodem tecum afficimur merore. Sed cum memorie re- ducitur, quanta et qualia apostoli, successores etiam eorum, in edificatione fundamenti aecclesiae partim a paganis partim a falsis christianis sint passi, de misericordia Domini confisi, re- sumimus vires, victoriae triumphum plenissima fiducia de eodem hoste procul dubio ut nostri priores expectantes. Patientia at- que perseverantia in praesentiarum religioni tuae omnino sunt necessariae^b, scienti dictum ab apostolo, non coronari nisi qui legitime certaverit², debita praemissa ortatione. Nos tamen stu- dio tuo in nullo deerimus, Cluniacensi abbatи mittendo quarelae tuae litteras una cum nostris³: quatenus Rodbertum pseudomo- nachum⁴ quam citius ad monasterium redire compellat, eundem ab ingressu aecclesiae coercent et tam gravis penitentiae squa- llore diutino afficiat, quod in pravo contra te immo contra Deum commisso opere mulctationem sentiat penitentiae.

VIII 5. *Apuliae et Calabriae episcopis scribit, se sperare fore,
ut Wibertus antipapa praecepitur. Monet, sibi succurrant.*

1080 Gregorius episcopus servus servorum Dei dilectis in Christo
Iul. 21 fratribus et coepiscopis, per principatus et Apuliam et Calabriam constitutis, salutem et apostolicam benedictionem.

a. nostra excidisse videtur. b. necessaria c.

1. legato, abbati Massiliensi. 2. 2 Timoth. 2, 5. 3. ep. 2 supra
p. 428. 4. Cluniacensem.

Fraternitatem vestram credimus non latere, quod plures sa- 1080
tanae discipuli, qui falso nomine per diversas regiones censemur Iul. 21
episcopi, diabolica inflammati superbia, sanctam Romanam ec-
clesiam conati sunt confundere; sed per auxilium omnipotentis
Dei et auctoritatem beati Petri iniqua eorum praesumptio, sicut
eis verecundiam et confusionem, ita apostolice sedi gloriam con-
tulit et exaltationem. Siquidem quisque^a a minimo usque ad
maximum — videlicet H(einricum) regem, qui vertex et auctor
pestiferi consilii fuisse probatur — per plurima corporum et ani-
marum pericula persensit, quantas beati Petri auctoritas ad ul-
eiscendam eorum iniquitatem vires obtineat. Scitis enim^b:
tempore domini nostri papae A(lexandri) quid idem H(einricus)
iniuriae aeccliae beati Petri per Cadulum¹ inferre excogitaverit,
et in quantam quamque turpissimam mundo teste confusionis
foveam cum eodem Cadulo cadere meruerit^c, et quanto honore
quantisque triumphis in exercitatione illius certaminis res pu-
blica^d nostra profecerit. Scitis etiam: quam detestandis con-
spirationibus ante annos tres² praecipue Longobardorum epi-
scopi se adversum nos, eodem H(einrico) principante, armave-
runt, et quod per defensionem beati Petri illesi et incolumes
non sine magna nostra nostrorumque fidelium honoris exaltatione
remansimus. Illis vero, priorem arbitrantibus non sufficere sibi
confusionem, a planta pedis usque ad verticem apostolicae ulti-
onis quantum ferverit gladius, adhuc plaga incurabilis praestat
indictum.

Sed in his omnibus obduratas meretricum more frontes ge-
rentes et impudentia sua iram sibi iusti iudicii thesaurizantes,
qui respectu contumeliae suae ad sensum redire debuerant —
patrem suum³ secuti, qui dixit: *Ponam sedem meam ab aqui-
lone, et ero similis Altissimo*⁴ — pristinam conspirationem ad-
versus Dominum et sanctam universalem aeccliam conati sunt
innovare; et hominem sacrilegum et sanctae Romanae aeccliae

a. quisque addidi. b. sequitur quia in cod. c. meruit cod. d. R. P. cod.

1. antipapam 1061—1064. 2. a. 1077. 3. Luciferum. 4. Cf.
Isai. 14, 13. 14.

1080 perjurum nec non per universum Romanum^a orbem nefandissi-
 Jul. 21 mis sceleribus denotatum, W(ibertum) dicimus sanctae Raven-
 natis aecclesiae devastatorem, antichristum sibi et heresiarcham
 constituere¹. In quo nimirum sathanae conventu illi interfueret,
 quorum est vita detestabilis et ordinatio heretica^b immensitate
 multimodi criminis. Siquidem ad hanc insaniam illa demum eos
 desperatio traxit: quod neque precibus neque servitiorum aut
 munerum promissionibus scelerum suorum veniam apud nos va-
 luerint impetrare, nisi forte vellent iudicio aecclesiastico nostra-
 que censurae se, mediante misericordia sicut decet officium no-
 strum, submittere.

Hos itaque, nullis rationibus fultos immo omnium criminum
 conscientia perditissimos, tanto magis vili pendimus, quanto ipsi
 se altiora concendisse confidunt. Per misericordiam quippe Dei
 et orationem beati Petri, quae Symonem Magum, eorum utique
 magistrum, ad altiora tendentem mirabiliter deiecit, speramus
 ruinam eorum non diu remoraturam, et quietem sanctae ecclie-
 siae, victis et confusis hostibus suis, more solito gloriosissime
 dilatandam. Vos itaque, dilectissimi fratres, innocentiam com-
 munis matris vestrae sanctae Romanae ecclesiae perpendentes
 et, quantum diabolus membra sua ad inferendam praefatae Ro-
 manae aecclesiae inquietudinem exerceat, considerantes, sicut
 decet et officii vestri debitum exigit, orationibus aliisque modis,
 quibus laboranti matri succurrendum est, operam studiumque im-
 pendite; quatinus appareat, vos legitimos eius filios esse, ipsius-
 que contumeliam, partita nobiscum laboris diligentia, ex corde
 sentire. Quodsi fueritis socii compassionis, eritis auxiliante Deo
 laetitiae participes et consolationis. Caetera, quae hic^c non in-
 seruimus, legatis nostris, quibus sicut nobis credere potestis,
 referenda commisimus. Data Cicani² 12 Kalendas Augusti.

a. R. cod. b. in excidisse videtur. c. hic addidi.

1. 1080 Iun. 25. 2. Ceccano, a Ferentino inter meridiem et occi-
 dentem.

VIII 6. *Apuliae et Calabriae episcopis significat, placitum sibi esse, ut Michaeli VII imperatori iniuste deiecto a fidelibus S. Petri subveniatur. Mandat, hortentur milites, cum illo et cum Roberto duce transfretaturos, ut fidem iis praestent.*

Gregorius episcopus servus servorum Dei fratribus et coepiscopis in Apulia et Calabria commorantibus salutem et apostolicam benedictionem. 1080
Inl. 25

Notum esse prudentiae vestrae non dubitamus, gloriosissimum imperatorem Constantinopolitanum, Michaelem¹ videlicet, ab imperialis excellentiae culmine indigne potius et malitiose quam iuste aut rationabiliter esse deiectum². Qui, auxilium beati Petri nec non filii nostri gloriosissimi ducis Roberti³ flagitaturus, Italiam petiit⁴. Quapropter nos, licet indigni sedis ipsius^a curam gerentes, compassionis visceribus moti, precibus illius nec non eiusdem ducis annuendum esse censuimus, et a fidelibus beati Petri subveniendum sibi fore putavimus. Igitur quia inter caetera multimoda suffragia istud non minus profuturum memorati principes exsistimant, scilicet ut milites auxiliatores recta fide, non dissimulantibus^b animis, ire constanter in adiutorium et defensionem praefati imperatoris debeant; apostolica auctoritate praecipimus: quatinus illi, qui militiam ipsius intrare statuerint, in contrarium partem proditoria tergiversatione transire non andeant, verum — quod christianae religionis honor et debitum postulat — ei praesidium fideliter inpendant. Dilectioni quoque vestrae nichilominus praecipiendo mandamus: ut eos, qui cum eodem duce et predicto imperatore transfretaturi sunt, diligenter, ut vestrum officium exigit, moneatis, condignam penitentiam agere et rectam fidem sicut decet christianos circa illos servare, in omnibus actibus suis timorem Dei et amorem praeoculis habere, et in bonis operibus perseverare. Sicque illos, fulti

a. b. Petri excidisse videtur. b. dissimilibus cod.

1. VII, filium Constantini Ducae. V. L. I ep. 18 supra p. 31. 2. anno 1078. 3. Guiscard. 4. Non ipsum Michaelem VII imperatorem, sed Raectorem monachum, Pseudomichaelem, cum Roberto duce colludentem, in Italiam venisse constat. V. Wilken Rer. a Comnenis gestarum libri IV p. 135 — 137.

1080 nostra auctoritate immo beati Petri potestate, a peccatis absolu-
Iul. 25 vite. Data 8 Kalendas Augusti.

VIII 7. *S. Petri fideles certiores facit de auxilio a principibus sibi promisso. Nuntiat, se Ravennatis ecclesiae beato Petro restituendae causa post diem 1 Septembris illo moturum.*

1080 Gregorius episcopus servus servorum Dei fratribus et coepiscopis christianam religionem defendantibus ceterisque clericalis ac laicalis ordinis sancti Petri fidelibus salutem et apostolicam benedictionem.

Notum sit dilectioni vestrae, nos tam per nos ipsos quam et per legatos nostros cum duce R(oberto)¹ et Iordane² caeterisque potentioribus Normannorum principibus fuisse loquutos. Qui profecto unanimiter promittunt, se, sicut iurati sunt, ad defensionem sanctae Romanae aeccliae nostrique honoris contra omnes mortales auxilium impensuros. Id ipsum quoque nobis et, qui circa Urbem longe lateque sunt et in Tuscia caeterisque regionibus, principes firmiter pollicentur. Unde post Kalendas Septembris, postquam tempus frigescere cooperit — cupientes sanctam Ravennatem ecclesiam de manibus impiis eripere et patri suo beato Petro restituere — partes illas armata manu, sicut de Domino speramus, petemus; ac per ipsius auxilium nos eam liberaturos, haud dubie credimus. Quapropter nos, audaciam impiorum eorumque, qui in nos immo in beatum Petrum se erexerunt, machinationes pro nichilo ducentes, volumus atque hortamur vos, superbiam conatusque illorum aequa nobiscum contempnere, tanto de ruina eorum certiores, quanto eos ad altiora niti ascendere cernitis. Talibus nanque propheta imprecans ait: *Superbia eorum, qui te oderunt, ascendit semper*³; aperte declarans, quia audax impietas eo magis casui vicinior extat, quo amplius se ascensisse existimat. Vos ergo, qui Deum timetis et beati Petri fidelitatem tenetis, de misericordia Domini nullatenus hesitantes, prorsus sperate et nefandorum perturbationem merita ruina cito sedandam et sanctae aeccliae pacem et se-

1. Guiscardo.

2. I principe Capuae.

3. Ps. 73, 23.

curitatem — sicut, de divina clementia confidentes, promitti- 1080
mus — proxime stabiendum.

VIII 8. *Alfano archiepiscopo Salernitano de corpore b. Mat-
thaei reperto gratulatur. Monet, ut Robertum ducem et
eius coniugem ad colendum sanctum adhortetur.*

Gregorius episcopus servus servorum Dei fratri et coepi- 1080
scopo Salernitano Alfano salutem et apostolicam benedictionem. Sept. 18

Divinae pietatis respectui gratias ingentes referimus, cuius dignatio thesaurum magnum totique mundo profuturum nostris temporibus misericorditer revelavit. Non immerito tuae quoque dilectioni gratulamur, quae tantae laetitiae, coelitus re vera ostensae, participes nos efficere sollicite procuravit. Credimus squidem et incunctanter asserimus: de tanti corporis inventione non solum ipsum beatum Matheum apostolum verum etiam caeteros coapostolos cum sanctis omnibus ipsisque celestibus spiritibus et gloriosa Dei genitrice Maria mortalibus congaudere, atque ipsorum omnium studia circa humanum genus hoc tempore quam aliis multo propensiiora multumque esse exuberantiora. Si enim caeteris temporibus sanctorum nos patrocinia pia non deserunt, certissime tunc potissimum speranda sunt eorum auxilia, cum sanctissima ipsorum corpora nobis quasi rediviva divino nutu manifestantur; et sicut per corporei aspectus intuitum tamquam fides cernitur, species animi^a tenetur, ita eorum beneficia tunc erga devotos renovari uberiusque redundare credendum est. Unde etiam sancta universalis aecclesia, dudum magnis turbinibus variisque tempestatum procellis impulsa, clamorem suum a Domino exauditum non dubitet; sed, ad quieti litoris securitatem alacres oculos e vicino intendens, beati Mathei apostoli praesidium iuxta contempletur; quoniam iam nunc non dubie agit in portu, cui suam praesentiam ostendit gubernator antiquus. Quapropter de tanti thesauri revelatione tua fraternitas exultet in Domino; et, beatissimas reliquias debite venerationis obsequiis dignis amplectens, gloriosum ducem R(obertum)¹ ipsiusque nobi-

1. Guiscardum.

a. species animi *scripti pro spes iam c.*

1080 Sept. 18 lissimam coniugem¹ hortetur et moneat: quatinus, tam insigni patrono, qui se eis demonstrare dignatus est, reverentiam et honorem decenter exhibentes, ipsius gratiam et auxilium sibi suisque promereri,nisibus summae devotionis contendant. Datum Rome 14 Kalendas Octobris.

VIII 9. *Teutonicos ecclesiae fideles hortatur, ne in officio claudicent. Inimicorum perniciem auguratur.*

1080 Sept. 22 Gregorius episcopus servus servorum Dei omnibus archiepiscopis episcopis diversique ordinis ac potestatis clericis et laicis in Teutonico regno morantibus, illis dumtaxat qui sanctae Romanae aeccliae fideliter oboediunt, salutem et apostolicam benedictionem.

Quoniam nichil in terra sine causa fit^a, sicut sapientis² verba testantur; quod dudum sancta aeclesia fluctuum procellarumque mole concutitur quodque tyrannice persecutionis hactenus rabiem patitur, non nisi peccatis nostris exigentibus evenire credendum est. Nam iudicia quidem Dei verissime omnia iusta sunt. Sed inter haec omnia, karissimi, dispositionis divinae patientiae virtus habenda est, et spei certitudo ad coelestis misericordiae respectum firmiter est extendenda; cuius manus nec ad exaltandam fidelium humilitatem imbecillis nec ad deiciendam hostilis elationis superbiam invenitur invalida. Quodsi culparum morbis penitentiae medicamen adhibuerimus et, excessus ac negligentias nostras ipsi districte corrigendo, ad iustitiae formam mores nostros instituerimus, profecto, superna virtute auxiliante, et inimicorum rabies cito peribit et diu desideratam pacem atque securitatem aeclesia sancta recipiet. Quare vobis specialiter, qui in sacerdotalis regiminis apice praesidetis, nunc loquimur, ad quorum sollicitudinem subditorum vita pertinere dinoscitur et quos de commissi gregis cura in venturo examine rationem reddere convenit: ut subiectorum actus et conversationem, nulla gratia vel timore praepediente, diligenter inspiciatis; et discrete correctionis acie, quae amputanda sunt, resecare, secundum quod

1. Sikelgaitam.

2. Job 5, 6.

a. fit om. cod.

a matre vestra sancta Romana aecclesia accepistis, non negligatis; illud propheticum in memoria semper habentes: *Sacrificare sacrificium iustitiae, et sperate in Domino*¹. De cetero dilectionem omnium vestrū monemus atque hortamur: fiduciam vestrā in Domino et in potentia virtutis eius constituite. Quoniam fini appropinquavit adversariorum malitia; ita ut, qui desperantes in Dominum et sanctam Romanam omnium matrem ecclesiam se extulerunt, temeritatis penas, haud multum tardante merita ruina, persolvant. Nonnulli tamen, quod de cunctis optarēmus, per misericordiam Dei de errore suo et iniquitatis via penitentes ad gremium matris convertentur aecclesiae. Datum 10 Kalendas Octobris.

VIII 10. *Orzoccum iudicem Caralitanum laudat, quod Wilhelmum episcopum Populoniensem, legatum suum, reverenter tractaverit. Ne moleste ferat, quod Iacobum archiepiscopum coegerit, ut barbam Romano more raderet. Promittit, se regionis eius occupandae licentiam nemini daturum esse.*

Gregorius episcopus servus servorum Dei glorioso iudici Ca- 1080
ralitano Orzocco salutem et apostolicam benedictionem. Oct. 5

Gratias omnipotenti Deo referimus, quod tua sublimitas, beatum Petrum recognoscens, debitum honorem et reverentiam legato nostro Populoniensi episcopo W(ilhelmo) exibuit. Ac proinde ita devotionem tuam in illo suscipimus, quasi nobis immo beato Petro praestiteris, dicente Domino: *Qui vos recipit, me recipit*². Dilectionem ergo tuam monemus, ut ea, quae a prafato legato nostro atque Azone prudenti viro audivisti, alta memoria semper retineas, si et tui memoriam in nobis ante Deum iugiter inesse desideras. Nos enim memorati episcopi hortatu et precibus, qui se a te reverenter susceptum honorificeque tractatum testatur, apud illum, cuius vice licet indigni fungimur, te in mente specialiter deinceps habere optamus.

Nolumus autem prudentiam tuam moleste accipere, quod archiepiscopum vestrū³ Iacobum consuetudini sanctae Romanae

1. Ps. 4, 6. 2. Matth. 10, 40. 3. Caralitanum.

1080 aecclesiae, matris omnium ecclesiarum vestræque specialiter,
 Oct. 5 oboedire coegimus: scilicet ut, quemadmodum totius occidentalis
 aecclesiae clerus ab ipsis fidei christianaæ primordiis barbam ra-
 dendi morem tenuit, ita et ipse frater noster, vester archi-
 episcopus, raderet. Unde eminentiae quoque tuae praecipimus:
 ut, ipsum ceu pastorem et spiritualem patrem suscipiens et
 auscultans, cum consilio eius omnem tuae potestatis clerum bar-
 bas radere facias atque compellas; res quoque omnino rennuen-
 tium, nisi demum consenserint, publices, id est iuri Caralitanae
 aecclesiae tradas, et ne ulterius inde se intromittant constringas;
 nec non ipsum ad honorem ecclesiarum defendendum promtis-
 sime adiuves.

Praeterea nolumus, scientiam tuam latere: e^a nobis terram
 vestram a multis gentibus esse petitam; maxima servitia, si eam
 permitteremus invadi, fuisse promissa, ita ut medietatem totius
 terrae nostro usui vellent relinquere partemque alteram ad fide-
 litatem nostram sibi habere. Cumque hoc non solum a Normanniis et a Tuscis ac Longobardis sed etiam a quibusdam ultra-
 montanis crebro ex nobis esset postulatum, nemini in ea re
 unquam assensum dare decrevimus, donec, ad vos legatum no-
 strum mittentes, animum vestrum deprehenderemus. Igitur, quia
 devotionem beato Petro te habere in legato suo monstrasti, si
 eam, sicut oportet, servare volueris, non solum per nos nulli
 terram vestram vi ingrediendi licentia dabitur, sed etiam, si
 quis attemptaverit, et saeculariter et spiritualiter prohibebitur a
 nobis ac repulsabitur. Auxilium denique beati Petri, si in ipsis
 fidelitate perseveraveritis, procul dubio, quod non deerit vobis
 et hic et in futurum, promittimus. Datum 3 Nonas Octobris.

VIII 11. *Inge regi Sueonum scribit, gaudere se, quod sacerdotes
 Gallicani regnum eius ingressi sint. Episcopum aut cleri-
 cum mitti ad se cupit, qui mandata apostolica suscipiat.*

1080 Gregorius episcopus servus servorum Dei I(n)e glorioso
 Oct. 4 Suetonum regi salutem et apostolicam benedictionem.

a. e addidi; cf. infra: a Normannis — ex nobis esset postulatum.

Quoniam regni tui terram quosdam sacri verbi ministros fuisse ingressos audivimus, noverit excellentia tua, nos in Domino multum laetari; deinceps quoque de salutis vestrae reparatione plurimum spei indubitanter habere. Gallicana siquidem aecclesia non vos alienis documentis instruxit, sed, quod de thesauris matris suae sanctae Romanae aecclesiae accepit, salubri vobis eruditione contradidit. Quapropter, ut christiana religionis et doctrinae gratiam obtineatis uberiorem, volumus: celsitudinem tuam aliquem vel episcopum vel idoneum clericum ad apostolicam sedem dirigere, qui et terrae vestrae habitudines gentisque mores nobis suggerere, et apostolica mandata, de cunctis pleniter instructus, ad vos certius queat referre. Interim vero monemus: ut prudentia tua commissum sibi regnum in concordiae iustitiaeque custodia dirigat atque disponat; ac ita circa subiectos pacis iura et aequitatis distinctionem servare inter caetera virtutum studia satagat, quatinus per temporalis regiminis sollicitudinem mereatur aeterni percipere securitatem, et cum iustis vocem, totius iocunditatis plenam, in extremo examine digne possit audire: *Venite, benedicti patris mei, percipite regnum, quod vobis paratum est ab origine mundi*¹. Data 4 Nonas Octobris.

VIII 12. *Tuscanos, Firmanos, Ravennates hortatur, quaerant,
qui sufficiatur in locum Wiberti archiepiscopi Ravennatis
iam diu anathematizati.*

Gregorius episcopus servus servorum Dei omnibus episcopis abbatibus clericis atque laicis in marchia Toscana, Firmana et in exarchatu Ravennati constitutis, qui sanctae Romanae aecclesiae sicut christianos oportet oboediunt, salutem et apostolicam benedictionem.

Prudentiae vestrae notum esse non dubitamus: quanto religionis cultu sancta Ravenna aecclesia pollere quantisque rerum necessiarium copiis solita sit praeteritis annis affluere, quodque magis illius interest, quam speciali dilectione matri suae sanctae Romanae aecclesiae ab ipso fidei christiana principio semper

1. Cf. Matth. 25, 34.

1080
Oct. 4

1080
Oct. 15

1080 adheserit. Cuius antiquum decus in spiritualibus et saecularibus
 Oct. 15 profecto cum reminiscimur, non sine gravi merore eam in tanta
 devastatione laborantem nunc cernimus; et, ut apertius intelligatis*, certe, pervasorem destructoremque ipsius W(ibertum) di-
 ctum archiepiscopum ita religionem eius disperdidisse et bona
 dilapidasse, non minori fere dolore sufferimus, quam si idem
 sancte Romanae aeccliae pro audacia sua fecisset. Verum cum
 caetera facta illius perpenduntur, haec non tantopere miranda
 videntur. Quippe qui periurium de inobedientia et infidelitate
 committere non timuit; quique contra ipsam apostolicam sedem,
 cui peieraverat, conspirare pro minimo habuit, eamque invadere
 cogitans, eodem modo dissipare vehementissime cupiit. Homo
 superbissimus, nefandorum scelerum sibi conscius, cui mirum
 debet videri, si, adepta potestate, ubi licuit, ita se habuit? Sed
 illius facinora commemorare supersedeo, quae per totum fere
 Romanum orbem se prodiderunt; pro quibus ipse in sancta syn-
 odo, Romae cœlebrata, omnium episcoporum qui aderant con-
 sona sententia iam ex triennio gladio anathematis sine spe re-
 cuperationis percussus est¹; ea non praeterierunt notitiam ve-
 stram. Prephatam igitur Ravennatem ecclesiam de manibus
 violentis eripere et ad pristinum statum pro officio, quod licet
 indigni gerimus, reducere cupientes, talem personam eligendam
 atque in ea praeficiendam fore censuimus, cuius religio nec non
 prudentia Deo favente et interius lumen in ea sanctitatis refor-
 mare et exteriorum rerum damna norit studeatque reficere. Quam
 ob rem nos, in huius nostrae necessariae dispositionis effectu
 vestro plurimum egentes auxilio, invitamus rogamus atque apo-
 stolica auctoritate vobis praecipimus: ut, in restauratione illius
 antiquitus sanctae aeccliae omnes unanimiter consensum et
 pro posse adiutorium tribuentes, eam de servili oppressione immo
 tyrannica servitute eripere et priscae libertati restituere nobis-
 cum procuretis, ac in reperiendo idoneam illi regimini personam
 summopere laborantes invigiletis. Quicunque enim in hac re
 studium devotionis impenderint, non dubie credimus eos et apo-

1. V. supra p. 305.

a. sic cod.

stolicam gratiam promerituros et apud divinam clementiam patrum sibi beatum Apolinarem, si in bonis perseveraverint, certissime acquisituros. Datum Idus Octobris.

VIII 13. *Ravennates monet, ut novum archiepiscopum in Wiberti locum subrogent.*

Gregorius episcopus servus servorum Dei omnibus clericis et laicis Ravennae morantibus, qui beatum A(polinarem) diligit et sanctae Romanae aeccliae sicut christianos oportet oboediunt, salutem et apostolicam benedictionem.

Credimus non latere vestram scientiam: Ravennatem ecclesiam sedi apostolicae prae caeteris vicinius herere solitam fuisse, eamque, specialiter ab ipsa dilectam, quicquid dignitatis et honoris antiquitus per beatum A(polinarem) tenuit, munere scilicet praefate sedis concessum habuisse. Postquam vero superbiae auctor et discordiae seminator diabolus per membra sua eandem ecclesiam, contumacia interveniente, a Romana divisit, quae dampna, quae detimenta non modo religionis sed etiam bonorum suorum vestra pertulerit, maximeque per tyrannidem W(iberti) dicti archiepiscopi quantam in utraque re destructionem perpessa sit, satis vos ipsi novistis. Et huius quidem tanto vesaniorem dilacerationis morsum sustinuit, quanto eum desperantiorum inpurior conscientia retrorsum abire¹ subegit. Denique scelerosus sacrilegus atque periurus, postquam ob huiusmodi nefaria in universali synodo, cunctis qui aderant episcopis consentientibus atque laudantibus, digna suis moribus dampnationis animadversione mulctatus est, non confestim resipiscens ad sani cordis consilium rediit, sed, patrem suum diabolum imitans sibique iram in die irae thesaurizans², quicquid gravius cogitare, quicquid superbissimum potuit audere, molitus est. Et quia, se unam ex nobilissimis aeccliam vestram ex maxima parte destruxisse, parum existimabat, sanctam Romanam sedem, sicut omnes aperte norunt, invadere secumque eam in ruinam et praecipitum trahere est meditatus. Proinde, quoniam nos pro eminentia loci, cui

1. Ierem. 15, 6.

2. Rom. 2, 5.

1080 Deo auctore quamvis indigni praesidemus, cum sollicitudinem
 Oct. 15 nostram monemur universis extendere tum circa quodammodo
 nobis coniunctiores diligentius compellimur invigilare, aecclesiae
 vestrae devastationem non alienam putantes sed quasi nostrae
 cuius specialis filia est condolentes, cum consilio atque auxilio
 omnium vestrum, qui Deum timetis, volumus et desideramus ad
 antiquum specimen et religionis statum, in quantum Domino
 largiente poterimus, eam reducere. Igitur illo putrido membro
 gladio excommunicationis exciso atque ita, ut inter sacerdotes
 etiam in aeternum non debeat conumerari, deposito, dilectionem
 vestram monemus ac pro salute vestra rogamus: ut toto affectu
 mentisque intentione talem personam una cum confratribus no-
 stris episcopis et archidiacono caeterisque diaconis, quos propterea
 ad vos nostra vice direximus, studeatis eligere, quae tanto hono-
 ri, scilicet vestri archiepiscopatus regimini, secundum Deum
 videatur competere. Non ulterius ecclesiam vestram ancillari,
 servitute opprimi ab impiis manibus patiamini; sed sicut boni
 filii eam nobiscum in maternam, hoc est Romanae aecclesiae,
 libertatem vendicare satagite; quatinus et honorem Dei, dum
 sponte eius sanctae aecclesiae libertatem diligitis, vos ostendatis
 amare, et aeternae beatitudinis hereditatem quasi liberi filii me-
 rito possitis et debeatis sperare. Datum Idus Octobris.

VIII 14. *Ravennates, Pentapolenses, Firmanos, Spoletanos hor-
 tatur, ut Richardo archiepiscopo Ravennati opem ferant
 contra Wibertum.*

1080 Gregorius episcopus servus servorum Dei omnibus episcopis
 Dec. 11 abbatibus comitibus atque militibus in parrochia Ravennati et
 in Pentapoli nec non et in marchia Firmana et in ducatu Spo-
 letino commorantibus, illis videlicet qui beatum Petrum diligunt
 neque vinculis excommunicationis tenentur, salutem et apostoli-
 cam benedictionem.

Notum vobis esse credimus, fratres karissimi: quia ubique
 terrarum religiosi viri clerici et laici per gratiam Dei nos dili-
 gunt, et ea, quae dicimus sive praecipimus, libenter approbant

et oboedienter suscipiunt, illi videlicet, qui iustitiam discernunt et intentionem nostram cognoscunt; inimici autem crucis Christi, immo hostes animarum suarum, in nos insurgere et, dementiae caecitate perculti, contra salutem suam sanctam aecclesiam conculcare conantur. Quod multum profecto gaudemus intuentes, illos qui Deum diligunt rebus nostris favere; et non hos, sed illos dumtaxat, qui animam suam oderunt¹, inimicos nobis existere. Quorum quidem odium hac maxime de causa, sicut vos scitis, incurrimus, quia ipsos de laqueis diaboli eruere et ad sinum matris ecclesiae reducere curavimus. Vos itaque, quos ab illorum perfidia remotos et alienos existimamus, oportere nunc credimus, ut qualem habeatis animum circa nos immo beatum Petrum, cuius vice licet indigni fungimur, demonstretis, et si, quemadmodum arbitramur, vos fideliter geritis, manifestis indiciis, cum tempus adest et res expostulat, declareritis. Est autem, in quo devotionem vestram egregie potestis ostendere: si decreta atque statuta sedis apostolicae pro posse vestro studetis atque satagitatis adiuvare. Igitur Ravennatem archiepiscopum fratrem nostrum R(ichardum), quem post longas et innumeratas pervasorum occupationes nuperrime, sicut olim a beato Petro Apollinarem, ita hunc Ravennas ab ecclesia Romana meruit accipere, studium vobis sit, tum propter amorem sanctissimi martyris eius sede et reliquiis illa decoratur ecclesia tum propter apostolicae sedis debitam reverentiam, consiliis et auxiliis vestris confirmare, atque ei contra illius sancti loci sacrilegum damnatumque devastatorem W(ibertum) modis omnibus subvenire. Precipimus namque, ut iuxta consilium legati nostri, qui defert has litteras, predicto fratri nostro archiepiscopo consilium et auxilium vestrum ita firmiter promittatis, ut, dum inimici audierint, rebus suis cogantur et iure possint timere, cum vero amici et fideles nostri cognoverint, una nobiscum de promissis vestris certissime queant sperare. Datum 3 Idus Decembris.

1. Ps. 10, 6.

1080
Dec. 11

VIII 15. *Valvensibus praecipit, ut Transmundum episcopum pro invasore habeant. Iohannem subdiaconum, legatum suum, commendat.*

1080 Dec. 12 Gregorius episcopus servus servorum Dei omnibus in episcopatu Valvensi habitantibus, maioribus atque minoribus sive potestatem in eo habentibus, qui gratiam beati Petri cupiunt, salutem et apostolicam benedictionem.

Transmundus, vester dictus episcopus, ad nos venit; quem nimirum nos duris verbis increpuimus, propterea quod episcopatum sine ratione dimiserat. Precepimus etiam illi propter istam stultitiam: ut de episcopatu se deinde non intromitteret; set iret ad Montem Casinum, ibique tandiu esset, donec cum ipso praefati loci abbat¹ aliisque religiosis et prudentibus viris consilium caperemus, quid de illo et vestra ecclesia esset faciendum. Quod nostrum praeceptum, sicut audivimus, contempnens et per inobedientiam idolatriae scelus incurrens², ausus est ecclesiam interdictam ad augmentum malitia sua pervadere, eamque nunc pertinaciter non metuit occupare. Proinde apostolica auctoritate praecipimus vobis: ut, si gratiam Dei et beati Petri diligentis animarumque vestrarum periculum timetis, nullus vestrum episcopalem reverentiam illi exhibeat; sed, bona ecclesiae de manibus illius eripientes, eum sicut invasorem habeatis et res ecclesiae, ne distraere valeat, a potestate ipsius defendatis. Nichilominus quoque mandamus: ut huic legato nostro Iohanni subdiacono, quem ad hoc vobis direximus, auxilium in his quae necessaria fuerint praebeatis; quatinus ipse una vobiscum, quae in hac re facienda sunt, melius possit implere. Datum 2 Idus Decembris.

VIII 16. *Raimundum et Bertrandum comites S. Egidii hortatur, ut Dalmatio archiepiscopo Narbonensi opitulentur contra Petrum ecclesiae invasorem.*

1080 Dec. 23 Gregorius episcopus servus servorum Dei R(aimundo)³ et B(ertrando)⁴ nobilibus comitibus salutem et apostolicam benedictionem.

1. Desiderio. 2. 1 Reg. 15, 23. 3. comiti S. Egidii, post IV comiti Tolosano. 4. filio Raimundi comitis S. Egidii.

Quantum domus vestra beatum Petrum iam dudum dilexerit quantumque ipsi fidelis extiterit, profecto non modo apud vos scitur, sed etiam in pluribus diversarum gentium partibus notum habetur; unde et de inimicis victoriam et pre ceteris paribus suis honorem et gloriam hactenus obtinuisse longe lateque dinoscitur. Quia vero parentum vestrorum sicut nobilitatis linneam ita quoque probitatum studia vos imitari cognovimus, pro certo valde laetamur et, ut devotum animum circa beatum Petrum et matrem omnium sanctam Romanam ecclesiam semper geratis, salubriter hortamur atque monemus. Cuius vos dilectionem tenere, procul dubio in nullo melius potestis ostendere, quam si, inter caetera bona quae debetis agere, sanctam ecclesiam procuratis iuvare atque defendere. Itaque saluti vestræ praecipue providentes, rogamus et ex parte beati Petri praecipimus vobis: ut, Narbonensi ecclesiae, iam ex longo tempore a membris diaboli pervasae, prompte subvenientes, fratrem nostrum Dalmatium archiepiscopum, quem tandem canonice et secundum Deum electum et ordinatum meruit accipere, modis omnibus studeatis adiuvare; illi vero pervasori¹, qui, non per ostium ut pastor sed aliunde ut fur et latro ingressus², oves Christi mactat et perdit³ immo diabolo tradit, modis quibus potestis resistite, si gratiam omnipotentis Dei desideratis obtainere. Agite ergo et omnino procurate, beatum Petrum apostolorum principem vobis adiutorem immo debitorem facere; qui potest vobis huius vitae et futurae salutem et honorem dare vel tollere, quique nescit fideles suos relinquere, sed potius novit superbis resistere et confundere, humilibus autem gratiam dare⁴ eosque exaltare. Data 10 Kalendas Ianuarii.

VIII 17. *Remenses hortatur, ut, adhibito Hugone episcopo Diensi, in locum Manassis I archiepiscopi damnati alium eligant.*

Gregorius episcopus servus servorum Dei universo Remensis ecclesiae clero et populo salutem et apostolicam benedictionem. 1080 Dec. 27

Non dubitamus, ad notitiam vestram pervenisse, quod Manases⁵, olim dictus archiepiscopus vester, synodalem dampnationis

1. Petro. V. supra p. 399. 2. Ioh. 10, 1. 3. Ioh. 10, 10.
4. Iac. 4, 6. 5. I.

1080 suae sententiam, exigentibus culpis suis, adiudicante confratre
 Dec. 27 nostro Diensi episcopo¹, sanctae Romanae ecclesiae legato, sub-
 ierit. Quam utique diligenter perscrutantes et pro magnitudine
 iniquitatum eius iustissimam fuisse approbantes, eo tenore in
 Romana synodo confirmavimus rogatu multorum fratrum: ut,
 concessis sibi induciis, si posset, ad expurgandum se de obiectis
 veniendi licentiam haberet ac liberam de se agendi facultatem;
 ita tamen, ut interim regimini ipsius ecclesiae cederet et in Clu-
 niacensi vel in aliquo religioso monasterio degeret; ut, cuius
 obedientiae quantaeque humilitatis esset, probaretur. Verum,
 sicut ipsi scitis, non solum huic diffinitioni non obedivit, sed
 ad contemptum interdictionis nostrae ecclesiam vestram invadere
 ac impudenti devastatione confundere praesumpsit, utpote quam
 non per hostium ut pastor, sed aliunde ut fur et sevissimus
 praedo intravit², ad hoc scilicet, ut gregem dominicum mactet
 et perdat³, non ut vigilantia pastoris protegat et defendat. Si-
 quidem adeo in immensum actuum suorum tetendit iniquitas, ut
 dignissime dampnationi atque excommunicationi subiaceat, ita ut
 in perpetuum nullam restitutionis suaे spem concipere debeat.
 Quapropter apostolica vos auctoritate monemus, ut perversis
 actibus eius in nullo communicetis, immo, ut tollatur de medio
 vestrum et in interitum carnis suaे tradatur sathanae, ut spiritus
 salvus sit⁴, sibi modis omnibus resistatis. Detis etiam operam,
 ut communi consilio parique voto, assentiente vobis praedicto con-
 fratre nostro Diensi episcopo, patrem vobis secundum Dominum
 eligatis, qui ecclesiae vestrae, diutina pseudopastorum improbi-
 tate laboranti, valeat subvenire et antiquam sui libertatem Christo
 auxiliante vobiscum reparare. Datum 6 Kalendas Ianuarii.

VIII 18. *Ebolo II comiti de Roceio praecipit, ut Manassi I
 deiecto archiepiscopo Remensi obsistat successorique eli-
 gendo auxilium ferat.*

1080 Gregorius episcopus servus servorum Dei Ebolo⁵ nobili et
 Dec. 27 glorioso comiti salutem et apostolicam benedictionem.

1. Hugone. 2. Ioh. 10, 1. 3. Ioh. 10, 10. 4. 1 Corinth. 5, 5.
 5. II comiti de Roceio. V. supra p. 15 n. 1 et 2.

Sicut prudentia tua meminisse potest, nos longo tempore 1080
Dec. 27 praeter voluntatem tuam virorumque religiosorum, qui ipsum noverant, Manassem¹ dictum Remensem archiepiscopum dissimulavimus, eumque putantes correctionis suae curam habere, diu profecto portavimus. Verum ille, patientia nostra abusus et, quod evidenter apparet, ex conscientia prava in desperationis foveam lapsus, non solum se praetensa mansuetudini ingratum exhibuit, sed etiam in reliquum misericordia sancti Petri indignum se fecit; scilicet ut, cuius in depositione sententiam vicarii nostri Hugonis Diensis episcopi in concilio Lugdunensi prolatam approbatamque ad terminum nos distulerimus, deinceps in perpetuum firmam esse et ratam ipsumque sine spe recuperationis depositum adiudicemus. Quapropter eum inrevocabili iudicio episcopalis sedis regimine privatum esse tuae celsitudini denunciantes, monemus atque ex parte beati Petri praecipimus: ut tam te ipsum a pestifera amicitia illius a modo retrahas, quam et alios quos potes ab eo custodire se doceas. Ut autem gratiam Dei et beati Petri largius merito queas sperare, studium sollertiae tuae non desit: tam per te ipsum quam et per quoscumque vales praefato deposito pro magnitudine tua resistere; illumque archiepiscopum, quem saniori consilio pars cleri melior cum consensu praedicti legati nostri, Hugonis videlicet episcopi Diensis, illi sedi elegerit, modis omnibus adiuvare. In hac igitur re ita te devotum et obsequenter mandatis apostolicis aperte demonstres, quemadmodum tuis in necessitatibus fideles tuos existere cuperes. Et sicut a fidelibus tuis non impune tergiversationem tibi fieri summis in negotiis ferres, ita procures respectu beati Petri, ad quem spectat totius ecclesiae causa, rem hanc ex animo gerere; quatenus et hic eum protectorem et in futuro patronum ex debito merearis habere. Data 6 Kalendas Ianuarii.

VIII 19. *Ecclesiae Remensis suffraganeos obedientia Manassis I archiepiscopi solvit. Mandat, ut successorem eligendum curent.*

Gregorius episcopus servus servorum Dei omnibus episcopis 1080
Dec. 27
1. I.

1080 suffraganeis videlicet sanctae Remensis ecclesiae, his tamen, qui
 Dec. 27 se ab excommunicatis custodiunt, salutem et apostolicam benedictionem.

Notum esse fraternitati vestrae credimus, quod nos iniquitates Manasse, dicti Remensis archiepiscopi, longo tempore supportavimus, eumque sperantes de malitia sua converti, diu nimumque dissimulavimus. Sed quoniam beata Maria, cuius ille sedem perditus occupabat, noluit ecclesiam suam sceleribus illius diutius pollui; quae de eo graviora dudum latuerant, ad notitiam multorum eruperunt in lucem. Pro quibus ipse in Lugdunensi concilio, cui frater et vicarius noster Hugo Diensis episcopus praeerat, eodem dictante cunctisque fratribus religiosis qui aderant assentientibus, depositionis sententiam meruit. Eam itaque praefati conventus censuram, quam nos, apostolica mansuetudine utentes, subiuncto tenore temperaveramus, quoniam ille conscientia desperante in duritia sua inobedientiaeque contemptu voluit manere potius quam ad sani sensus consilium animum flectere, iam nunc ex apostolica auctoritate firmamus; atque inrecuperabiliter depositum esse in reliquum adiudicamus. Proinde fraternitatem vestram, ne ulterius illi episcopalem reverentiam debeat, absolvimus; immo apostolica auctoritate praecipimus, ut nemo ei quasi pastori obediat, sed quisque pro officio suo et viribus sicut invasori resistat. Quod nostrum, potius vero Spiritus sancti iudicium dilectio vestra studeat subditis sibi cunctisque quibus valet populis denunciare; et, ut ab eius participatione sibi caveant ipsumque modis quibus possunt coartent, non negligat caritas vestra monere. De cetero volumus et ex parte beati Petri iubemus: quatenus, exhibitis illius ecclesiae clericis, talis persona cum consensu praefati legati nostri Dienensis episcopi ut eligatur procuretis, quae tanto regimini digne competere videatur. Nos enim eam electionem, quam pars cleri et populi melior et religiosior consentiente praedicto nostro vicario fecerit, Deo favente firmantes apostolica auctoritate roboramus. Diligentia igitur vestra ita se in hac re pronam nobisque immo beato Petro obedientem exhibeat, ut, cognito studio

et vigilantia vestra, si quid in praeterito negligenter aut inobedienter deliquistis, merito propter hoc debeamus sufferre. Datum 6 Kalendas Ianuarii.

1080
Dec. 27

VIII 20. *Philippi I Francorum regis inventuti peccata condonat.*

Ne Manassi I remoto archiepiscopo Remensi favorem praestet neu successoris electionem impediri patiatur.

Gregorius episcopus servus servorum Dei Philippo glorioso 1080
regi Francorum salutem et apostolicam benedictionem. Dec. 27

Saepe per nuncios tuae celsitudinis audivimus, te gratiam beati Petri nostramque amicitiam eupere; quod et tunc nos libenter accepisse et adhuc, si eum animum geris, neveris admodum nobis placere. In hoc enim te tuae salutis amicum sollicitumque esse demonstras, si apostolicam benevolentiam, sicut christianum regem decet, assequi et obtinere desideras. Quam quidem hoc pacto adipisci multo facilis ac dignus poteris, si te in ecclesiasticis negotiis diligentem devotumque reverenter exhibueris. Qua in re procul dubio minus vigilanter multumque negligentius, quam sanum fuerit, olim habuisse te cerneris. Sed nos, adolescentiae tuae praeterita^a delicta spe correctionis tuae portantes, ut deinceps castigatis moribus ad ea quae oportet invigiles, ex debito officii nostri monemus. Igitur inter caetera virtutum studia regiae excellentiae convenientia, quae tibi inesse optamus — cum, te iustitiae amatorem misericordiaeque custodem existere, ecclesias defendere, pupillos viduasque protegere, sit necessarium — non minus ad internae salutis custodiam tibi esse pravorum consilia spernenda, maximeque excommunicatorum familiaritates detestandas, arbitramur atque asserimus. Unde sublimitati tuae ex parte beati Petri praecipimus ac ex nostra rogamus: ut Manasse, Remensi^b archiepiscopo dicto, sed propter suas iniquitates, quae non praetereunt scientiam tuam, inrecuperabiliter deposito, nullum ulterius favoris tui solacium praeebas; sed eum ita ab amicitia tua rescindas atque a conspectu praesentiae tuae contemptum repellas, ut te pateat, inimicos sanctae

a. praeterea cod.

b. Ramensi c.

1080 Dec. 27 ecclesiae videlicet excommunicatione induratos respondo, Deum diligere, apostolicisque mandatis morem gerendo, gratiam beati Petri veraciter desiderare. Preterea volumus et ex parte apostolica iubemus: ut electionem, quam praefatae Remensis ecclesiae clerus et populus Deo annuente facturus est, nullo ingenio aut studio, quominus canonice fiat, inpedias; sed et, si quis impedire aliquo studio saeculari temptaverit, illi omni modo contradicas; atque illi, quem pars fidelior et religiosior elegerit, adiutorium tuum impendas. Age igitur et, iam aetate vir factus, in hac re procura, ut non frustra tuae iuventutis culpis pepercisse nec in vanum te ad emendationem expectasse videamur. Ac maxime enitere: ut beatum Petrum, in cuius potestate est tuum regnum et anima tua, qui te potest in coelo et in terra ligare et absolvere, tibi facias debitorem; et non pro negligentia aut veritatis dissimulatione iudicium, sed pro diligentia iustitiaeque executione ipsius gratia eternum digne merearis auxilium. Datum 6 Kalendas Ianuarii.

VIII 20 a. *De synodo Romana.*

Concilium.

1081 Febr. Anno ab incarnatione Domini millesimo octuagesimo primo, pontificatus vero domni Gregorii septimi papae anno octavo, presidente eodem apostolico, celebrata est synodus Rome in basilica eiusdem salvatoris et redemptoris nostri Iesu Christi. In qua inter caetera sententiam depositionis archiepiscoporum Arelatensis¹ et Narbonensis^{a2} atque excommunicationis, per legatos apostolicae sedis promulgatam, dominus papa, his qui adherant collaudantibus, firmavit.

Heinricum quoque, omnes fautores eius, qui in praeterita excommunicatione animum induraverant, iterum excommunicavit.

Anathematizavit item Ildimundum et Landum Campaninos omnesque adiutores eorum.

Preterea suspendit ab^b officio quosdam episcopos, qui, ad concilium invitati, neque ipsi neque nuncii eorum pro ipsis venerunt.

1. Aicardi. 2. Petri.

a. Nabornensis c.

b. ab om. c.

VIII 21. *Herimanno episcopo Metensi respondet de iis, qui sedem apostolicam Heinrici IV regis excommunicandi ius habuisse negent.*

Contra^b illos, qui stulte dicunt, imperatorem excommunicari non posse a Romano pontifice. 1081
Mart. 15

Gregorius episcopus servus servorum Dei dilecto in Christo fratri Herimanno^c Metensi^d episcopo salutem et apostolicam benedictionem.

Quod ad perferendos labores ac pericula pro defensione veritatis te paratum intelligimus^e, divini muneris esse non dubitamus. Cuius haec est^f ineffabilis gratia et mira clementia^g, quod nunquam electos suos penitus aberrare permittit, nunquam funditus labefactari^h aut deici sinit; dum eos, persecutionis tempore quadam utili probatione discussos, etiam post trepidationem aliquam semet ipsisⁱ fortiores facit. Quoniam autem — sicut inter ignavos alium, quo turpius alio fugiat, timor exanimat — ita etiam inter strenuos alium, quo fortius alio agat quo^k ardenter prorumpat, virile pectus inflamat, hoc caritati tuae exhortationis voce curavimus commendare^l: ut eo magis in acie christianaee religionis stare te delectet inter primos, quo eos non dubitas victori Deo proximos atque dignissimos.

Quod autem postulasti, te quasi nostris scriptis iuvari ac praemuniri contra illorum insaniam, qui nefando ore garriunt: auctoritatem sanctae et^m apostolicae sedis non potuisse regem Henricum, hominem christianaee legis contemptorem, ecclesiarumⁿ videlicet et imperii destructorem atque hereticorum auctorem et consentaneum, excommunicare, nec quemquam a sacramento fidelitatis eius absolvere, non adeo necessarium nobis videtur; cum huius rei tam multa ac certissima documenta in sacrarum scripturarum paginis reperiantur. Neque enim^o credimus, eos, qui ad

a. Legitur etiam 2) ap. Hugonem Flaviniac., Mon. Germ. SS. VIII 453, 3) ap. Udalricum Babenberg. n. 156, Eccardi Corp. hist. II 158, 4) ap. Brunonem de bello Sax., Mon. Germ. SS. V 356. b. Contra — pontifice om. 2, 3, 4. c. om. 2, N. 4. d. om. 4. e. intelleximus 3. f. et add. 3. g. om. 2. h. labefactori cod. i. ipsis cod. k. quo — prorumpat om. 3. l. intonare 2. m. et om. 4. n. ecclesiarum — destructorem om. 2. o. autem 3.

1081 cumulum suae damnationis veritati impudenter detrahunt et
 Mart. 15 contradicunt^a, haec ad suae defensionis audaciam tam ignorantia,
 quam miserae desperationis recordia^b, coaptasse^c. Nec mirum.
 Mos est enim^d reproborum, ob suae nequitiae protectionem niti^e,
 consimiles sibi defendere; quia pro nichilo habent, mendatii^f per-
 ditionem incurre.

Nam, ut de multis pauca dicamus, quis ignorat vocem domini ac salvatoris nostri^g Iesu Christi dicentis in euangelio: *Tu es Petrus, et super hanc petram aedificabo ecclesiam meam, et portae inferi non praevalebunt adversus eam; et tibi dabo claves regni coelorum; et quodcunque ligaveris super terram, erit ligatum et in coelis, et quodcunque solveris super terram, erit solutum et in coelis*¹. Nunquid sunt hic reges excepti? aut non sunt de ovibus, quas filius Dei beato Petro commisit²? Quis, rogo, in hac universalis concessionis ligandi atque solvendi a potestate Petri se exclusum esse^h existimat, nisi forte infelix ille, qui, iugum Domini portareⁱ nolens, diaboli se subicit oneri, et in numero ovium Christi esse recusat? Cui tamen hoc ad miseram libertatem minime^k proficit^l, quod potestatem Petri, divinitus sibi^m concessam, a superba cervice executit; quoniamⁿ, quanto eam quisque per elationem ferre abnegat, tanto durius ad damnationem suam in iudicio portat.

Hanc itaque divinae voluntatis institutionem, hoc firmamentum dispensationis ecclesiae^o, hoc privilegium, beato Petro apostolorum principi coelesti decreto principaliter traditum atque firmatum, sancti patres cum magna veneratione suscipientes atque servantes^p, sanctam Romanam aeccliam tam in generalibus conciliis quam etiam in^q ceteris scriptis et gestis suis universalem matrem appellaverunt. Et sicut eius documenta in confirmatione fidei et^r eruditio sacrae religionis, ita etiam iudicia suscepserunt; in hoc consentientes et quasi uno spiritu et una

a. Deo add. 3. b. verecundia 2. c. captasse 3. d. autem 3. e. om. 4.
 f. mendacio 2. g. nostri — Christi om. 2. 3. h. om. 3. i. ferre 3. k. pro minimo 3. l. sufficit 2. m. om. 2. n. quum 2, quam 3. o. divinae 3.
 p. suscepserunt et servaverunt et 3. q. om. 2. r. et — religionis om. 3.

1. Matth. 16, 18. 19. 2. Ioh. 21, 17. 3. Cf. Matth. 11, 30.

voce concordantes: omnes maiores res et praecipua negocia nec non^a omnium ecclesiarum iudicia ad eam quasi ad matrem et caput^b debere referri; ab ea^c nusquam appellari, iudicia eius a nemine retractari aut^d refelli debere vel posse. Unde beatus Gelasius papa Anastasio imperatori scribens¹, divina fultus auctoritate, quid et qualiter de principatu sanctae et apostolicae sedis sentire^e deberet, hoc modo eum instruxit: *Etsi inquit cunctis generaliter sacerdotibus recte divina tractantibus fidelium convenit colla^f submitti, quanto potius sedis illius praesuli consensus est adhibendus, quem cunctis sacerdotibus et divinitas summa voluit praeminere, et subsequens ecclesiae generalis iugiter pietas celebravit. Ubi prudentia^g tua evidenter advertit, nunquam quolibet penitus humano consilio aequare se quemquam posse illius privilegio vel confessioni, quem Christi vox praetulit universis, quem ecclesia veneranda confessa semper est et habet devota primatem.* Item Iulius papa, orientalibus episcopis scribens, de potestate eiusdem sanctae et apostolicae sedis ait²: *Decuerat vos, fratres, adversus sanctam Romanam et apostolicam ecclesiam limate et non yronice loqui; quoniam et ipse dominus noster Iesus Christus, eam decenter allocutus, ait: „Tu es Petrus, et super hanc petram aedificabo aeclesiam meam, et portae inferi non prevalebunt adversus eam; et tibi dabo claves regni coelorum“.* Habet enim potestatem singulari privilegio concessam, aperire et claudere ianuas regni coelestis, quibus voluerit. Cui ergo aperiendi claudendique coeli data potestas est, de terra iudicare non licet? Absit. Num^h retinetis, quod ait beatissimusⁱ Paulus apostolus^k: *Nescitis, quia angelos iudicabimus?* quanto magis saecularia³. Beatus quoque Gregorius papa reges a sua dignitate cadere statuit, qui apostolicae sedis decreta violare prae-
sumpserint, scribens^l ad quendam Senatorem abbatem his verbis⁴:

a. et add. 2. b. omnium add. 3. c. eam 2 pro ab ea. d. aut — posse om. 2. e. se dissentire 2 pro sentire. f. corda ap. Mansi. g. pietas ap. Mansi. h. Non 3. i. beatus 4. k. om. 3. l. scribens — temptaverit om. 3.

1. Regesta pont. Rom. n. 387, Mansi VIII 31. 2. in epist. Pseudo-isidoriana. V. Decretales Pseudo-isidoriana ed. Hinschius p.464. 3. 1 Cor. 6, 3. 4. S. Greg. registri L. XIII ep. 8, Opp. ed. Benedictini T. II 1223.

1081 Mart. 15 *Si quis vero regum sacerdotum iudicum atque saecularium personarum hanc constitutionis nostrae paginam agnoscens, contra eam venire temptaverit, potestatis honorisque sui dignitate carreat, reumque se divino iudicio existere de perpetrata iniquitate cognoscat; et nisi ea, quae ab illo sunt male ablata, restituerit, vel digna poenitentia illicite acta defleverit, a sacratissimo corpore ac sanguine domini redemptoris nostri Iesu Christi alienus fiat atque in aeterno examine districtae ultioni subiaceat.*

Quodsi^a beatus Gregorius, doctor utique mitissimus, reges, qui statuta sua^b super unum^c xenodochium violarent, non modo deponi sed etiam excommunicari atque in aeterno examine dampnari decrevit, quis nos H(enricum)^d, non solum apostolicorum iudiciorum contemptorem verum etiam ipsius matris ecclesiae, quantum in ipso est, conculcatorem totiusque regni et ecclesiarum^e improbissimum praedonem et atrocissimum destructorem, deposuisse et excommunicasse reprehendat^f, nisi forte similis eius? Sicut beato Petro^g docente cognovimus in epistola^h de ordinatione Clementis, in qua sic ait: *Si quis amicus fuerit iis, quibus ipse — de eodem Clemente dicens — non loquitur, unus est et ipse ex illis, qui exterminare Dei ecclesiam volunt; et cum corpore nobiscum esse videatur, mente et animo contra nos est, et est multo nequior hostis hic, quam illi, qui foris sunt et evidenter inimici. Hic enim per amicitiarum speciem, quae inimica sunt, gerit; et ecclesiam dispergit ac vastat.* Nota ergo, carissimeⁱ, si^j eum, qui^k amicitia vel colloquio iis, quibus papa pro actibus suis aversus est, sociatur^l, tam graviter iudicat, quanta illum ipsum, cui pro actibus suis aversus est, animadversione dampnat.

Sed ut ad rem redeamus; itane dignitas, a saecularibus — etiam^m Deum ignorantibus — inventa, non subicietur ei dignitati, quam omnipotentisⁿ Dei providentia^o ad honorem suum invenit

a. Quare 3. b. non modo add. 2. c. etiam add. 3. d. hunc 2. e. ecclesiae 3. f. reprehendit 3. g. hoc add. 3. h. dilectissime 3. i. quod 3. k. quem cod. l. coniungitur 3, associatur 4. m. etiam — ignorantibus om. 2. n. omnipotens 2. o. prudentia 3.

1. Pseudo-isidoriana Clementis, l. l. p. 36.

mundoque misericorditer tribuit? cuius filius — sicut deus et homo indubitanter creditur — ita summus sacerdos, caput omnium sacerdotum, ad dexteram Patris sedens et pro nobis semper interpellans¹, habetur; qui saeculare regnum, unde filii saeculi tument, despexit et ad sacerdotium crucis spontaneus venit. Quis nesciat: reges et^a duces ab iis habuisse principium, qui, Deum ignorantes, superbia rapinis perfidia homicidiis, postremo universis pene sceleribus, mundi principe diabolo videlicet agitante, super pares, scilicet homines, dominari caeca cupidine et intolerabili prae-
sumptione affectaverunt^b. Qui videlicet, dum sacerdotes Domini ad vestigia sua inclinare contendunt, cui rectius comparentur^c quam ei, qui est caput super omnes filios superbiae^d? qui ipsum summum pontificem, sacerdotum caput, Altissimi^e filium, temptans et omnia illi mundi regna promittens, ait: *Haec omnia tibi dabo, si procidens adoraveris me*^f. Quis^g dubitet: sacerdotes Christi^f regum et principum omniumque fidelium patres et magistros censeri. Nonne miserabilis insaniae esse cognoscitur: si filius patrem, discipulus magistrum sibi conetur subiugare, et ini quis obligationibus illum suae potestati subicere, a quo credit non solum in terra sed etiam in coelis se ligari posse et solvi. Haec, sicut beatus Gregorius in epistola ad Mauritium imperatorem directa^g commemorat, Constantinus Magnus^h imperator, omnium regum et principum fere totius orbis dominus, evidenter intelligens, in sancta Nycena synodo post omnes episcopos ultimus residens, nullam iudicii sententiam super eos dare prae-
sumpsit; sed illos etiam deos vocans, non suoⁱ debere subesse iudicio, verum se ad^j illorum pendere arbitrium^k iudicavit. Supradicto quoque Anastasio imperatori praelibatus papa Gelasius persuadens, ne ille intimatam suis sensibus veritatem arbitraretur iniuriam, subintulit dicens^l: *Duo sunt quippe, imperator auguste,*

a. et duces *om.* 2. b. affectaverint 3. c. comparantur 4. d. scilicet *add.* 2.
e. Quis — posse et solvi *legitur in Gratiani decr. P. I, Dist. 96, can. 9.* f. vel 3
pro Christi. g. *om.* 2. h. eos *add.* 2. i. ab 3. 4. k. iudicio 3. 4.

1. Rom. 8, 34. 2. Iob 41, 25. 3. Matth. 4, 9. 4. L. V ep. 40
al. L. IV ep. 31. Opp. ed. Benedictini II 767. 5. in epistola ap. Mansi VIII 31.

1081 Mart. 15 *quibus principaliter mundus hic regitur, auctoritas sacrata pontificum et regalis potestas; in quibus tanto gravius pondus est sacerdotum, quanto etiam pro ipsis regibus hominum^a in divino reddituri sunt examine rationem.* Et paucis interpositis, inquit: *Nostri itaque inter hec, ex^b illorum te pendere iudicio, non illas ad tuam velle redigi voluntatem.*

Talibus ergo institutis talibusque fulti auctoritatibus, plerique pontificum, alii reges, alii imperatores excommunicaverunt. Nam, si speciale aliquod de personis principum requiratur exemplum, beatus^c Innocentius papa Archadium imperatorem, quia^d consensit, ut sanctus Iohannes Chrisostomus a sede sua^e pelleatur, excommunicavit^f. Alius^g item Romanus pontifex, Zacharias^h videlicet, regem Francorum, non tam pro suis iniquitatibus quam pro eo, quod tantae potestati non erat utilis, a regno deponuit; et Pipinum Caroli Magni imperatoris patrem in eius loco substituit; omnesque Francigenas a iuramento fidelitatis, quodⁱ illi fecerant, absolvit. Quod etiam ex frequenti auctoritate saepe agit sancta ecclesia, cum milites absolvit a vinculo iuramenti, quod factum est his episcopis, qui apostolica auctoritate a pontificali gradu deponuntur. Et beatus Ambrosius, licet sanctus non tamen universalis ecclesiae episcopus, pro culpa, quae ab aliis sacerdotibus non adeo gravis videbatur, Theodosium Magnum imperatorem excommunicans ab aecclesia exclusit. Qui^j etiam in suis scriptis ostendit, quod aurum non tam pretiosius sit plumbo, quam regia potestate^k sit altior dignitas sacerdotalis, hoc modo circa principium sui pastoralis^l scribens: *Honor, fratres, et sublimitas episcopalis nullis poterit comparationibus adaequare.* Si regum fulgori compares et principum diademati, longe erit

a. hoūm cod. Domino ap. Mansi. b. ex addidi; ad — iudicium 2. c. om. 2.
d. quod 3. e. de ecclesia 2, de sua sede 3. f. Alius — gradu deponuntur sunt in Gratiani decret. II C. 15, qu. 6, can. 3. g. Zacharias videlicet addidit in cod. manus posterior; Stephanus 2; om. 4. h. illius 2 pro quod — fecerant. i. Quod 4.
k. dignitate 2. 3.

1. V. spuriam Innocentii I epistolam ap. Nicephorum Callistum Hist. eccl. L. XIII c. 34, Constant Epist. pont. Rom. appendix p. 905. 2. sive „De dignitate sacerdotali“ libri, S. Ambrosio suppositi. V. S. Ambrosii Opp. ed. Benedictini T. II appendix p. 359.

inferius, quam si plumbi metallum ad auri fulgorem compares; 1081
Mart. 15
quippe cum videoas regum colla et principum submitti genibus
sacerdotum et, exosculata eorum dextera, orationibus eorum cre-
dant se communiri; et post pauca: Haec cuncta, fratres, ideo nos
praemisisse debetis cognoscere, ut ostenderemus: nichil esse in hoc
saeculo excellentius sacerdotibus, nichil sublimius episcopis reperiri.

Meminisse etiam^a debet fraternitas tua: quia maior potestas exorcistae^b conceditur^b, cum spiritualis imperator ad abiciendos demones constituitur^c, quam alicui laicorum causa saecularis dominationis tribui possit. Omnibus nempe^e regibus et principibus terrae, qui religiose non vivunt et in actibus suis Deum ut oportet^d non metuunt, demones heu proh dolor dominantur et misera eos^e servitute confundunt. Tales enim^f, non divino ducti amore sicut religiosi sacerdotes ad honorem Dei et utilitatem^g animarum, praesesse cupiunt; sed ut intolerabilem superbiam suam ostentent^h animique libidinem expleant, ceteris dominari affectant. De quibus beatus Augustinus in libro primo de doctrina christianaⁱ dicit: *Cum vero etiam eis, qui sibi naturaliter pares sunt, hoc est hominibus, quilibet dominari affectat, intolerabilis omnino superbia est.* Porro^j exorcistae, ut diximus, super demones a Deo imperium habent^{k⁴}; quanto igitur magis^l super eos, qui demonibus subiecti et membra sunt demonum. Si ergo his tantum praeminent exorcistae, quanto amplius sacerdotes.

Praeterea omnis rex christianus ad exitum veniens, ut inferni carcerem evadat, ut de tenebris in lucem tendat, ut de

a. enim 2. b. committitur 3. c. quippe 2. d. opinor 3. e. eos *addidi ex* 3. f. igitur 3. g. salutem 2. h. ostendant 2. i. Porro autem cum exorcista 3. k. habeat 3. l. magis — exorcistae, quanto *om.* 2.

1. exorcistae ordo est tertius ex quatuor minoribus ordinibus ecclesiasticis (sc. ostiarii, lectoris, exorcistae, acolythi). 2. pontifex enim exorcistas ordinans: „Deum patrem“ inquit „deprecemur, ut hos famulos suos benedicere dignetur in officium exorcistarum, ut sint spirituales imperatores ad abiciendos daemones“. V. Pontificale Romanum, de ordinatione exorcistarum. 3. Lib. I c. 23. Opp. S. Augustini ed. Caillau IV 435. 4. pontificis exorcistas ordinantis haec etiam verba sunt: „Domine — benedicere dignare hos famulos tuos — ut imperium habeant spiritus immundos coercendi“. V. Pontificale Romanum l. l.

1081 Mart. 15 peccatorum vinculis^a in Dei iudicio absolutus appareat, sacerdotis opem supplex ac miserandus requirit. Quis autem non modo sacerdotum verum etiam laicorum, in extremis positus, pro sua^b animae salute terreni regis imploravit auxilium? Quis vero regum vel imperatorum aliquem christianum ex imposito sibi officio valet sacro babbismate ex diaboli potestate eripere et inter filios Dei connumerare sanctoque chrismate praemunire^c? Et quod maximum est in christiana religione, quis eorum valet proprio^d ore corpus et sanguinem Domini conficeret? Vel^e cui eorum data est potestas ligandi solvendique in coelo et in terra? Ex quibus aperte colligitur, quanta potestate praecellat dignitas sacerdotum. Aut quis eorum potest aliquem clericum in sancta aecclesia^f ordinare? quanto minus pro aliqua culpa eum depone. Namque in aecclesiasticis ordinibus maioris est potestatis, deponere quam ordinare. Episcopi enim^g possunt alias episcopos ordinare, sed nullo modo sine auctoritate apostolicae sedis deponere. Quis igitur, vel^h tenuiter sciolus, sacerdotesⁱ dubitet regibus anteferri^k? Quodsi reges pro peccatis suis a sacerdotibus sunt iudicandi, a quo rectius quam a Romano pontifice iudicari debent^l?

Ad summam, quoslibet bonos christianos multo convenientius, quam malos principes, reges intelligi decet. Isti enim^m, gloriam Dei querendo, seⁿ ipsos strenue regunt; at illi, non quae Dei sunt sed sua quaerentes^l, sibimet hostes, alias tyrannice opprimunt. Hi veri^o regis Christi, illi vero diaboli corpus sunt^p. Isti ad hoc sibi imperant, ut cum summo imperatore aeternaliter regnent; illorum vero id potestas agit, ut cum tenebrarum principe, qui rex est super omnes filios superbie^q, aeterna dampnatione dispereant^r.

Nec valde sane mirandum est^s, quod mali pontifices iniquo regi — quem, adeptis male per eum honoribus, diligunt me-

a. vinculo 2. b. sui cod.; om. 3. c. communire 3. d. christiano 2.
e. om. 3. f. in sanctam ecclesiam 2. g. om. 2, nunc 3. h. om. 2. i. episcopos vel sacerdotes 3. k. anteferre 4. l. sunt indicandi 4 pro iudicari debent.
m. igitur 3. n. semet 3. 4. o. vero cod. p. pereant 3. q. om. 2.

1. Cf. Philipp. 2, 21. 2. Cf. 1 Corinth. 12, 27. 3. Iob 41, 25.

tuuntque — consentiunt; qui, symoniace quoslibet ordinando, ¹⁰⁸¹ Mart. 15 Deum pro vili etiam pretio vendunt. Nam, sicut electi insolubiliter suo capiti uniuntur^a, ita et reprobi, maxime contra bonos, ei, qui malitiae caput est, pertinaciter foederantur. Contra quos profecto non tam disserendum quam pro eis est lacrimosis planetibus ingemendum^b: ut omnipotens Deus illos a laqueis sathanae, quibus captivi tenentur, eripiat et, vel post pericula, ad agnitionem veritatis tandem aliquando perducat.

Haec de regibus et imperatoribus, qui^c, saeculari gloria^d nimium tumidi, non Deo sed sibi regnant. Sed quia nostri est officii, unicuique secundum ordinem vel dignitatem, qua videtur vigere, exortationem distribuere, imperatoribus et regibus ceterisque principibus, ut elationes maris^e et superbiae fluctus comprimere^f valeant, arma humilitatis Deo auctore providere curamus. Scimus enim: quia mundana gloria et saecularis cura eos permaxime^g, qui praesunt, ad elationem trahere^h solet; quaⁱ semper, neglecta humilitate, propriam querendo gloriam, fratribus cupiant^j praeminere. Proinde^k videtur utile maxime imperatoribus et regibus: ut, cum mens illorum se ad alta erigere et pro singulari vult gloria oblectare^l, inveniat, quibus se modis humiliet, atque unde gaudebat, sentiat plus timendum. Perspiciat^m ergo diligenter: quam periculosa quamve timendaⁿ sit imperatoria vel regia dignitas; in qua paucissimi salvantur, et illi, qui Deo miserante ad salutem veniunt, non aequa ut multi pauperum iudicio sancti Spiritus^o in^p sancta ecclesia clarificantur^q. A mundi enim^r principio usque ad haec nostra tempora in tota autentica scriptura non invenimus septem^s imperatores vel^t reges, quorum vita adeo fuerit religione praecipua^u et virtute signorum decorata, sicut innumerabilis^v multitudinis^w saeculi contemptorum;

a. inituntur 3. b. ingemiscendum 3. c. quia 4. d. potentia 3. e. op-
primere 3. f. maxime 2. g. pertrahere 3. h. quod 3. i. cupiunt 2. 3.
k. Deinde 4. l. dilatare 2. m. perspiciant 4. n. tumida 2. o. episcopi 3.
p. in — ecclesia om. 2. q. glorificantur 4. r. igitur 3. s. septem *addidi*
ex 2. 3. 4. (*Cf. infra*: a mundi principio paucissimi reges sancti reperiuntur). t. vel
reges om. 2. u. religione et praecipuarum virtutum signis decorata 3. v. uni-
versalis 4. w. multitudo 2.

1. Ps. 92, 4.

1081 licet plures eorum credamus^a apud omnipotentem Deum miseri-
 Mart. 15 cordiae salutem invenisse. Namque, ut de apostolis et marty-
 ribus taceamus^b, quis imperatorum vel regum aequo ut beatus^c
 Martinus, Antonius et Benedictus miraculis claruit? Quis^d enim^e
 imperator aut rex mortuos suscitavit, leprosos mundavit, cecos
 illuminavit? Ecce Constantimum piae memoriae imperatorem,
 Theodosium et Honorium, Carolum et Lodoicum, iustitiae ama-
 tores, christianae religionis propagatores^f, ecclesiarum defensores,
 sancta quidem ecclesia laudat et veneratur; non tamen eos ful-
 sissemus^g tanta miraculorum gloria indicat. Praeterea ad quot^h
 nomina regum vel imperatorum basilicas seu altaria dedicari, vel
 ad eorum honorem^k sancta ecclesia missas statuit celebrari?
 Timeant reges aliquae principes: ne, quanto se ceteris hominibus
 in hac vita praferri gaudent, tanto amplius aeternis incendiis
 subiciantur. Unde scriptum est: *Potentes potenter tormenta pa-
 tientur*^l. De tot enim hominibus Deo reddituri sunt rationem,
 quot suae dominationi subditos habuerunt. Quodsi alicui religio-
 gioso privato non parvus labor est, unam^l suam animam custo-
 dire, quantus labor imminent principibus super multis milibus
 animarum. Praeterea, si iudicium sanctae ecclesiae valde con-
 stringit^m peccatorem pro unius hominis interfectione, quod erit
 de iisⁿ, qui multa milia morti tradunt^o pro huius mundi honore?
 Qui, licet ore aliquando dicant: *Mea culpa* pro multorum occi-
 sione, tamen^p corde gaudent in sui quasi honoris extensione;
 noluntque^q non fecisse, quod egerunt; neque dolent, quod fratres
 suos in Tartarum compulerunt. Cumque ex toto corde eos non
 penitet neque volunt humano sanguine adquisita vel^r detenta
 omittere, illorum penitentia apud Deum sine digno penitentiae
 fructu manet. Unde profecto valde est timendum; atque ad
 memoriam eorum crebro revocandum: quod, sicut praefati sumus,
 a mundi principio paucissimi per diversa terrarum regna reges

a. credantur 2. b. taceam 2. c. om. 2. 3. d. Quis — illuminavit om. 2;
 Quis imperatorum vel regum 3. e. om. 4. f. cultores 3. g. om. 3. h. quae 2. 3.
 i. seu 2. k. honores 2. l. om. 2. m. hominem add. 3. n. hoc 3.
 o. tradet 3. p. in add. 4. q. nollentque 3. r. vel detenta om. 2.

1. Sap. 6, 7.

sancti ex innumerabili eorum multitudine reperiuntur; cum in ¹⁰⁸¹
 una tantum^a pontificum seriatim succedentium^b sede, videlicet^c Mart. 15
 Romana, a tempore beati Petri apostoli ferme centum inter
 sanctissimos computentur. Cur autem hoc, nisi^d quia reges
 terrae et principes, vana gloria illecti^e, sicut praelibatum est,
 quae sua sunt spiritualibus rebus^f praefrerunt; religiosi autem
 pontifices, vanam gloriam despicientes, quae Dei sunt carnalibus
 rebus^g praeponunt. Illi in se delinquentes facile puniunt, in
 Deum peccantes aequo animo ferunt; isti in se peccantibus cito^h
 ignoscunt, Deum offenditibus non leviter parcunt. Illi, terrenis
 actibus nimium dediti, spiritualia parvi pendunt; isti, coelestia
 seduloⁱ meditantes, quae sunt terrena, contemnunt.

Admonendi ergo sunt omnes christiani, qui cum Christo
 regnare cupiunt: ne ambitione saecularis potestatis regnare af-
 fectent; sed potius prae oculis habeant, quod beatus Gregorius
 papa sanctissimus in libro pastorali¹ admonet, dicens: *Inter haec
 itaque quid sequendum est, quid tenendum, nisi ut virtutibus
 pollens coactus ad regimen veniat, virtutibus vacuus nec coactus
 accedat.* Quodsi ad apostolicam sedem, in qua rite ordinati me-
 ritis beati Petri apostoli meliores efficiuntur, qui Deum timent
 coacti cum magno timore veniunt; ad regni solium cum quanto
 timore ac tremore accendum est: in quo etiam boni et hu-
 miles — sicut in Saul et David cognoscitur — deteriores fiunt.
 Nam quod de apostolica sede praelibavimus, in decretis beati
 Symachi papae² — licet experimento sciamus — sic continetur:
*Ille scilicet beatus P(etrus) perennem meritorum dotem cum hae-
 reditate innocentiae misit ad posteros; et post pauca: Quis enim
 sanctum esse dubitet, quem apex tantae dignitatis attollit; in quo,
 si desint bona adquisita per meritum, sufficiunt, quae a loci de-
 cessore praestantur. Aut enim claros ad haec fastigia erigit, aut
 eos qui eriguntur illustrat.*

a. Romanorum add. 2. b. om. 4. c. videlicet Romana om. 2. d. non 2,
 nomine 3. e. delectati 4. f. om. 2. 3. 4. g. om. 3. h. facile 2. ~ i. om. 3.

1. in Regulae past. P. I c. 9, S. Greg. opp. ed. Bened. II 10. 2. in
 Eunodii libello pro synodo IV, a Pseudoisidoriana Symmachi synodo V
 approbata. V. Decret. Pseudoisid. ed. Hinschius p. 666. Cf. supra p. 175.

1081 Mart. 15 Quapropter, quos sancta ecclesia sua sponte ad regimen vel imperium deliberato consilio advocat, non^a pro transitoria gloria, sed pro multorum salute, humiliter oboediant; et semper caveant^b, quod beatus Gregorius in eodem libro pastorali¹ testatur: *Apostatae quippe angelo similis efficitur, dum homo hominibus esse similis designatur. Sic Saul post humilitatis meritum in tumorem superbiae culmine potestatis excrevit. Per humilitatem quippe praelatus est, per superbiam reprobatus, Domino attestante, qui ait: „Nonne cum essem parvulus in oculis tuis, caput te constitui in tribibus Israel?“²* et paulo inferius: *Mirum autem modo cum apud se parvulus, apud Dominum magnus, cum vero apud se magnus apparuit, apud Dominum parvulus fuit.* Vigilanter quoque retineant^c, quod Dominus in euangelio dicit: *Ego^d gloriam meam non quaero^e, et: Qui vult inter vos esse primus, sit omnium servus^f.* Honorem Dei semper suo praeponant; iustitiam, unicuique suum servando ius, amplectantur atque^g custodian; non eant in consilio impiorum^h, sed religiosis semper adquiescendo corde adhaereant. Sanctam ecclesiam non quaerant sicut ancillam sibi subicere vel subiugare; sed permaxime oculos illius, videlicet Domini sacerdotes, magistros et patres recognoscendo, decenter studeant honorare. Nam, si carnales patres et matres honorare iubemur, quanto magis spirituales? Etⁱ si ille, qui carnali patri vel matri maledixerit, morte multandus est, quid ille, qui maledicit spirituali patri vel matri, meretur? Non, carnali amore illecti, studeant filium suum gregi, pro quo Christus sanguinem suum^j fudit, praeponere, si meliorem illo et utiliorem possunt invenire; ne, plus Deo diligendo filium, maximum sanctae ecclesiae inferant detrimentum. Patenter enim^k Deum et proximum, sicut christianum^l oportet^m, non amare convincitur, qui tantae utilitatiⁿ tamque necessariae sanctae matri ecclesiae, prout melius potest, negligit providere.

a. iis non 3. b. cavebit 2. c. retinendum 4. d. Ego — quaero, et om. 2.
e. atque custodian om. 2. f. Et om. 4. g. om. 2. h. itaque 3. i. om. 3.
k. voluntati 3.

1. in Regulæ pastoralis parte II c. 6, l. l. p. 21. 2. 1 Reg. 15, 17.
3. Ioh. 8, 50. 4. Marc. 10, 44. 5. Ps. 1, 1.

Hac namque virtute id est caritate neglecta, quicquid boni aliquis fecerit, omni salutis fructu carebit. Haec itaque humiliter agendo et amorem Dei et proximi sicut oportet servando, presumant de illius misericordia, qui dixit: *Discite a me, quia misericordia sum et humilis corde¹*. Quem si humiliter imitati fuerint, de regno servili et transituro^a ad regnum vere libertatis et aeternitatis transibunt^b.

in cod. Bruxell. membr. saec. XII, n. 11196 (B), in cod. Musei Brit. saec. XI Arundell. n. 77² (A), ap. Udalricum Babenberg. l. l. (U) sequuntur haec:

[His igitur armis rationis, quibus se reges aliquique^c principes contra superbiam et vanam gloriam muniant, comparatis, fraternitatem tuam et eos^d, qui predicationis locum in sancta ecclesia tenent, paucis commonere^e censuimus; ut inter alia, que debentur, veritatem fere ab omnibus neglectam, cuius propugnatores et defensores vix paucissimi reperiuntur, firmiter tenere et constanter denunciare studeatis; perpendentes, quod beatus Gregorius in libro Moralium VII^f dicit, exponens capitulum^f illud: *Qui timent pruinam, irruet super eos nix^g*: „Sepe inquit nonnulli, dum temporalia adversa pertimescunt, distinctioni se eterne animadversionis obiciunt“.

in cod. Arundell. n. 77 (A) sequuntur haec:

Ex parte omnipotentis Dei et auctoritate beati Petri apostolorum principis concedo et largior tibi potestatem, frater H(erimanne): in omni regno

ap. Brunonem de bello Sax. sequuntur haec:

[Ammonemus vos fratres et coepiscopos nostros, ne, faciem principum trepidantes, veritatem eis dicere timeatis; incurrentes illud Gregorii^h: *Cum in terra hominem contra veritatem quilibet pavet, eiusdem veritatis iram coelitus sustinet.*] —

in cod. Bruxell. (B) et ap. Udalr. Babenb. (U) sequuntur haec:

„De quibus bene per psalmistam dicitur: „Illic trepidaverunt timore, ubi non erat timor“ⁱ. Iste^j namque veritatem iam libere defendere appetit, sed tamen^h in

a. transitorio 4. b. Amen add. 4. c. ceterique A. d. eorum A.
e. commune B. f. capitulo B. g. isti B. h. tantum B, om. U.

1. Matth. 11, 29. 2. de quo cf. Mon. Germ. SS. VIII 458 n. 96.
3. L. VII c. 26, Opp. S. Gregorii ed. Benedictini T. I 225. 4. Iob 6, 16.
5. Ps. 13, 5.

1081 Mart. 15 Lotharii faciendi ea, que ad episcopatum pertinent in his episcopatibus, in quibus sunt episcopi excommunicati, participando Henrico, quondam regi dicto; quo usque idem episcopi manserint in excommunicatione et non fuerint a nobis absoluti seu legali nostro successore.]

ipso suo appetitu trepidus indignationem potestatis humanae pertimescit; cumque in terra hominem contra veritatem pavet, eiusdem veritatis iram coelitus sustinet.“ Item in *Pastorali*¹ de eo, quod per Salemonem dicitur: *Qui abscondit frumenta, maledicetur in populis*²: „*Frumenta abscondere est, predictionis verba*

apud se retinere; in populis autem talis quisque maledicitur, quia in solius culpa silentii pro multorum, quos corrigere potuit, poena dampnatur. Si medicinalis artis minime ignari secundum vulnus cernerent et secare recusarent, profecto peccatum fraterne mortis ex solo torpore committerent. Quanta ergo culpa involvantur, aspiciant, qui, dum cognoscunt vulnera mentium, curare negligunt sectione verborum. Unde et bene per prophetam dicitur: „„Maledictus, qui prohibet gladium suum a sanguine““³. Gladium quippe a sanguine prohibere est, predictionis verbum a carnalis vitae interfectione retinere“. Et post paulo inferius⁴: „*Si ergo ille Dei dicitur, qui ad ferienda vicia zelo divini amoris excitatur, profecto esse se Dei denegat, qui, quantum sufficit, increpare vitam carnalium recusat*“⁵. Cum ergo periculum nostrum^a, sicut ex his colligitis, vos oporteat sollicite cogitare maxime que vigilanter cavere, tunc etiam^b subditos et proximos vestros^c, qui corrigendi sunt, admonere eisque ipsorum^d periculum, si obedire contempnant, diligenter debetis^e ostendere. Unde idem beatus Gregorius super illo capitulo: *Melior est obedientia quam victimae et auscultare magis quam offerre adipem arietum; quoniam quasi peccatum ariolandi est repugnare, et quasi scelus idolatriae nolle acquiescere*⁶, sic

a. *vestrum U.* b. *tum et U.* c. *nostros B.* d. *eos eorum B pro eisque ipsorum.* e. *debitis om. B.*

1. L. III c. 25, Opp. S. Greg. ed. Benedictini T. II 74. 75. 2. Prov. 11, 26. 3. Ierem. 48, 10. 4. l. l. T. II 76. 5. 1 Reg. 15, 22. 23.

demum in ultimo libro Moralium¹ argumentatur: „*Si enim quasi peccatum ariolandi est repugnare, sola est obedientia, quae fidei meritum possidet, sine qua infidelis quisque cognoscitur, etiamsi fidelis esse videatur*“.

Mart. 15

Pensate ergo, karissimi^a, pensate, quae superius digesta sunt, et, si non quia peccator Gregorius vobis scribit, vel quia Gregorius ille^b sanctissimus olim disseruit, in memoria semper habete^c. Ac maxime, ne vos veritatis occultatio dampnet, procurate^d, vel^e proximos inobedientia — quam perniciosa sit ignorantes — interimat; set et vos aperta confessio veritatis et constans testificatio iusticiaeque defensio comprobet esse pastores, et proximi, per vos edocti et amoniti, viam salutis tenere yaleant obedientes.]

Data^f Idibus Martii.

VIII 22. *A. reginam hortatur, ut coelestia petat regemque ad virtutem inducat.*

Gregorius episcopus servus servorum Dei A. dilectissimae 1081 in Christo filiae salutem et apostolicam benedictionem.

Quia ob reverentiam beati Petri apostolorum principis rogasti, ut litteras manu nostra scriptas excellentiae tuae mittamus, devotioni tuae acquievimus. His etiam te monemus, ut summopere procures, quae sunt terrena et transitoria, despicere et coelestia aeternaque semper appetere. Scribe in corde tuo: quia summa regina coeli — quae super omnes choros angelorum exaltata esse creditur, quae est decus et gloria omnium mulierum immo salus et nobilitas omnium electorum, quia illa sola meruit virgo et mater edere naturaliter deum et hominem, caput et vitam^g omnium bonorum — in terris non dedita est pauperem vitam gerere et in omni sancta humilitate se custodire. Quanto^h enim huius vitae gloria queritur, tanto minus futurae desideratur. Illa enim mulier vere apud Deum regina dicitur, quae mores

a. dilectissimi U. b. illo B. c. habere U. d. procurare B et U. e. in B.
f. Data — Martii om. 2. 3. 4. g. vita c. h. diligentius excidisse videtur.

1. L. 35 c. 28, Opp. ed. Benedictini T. I 1156.

1081 suos in timore et amore Christi moderatur. Inde fit, ut sanctae mulieres, licet in hac vita fuerint pauperculae, in coelo et in terra glorificantur^a; et multe saeculares, etiam reginae vel imperatrices, apud Deum et homines nec bonam famam habere mereantur. Rogamus ergo te atque praecipimus: ut semper studias animum domini tui regis carissimi filii nostri ad timorem et amorem Dei attrahere; sanctaeque ecclesiae pro tuo posse prodesse; pauperes, orfanos, viduas omnesque iniuste oppressos defendere; omnibus clericis et monachis, maxime religiosis, reverentiam exhibere; mortem carnis p[ro]ae oculis tuis semper habere, ut tumorem^b animae merearis evadere. Helemosinis et orationibus studium impende; et admonitionem libenter accipe; et illud semper in corde tuo revolve: *Quanto magnus es, humilia te in omnibus*¹, et: *Omnis qui se exaltat, humiliabitur; et qui se humiliat, exaltabitur*². Omnipotens et misericors Deus, a quo cuncta bona procedunt, meritis beatae Mariae genitricis Dei per auctoritatem, quam dedit beato Petro apostolorum principi, te a cunctis peccatis tuis absolvat, mentem tuam semper custodiat, eamque vera caritate replete et ad vitam perducat aeternam.

VIII 23. *Petro episcopo Albanensi et Gisulfo principi Salernitan[o], legatis suis, mandat, agant, ut in Gallia quaque domus saltem unum denarium b. Petro quotannis solvat*^c.

1081 Gregorius episcopus servus servorum Dei dilectis filiis nostris P(etro) Albanensi episcopo et G(isulfo)³ principi Salernitan[o], legatis nostrar[um] apostolicae sedis in Gallias, salutem et apostolicam benedictionem.

Vobis^d commissa negocia non latent. Et iam vos ita, acsi nostra immo quia nostra ibi in vobis praesentia est, cuncta digne peragite. Dicendum autem est omnibus Gallis et per veram oboedientiam praeciendum: ut unaquaque domus saltem unum denarium annuatim solvat beato Petro, si eum recognoscunt pa-

a. glorificantur cod. b. timorem cod. c. Legitur fere omnino etiam 2) ap. Deusdedidit cardin. coll. can., Borgia Breve istoria del dominio temp., app. p. 13.
d. Vobis — peragite om. 2.

1. Eccli. 3, 20. 2. Luc. 14, 11. 3. II.

trem et pastorem suum, more antiquo. Nam Karolus imperator 1081 — sicut legitur in thomo eius, qui in archivio ecclesiae beati Petri habetur — in tribus locis annuatim colligebat mille et ducentas libras ad servitium apostolicae sedis, id est Aquisgrani, apud Podium Sanctae Mariae¹ et apud Sanctum Egidium; excepto hoc, quod unusquisque propria devotione offerebat. Idem vero magnus imperator Saxoniam obtulit beato Petro, cuius eam devicit adiutorio, et posuit signum devotionis et libertatis; sicut ipsi Saxones habent scriptum et prudentes illorum satis sciunt.

VIII 24^a (IX 1). *Willelmum I archiepiscopum Rotomagensem reprehendit, quod nondum ad se venerit nec legatos suos adierit. Praecipit, ne aut episcopos aut ecclesias ante consecret, quam pallium impetraverit.*

Gregorius episcopus servus servorum Dei W(illemo)² Roto- 1081 magensi archiepiscopo salutem et apostolicam benedictionem.

Litterae, quas nobis misisti, satis devotionis prae tendunt; sed ad earum fidem rei penitus testimonium deest. Si enim ita se res haberet, non, quemadmodum suffraganei tui, etiam tu ipse apostolorum limina visere tanto tempore parvi pendisses. Ex quo enim nos licet indignos ad huius sedis curam dignatio divina provexit, neminem vestrum nos vidiisse recordamur. Quod tamen ideo^b minus mirandum videtur, quia legatos nostros, qui proprius vos sunt, adire non multum curatis. Qui vero labor aut quae difficultas p[re]ae aliis dissuasit vobis: per tantum spatii beatum Petrum negligere? cum ab ipsis mundi finibus etiam gentes noviter ad fidem conversae studeant annue, tam mulieres quam viri, ad eum venire. Illud quoque, nisi nos apostolica mansuetudo detineret, profecto severius in te iam animadversum sensisses: quod huc usque praecularius tuae dignitatis insigne, videlicet pallium, ab apostolica sede pro more acquirere postposuisti. Te ipsum nanque non ignorare putamus, quam districte

a. *manus posterior huic epistole praescrispsit:* Ex libro VIII regis tri eiusdem Gregorii papae VII. b. ideo *scripti pro in eo c.*

1. Puy en Velai. 2. I.

1081 sanctorum patrum censura in eos iudicandum statuerit, qui post consecrationem suam per tres continuos menses pallium, quod sui sit officii, obtinere tepuerint¹. Proinde apostolica tibi praecepimus auctoritate: ut, quia sanctorum patrum statuta parvi pendisti, nullum deinceps episcopum vel sacerdotem ordinare seu ecclesias praesumas consecrare, donec honoris tui supplementum, pallii videlicet usum, ab hac sede impetraveris. De caetero tam te quam et suffraganeos tuos monemus: ut praefatam culpam summopere emendare procuretis; ne, si negligentes ut hactenus in hoc extiteritis, potestatem beati Petri per nos quanto dilatiorem tanto severiorem pro contemptu experiamini.

VIII 25 (IX 2). *Adefonso VI regi Legionis et Castiliae scribit de suis detractoribus; de ritu Romano in ecclesiis regni eius recepto; de Constantia uxore eius; de abbatia S. Facundi; de archiepiscopo eligendo; ne Iudeos sinat in christianos dominari. De munere missio gratias agit.*

1081 Gregorius episcopus servus servorum Dei A(defonso)² gloriosus regi Hispaniae salutem et apostolicam benedictionem.

Non ignorat prudentia tua: mentiri peccatum esse, si et de ocioso verbo in districto examine exigenda est ratio³. Sed ne quidem mendacium ipsum, quod fit pia intentione pro pace, a culpa penitus immune esse, probari potest. Haec idcirco prælibavimus: ut, cum in ceteris illud peccatum esse non dubitaveris, in sacerdotibus quasi sacrilegium conicias; et, quod tibi dirigimus, ita in re esse, teste veritate cognoscas.

Non nos latet: multa de nostris factis ac dictis tuis auribus sinistra interpretatione deferri. Unde et, pro nobis in notitiam dilectionis tuae obtrectantibus respondere, non alienum putavimus. Peccatorem me esse, sicut verum est, confiteri minime piget. Verum si causa odii vel detractionis eorum, qui in nos fremunt, subtiliter investigetur, profecto, non tam alicuius ini-

1. V. Burchardi deer. I c. 25 (cf. Gratiani deer. I. D. 100 c. 1). 2. VI regi Legionis et Castiliae. 3. Matth. 12, 36: „omne verbum otiosum, quod locuti fuerint homines, reddent rationem de eo in die iudicii“.

quitatis meae intuitu quam ex veritatis assertione iniustitiaeque 1081 contradictione illos in nos exarsisse, patebit. Quorum quidem servitia et largissima munera nos satis abundantius multis antecessoribus nostris habere potuimus, si, ad periculum illorum et nostrum, veritatem silere malitiamque ipsorum dissimulare maluissemus. At nos certe, ex huius vitae termino et temporalium commodorum qualitate perpendentes, nunquam melius quemquam posse esse episcopum, quam cum persecutionem patitur propter iustitiam¹, decrevimus potius, divinis mandatis obtemperando, pravorum inimicitias incurrere, quam, illis male placendo, iram Domini provocare.

Nunc ad industriam tuam sermonem vertimus, carissime fili. Noverit excellentia tua, dilectissime, illud unum admodum nobis immo clementiae divinae placere: quod in ecclesiis regni tui matris omnium sanctae Romanae ecclesiae ordinem recipi et ex antiquo more celebrari effeceris. Denique in illo, quem hactenus tenuisse videmini, sicut suggestoribus religiosis viris didicimus, quaedam contra catholicam fidem inserta esse patulo convincuntur. Quae cum relinquere et ad priscam consuetudinem, scilicet huius ecclesiae, reverti deliberasti, non dubie te beatum Petrum patronum optare et subditorum tuorum salutem, coelesti gratia inspirante, sicut regem decet, curare monstrasti. Quod tamen gaudium de sapientia tua multo cumulatius referimus, cum tuae humilitatis illustrem famam memoriae interdum reducimus, et eam virtutem, quae cum regia potentia vix aut rarissime capi sub uno domicilio consuevit, in corde tuo moderari consideramus.

Ceterum, quod de uxore tua² et de abbatia sancti Secundi³ postulasti, competentius responderi per filium nostrum R(ichardum), sanctae Romanae ecclesiae cardinalem et legatum, et fratrem Symeonem episcopum⁴ arbitrati sumus.

De illa autem persona, quae in archiepiscopum⁵ fuerat eli-

1. Matth. 5, 10. 2. Constantia. 3. immo sancti Facundi (Sahagunensis) dioec. Legionensis; cuius abbatiae tutelam postea suscepit Gregorius VII. V. Reg. pont. Rom. n. 3967. 4. Burgensem, antea Ocensem.
5. Toletanum.

1081 genda, dicimus: licet satis prudens et liberalis videatur, tamen — quemadmodum nobis notum est et litterae tuae non negant — disciplinae fundamento, videlicet litteralis scientiae peritia, indiget. Quae virtus quam sit non modo episcopis verum etiam sacerdotibus necessaria, ipse satis intelligis; cum nullus sine ea aut alios docere aut sese possit defendere. Quapropter serenitatem tuam studere oportet: ut cum consilio praefati legati nostri R(ichardi) Massiliensis abbatis aliorumque religiosorum virorum eligatur inde, si inveniri potest, sin autem, aliunde expetatur talis persona, cuius religio et doctrina ecclesiae vestrae et regno decorem conferat et salutem. Neque vero te pigeat aut pudeat, extraneum forte vel humilis sanguinis virum, dummodo idoneus sit, ad ecclesiae tuae regimen, quod proprie bonos exoptat, asciere; cum Romana res publica ut paganorum tempore sic et sub christianitatis titulis inde maxime Deo favente excreverit, quod non tam generis aut patriae nobilitatem quam animi et corporis virtutes perpendendas adiudicavit.

Quoniam autem, sicut de bonis gloriae tuae^a merito congratulari, ita et de his, quae non convenientia te fieri, dolere ac ea^b merito inhibere compellimur, dilectionem tuam monemus: ut in terra tua Iudeos christianis dominari vel supra eos potestatem exercere ulterius nullatenus sinas. Quid enim est Iudeis christianos supponere atque hos illorum iudicio subicere nisi ecclesiam Dei opprimere et sathanae synagogam exaltare et, dum inimicis Christi velis placere, ipsum Christum contemnere? Caveas itaque, fili, hoc facere domino et creatori tuo, quod non impune fieri tibi sustineres a servo tuo. Memento honoris et gloriae, quam tibi super omnes Hispaniae reges misericordia Christi concessit; atque illius voluntatem tuis actibus quasi formam adhibendo, mutuam vicem in cunctis ei rependere stude; immo, ut hic et in futuro exaltari merearis, te in omnibus illi submittere semper memineris. Valde quippe indignum est, ei unum hominem, videlicet te ipsum, perfecte non subicere, qui tibi ultra mille hominum milia subiecit et iudicio tuo commisit.

a. factis sive operibus excidisse videtur.

b. ex cod.

De cetero regiae munificentiae tuae gratulamur, cuius animi 1081 devotionem in eo plane satis agnoscimus atque agnoscentes amplectimur, quod: quanti beatum Petrum fecerit, ex dono patenter ostendere voluit. Et certe, cum tui cordis amorem munus illud per se satis sufficienter ostendat, tum etiam tuae fidei meritum illud ipsum mutua vice longe vero magis commendat multisque gentibus, e cunctis mundi partibus ad gremium matris sanctae Romanae ecclesiae venientibus, ad honorem tuum clare manifestat. Et quidem, licet illud munus tam amplum et magnificum fuerit, ut et te regem dare et beatum Petrum recipere convenienter decuerit, tamen in illo animi tui devotionem multo magis amplectimur, quae, quanti beatum Petrum fecerit, ostendit patenter ex dono. Eo igitur ut dignum est decenter suscepito, donum, quod Domino largiente sedes habet apostolica, sincerae tuae devotioni remittit:

Omnipotens Deus, omnium rerum creator et rector omniumque dignitatum ineffabilis dispositor, qui dat salutem regibus¹, meritis altissimae dominae genitricis Dei Mariae omniumque sanctorum, auctoritate beatorum apostolorum Petri et Pauli, nobis licet indignis per eos qualicunque commissa, te tuosque fideles in Christo ab omnibus peccatis absolvat; detque tibi victoriam de inimicis visibilibus et invisibilibus. Mentem tuam semper illuminet, ut, eius bonitatem et humanam fragilitatem diligenter perspiciendo, mundi gloriam despicias et ad aeternam beato Petro duce pervenias.

VIII 26 (IX 3). *Altmanno episcopo Pataviensi et Willelmo abbatii Hirsaugiensi nuntiat, mortuo Rodulfo rege se admoneri, ut Heinricum in gratiam recipiat. De subsidiis Mathildi mittendis; de Welfone duce ad b. Petri fidem adhortando; de novo rege eligendo; de sacerdotibus hoc tempore indulgentia tractandis; de synodo nuper habita.*

Gregorius episcopus servus servorum Dei dilecto in Christo 1081 fratri et coepiscopo Pataviensi A(ltmanno) et venerabili Hirsauensi abbatii W(illelmo) salutem et apostolicam benedictionem.

1. Ps. 143, 10.

1081 Prudentiae vestrae ex hoc satis gratulamur, quia, sicut oportebat, nunciare nobis vera summopere studiis; praesertim cum multa et varia ex partibus vestris apud nos referantur.

Notificamus autem dilectioni vestrae: pene omnes nostros fideles andita morte Rodulfi beatae memoriae regis¹ niti, ad hoc nos crebris adhortationibus flectere, ut Heinricum, iam pridem sicut scitis plura facere nobis paratum, cui ferme omnes Italici favent, in gratiam nostram recipiamus; adientes, si ille in Italiā pro velle et conatu suo, non valens nobiscum habere pacem, contra sanctam ecclesiam venerit, ex vobis frustra sperandum fore auxilium. Quod quidem si nobis, qui illius superbiam parvi pendimus, deficiat, non adeo grave videtur. Si vero filiae nostrae M(athildi), cuius militum animos ipsi perpenditis, a vobis suffragatum non fuerit, quid aliud restat, nisi ut — cum sui resistere recusaverint, quam utique hac in re pro insana habent — ipsa vel coacta paci illius acquiescat aut, quicquid possidere videtur, amittat? Quam ob rem summopere niti vos oportet, eam certam reddere: an ex vobis praesidium expectare firmiter debeat.

Si H(einricus) forte Longobardiam intraverit², admonere etiam te, karissime frater, volumus ducem Welfonem³: ut fidelitatem beato Petro faciat; sicut coram imperatrice A(gnete) et episcopo Cumano⁴ mecum disposuit, concesso sibi — post mortem⁵ patris⁶ — eius beneficio. Illum enim totum in gremio beati Petri desideramus collocare et ad eius servitium specialiter provocare. Quam voluntatem si in eo vel etiam in aliis potentibus viris, amore beati Petri pro suorum peccatorum absolutione ductis, cognoveris, ut perficiant elabora; nosque certos reddere diligenter procura. Hac enim fiducia, ut Italici, remoti ab H(einrico), nobis immo beato Petro fideliter adhereant, Deo adiuvante efficiere credimus.

1. qui obiit die 16 Oct. 1080. 2. Heinricus a. 1081 „intrante Martio intravit Italiam“ V. Bruno de bello Saxon., Mon. Germ. SS. V 383.

3. IV, ducem Bavariae. 4. Rainaldo (1061—1084). 5. futuram.

6. Azzonis II marchionis, quem obiisse a. 1097 docet Bernoldi chron., Mon. Germ. SS. V 465.

Preterea admonendi sunt omnes in partibus vestris Deum 1081 timentes ac sponsae Christi libertatem diligentes: ut non, aliqua gratia suadente aut ullo metu cogente, properent eam temere personam eligere, cuius mores et cetera, quae regi oportet inesse, a suscipienda christiana religionis defensione et cura discordent. Melius quippe fore arbitramur, ut aliqua mora secundum Deum ad honorem sanctae ecclesiae rex provideatur idoneus, quam nimium festinando in regem aliquis ordinetur indignus. Scimus quidem, quod fratres nostri longo certamine diversisque perturbationibus fatigantur. Nobilius tamen esse dinoscitur, multo tempore pro libertate sanctae ecclesiae decertare quam miserae ac diabolicae servituti subiacere. Certant namque miseri, scilicet membra diaboli, ut eiusdem misera servitute opprimantur; certant e contra membra Christi, ut eosdem miseros ad christianam libertatem reducant.

Quapropter fundendae sunt frequentissimae orationes et largissimae dandae elemosinae omnibusque modis redemptor noster exorandus: ut inimici nostri, quos suo praecepto diligimus, resipiscant et ad gremium sanctae ecclesiae redeant; suaequae sponsae, pro qua mori dignatus est, defensorem et rectorem, sicut eam decet, clementer tribuat. Nisi enim ita oboediens et sanctae ecclesiae humiliter devotus ac utilis, quemadmodum christianum regem oportet et sicut de R(odulfo) speravimus, fuerit, procul dubio ei non modo sancta ecclesia non favebit sed etiam contradicet. De praedicto enim R(odulfo) rege quid sancta Romana ecclesia speraverit et quid ille promittebat, tu ipse, frater karissime, satis cognoscis. Providendum est ergo: ut non minus ab eo, qui est eligendus in regem, inter tot pericula et labores sperare debeamus. Qua de re quid promissionis iuramento sancta Romana ecclesia ab illo requirat, in sequenti significamus:

Ab hac hora et deinceps fidelis ero per rectam fidem beato Petro apostolo eiusque vicario pape Gregorio, qui nunc in carne vivit. Et quodcumque mihi ipse papa praecepit, sub his vide-licet verbis: per veram oboedientiam, fideliter, sicut oportet christianum, observabo. De ordinatione vero ecclesiarum et de

Iuramentum
regis

1081 *terris vel censu, quae Constantinus imperator vel Carolus sancto Petro dederunt, et de omnibus ecclesiis vel praediis, quae apostolicae sedi ab aliquibus viris vel mulieribus aliquo tempore sunt oblata vel concessa et in mea sunt vel fuerint potestate, ita convenientiam cum papa, ut periculum sacrilegii et perditionem animae meae non incurram. Et Deo sanctoque Petro, adiuvante Christo, dignum honorem et utilitatem impendam. Et eo die, quando illum primitus video, fideliter per manus meas miles sancti Petri et illius efficiar.*

Verum, quoniam religionem tuam apostolicae sedi fidelem et promissis tenemus et experimentis non dubitamus, de his si quid minuendum vel augendum censueris — non tamen praetermissio integro fidelitatis modo et oboedientiae promissione — potestati tuae et fidei, quam beato Petro debes, committimus.

Quod vero de sacerdotibus interrogastis, placet nobis: ut in praesentiarum — tum propter populorum turbationes tum etiam propter bonorum inopiam, scilicet quia paucissimi sunt qui fidelibus christianis officia religionis persolvant — pro tempore rigorem canonicum temperando, debeatis sufferre. De his nanque pacis et tranquillitatis tempore, quod Domino miserante cito futurum credimus, convenientius tractari pleniusque poterit canonicus ordo servari.

Ceterum de Buggone, cuius malitiam significastis, nedum tantam potestatem, videlicet absolvendi, sibi tam temere commissee, nec etiam recordamur nos aliquando eum vel sermone vel visu notum habuisse.

Febr. In sancta quidem synodo¹, quam nuper Deo auctore celebravimus, omnes excommunicatos usque ad condignam satisfactionem rursus excommunicavimus; et fratrum multitudinem qui aderant rogavimus: ut misericordiam Dei cotidie exorent, quatinus illos per veram penitentiam ad gremium sanctae matris ecclesiae reducat eisque in bono perseverantium tribuat. Nullius enim hominis perditionem quaerimus, sed omnium salutem in Christo desideramus.

1. V. supra p. 452.

VIII 27 (IX 4). *Desiderio abbati Casinensi scribit de ope sibi ferenda a Roberto duce; quem admoneri vult, ut Robertum de Loritello invadendis sedis Romanae possessionibus prohibeat. De Henrico rege addit.*

Gregorius episcopus servus servorum Dei venerabili abbatи 1081 Casinensi D(esiderio) salutem et apostolicam benedictionem.

Satis novit dilectio tua, quantum commodi de pacatione ducis Roberti sancta Romana ecclesia speraverit, quantumve ex hoc inimici eius timuerint; neque etiam te latere putamus, huic apostolicae sedi ex parte illius quid utilitatis accesserit. Unde, quia plurimorum fidelium super eo spes, sicut palam cernitur, huc usque non processit, volumus: ut de cetero animum ipsius, qualiter se circa Romanam aecclesiam habeat, veraciter intelligere studeas. Praecipue autem eius voluntatem in his agnoscere diligenter te cupimus: scilicet, si necessaria nobis expeditio fuerit post pascha¹, an per se vel per filium suum se decenter succursum fiducialiter polliceatur; si vero hoc non oportuerit, quot milites post paschale festum, ut in familiari militiae beati Petri sint, se destinaturum indubitanter promittat. Hoc etiam sollerter procures advertere: an illos dies, videlicet quadragesimales — quibus Normanni solent pugna vacare — praefatus dux assentiat hoc pacto Deo offerre, ut una vel nobiscum vel cum nostro legato ad aliquas terras beati Petri, quo invitatus fuerit, competenter instructus accedat; quatinus hoc sui obsequii studio et bonos in apostolica fidelitate confirmet, et rebelles ac contumaces ad debitam sanctae Romanae ecclesiae reverentiam atque servitium vel terrore revocet vel vi; talique modo suae Deo militiae munus gratuitum offerat.

Preterea de nepote suo Roberto de Loritello ad ipsius ducis memoriam revokes, qualiter de illo nobis promisit: videlicet quod idem comes, se terras apostolicae sedis, preter quas habebat, ulteriori non invasurum, spopondit; quas tamen pro posse suo invadere, sicut audivimus, adhuc non desistit. Suadens igitur admoneas eum: ut memorati nepotis sui sacrilegam compescat

1. post 4 Apr. 1081.

1081 audaciam, atque hortetur illum, et praeterita corrigendo et in futuro se abstinento, beatum Petrum propitium sibi facere; in cuius irritatione ruinam, et in gratia vitam et felicitatem possit obtinere perpetuam.

De novis ultramontanis nichil certi habemus; excepto quod, Henricum nunquam se infelicius habuisse, pene omnes illinc advenientes affirmant.

VIII 28 (IX 5). *Hugoni Diensi et Amato Elorensi episcopis mandat, ut Normannorum pontifices, a munerum administratione remotos, in integrum restituant et milites quos-dam excommunicatos absolvant.*

1081 Gregorius episcopus servus servorum Dei dilectis in Christo fratribus H(ugoni) Diensi episcopo et A(mato)¹ salutem et apostolicam benedictionem.

Perlatum nobis est, quod religio vestra omnes Normannorum pontifices, praeter Rotomagensem², ipsumque Cultureensem abbatem³, quem nos restituimus⁴, ad concilium invitatos suspendit. Quos tamen, sicut nobis suggestum est, non tam inobedientia quam metus regis⁵ Francorum, scilicet quia secure venire nequibant, subtraxit. Qua in re prudentia tua, quid nobis videatur, advertat:

Rex⁶ Anglorum, licet in quibusdam non ita religiose sicut optamus se habeat, tamen in hoc: — quod ecclesias Dei non destruit neque vendit; et pacem iustitiamque in subditis suis moderari procurat; et quia contra apostolicam sedem, rogatus a quibusdam inimicis crucis Christi pactum inire, consentire noluit; presbyteros uxores, laicos decimas, quas detinebant, etiam iuramento dimittere compulit — ceteris regibus se satis probabiliorum ac magis honorandum ostendit. Unde non indignum debet existimari: potestatem illius mitius esse tractandam, atque respectu probitatis ipsius subditorum et eorum, quos diligit, negligentias

1. episcopo Elorensi. Cf. L. VII ep. 10 et 22 supra p. 391 et 414.
 2. Willelmum I. 3. Iohelem abbatem S. Petri de Cultura Cenomannensem.
 4. V. Lib. VII ep. 22 supra p. 414. 5. Philippi I. 6. Willelmus I.

ex parte fore portandas. Denique meminisse potest dilectio 1081 vestra: qualiter et beatus Leo papa neophitos et beatus Gregorius Venantium expatricium, quem suus episcopus iniuste corripuerat, sustinuit¹; et quemadmodum clementia Domini Iosaphat regi Iuda, qui impio Achab auxilium praebens iram divinam meruerat, indulxit². Quare volumus: ut fraternitas vestra supra memoratis episcopis et abbatibus, non praetermissio Culturensi abbate, quos suspendistis, per praesentium portitorem restitutionis litteras mittat; et praefatum regem in talibus ulterius sine assensu nostro non exasperet. Videtur enim nobis multo melius atque facilius, lenitatis dulcedine ac rationis ostensione quam austernitate vel rigore iustitiae illum Deo lucrari et ad perpetuum beati Petri amorem posse provocari.

Praeterea innotuit nobis: quod multos milites, qui prius ad presbyteros formicarios et symoniacos coercendos favorem et auxilium vobis impenderant, propterea quod decimas dimittere nolebant, excommunicando turbaveritis; quales nos adhuc anathematis vinculis alligare synodali iudicio, per discretionem distulimus. Super his igitur consulimus atque hortamur: ut nunc pro tempore canonicum rigorem vestra sapientia temperet atque, hac turbationis tempestate quaedam parcendo nonnulla dissimulando, ita studeat moderari, ut non ex severitate iustitiae deteriorandi occasionem sumant; sed, suspenso nunc iudicio, spatium recognoscendi equitatem habentes, postmodum facilius adquiescant; aut demum in eos tranquillitatis tempore, quod, Deo annuente, cito futurum speramus, id quod nunc apostolicae sedis discretio patienter differt, iustitia dirimens ad statum suum restauret.

VIII 29 (IX 6). *Richardo cardinali sacerdoti, abbati Massiliensi, et eius successoribus curam monasteriorum Montismaioris et S. Mariae Crassensis demandat.*

Gregorius episcopus servus servorum Dei dilecto in Christo 1081 filio R(iccardo) sanctae Romanae ecclesiae cardinali sacerdoti ^{Apr. 18}

1. S. Gregorii registri L. VI ep. 43 et 44, Opp. ed. Benedictini T. II 824, 825. 2. V. 2 Paralip. 19, 2. 3.

1081 atque abbati Massiliensi suisque successoribus regulariter promovendis in perpetuum.
Apr. 18

Licet apostolici nos apicis cura pro cunctis generaliter ecclesiis vigilare ac pro omnium statu vel reparatione sollicitos esse admoneat, illis tamen praecipue locis nostram curam specialius exhibendam perpendimus, quae, sub Romanae tutela sedis constituta, scimus status sui confirmationem augmentum vel restitutionem ab hac potissimum aecclesia, cuius iuris sunt, expectare. Quia ergo quaedam monasteria, alterum in Provincia, videlicet sancti Petri quod dicitur ad Montem Maiorem¹, et alterum in Narbonensi archiepiscopatu sanctae Mariae de Crassa, quae ad huius sedis defensionem pertinere propriique iuris eius esse noscuntur, iam dudum saecularium monachorum culpa a religionis tramite deviassse intelleximus, ea reformare ad lapsi decoris specimen, valde esse necessarium duximus. Scitis enim: decentius atque convenientius esse decernitur, destructa restruere et ad gradum suum collapsa reducere, quam in dilatandis vel noviter aedificandis operam dare. Quapropter, ad praedictorum locorum restaurationem religionis tuae prudentiam perutilem arbitrantes, licet tu, quorundam proborum virorum precibus adhortatus, absque licentia nostra de eorum cura te nolueris intromittere, nos tamen censuimus, per tuam successorumque tuorum sollertia fratibus in eisdem cenobiis deinceps mansuris perpetuam regularis vitae circumspectionem providere. Proinde circa praefata monasteria sollicitudinis nostrae vicem dilectioni vestrae committentes, volumus atque praecipimus: ut in eis quae amputanda sunt amputetis quaeque corrigenda sunt corrigatis et, quae illis de disciplinae tenore defuerint, vestra vigilantia et labore conferantur. Praeterea, quotiens eorum rectores obierint, vestri sit studii: alios cum consensu probabiliorum fratrum de eadem congregazione, si fieri potest, sin autem, aliunde secundum Deum et regulam sancti Benedicti abbates eligere ibique substituere. Quos ab illo episcopo in cuius diocesi fuerint, si ab hac sede excommunicatus vel symo-

1. d. Arelatensis.

niacae hereseos infamia notatus non erit, ordinandos decrevimus; si vero alterum horum obstiterit, abbas a Romano pontifice sui consecrationem expetat, aut ad quemcumque episcopum ille praeceperit pergere pro sui ordinatione licentiam habeat. Cuius nihil minus abbatis mores et vitam sicut et subditorum suorum discutere excessusque corrigere, vestrae potissimum providentiae attinebit. Quodsi forte in aliquod crimen depositione dignum fuerit lapsus, vestrum erit, ad apostolicam audientiam deferre; quatinus aut hic damnationis suaे sententiam per Romanum pontificem excipiat, aut per apostolicum legatum, ad id peragendum serio missum, dignum suis meritis iudicium subeat. Statuimus etiam, ut quicquid ad eadem monasteria pertinere cognoscitur, si ab aliquibus irrationabiliter detinetur, ex hac nostra auctoritate repetendi exigendique atque vendicandi habeatis per omnia Deo iuvante licentiam; quia dignum est, ut, quorum curam geritis, rebus nullo modo defraudemini. Prefato igitur modo nostrae providentiae ac dispositionis vicissitudinem circa saepe dicta monasteria tibi tuisque successoribus, ut praelibavimus, regulariter promovendis concedentes, interdicimus: ut nullus successorum nostrorum vel archiepiscoporum aut episcoporum et nemo clericalis seu laicalis ordinis audeat hanc potestatem, praesentis decreti auctoritate firmatam, vobis auferre vel perturbare. Sed ea, sicut praefixum est, in vestra salubri ordinatione ac dispositione in perpetuum inconvulta permaneant. [Datum^a Rome 14 Kalendas Maii per manus Petri sancte Romane ecclesie presbyteri cardinalis ac bibliothecarii, anno 8 pontificatus domini VII Gregorii pape, inductione 3.]

VIII 30 (IX 7). *Ecclesiam S. Petri, in villa Maskarans sitam, tuendam suscipit.*

Gregorius episcopus servus servorum Dei omnibus Deo et beato Petro fidelibus salutem et apostolicam benedictionem.

a. Datum — inductione 3 addidi ex *Chartulario S. Victoris Massiliensi (Collection des cartulaires de France II p. 214 n. 842)*. Mabilio quoque (*Annal. ord. S. Benedicti V* 155) ex codice Montis maioris hanc epistolae clausulam affert: Datum Romae 14 Kal. Maii, pontificatus nostri anno 8.

1081 Notum sit vobis, nos ecclesiam sancti Petri sitam in villa, quae dicitur Maskarans¹, sub ius et defensionem apostolicae sedis ab ipsis fundatoribus sponte traditam suscepisse. Ob cuius donationis memoriam perpetuo retinendam constituerunt et devoverunt se illi, qui circa eumdem locum propter amorem et tutelam beati Petri sibi aedificant, pro unaquaque domo censum annualiter octo nummorum^a Pictavensium persoluturos. Quapropter apostolica auctoritate praecipimus, ut nemo praefatum locum, apostolica tuitione munitum, deinceps infestare praesumat; sed sub defensione beati Petri, cuius iuris est, quietus et securus ab omni perturbatione permaneat. Si quis ergo contra haec nostra mandata memoratum locum vexaverit, admonitus semel iterum usque tertio per convenientes indutias, si non resipuerit, sciat se a gratia beati Petri separatum et, nisi satisficerit, anathematis vinculis innodandum. Quicumque vero propter apostolicam reverentiam ab infestatione ipsius loci et lesione, sicut christianum decet, se continuerit eumque adiuvare studuerit, veniam peccatorum suorum et gratiam beati Petri, si in bonis perseveraverit, se promeriturum non dubitet.

VIII 31 (IX 8). *Dominicum Silvium ducem et gentem Venetorum laudat, quod sedem apostolicam venerari incipient. Hortatur, ut excommunicatos caveant. Negat se eorum optata explere hoc tempore posse.*

1081 Gregorius episcopus servus servorum Dei glorioso duci² et Apr. 8 genti Venetorum, his tamen, qui non communicant excommunicatis, salutem et apostolicam benedictionem.

Quantum nos ex longo tempore vos et patriam vestram dilexerimus, non existimamus scientiam vestram latere. Verum postquam nos omnipotentis Dei dignatio ad id provexit officii, non dilectionem ex vobis, qualem oportebat, agnovimus. Sed licet antehac res ita sese habuerit, tamen, quia sanae mentis

^a. nummos c.

1. in episcopatu Pietavensi, ut docet Deusdedit card. in coll. can. ap. Borgia Breve istoria del dominio temp., app. p. 12. 2. Dominico Silvio.

consilio matrem vestram, apostolicam videlicet sedem, recognoscentes, eam incipitis quaerere et venerari, nos, qui huius sedis quamvis indigni sollicitudinem gerimus, honorem vestrum tam in praesenti quam in futuro secundum Deum diligere et servare haud secus optamus. Unde paterno vos affectu adhortantes ex parte beati Petri monemus atque praecipimus: ut summa diligentia et cautela vos ab excommunicatis custodire curetis, ac per maxime caveatis, amicitiam forte vel gratiam illorum captando, iisdem vos laqueis damnationis innectere. Quod autem petitioni vestrae ad praesens in adimplendo eam non videmur annuere, non tam nostrae velut incuriae quam temporis incommoditati velitis ascribere. Denique cum tempus oportunum — quod, Domino favente, cito futurum speramus — advenerit, postulationem vestram recte efficere ac honorem vestrum salva iustitia servare opitulante clementia divina non pigritabimur. Sicut enim in sancta ecclesia caritas circa omnes generaliter tenenda dico scitur, ita suum quibusque, iustitia dictante, honorem specia- liter non denegandum fore sed habendum perpendimus. Data 6 Idus Aprilis.

VIII 32 (IX 9). *T. comitis erga sedem apostolicam studium laudat. Monet, ut excommunicatos fugiat.*

Gregorius episcopus servus servorum Dei T. nobilissimo 1081
comiti salutem et apostolicam benedictionem. Apr. 28

Quoniam devotionem tuam erga communem matrem, Romanam videlicet aecclesiam, fidissimam in omnibus, multis et probatis viris attestantibus et maxime karissimo fratre nostro U(gone) Diensi episcopo referente, cognoscimus, valde letamur et omnipotentis Dei supernae clementiae grates referimus. Oramus etiam, ut divina preeunte clementia sic ceptum bonum ad finem usque perducas, quatenus ille, cuius iudicio fidelium ecclesia Christi commissa est, peccatorum nexibus absolutum, in electorum te faciat sorte conscribi. Te itaque karissime fili hortamur, ut tuae mentis oculos in aeterni regis amore et spe indesinenter figas; ne nobilitas tua, ab illius divinitate prae caeteris exaltata, ter-

1081 renis sollicitudinibus et voluptatibus emollita, vim spiritalis de-
Apr. 28siderii amittat. Dignum namque est, ut, qui tuo nutui tantam
 hominum multitudinem supposuit, hanc ei vicissitudinem recom-
 penses, ut unum hominem, videlicet te ipsum, pura semper mente
 sibi et corde conserves. De causa videlicet excommunicatorum,
 super qua consuluisti, nichil tibi, praeter quod sacri canones
 praecipiunt, respondere possumus; scilicet ut abstineatis vos a
 communione ipsorum, prout Deus concesserit et vestra prudentia
 poterit. Nec enim parum te, a talibus abstinendo, existimes
 agere; immo credas certissime: quoniam in futura beatitudine
 geminam a Domino coronam, oboedientiae scilicet ac sanctae
 praedicationis, accipies. Bona namque est vox praedicationis cum
 opere, sed non parva est bona actio sine voce. Neque nos ali-
 cui licentiam peccandi dare possumus aut debemus, cum nos ipsi
 hanc licentiam non habeamus; sed peccantibus apostolica aucto-
 ritate subvenire non denegamus et manum salutaris consilii por-
 rigere desideramus. Illud quoque prudentiam tuam animadver-
 tere volumus: quodsi quisquam illorum excommunicatorum te
 graviter offenderet, ab illorum amicitia usque ad satisfactionem
 te submoveres. Quodsi hoc pro tuo honore faceres, quid pro Deo
 facere debes, animadverte. Quapropter monemus te, karissime
 fili, ut, quod a subiectis tibi vis fieri, non negligas pro illius
 amore agere, qui te ad suam imaginem creavit et suo pretioso
 sanguine redemit. Data Lateranis 4 Kalendas Maii, indictione 4.

VIII 33 (IX 10). *Altmanno episcopo Pataviensi mandat, ut Heinrici regis socios ad virtutem revocet; Bennonem II episcopum Osnabrugensem benigne suscipiat, litemque componat inter eundem et abbatem Corbeiensem.*

1081 Gregorius episcopus servus servorum Dei dilecto in Christo
 fratri A(ltmanno) Pataviensi episcopo salutem et apostolicam
 benedictionem.

Quia vicem nostram in Teutonicis partibus prudentiae tuae
 commisimus, discretionem tuam diligenter monemus, sicut iam
 alii litteris ad te destinatis, si pervenerint, fecimus: ut consilio

fratris nostri Salseburgensis archiepiscopi¹ et aliorum confratrum 1081 nostrorum episcoporum eos, quos adherendo H(einrico) a proposito veritatis errasse cognoscitis, studiose revocetis et, qui redire voluerint, fraterne suscipiatis. Et maxime Osnanbrugensem episcopum², quem nobis velle fideliter adherere audivimus, benigne suscipiatis, et fraterno auxilio contra quamlibet iniuriam inferendam ei occurrere, ubi oportunum fuerit, non haesitatis. Et litem³, quam de decimatione ecclesiae sua habet cum Corbe-gense abate⁴, vel iuste ante vos terminate; aut, absque laesione suaec ecclesiae, certum tempus ipsius ante nos terminandae ex utraque parte statuite. Vale.

VIII 34 (IX 11). *Desiderio cardinali et abbatи Casinensi nuntiat,
Heinricum regem Ravennae morantem circiter die 23 Maii
Romam venturum esse. Mandat, cognoscat de regis cum
Roberto duce actionibus.*

Gregorius episcopus servus servorum Dei D(esiderio) vene- 1081 rabilis cardinali sancti Petri et abbatи Casinensi salutem et apostolicam benedictionem.

Fraternitatem tuam dilectissime cognoscere volumus: quod, sicut pro certo didicimus, Heinricus dictus rex in suburbanis Ravenne moratur, disponens, si poterit, Romam circa pentecosten⁵ venire. Quem certissime scimus ex ultramontanis et Longobardis parvam manum habere. Audivimus autem: quod ex his, qui circa Ravennam vel in marchia⁶ morantur, putet exercitum, cum quo veniat, colligere. Quod fieri minime credimus; quoniam nec etiam fotrum⁷ ab his, per quos transitum habet, habere potest. Tu vero ipse amande frater cognoscis, quia, si nos amor iustitiae et honoris sanctae ecclesiae non teneret tamque pravae voluntati ac nequitiae regis et suorum vellemus favere, nullus aliquando praedecessorum nostrorum ab antecessoribus regibus seu etiam archiepiscopis tam amplum et

1. Gebehardi. 2. Bennonem II. 3. de qua cf. Vitam Bennonis, Mon. Germ. SS. XII 70 seq. et Wibaldi ep. 464 supra I 597. 4. Frithe-rico. 5. Mai. 23. 6. Firmana. 7. commeatum.

1081 devotum servitium, sicut nos ab hoc rege et ab archiepiscopo¹, habere potuerunt. Verum, quoniam et illorum minas et servitia pro nichilo ducimus, magis, si necesse fuerit, mortem suscipere parati erimus, quam impietatibus eorum assensum praebere aut iustitiam relinquere. Quapropter rogamus atque monemus, ut, quemadmodum te decet, ita nobis adhereas, quatenus sanctae matris tuae Romanae ecclesiae honor, quae de te multum confidit, nunc et semper robur optineat.

Hoc etiam te scire volumus: quod comitissa Matildis litteras ad nos direxit, quibus continetur hoc, quod, quemadmodum a familiaribus ipsius pro certo cognovit, praefatus rex placitum cum R(oberto)² duce habeat, videlicet hoc, ut filius³ regis filiam⁴ ipsius ducis accipiat et rex duci marchiam tribuat. Quod Romani facile credent, si viderint, ducem adiutorium — sicut iuramento fidelitatis nobis promisit — subtrahere. Sed prudentia tua sollicite invigilet et, quid super hac re actum sit, diligenti examinatione cognoscat. Tu ipse etiam quantotius ad nos propera. Scias praeterea, quod Romani et, qui circa nos sunt, fide et prompto animo Dei et nostro servitio parati per omnia existunt^a.

VIII 35 (IX 12). *Bertramni II comitis Provinciae iusurandum eiusque patrimonii donatio.*

1081 Ego Bertrannus⁵ Dei gratia comes Provinciae ab hac hora et deinceps tibi domino meo pape Gregorio et cunctis successoribus tuis, qui per meliores cardinales sanctae Romanae ecclesiae fuerint credideritis, in dampnum vestrum me sciente non manifestabo. Sic me Deus adiuvet et haec sancta euangelia.

1081 Ego Bertramnus Dei gratia comes Provinciae pro remissione peccatorum meorum et parentum meorum offero concedo Aug. 25 dono omnem honorem meum, quantum ad me iure parentum

a. sequitur in cod. epistola 15 libri VIII (supra p. 446); in margine scripsit manus saec. XV: Ista epistola est superius posita libro.

1. Wiberto Ravennate, antipapa Clemente III. 2. Wiscardo. 3. Conradus. 4. Roberto duae filiae fuerunt: Helena et Mathildis. 5. II.

pertinet, omnipotenti Deo et sanctis apostolis Petro et Paulo et domino meo Gregorio papae septimo et omnibus successoribus eius, ita ut, quicquid placuerit deinceps domino papae Gregorio de me et de toto honore meo, sine ullo contradicto faciat. Ecclesiastis autem omnes, quae in mea potestate sunt, praefato domino meo Gregorio papae omnino dimitto et omnibus successoribus eius; et ad ordinandas eas iuste et secundum Deum pro posse meo fideliter adiuvabo. [Acta carta 8 Kal. Septembris anno incarnationis dominice 1081^a.]

Aug. 25

VIII 36 (IX 13). *Roberto I comiti Flandrensi scribit, Hungonem archiepiscopum Lugdunensem inter ecclesiae Tarvannensis partes arbitrum datum esse. Hortatur, ne clericis Roman projectis obsit^b.*

Gregorius episcopus servus servorum Dei R(oberto)¹ nobili 1082? Flandrensi comiti salutem et apostolicam benedictionem.

Perlatum nobis est, quod Tervannensis archidiaconus, qui prius cum quadam parte cleri R. contra Lambertum invasorem elegerat, nunc sibi, ipsi contrarius, mutato consilio, alterum² supposuerit. Quam causam fratri nostro Lugdunensi archiepiscopo H(ugoni)³ diligenter procurandam litteris nostris commisimus: ut, nisi prior electio canonice fuerit improbata, nullum illi sedi alterum subroget. Quicquid ergo ipse super hoc negocio fuerit exsecutus, quia certi sumus, eum a iustitia non recessurum, nobilitati tuae praecipimus, ut ratum firmumque tenere nullatenus rennuat; sed, quod ille statuerit, quasi nostrum vos observate, ceterisque, ne contradicere audeant, pro vestri magnitudine imminete. Insuper volumus atque monemus, ut clericis, qui propter hoc negocium sedem apostolicam petiverunt, nullam exinde lesionem faciatis vel fieri permittatis.

a. Acta — 1081 addidi e Vaissette, *Hist. de Languedoc II Preuves* col. 313, qui usus est tabulario S. Victoris Massiliensi. b. manus saec. XIII in margine scriptis haec: Hec epistola, hic errore scriptoris posita, debuit inferius scribi.

1. I. 2. Gerardum. 3. de quo cf. infra ep. 41 p. 492.

VIII 37 (IX 14). *Inge et Alstano Sueonum regibus de gente eorum ad Christi fidem nuper adducta gratulatur. Virtuti studeant; decumas praestent; frequentes legatos mittant.*

1081? Gregorius episcopus servus servorum Dei Wisigothorum¹ glorirosis regibus I(nge) et A(lstano) et populis salutem et apostolicam benedictionem.

Frater noster episcopus vester, ad apostolorum limina veniens, suggestit nobis de nova gentis vestrae conversione; scilicet qualiter, relicto gentilitatis errore, ad christiana fidei veritatem pervenerit. Unde, plurimum in Domino letati, miseratori omnium intimo corde gratias agimus, qui mentes vestras lumine suo visitare, et de tenebris ad lucem de morte ad vitam dignatus est vos aeterna sua benignitate reducere. Simul etiam ipsius ineffabilem misericordiam deprecati sumus assidueque postulare optamus, ut vos tam fidei gratia quam et bonorum operum fructibus et in hac vita vigere et in futura sanctorum cetibus faciat annumerari.

Proinde, carissimi filii, auctoritate sanctae Romanae ecclesiae, vice beatorum apostolorum Petri et Pauli nobis licet indignis concessa, vos admonemus: ut huius fugitvae vitae incertitudinem ac temporalium rerum et gaudiorum instabilitatem perpendentes contemnere, et ad illa, quae sine fine mansura sunt quaeque humani sensus ac desiderii angustias amplitudine sua excedunt, memineritis aciem mentis semper extendere; concordiam et dilectionem studeatis ad invicem indeficienter habere; ecclesiis honorem, pauperibus vel afflictis compassionem, sacerdotibus praecipueque episcopis reverentiam et oboedientiam quasi patribus procuretis inpendere; nec non et decimas, quae ad usum tam ipsorum quam ecclesiarum et pauperum proficiant, dare totique regno indicere. Quod quidem nulli debet grave videri: pro meliori parte, videlicet semper victura anima, quemque decimam Deo offerre; cum pro morituro corpore plurime gentes coniugibus suis tertiam rerum legibus compellantur exolvere. Preterea ad hoc summis animi viribus emitimini: ut, qui velut

1. Sueonum.

in fine orbis ita et saeculorum ad laborandum in vineam domi- 1081?
nicam introistis, inter primos remunerandi eumdem denarium,
undecimae operatores, percipere debeatis¹. Agite etiam, ut,
quemadmodum de praedecessoris vestri² laudabili fama valde
sumus gavisi, ita quoque studiorum probitatumque vestrarum
opinio nos de se, sicut optamus, letificet.

Quia vero, noviter ad Christum conversos, nondum chri-
stianae fidei et religionis doctrinam sufficienter vos sumpsisse
putamus, volumus: ut frequenter ad hanc sedem clericos vestros
mittatis; talesque personas provideatis ad nos destinare, qui et
sanctae Romanae ecclesiae moribus plenius instrui et instructi³
valeant ad vos docte salubriterque, quae sunt agenda, referre.

VIII 38 (IX 15). *Hugoni episcopo Diensi significat, Gosfridum
Parisiensem et Gosfridum Carnotensem episcopos ad se
venisse querentes, quod posterior ab eo iniuste deiectus sit.
Aut ipse accedat, aut nuntium cum litteris mittat.*

Gregorius episcopus servus servorum Dei dilecto in Christo 1081
filio H(ugoni) Diensi episcopo salutem et apostolicam bene-^{Dec. 4}
dictionem.

Frater et coepiscopus noster Parisiensis³ cum Carnotensi⁴
ad apostolicam sedem venerunt, non sine multa quidem, sicut
ipsi referebant, et sui fatigatione et rerum suarum iactura, in
quibusdam locis etiam capti nec sine redemptione sui dimissi.
Clamorem itaque ad audientiam nostram tulerunt: quod in alterum
eorum, videlicet Carnotensem episcopum, tua fraternitas
praeiudicium fecerit, et non canonice accusatum excommunicationis
ac depositionis sententiae subdiderit. At hoc etiam maximum
gravamen factum esse conquesti sunt: quod — cum talis
esset accusatio, et in defensione illius praedictus Parisiensis epi-
scopus, qui rem omnem constitutionis eius novit et fecit, et Bel-
vacensis⁵ absolute, duo vero archiepiscopi aliique duo episcopi,

a. instructę cod.

1. Cf. Matth. 20, 9. 10. 2. Stenkil. 3. Gosfridus. 4. episcopo
Gosfrido. 5. Guido.

1081 qui non interfuerant, condicionaliter, videlicet se scientibus, iu-
 Dec. 4 rare voluerint — propter hoc tamen solum, quod conditionem
 isti quatuor apponebant, defensionis recipere iuramentum nolueris.
 Verum, cum de prudentia tua nichil incongruum temere creden-
 dum nobis esse putemus — praesertim quia tam viva voce quam
 litteris ex nobis te super hac re commonitum esse meminimus:
 ut, quicquid in synodis ageres, diligenter conscriptum nobis diri-
 geres — quamquam se adventum suum tibi notificasse memo-
 rarent, nos tamen, nuncium tuum expectantes aut litteras, illos,
 ut causae suaे diffinitionem perciperent, per dies aliquantos de-
 tinuimus; ac post ingressum Urbis sub ea spe plures quam vi-
 ginti dies sunt demorati. Ubi vero, illis et labore itineris et
 rerum dispendiis magnisque sumptibus fatigatis, nec nuncium
 nec litteras vestras accepimus, fratribus quoque nostris valde
 compatientibus atque adiudicantibus, nimis indignum esse apo-
 stolica mansuetudine, ut illi sine consolatione recederent, pree-
 cepimus eis: ut tandiu adhuc expectarent, donec ex vobis respon-
 sum reciperemus. Fraternitati itaque tuae iubemus, ut aut tu
 ipse, quod magis optamus, de hoc et de aliis maioribus nego-
 ciis nobiscum tractaturus, advenias, aut idoneum nuncium cum
 litteris super hac re compositis, qui eas, si sit necessarium, iura-
 mento comprobet, dirigas. Data Lateranis 2 Nonas Decembris.

VIII 39 (IX 16). *Carnotensis Gosfridum episcopum de simo-*
mia ceterisque criminibus purgatum remittit. Quem ut re-
verenter tractent, monet.

1082 Gregorius episcopus servus servorum Dei clero et populo
 Carnotensis ecclesiae salutem et apostolicam benedictionem.

Quod episcopum vestrum¹ tam diu apud nos detinuimus,
 sciatis, nos idcirco egisse, ut causam ipsius pleniter discutientes
 irrefractabili fine concluderemus. Inde etiam litteris nostris ad
 legatum nostrum episcopum Diensem directis² mandavimus, ut
 aut ipse ad nos veniret aut nuncium suum cum litteris, huius
 negotii seriem continentibus, nobis transmitteret. Verum, api-

1. Gosfridum. 2. supra ep. 38.

cibus illius susceptis, reperimus, eum aliquantulum a verbis 1082
 avunculi huius, scilicet Parisiensis episcopi¹, dissentire. Sed di-
 versitatem ipsam diligentissime perspicientes, cognovimus: pree-
 libatum negocium inviolata iustitia non incongrue cum miseri-
 cordia posse tractari. Quapropter, divino freti auxilio, censuimus:
 ne ulterius hunc falsi criminis tanta dilaniaret infamia, ut pree-
 sentialiter per se et avunculum suum, dato supra sacratissimum
 corpus beati Petri apostolorum principis iuramento, sese pur-
 garet. Non enim aut cuiuslibet personae gratiam aut lucri tem-
 poralis ardorem tantum valere credidimus, ut aliquis sane mentis
 vir, praesertim episcopus, spreto divini horrore iudicii, ultro
 perierium tam grave velit patrare. Quocirca, dilectionem ve-
 stram monentes, ex parte beati Petri vobis praecipimus: ut pree-
 fatum episcopum vestrum paterna cum veneratione suscipiatis
 eique debitum honorem deferentes sicut pastori oboediatis.
 Preterea apostolica interdictione inhibemus: ne eum super illo
 symoniace infamationis, quo se purgavit, aliisve falsis criminibus
 deinceps agitari, neve ipsum — sicut mos est quorumdam, pree-
 latos criminosis suspicionibus commaculare — ulterius iniuste
 sollicitari permittatis; sed eum, ut praesignavimus, sicut patrem
 spiritualem venerantes, ostendatis vos et apostolicis iussis obe-
 dientiam gerere et, ut christianos oportet, animarum vestrarum
 curam habere.

VIII 40 (IX 17). *Robertum Wiscardum ducem hortatur, ut, cu-*
ius auxilio victoriam adeptus sit, b. Petro opituletur contra
Heinricum IV regem.

Gregorius episcopus servus servorum Dei R(oberto)² glo- 1082?
 rioso duci salutem et apostolicam benedictionem.

Quod gesti belli proventum et adeptae victoriae palmam
 nobis et Romanis notificasti, id, quod decuit, prudenti consilio
 usus egisti; ut res, quam ex voto amicorum gloriose obtinueras,
 ipsorum congratulationibus gloriosior tibi redderetur atque iocun-
 dior. Oportet interea te illum alta memoria figere, cuius favore

1. Gosfridi. 2. Wiscardo.

1082? et auxilio non ambigis res tuas iam dudum procedere. Nam sicut ingratitudo provocat indignationem, ita devotio incunctanter accumulat gratiam. Quapropter beatum Petrum, cuius tibi adesse patrocinium grandia facta testantur, prae oculis habere semper memineris, eiusque beneficiis cum necesse est gratam vicem rependens, ipsum de cetero velut debitorem efficere tibi procurato; de quo nimirum eo magis praesumere poteris, quo amplius obsequiis illum tibi quasi obnoxium astrinxeris. Memento itaque matris tuae sanctae Romanae ecclesiae, quae de te inter ceteros principes specialiter confidit, ut te^a peculiariter diligit. Memento, quod sibi promisisti. Et quod pollicitus es — cui, etiam non promittens, ex iure christianitatis debes — adimplere, cum promiseris, non ulterius differas. Non enim ignoras: quanta perturbatio contra eam per Heinricum dictum regem sit orta; quantumque tuo, qui suus es filius, auxilio indigeat. Age ergo, ut, quantum studet filius iniquitatis adversari, non minus debeat de tuae devotionis opitulatione mater ecclesia gratulari.

Dubitavimus hic sigillum plumbeum ponere, ne, si illud inimici caperent, de eo falsitatem aliquam facerent.

VIII 41 (IX 18). *Hugoni episcopo Diensi praecipit, ut archiepiscopum Lugdunensem quam primum eligendum curet, neve, si vir idoneus nequeat inveniri, oblatum archiepiscopatum suscipere dubitet.*

1081 Oct. 24 Gregorius episcopus servus servorum Dei Hu(goni)¹ dilecto in Christo fratri et coepiscopo salutem et apostolicam benedictionem.

Summopere procurandum tibi est: ut in magna sede Lugdunensi non diu differatur ordinari archiepiscopus, qui re vera sit miles Christi et defensor iustitiae, pro qua non solum laborare sed etiam pro ea desideret mortem carnis subire. Quodsi cito non potest reperiri, ex apostolica tibi praecipimus auctoritate: ut, rogatus a fratribus tuis et electus ab eiusdem ecclesiae filiis, indubitanter praesumens de adiutorio coelesti, ad regimen praedictae Lugdunensis accedas sanctae ecclesiae, imitando dominum

1. episcopo Diensi.

a. te addidi.

et patrem nostrum beatum Petrum apostolum, qui de minori ecclesia Antiocena translatus est in Romanam. Datum 9 Oct. 24 Kalandas Novembris.

VIII 42 (IX 19). *Hugoni archiepiscopo Lugdunensi praecipit, ut cui abbatii interdixerit munere administrando, in eum misericordia utatur. Aboleri privilegia iubet, monachis contra eundem abbatem ab Alexandro II concessa.*

Gregorius episcopus servus servorum Dei dilecto in Christo 1082? fratri H(ugoni) Lugdunensi archiepiscopo salutem et apostolicam benedictionem.

Abbas, praesentium lator, rettulit nobis, officium sibi ecclesieque suae a fraternitate tua esse interdictum, propterea quod loco, ad iustitiam inter ipsum et abbatem¹ de Casa Dei² discernendam constituto, admonitus non interfuit. Ad quem, sicut ipse dicit, venire non contempsit, sed propter discordiam, quae inter comites illius patriae fuit, non ausus est. Proinde, quia nos illius causam nec pleniter scimus nec absente altera parte iudicare debemus, eam fraternitati tuae remittimus, ut, statuto utrique parti congruo loco et termino, ad finem, quem iustitia dictaverit, eorum causam perducas. Volumus tamen: ut pro amore beati Petri, a quo sine misericordia nemo regredi debet, in quantum cum iustitia poteris, istum misericorditer tractes, atque in mansuetudine tua is sentiat, se non frustra tantum laborem ad apostolicam sedem sumpsisse. Interim etiam dignum videtur et volumus, ut, nisi hoc ad iustitiam exequendam impeditur esse pro certo cognoveris, officium sibi sueque ecclesiae reddas; quatinus in hoc quoque apostolicae sedis auxilium petitissime non eum peniteat.

Præterea idem iste frater retulit nobis, se causam, quam cum quibusdam monachis habebat, ad audientiam tuam detulisse; cuius rei examinationem, quoniam præfati monachi privilegium venerandæ memoriae Alexandri prædecessoris nostri prætentabant, nolueris facere. Quapropter, quia præphato antecessori

1. Siguinum. 2. coen. d. Claromontensis.

1082? nostro a malitia quorumdam, sicut ipse nosti, nonnunquam subreptum est, religioni tuae praecipimus: ut nihil minus causam ipsam discutias et, si privilegium contra iustitiam factum esse deprehenderis, eo cassato, quicquid aequitas postulaverit, exequi nostra auctoritate fultus non dubites. Quicquid autem super his diffiniveris, nostrae intelligentiae studeas indicare.

VIII 43 (IX 20). *In Lanfrancum archiepiscopum Cantuariensem invehitur, quod ad sese non venerit. Proposita munera interdictione, praecipit, ut die 1 m. Novembris Romae praesto sit.*

1082? Gregorius episcopus servus servorum Dei L(anfranco) Cantuariorum archiepiscopo salutem et apostolicam benedictionem.

Saepe fraternitatem tuam apostolica legatione invitavimus Romam venire, etiam pro fidei et religionis christianaee comprobatione. Quod huc usque, sicut appareat aut superbe aut negligenter nostra abutens patientia, distulisti; cum nec etiam canonica excusationem praetenderis. Non enim labor aut difficultas itineris te sufficienter excusat; cum satis notum sit, multos longe remotos, licet corpore invalidos et infirmos et a lectulis vix valentes surgere, tamen, beati Petri amore flagrantes, ad eius limina vehiculis properare. Quare apostolica tibi auctoritate praecipimus: ut, postposita occasione vel inani formidine, datis induitiis quatuor mensium postquam haec nostra mandata ad notitiam tuam pervenerint, in praesentis anni festo omnium sanctorum¹ Romae adesse procures et satagas, et inobedientiae tuae reatum per tantum temporis supportatus emendare non ulterius negligas. Quodsi nec adhuc te mandata apostolica moverint, sed ea dissimulans in contemptu durare malueris, et periculum inobedientiae incurrire non erubueris quod est quasi scelus idolatriae testante beato Samuhele², a beati Petri gratia scias te procul dubio removendum et eius auctoritate omnino ferendum; ita videlicet, ut, si infra praefixum spatium ad nos non veneris, ab omni sis officio episcopali suspensus.

VIII 44 (IX 21). *Omnes apostolicae sedis fideles ad patientiam, fortitudinem, spem excitat.*

Gregorius episcopus servus servorum Dei omnibus episcopis 1082? abbatibus clericis et laicis, apostolice sedi fidelibus, salutem et apostolicam benedictionem.

Scimus, fratres carissimi, quia tribulationibus et angustiis nostris compatimini et in vestris orationibus ante Dominum memoriam nostri habetis. Quod idem nos erga vos agere non dubitetis; et merito, nam apostolus dicit: *Si patitur unum membra, compatiuntur et cetera membra*¹. In hoc etiam credimus caritatem Dei diffusam in cordibus nostris, quia omnes unum volumus, unum desideramus et ad unum tendimus. Unum volumus: videlicet ut omnes impii resipiscant et ad creatorem suum revertantur. Unum desideramus: scilicet ut sancta ecclesia, per totum orbem conculcata et confusa et per diversas partes discissa, ad pristinum decorem et soliditatem redeat. Ad unum tendimus: quia, ut Deus glorificetur in nobis et nos cum fratribus nostris, etiam cum his qui nos persecuntur, ad vitam aeternam pervenire mereamur, exoptamus. Nolite mirari, fratres carissimi, si odit vos mundus²; quia et nos ipsi eum contra nos irritamus, qui, illius desiderio valde contradicentes, opera illius condemnamus. Quid autem mirum, si principes mundi et potentes saeculi nos pauperes Christi, pravitatibus illorum obviantes, odiunt et quadam indignatione contra nos deseviunt, cum aliqui subiecti vel etiam servi, iussi suas iniquitates relinquere, conantur praepositorum suorum vitam auferre. Et tamen adhuc usque ad sanguinem rari ex nostris impiis restiterunt et, quod omnino erat optandum, paucissimi nostrum pro Christo mortem subierunt. Pensate, carissimi, pensate: quot quotidie milites saeculares pro dominis suis, vili mercede inducti, morti se tradunt. Et nos quid pro summo rege et sempiterna gloria patimur aut agimus? Quale dedecus et quale improperium qualisque derisio oculis nostris obicitur: quod illi velut pro vili alga³ mortem subire non metuunt, et nos pro coelesti thesauro et

1. 1 Corinth. 12, 26.

2. 1 Ioh. 3, 13.

3. Cf. Hor. Satir. II 5, 8.

1082? aeterna beatitudine etiam persecutionem pati devitamus. Erigit ergo animos in vires, spem vivam concepite, illud vexillum praec oculis habentes ducis nostri, scilicet regis aeterni, unde ipse dicit: *In patientia vestra possidebitis animas vestras*^a. Et si volumus divina suffragante gratia hostem antiquum cito et fortiter confringere omnesque versutias eius parvi pendere, studeamus: persecutiones ab eo inmissas et mortem pro iustitia non solum non devitare, sed etiam pro amore Dei et christiana religionis defensione appetere. In hoc enim omnes elationes maris et superbiam saeculi conculcabit et pro nihilo ducemus et ei, qui est caput nostrum sedens in dextera Dei patris, ipso largiente, iungemur et conregnabimus. Clamat enim magister noster: *Si compatimur, et conregnabimus*^b. Interea vobis, fratres mei, qui mecum minus valentes estis ad fortiora bella certaminis, annunciamus: quia pius redemptor noster cito faciet in tentationibus nostris etiam proventum; ne, nimia fragilitate devicti, non possimus sustinere, sed, inter qualescumque suorum fidelium positi, addiscamus vel in prosperitate sibi servire^a.

VIII 45 (IX 22). *C. comitem, episcopo inimicitias inferentem, hortatur, ut et eidem ablata restituat et in Hugonis episcopi Diensis et Richardi, legatorum suorum, synodo se sistat. Munera missa non accipit*^b.

1082? Gregorius episcopus servus servorum Dei C. gloriose comiti. Dolemus satis, quod adversus gloriosam famam tuam, per Galliarum partes diffusam et usque ad apostolicae sedis notitiam perlatam, astutia diaboli potuit praevalere. Sicut enim de te laetabamur et quodammodo unice de bonis studiis tuis in sermonibus nostris praesumebamus, asserentes, te non solum principes sed et ipsos reges iustitia et morum honestate superare, sic nobis gemendum videtur, prudentiam tuam a tanta gratia

a. *Sequitur in cod. ep. 16 libri VIII supra p. 446. Cui manus saec. XV addidit haec:* Ista eadem epistola et sub eadem Data de verbo ad verbum conscripta posita lib. VIII ep. 16. b. *manus saec. XIII adscriptis:* Haec similiter epistola debuit in superioribus scribi.

1. Luc. 21, 19. 2. Cf. 2 Tim. 2, 12.

et a tanto virtutum culmine decidisse. Qua in re antiquam hostis 1082? generis^a humani fraudem recognoscimus nequissime elaborasse, ut, qui Adam per mulierem de paradyso expulit, te per eumdem sexum eadem gloria et huius vitae laudabili fama privaret et multa bona tua isto deceptionis suae genere confunderet. Cuius rei gratia ab episcopo tuo correctus et excommunicatus, ut a tanto periculo te et coniunctam tibi erueres et domum tuam a perpetua infamia liberares, non solum Deo et iustitiae de perpetrato crimine non satisfecisti, sed et ipsum episcopum — cui, etiamsi iniustum sententiam super te dedisset, oboedire debueras — contra morem aequitatis tuae tyrannice insecutus es; cum constet aliquem amorem Dei non posse habere, qui spiritualis patris pro culpa inobedientiae suaे gratiam et dilectionem probatur amisisse. Quod nos audientes, victi amore tuo, memores etiam virtutum tuarum, quae a religiosis viris nobis insinuatae fuerant, usque modo te portavimus; sperantes, ut divina tactus miseratione ad sanum consilium redires, et aeterno regi, cuius iudicio cotidie propinquas, te purgatum praesentare contenderes. Et quia in hoc amorem saeculi magis quam animae tuae salutem perpendisti, veremur, ne divina indignatio diu protractum et inemendatum facinus acriter puniat. Unde paterna te caritate monemus, ut ab hac iniquitate, quae bonorum tuorum fructus universaliter dissipat, sapienti usus consilio, surgas et tam te quam tibi coniunctam de catena diaboli eruas. Quodsi innocentiā tuam super hoc negocio confidis posse probari, videtur nobis perutile: ut synodus constituatur, cui legati nostri H(ugo) Diensis episcopus et Ricardus vel alter eorum intersit: ut in audiētia religiosorum virorum possit perquiri, quid in te vel sententia super te promulgata debeat emendari. Deus scit et conscientia nostra testis est, quia mens nostra multum gauderet de te, utpote quem iam pridem sincero et pleno amore dileximus, si ab hac infamia quoquo modo te liberares et aditum ledendi te per fructum correctionis hosti antiquo concluderes. Munera tua ideo recipienda non esse arbitrati sumus, quia di-

a. generis addidi.

1082? vinis oculis oblato tua non acceptabilis esse probatur, quandiu a peccato isto immunem te non reddideris et ad gratiam omnipotentis Dei, sicut catholicum principem decet, non redieris. Licet munera tua propter illud peccatum non receperimus, tamen Dei misericordiam pro te exorare non desistemus. De cetero nobilitatem tuam monemus atque praecipimus, ut, praefato episcopo tuo res quas sibi abstulisti restituens, digne satisfaciendo eum placare procures ac deinceps eum nullatenus inquietare presumas.

VIII 46 (IX 23). *Turonensibus et Andegavensibus praecipit, ut Fulconis comitis Andegavensis, qui excommunicatus Rodulfum archiepiscopum Turonensem expulerit, societate abstineant et archiepiscopo obedienti.*

1082? Gregorius episcopus servus servorum Dei^a abbatibus clericis et laicis Turonensis archiepiscopatus et episcopatus Andegavensis, qui Deo et beato Petro atque sedis apostolicae legatis obediunt, salutem et apostolicam benedictionem.

Notum vobis esse non dubitamus, Andegavensem comitem¹ ob nequitiam suam esse excommunicatum; quam etiam in eos, qui sibi adhaerent et favent, extendi, cunctis sacram scripturam scientibus liquet. Qui, iam diu expectatus, non solum de via sua pessima ad Deum, sicut christianum oportet, non est conversus, sed insuper ad augmentum malitia sua, aliis item excommunicatis coniunetus, fratrem nostrum Turonensem archiepiscopum² de sede sua expulit³ bonisque ecclesiae penitus expoliavit. Proinde apostolica vobis auctoritate praecipimus, ut tam a praefato comite quam ab omnibus sequacibus vel complicibus eius vobis summopere caveatis, omnino vos abstinentes a familiaritate et participatione ipsorum. De praedicto vero fratre nostro archiepiscopo, qui propter iustitiam pulsus^b et persecutionem perpessus est⁴, vobis nihil minus praecipientes mandamus, ut ei sicut patri vestro fideliter devoteque obediatis ac necessitatibus

a. clericis S. Mauricii addit cod. ms. bibl. Paris. 1458. BRIAL.

b. pulsas c.

1. Fulconem. 2. Rodulfum. 3. anno 1081. 4. Matth. 5, 10.

ipsius sicut boni filii studeatis opitulari libenter. Quemadmodum 1082? namque saepe dicto comiti faventes in se Dei odium procul dubio provocant, ita et huic fratri nostro, in quibus necesse est, suffragantes non dubie gratiam beati Petri suorumque peccatorum absolutionem merentur. Praeterea praecipimus nominatim B. venerabili abbatи Sanctae M.^a, ut litteras nostras canonicis Sancti Martini^b, quas eis dirigimus, ferat.

VIII 47 (IX 24). *Rogerio I comiti Siciliae et Calabriae respondeat, quod petierit, fieri non posse, antequam perspectum sit, episcopi Miletensis consecrationem non pertinere ad archiepiscopum Reginum. Electum Troinensem, ut consecretur, mitti ad se concedit.*

Gregorius episcopus servus servorum Dei R(ogerio) nobili 1082? comiti¹ salutem et apostolicam benedictionem.

Non dubitet prudentia tua, nos libenter petitioni suaе favere, in quantum cum Deo et sine fratrum nostrorum scandalо fieri potest. Non est enim aliqua saecularis apicis persona, cui salva iustitia pronius assensum nostrum praebere velimus.

De eo autem, quod super electo Melitensi² postulasti, non verit nobilitas tua, nobis esse intimatum, ad ius ecclesiae Regitanae pertinere. Unde non aliter annuendum postulationi tuae perpendimus, nisi diligenter examinata iustitia, Melitensem ecclesiam ad praefatae Regitanae parroechiae consecrationem non attinere constiterit. Ad cuius rei indagationem, quia te diligimus, sine temporum molesta dilatione copiam tibi providimus; videlicet ut, accersitis fratribus nostris Barensi archiepiscopo U(rso) et W. Firmano episcopo et legato nostro W., si fieri potest cum his tribus^c, alioquin vel horum duobus praesentibus, causa in commune discutiatur. Si ergo, causa sollerter eventilata, ab illius potestate inventa fuerit libera, tunc nos, sicut

a. Bartholomeo abbati Maioris-monasterii *cod. ms. bibl. Paris.* 1458. BRIAL.
b. Mauritiⁱⁱ *cod. ms. bibl. Paris.* 1458. BRIAL. c. his tribus in *cod. posita sunt super omnibus.*

1. Siciliae et Calabriae (cf. Meo Annali di Napoli VIII 208). 2. Diosphoro, de quo v. Meo l. l. 211.

1082? oportebit, effectum dare precibus tuis non pigritabimur. Sin autem, decet atque necesse est: ut sic tua devotio in his praecipue, quae Dei sunt, sese aequaliter habeat, quatenus fraternae caritatis et concordiae vinculum rumpere et dilectionis unitatem in invicem scindere caveat; in mente habens, quod scriptum est:
Si recte offeras et recte non dividias, peccasti¹.

De cetero, quia Traianensem² electum³ a nobis consecrari postulas, licet electioni eius hoc defuerit quod legatus apostolicae sedis et consensus noster non affuit, tamen — monentes, ne de futuro id fiat — tuae dilectioni ipsiusque personae laudabili testimonio id ad presens annuimus, ut veniens Deo favente per nos consecretur.

VIII 48 (IX 25). *Herveum archiepiscopum Capuanum ceterosque principatum episcopos iubet forti animo esse. Hortatur, ne excommunicatis communicent. Permittit, ut de ecclesiis decadant.*

1082? Gregorius episcopus servus servorum Dei dilecto in Christo fratri H(er)veo Capuano archiepiscopo ceterisque principatum episcopis, qui beato Petro obedientes christianam religionem constanter defendunt, salutem et apostolicam benedictionem.

Congratulamur dilectioni vestrae, fratres carissimi, quoniam digni inventi estis, qui pro christiana religionis integra virtute fortique constantia inimicitias odium et contumelias patiamini. Ac optamus, ut et de reliquo immobili robore perseveretis, non modo vos ab illicita et nefaria excommunicatorum participatione abstinentes sed et ceteros sacerdotes ab eorum communione interdicentes. Si qui vero fuerint, qui contra interdictum vestrum et nostrum contumaciter missas et officia illis divina celebrare subinde praesumpserint, pro certo habeant tales: annuente Deo, sacris se ministeriis, quae indigne usurpare non metuunt, in perpetuum abdicandos et sine spe recuperationis amovendos.

1. Genes. 4, 7 in versione antiqua ap. Sabatier Bibliorum sacrorum latinarum versiones antiquae, Remis 1743, T. I p. 21. 2. Troinensem in Sicilia, de quo v. Pirri Sic. sacr. I 494. 3. Robertum.

De cetero, si quis vestrum, impiorum pressuram ferre non va- 1082?
lens, cupit secedere, nobis non displicet. Huiusmodi ergo vel in
potestatem ducis¹ gloriosi vel fratris eius² poterit ire; aut si ad
nos venire maluerit, nos caritate qua debemus eum libenter susci-
piemus. Qui vero, aliis exemplum factus, fortiter inter impios
perseveraverit, ille procul dubio virtutis coronam gloriaeque
triumphum merito maiorem Domino largiente percipiet.

VIII 49 (IX 26). *Iohanni archiepiscopo Neapolitano mandat, ut
Sergium magistrum militum ceterosque Neapolitanos a Ior-
dani principis Capuani societate avertat.*

Gregorius episcopus servus servorum Dei I(ohanni) Neapo- 1082?
litano archiepiscopo salutem et apostolicam benedictionem.

Non ignorat prudentia tua, nobis imminere: ut omnibus et
ubique salutaria consilia provideamus, et monita vel interdicta,
prout res postulare videtur, cunctis exhibere debeamus. Prae-
terea non latere te volumus: ex quo carissimus noster Salerni-
tanus princeps³ noviter rediit⁴, nos et nobilissimum magistrum
militum⁵ et maiores atque minores vestrae urbis quodammodo
specialiter cepisse diligere. Unde modo valde magis dolemus,
quia eos auxilium dare hominibus pravis et ab ecclesia atque a
Deo separatis audivimus. Nam relatum est nobis, quod Iordani⁶,
qui scienter periurus beato Petro et nobis et ob hoc anathematis
nodis ligatus est, adiutorium faciant. Quae res illos procul dubio
et a gratia beati Petri alienos et dilectione nostra indignos ef-
ficit et, nisi resipiscentes desinant, aeternis poenis obnoxios
reddet. Proinde fraternitati tuae praecipimus: ut praefatum ma-
gistrum militum omnesque tibi commissos admoneas et ponti-
ficalis censurae disciplina prohibeas et interdiccas, ut tam a praefato
Iordane quam et ceteris illius complicibus sese abstineant
illique nullum prorsus auxilium tribuant, donec beato Petro
satisficerit, quem periurio abnegavit. Si quis ergo, nec con-

1. Roberti Wiscardii. 2. Rogerii I comitis Siciliae et Calabriae.
3. Gisulfus II. 4. Cf. L. VIII ep. 23 supra p. 468. 5. Neapolitanum,
Sergium VI. 6. I principi Capuano.

1082? siliis tuis nec praeceptis nostris nec auctoritati beati Petri obtemperans, in fidelitate vel adiutorio illius mortuus fuerit, pro illo certum est non esse orandum; et nos etiam iubemus, ut nec sepulturae christiano more commendetur. Timendum quoque est, ne, si ab illo animum non revocaverint, divinae ultionis iram ipse locus vester experiatur.

VIII 50 (IX 27). *Hermanno cardinali mandat, ut de electo Corsicano, consecrationem petente, renuntiet.*

1082? Gregorius episcopus servus servorum Dei Hermanno dilecto in Christo fratri, sanctae Romanae ecclesiae cardinali, salutem et apostolicam benedictionem.

Gratias omnipotenti Deo, bonorum omnium largitori, referimus, qui te illorum consortio annumerare dignatus est, de quibus scriptum est: *Quoniam digni habiti sunt pro nomine Iesu contumeliam pati*¹. Hoc est, dilectissime frater, quod saepe legeras: *Vasa figuli probat fornax*²; et illud³: *Innocentiam Abel habere non potest, quem malitia Cain non exercet*. Haec denique et alia huiusmodi nunc in manibus geri, patenter intelligit prudentia tua; perpendit etiam, quod ab ea exigitur, nec ignorat, quid sibi pro talibus in fine debetur. Quapropter, ut sollertiae tuae breviter loqui sit multa dixisse, admonemus id quod memoriae tuae semper adesse putamus, videlicet ut veritatis sententiam quasi signaculum sub cor tuum ponas: *In patientia vestra possidebitis animas vestras*⁴. Ea est enim iustitiae consolidatio, fidei stabilimentum, spei securitas, caritatis indissoluble vinculum, consummatio nempe virtutum.

De cetero, quoniam Corsicanus electus ad consecrandum nuper advenit, fraternitatis tuae testimonio, quae rem illius, ut arbitramur, clarius novit, super eo indigemus. Cum enim nobis electio illius incognita sit et persona, oportet profecto non ei

1. Act. apost. 5, 41. 2. Ecli. 27, 6. 3. Gregorii Magni in Moral. libr. 20, 75 et In euangelia libr. 2 homilia 38, 7 (Opp. ed. Benedictini I 673 et 1638): „Abel quippe (enim) esse renuit, quem Cain malicia non exercet“; et In Ezechiel. libr. 1 homil. 9, 22 (ibid. p. 1259): „Abel fieri non valet, quem Cain malicia non exercet“. 4. Luc. 21, 19.

temere manum imponi. Proinde, frater, ut de eo quid facientem sit scire valeamus, volumus et iubemus, quatinus veritatis iudicium super ipso nobis destinare procures. Esto memor memoris. Ora pro nobis.

VIII 51 (IX 28). *Clericos et laicos hortatur, dent operam, ut generalis synodus a sese congregetur, in qua pontificatus et regni pax componatur. Rodulfum negat quondam se auctore regnum suscepisse.*

Gregorius episcopus servus servorum Dei clericis et laicis, 1082? qui non tenentur excommunicatione, salutem et apostolicam benedictionem.

Notum facimus vobis, carissimi fratres et filii, nos admodum desiderare et apostolica auctoritate velle sancire: ut generalis synodus congregetur in loco tuto et securo sique oportuno, ut ad eum possint undique terrarum clericalis ordinis et laicalis amici vel inimici sine timore convenire. Disponimus enim tractare et diligent discussione detectum in faciem orbis ex occultis tergiversationum suarum antris extrahere, quicumque ille est, qui tantorum malorum, quae iam pridem in christianam religionem crassantur et saeviunt, causa et auctor existit; cuius etiam inpietas et inaudita temeritas hactenus obstitit et proturbavit, ne inter pontificatum et regnum divina pax et recta concordia fieret. Quam pacem opitulante Domino, sicut christiana devotio cupit et postulat, in eodem concilio instaurare et confirmare optamus. In qua synodo praeterea Deo auctore ad honorem beati Petri secundum sanctorum patrum decreta parati erimus: quod iustum est facere; et, iniquorum nequitiam revelantes, de his, quae apostolicae sedi obiciuntur et unde quidam fratrum submurmurant, ipsius innocentiam evidenter ostendere; ita tamen, ut ante omnia res sanctae Romanae ecclesiae, quibus expoliata cognoscitur, sicut^a dignum est, restituantur.

Verum illud admodum vestrae dilectioni notificare non dignamur: Deo teste Rodulfum, qui rex ab ultramontanis ordi-

1082? natus est, non nostro praecepto sive consilio regnum tunc suscepisse; insuper etiam nos in synodo decernentes firmavisse, nisi archiepiscopi et episcopi, qui illum ordinaverant, hoc factum suum recte defendere potuissent, tam ipsos a dignitatibus suis quam et praefatum Rodulfum a regno deponere. Enimvero interim quis hanc nostram dispositionem interturbaverit, et multi vestrum sciunt et nostram scientiam nequaquam fugere potest. Si enim Heinricus, rex dictus, et pars eius obedientiam, quam promiserat nobis immo beato Petro, servasset, confidenter dico, Deo iuvante non tot mala, videlicet homicidia periuria sacrilegia simoniaca heresis pestilentiae ac prodiciones, evenissent.

Vos itaque, quos aut tantae calamitates movent aut divini timoris respectus ad Deo dignam pacem et concordiam animat, nitimini et summopere laborate: ut synodus, qualem supra memoravimus, fieri possit; quatinus sanctae ecclesiae caput totumque corpus, quod impiorum procellosis fraudibus et machinationibus fluctuat nimirum et titubat, communi omnium bonorum consensu et robore quiescat de cetero et stabiliter consolidetur.

*VIII 52 (IX 29). Ricardum cardinalem et abbatem Massiliensem
ad tuendam canonicam S. Saturnini Tolosanam hortatur.*

1082? Gregorius episcopus servus servorum Dei R(icardo) sanctae Romanae ecclesiae cardinali et abbati Massiliensi salutem et apostolicam benedictionem.

Non ignorat prudentia tua, canoniam sancti Saturnini, sitam iuxta Tolosanam urbem, apostolicae sedi esse commissam. Cui licet ex generali omnium ecclesiarum cura conveniat nos tuitionis auxilium providere, specialiter tamen oportet nos eo magis illi loco nostrae protectionis munimen impendere, quo amplius constat eius vel iniurias vel negocia ad Romanam sedem, cuius iuris est, attinere. Praefata igitur ecclesia, quamquam noviter, decenter tamen canonicam vitam instituit; atque hactenus, sicut tua sollertia novit, ex tunc regulariter vixisse dinoscitur. Verum quoniam antiqui hostis mos est, eo magis dolere invidaeque facibus uri, quo amplius videt christianam religionem

crescere et de bonorum proiectibus luera vel potius rapinas suas 1082? diminui, contra memoratum locum iam coepit saecularium exagatio et, quod magis mirandum ac dolendum est, ecclesiastorum odia suboriri.

Unde et canonici querimoniam ad nos direxerunt super clericis Sancti Stephani¹. Quorum suggestione per quemdam fugitivum clericum sibi privilegium, quod eis indulseramus, subreptum est. Quique cimiterium, quod ante regularem ordinationem suam locus ille quiete per longa temporum curricula tenuit, modo auferre, atque ecclesias ad eum pertinentes in potestatem suam illicitis conditionibus redigere conantur.

Conqueruntur et super monachis Moisiacensibus². Qui quandam ecclesiam — unde interpositis sacrosanctis euangeliis secundum iudicium legati nostri A(mati) Ellorensis episcopi, collaudantibus aliis episcopis qui aderant, lis inter eos determinata fuerat — iterata deterius iniuria, per vim comitis W(ilhelmi)³ datis ut fertur muneribus occupatam, detinere nituntur.

Quapropter experientiae tuae praecipimus: ut praelibatos tam clericos quam et monachos atque ipsum comitem litteris et quibus modis vales commonere procures, quatinus ea, quae contra saepe dictam aecclesiam inique vel odiose gessisse noscuntur, Deo et iustitiae satisfacientes, sicut oportet, emendent; ac de cetero, debitam apostolicis privilegiis reverentiam exhibentes, iram Dei provocare et maledictionem supra se temerariis ausibus inducere caveant. Episcopum⁴ quoque diocesis ipsius admoneas, ut eamdem canonicam tam ipse non inquietet quam et alias, quos prohibere valet, inquietare non sinat. De monachis tamen, quoniam Cluniacensi abbatiae pertinent, ipsi venerabili abbati⁵ in primis notificandum censemus, ut ipse insolentiam subditorum suorum compescat et iustitiae adquiescere, si forte noluerint^b, compellat. Ad ultimum vero, si qui illorum monitis tuis immo beati Petri obtemperare contempserint, quamcumque in eorum

a. Moiacensibus *cod.* b. noluerit *cod.*

1. Tolosanis. 2. dioec. Caduricensis. 3. IV comitis Tolosani.
4. Isarnum episcopum Tolosanum. 5. Hugoni.

1082? audaciam sententiam protuleris, scias auctoritate nostra firmandam. Volumus siquidem et iubemus: ut circa praenominatam canoniam studium sollicitudinis tuae invigilet, et negotiis ac necessitatibus eius facilem te prouumque exhibeas; quatinus, Romanae libertatis securitate fulta, sicut caeterae ecclesiae apostolicae sedi adherentes, in sanctae conversationis obtentu et religionis amore, favente Domino, magis magisque proficere valeat.

VIII 53 (IX 30). *O. et Eustachio militibus Tarvannensibus, praecepit, ut Hugoni archiepiscopo Lugdunensi et Hugoni abati Cluniacensi, suis legatis, se sistant.*

1082? Gregorius episcopus servus servorum Dei O. et E(ustachio)^{a.} Intolerabilis audaciae horribilisque facinoris super vos ad nos relatio venit, quod, quanto nostris saeculis inusitatum nec a tempore paganorum persecutorum praesumptum esse vel legitur vel auditur, tanto ad iustitiam de se exequendam apostolicae mansuetudinis zelum movet et incitat. Denique conquestus est nobis Lambertus, dictus Tervannensis episcopus: quod — post tot tantaque sacrilegia, quibus eandem ecclesiam depraedati fuitis — ianuas eius infringentes, serica argentea aureaque diversi generis et innumera ornamenta diripientes ac, sacris crucibus communis, tam ipsas quam et duas cappellas et reliquias auferentes, abstrahentes eumdem episcopum ab altari, ubi prostratus orabat, linguam ei dextraeque articulos ad acervum tantorum scelerum detruncastis. Qua in re nullam excusationem temptetis obtendere quasi de ipsis vel vita reproba vel ordinatione iniusta seu depositione irrogata. Sicut enim supra notavimus, nemo adhuc tale aliquid praesumpsisse dinoscitur, nisi forte qui, Deum non timens et christianam reverentiam abiciens, pro nihilo duxit, manum in sacros ordines mittere. Quapropter monemus et ex parte beati Petri praecipimus: ut, tantam nequitiam vestram recognoscentes, aut ante legatos nostros Lugdunensem archiepisco-

a. *in margine posita haec sunt: A. et E. militibus Tervannensibus.*

1. advocate Morinensi, de quo cf. Iperii chron. in Recueil des historiens XIII 457.

pum¹ et abbatem Cluniacensem² satisfacturi veniatis, aut secundum 1082? consilium vel mandatum ipsorum satisfacere Deo et sanctae ecclesiae nullatenus detrectetis. Volumus siquidem et aequum esse decernimus, ut, quod nequier commisistis, humiliter emendetis. Quodsi, diabolico spiritu indurati nostrisque praeceptis salutaribus inobedientes, nec poenitentiam dignam agere volueritis, procul dubio sciatis, vos esse excommunicandos et, quodecumque in vos iudicium legatus noster dictaverit, auctoritate nostra firmandum.

VIII 54 (IX 31). *Hugonem episcopum Diensem inter clericos Augustodunenses et monachos Floriacenses iudicem constituit. Gosfridum episcopum Carnotensem quare in pristinum restituerit, ostendit.*

Gregorius episcopus servus servorum Dei dilectissimo fratri 1082 et coepiscopo H(ugoni)³ salutem et apostolicam benedictionem.

Clerici quidam Augustidunenses his diebus ad nos venerunt, adversus Floriacenses⁴ monachos super quodam monasterio, sancti videlicet Symphoriani⁵, causam habentes. Quam, a te ante ventilatam et definitam, nos retractasse dicebant tuaeque fraternitati aliter, quam eis videretur et ratio postulasset, scripsisse. Quod a nobis factum nequaquam recolimus; nec in registro nostro huius causae litteras repperire potuimus. Noverit itaque prudentia tua, quia multa tamquam a nobis deferuntur et scripta et dicta, nobis nescientibus. Multa etiam subripi possunt minus ad singula intentis, utpote divisis ad plurima et intentis ad maxima, quibus vehementer artamur. Unde in hac causa, quod profecto minime recordamur, si quid forte surreptum fuit, obtato magis amamus corrigere quam ab aequitate et rationis tramite deviare vel aliis corrigenda relinquere. Ad quem ergo iustae decisionis terminum negocii huius questio, fraternitatis tuae considerata actione, pervenit, immo, si minus adhuc satisfactum est, pervenire poterit, non solum non mutamus verum auctore Deo annuimus et laudamus; quippe cum magis rationi

1. Hugonem. 2. Hugonem. 3. episcopo Diensi, deinde archiepiscopo Lugdunensi. 4. dioec. Aurelianensis. 5. Augustodunensi.

1082 consentaneum videatur: ut clerici, si canonice vivere volunt et in eo persistere quod voverunt, suo, quod antiquitus possedere, non debeant carere monasterio, quod et ipsi interventu pecuniae obtinuisse monachi infamantur. Super hoc ergo indubitanter cognoscas; quia perperam acta sive subrepta dampnamus, iuste acta et diffinita firmamus et a te firmando et statuenda mandamus.

De Carnotensi autem episcopo¹, unde fraternitas tua submurmurate videtur, nosti, quod dilectionis tuae intuitu longo eum tempore una cum Parisiensi² Romae tenuimus³, ut aut ipse venires aut ad comprobanda obiecta in eum capitula legatos et testes idoneos delegares. Quod cum minime feceris, iustitiae necessitate coacti, de eius restitutione sanctae Romanae ecclesiae iudicio acquievimus. Cui si superna pietas aliquando respirare concesserit, liquido tua beatitudo intelligere poterit, eam multo irreprehensibilius hoc egisse, quam te in matris tuae iudiciale censuram manum reprehensionis extendisse. Decuerat quidem vos et dignius videretur: hac potius tempestate et has inter, quas patitur, angustias, Dei utique emulatione et conscientia bona, tamquam filios suos, consolationum sibi dulcia ministrare, quam, talia mandando et talibus eam neniis implicando, dolorem super dolorem apponere, multiplicare pondera, non communicare ponderibus. Vale.

VIII 55 (IX 32). *Hugoni archiepiscopo Lugdunensi Lambertum episcopum Tarvannensem excommunicatione liberatum numerat. Concilium agat, in quo, num restituendus eidem episcopatus sit, iudicetur.*

1082? Gregorius episcopus servus servorum Dei venerabili H(ugoni) Lugdunensi archiepiscopo salutem et apostolicam benedictionem.

Quoniam causa Lamberti dicti Tervanensis episcopi partim nota partim incognita nobis est, praesertim cum Robertus⁴ comes Flandriensis longe alia verba in litteris suis nobis direxerit, quam prius Ingelrannus⁵ praesentialiter retulisset, eam fraterni-

1. Gosfrido. 2. Gosfrido. 3. cf. ep. 38 supra p. 489. 4. I.
5. canonicus S. Audomari. V. supra p. 338 n. 1.

tati vestrae plenius eventilandam destinamus. Negat siquidem 1082? praefatus episcopus sibi notum esse: quod eum synodalis per te sententia damnaverit vel excommunicaverit seu ad synodum ullam vocaverit. Unde nos ante agnatum litterarum tuarum tenorem, compassi multis laboribus ipsius, eum absolvimus; accepto tamen ab eo prius iuramento: quod super episcopatu Ter-vannensi sedis apostolicae vel legatorum nostrorum iudicium non exibit. Itaque, quia res grandis est et diligentioris eget inquisitionis, praecipimus, ut episcoporum et abbatum aliorumque religiosorum virorum concilium congreges. Et quoniam memorato episcopo propter regem Francorum¹, qui a te dissidet, suspectus es, associato tibi venerabili abbate Cluniacensi², idem negocium uberius ac sollertia tractes. Qua de re nos ita iam nunc censemus: si depositionis illius certissime causa iusta comprobatur et peremptoria in eum sententia data cognoscitur, ipse, ab episcopatu cessans, sanctae ecclesiae iudicium ferat; sin autem se vel iniuste depositum fuisse vel synodalem vocationem nescivisse defendere potuerit, integre suis et rebus et dignitati restituatur, sique deinceps canonice, si qua fuerint obiecta sibi, respondeat. Quocunque tamen dignitatis eius sententia cesserit, hoc omnino iubemus: ut de illis, qui eum tam male tractaverunt, quod iustitia postulat, sibi per vestram instantiam fiat; id est, si satisfacere contempserint, excommunicationis in eos eorumque perfidiae fautores gladius exeratur. Istud vero in hoc negocio maxime servare vos volumus tum pro labore, quem memoratus episcopus ad apostolicam sedem subivit, cum etiam pro amore nobilissimi comitis R(oberti), qui nobis super eo petitorias litteras misit: ut cum misericordia tractetur et, quantum salva iustitia potest, canonum rigor compassionis respectu temperetur. Denique ita se fraternitatis vestrae sagacitas habeat, ut nec in dextram nec in levam declinet, sed, ex utroque unum faciens, temperamentum medium salubriter teneat.

1. Philippum I. 2. Hugone.

VIII 56 (IX 33). *Roberto I comiti Flandrensi ignoscit litteras parum reverenter scriptas. De superiore epistola significat.*
 1082? Gregorius episcopus servus servorum Dei R(oberto)¹ gloriose
 comiti Flandrensi salutem et apostolicam benedictionem.

Locuta est prudentia tua in litteris suis apostolicae sedi
 quaedam, sicut non decuit. Que nos, sane cupientes in sancta
 ecclesia te conservare, supportamus adhuc et libenter ignosci-
 mus; de misericordia divina sperantes, quod et eorum, qui tibi
 talia persuaserunt, imperitiam et sanctae Romanae ecclesiae
 auctoritatem et discretionem quandoque praesentaneis affatibus
 ostendemus.

Proinde super causa L(amberti), dicti Tervannensis episcopi,
 licet multo aliter se verba Tervannensium clericorum quam litterae
 tuae nobilitatis habuerint, tamen, quia non dubium est,
 posse interdum surrepi, eam secundum votum tuum retractationi
 delegamus. Quod quidem, ut quantum decenter possumus tuo
 desiderio annueremus, sic peragendum providimus: Quoniam
 Lugdunensis archiepiscopus² — quamvis de eo satis confidam —
 vobis suspectus est, ne suspicio prorsus ordinem rerum utiliter
 gerendarum impedit, gravem et illustrem virum Cluniacensem
 abbatem³ sibi associare censuimus. Itaque praecipimus: ut con-
 gregato concilio causam ipsius episcopi diligentius eventilare
 procurent; et, si quidem iuste depositus fuisse comprobatus fuerit,
 acquiescens saniori consilio, cesseret; sin autem vel omnino iniuste
 vel praepropere^a addictus esse patuerit, rebus et honore suo re-
 cepto instauretur, ac deinde canonice, si qua sibi fuerint obiecta,
 respondeat. Quocumque tamen modo synodalis erga dignitatem
 ipsius sententia provenerit, iussimus: ut illi, qui diabolico furore
 succensi rem tam gravem et nefariam in eius personam patra-
 verunt, quam primum commoneantur, ut satisfaciant. Si vero
 ad cumulum iniquitatum suarum rennuerint, mandamus, tam in
 eos quam et in fautores contumaciae ipsorum anathematis gla-
 dio animadverti. Quod cum fuerit ea cura qua decet impletum,
 tunc deinde oportebit excellentiam tuam ecclesiam adiuvare et

1. I. 2. Hugo. 3. Hugonem. a. depositioni *deesse videtur.*

ipsius iniuriam, sicut decet christianum principem, defendere. 1082?
 Sieut autem volumus industriam tuam in hoc negocio iustitiae
 amorem habere, ita quoque et in causa ceterorum clericorum et
 laicorum, qui membra sunt eiusdem ecclesiae, te aequitatem ser-
 vare monemus et rogamus; ut, rebus eorum redditis, deinceps,
 si quid de eis statuendum est, secundum iustitiam diffiniatur.

VIII 57 (IX 34). *Gerardo Cameracensi, Ratbodo Noviomensi,
 Roriconi Ambianensi episcopis mandat, hortentur Robertum I comitem Flandriae, ne Lambertum Tarvannensem
 excommunicatum defendat utque electos clericos restituat.
 Comitem, nisi obedierit, anathematizatum iri.*

Gregorius episcopus servus servorum Dei G(erardo)¹ Came- 1083?
 racensi episcopo, R(atbodo)² Noviomensi, R(oriconi) Ambianensi
 et omnibus ecclesiarum rectoribus atque principibus in Flandria
 sub R(oberto)³ comite nobilissimo militantibus salutem et apo-
 stolicam benedictionem, si oboedierint.

Noverit caritas omnium vestrum, fratres et filii carissimi,
 quoniam, licet peccatores et ad tantum onus portandum impares
 simus, tamen cura et sollicitudo omnium ecclesiarum parvitiati
 nostrae a Deo commissa est. Dominus enim Jesus Christus beatum Petrum constituit principem apostolorum, dans ei claves
 regni coelorum et potestatem ligandi et solvendi in coelo et in
 terra⁴; super quem etiam ecclesiam suam edificavit⁵, commen-
 dans ei oves suas pascendas⁶. Ex quo tempore principatus ille
 et potestas per beatum Petrum successit omnibus, suam cathe-
 dram suscipientibus vel usque in finem mundi suscepturis, divino
 privilegio et iure haereditario. Ex cuius sedis successione im-
 minet nobis inevitabili necessitate: ut omnibus oppressis debeamus
 opem ferre, et contra inimicos Dei pro defendenda iusticia,
 quo usque convertantur, Spiritus sancti gladio, quod est verbum
 Dei⁷, eciam usque ad mortem si oportuerit, pugnare.

Unde volumus omnes vos scire, A(rnulfum) archidiaconem

1. II. 2. II. 3. I. 4. Matth. 16, 19. 5. Matth. 16, 18.

6. Ioh. 21, 17. 7. Ephes. 6, 17.

1083? Tarvannensem et M. abbatem et L.^a diaconem, et per eos multos clericorum illius ecclesiae nobis lacrimabilem querimoniam fecisse super comite R(oberto), quem antehac pro bona fama, quam sepe de eo audivimus, sicut filium nostrum carissimum et dileximus et — si monita salutis suae non spreverit — diligere volumus, dicendo: quod eos, omnibus bonis suis nudatos, de terra sua eiecerit pro eo, quod praeceptis apostolicis oboediendo noluerunt communicare^b cuidam Lanberto pseudoepiscopo, a nobis et a legatis nostris H(ugone) Lugdunensi archiepiscopo et A(mato) episcopo¹ in Meldensi concilio excommunicato tum pro aliis nefariis tum pro eo, quod quinque clericos, ad Romanam synodum ire et de malitia eius querimoniam volentes facere, captione pessima affixit et quod de ecclesia sua, canonicam disciplinam evitans, sine licencia fugitus evasit. In qua excommunicatione, heretica pravitate se fecit ab episcopis, officio suo suspensis, consecrari immo potius execrari diaconem, presbyterum, episcopum. Deinde hostiliter et armata manu, comite R(oberto) cum exercitu secum eunte, ad ipsam civitatem pergens, portas ecclesiae, quas ei clerus et populus obcluserat, in securi et ascia et aliis vio- lentiis incidit atque confregit. Crucem quoque et imaginem Salvatoris, libellum contradictorum ante ipsas portas clausas manu dextera sibi quasi porrigentis et velut ore proprio ingressum ecclesiae sibi contradicentis, ita diabolice a portis abstraxit, ut dexteram manum — quod nunquam antea legimus aut audivimus factum — illi evulserit. Sicque cum lanceis et gladiis evaginatis fur et latro intrumpens, alios clericorum vulneravit alios semi-vivos fugavit omniumque sibi communicare nolentium domos diripuit atque distraxit. Ipsum vero comitem in tantum seduxit, ut omnes clericos, sibi oboedire nolentes, omnibus bonis privatos de tota terra sua eiecerit, et duas epistolas nostras tam superbe spreverit, ut portitoribus earum contumeliosa verba et tanto principio multum indigna protulerit.

Quae omnia quantum apostolicae sedis reverenciae sint intolerabilia et christianae religioni contraria, si Deum timetis

1. Elorensi.

a. sive I.

b. communicare addidi.

eique hominem non paeponitis, satis intelligit industria vestra. 1083?
 Pro quibus omnibus praefato comiti exhortatorias et deprecatorias nunc tercio scripsimus litteras: ut antichristi membrum amplius non sustentaret neque foveret, sed magis de ecclesia oppressa cicius propelleret; et clericis pro iustitia exulatis omnia sibi ablata in integrum restitueret; et, omnia haec mala corrigendo, dignos poenitenciae fructus faceret infra terminum quadraginta dierum post litteras nostras sibi ostensas sive notificatas. Sin autem, quod absit et quod Deus procul ab eo avertat, nolle — secundum apostolum qui ait: *In promptu habentes ulcisci omnem inoboedienciam*¹, et alibi: *Si quis non oboedierit verbo nostro, per epistolam hunc notate, et non commisceamini cum illo, ut confundatur*², et alio loco: *Auferte malum ex vobismet ipsis*³, *quia modicum fermentum totam massam corrumpit*⁴ — si nolle, inquam, oboedire, segregatus et excommunicatus foret a corpore et a communione sanctae ecclesiae — auctoritate Dei et iudicio sancti Spiritus, quem quodammodo blasfemavit, inimicum eius contra eum scienter sustentando, qui tocens excommunicatus carisma virtutum et dona gratiarum eius cotidie adhuc profanare non timet — donec satisfatiendo poeniteat.

Omnipotens Deus cordibus omnium vestrum et cordi illius indicet, ex quanto dolore cordis haec dico; quoniam omnes Deum diligentes diligo et illum quadam speciali dilectione, sicut iam praefatus sum, dilexi, quia bona multociens de eo audivi. Sed dissimulare hec nequeo sine animae meae magno periculo propter illud prophetae: *Si non annunciaveris iniquo iniquitatem eius, sanguinem eius de manu tua requiram*⁵, et illud apostoli: *Non solum qui faciunt, sed et qui consentiunt, digni sunt morte*⁶. Et beatus Gregorius ait: *Mala, quae ad nos pervenerunt, dissimulare non audemus, quia, qui emendare potest et negligit, delicti participem procul dubio se constituit*, et alibi: *Quisquis contra neophytes et symoniacos pro officii sui consideratione vehementer*

1. 2 Corinth. 10, 6. 2. 2 Thess. 3, 14. 3. 1 Corinth. 5, 13.

4. 1 Corinth. 5, 6. 5. Cf. Ezech. 3, 18. 6. Rom. 1, 32.

1083? *non arserit, cum eo non dubitet se habere portionem, a quo hoc piaculare flagitium sumpsit exordium*¹.

Unde, dilectissimi fratres et filii, vos omnes rogamus et per veram oboedientiam ex parte beati Petri apostolorum principis praecipimus: ut eum persuasibiliter et honorifice, sicut decet talem et tam nobilem virum, Deum tamen sibi semper praepontentes, unusquisque vestrum oportuno tempore adeatis rogetis et increpetis, ne se ipsum et totum populum illum perdat, apostamat illum defendendo; sed quantocius a perditione eripiat, longius a se expellendo. Vos quoque, fratres G(erarde) et Ra(tbode) et Ro(rico), separatim et praeceteris rogo et praecipio: ut vos tres, simul vel semotim, cum litteris nostris et litterarum portitoribus praefatum principem adeatis, et litteras eius legatis, et constanter arguatis, quare tantopere defendit illum, qui, quando Deum pro se et populo exorat, magis illum offendit et ad iracundiam provocat. An non de talibus dicit Esayas: *Ne offeratis ultra sacrificium frustra; incensum abominatio est mihi*²; et cum extenderitis manus vestras ad me, avertam oculos meos a vobis, et cum multiplicaveritis orationes, non exaudiam³; et Malachias: *Et nunc ad vos mandatum hoc, o sacerdotes, ait dominus Deus: Si nolueritis audire, et ponere super cor, ut detis gloriam nomini meo, maledicam benedictionibus vestris*⁴. Vos enim recessistis a me, et scandalizastis plurimos in lege⁵, offerentes super altare meum panem pollutum⁶; et beatus Gregorius: *Maxima metuenda est in illis locis fore calamitas, ubi tales intercessores ad locum regiminis adducuntur, qui Dei iracundiam magis in se concitant, quam per semet ipsos placare debuerant*⁷. Cuncti liquido novimus, quia, cum is, qui Deo displicet, ad intercedendum pro populo mittitur, cicius irati animus ad deteriora provocatur. Et alio loco: *Malis subesse pastoribus, quid est aliud, nisi ut plebs populanda praedonibus permaneat, et inde sumat*

a. *qr c.*

1. Cf. Deer. Gratiani II c. I q. 1, 5; et S. Greg. Registri L. XII ep. 29, Opp. ed. Benedictini T. II 1200. 2. Isai. 1, 13. 3. Isai. 1, 15.

4. Malach. 2, 1. 2. 5. Malach. 2, 8. 6. Malach. 1, 7. 7. S. Gregorii Registri L. IX ep. 110, Opp. ed. Benedictini T. II 1017.

interitum, unde protectionis debuit habere subsidium? Sacerdotes 1083? enim mali causa sunt ruinae populi. Item alibi: *Qui improbe ad inanem gloriam locum festinat sanctitatis arripere, eo ipso, quo honorem quaerit, indignus est. Sicut enim is, qui invitatus renuit, quae situs refugit, sacriss est altaribus admovendus, sic, qui ultro ambit vel importunum se ingerit, procul dubio est repellendus.* Nam qui sic nititur ad alciora concendere, quid agit, nisi ut crescendo decrescat et, ascendendo exterius, interius ad profunda descendat?¹ et paulo post: *Templum dominus et salvator noster ingressus, cepit eicere omnes vendentes et ementes in illo, et cathedras vendentium columbas evertit.* Qui sunt isti vendentes et ementes, quorum cathedrae eversae sunt, nisi qui vendunt et emunt sacerdotium et Spiritum sanctum, quorum sacerdotium ante oculos Dei cecidisse, cathedralrum eversione patenter signatum est? Et cum liqueat hanc heresim ante omnes alias radice pestifera in ecclesia surrepsisse, atque in ipso ortu apostolicae maledictionis telo esse damnatam^a, cur non cavetur, cur non perpenditur, quia benedictio illi in maledictionem convertitur, qui ad hoc, ut fiat hereticus, promovetur?² Haec omnia et horum similia sibi, quia virum litteratum eum audivimus, dicite; considerantes diligenter et cum timore, quia inobedientes, Samuhele propheta testante, scelus incurront idolatriae³; sine qua, videlicet oboediencia, sicut beatus Gregorius in ultimo Moralium libro⁴ declarat, *infidelis quisque convincitur, eciam si fidelis esse videatur.*

Plurima sibi in epistolis, sicut et modo vobis, dixi, quia et plurimum eum dilexi. Nisi enim eum multum dilexissem, non tam multa sibi vel de eo dixisset; quia non est consuetudinis nostrae, alicui tam prolixam epistolam facere, nisi res magna sit valde. Quod ideo feci, quia desideramus eum ad gremium universalis matris sanctae Romanae ecclesiae reducere et sub aliis beati Petri sicut carissimum filium nostrum fovere.

a. damnata c.

1. S. Greg. Regist. L. IX ep. 106, Opp. ed. Benedict. T. II 1007.
2. cf. ibid. 3. 1 Reg. 15, 23. 4. Lib. 35 cap. 28, Opp. ed. Benedictini T. I 1156.

1083? Quodsi litteras apostolicae sedis infra praescriptum terminum aliqua fraude aut superbia suscipere vel audire contempserit, non solum sibi non proderit, sed etiam pro maioris inoboedientiae culpa divino iudicio anathematis vinculis alligatum arcius indubitanter sciatis, et non solum eum, sed et omnes, quicunque ei postea scienter in ecclesiasticis officiis communicaverit vel in milicia saeculari servierit.

Quapropter rogo vos iterum et ex parte Dei et beati Petri apostolorum principis praecipio: ut vobis ab eo caveatis; et nullum divinum officium intra vestras provincias agatur, ubi vel ipse vel aliquis scienter sibi communicancium affuerit, quo usque per Dei pietatem satisfecerit. Rursum quoque monemus, quod prudenciae vestrae vigilanter observandum esse cognoscimus: ne aliqua dissimulatione praeceptis apostolicis obtemperare negligatis, sed, sollicite considerantes ac iugi memoria beati Gregorii verba super inoboedientia in Samuhelis sermonibus habita retinentes, procuretis, quatenus, oboediendo sicut oportet, videamini cum saluti vestrae prospicere tum illius etiam consulendo providere.

VIII 58^a (X. XI 1). *De concilio Romano.*

1083 Anno ab incarnatione Domini millesimo octuagesimo quarto,
Nov. 20 pontificatus vero domni Gregorii papae septimi anno undecimo,
12 Kalendas Decembris, praesidente eodem apostolico, celebrata
est tribus diebus in Lateranensi basilica synodus. In qua fuerunt
archiepiscopi episcopi et abbates Campani et de principatibus
atque Apulia; pauci quoque Gallicani.

Nam plurimos Heinrici tyranni perfidia iter retro vertere
compulit. Qui Hostiensem episcopum¹, de apostolica legatione
redeuntem, contra fas et iuramenti fidem capi iussit sive permisit.

Tres autem synodos quadragesimales eiusdem H(einrici) per-
secutio prepedivit. Qui, semel Beatum Paulum, bis Beatum Pe-
trum aggressus, demum post multum fusi sanguinis, non tam

^{a.} huic capiti manus posterior praeposuit lemma hoc: Incipit liber X, posteaque correxit X in XI, ut legeretur: Incipit liber XI.

1. Ottonem (postea papam Urbanum II).

suorum fortitudine quam negligentia civium, Porticus¹ muros sur-
ripuit². Romanum siquidem vulgus, pars videlicet copiosior civi-
tatis, biennii bello fatigatum, acri inedia laborabat, cum nec
ipsis ad vicina oppida vel castra liceret exire, nec illi iurati
H(einrici) in^a Urbem vellent negotiatum venire; multi quoque
fame abacti Urbem reliquerant; proinde ceteri, bello remissius
attenti, rem ex animo minus gerebant et a custodiis, prout cui-
que libebat, sine timore negligentius aberant. Haec super H(ein-
rici) tyrannide, quia se occasio praebuit, perstrinxisse sufficiat.

Ceterum dominus apostolicus, in eadem synodo de fidei forma Nov. 20
et christianae religionis conversatione sed et robore animique
constantia, ad praesentem pressuram necessaria, ore non humano
sed angelico patenter edisserens, die tertia totum fere conven-
tum in gemitus et lacrimas compulit. Sicque concilium, aposto-
lica benedictione laetificatum, in pace dimisit.

VIII 59 (X. XI 1*). *Robertum I comitem Flandrensem horta-
tur, ne diutius faciat cum Lamberto, ecclesiae Tarvannen-
sis invasore, sed Gerardo episcopo canonice electo faveat.*

Gregorius episcopus servus servorum Dei R(oberto) glorioso 1083?
comiti salutem et apostolicam benedictionem.

Pervenit ad aures nostras, quod L(ambertus), inimicus Dei
et invasor Tervanensis aecclesiae, ope et sustentatione tua ad-
huc sibi iram Dei thesaurizet. Qui cum traditus sit satanae,
non miramur, si eius consiliis ducitur et in iniquitate perdurat.
De te autem non solum miramur sed ex corde dolemus, quod
virum, quem bona fama passim commendaverat, mala nunc in-
tentio ad commune periculum illius patriae retorqueret. Unde
de anima tua multum timentes, monemus: ut, ab hac paevaria-
catione ad cor rediens, Deum in praedicti hominis sustentatione

a. in om. c.

1. civitatis Leoninae. Cf. Bonithonis Decreti L. IV 106 ap. Mai Nov.
patr. bibl. VII. III 44: „Et de quarto Leone, qui Karolum filium Lodoici
coronavit imperatorem quique etiam aedificavit civitatem, quae hodie Port-
ticus nominatur, quam Leoninam suo nomine appellavit“. 2. 1083 Iun. 2.
V. Ekkehardi chron. 1083, Mon. Germ. SS. VI 205.

1083? non offendas, sed ab eo sicut a pessimo homine et excommunicato te custodias; qui nimirum, audientiam pro amore tuo a nobis sibi concessam declinans, totum se a planta pedis usque ad verticem anathemate W(iberti) Ravennatis commaculavit. Pro quo scelere aliisque culpis praecedentibus sancta universalis ecclesia irrecuperabiliter depositum maledixit et anathematizavit, et extorrem omnino a communione totius aecclesiae esse adiudicavit. Quapropter nobilitatem tuam monemus: ut non solum adiutorium sibi non impendas, verum etiam, dominici gregis multitudinem feditate sua commaculans, de medio vestrum ut putridum et inutile membrum studio tuo evellatur. Iniungimus etiam nobilitati tuae, ut G(erardum), canonice electum et ecclesiam Tervanensem per ostium id est per Christum ingredientem, honeste et sicut decet suscipiatis et ei, pastoralem exhibentes reverentiam, consilium et auxilium impendatis; ut, qui in altero Deum offendistis, per hunc ipsi Deo et beato Petro iustitiam vestram commendetis.

VIII 60 (X. XI 2). *Guilielmo I regi Anglorum scribit de mutuo inter se amore. Dolet, quod germanum suum Odonem I episcopum Baiocensem in custodiam tradiderit.*

1083? Gregorius episcopus servus servorum Dei Gilielmo¹ regi Anglorum salutem et apostolicam benedictionem.

Communis amor et sincera devotio, quam erga beatum Petrum apostolum gerimus, ex longo iam tempore inter nos amicitiam iunxit; atque adeo invicem inde magis convaluit, quia et ego te prae ceteris tui ordinis apostolicae sedi devotum animadverte, et tua me claritudo inter aliquos praedecessores meos^a circa honorem apostolicae sedis credidit amplius desudassem. Denique, cum in malis moribus idem velle et nolle pernitiosam sepe factionem conficiat, consequens videtur, ut in bonis rebus idem studium animique desiderium diverso quamlibet spatio terrarum disiunctos in unum dilectionis glutino copulet. Verum, licet quidam regiae potestatis non modicum doleant et in nos sepissime murmurent, se quodammodo contemni, cum^b querantur, se non sic

ab apostolica sede diligi nec ita factis aut sermonibus per nos 1083? honorari, minime tamen nos poenitet nec deinceps Deo favente poenitebit. Speramus etenim celsitudinis tuae industriam in eadem sanctae ecclesiae devotione iustitiaeque studio semper mansuram ac in melius etiam, opitulante Domino, de cetero dilatandam. Unde merito nos oportet in eiusdem dilectionis tenore perseverare, immo per diuturnitatem temporum, crescentibus meritis, magis ac magis excrescere.

Unum tamen interea nos tangit et tangendo angustat, atque inter regalium tuarum virtutum insignia monimenta laetitiam in amico corde violenter obnubilat, videlicet quod in capiendo germanum tuum episcopum¹, non sicut decuit propriae honestati prospiciens sed secularem cautelam et rationem divinae legi praeponens, sacerdotalem reverentiam minus vigilanter attendisti. Et quidem non latere tuam prudentiam credimus, scriptum esse, quod de sacerdotibus maxime oportet intelligi: *Qui vos tangit, tangit pupillam oculi mei*², et alibi: *Nolite tangere christos meos*³; et quod Dominus ipse sacerdotibus, licet pravis et valde indignis, honorem deferre non sit dignatus. Quam rem piae memoriae Constantinus praecipuus videlicet imperator intelligens, in Nicena sinodo nullam in episcopos ab ipsis etiam episcopis accusationem voluit suscipere, nullumque contra eos iudicium praesumpsit inferre, dicens: *Vos dii estis, a vero Deo constituti; ideo non oportet, ut nos homines deos praesumamus iudicare*⁴. Quanta etiam sit sacerdotii dignitas quantaque sublimitas episcopalis, beatus Ambrosius, doctor scilicet eximius, vestram doceat magnitudinem vestramque instruat prudentiam, in Pastorali⁵ suo sic ponens: *Honor igitur, fratres, et sublimitas episcopalis nullis poterit comparisonibus adaequari. Si regum fulgori compares et principum diademati, longe erit inferius, quam si plumbi metallum ad auri fulgorem compares*

1. Odonem I episcopum Baiocensem. 2. Zachar. 2, 8. 3. 1 Paral. 16, 22. 4. V. S. Gregorii I registri L. V ep. 40, Opp. ed. Benedictini II 767. 5. sive „De dignitate sacerdotali“ libro, quem S. Ambrosio supposuerunt. V. Opp. ed. Benedictini T. II app. p. 359.

GREGORII VII EPISTOLAE COLLECTAE.

Extra registrum quae dispersim inveniuntur Gregorii VII epistolae, eas, reiectis nimirum litteris adulterinis¹, hunc in locum conduci placuit. Sunt autem omni numero quinquaginta una, in his fragmenta litterarum septem (22, 44, 47, 48, 49, 50, 51). Quae quidem monumenta universa iam lucem viderant praeter tria. Epistolam enim 19 ex codice Parisiensi descriptam mihi paratissime misit Leopoldus Delisle; e Monacensis vero bibliothecae regiae codicibus excepti epistolas 3 et 4.

Berolini Kal. Decembribus a. 1864.

1. Lanfranco archiepiscopo Cantuariensi scribit, narraturum numerium esse, qui factum sit, ut pontificatus ad se deferretur quaque angustiae ipsum urgeant. Monet, ne a Scotis patiatur uxores aut deserit aut vendit^a.

1073 Gregorius episcopus servus servorum Dei carissimo fratri
(Jul. — Nov.) in Christo Lanfranco venerabili Cantuariorum archiepiscopo salutem et apostolicam benedictionem.

Qualiter nobis apostolici regiminis honor et onus impositum sit et quantis undique stringamur angustiis, praesentium tibi portitor indicabit. Cui respectu tuae dilectionis etiam nonnulla, nostris adhuc familiaribus occulta, aperuimus. De caetero in primis fraternitatem tuam rogamus, ut Deum pro nobis iugiter

a. Ediderunt 1) Baronius *Annal. ecclesiast. Romae* 1605, T. XI 427, 2) Giles Lanfranci opp. Oxonii 1844, T. I 58.

1. Inter quas annumerandae sunt propter perscriptionem alienam eae etiam epistolae, quas in Regestis pontificum Romanorum p. 416 signavi numeris 3675 et 3676. De ep. 3627 cf. Delisle, *Examen de treize chartes de l'ordre de Grammont*, Caen 1854 p. 4.

exorare non pigeat et subditos sibi vel coniunctos fratres^a suis 1073
 nos orationibus apud Deum iuvare commoneat. Quanto enim
 in maiore periculo positi sumus, tanto amplius tuis et bonorum
 omnium suffragiis indigemus. Nos etenim, si divinae vindictae
 iudicium effugere volumus, contra multos insurgere et eos in
 animam nostram provocare compellimus. Nam, dum omnes fere,
 sicut ait apostolus, quae sua sunt non quae Iesu Christi quae-
 runt¹, regnorum principes et huius mundi potentes, ut cupiditi-
 tates suas expleant, legem Dei et iustitiam non iam negligenter
 deserunt, sed summis conatibus impugnant; ut illud prophetae
 nunc sub oculis videamus impletum: *Astiterunt reges terrae, et*
principes convenerunt in unum adversus Dominum et adversus
christum eius². Episcopi vero et, qui pastores animarum esse
 deberent, mundi gloriam et delicias carnis insatiabili desiderio
 prosequentes, non solum in semet ipsis, quae sancta quaeque
 sunt religiosa, confundunt, sed^b etiam^c subditos suos ad omne
 nefas operum suorum exemplo pertrahunt. Quibus non con-
 traire quam nobis periculosum, resistere autem et eorum nequiti-
 tam refrenare quam difficile sit, tua prudentia novit. Sed quo-
 niam, quos dolores inter has patiamur angustias, ut supra dixi-
 mus, huic communi filio nostro³ tibi referendum exseruimus,
 plura de his dicere supersedemus.

Tuam vero fraternitatem, etsi monitore non egeat, impel-
 lente tamen nos sollicitudine, admonemus: quatinus graviora
 usque quaque resecare vitia studeat; et inter omnia et p[re]ae
 omnibus nefas, quod de Scotis audivimus — videlicet quod ple-
 rique proprias uxores non solum deserunt sed etiam vendunt —
 omnibus modis prohibere contendat. Ad haec enim apostolica
 te auctoritate fultum esse volumus: ut non solum in Scotis hoc
 scelus sed etiam in aliis, si quos in Anglorum insula tales esse
 cognoveris, dura animadversione punias, et radicem tanti mali
 prudenti sarculo correctionis penitus extirpare non differas.

a. fraternis 1, fratres 2. b. et 1, sed 2. c. etiam *addidi.*

1. Philipp. 2, 21. 2. Ps. 2, 2. 3. epistolam perferenti.

2. *Clericos et monachos Vallumbrosanos hortatur, servent Ioannis Gualberti abbatis disciplinam. Deum precentur, ut satis vi- rium ad gerendum pontificatum sibi concedat^a.*

1073 Gregorius episcopus servus servorum Dei clericis, monachis^b, disciplinam sanctae recordationis Ioannis Gualberti abbatis^c imitantibus, salutem et apostolicam benedictionem.

Licet venerandae memoriae eumdem Ioannem, patrem vestrum, corporeis oculis non viderimus, quia tamen fidei eius puritas in Tusciae partibus mirabiliter resplenduit, multum eum amore dileximus. Cuius^d sanctae conversationis^e quamvis vos imitatores esse non ambigimus^f, ut vigor rectitudinis vestrae ad extirpandam de agro dominico zizaniam sollicitius invigilet attentiusque ferueat, paternae vobis exhortationis verba impendimus. Vos itaque dilectissimi, in quantum humana possibilitas permittit, vitam illius sequentes et vere filios eius et^g haeredes simili vos conversatione probantes, viriliter agite², et confortamini in Domino et in potentia³ virtutis eius⁴. Documenta sanctorum scripturarum, quibus haereticorum argumenta destruuntur et fides sanctae ecclesiae defenditur contra membra diaboli, quae diversis machinationibus christianam religionem conantur evertere, mens vestra quotidie meditetur, et ea qua solet libertate in malorum confusione erigatur. Eos vero, qui in vobis confidunt et consilium religionis vestrae sequi disponunt, more praedicti patris vestri suscipite et de his, quae ad salutem eorum pertinere videntur, sanctis exhortationibus instruite; ut, non solum vestra sed et vos sequentium circumpositi populi considerantes sancta opera, glorificent patrem vestrum, qui in coelis est. Nos autem ipsum amorem, quem patri vestro et vobis olim impendimus, donec nostros spiritus rexerit artus⁴, exhibere desideramus; et tanto quidem deinceps maiori vos caritate fovebimus, quanto

a. Legitur 1) in *Act. Sanct. Iulii T. III* 329, 2) ap. Baronium *Annal. eccl. Romae 1605 T. XI* 437. b. ac religiosis laicis add. 2. c. ad cuius 1. d. delevi studium 1. 2. e. sic. f. et om. 1. g. patientia 1. 2.

1. qui Vallumbrosanae congregationis institutor obiit d. 12 Iulii 1073.
2. 1 Corinth. 16, 13. 3. Ephes. 6, 10. 4. Virgil. Aen. IV 336: „Dum memor ipse mei, dum spiritus hos regit artus“.

vos in divinis negotiis ferventiores esse probabimus, quibus non 1073
solum spirituale sed et saeculare, si necesse fuerit, auxilium Deo
adiuvante ministrabimus. Vos igitur omnipotentem Dominum exo-
rate, ut ipse vires et facultates nobis tribuat, quatenus suscepti
regiminis importabile pondus possimus tolerare et sanctam eccl-
esiā in statum antiquae religionis reducere. Valete.

3. *Sigefrido I archiepiscopo Moguntino scribit, in synodo de simoniacis et fornicatoribus quid statutum sit^a.*

G(regorius) episcopus servus servorum Dei Mogontino archi- 1074
episcopo¹ salutem et apostolicam benedictionem. Mart.

Cum, apostolica auctoritate et veridicis sanctorum patrum sentenciis incitati, ad eliminandam simoniacam heresim et pre-
cipiendam clericorum castitatem pro nostri officii debito exar-
simus, tibi, cui est clerus et populus amplissime dilatatus, cui
preterea plures et late dispersi suffraganei sunt, hoc obedientie munus iniungere decrevimus: ut tam per te quam per coadiutores tuos hoc Romanae aeccliae decretum universo clero stu-
diosius inculcares et inviolabiliter tenendum proponeres. Qua de re tibi etiam speciales litteras cudere bulla nostra impressas collibuit; quarum fultus auctoritate, tucius animosiusque preceptis nostris obtemperes et de sanctuario Domini simoniacam heresim et fedam libidinosae contagionis pollutionem expellas.

Unde non ab re tibi scribendum fore arbitrati sumus, nos iuxta auctoritatem sanctorum patrum in nostra synodo senten-
tiam dedisse: ut hi, qui per symoniacam heresim, hoc est inter-
ventu precii, ad aliquem sacerorum ordinum gradum vel officium promoti sunt, nullum in sancta ecclesia ulterius locum mini-
strandi habeant; illi quoque, qui ecclesias datione peccuniae obtin-
tent, omnino eas perdant, ne deinceps vendere aut emere ali-
cui liceat; sed nec illi, qui in crimen fornicationis iacent, missas celebrare aut secundum inferiores ordines ministrare altari de-
beant. Statuimus etiam: ut, si ipsi contemptores fuerint no-

a. Ex cod. bibliothecae Monacensis, Frising. 36 fol. 166.

1. Sigefrido I.

1074 strarum immo sanctorum patrum constitutionum, populus nullo
 Mart. modo eorum officia recipiat; ut, qui pro amore Dei et officii dignitate non corriguntur, verecundia seculi et obiurgatione populi resipiscant. Studeat igitur fraternitas tua sic se in his rebus nobis cooperatricem exhibere, sic crimina ista de aecclesiis tuis radicitus evellere, quatinus boni pastoris meritum apud Deum valeas obtinere et Romana aecclesia de te sicut de karissimo fratre et studioso cooperatore debeat gaudere.

4. *Wezelino archiepiscopo Magdeburgensi significat, in synodo de simoniacis et fornicatoribus quid statutum sit^a.*

1074 Gregorius episcopus servus servorum Dei Madeburgensi archiepiscopo¹ salutem et apostolicam benedictionem.

Cum, apostolica auctoritate et veridicis sanctorum patrum sententiis incitati, ad eliminandam symoniacam heresim et preciendam clericorum castitatem pro nostri officii debito exarsimus, tibi, cui est clerus et populus amplissime dilatatus, cui preterea plures et late dispersi suffraganei sunt, hoc obedientie munus iniungere decrevimus: ut tam per te quam per coadiutores tuos Romane ecclesie decretum universo clero studiosius inculcares et inviolabiliter tenendum proponeres. Qua de re etiam tibi speciales litteras cudere bulla nostra impressas collibuit; quarum fultus auctoritate, tutius animosiusque preceptis nostris obtemperares et de sanctuario Domini symoniacam heresim et fedam libidinose contagionis pollutionem expellas.

Unde non ab re tibi scribendum fore arbitrati sumus, nos iuxta auctoritatem sanctorum patrum in nostra synodo sententiam dedisse: ut hi, qui per simoniacam heresim, hoc est interventu precii, ad aliquem sanctorum ordinum gradum vel officium promoti sunt, nullum in sancta ecclesia ulterius ministrandi locum habeant; illi quoque, qui ecclesias datione pecunie obtinent, omnino eas perdant, ne deinceps vendere vel emere alicui liceat; sed nec illi, qui in crimen fornicationis iacent, missas celebrare

a. *Ex cod. bibliothecae Monacensis, Tegerns. 1411 fol. 254.*

1. Wezelino.

aut secundum inferiores ordines ministrare altari debeant. Sta- 1074
tuimus etiam: ut, si ipsi contemptores fuerint nostrarum^a immo Mart.
sanctorum patrum constitutionum, populus nullo modo eorum officia recipiat; ut, qui pro amore dei et officii dignitate non corriguntur, verecundia seculi et obiurgatione populi resipiscant. Studeat ergo fraternitas tua sic se in his rebus nobis cooperatrixem exhibere, sic crimina ista de ecclesiis tuis radicitus evellere, quatinus boni pastoris meritum apud Deum valeas obtinere et Romana ecclesia de te sicut de bono fratre et studioso cooperatorate debeat gaudere.

5. *Ottoni I episcopo Constantiensi per nuntios eius redire festinantes significat, in synodo de simoniacis et fornicatoribus quid statutum sit^b.*

Gregorius episcopus servus servorum Dei dilecto in Christo 1074
fratri Ottoni^c Constantiensi episcopo salutem et apostolicam be- Mart.
nedictionem.

Instantia nunciorum tuorum festinanter redire volentium non permisit, nos fraternitati tuae, quae in Romana synodo constituta sunt, seriatim intimare. Haec tamen necessario tibi scribenda fore arbitrati sumus, nos iuxta auctoritatem sanctorum patrum in eadem synodo sententiam dedisse: ut hi, qui per simoniacam haeresim, hoc est interventu precii^c, ad aliquem sacrorum ordinum gradum et officium promoti sunt, nullum in sancta ecclesia ulterius ministrandi locum habeant; illi quoque, qui ecclesias datione pecuniae obtinent, omnino eas perdant, nec deinceps vendere vel emere alicui liceat; sed nec illi, qui in criminis fornicationis iacent, missas celebrare aut secundum inferiores ordines ministrare altari debeant. Statuimus etiam: ut, si ipsi contemptores fuerint nostrarum immo sanctorum patrum constitutionum, populus nullo modo eorum officia recipiat; ut, qui pro amore Dei et officii dignitate non corriguntur, verecundia

a. nostrarum om. c. b. Legitur 1) ap. Paulum Bernrid. c. 36, Pont. Rom. Vit. ed. Watterich I 490, 2) ap. Mansi Conc. XX 404. c. pecuniae 1.

1074 saeculi et obiurgatione populi resipiscant. Studeat igitur ^{Mart.} fraternitas tua sic^a se in his nobis cooperatricem exhibere, sic crimina ista de ecclesiis tuis radicitus evellere, quatenus boni pastoris meritum apud Deum valeas obtinere et Romana ecclesia de te sicut de carissimo fratre et studioso cooperatore debeat gaudere.

6. *Abbes et praelatos Galliae hortatur, ut ecclesiarum b. Petro stipendiariarum census pensitent Hugoni episcopo Diensi, suo vicario^b.*

1074 Gregorius episcopus servus servorum Dei omnibus abbatibus ^{c. Mart. 23} et praelatis tam monachorum quam et canonicorum per Gallias constitutis salutem et apostolicam benedictionem.

Fraternitatem vestram, dilectissimi fratres, latere minime credimus: quasdam aecclesiarum vestrarum beato Petro et nobis annuos census persolvere ex praecedentium patrum institutionibus debere. Sed quia quidam vestrum partim negligentia partim vero tenaci induratione haec hactenus minus plene quam oportet egerunt, hos, ut emendari et de(bita sol)vere studeant, omnes autem, ut apostolico praecepero: *Cui vectigal vectigal, cui tributum tributum*¹ optemeretis, commonemus. Unusquisque enim non quod suum est sed quod alterius querat²; quoniam, si digne redargitur, qui prout oportet propria non largitur, qua sententia dignus est, qui nec aliena rapere nec debita metuit retinere, dicente Domino: *Quae vultis ut faciant vobis, haec facite et vos illis*³, et: *Quod tibi non vis, alii non feceris.* Nunc igitur, quia dilectum filium nostrum Hugonem Diensem episcopum ob aecclesiasticae utilitatis diversa negocia in Gallias, vices nostras exequuturum, mittimus et quia nemini potius credere debemus, quem in omnibus a nobis sibi iniunctis fideliter egisse compemus, quae nobis ex ecclesiis vestris specialiter debetis, vos illi ad nos preferenda persolvere ac de retentis satisfacere iubemus.

a. sic om. 1. b. *Traxi hanc epistolam ex Periziana editione chron. Hugonis Flaviniac., Mon. Germ. SS. VIII* 412.

1. Rom. 13, 7. 2. 1 Cor. 10, 24. 3. Matth. 7, 12.

7. *Matisconensibus Landricum episcopum a sese consecratum commendat^a.*

Gregorius episcopus servus servorum Dei clero et populo 1074
Matisconensis ecclesiae salutem et apostolicam benedictionem. (Apr.)

Quanta sit erga vos et locum vestrum apostolicae sedis benevolentia, ex amore, quem in episcopum vestrum¹ habemus, cognoscere datur, qui^b episcopalis officii benedictionem ac dignitatem per impositionem manuum nostrarum, auctore Domino, suscepisse dignoscitur. Caeterum, ut ordinationis suae certa demonstrare posset^c indicia, sicut oportere cognovimus, cum litteris nostris^d et apostolico sigillo eum ad vos remisimus; ammonentes vos et apostolica auctoritate praecipientes^e, ut cum^f omni dilectione et gaudio eum recipientes unanimiter honoretis, et reverentiam, quae patri debetur et episcopo, fideli obedientia devote que subiectione sibi exhibeatis, attendentes dominica verba: *Qui vos audit, me audit; et qui vos spernit, me spernit*². Tanto enim laetioribus animis hunc suscipere venerari tuerique^g debetis ac diligere, quanto eum ab omni simoniaca ambitione purum et incontaminatum, nec aliunde sed^h per ostium³ ad custodiam animarum vestrarum in ecclesiam introisse et adⁱ episcopalis vigilantiae speculam constat ascendisse. Proinde nos, multum vobis congaudentes, rogamus et ammonemus dilectionem vestram: quatenus ad regendam sibi commissam ecclesiam eiusque iura conservanda et ubi opus fuerit recuperanda, quantum valetis, consilium sibi et adiutorium praebeatis; et in omnibus, quae ad christianam religionem pertinent, eius admonitionibus acquiescatis; scientes, sibi et vobis ac ecclesiae, cuius in Christo speciales^k filii estis, apostolica suffragia, quantum Domino praestante possumus, ad libertatem fidei vestræ et animarum curam^l profectumque salutis ubique prompta atque parata^m fore.

a. Legitur 1) ap. Severium *Chronologia hist. Lugdunensis archiepiscopatus II* 113,
2) in *Gallia Christ. IV instr. p. 282.* b. quoniam 1. c. possit 2. d. om. 1.
e. mandamus add. 1. f. cum om. 2. g. timere 2. h. quam 2. i. ad om. 2.
k. spiritales 2. l. nostram 2 pro animarum curam. m. pacata 1.

1. Landricum. 2. Luc. 10, 16. 3. Cf. Ioh. 10, 1.

8. *Ottонem I episcopum Constantиensem ad synodum vocat^a.*

1074 Dec. Gregorius episcopus^b servus servorum Dei Ottoni^c Constantiensi episcopo salutem et apostolicam benedictionem.

Perlatum est ad nos de fraternitate tua, quod satis invitus et mestus audivi, quodque, si vel de extremo christianaе plebis menbro ad audientiam nostram deferretur, severiore^e districtioris^d disciplinae censura esset procul dubio castigandum. Cum enim, apostolica auctoritate et veridicis sanctorum patrum sententiis incitati, ad eliminandam symoniacam heresim et praecipiendam clericorum castitatem pro nostri officii debito exarsimus, Mогонтину venerabili archiepiscopo² confratri nostro, cui plures et late dispersi suffraganei sunt, hoc obedientiae munus iniunximus: ut tam per se quam per coadiutores suos Romanae ecclesiae decretum universo clero studiosius inculcaret et inviolabiliter tenendum proponeret. Tibi quoque, cui est plurimus Constantiensi ecclesiae^e cleruſ et populus amplissime dilatatus, ob eamdem causam speciales litteras³ cudere^f, bulla nostra impressas, collibuit; quarum^g fultus auctoritate, tutius animosiusque praceptis nostris obtemperares et de sanctuario Domini heresim symoniacam et fedam libidinosae contagionis pollutionem expelleres. Apostolica namque beati Pauli praeponet auctoritas, qua, fornicatores et adulteros cum ceteris sceleratis^h connumerans, diffinitam suae iussionis sententiam subicit: *cum eiusmodi nec cibum sumereⁱ*. Preterea universus catholicae ecclesiae coetus aut virgines sunt aut continentes aut coniuges. Quicumque ergo extra hos tres ordines reperitur, inter filios ecclesiae sive intra^k christianaе religionis limites^l non numeratur. Unde et nos^m, si vel extreum laicum pellicatui adherentem liquido cognoverimus, hunc velut praecisum a corpore dominico membrum, donec peni-

a. Legitur haec epistola 1) ap. Hugonem Flaviniacensem, Mon. Germ. SS. VIII 426,
2) in Pauli Bernriedensis vita Greg. VII c. 37, ap. Watterich Pont. Rom. Vit. I 490,
3) in Udalrici Babenberg. cod. ap. Eccard Corp. hist. II 141. b. VII 1; episcopus
om. 2. c. severioris 1. d. districtionis 1, districtionis et 3. e. episcopii 2.
f. credere 1. g. quali 1. h. excommunicatis 1. i. capere 2. 3. k. inter 1.
l. terminos 3. m. et nos om. 1.

1. I. 2. Sigefrido I. V. supra p. 523. 3. supra p. 525.
4. 1 Corinth. 5, 11.

teat, condigne a sacramentis altaris arcemus. Quomodo ergo 1074
 sanctorum sacramentorum distributor vel^a minister esse debet^b,
 Dec.
 qui nulla ratione potest esse vel particeps? Sed et^c illa beati
 papae Leonis nos impulit auctoritas, qui subdiaconis ineundi
 conubii licentiam prorsus abstulit^d; quod decretum beati papae
 Leonis posteriores sanctae Romanae ecclesiae pontifices, maxime^e
 doctor eximus Gregorius, ita pro lege sauxerunt, ut deinceps
 tribus his ordinibus ecclesiasticis, sacerdotibus levitis et sub-
 diaconis, omnino vincula coniugalia sint^f prohibita. Cum autem
 hec omnia tibi^g observanda pastorali providentia transmitteremus,
 tu, non sursum cor sed deorsum in terra ponens^h, praedictis or-
 dinibus freна libidinis sic, ut accepimus, laxasti: ut, qui mulier-
 culis se iunxeruntⁱ, in flagitio persisterent et, qui needum duxer-
 runt^j, tua interdicta non timerent. O impudentiam, o audaciam
 singularem, videlicet episcopum sedis apostolicae decreta con-
 tempnere^k, praecepta sanctorum patrum convellere^l, immo vero
 praeceptis contraria ac fidei christianaе repugnantia de superiori^m
 loco et de cathedra pontificali subiectis ingerere. Quapropter
 tibi apostolica auctoritate praecipimus: ut ad proximam syno-
 dum nostram prima ebdomada quadragesimaeⁿ te praesentem
 exibeas, tam de hac inobedientia et sedis apostolicae contemptu
 quam de omnibus, quae tibi obiciuntur, canonice responsurus.

9. *Constantiensibus Ottonem I episcopum ad synodum vocatum
 nuntiat; cui quidem ne obedient, quamdiu sibi non obedierit^o.*

Gregorius episcopus servus servorum Dei clericis et laicis, 1074
 Dec.
 maioribus et minoribus, in Constantensi episcopatu consistenti-
 bus, christianam legem diligentibus, salutem et apostolicam bene-
 dictiōnem.

a. et 1. b. potest 1. c. et om. 1. d. et maxime 3. e. essent 2.
 f. tibi om. 1. g. iunxerant 1. h. duxerant 1. i. convellere 1. k. con-
 tempnere 1. l. sacriatre 2. m. Legitur 1) in Pauli Bernrid. vita Greg. VII
 c. 38, ap. Watterich Pont. Rom. Vit. I 492, 2) ap. Hug. Flaviniac., Mon. Germ. SS.
 VIII 427, 3) in Udalrici Bab. cod. ap. Eccardum Corp. hist. II 143.

1. Leo I ad Anastasium ep. 14 c. 4 (Opp. ed. Ballerinii T. I 687):
 „nec subdiaconis quidem connubium carnale conceditur^p. Cf. Gratiani
 Decr. I D. 32 c. 1. 2. Cf. Coloss. 3, 2. 3. 1075 Febr. 22—28.

1074 Misimus fratri nostro, episcopo vestro, Ottoni litteras ex-
 Dec. hortatorias^a, per quas pro nostri necessitate officii^b apostolica illi auctoritate iniunximus, ut simoniacam haeresim de ecclesia sua penitus excluderet et castitatem clericorum studiose praedicandam susciperet et firmiter tenendam^c episcopali vigilantia inculcaret. Nam sic eam nobis euangelicae et apostolicae litterae, autenticarum synodorum decreta et eximiorum doctorum pracepta insinuant, ut eam dissimulare et negligere sine magno animae nostrae et populi christiani detimento^d non possimus. Sed episcopus vester neque reverentia praeceptri beati Petri neque officii sui sollicitudine attractus, ut nobis relatum est, quae paterne suaseramus, perficere curavit; et, ut non solum inobedientiae verum etiam^e rebellionis offensam contraheret, quemadmodum accepimus, palam clericis suis iussioni nostrae immo beati Petri omnino^f contraria permisit ita: ut, qui mulierculas habuerant^g, retinerent, et qui non habebant, illicita temeritate subintroducerent. Quod ut audivimus, moleste ferentes, secundam ei scripsimus epistolam, indignationis ei nostrae motus ostendentes et idem praeceptum^h iterato acrius inculcantes; quinⁱ etiam ipsum ad synodum Romanam, quae prima proximae quadragesimae hebdomada^j futura est, advocavimus, ut pro se rationem reddat et inobedientiae causas, si rationabiles habuerit, in audiencia totius conventus exponat.

Haec ideo, filii^k carissimi, vobis innotescimus, ut animae vestrae saluti consulamus. Si enim beato Petro et sanctae sedi apostolicae fronte aperta repugnans et contumax esse voluerit, liquido manifestum est, quod, qui patrem vel matrem inhonorat, nullam a fidelibus patris et matris filii^l iure obedientiam exigere aut quaerere debeat. Indignum^m est enim, ut, qui magistro detrectat subesse, magister auditoribus postulet praeesse. Quapropter omnibus, sicut praediximus, maioribus atque minoribus Deo et beato Petro adhaerentibus apostolica auctoritate prae-

a. commonitorias 2. b. et add. 3. c. tenenda 2. d. periculo 3.
 e. et 2. f. omnino *om. 2.* g. habent 2. h. praeceptum *om. 2.* i. tum 1.
 k. fratres 1. l. filii *om. 1.* m. Indignum — praeesse *om. 2.*

cipimus, si in obduratione sua persistere voluerit, nullam ei 1074
 obedientiae reverentiam exhibeat. Neque id animae vestrae
 perniciem esse putetis. Nam^a si, ut totiens iam praediximus,
 praeceptis apostolicis voluerit esse contrarius, ab omni illius
 subiectionis iugo beati Petri auctoritate absolvimus ita universos,
 ut, etiam^b sacramenti obligatione quilibet ei fuerit obstrictus^c,
 quam diu Deo omnipotenti et sedi apostolicae rebellis extiterit,
 nulla ei fidelitatis exhibitione fiat obnoxius. Non enim cuilibet
 personae contra creatorem suum, qui cunctis praeponendus est,
 aliquis debet obedire; sed debemus contra Deum superbienti
 resistere, ut, saltem hac necessitate coactus^d, ad viam iustitiae
 addiscat^e redire. Quanti enim periculi quantaeque a^f christiana
 lege sit alienationis, obedientiam, maxime apostolicae sedi, non
 exhibere, ex dictis beati Samuelis prophetae potestis cognoscere,
 quae sanctissimus papa Gregorius in ultimo^g libro Moralium^h
 procuravit exponereⁱ. Ut autem ea sint vobis in promptu, scripta
 transmisimus, quatenus indubitanter sciatis, nos vobis nova non
 dicere, sed antiquam sanctorum patrum doctrinam propalare:
*Hinc Samuel ait: „Melior est obedientia quam victimae, et
 auscultare magis quam offerre adipem arietum; quoniam quasi
 peccatum ariolandi est repugnare, et quasi scelus idolatriae nolle
 acquiescere“*^j. Obedientia quippe victimis iure praeponitur, quia
 per victimas aliena caro, per obedientiam vero propria voluntas
 mactatur. Tanto igitur quisque Deum citius placat, quanto ante
 eius oculos, repressa arbitrii sui superbia, gladio praecepti se
 immolat. Quo contra ariolandi peccatum inobedientia dicitur, ut
 quanta sit virtus obedientia, demonstretur. Ex adverso igitur
 melius ostenditur, quid de eius laude sentiatur. Si enim quasi^k
 ariolandi peccatum est repugnare et quasi scelus idolatriae nolle
 acquiescere, sola obedientia^l est, quae fidei meritum possidet,
 sine qua quisque convincitur infidelis, etiamsi^m fidelis esse videatur.

a. namque 2. 3. b. auctoritate vos absolvimus, ita ut si etiam 2. 3. c. ad-
 strictus 2. 3. d. compulsus 2. e. discat 2. 3. f. a om. 2. g. ultimo om. 2.
 h. explanare 2. 3. i. quasi om. 1. k. obedientia om. 2. l. etsi 1.

1. L. 35 cap. 28, Opp. ed. Benedictini T. I 1155 — 1156. 2. 1 Reg.
 15, 22. 23.

10. *Teutonicis scribit, ne obediant episcopis, sacerdotes et diaconos et subdiaconos mulieribus uti permittentibus^a.*

1074 Dec. Gregorius episcopus servus servorum Dei omnibus clericis et laicis in regno Teutonicorum constitutis salutem et apostolicam benedictionem.

Audivimus, quod quidam episcoporum apud vos commorantium, ut sacerdotes et diaconi^b et subdiaconi mulieribus commisceantur, aut consentiant aut negligant. His praecipimus vos nullo modo obedire vel illorum praeceptis consentire, sicut ipsi apostolicae sedis praeceptis non obediunt neque auctoritati sanctorum patrum consentiunt. Testante divina^c scriptura^d, facientes et consentientes par poena complectitur. Omnipotens et misericors Deus, qui ultra spem, qui^e ultra meritum miseretur et consolatur nos in omni tribulatione nostra, aperiat cor vestrum in lege sua^f et confirmet vos in praeceptis suis, ut, auctoritate beati Petri apostoli^g a cunctis peccatis absolutos, vos ad coeleste regnum perducat regnatos. Amen.

11. *Mathildi comitissae scribit, Agnetem imperatricem una secum christianis ultramarinis ferre opem velle. Ipsane se comitatura sit^h.*

1074 (Dec. 16) Quanta sit mihi meditatio quantumque desiderium mare transeundi, ut christianis, qui more pecudum a paganis occiduntur, Christo favente valeam succurrere, erubesco quibusdam dicere, ne videar aliqua duci levitate. Sed tibi, o carissima plena dilectione filia, nil horum dubito indicare; de cuius prudentiae studio quantum possum presumere, tu ipsa vix poteris exprimere. Quapropter, visis super hac re nostris litteris, quas mitto ultramontanisⁱ, si quod^j potes adhibere consilium immo crea-

a. Legitur 1) in Pauli Bernr. vit. Greg. ap. Watterich Pont. Rom. vit. I 495; 2) ap. Hugon. Flav., Mon. Germ. SS. 428. Quam epistolam edidit Baluzius Miscell. VII (Lutetiae 1715) p. 125, ea conglutinata est e fragmentis et huic epistolae et registri L. II ep. 45 supra p. 158. b. diacones et subdiacones 2. c. sancta 2. d. qui om. 2. e. sua om. 1. f. apostoli om. 1. g. Ex cod. bibliothecae Hannoveranae edidit Sudendorf Registrum II p. 24. h. quid ed.

1. Rom. 1, 32. 2. Reg. II 37, supra p. 150.

tori tuo adiutorium, summopere procura. Quia, si pulchrum est, ut quidam dicunt, pro patria mori¹, pulcherimum est ac valde gloriosum, carnem morticinam pro Christo dare, qui est aeterna vita.

Credo enim: multos milites in tali labore nobis favere; ipsam etiam nostram imperatricem² nobiscum ad illas partes velle venire, teque secum ducere, matre tua³ in partibus his relicita pro tuendis rebus communibus; quia sic tute^a, Christo iuvante, possemus abire^b.

Proinde predicta imperatrix, causa orationis veniens, multos ad hoc opus una tecum posset animare. Ego autem, talibus ornatus sororibus, libentissime mare transirem, ut animam meam, si oporteret, vobiscum pro Christo ponerem; quas mihi semper cupio in aeterna patria adherere.

Quid super hac re et de tuo adventu Romam tibi videatur, citissime procura rescribere; quam Dominus omnipotens de virtute in virtutem ducendo dignetur benedicere, ut universalis mater longo tempore de te^c possit gaudere.

12. *Liprandum sacerdotem Mediolanensem, naso et auribus truncatum, consolatur eiusque protectionem suscipit^d.*

Gregorius episcopus servus servorum Dei Liprando sacerdoti^e salutem et apostolicam benedictionem.

Si sanctorum memoriam veneramur, de quorum legimus morte et abscisione^f membrorum; si patientiam laudamus eorum, quos a Christi fide nec^g gladius nec ulla poena divisit; tu quoque, absciso naso et auribus pro Christi nomine, laudabilior es, qui ad eam gratiam pertingere meruisti, quae ab omnibus desideranda est, qua a sanctis, si perseveraveris in finem, non discrepas. Integritas quidem corporis tui diminuta est, sed interior homo, qui renovatur de die in diem, magnum sanctitatis

a. sic tute scripsi pro sancte ed. b. adire ed. c. dote ed. d. Ex *Landelſ de S. Paulo historia Mediolanensi*, ap. *Muratorium Rer. It. SS. V* 477. e. abscissione ed. f. nec addidi.

1. Horatii carm. L. III od. II 13: „Dulce et decorum est pro patria mori“.

2. Agnetem. 3. Beatrice. 4. Mediolanensi.

1075 suscepit incrementum; forma visibilis turpior, sed imago Dei, quae est forma iustitiae, facta est in diminutione iucundior, ni turpitudine pulchrior. Unde in canticis cantorum gloriatur ecclesia dicens: *Nigra sum, filiae Hierusalem*¹. Quodsi interior species nihil passa est detrimenti, iis abscisionibus non est abscisum a te sacerdotale officium, quod proprium est sanctitatis et non tantum consideratur in integritate membrorum quantum^a in integritate virtutum. Unde imperator Constantinus Hierosolymitani episcopi cuiusdam oculum, pro nomine Christi erutum, saepe osculabatur. Et exemplo patrum atque documento maiorum didicimus, non auferri sacrum officium martyribus pro huiusmodi caesura membrorum. Proinde, martyr Christi, confortare in Domino. Magis credas in te nunc esse presbyteratus officium; quod prius olei unctione, nunc vero tibi est sanguinis tinctione commissum. Et quanto minus habes quod possit auferri, tanto minus timeas praedicare quae recta sunt, seminare quae centupli-cata reddentur. Scimus quidem, te ab inimicis sanctae ecclesiae semper inimicari atque affligi. Sed tu ne eos timeas neque perterreas; quia nos tam te quam tua omnia sub nostra et sub apostolicae sedis tutela cum magna caritate tenemus; et si in aliquibus tibi necessarium fuerit apostolicam sedem appellare, concedimus; et si ad nos et ad sedem nostram veneris, cum gaudio et magno honore te^b suscipere parati sumus.

13. Heinricum I episcopum Tridentinum miratur ad suas litteras non respondisse. Heinricum regem iuste excommunicatum esse, ante diem 1 m. Augusti perepectum iri. Hortatur, ut milites sibi per Mathildam auxilio mittat^c.

1076 Gregorius episcopus servus servorum Dei fratri et coepiscopo Tridentino Heinrico^d salutem et apostolicam benedictionem.

Miramur, fraternitatis tuae prudentiam verba nostra neglexisse, ut secundum ea nullum decreveris dare responsum, maxime

a. quam ed. b. te addidi. c. Legitur 1) in Udalrici Babenb. cod. ap. Ecclardum Corp. hist. II 155, 2) ap. Hahnium Coll. mon. I 116. d. Heinrico om. 1.

1. Cant. 1, 4.

cum post synodalem sententiam in Heinricum regem prolatam 1076
 dilectio tua minime differre debuerit. Ad cuius nimirum (Mart. - Iul.)
 sententiae promulgationem nos, iustitiae zelo impulsos et non ali-
 qua commotione^a iniuriae concitatos, manum exeruisse^b, neque
 sollertia tuam ignorare neque aliquem sanae mentis hominem
 putamus posse ambigere. Quod tamen si in dubium cuiquam
 deveniret, constat, eius rei rationes prius ex nobis fore scrutan-
 das^c quam in illum praeiudicium factum temere esse credendum.
 Verum, utcunque opinio sese habeat factumve interpretentur^d,
 illud procul dubio de divina clementia sperantes promittimus:
 festum beati Petri¹ non prius transeundum, quam in cunctorum
 notitia certissime clareat, illum iustissime esse excommunicatum.
 Et interea^e fraternitatem tuam monemus^f, ut certos nos studeat
 facere, utrum^g Deo obedire an hominibus magis elegerit utrumve
 iustitiae obtemperando fidem Deo et sanctae Romanae ecclesiae
 observare, quam filiis iniquitatis adhaerendo^h conculcare censuerit.

Rogamus etiamⁱ atque invitamus: ut ad servitium beati Petri
 pro posse tuo milites mittere studeas; eosque si decreveris mit-
 tere, Mathildae^k filiae nostrae notificare procures, cuius ope con-
 ducti secure possint ad nos et sine impedimento, favente Domino,
 pervenire.

*14. Omnibus fidelibus in regno Teutonico scribit, se audiisse,
 num iuste Heinricus rex excommunicatus sit, quosdam dubi-
 tare. Causas igitur excommunicationis explicat^l.*

Gregorius episcopus servus servorum Dei omnibus episcopis 1076
 ducibus comitibus caeterisque fidelibus, in regno Teutonicorum^m
 christianam fidem defendantibus, salutem et apostolicam bene-
 dictiōnem.

Audivimus, quosdam inter vos de excommunicatione, quam

a. promotione 2. b. exercuisse 2. c. rationem — scrutandam 2. d. inter-
 pretetur 2. e. inde 2. f. volumus atque monemus 2. g. utrumque 2. h. haes-
 rendo 2. i. ergo 2. k. Mecthildae 1. l. Legitur 1) ap. Paulum Bernrid., in
Pontif. Rom. vit. ed. Watterich T. I 517 sq., 2) ap. Annalistam Saxonem et ap. Bru-
nnonem de bello Sax., Mon. Germ. SS. VI 708, V 354, 3) ap. Hugonem Flavin., ibid.
VIII 439. m. Teutonico 2.

1. Aug. 1.

1076 in regem fecimus, dubitare ac quaerere: utrum iuste excommunicatus sit et si nostra sententia ex auctoritate legalis censurae ea, qua debuit, deliberatione progressa sit^a. Quapropter, qualiter ad excommunicandum illum adducti simus, prout verius potuimus^b teste conscientia nostra, oculis et intellectibus omnium patefacere curavimus; non tam ut singulas causas, quae heu nimium notae sunt, quasi nostro^c clamore proiciamus in publicum, quam ut eorum opinionibus^d satisfaciamus, qui putant, nos spiritalem gladium temere et magis motu animi nostri quam divino metu et iustitiae zelo arripuisse.

Cum adhuc in diaconatus officio positi essemus, perlata ad nos de regis actionibus sinistra et multum inhonesta fama, propter imperialem dignitatem et reverentiam patris ac matris eius nec non propter spem ac desiderium correctionis suae saepe eum per litteras et nuncios admonuimus: ut a pravitate sua desisteret et, memor clarissimi generis ac dignitatis suae, vitam suam moribus, quibus regem et futurum Deo donante deceret imperatorem, institueret. Postquam autem ad pontificatus apicem^e licet 1073 indigni venimus, cum^f illius aetas pariter cresceret^g et iniquitas — intelligentes, Deum omnipotentem tanto districtius de manu nostra animam illius requisitorum, quanto nobis ad increpandum illum prae cunctis^h libertas data fuisse et auctoritas — multo sollicitius eum modis omnibus arguendo obsecrando increpando ad emendationem vitae suae hortati sumus. Qui cum saepe nobis devotas salutationes et litteras mitteret — excusans se cum ex aestate, quod fluxa esset et fragilis, tum quod ab his, in quorum manibus curia erat, multoties male sibi suasum atque consultum sit — monita nostra de die in diem se promptissime susceptum, verbis quidem promisit, caeterum re et exaggeratione culparum penitus conculcavit.

Inter haec quosdam familiares suos, quorum consiliis et machinationibus episcopatus et multa monasteria, inductis per pretium lupis pro pastoribus, simoniaca haeresi foedaverat, ad

a. processerit 1. b. possumus 3. c. novo 1. d. opinioni 2. e. officium 1. pontificatum 3. f. et 1. 3. g. crevit 3. h. ceteris 2.

poenitentiam vocavimus: quatenus et bona ecclesiarum, quae per 1073 interventum tam scelerati commercii sacrilega manu suscepserant, venerabilibus locis, ad quae pertinerent, dum^a adhuc locus esset emendandi, redderent, et ipsi de^b perpetrata iniquitate per lamenta poenitutinis Deo satisfacerent. Quos dum ad haec exequenda datas inducias spernere et in consueta nequitia pertinaciter stare cognovimus, sicut dignum erat, sacrilegos et ministros ac membra diaboli a communione et corpore totius ecclesiae separavimus, et regem, ut eos a domo sua, a consiliis et omni communione sua sicut excommunicatos expelleret, admonuimus.

Interim vero, aggravescente^c contra regem Saxonum causa, cum vires et praesidia regni ex maxima parte a se deficere velle consiperet^d, iterum nobis direxit epistolam supplicem et omni humilitate plenam^e. In qua, omnipotenti Deo ac beato Petro ac nobis valde se culpabilem reddens, preces etiam obtulit, ut, quod ex sua culpa in ecclesiasticis causis contra canonicam iustitiam^f et decreta sanctorum patrum delinquisset^g, nostra apostolica prouidentia et auctoritate corrigerem studeremus; atque in eo^h suam nobis per omnia obedientiam consensum et fidele promisit adiutorium. Hoc idem etiam postea — a confratribus et legatis nostris Humberto Praenestino episcopo et Geraldo Ostiensi epi- 1074 scopo, quos ad illum misimus, ad poenitentiam susceptus — in illorum manus per sacras stolas, quas in collo tenebant, re-promittendo confirmavit.

Deinde post aliquod tempus commisso cum Saxonibus proe- 1075 lioⁱ, rex pro victoria, quam adeptus est, tales Deo grates et ^{Iun. 9} victimas obtulit: ut vota, quae de emendatione sua fecerat, continuo frangeret, et nihil eorum, quae promiserat, attendens, excommunicatos in suam familiaritatem et communionem reciperet, et ecclesias in eam quam consueverat confusione traheret.

Qua de re gravi dolore perculti, quamquam post contempta coelestis regis beneficia pene omnis spes correctionis eius nobis

a. cum 1. b. pro 2. c. ingravescente 3. d. videret 2. e. institutionem scripsit *Pertzius Mon. Germ. SS. V* 355. f. factum esset 2. g. ea 2.

1. Reg. I 29a, supra p. 46. 2. prope Unstrut fl.

1075 ablata sit, adhuc tamen animum eius temptandum fore decrevimus, magis cupientes, eum apostolicam mansuetudinem audire, quam experiri severitatem. Itaque misimus ei epistolas communitarias: ut meminerit, quid et cui promiserit; ne credat, se posse fallere Deum, cuius quanto prolixior est patientia, tanto severior est, cum iudicare coeperit, ira; ne inhonoret Deum honorantem se, nec potentiam suam ad Dei contemptum et apostolicam temptet extendere contumeliam; sciens, quoniam^a superbis Deus resistit, humilibus autem dat gratiam. Praeterea misimus ad eum tres religiosos viros, suos utique fideles, per quos eum secreto monuimus: ut poenitentiam ageret de sceleribus suis — quae quidem horrenda dictu sunt, pluribus autem nota et in multis partibus divulgata, propter quae eum non excommunicari solum usque ad condignam satisfactionem, sed ab omni honore regni absque spe recuperationis debere destitui, divinarum et humanarum legum testatur et iubet auctoritas —; postremo, nisi excommunicatos a sua participatione divideret, nos nihil aliud de eo iudicare aut decernere posse, nisi ut, separatus ab ecclesia, in excommunicatorum consortio foret, cum quibus ipse^b potius quam cum Christo habere partem delegit^c; sane, si nostra monita suscipere et vitam suam corrigere vellet, Deum testem invocavimus — et invocamus — quantum nos de eius salute et honore gauderemus, et^d quanta caritate eum in gremium sanctae ecclesiae amplecteremur, utpote eum, qui, princeps populi constitutus et amplissimi regni gubernacula tenens, catholicae pacis et iustitiae defensor esse deberet.

Verum quanti ipse aut scripta aut per legatos missa nostra verba fecerit, eius facta declarant. Qui, indigne ferens, se a quoquam reprehendi aut corripi, non solum a perpetratis ad emendationem revocari non potuit, sed, ampliori conscientiae suae furore arreptus, non prius cessavit, donec episcopos, pene^e omnes in Italia, in Teutonicis vero partibus quotquot potuit, circa fidem Christi naufragare fecit, dum^f eos debitam beato Petro et

a. quod 2. b. ipse *om.* 1. c. deligeret 1, elegit 2, delegit 3. d. cum add. 2. e. fere 1. f. dum — subegit *om.* 3.

apostoliceae sedi obedientiam et honorem, a domino nostro Iesu 1075
Christo concessum, abnegare subegit.

Cum igitur iniuitatem eius ad summum prodiisse vidimus,
pro his causis — videlicet primum, quod ab eorum communione,
qui pro sacrilegio et reatu simoniaca haeresis excommunicati
sunt, se abstinere noluit; deinde quod pro criminosis actibus
vitae suae poenitentiam non dico suspicere sed nec promittere
voluit, mentita ea poenitentia^a, quam in manus legatorum nostro-
rum promiserat; nec non quod corpus Christi id est unitatem
sanctae ecclesiae scindere non expavit — pro his, inquam, cul-
pis synodali iudicio eum excommunicavimus; ut, quem mites 1076
non potuimus, vel severi ad viam salutis Deo adiuvante revo-
care valeamus, aut, si quod absit ne^b distinctionis quidem cen-
suram pertimuerit, nostra saltem anima negligentiae aut timoris
discrimini non succumbat.

Si quis igitur hanc sententiam iniuste vel irrationaliter
prolatam esse putaverit, si talis est, ut sacris regulis intelligentiae
sensum praebere velit, nobiscum inde^c agat et — non quid
nos, sed quid^d divina auctoritas doceat, quid decernat, quid consona
vox sanctorum patrum iudicet^e, patienter audiens — acquiescat.
Nos tamen non aestimamus, quemquam fidelium qui ecclesiastica
statuta noverit hoc errore teneri, ut non hoc, etsi publice affir-
mare non audeat, vel in corde suo recte factum esse perhibeat.
Quamquam, etsi nos, quod Deus avertat, non satis gravi de
causa aut minus ordinate eum huiusmodi vinculo ligaverimus,
sicut sancti patres asserunt, non idcirco spernenda esset sententia,
sed absolutio cum omni humilitate quaerenda.

Vos autem, dilectissimi, qui iustitiam Dei non pro regia
indignatione nec pro aliquo periculo deserere voluistis, fatui-
tatem eorum, qui de execratione et mendacio annuntiabuntur in
consummatione¹, parvi pendentes, viriliter state et confortamini
in Domino; scientes, quod illius partem defenditis, qui insu-

a. fide 2. b. nec 2. c. inde om. 3. d. quid om. 1. e. voce — iudicetur 3.

1. Ps. 58, 13. 14: „Et de execratione et mendacio annuntiabuntur in consummatione“.

1076 rabilis rex et magnificus triumphator iudicaturus est vivos et mortuos¹, reddens unicuique secundum opus suum². De cuius multimoda retributione et vos certi esse poteritis, si usque in finem fideles et inconcussi in eius veritate persisteritis. Propter quod et nos incessanter pro vobis rogamus Deum, ut det vobis virtutem corroborari per Spiritum sanctum³ in nomine eius; et convertat cor regis ad poenitentiam, ut et ipse aliquando cognoscat, nos et vos multo verius amare eum, quam qui nunc suis iniquitatibus obsequuntur et favent. Quodsi Deo inspirante voluerit resipiscere, quidquid contra nos moliatur, semper tamen nos ad recipiendum eum in sanctam communionem, prout vestra caritas nobis consuluerit, paratos inveniet.

15. *Omnibus in Christo fratribus scribit, allatum nuntium esse, Heinricum regem concitandae inter eos seque discordiae studere. Praecipit, ne quis se inscio illum anathemate absolvat^a.*

1076 Aug. 29 Gregorius episcopus servus servorum Dei omnibus in Christo fratribus, episcopis abbatibus sacerdotibus ducibus et principibus atque militibus, omnibusque christianam fidem et beati Petri honorem re vera diligentibus, in Romano imperio habitantibus, salutem et apostolicam benedictionem.

Postquam fraternitati vestrae epistolam direximus, quae ita incipit: *Gratias agimus omnipotenti Deo⁴*, a fidelibus sanctae ecclesiae accepimus, quod rex summopere procuret nos ab invicem seiungere suaque fraude decipere, modo per spirituales modo per seculares personas. Proinde dubitamus, ne forte ex nostris fratribus minus cauti pro licentia quam dedimus decipientur. Et ideo ex parte beati Petri apostolorum principis praecipimus: ut nullus eum praesumat a vinculo anathematis absolvere, quo usque illius satisfactio et penitentia per idoneos vestros nobis fuerit renunciata; ut simul decernentes per legatos nostros, quod aequum fuerit ac Deo placitum, omni fraude remota, apostolica auctoritate statuamus. Vos autem diligenter studete eam

a. Legitur ap. Hugonem Flav., Mon. Germ. SS. VIII 442.

1. 2 Tim. 4, 1. 2. Cf. Apoc. 2, 23. 3. Ephes. 3, 16. 4. Registri L. IV ep. 1 supra p. 238.

promissionem eamque securitatem ab illo accipere, ut non vi-
deamur pro columbae simplicitate serpentis prudentiam¹ negli-
gere. Quodsi inter hec, quod non optamus, morte praeventus
fuerit, non dubitet vestra fraternitas, quam vera penitentia ve-
raque satisfactio promeretur, absolutionis medicinam impendere.
Data Tiburis^a 4 Kal. Septembbris.

16. *Willelmum I regem Anglorum hortatur, ne adiuvet Iuhellum
episcopum Dolensem varia ob crimina deiectum. Ivonem
abbatem a se episcopum Dolensem consecratum commendat^b.*

Gregorius episcopus servus servorum Dei excellentissimo 1076
filio W(ilhelmo) glorioso regi Anglorum salutem et apostolicam
(Sept. 27) benedictionem.

Compertum esse celsitudini tuae non dubitamus, quod dictus
episcopus² Dolensis ecclesiae, quae Britannicae provinciae prin-
cipalis est sedes, suae salutis immemor et sanctorum canonum
decreta conculeans, eamdem ecclesiam per simoniacam haeresim
impudenter invaserit et prolixo iam tempore oppresserit vio-
lenter. Datis namque comiti Alano³ copiosis muneribus, quae
usque hodie ad probamentum prius^c nequitiae in propatulo ex-
stant, non per ostium in ovile Christi, sed ut fur et latro aliunde
irrepsit. Qui etiam, nec hoc scelere contentus, iniquitatem super
iniquitatem apposuit et, quasi simoniacum esse parum et pro
nihilo deputaret, Nicolaita quoque fieri festinavit. Nam in ipso
tam perniciose adepto episcopatu, nuptiis publice celebratis, scor-
tum potius quam sponsam ducere non erubuit; ex qua et filios
procreavit; ut, qui iam spiritum suum animarum corruptori per
simoniaca commercia prostituerat, per foedae libidinis incestum
corpus suum ita in contumeliam diabolo consecraret; et sic in
eo nullus locus superesset Conditori, quem, intus exteriusque
obligatum, totum sibi adversarius non vendicasset. Nec tamen

a. Triburis ed. b. Legitur ap. Martene Thes. anecd. III 871, Morice Mémoires de Bretagne I 442 ex tabulario Turonensi; et in Recueil des historiens XIV 596.
c. an prioris? BRIAL.

1. Cf. Matth. 10, 16. 2. Iuhellus. 3. III comiti Redonensi et
Britauniae duci, qui obiit a. 1040. BRIAL.

1076 huc usque malitiae conatus substituit; sed atrocissimum facinus
 (Sept. 27) turpissimumque flagitium horrendo etiam sacrilegio cumulavit.
 Nam adultas ex illicito matrimonio filias, praediis ecclesiae et
 redditibus nomine dotis collatis atque alienatis scelere immanis-
 simo, maritavit. His iniquitatibus coopertus, eamdem tamen
 ecclesiam dilaceratam dissipatamque, si liceat, incubare molitur.
 Quibus de causis celsitudo tua noverit illum iam beati Petri apo-
 stoli spiculo perfossum, et, nisi sceleris^a resipuerit, anathemate
 mortifero esse damnatum. Quapropter paterna caritate te am-
 monere et causam breviter exponere studuimus, ne fortasse per
 ignorantiam tam scelesto homini, tam diu in tenebris suis ia-
 centi, ulterius auxilium praebeas neve scelerum eius te parti-
 cipem facias; sed, sedi apostolicae nostrisque monitis modeste
 parendo, illum a te repellas, vel etiam, ut tandem aliquando sibi
 consulat atque ad remedium poenitentiae confugiat, blande sua-
 dendo, si poteris, inducas. Nam tales in malo perseverantes
 fovere et adiuvare nihil est aliud, quam iram Domini contra se
 provocare. Nos vero supra dictae ecclesiae afflictionem diu-
 tius non ferentes, Deo inspirante, virum vita probabilem et
 compertae religionis inibi ordinavimus et consecravimus, vide-
 licet S. Melanii¹ abbatem²; qui, cum ob alias causas, quas ex-
 plicare prolixum est, ad nos venisset, pontificatus onus ex in-
 sperato subire compulsus est. De quo confidimus in Domino:
 quia, si — ut desideramus litterisque nostris multipliciter im-
 plorare curavimus — principum terrae et bonorum virorum gra-
 tiam et studia habere meruerit, Domino cooperante, sub beati
 Petri patrocinio ecclesiam in melius restaurabit.

17. *Teutonicis significat, se adeo accelerare ad eos iter statuisse,*
ut possit die 8 Ianuarii anni 1077 Mantuae esse. Mandat
curent, ut bene recipiatur^b.

1076 Gregorius episcopus servus servorum Dei archiepiscopis epi-
 Nov. Dec. scopis ducibus comitibus nec non maioribus atque minoribus in

a. an celerius? BRIAL. b. Legitur 1) ap. Paulum Bernid., Pont. Rom. vitae
 ed. Watterich T. I 523, 2) in Udalrici Babenb. cod. op. Eccardum Corp. hist. II 149.

1. Redonensis. 2. Ivonem.

regno Teutonicorum constitutis salutem et apostolicam benedictionem.

1076
Nov. Dec.

Nos, et indigni et inutiles principis apostolorum servi, statuimus ad vos divina auxiliante clementia venire et, postponentes paene^a omnium fidelium nostrorum consilium, ita profectionem nostram maturare, ut 6 Idus Ianuarii¹ velimus Mantuae esse; ea^b quidem voluntate et desiderio, ut fiducia probatae fidei vestrae^c quaeque^d aspera et, si necesse^e fuerit, ipsam sanguinis effusionem pro libertate sanctae ecclesiae et salute imperii pura et sincera intentione subire non dubitemus. Vestri igitur studii sit, de susceptione^f et servitio nostro praemonere eos, quos prudenter vestra id posse et nobis debere cognoverit. Sit etiam studii vestri, per partes vestras pacem firmare, ut intentionis nostrae propositum nihil possit impedire. Quot et quantas collectationes cum nunciis regis^g habuerimus, et quibus rationibus dictis eorum^h obviaverimus, quidquid hisⁱ litteris deesse videtur, latores earum plenius indicabunt. Quibus, sicut de his, quae per eos^k beato Petro et nobis promisistis, indubitanter credimus, ita vos de his, quae ex nostra vobis^l parte dixerint, credere volumus.

**18. Teutonicis nuntiat, se invitatis Romanis iter ad eos habere.
Hortatur, dent operam, ut ad eos perveniat^m.**

Gregorius episcopusⁿ servus servorum Dei omnibus archiepiscopis episcopis abbatibus ducibus marchionibus comitibus^o omnibusque christianam et beati Petri apostolorum principis^p fidem et doctrinam defendantibus et observantibus in^q omni regno Teutonicorum^r salutem et beatorum^s apostolorum Petri et Pauli benedictionem omniumque^t peccatorum absolutionem.

1076
Nov. Dec.

a. paene *om.* 2. b. vestra 2. c. vestrae *om.* 2. d. quaecunque 2. e. necessarium 2. f. exceptione 2. g. regiis 2. h. eis 1. i. his *om.* 2. k. per eos *om.* 2. l. vobis *om.* 2. m. Legitur 1) ap. *Paulum Bernrid.*, *Pont. Rom. rit. ed. Watterich* I 524, 2) ap. *Hugon. Flav.*, *Mon. Germ. SS.* VIII 444, 3) in *Udalr. Babenb. cod. ap. Eccardum Corp. hist. II* 149. n. episcopus *om.* 1. o. comitibus *om.* 1. p. apostolorum principis *om.* 1. 2. q. in — Teutonicorum *om.* 1. r. habitantibus add. 2. s. et per beatorum 2. t. omnium 2.

1076
Nov. Dec.

Ego qualisunque sacerdos, apostolorum principis servus^a, contra voluntatem et consilium Romanorum, confidens de misericordia omnipotentis Dei et vestra^b fide catholica, venio ad vos; paratus propter honorem Dei et salutem animarum vestrarum mortem subire, sicut Christus pro nobis^c animam suam posuit. In hoc enim positi sumus, ut per multas tribulationes tendamus et perveniamus ad regnum Dei^d. Vos autem, fratres mei^e carissimi^f et desideratissimi, summopere curate, ut vos possim Deo adiuvante^g adire vobisque in omnibus prodesse. Benedicat vos ille^h, ex cuius gratiaⁱ mihi dictum est ad corpus beati Petri in die ordinationis meae^j: *Quodcumque benedixeris, benedictum erit, et quodcumque^k solveris super terram^l, erit solutum et in coelis.* Amen^{m²}.

19. *Monachis S. Aegidii scribit, eorum monasterium Hugoni abbatii Cluniacensi hoc tantum tempore delatum esse, ut disciplinam corrigeret et abbatem institueret.*

1076? Gregorius episcopus servus servorum Dei fratribus omnibus in monasterio Sancti Egydii commorantibus salutem et apostolicam benedictionem.

Notum esse volumus dilectioni vestre, fratres karissimi, quod nos abbatii Cluniacensi³ non dedimus locum Sancti Egydii, qui iuris sancti Petri est, nisi ad ponendum ordinem et religionem, et ad eligendum abbatem⁴ vice nostra. Vos autem nolite contristari. Quia ego precepi illi, ut dulciter tractet vos et honeste, sicuti suos karissimos filios. Quodsi ipse aliquam contra iusticiam vobis intulerit oppressionem, recurrite ad nos; quoniam nos emendabimus. Electum autem abbatem liberum et sine

a. servus *om. 2.* b. vera 3. c. pro nobis *om. 1.* d. ad requiem 3.

e. mei *om. 2.* f. dilectissimi 3. g. auxiliante 3. h. ille *om. 2.* i. parte 2.

k. quod 2. l. in terra 3. m. Amen *om. 2.* n. *Ex chartulario S. Aegidii saec. XII, bibliotheca imp. Parisiensis codice latino 11018 fol. 18. Misit Leopoldus Delisle.*

1. 1073 Iun. 30. 2. secundum Cencium camerarium (ap. Watterich Pont. Rom. vit. I 16) episcopus Ostiensis, papam consecrans, inter alia: „Da ei“ inquit „Domine, claves regni coelorum, ut quodecumque ligaverit super terram, sit ligatum et in coelis, et quodecumque solverit super terram, sit solutum et in coelis“. 3. Hugoni. 4. Cf. Reg. III 10a supra p. 223.

alicuius impedimento vel inquietudine vobis preesse volumus et, 1076?
 quam diu inreprehensibiliter et iuxta regule sue honestatem
 vixerit, nullius preter sancte Romane ecclesiae subiacere do-
 minio. Post hanc vero primam electionem, liberam deinceps
 habeatis abbatem eligendi licentiam.

20. *Teutonicis scribit, se ad eos ante venturum fuisse, si comi-
 tatum in tempore sibi misissent. Eo quod remorari in Ita-
 lia ipse cogeretur, factum esse, ut rex a sese communionem
 reciperet. Addit de episcoporum Langobardorum malitia.
 De rege non multum laetatur. Se vel nolente rege ad eos
 accedere velle^a.*

Gregorius episcopus servus servorum Dei dilectissimis in
 Christo fratribus et filiis, archiepiscopis episcopis ducibus comi-
 tibus caeterisque principibus cum omni populo regni Theuthoni-
 corum, christianam fidem et religionem defendantibus, salutem
 et apostolicam benedictionem.

1076
Febr. Mart.

Sicut in prioribus litteris et legatorum verbis vobis signi-
 ficavimus — intelligentes, quod digne Deo defensores iustitiae
 vos in vera oboedientia et apostolici principatus reverentia exi-
 buistis, in vestra fide et consiliis fiducialiter spem ponentes —
 contra voluntatem pene omnium fidelium nostrorum, excepta ca-
 rissima et fidelissima beati Petri filia, videlicet Mathilde, iter
 ad vos non solum inter multa incommoda sed et pericula ag-
 gressi sumus. Et pervenisse quidem potuissemus, si ducatum eo
 tempore, eo loco, quo constitutum erat, ex vestra parte habuis-
 semus. Cum autem ex ipsa suspensione nostrae profectionis regi,
 in Italianam properanti, ad nos perveniendi daretur occasio, victi
 eius humilitate et multimodae penitudinis exhibitione, ab ana-
 thematis vinculo absolutum, in gratiam communionis eum rece-
 pimus; de cetero nichil secum statuentes, nisi quod ad cautelam
 et honorem omnium vestrum fore putavimus.

Cumque Langobardorum episcopi, totius negotii summam
 ad communem conventum et prudentiae vestrae consultationem

a. Legitur ap Hugon. Flavin., Mon. Germ. SS. VIII 445 — 446.

1076
Febr. Mart.

reservatam esse, cognoscerent, nec de suis culpis ea quam sperabant impunitate absolutionem consequi potuissent, quantum superbiam quantosque maliciae conatus contra nos adorsi sint, ad dicendum quidem triste, ad audiendum est abhominabile; cum illi, qui in aeccllesia Dei columpnae esse debuerunt, non modo in compage corporis Christi nullum locum teneant, sed pertinaciter impugnatores et, quantum ad se, destructores existant.

De rege vero, ut in his, quae nobis promisit, simpliciter aut obedienter ambulaverit, non multum laetari possumus; praesertim cum ex eius praesentia pessimi quique contra nos et apostolicam sedem plus audaciae, quam terroris pro perpetrata iniuritate, habeant.

Inter hec vestra consilia expectantes, tandem per filium nostrum Rapotonem, quem ad vos misimus, hoc vos velle et postulare cognovimus: si quo modo ad partes vestras transire possimus; atque id, ut cautius fieri possit, cum regis consilio et adiutorio agere studeamus. Nos itaque, sicut vobis mandavimus, vestrae voluntati atque consiliis in omnibus secundum beneplacitum Dei satisfacere cupientes, id ipsum per nuncios nostros cum rege statuere atque coaptare operam damus. Verum quo animo ipse nobis et vobis in hac causa consentire debeat, ante missionem huius legationis, quoniam rex a nobis longe distabat, praenoscere non potuimus; sed mox ut cognoverimus, vobis intimare non tardabimus.

Scitote igitur, quoniam haec est voluntas et desiderium nostrum: ut, vel consensu regis vel si eo nolente fieri possit, ad vos pro communi utilitate et salute omnium vestrum pertranseamus. Quod si, peccatis et pravorum studiis obstantibus, fieri nequiverit, absens tamen omnipotentem Deum obnoxius semper orabo precibus: ut corda vestra et fidem in omni gratia et virtute confirmet, et ita in omnibus vestra consilia et facta dirigat, ut libertatem christianaee religionis indefessa virtute defendere, et ea, quae ad statum et gloriam nobilissimi regni vestri Deo dignissima et vobis utilissima sunt, providere possitis et exequi. Vos autem in proposito defendendae iustitiae, quod pro nomine

Christi et aeterna retributione incepistis, ita persistite, ut ad coronam tam sancti tam Deo placiti certaminis, Deo donante,
pertingere valeatis. 1076
Febr. Mart.

Plura vobis per scripta misissemus, nisi quod tales ad vos nuncios direximus, quibus indubitanter credere potestis; in quorum ore, quidquid in epistola minus continetur et pro vobis vel ad vos cor nostrum habet, posuimus. Amen.

21. *Narbonensis Galliae, Guasconiae, Hispaniae incolis legatum suum, Amatum episcopum Elorensem, commendat^a.*

Gregorius episcopus servus servorum Dei omnibus archiepiscopis episcopis abbatibus regibus principibus, clericis quoque ac laicis, in Narbonensi Gallia, Guasconia, Hispaniaque regione constitutis, salutem et apostolicam benedictionem. 1077
(Jun. 28)

Dilectissimi fratres et filii, prudentiae vestrae manifestissime notum est: quod Romana ecclesia hanc consuetudinem habuit ab ipsis sua fundationis primordiis, ut ad omnes partes, quae christiana religionis titulo praenotantur, suos legatos mitteret; quatinus ea, quae gubernator et rector eiusdem Romanae ecclesiae per suam praesentiam expedire non praevaleret, vice sua legatis concessa, monita salutis ac morum honestatem per eos eunctis per orbem terrarum constitutis ecclesiis nunciaret, easque apostolica doctrina in omnibus, quae sacrae religioni conveniunt, diligenter instrueret. Proinde horum praesentium portitorem, venerabilem confratrem nostrum Amatum episcopum¹, ad partes vestras dirigimus: ut, quae ibi vitia eradicanda sunt a fundamento evulsis, plantaria virtutum, Deo auctore, sollerti vigilantia plantare procuret. Quem sicut nostram immo beati Petri praesentiam vos suscipere, apostolica auctoritate iubemus; ac sic pro reverentia apostolicae sedis, cuius nuncius est, vos in omnibus sibi obedire atque eum audire mandamus ut propriam faciem nostram seu nostrarae vivae vocis oracula. Scriptum est enim: *Qui vos audit, me audit*². Agite itaque prudenter ac

a. *Edidit ex cod. S. Albini Adegavensi Baluzius ap. Morca De concordia II 185.*

1. Elorensem. 2. Lue. 10, 16.

1077 religiose; et sic vos obedientes Deo et sancto Petro in omnibus
 (Jun. 28) exhibete, quatinus, ipso apostolorum principe interveniente, utriusque vitae gloriam et felicitatem consequi mereamini.

22. *Hildolphum archiepiscopum Coloniensem hortatur, ut ecclesiae Brunwilarensi ablatum Cloteno praedium restituat^a.*

1077 Non eget, o fili, Deus, offerri quicquam ex iniustitia
 (Jan. - Jun.) sibi; quia, ut legimus¹, sic ei fiunt victimae ex rapina, quomodo si mactet quis filium in patris praesentia. Patratorum quidem multorum bonorum agnovimus fratrem nostrum Annonem archiepiscopum. Sed tamen in hac parte minime defendendus est, non errasse: dum, quod beato Nicolao praeripuit, sanctae genitrici Dei gratum holocaustum aestimavit; dicente Domino per prophetam: *Quia ego Dominus diligens iudicium, et odio habens rapinam in holocausto².* Nec fas est, a fidelibus credi, matrem disrepare a voluntate filii; dum id prorsus constet utrisque proprium atque commune, eadem velle et eadem nolle. At tu, ne defendendo iniustitiam videaris offendere Deum, tolle de me dio, quod, alias licet bonus, hic male consultus commisit episcopus Anno; ne et illius detrimentum sit corona et tibi occasio culpae.....

23. *Archiepiscopos, episcopos, abbates Galliae reprehendit, quod sibi maximis difficultatibus conflictato non sint auxilio. Mandat, ad synodum veniant medio mense Novembri gerendum^b.*

1078 G(regorius) episcopus^c servus servorum Dei archiepiscopis episcopis abbatibus in Gallia constitutis, qui in gremio sanctae Romanae ecclesiae permanere videntur, salutem et apostolicam benedictionem.

Quantas tribulationum angustias et persecutionum procellas ac pondera periculorum universalis mater sancta Romana eccle-

a. *Huius epistolae fragmentum istud servavit Conrado in vita Wolfhelmi abbatis Brunwilensis ap. Mabillon Acta SS. ord. Ben. VI P. II 684 et in Mon. Germ. SS. XII 187, eamque tradidit in confinibus Alpium datam esse. b. Legitur ap. Udalricum Babenberg., Eccardi Corp. hist. II 157. c. episcopus addidi.*

1. Cf. Eccli. 34, 24.

2. Isai. 61, 8.

sia perpessa sit temporibus istis, credi vix potest, quod^a ex maiori parte latet scientiam vestram. Ad haec quoque quid consilii quidve suffragii per vos, filios suos,^b debitae compassionis perceperit, vos ipsi agnoscitis. Quod itaque sine dolore vix possumus vel reminisci, ita caritas multorum circa eam refrigerescit, ut haec ipsa per euangelium praesignata quodammodo specialiter videantur, ut dicitur: *Quando abundaverit iniquitas, refrigerescet cor multorum*¹. Unde quid aliud dixerim, nisi quod vos, qui aut segniter neglexistis aut^c pavide refugistis matri vestrae in tanta pressura solaciari, nomine filiorum indignos et caritatis visceribus alienos vos ostenditis? Quem vero pudorem vel potius quantum dolorem, quisquis est sanae mentis, non sentiat, cum consideret: persecutores christiana relligionis tanta factio- nis conspiratione sicut omnimodis annisibus, non solum res suas profundendo sed etiam se ipsos morti tradendo, ad explendam animi atrocitatem huc usque desudasse; neminem autem vel vix paucissimos iustitiae fautores aut corporum laborem subire, aut rerum dispendia pati, aut de bonis suis opem matri sue ecclesiae ferre curavisse. Verum, utcunque fraternitas vestra sese habuerit, benedictus Deus et domini nostri Iesu Christi pater; qui, nos ab adversariorum manibus et persecutorum violentia protegens, hactenus in manu nostra iustitiam secundum testimonium conscientiae nostrae defendit atque, potentiae suae vigore humanae infirmitatis inbecillitatem nostram corroborans, ad ini- quitatem converti nullis nos promissionum blanditiis, nullis vexantium terroribus sinit. Ipsi ergo gratias immensas referimus, qui nos, infractos huc usque in pressurae tempestate conservans, ad quandam spem tranquillitatis sic^d liberis incessibus duxit, ut non nos contra principalem iustitiae intentionem egisse, aut propria conscientia aut religiosorum, qui noverunt, examinatio reprehendat.

De caetero, fratres, ut causa iurgiorum et discordia, quae

a. quod credi vix potest, ex ed.

b. ex officio *decessus videtur*.

c. ac ed.

d. sicut ed.

1. Matth. 24, 12.

1078 inter regnum et apostolicam sedem iam dudum agitatur, annuente Domino congruum valeat finem sortiri, vos ad synodum, quam in medio Novembri celebrare disponimus, praesentium litterarum vocatione ex parte beati Petri apostolorum principis praecipientes invitamus. Hoc etiam fraternitatem vestram scire volumus; quia, ut secure ad nos venire et in vestram patriam Deo protegente possitis redire, fideles nostri a maioribus, qui sunt in curia Heinrici dicti regis, iuramento securitatem receperunt. Desideramus igitur una vobiscum tractare, divino fulti auxilio, qualiter possimus pacem confirmare atque ad gremium matris ecclesiae sanctae schismaticos Deo auxiliante revocare.

24. Qui Berengarium Turonensem iniuriis affecerint quique eum haereticum vocaverint, eos anathematiz^a.

1079 Gregorius episcopus^b servus servorum Dei omnibus beato (Febr.) Petro fidelibus salutem et apostolicam benedictionem.

Notum vobis omnibus facimus, nos anathema fecisse ex auctoritate Dei omnipotentis Patris et Filii et Spiritus sancti et beatorum apostolorum Petri et Pauli omnibus, qui iniuriam aliquam facere praesumpserint Berengario, Romanae ecclesiae filio, vel in persona vel in omni possessione sua, vel qui eum vocabit haereticum. Quem post multas, quas apud nos quantas voluimus fecit moras, domum suam remittimus, et cum eo fidellem nostrum, Fulconem^c nomine.

25. Teutonicis significat, se per concilii decretum legatos missurum, qui aut pacem componant aut dissidii auctores puniant. Statuit, ne quis legatis obsistat, substiturisque anathema minatur^c.

1079 Gregorius episcopus servus servorum Dei omnibus archiepiscopis et episcopis in Teutonio atque in Saxonico regno com-

a. Edidit Dachery *Spicil. Parisiis* 1657 T. II 508, *Parisiis* 1723 T. III 413.
 b. episcopus addidi. c. Legitur 1) ap. *Paulum Bernrid.* c. 105, in *Pont. Rom. Vit. ed. Watterich* I 537, 2) ap. *Brunonem de bello Sax.*, *Mon. Germ. SS.* V 378, 3) ap. *Hugon. Flavin.*, *Mon. Germ. SS.* VIII 449.

1. Fulconem vocat Berengarius „transmontanum clericum et domini papae convictorem“ ap. Marten. Aneidot. IV 103. BRIAL.

morantibus^a, omnibusque principibus^b, cunctis etiam maioribus 1079
 atque minoribus, qui non sunt excommunicati et obedire voluerint, salutem et apostolicam benedictionem. (Febr.)

Quoniam ex lite et dissensione, quae tam diu inter vos sunt, maximum in sancta ecclesia periculum, maximum undique inter vos detrimentum fieri cottidie^c cognoscimus, idcirco visum est nobis, visum est^d et fratribus nostris in concilio congregatis, summo desiderio aestuare, summa ope elaborare pro viribus, quatenus idonei legati^e tam religione quam scientia pollentes e latere apostolicae sedis ad partes vestras mitterentur; qui religiosos episcopos, laicos etiam pacis et iustitiae amatores, in partibus vestris commorantes, ad hoc opus idoneos congregarent: qui, Domini gratia praeeunte, die et loco ab illis statuto tam ipsi quam, quos ipsis adhuc^f iungere^g debemus, aut pacem componant, aut veritate praecognita super illos, qui sunt tanti dissidii causa, canonicam censuram exerceant. Verum quoniam nonnullos, diabolico instinctu confectos et iniquitatis sua facibus ignitos cupiditateque inductos, discordiam potius quam pacem fieri et videre desiderantes fore non ignoramus, statuimus in hac synodo ad hanc eamdem formam, sicut et in praeterita: ut nulla umquam persona alicuius potentiae vel dignitatis, sive magna sive parva, sive princeps sive subiectus, aliqua praesumptione praesumat legatis nostris obsistere, et postquam ad vos pervernerint, de componenda pace contraire, nec postea contra interdictum illorum alter in alterum audeat insurgere; sed usque ad diem ab illis statutum firmam pacem omnes sine ulla occasione et fraude observent. Quicumque autem haec nostra statuta ulla praesumptione violare temptaverit, anathematis eum vinculo ligamus et non solum in spiritu verum etiam in corpore et in omni prosperitate huius vitae apostolica auctoritate innodamus et victoriam eis^h in armis auferimus; ut sic saltem confundanturⁱ et dupli contritione conterantur.

a. commanentibus 2. b. omnibusque principibus *om. 1.* c. cottidie *om. 1.*
 d. visum est *om. 1.* e. nuntii 2. f. ad hoc 1. g. coniungere 3. h. eis
om. 1. 2. i. confundatur — conteratur 1.

26. *Rodulfo regi scribit de Heinrici regis legationibus ad se missis. Addit de eligendo archiepiscopo Magdeburgensi.*

1079 (Febr.) Gregorius episcopus servus servorum Dei Rodulfo regi et omnibus secum christianam religionem defendantibus salutem et apostolicam benedictionem.

Quod regnum Theutonicorum, hactenus inter omnia mundi regna nobilissimum, iam video incendiis caedibus et rapinis devastari confundi et annullari, quam magnus exinde cordi meo dolor insideat, quam continuus in visceribus meis me gemitus afficiat, testis est ille solus, qui omnium hominum corda scrutatur et probat. Deferuntur enim michi iam saepius legationes Heinrici, cum per proprios nuntios tum per cognatos et aliarum terrarum principes et affines, modo omnem oboedientiam promittendo, modo per varia ingenia sollicitando; id a me summo conamine cupientes efficere, quo me ad votum suum suis partibus valeant inclinare. Verum quia hinc inde et Romana gravitas et apostolica mansuetudo me per medium iustitiae viam incedere cogit, omnibus quibus possum modis hoc oportet intendere, quomodo veram a falsa iustitiam, perfectam a ficta oboedientiam iudicio sancti Spiritus valeam discernere et rato ordine ad finem usque perducere. Haec vero et alia, si propitio Deo ad vos sani perveniunt, legati mei melius quam hae litterae viva voce testificabuntur et docebunt.

Audivi quidem a legato meo B., metropolim Magedeburgensem iam diu esse viduatam^a et adhuc perversa quorundam contentione, ne desponsari possit, fuisse turbatam. His modis omnibus ex praeecepto Dei omnipotentis et sancti Petri et meo, ne praevaleant, resistite; et domus Dei dignum dispensatorem per ostium introducere, cum communi omnium religiosorum tam archiepiscoporum quam episcoporum nec non etiam clericorum et laicorum consensu et electione procurate. Quodsi meis vultis adquiescere consiliis^b, audio enim inter vos esse quosdam boni

a. Edidit Pertzius in Brunonis bello Saxon. c. 119, Mon. Germ. SS. V 378 et 379
n. 55. b. sic.

1. imperfecto Werinhario archiepiscopo d. 7 Aug. 1078.

testimonii viros, A. scilicet Goslariensem decanum, G(ebehardum)¹ 1079
 Bertaldi ducis² filium, H. Sigifridi comitis filium, quorum unum
 me praecipiente et consentiente eligit et in archiepiscopum
 praenominatae aecclesiae ordinate. Si vero in his tribus qui
 dignus sit non poterit inveniri, in contritione cordis orando et
 ieiunando ad Deum convertimini, rogantes, ut, sua revelante
 gratia, persona, quae huic negotio sit conveniens, possit ostendi;
 hoc procul dubio scientes, quia sicut illum, qui ambitu secularis
 potentiae inordinate intraverit, vinculo excommunicationis alli-
 gabo, ita quoque eum, qui canonice intronizatus fuerit, a pec-
 catis absolvo et apostolica benedictione benedico.

27. Rudolfum regem et Saxones ad perseverantiam cohortatur.

De synodo addit^a.

Gregorius episcopus servus servorum Dei Rodulfo regi omni- 1079
 busque secum in regno Saxonum commanentibus, tam episcopis
 quam ducibus et comitibus nec non maioribus et minoribus, pec-
 catorum absolutionem et apostolica benedictionem.

Cum Veritas ipsa dicat: omnium, qui propter iustitiam per-
 secutionem patiuntur, regnum esse coelorum^b, et apostolus claque-
 met: neminem, nisi qui legitime certaverit, posse coronari^c, no-
 lite, filii mei, in hoc, qui vos iam multo tempore exagitat, bel-
 lico furore deficere; nolite per ullius fallentis personae mendacia
 de nostro fidieli adiutorio dubitare. Sed magis magisque, pro
 tuenda veritate ecclesiastica, pro defendenda vestrae nobilitatis
 libertate, labori iam citius finiendo incumbite, et ex adverso
 ascendendo vos et corpora vestra quasi murum pro domo Israel
 opponere^d satagite. Quid^b iam in duabus sinodi nostrae con-
 ventionibus de rege Rodulfo et de Heinrico statutum quidque
 ibi de pace et concordia regni etiam iuramentis sit diffinitum,
 per nostras litteras et per vestros^e legatos, nisi forte capti sint,
 apertissime potestis agnoscere. Et si quid adhuc remanserit, per

^{a.} Legitur 1) ap. Brunonem *de bello Sax.*, *Mon. Germ. SS. V* 379, 2) in *Udalrici Babenb. cod. ap. Eccardum Corp. hist. II* 156. ^{b.} Quidquid 2. ^{c.} nostros 2.

1. postea III ep. Constantiensem (1084—1110). 2. I ducis Zarin-
 giae. 3. Matth. 5, 10. 4. 2 Timoth. 2, 5. 5. Ezech. 13, 5.

1079 (Febr.) episcopos Metensem^a et Pataviensem^{a2} et abbatem Augiensem^{b3}, qui nobiscum finem rei praestolando morantur, cum ad vos ipsi pervenerint, quasi in promptu habetis audire. Postremo hoc vos ignorare nolumus, quia omni qua oportet instantia, cum orationis nostrae assiduitate tum officii nostri gravitate, et prospiciendo consulere et consulendo prospicere vestrae^c necessitati non dubitamus.

Audivimus^d de vestro archiepiscopatu Magdeburgensi, indisciplinatam^e quorundam eiusdem ecclesiae filiorum pro acqui-rendo seculari habitu et honore obortam fuisse contentionem. Quos modis omnibus ex praecepto Dei omnipotentis et sancti Petri et nostro, ne sibi locum in dampnationis culmen arripiant^f regiminis, prohibere, et Deo dignum dispensatorem, prout ius postulat et ordo, cum nostra voluntate et apostolica benedictione et communi omnium bonorum tam clericorum quam laicorum electione disponere^g. Vos tamen ipsi nostis, quod in constituen-dis episcopis neglecta sanctorum patrum instituta hunc, qui modo funditur, sanguinem generunt; et adhuc, nisi provideantur, peiores prioribus errores fovendo parturiunt.

28. *Italicis et Teutonicis scribit contra sacerdotes fornicatorum^h.*

1079 Gregorius episcopus servus servorum Dei per totum Italicum regnum et Teutonicorum debitam sancto Petro obedientiam exhibentibus apostolicam benedictionem.

Si qui sunt presbiteri velⁱ diaconi vel subdiaconi, qui iaceant in crimen fornicationis, interdicimus eis ex parte omnipotentis Dei et auctoritate sancti Petri introitum ecclesiae, usque dum peniteant et emendent. Si qui vero in peccato suo perseverare maluerint, nullus vestrum officium eorum auscultare presumat; quia benedictio illius vertitur^k in maledictionem^l, et

a. Papiensem 2. b. Augustensem 2. c. verae 2. d. Audivimus — par-turiunt om. 1. e. in disciplinam ed. f. arripiat ed. g. satagite excidisse videtur. h. Leguntur fragmenta 1) ap. Gerhohum Reichersberg. in psalnum X ap. Pez Thesaur. anecd. V 157 (Si qui sunt — contemnit), 2) ap. Marian. Scottum in chron. 1079, Mon. Germ. SS. V 561 (Gregorius — benedictionibus vestris), 3) in Bertholdi Annal. 1079, Mon. Germ. SS. V 317 (Si qui sunt — oratio in peccatum). i. om. 3. k. ver-tetur 3. l. maledictum 3.

1. Hermannum. 2. Altmannum. 3. Ecardum.

oratio in peccatum, testante Domino per prophetam: *Maledicam* 1079
inquit *benedictionibus vestris*¹. Qui vero huic saluberrimo praeccepto obedire noluerint, idolatriae peccatum incurront, Samuele teste et beato Gregorio instruente: *Peccatum ariolandi est non obedire, et scelus idolatriae nolle acquiescere*². Peccatum igitur paganitatis incurrit, quisquis, dum christianum se asserit, sedi apostolicae obedire contemnit.

29. *Monachos Casinenses reprehendit, quod a Iordani I principis Capuani hominibus deposita apud eos bona auferri passi sint. Sacra ab eis procurari vetat*^a.

Gregorius episcopus servus servorum Dei dilectis in Christo 1079 filiis Sancti Benedicti monarchis salutem et apostolicam benedictionem.
(Apr.)

Audivimus, quod sine gravissimo dolore dicere non possumus, quosdam homines, a Iordanu princepe³ suggestione diaboli missos, secretarium vestrum intrasse et quaedam commissa vobis inaudita temeritate detulisse⁴. In quo facto nimiae negligenciae et acriter ulciscendae timiditatis vos et abbatem vestrum⁵ arguere possumus. Et gravius adversum vos commoveri deberemus, nisi ea, qua vos semper caritate dileximus, detineremur. Si quidem tolerabilius nobis videretur, villas et castella Sancti Benedicti in praedam et direpcionem dari, quam ut sanctus locus

a. *Ex Petri diac. registr. fol. 21 n. 34 edidit 1) Gattula Hist. abbatiae Casin. p. 149,
2) Tosti Storia di Monte Cass. I 427.*

1. Malach. 2, 2. 2. Cf. 1 Reg. 15, 23. 3. Capuano. 4. De hac re in registro Petri diaconi addita sunt, quae edidit Gattula Hist. Cas. p. 149, verba haec: „Hoc autem accedit pro^a Rosellano episcopo¹. Nam idem episcopus non parvam pecuniam huic commendaverat loco. Iordanus autem princeps missis militibus praecepit, ut eandem sibi deferrent pecuniam. Fratres autem ad haec: „Pecuniam, quae sancto Benedicto credita est, nos alicui vivencium minime damus, sed eam super corpus eius ponimus; inde qui praesumpserit auferat“². Milites autem, tollentes thesaurum de altario, ad principem deferunt. Quo accepto, statim idem princeps, tanti auctor sceleris, lumen amisit; et usque ad mortem ita permanxit².
5. Desiderium.

a. per ed.

1. Dodone. Vid. Reg. L. VI ep. 37 supra p. 375. 2. De hac narratione cf. Chron. Cas. III 46, Mon. Germ. SS. VII 736.

1079 et per totam, ut credimus, christianitatem famosus et venerabilis
 (Apr.) tantae ignominiae periculo subiaceret. Quapropter, huius temeritatis noxam inultam esse non ferentes — praesertim cum, locum vestrum violatum esse et exemplo huius facinoris deteriora posse vobis contingere, perpendamus — admonemus: ut divinum officium in ecclesia beati Benedicti non faciatis; sed, altaria omnia quae intus sunt detegentes, quantum sit huiusmodi violacionis periculum, quosque cognoscere faciatis. Si enim in ecclesia sancti Petri, humano sanguine respersa, divinum officium non sine diligentí reconciliatione celebratur, multo magis istud, quod in ecclesia beati Benedicti perniciosius commissum est, competenti indiget expiatione. Vos itaque omnipotentem Dominum instanter deprecamini, ut tristiciae mentis nostrae dignetur super hac re nobis consolacionem impendere et ad reparandam in omni vestram dignitatem, modis quibus decet, nos instruere.

30. Monachos Casinenses interdicto nuper in eos irrogato ob instantem ascensionis festum absolvit^b.

1079 Gregorius episcopus servus servorum Dei venerabili congregatiōni Cassinensis coenobii salutem et apostolicam benedictionem.
 (Apr.)

Nuper, dilectissimi fratres, nos, violencia sacrilegii huic reverentissimo loco illata compulsi, vestrae ecclesiae officium ob tantum facinus irrogatum interdiximus. Verum quia ascensionis Domini sollempnitas^a toto venerabilis orbi nunc imminet, nolentes iam propter alicuius scelus in tanto festo tam religiosum locum officio pietatis carere, decrevimus, et vos et eundem locum ab interdicto absolvere. Quapropter, apostolica mansuetudine ducti, reddimus et ecclesiae ministerium et cultum religionis^c et devotioni vestrae licentiam celebrandi. Volumus etiam atque rogamus caritatem vestram, ut nostri memores pro nobis preces fundatis ad Dominum, pro statu quoque sanctae Romanae ec-

a. vestre 2. b. *Ex Petri diac. registr. fol. 21 n. 35 edidit 1) Gattula Hist. abbatariae Casin. p. 149, 2) Tosti Storia di Montecass. I 428. c. ministerium cultumque religiosis 2.*

1. Mai. 2.

clesiae rectori rerum cotidie supplicetis, nec non tam pro ini- 1079
 micis quam etiam pro amicis dilectionis affectu omnipotentem
 Dominum deprecari sedulo memineritis et studeatis. Nec non et
 pro illo¹, qui tam sanctissimum locum toto mundo famosum
 violavit, preces effundite: ut Deus det illi cor poenitens, et sic
 eum ad se convertat, ut in hac vita et futura mereatur gratiam
 Dei obtinere.

31. *Petro Albanensi et Odelrico Pataviensi episcopis scribit,
 multos queri de legatione ab iis secus administrata. Mandat de regibus, de episcopis investitis, de colloquio statuendo,
 de pace firmando, de Ecardo abate Augiensi, de Adalberto
 episcopo Wormatiensi^a.*

Gregorius episcopus servus servorum Dei dilectis in Christo 1079
 fratribus et coepiscopis Petro Albanensi et Odelrico Pataviensi^b c. Oct. 1
 salutem et apostolicam benedictionem.

Sunt multi, quibus tamen non credimus, qui de legatione
 vestra murmurare incipiunt, suspicantes, vos aliter velle incedere,
 quam a nobis praeceptum est; et, alterum vestrum nimis sim-
 pliciter, alterum vero non adeo simpliciter acturum esse, cau-
 santur. Quapropter diligentissima circumspectione cavendum est
 vobis, ut utramque suspicionem possitis extinguere. Quod ita
 facile cum Dei adiutorio proveniet, si praecpta nostra ante
 mentis oculos semper teneatis, et nichil aliud praesumatis effi-
 cere, nisi quod nos vobis noscimur non modo nudis verbis ve-
 rum etiam litteris inculcando mandasse.

Volumus autem: ut de causa regum vel regni, sive etiam
 de Trevirensi³ vel Coloniensi⁴ et Augustensi⁵ electis, vel de
 omnibus istis, qui investituram per manum laicam acceperunt,
 nullum praesumatis exercere iudicium; summumque vobis stu-
 dium sit, si rex adquieverit vobis de statuendo colloquio et pace
 firmando in regno et de restituendis episcopis in sedibus suis,

a. Legitur haec epistola ap. Hugonem Flaviniacensem, Mon. Germ. SS. VIII 450.

1. Iordanus I principe Capuano. 2. prov. Aquileiensis. 3. Egil-
 berto. 4. Sigewino. 5. Sigefrido II.

1079 c. Oct. 1 et hec eadem cito ad nos aut per vos ipsos aut per certos legatos annunciare; ut tot et tales personas possimus illuc ad constitutum tempus dirigere, qui ad tantum negocium determinandum valeant una vobiscum Deo auxiliante sufficere.

Interim vero sic^a vos utrique parti communes et ab omni suspicionis nevo, quantum in vobis est, cum divinae gratiae adiutorio exhibete immunes, ut iustitiae semper et nullo modo partibus faveatis, sicut habetis formam nostram; qui videlicet, postquam iudicium tanti huius negotii in manu beati Petri commissum est, nichil aliud vobis testibus intendimus, nisi ut per iustitiae semitam incedamus. Ad nullam partem sinceritatem apostolicae discretionis infleximus, nullis promissionibus aut terroribus cessimus; nec aliud umquam Deo protegente acturos nos esse confidimus.

Preterea specialiter vobis de abbe Augiense¹ iniungimus, qui nuper, ad apostolorum limina veniens, non solum captus est², sed etiam in loco eius quidam³ est tyrannice subrogatus: ut ea bona sua, quibus exspoliatus est, expulso invasore illo, restitui faciat. Qui tamen, postquam de his quae perdidit fuerit pleniter investitus, si quid contra illum habet aliquis, paratus erit in nostro iudicio respondere. Non enim debet ab alio aliquo indicari, qui in apostolica sede scitur a memet consecratus⁴. Et certe gravis fuit praesumptio, manum in eum ponere, qui tanto erat privilegio munitus. Quodsi invasor ille contra interdictum nostrum praedicto fratri sua restituere contempserit, confessim in eum velut in rebelle et invasorem ex auctoritate apostolica sententiam excommunicationis intendite. Quidquid autem agitis vel quidquid vobis contigerit, litteris semper mandare et frequenter ad nos mittere procurate. Omnipotens et misericors Deus, a quo bona cuncta procedunt, meritis

a. sic — acturos nos esse confidimus leguntur etiam ap. Paulum Bernrid. c. 103, *Pont. Rom. vit. ed. Watterich I* 536.

1. Ecardo. 2. „in oppido Sancti Domini martiris“ (Borgo San Donnino). Casus S. Galli, Mon. Germ. SS. II 157. 3. Udalricus III abbas S. Galli, postea I patriarcha Aquileiensis (1086—1121). V. Casus S. Galli I. 1. 4. V. L. I ep. 82 supra p. 102.

beatae Dei genitricis Mariae dominae nostrae et beatorum apostolorum suorum Petri et Pauli, ab omni malo vos defendere et in omnem veritatem inducere dignetur, quatinus, quidquid agitis, secundum timorem Dei et utilitatem sanctae ecclesiae feliciter peragatis.

1079
c. Oct. 1

Inter omnia studiosissime Wormaciensis episcopi¹ mementote; qui, cum esset diu ab ecclesia sua expulsus et ob id Romanum veniret, ut auxilium apostolicae sedis adquireret, non solum nichil sibi profuit, sed modo etiam peius incurrit. Interim vos salutamus et rogamus, ut sitis memores nostri, memoris vestri apud Deum.

32. *Hugoni episcopo Diensi gratulatur de pace ecclesiae eius restituta. Mandat de concordia inter Gebuinum archiepiscopum Lugdunensem et Hugonem abbatem Cluniacensem constituenda; de Manassi I archiepiscopo Remensi; de Frotgerio ecclesiae Cabilonensis invasore; de ecclesia Lingonensi^a.*

Gregorius episcopus servus servorum Dei dilecto in Christo 1079 fratri Hugoni Diensi episcopo salutem et apostolicam benedictionem.

Quod divina clementia pacem ecclesiae tuae restituit, sciat fraternitas tua, nos haud aliter quam de nostra aut sanctae Romanae ecclesiae tranquillitate et profectu gaudere. Et hoc in mente tua semper maneat fixum, quod omnipotens Deus, cui fideliter famulari toto cordis affectu anniteris, et temporalem tibi pacem competenter conciliabit et sempiternam meritis tuis bonus remunerator retribuet.

De discordia vero, quam inter Lugdunensem archiepiscopum² et abbatem Cluniacensem³ significasti, neverit dilectio tua, nos non parum gravari, sed, quoniam inter religiosos iurgia sunt, multum profecto dolere. Quippe quorum concordia multis prodesse poterat et debuerat, non dubium est, quin de eorum dissensione plurimis oriatur et futura sit gravis pernicies. Unde fraternita-

a. *Edidit Pertzius in Hugonis Flav. chron., Mon. Germ. SS. VIII 421.*

1. Adalberti. 2. Gebuinum. 3. Hugonem.

1079 tem tuam vigilare oportet et curare necesse est, religiosos tibi viros adhibere et ita praefatos ex parte nostra super concordia convenire. Denique quicumque illorum iustitiae secundum consilia vestra non adquieverit, nulli sit ambiguum, quod nos in eum graviter, omnis personae acceptione postposita, commoyebimur.

Quia vero in partibus praeordinatis concilium celebrare non potuistis utiliter, competens arbitramur, ut aptum locum diligentia vestra inveniat, ubi synodo congregata Remensis archiepiscopi causa diligenter examinetur. Et quidem, si idonei accusatores et testes inventi fuerint, quod obicitur ei, canonice comprobantes, quam iustitia dictaverit, sententiam dare absque hesitatione vos volumus. Alioquin si tales personae fuerint, quae recipi rationabiliter nequeant — quoniam turpis de eo fama non solum Galliam verum etiam fere totam replevit Italianam — sex episcopis, quorum vita non notetur infamia, assumptis sibi, si potest, excuset se, et sic purgatus cum pace in ecclesia sua et propria dignitate remaneat.

Preterea eum², quem per secularem potestatem, id est regiam investituram, Cabilonensem ecclesiam intrasse significastis, ab omni regimine et spe ipsius aecclesiae alienum esse, apostolica auctoritate decernimus. Quodsi post huius nostrae interdictionis sententiam ad huius regiminis dignitatem aspiraverit, quid beati Petri gladius valeat, sine dubio experietur, et in perpetuum nulla sibi aecclesiastici regiminis fiducia relinquetur. Ad comprimentum etiam multorum conatus illicitos, qui obstinati animis non timent Deum postponere et superbiam suam propalare — diabolum imitantes, qui, non contentus sibi concessis, dum illicite nititur ad altiora, et quod habebat iuste amisit — volumus: vos in omnibus conciliis vestris vice nostra omnes illos excommunicare, quicumque apostolicae sedis decreto super hac re synodaliter constituto obviare praesumpserit et de manu alicuius layci investituram aecclesiarum susceperit; ut, his saltim terroribus a spe ambitionis suae reducti, non aliunde ut fures et latrones ad ovile dominicum ascendant, sed ex habita-

1. Manassis I. 2. Frotgerium.

tione^a religiosorum virorum invitati, ut boni et idonei pastores 1079 per ostium ingrediantur.

Admonemus etiam: ut viscera pietatis tuae dolor et calamitas Linguonensis aecclesiae penetret, et una cum fratre nostro Lugdunensi archiepiscopo, modis quibus valetis, tantis eius periculis consulatis; illud principaliter perficientes, ut in decanum, qui fere omnia illius aecclesiae officia pessimis studiis arripuit, iustum sententiam detis, et officia illa per religiosos et competentes viros pure deinceps administrentur.

33. *Anselmi abbatis Beccensis famam bonam laudat, deumque orari ab eo vult, ut ecclesiam tueatur. Peregrino cuidam reddi ius iubet^b.*

Gregorius episcopus servus servorum Dei Anselmo venerabilis abbati Beccensi^c salutem et apostolicam benedictionem. c. 1079

Quoniam fructuum tuorum bonus odor ad nos usque redoluit, condignas^a grates Deo referimus et te in Christi dilectione ex corde amplectimur; credentes pro certo: tuorum studiorum exemplis ecclesiam Dei in melius promoveri et tuis similiumque tibi precibus etiam ab instantibus periculis, Christi subveniente misericordia, posse eripi. Nosti, frater, si iusti apud Deum praevaluit oratio², quid iustorum praevalebit equidem; immo impetrabit sine dubio, quod petierit. Ipsius etiam Veritatis auctoritate cogimur hoc confiteri. *Pulsate inquit et aperietur vobis, petite et accipietis³.* Pulsate simpliciter, petite simpliciter, haec etiam, quae sibi placeant. Simplex est ostium, simplex dator vult, peti simplicia et quae sibi convenient; hoc modo aperietur, hoc modo accipietis, hoc modo iustorum exaudietur oratio. Unde volumus, tuam tuorumque fraternitatem assidue Deum orare: ut ecclesiam suam et nos, qui ei licet indigni praesidemus, ab instantibus haereticorum oppressionibus eripiat, et illos, errore dismisso, ad viam veritatis reducat.

a. an existimatione? b. Edidit Gerberon in *Anselmi epist. L. II* 31, Opp. p. 353.
c. quam dignas ed.

1. coen. dioec. Rotomagensis.

2. cf. Iac. 5, 16.

3. Matth. 7, 7.

c. 1079 Querimoniam apud nos fecit quidam peregrinus de quodam converso tuo. *Iustus Dominus iustitiam dilexit, aequitatem vidit vultus eius*¹. Imitare Dominum tuum, imitare magistrum, a quo habes doctrinam vitae. Praecipimus etiam et nos, ut ei iustitiam facias coram Huberto² dilecto filio nostro et, ut intelleximus, amico tuo.

34. *Heinricum I episcopum Leodiensem extorto iuramento absolvit*³.

1080 (Jan. 30) Pervenit ad nos, te fratrem et coepiscopum nostrum Heinricum Leodicensem episcopum, ad apostolorum limina venientem, ab Arnulpho comite⁴ rebus tuis esse^b expoliatum, et ad nequitiae augmentum gladiis iurare compulsum: quod ablata nunquam repeteres, et huius tanti sceleris a nobis sibi veniam impetrares. Cognita itaque contumelia tibi immo beato Petro illata, valde doluimus; asserentes, fraternitatem tuam nullis iuramenti vinculis posse teneri, quae tam nefandissime coacta iuraverit. Unde et apostolica te auctoritate absolvimus, ut non tuae vel alicuius conscientiae ob^c hoc videaris innexus. Insuper etiam, eadem freti potestate, ne hoc in exemplum caeteris improbis audendi peiora sit futurum, fratri nostro Virdunensi episcopo⁵ et aliis illius patriae beati Petri fidelibus summopere praecepimus: ut eum ut tyrannum et christianaee religionis conculturam impugnent et armis tam carnalibus quam spiritualibus undique et ubique, quantum possunt, nisi digne satisfecerit, insequantur. Volumus itaque: ut praefatus episcopus prius quoscunque potest episcopos et reliquos sacerdotes sibi adiungat et illum Dei inimicum ad dignam satisfactionem convocet. Quodsi digne poenitere et ablata restituere noluerit, datis sibi 15 dierum induciis, introitu ecclesiae privetur. Et praefato modo iniuria beati Petri vindicetur usque ad satisfactionem.

a. Edidit Baluzius *Miscell. VII* (Lutetiae 1715) p. 126. b. esse scripti pro te ed. c. sic correxit Baluzius ab cod.

1. Ps. 10, 8. 2. subdiacono ecclesiae Romanae. 3. Cf. Reg. VII 13, 14 supra p. 396, 397. 4. de Chiny. 5. Theoderico.

35. *Aymerico vicecomiti clero et populo Narbonensi Dalmatium archiepiscopum commendat^a.*

Gregorius episcopus servus servorum Dei clero, vicecomiti 1080
Aymerico, nec non universo populo Narbonensi. (Dec. 23)

Apostolicam benedictionem libenter vobis^b mandaremus, si, in apostolicae sedis reatum incurrisse vos, non cognosceremus. Verum, ubi ab eadem vos resipuisse excommunicatione cognoverimus et archiepiscopalem patri vestro Dalmatio obedientiam exhibere, benedictionem beati Petri mandabimus^c. Sicut novit prudentia vestra, inimicus humani generis ecclesiam vestram malis et simoniacis pastoribus invasam quasi ius proprium longo tempore possedit. Sed condolentes necessitatibus et periculo vestro, bonum et legalem pastorem vobis praeficiendum censuimus, non aliunde sed per ostium id est per Christum intrantem^d. Qui enim aliter, id est sine Christo, ingrediuntur, fures sunt et latrones, ad hoc constituti, ut gregem dominicum mactent et perdant^e. Hic itaque, apostolicae sedis benedictione et auctoritate confirmatus, per exemplum laudandae conversationis suaet documentum praedicationis, quidquid culpa et iniuria malorum pontificum inter vos commissum est, Domino^f auxiliante, poterit corrigere vosque bonus pastor summo Pastori devotissime commendare. Admonemus itaque prudentiam vestram, ut eum, quem Romana ecclesia vobis legaliter constituit, honeste et cum^g benevolentia recipiatis et^h ei sicut spirituali patri et archiepiscopo obedientiam et reverentiam impendatis, memores dominici sermonis fideles suos commendantis: *Qui vos audit, me audit; et qui vos spernit, me spernit*ⁱ. Neque enim vos ignorare volumus^k, quod, si quis vestrum, quod non speramus, obedientiam sibi contradixerit, iram Dei et vindictam beati Petri ad periculum suum provocabit; et sententiam excommunicationis, in Tolosana synodo a legatis nostris promulgatam, apostolica auctoritate con-

a. Edidit 1) Labbeus Conc. X 410, 2) Catel Mém. de Languedoc p. 782. b. om. 2.
c. mandavimus 1. d. Deo 2. e. etiam 2 pro et cum. f. ut 2. g. voluimus 2.

1. Cf. Reg. VIII 16 supra p. 446. 2. Ioh. 10, 1. 3. Ioh. 10, 10.
4. Lue. 10, 16.

1080 firmabimus. Qui vero obediens fuerit, gratia et benedictione eius-
 (Dec. 23) dem apostolicae sedis gaudebit.

36. *Rodulfo archiepiscopo Turonensi et Eusebio episcopo Andegavensi mandat, ut Berengarium sacerdotem defendant^a.*

c. 1080 Gregorius episcopus servus servorum Dei R(odulfo) Turonensis archiepiscopo et E(usebio) Andegavorum pontifici salutem et apostolicam benedictionem.

Audivimus, F(ulconem) comitem Andegavensem quorumdam instinetu, qui filio nostro carissimo B(erengario) sacerdoti inimicantur, in eius odium exarsisse. Quapropter fraternitati vestrae mandamus, quatinus ipsi comiti nostra vice praecipiatis, ut non ulterius supra dictum virum inquietare praesumat. Nec solum . . . sed etiam contra omnes inimicos et perturbatores rerum ipsius vicem nostram ad ferenda illi auxilia suscipiatis, praecipiendo praecipimus ex auctoritate beatorum apostolorum Petri et Pauli. Valete. Et nulla ratione, quae praecipio, contemnite.

37. *Landrico episcopo Matisconensi praecipit, ut Cluniacensium privilegium confirmet et cum Hugone abbe pacem servet^b.*

c. 1081 Gregorius episcopus servus servorum Dei dilecto in Christo fratri Landrico Matisconensi episcopo salutem et apostolicam benedictionem.

Mirari valde compellimur, quomodo fraternitas^c tua, persuasione clericorum sicut audivimus, in confirmatione privilegiorum Cluniensis ecclesiae episcopo Albanensi¹ legationem nostram ferenti inobediens extiterit; praesertim cum, etiamsi aliquid, quod non credimus, inconsultius tibi irrogare voluisset, quicquid esset, pro reverentia apostolicae sedis ferre decuisset. Itaque, propter bonam vitam et pastoralem vigilantiam, qua circa ecclesiam tibi commissam desudas, hanc culpam suppor-

a. Edidit ex ms. cod. 152 bibl. Paris. fol. 39 Brial in Recueil des hist. XIV 637.

b. Legitur 1) in Bullario Cluniacensi p. 21, 2) ap. Severium Chronologia Lugdunensis archiepiscopatus II 113. c. firmitas 2.

1. Petro.

tantes, praecipimus tibi: quatenus, vocatis de melioribus mo- c. 1081
 nachis Cluniensis ecclesiae, ad communem locum inter Matis-
 conem et Cluniacum venias, ut in praesentia illorum praedictum
 privilegium confirmes; et sic, in episcopali officio restitutus, ad-
 iuvante Domino populum tuum valeas consolari. De caetero
 fraternitatem tuam paterno affectu, quo eam amplectimur, ad-
 monemus: ne improbitati vel levitati clericorum tuorum ulterius
 credulus existas; sed meis, qui te non tua diligo, potius quam
 illorum consiliis acquiescas. Quod si feceris, scias profecto, quod
 nos, ecclesiam tibi commissam praeiudicium sustinere, nullatenus
 patiemur. Interim autem sine omni inquietudine et discordia
 vos et abbas Cluniensis¹ pacifice maneatis, donec coram vicario
 nostro^a Diensi episcopo² huiusmodi lis religiosarum personarum
 consilio terminetur; aut, si illud non potuerit^b fieri, nos, utra-
 que parte vocata et causa diligenter discussa, auxiliante gratia
 Dei, ei^c finem congruum imponere valeamus. Clerici autem,
 qui spiritu superbiae ducti contra legatum nostrum Albanensem
 episcopum turbam fecerunt, et archiepiscopum Viennensem^d, a
 Cluniaco revertentem, ablatis rebus suis contumeliose invaserunt,
 apud Cluniacum nudis pedibus ante altare sancti Petri satisfa-
 ciant; et sic, emendatis moribus, absolvantur.

38. *Canonicos S. Martini Turonenses hortatur, ut ad Rodulfi
 archiepiscopi obsequium redeant, legatis suis obedient, Ful-
 conis comitis Andegavensis societatem vitent^d.*

Gregorius episcopus servus servorum Dei canonicec Sancti 1082?
 Martini Turonensis.

Quia legatis nostris et archiepiscopo vestro^e vos^f non obe-
 dire, sed insuper eum expulisse^g audivimus, et ab eis vos esse
 excommunicatos ob culpam vestram didicimus, idcirco salutem et
 apostolicam benedictionem vobis^h mittere ausi non fuimus. Cuius
 rei indignos vos existere, profecto plus vobis ipsi dolemus. Nam,
 si animarum vestrarum curam gereretis, omnino nec illud prae-

a. om. 2. b. poterit 2. c. ei addidi. d. Edidit ex cod. S. Albini *Mabilio*
Annal. ord. S. Benedicti V 176 (al. 165). e. vos addidi. f. vobis addidi.

1. Hugo. 2. Hugone. 3. Warmundum. 4. Rodulfo. 5. a. 1081.

1082? sumere nec post flagitium tam diu in impoenitudine manere consilium haberetis. Quapropter, paterna vos allocutione monentes, ex parte beati Petri praecipimus: ut, de tanto facinore digne satisfacientes, praedictum fratrem nostrum archiepiscopum ad ecclesiam suam cum honore reducere procuretis; ac deinceps ei, paternalem sicut decet obedientiam et reverentiam exhibentes, obedire nullatenus detrectetis. Praecipimus etiam vobis: ut res tam ipsius archiepiscopi quam canonicorum Sancti Mauricij¹ in integrum restituatis; atque legatis nostris de cetero debitam obedientiam exhibentes, et ab ipso comite excommunicato Fulcone² et ab omnibus excommunicatis vos custodire vigilanter studeatis. Quodsi nec his etiam mandatis salubriter obedire volueritis, sententiam anathematis in vos confirmantes, apostolicae ultioni vos subiacere decernimus.

39. *Richardo cardinali et abbati Massiliensi praecipit, ut excommunicatos monachos Moissiacenses absolvat.*

1082? Gregorius episcopus servus servorum Dei R(ichard)o venerabili sanctae Romanae ecclesiae cardinali et abbati Massiliensi salutem et apostolicam benedictionem.

Pervenit ad nos, quod monachos illos³, qui ecclesiam sancti Saturnini⁴ non sine licentia proprii abbatis⁵ acceperant ac deinde, compellente eos iussu maioris abbatis Cluniacensis⁶, eandem dimiserant, tua fraternitas illos, posteaquam satisfacientes exierint, excommunicavit. Quod si ita est, non parum de prudentia tua miramur. Unde volumus atque praecipimus: ut tam illos ab excommunicationis vinculo solvas, quam et de caetero, ne tam leviter in religiosos viros huiusmodi sententiam feras, summopere cavere procures. Quid est enim aliud, quam auctoritati derogari, indiscrete vel temere in quasque honestas personas auctoritatis licentia uti? Quod ut de futuro vigilanter attendas solliciteque provideas, iterum iterumque monemus.

a. *Edidit Baluzius Miscell. VII (Lutetiae 1715) p. 127.*

1. Turonensium.	2. comite Andegavensi.	3. Moissiacenses.
4. Tolosanam.	5. Hunaldi abbatis Moissiacensis.	6. Hugonis.

40. Robertum I comitem Flandriae monet, ne Lamberto ecclesiae Tarvannensis invasori opem ferat^a:

Gregorius episcopus servus servorum Dei R(oberto) glo- 1082?
rioso Flandrensum comiti salutem et apostolicam benedictionem.
Notum tibi esse non dubitamus, quantum nos hactenus
nobilitatem tuam dilexerimus, cuius^b industriam inter ceteros
Franciae principes satis honesta fama commendabat. Unde, quia
bonis studiis tuis congratulamur, cum contraria de te referuntur,
multum profecto dolemus. Audivimus nuper: te cuidam cle-
rico sacrilego Lamberto, qui publice Tarvanensem episcopatum
mercatus est, contra voluntatem clericorum illi ecclesiae impo-
sito immo ab eis omnino iam pridem repudiato, assensisse; ei-
que adiutorium et potestatem ecclesiam invadendi praestitisse.
De qualibus ipsa Veritas dicit: *Qui non intrat per ostium in
ovile ovium sed ascendit aliunde, ille fir est et latro¹*; et beatus
papa Leo²: *Non habeatur inter episcopos, qui non fuerit a clero
electus et a populo expetitus*. Oportet ergo prudentiam tuam,
divinae maiestatis omnipotentiam et distinctionem pree oculis
incessanter habere, nulliusque mortalium gratiam vel timorem
illi preeferre, cui et vitam et salutem et honorem tuum non
ambigis te debere. Ergo, quia te audivimus admonitu fidelitatis,
quam regi Philippo feceras, ad id periculose esse inductum,
ex parte omnipotentis Dei praecipimus: ut, si predictus Lam-
bertus tam nefariis modis ad episcopatum prorupit, nullatenus
ei sacerdotalem obedientiam vel reverentiam exhibeas; sed a
male mercata et invasa sede alienum et extorrem facere, pree-
fatis clericis amminiculando, procures. Non enim te decet aesti-
mare, illa te adiuratione ad tam gravissimum scelus adstringi;
quia perniciosius est, illum per quem iuratur quam cui iuratur,
et Deum quam hominem offendere. Simul ipse satis perpendis,
quia plus debetur animae quam corpori; et tunc profecto fide-
litas perspicue magis servatur iubenti, quando salus animae eius,

a. Legitur in Galliae Christian. T. X instr. p. 893 ex schedis Martenii. b. cui ed.

1. Ioh. 10, 1. 2. I in ep. ad Rusticum, Regesta pont. Rom. n. 320;
cf. Gratiani Decr. P. I D. 62 c. 1: „Nulla ratio sinit, ut inter episcopos
habeantur, qui nec a clericis sunt electi nec a plebis expetiti“.

1082? corporeis commodis et inquis praelata iussis, magis attenditur.

Age ergo: ut non pro homine supplicium, sed pro Dei timore expectare debeas praemium. Atque sic praedictis clericis, qui promotioni illius libere ex parte Dei contradixerunt, opitulari eosque defendere procures, ut, quanto te gratia divina altius sublimavit, tanto magis et bonis fiduciam et pravis terorem praebreas, ceterisque principibus te imitabilem reddas.

Plumbeo sigillo idecirco signari litteras istas noluimus, ne, si forte caperentur ab impiis, eodem sigillo posset falsitatis quippiam fieri.

41. *Tarvannenses et Robertum I comitem Flandriae hortatur, ut Lambertum Tarvannensem pro invasore habeant^a.*

1082? G(regorius) episcopus servus servorum Dei clero et populo Tarvanensis ecclesiae, praecipueque nobili comiti R(oberto), salutem et apostolicam benedictionem, si obedierint^b.

Sicut aliis litteris misimus, non ignorat sollertia tua, nos iam dudum te satis diligere; propterea quod te bonis studiis inter ceteros Franciae principes, fama ferente, audivimus eminere. Nam potioris erga te dilectionis habendae causa nobis haec extitit, quia te christianaee religionis amatorem ecclesiasticaeque disciplinae et honoris suffragatorem ac defensorem in quibusdam cognovimus. Unde, cum a solita probitate contraria forte audi-
vimus, quantum doleamus, prudentia tua satis perpendit. Nuper vero de te quoddam nobis innotuit, quod, sicut a priscis moribus tuis alienum, ita quoque penitus credere visum fuit indignum; videlicet quod, contradictibus Tarvanensis ecclesiae clericis renitentibusque, tua protectione auxilioque fretus quidam Lambertus illius ecclesiae sedem invaserit. Qui publice simoniacus, aperte^c divini muneric emptor, quanto se in tali negotio turpiorum et impudentiorem ostendit, tanto tuum non favorem, sed zelum, non opem, sed repulsionem experiri debuit. Verum quia obstante rege^d, sub specie timoris ne peierares, ad id mali in-

a. Legitur in Galliae Christ. T. X instr. p. 395.

b. obierint ed.

c. a parte ed

1. Philippo I.

ductus fuisse diceris, idcirco iam pridem et nunc litteris te ad- 1082? monere censuimus: quatinus, vanum timorem abiciendo, quod iure metuendum videtur, attenderes. Noverit ergo prudentia tua, fidelitatem terreno domino tunc non recte servari, cum coelestis Domini et creatoris gratia per illam probatur offendii; et, si corpori, multo amplius animae, si mortali homini, multo maxime sempiterno Deo fidem et devotionem deberi. Proinde tam nobilitati tuae quam et praefatae ecclesiae clero et populo ex parte beati Petri praecipimus: ut praedicto Lambertu nullam episcopalem reverentiam exhibeatis; sed ipsum, velut furem et latronem existimantes, ab invasa sede propellere, fautoresque ipsius, donec resipuerint, cohibere procuretis. Quodsi se praedictus invasor ferre praeiudicium dixerit et, de re sua non ita esse^a, ut dicitur, se posse probare existimaverit, audientiam legati nostri Diensis immo Lugdunensis archiepiscopi¹ petat; quatenus — per competentem illius discussionem iustumque iudicium — obtinere, quod postulat aequitas, valeat.

42. Roberto I comiti Flandriae praecipit, ut Lambertum ab ecclesia Tarvannensi amoveat, clericosque de exsilio revocet^b.

G(regorius) episcopus servus servorum Dei R(oberto) glorioso 1082? Flandrensum comiti, dilecto in Christo filio, salutem et apostolicam benedictionem.

Iam saepius excellentiae tuae scripsimus super causa clericorum Tarvanensis ecclesiae E(rnulfi) praepositi, S. decani, I. diaconi et reliquorum, quos — malignorum mortiferis suggestiōnibus — bonis propriis privatos, in exilium pro obedientia apostolica detrusisti: ut eos ad integrum, sicut iustum est, restaurares; et illum haereticum L(ambertum) depositum et excommunicatum amplius non sustentares, sed magis ecclesiam captivatam de eius tyrannide et oppressione liberares. Quod quia, sicut illi adhuc lacrimabiliter conqueruntur, nondum pleniter peregisti, crebris querimoniis eorum fatigati, adhuc nobilitati tuae man-

^{a.} esset ed. ^{b.} Legitur in Galliae Christ. T. X instr. p. 395.

1. Hugonis.

1082? damus et ex parte Dei et apostolorum principis praecipimus: ut ecclesiam de praedicto antichristi membro eripias, clericisque praefatis sua omnia clementer restituas, et gratiam tuam pristinam eis habere permittas; ut Deus omnipotens tibi suam gratiam hic et in futuro saeculo tribuat, et beatus Petrus, ad cuius praesentiam confugium fecerunt, ianuas coeli post huius vitae felicem terminum tibi aperiat.

43. Ugoni episcopo Diensi et Richardo abbatii Massiliensi mandat, iudicent inter ecclesiam Aquensem et eius adversarios^a.

1082? G(regorius) episcopus servus servorum Dei U(goni) Diensi episcopo et R(ichardo) cardinali et abbatii¹ salutem et apostolicam benedictionem.

Aquensis archidiaconus A(rnaldus) queritur: quod archiepiscopus W(illemus)² et A(matus)³ legatus noster nec non episcopus Vasatensis⁴ insurgunt adversus ecclesiam suam, et ecclesias quasdam eiusdem episcopatus sui auferunt et violenter invadunt. Ausciensis quoque archiepiscopus et Amatus episcopus litteris suis nobis significavere^b ab Aquensisibus, easdem ecclesias proprietati Olorensis ecclesiae ab antiquo tempore pertinuisse. Unde fraternitati vestrae iniungimus: ut, si potestis ambo, sin autem, unus in competenti loco eorum negotium audiat atque, canonicis rationibus diligenter utrimque perscrutatis, Deo placentem et iustitiae congruum finem imponat.

44. Hugoni archiepiscopo Lugdunensi scribit de Odonis I episcopi Baiocensis captivitate^c.

1083 Gregorius episcopus servus servorum Dei dilecto in Christo fratri H(ugoni) Lugdunensi archiepiscopo salutem et apostolicam benedictionem.

Ad notitiam tuam pervenisse non dubitamus, qualiter Anglorum rex^d in fratrem et coepiscopum nostrum Baiocensem^e contra

a. Edidit Brial in Recueil des historiens XIV 186. b. diverse excidisse videtur.
c. Edidit e ms. cod. bibliothecae Paris. 1458 Brial in Recueil des historiens XIV 666 n. c.

1. Massiliensi. 2. Ausciensis. 3. ep. Elorense. 4. Raimundus II.
5. Willemus I. 6. Odonem I.

fas et honestum ausus est manum mittere¹ eumque contra regiam modestiam reverentiamque sacerdotalem impudenter captum et impudentius adhuc in custodia

45. De Figiacensi et Conchensi monasteriis decernit, ut, uter abbatum superstes fuerit, utriusque monasterio praesit^a.

Gregorius episcopus servus servorum Dei dilectis in Christo 1084 fratribus in Conchensi² et Figiacensi³ monasterio habitantibus Ian. 7 salutem et apostolicam benedictionem.

In discussione negotii vestri diu multumque laborantes, intellectimus, Figiacensem locum subesse debere monasterio Conchensi et cohaerere sibi sicut capiti membrum, secundum dispositionem eorum, qui eadem loca construxerunt. Verum, quia uterque abbas auctoritate et praecepto apostolicae sedis ordinationem suscepit, paci et concordiae utrinque providentes, adiudicavimus: ut ambo loca illa his rite ordinatis regantur abbatis; eo videlicet pacto, ut, si Stephanus abbas Conchensis prius obierit, Ayraldus Figiacensis sibi succedat, et tam ipse quam monachi Figiacenses caput suum Conchense monasterium deinceps recognoscant; et, sicut uni abbati subdendi sunt, ita uni professionem monasterio, videlicet Conchensi, faciant. Quodsi Figiacensis prius decesserit, nihilominus adiudicavimus, Figiacensem ecclesiam Conchensi monasterio in perpetuum uniri, atque, sopita omni lite et controversia, uni dumtaxat abbati, scilicet Conchensi, per omnia subdi; sitque hoc perpetua stabilitate firnum et inconvulsum: ut, eo defuncto, videlicet qui nunc est Figiacensis, Conchensis abbas a communi congregacione eligatur, et utriusque loco praeosit secundum regulam sancti Benedicti. Admonemus itaque et apostolica auctoritate interdicimus: ut contra huius definitionis tenorem nullus agat seu in aliquo contraire praesumat; et sicut salubriter ac discrete provisum est, permanere permittat. Si vero aliquis, quod non speramus, definitioni

a. Legitur in Gallia Christ. II 241.

1. Cf. Registri L. VIII ep. 60 supra p. 518. 2. d. Ruthenensis.
3. d. Cadurcensis.

1084 nostrae contraire tentaverit, si abbas vel episcopus est, proprii
 Ian. 7 ordinis periculo subiacebit; si vero monachus laicusve fuerit,
 absque dubio excommunicabitur. Datum Romae 7 Idus Ianuarii,
 anno 11 pontificatus domni papae Gregorii VII, anno videlicet
 dominicae incarnationis 1084, indictione 7.

46. *Omnibus fidelibus demonstrat, in malis ideo se versari, quod ecclesiam nolit in servitutem redigi. Auxilium poscit. Legatos suos commendat^a.*

1084 Gregorius episcopus servus servorum Dei omnibus in Christo fidelibus apostolicam sedem re vera diligentibus salutem et apostolicam benedictionem.

Pervenit, fratres karissimi, pervenit ut estimamus ad notitiam vestram, quia nostro tempore innovatum est, quod in psalmis inquirendo dicitur: *Quare fremuerunt gentes, et populi meditati sunt inania?* Astiterunt reges terrae, et principes convenerunt in unum adversus Dominum et adversus christum eius¹. Principes enim gentium et principes sacerdotum cum magna multitudine convenerunt in unum adversus Christum, omnipotentis Dei filium, et adversus apostolum eius Petrum, ut christianam religionem extinguerent et hereticam pravitatem propagarent. Sed Deo miserante illos, qui confidunt in Domino, nullo terrore nullaque crudelitate^b vel mundanae gloriae promissione ad suam potuerunt deflectere impietatem. Pro nulla quippe alia qualibet ratione contra nos inique conspirantes manus erexerunt, nisi quia periculum sanctae ecclesiae nolimus silentio praeterire et his qui eandem sponsam Dei non erubescunt in servitutem redigere. In omnibus enim terris licet etiam pauperculis mulierculis, suae patriae lege suaque voluntate virum accipere legitime; sanctae vero aecclesiae, quae est sponsa Dei et mater nostra, non licet secundum impiorum votum et detestabilem consuetudinem, divina lege propriaque voluntate suo sponso legaliter in terris adherere. Non enim pati debemus, ut filii san-

a. Legitur ap. Hugonem Flaviniac., Mon. Germ. SS. VIII 464. b. crudelitate ed.

1. Ps. 2, 1. 2.

ctae ecclesiae hereticis adulteris et invasoribus quasi patribus 1084
 subiciantur atque ab eis velut adulterina infamia notentur. Hinc
 multa mala, diversa pericula et inaudita crudelitatis scelera qua-
 liter sint exorta, a nostris legatis luce clarius veraque relatione
 potestis addiscere; et si re vera doletis et contrastamini de ruina
 christiana religionis et confusione eique vultis manum praebere
 adiutorii, intrinsecus certo tacti dolore, ab eisdem instrui satis
 potestis. Sunt enim beato Petro fidelissimi et inter primos dom-
 mus eius unusquisque in suo ordine adnumerati, qui nullo terrore
 nullaque temporalium rerum promissione potuerunt in aliquo ab
 eius fidelitate et defensione avelli et a gremio sanctae matris
 aecclesiae separari.

Sed quia, sicut novit vestra fraternitas, licet indigno et
 peccatori divinitus per prophetam dicitur: *Super montem excelsum*¹ et reliqua, et iterum: *Clama, ne cesses*², velim nolim,
 omni postposita verecundia, timore quoque vel alicuius terreno
 amore, euangelizo; clamo clamo et iterum clamo, et adnuncio
 vobis: quia christiana religio et vera fides, quam filius Dei de
 coelo veniens per patres nostros nos docuit, in secularem versa
 pravam consuetudinem, heu proh dolor ad nichil pene devenit
 et, inmutato antiquo colore, cecidit non solum in diaboli verum
 etiam in Iudeorum Saracenorum atque paganorum derisionem.
 Illi enim leges suas — licet hoc tempore ad nullam animarum
 salutem utiles, nullisque miraculis, sicut lex nostra aeterni regis
 frequenti attestatione, clarificatas et corroboratas — prout credunt,
 observant. Nos autem, seculi inebriati amore et vana de-
 cepti ambitione, omni religione et honestate cupiditati atque superbiae postpositis, exleges et quasi fatui videmur; quia praesentis
 vitae et futurae salutem et honorem sicut patres nostri non ha-
 bemus nec etiam, sicut oportet, speramus. Et si sunt aliqui,
 licet rarissimi, qui Deum timeant, pro se utcumque non pro
 communi fratrum salute decertant promta voluntate. Qui vel
 quot sunt qui pro timore vel amore omnipotentis Dei, in quo
 vivimus movemur et sumus³, tantum desudent vel usque ad

1. Isai. 57, 7. 2. Isai. 58, 1. 3. Act. 17, 28.

1084 mortem laborent, quantum seculares milites pro dominis suis vel etiam pro amicis et subditis? Ecce multa milia hominum secularium pro dominis suis cotidie currunt in mortem; pro coelesti vero Deo et redemptore nostro non solum in mortem non currunt, verum etiam quorumdam hominum inimicitias subire contempnunt. Et si sunt aliqui, — immo Deo miserante sunt, licet perpaucissimi — qui in faciem impiis usque ad mortem resistere pro amore christianaे legis contendunt, non solum a fratribus, ut dignum est, non adiuvantur, sed etiam imprudentes et minus discreti ut dementes habentur. Sed quia hec et his similia specialiter inminent nobis ut vobis indicemus, quatenus Deo largiente vicia possimus a cordibus fratrum avellere et virtutes in eis plantare, rogamus et obsecramus in domino Iesu, qui nos sua morte redemit: ut tribulationes et angustias, quas patimur ab inimicis christianaे religionis, cur et qualiter patiamur, diligenter investigando intelligatis. Ex quo enim dispositione divina mater aecclesia in trono apostolico me valde indignum et Deo teste invitum collocavit, summopere procuravi, ut sancta aecclesia sponsa Dei, domina et mater nostra, ad proprium rediens decus, libera casta et catholica permaneret. Sed quia hosti antiquo hec omnino displicent, armavit contra nos membra sua, ut omnia in contrarium verteret. Ideo in nos immo in apostolicam sedem tanta fecit, quanta facere a tempore Constantini Magni imperatoris nequivit. Nec valde mirum; quia, quanto plus antichristi tempus appropinquat, tanto amplius christianam religionem extinguere decertat.

Nunc autem, fratres mei karissimi, diligenter quae vobis dico audite. Omnes, qui in toto orbe christiano censentur nomine et christianam fidem vere cognoscunt, sciunt et credunt: beatum Petrum, apostolorum principem, esse omnium christianorum patrem et primum post Christum pastorem, sanctamque Romanam aecclesiam omnium aecclesiarum matrem et magistrum. Si ergo hoc creditis et indubitanter tenetis, rogo vos et praecipio ego, qualiscumque frater et indignus magister vester, per omnipotentem Deum: adiuvate et succurrite praedicto patri vestro

et matri, si per eos absolutionem omnium peccatorum et benedictionem atque gratiam in hoc seculo et in futuro habere desideratis. Omnipotens Deus, a quo bona cuncta procedunt, mentem vestram semper illuminet eamque sua dilectione ac proximi fecundet; ut mereamini, praefatum patrem vestrum et matrem certa devotione debitores vobis facere et ad eorum societatem sine verecundia pervenire. Amen.

-
47. *Altmanno episcopo Pataviensi „concedit, ut presbyteros in fornicationem lapsos, si vere penituerint, in pristinum gradum restituat; si negligentes et inutiles fuerint, eos penitus abiciat“^a.*

Gregorius episcopus servus servorum Dei dilecto in Christo 1073 fratri Altmanno Pataviensi episcopo salutem et apostolicam bene-
ditionem.^b

Interrogavit nos religio vestra de sacerdotibus in fornicationem lapsis aliisque criminibus irretitis, consulens, quidnam de illorum gradu foret censendum

-
48. *Altmanno episcopo Pataviensi „epistolam pro tuenda ecclesiae libertate mittit“^c.*

Gregorius episcopus servus servorum Dei dilecto in Christo 1073 fratri Altmanno Pataviensi episcopo salutem et apostolicam bene-
ditionem.^d

Quia te credo sincero corde amare pro Deo sanctae ecclesiae honorem et libertatem, volo et praecipio, ut summopere cum clericis his vel laicis, qui ad hoc apti videntur, procures, ut sponsa Christi amplius non habeatur ancilla

-
49. *Episcopum Rotomagensem et Gallicos omnes ad destruendam simoniam hortatur^e.*

.... Si quis dator vel acceptor Dei ecclesiastica beneficia, quae quidem praebendas vocant, sub pecuniae^f

^{a.} Hoc epistolae fragmentum legitur in Altmanni ep. Pataviensis vita ed. Wattenbach in Mon. Germ. SS. XII 238. ^{b.} Legitur hoc fragmentum in Altmanni ep. Pat. vit. ed. Wattenbach in Mon. Germ. SS. XII 238. ^{c.} Fragmentum hoc habetur in Gratianni Decr. P. II C. I q. 3 c. 2.

1073 interventu suscepere, sive dando emerit, sive accipiendo vendi-
 1085 derit, a Simonis non excluditur perditione; sed si perseverans
 fuerit, perpetua muletetur damnatione. Nam qui sub religionis
 obtentu Deo famulari voluerit, si quid accipit, et meritum per-
 dit et beneficio accepto frustratur. Rationis ergo vigore cogitur,
 quod iniuste receperit, restituere et, quidquid turpis lucri gratia
 receperat, non tenere.

50. *Wimundo episcopo Aversano scribit, consuetudinem veritati
 postponendam esse^a*.

1073 Si consuetudinem fortassis opponas, advertendum est,
 1085 quod Dominus dicit: *Ego sum veritas et vita*². Non dixit: *Ego
 sum consuetudo*, sed: *veritas*. Et certe, ut beati Cypriani uta-
 mur sententia, quaelibet consuetudo, quantumvis vetusta, quan-
 tumvis vulgata, veritati omnino est postponenda; et usus, qui
 veritati est contrarius, abolendus.

51. *Altmanno episcopo Pataviensi „rigorem canonum pro tem-
 pore flecti permittit“^b.*

1081 Gregorius episcopus servus servorum Dei dilecto in Christo
 1085 fratri Altmanno Pataviensi episcopo salutem et apostolicam be-
 nedictionem.

Ex quo a nobis discessisti, frater karissime, aliquotiens le-
 gatos ex tuo nomine ad nos venisse meminimus.

a. Legitur hoc fragmentum in Gratiani Decr. P. I D. 8 c. 5. b. Est fragmentum
 hoc in Altmanni vita ed. Wattenbach, Mon. Germ. SS. XII 238.

1. De hoc fragmento cf. Berardum, Gratiani canones T. II n 344.
 2. Ioh. 14, 6.

BONITHONIS EPISCOPI SUTRINI LIBER AD AMICUM.

Bonitho sive Bonizo, unus sectatorum Gregorii VII papae ardentissimus, Italus fuit certe; sed quo loco ortus, quando natus sit, quem vitae cursum confecerit ante annum 1078, paene omnino obscurum est. Tantum quod tenemus, eum ecclesiae Sutrinae praefectum episcopum esse; insciū, hoc munus gerere quo tempore cooperit¹. Misit autem anno 1078 episcopum papa in 1078 Langobardiam, tum discordiarum Paterinarum tempestate iactatam; qua fungens legatione, Bonitho Cremonae translata ossa sanctorum Petri et Marcellini die 12 m. Maii sacravit in ecclesia S. Thomae². Unde regressus Romam, episcoporum conventui, in quo de formanda Berengarii Turonensis professione a Gre- Nov. 1

1. Varii Bonizones ante annum 1078 comparent: Bonizo presbyter et sacrista (Placentinus) in tabula Dionysii episcopi Placentini, d. 1056 Dec. 3, ap. Campi Hist. di Piac. I 514—515; Bonizo abas S. Petri de Campo in tabula Mathildis comitissae d. 1072 Iun. 7 ap. Muratori Ant. It. med. aevi II 955; Bonizo canonicus et subdiaconus (Aretinus) in tabula d. 1073 Iunio, ap. Mittarelli Annal. Camaldul. II app. p. 244; Bonizo subdiaconus (Placentinus), quem cum Dionysio episcopo Placentino litigavisse exeunte anno 1074, docet Gregorii VII Reg. II 26 supra p. 139. Ex quibus quidem Bonizonibus aliquem putare eundem ac Bonizonem episcopum Sutrinum, fidentius est quam tutius; cum praesertim ne id quidem compertum sit, quo anno Bonitho suscepit episcopatum.

2. Haec refert Cavitellius (Cremonenses annales, Cremonae 1588 p. 34^b) verbis his: „Et anno 1078 die duodecima Maii opera ac sumptu Gulielmi abbatis et Guidonis prioris monachorum divi Benedicti Cremonam (ibi praesule Arnulpho ac Odone abate S. Laurentii) ossa divorum Petri et Marcellini translata fuerunt et reposita in aede divi Thomae — ac sacrata per Bonitum episcopum Sutrinum ac legatum apostolicum“. Nec sine erroribus hac relatione usus est Ughelli IV 598.

1078 Nov. 1 *gorio agebatur, die 1 m. Novembris interfuit¹. Neque vero rurus de rebus ab eo exinde gestis memoriae proditum quidquam est usque ad fatalem eius annum 1082.*

1082 c. Apr. 24 *Etenim paschali anni huius ieunio cum Romam Heinricus IV oppugnatione premeret, Bonitho, e Sutria excussus ab adversa factione², in regis manus incidit circiter die 24 m. Aprilis³.*

Elapsus quidem postea vinculis est, sed Sutrina sua sede amissa in omnem vitam⁴, conflictatus valetudine infirma⁵, varia exsilii mala sustinuit. Et propter egestatem haud paucos episcopos adivisse frustra videtur. Namque „de susceptione episcopi a sede sua pro catholica fide expulsi“ agens in uno ex suis operibus⁶: „Scio“ inquit stomachosius „quosdam ex fratribus, qui — antequam amicus dicere valeat — se pauperes esse et sub magno foenore iacere conqueruntur; ut audiens amicus ab eis aliquid petere desistat. Hi solent dicere infirmis confratribus: „„Argentum et aurum non est meum; quod autem habeo, hoc tibi non do““⁷.

At maxime verisimile est, eum Mathildis comitissae, studiosissimae rei papalis defenstricis, hospitio fruitum esse. Huic

1. V. Berengarii relationem ap. Martene Thesaur. IV 103 (Mansi Conc. XIX 761): „Scriptum istud, cum Romae apud papam moram facerem, in conventu episcoporum, quem habuit in festivitate omnium sanctorum (1078 Nov. 1), vociferatione multa omnibus pronunciari fecit mecum sentientibus in eis, qui cum papa erant, episcopo Portuensi, episcopo Sucirensi“ (lege: „Sutriensi“) 2. Bernoldi chron. 1089 (Mon. Germ. SS. V 449): „Bonizo piae memoriae Sutriensis episcopus, set inde pro fidelitate sancti Petri iam dudum expulsus, tandem post multas captiones, tribulationes et exilia a Placentinis catholicis pro episcopo recipitur“ cet.

3. Bernoldi chron. 1082 (l. l. p. 437): „Igitur Heinricus, capto venerabili episcopo de Sutria aliquis nonnullis, suoque apostata Guiberto in Tiburtina urbe ad infestandos Romanos derelicto, ipse Longobardiam (post Apr. 24) revertitur“. 4. V. Bernoldi chron. 1089 l. l. Cf. supra n. 2.

5. V. Bonithonis Decreti L. V c. 120 (ap. Mai Novae patrum bibl. T. VII III p. 54): „Fortissimum enim ieunium est validis: panis et aqua; minus validis: panis et virentes herbae et poma, cum modica vini potionē; debilibus vero panis et vini et cocta pulmentaria; infirmis vero, de quorum numero ego sum, non est lex posita“. 6. in Decreti L. II c. 22 (l. l. p. 11). 7. Cf. Act. apost. 3, 6: „Petrus autem dixit: „„Argentum et aurum non est mihi; quod autem habeo, hoc tibi do““.

enim feminae destinatus ab eo liber est, quem, formatum paulo post Gregorii VII mortem (1085 Mai. 25) Ad amicum inscripsit; de quo accuratius infra dicendum est. Praeterea retulit Ughellius¹, Bonithonis „honorificam mentionem existare in quodam comitissae Mathildis privilegio anno 1086; a qua illum 1086 ob egregias animi dotes magno in honore habitum esse“. Quin etiam Mantuae eodem anno apud Mathildem fuisse Bonithonem, definite traditum est.

Nam cum Anselmus II episcopus Lucensis Mantuae graviter aegrotaret pluresque episcopi eo convenissent, die 17 m. Mart. 17 Martii Bonitho ex urbe casu discessisse narratur. Mortuo autem homine postridie, reversus celeriter², in sepulturae loco deligendo Mart. 18 momentum fecit. Anselmus enim, in quo non solum animi verum etiam vestimentorum modestia ab ipso Bonithone praedicata est³, vota saepe fecerat, ut in Padolironensi S. Benedicti coenobio, in Padi ripa sito, conderetur. Itaque iam egrediebatur ad monasterium pompa funebris, cum repente Bonitho intercedit: ne episcopus humetur usquam nisi in episcopali sede; non decere abstrudi tantam lucem; qui se ipse demiserit, eum merito extollant superstites oportere. Quae quidem admonitio id effecit, ut omnium assensu Anselmus sepeliretur in cathedrali ecclesia Mantuana⁴.

Omnino autem post iacturam sedis episcopalnis Bonithonem

- | | | | |
|--------------------|--|---|--|
| 1. Ughelli I 1275. | 2. Bardonis vita Anselmi ep. Luc. c. 41 (Mon. Germ. SS. XII 25): „Sutriensis quoque pridie (Mart. 17) recesserat, sed mox post transmigrationem ipsius (Anselmi, Mart. 18) eodem die affuit opportunus“. | 3. in Decreti L. II c. 9 (l. l. p. 9) ubi agit „de iis, qui ex monachis flunt episcopi“: „Scio“ inquit „nostris temporibus sanctum Anselmum Lucensem episcopum, quem Deus post mortem multis et variis et magnis glorificavit miraculis, humilitatem, quam gestabat in corde, usque dum vixit, vestium propalasse in habitu“. | 4. Bardonis vita Anselmi c. 40 (l. l. p. 24): „Et eum concedentibus episcopo (Ubaldo Mantuano) atque comitissa (Mathildi) — iam deferretur ad monasterium corpus, affuit subito reverendissimus Sutriensis episcopus dominus Bonizo, quem Spiritus sanctus suscitavit, ut clamaret, dignum esse, ut in episcopio episcopus sepeliretur. „Tanta“ inquit „lucerna non decet ut abscondatur; ipse adhuc vivens tamquam indignum se humiliavit, nos autem ut vere dignum exaltare oportet hominem, quem fuisse scimus sanctissimum“. |
|--------------------|--|---|--|

videmus et litteras non indiligenter tractasse et in multitudine concitanda operam navasse eximiam.

Librum enim, qui Ad amicum inscribitur quemque iam ante attigi, subsecutus est is, qui evanuisse videtur, in Hugo-nem schismaticum¹ editus. In quo opere cum „de Urbani II actis et de eius victoria“ sese egisse tradiderit ipse Bonitho²,

1089 *id aut anno 1089 aut paulo post eum annum expeditum est, propterea quod non posse dubitari videtur, quin Urbani illa victoria significet Wiberti antipapae e Roma expulsionem post d. 8 Iunii a. 1089 factam³.*

Absolvit etiam postea⁴ libros duos. Quorum alterum per-paucarum pagellarum libellum de sacramentis, dedicatum Gualterio monacho et priori coenobii Lenensis⁵, in dioecesi Bri-xiensi siti, edidit Muratorius in Antiquitatum Italicarum disser-tatione 37 (Mediolani 1740) T. III 599 — 604. Amplius graviusque opus alterum est de iure canonico, flagitante Gre-gorio sacerdote conscriptum⁶; quod cum in codicibus certo titulo non sit notatum, Maius, excerpta eius edens in Novae patrum

1. Hugonem Candidum. 2. in Decreti L. IV c. 109 (l. l. p. 46) verbis his: „Urbani vero pontificis acta et de eius victoria si quis scire voluerit, legat librum quem scripsi in Hugonem schismaticum; et ibi inveniet ad plenum lucidata, quae voluerit“. De eodem opere in libro de sacramentis (ap. Muratori Antiqu. Ital. dissert. 37, T. III 602) dicit Bonitho ad hunc modum: „Qualiter vero (Clemens) primus sit per electionem Petri et tertius in gradu, si quis gnarus esse voluerit, legat librum, quem scripsi in Ugonem schismaticum; et ibi inveniet ad plenum dilucidatum“. 3. Id iam animadverterunt Ballerini in Leonis Magni Opp. T. III p. cccvii. De tempore autem expulsi Wiberti v. Regesta pont. Rom. p. 445. 4. In utroque enim iam commemoratur liber in Hugonem scriptus, ut docet adnot. 2 supra. 5. Et in fronte et in calce libelli leguntur haec: „In-cipit (Explicit) libellus de sacramentis a Bonizone Sutrino episcopo editus, ad Gualterium Leonensis coenobii monachum et priorem missus“. Neque vero Gualterium hunc aliunde novit aut Lucchi Monumenta monasterii Leonensis, Romae 1759, aut Zaccaria Dell' antichissima badia di Leno, Venezia 1767. 6. Nam in epilogi operis p. 74 sunt haec: „Cum a me exegisses, sacerdos venerande Gregori, ut brevem ac compendiosam dictatiunculam ex sanctorum patrum autenticis canonibus tibi compo-nerem, dum flagranti tuo desiderio deseruire cupio, metas brevitatis excessi“.

bibliothecae T. VII P. III p. 1—75, Decretum inscribi iussit¹. Divisum hoc opus est in libros decem. In eorum quarto, „qui est de excellentia Romanae ecclesiae“ catalogus inest pontificum Romanorum, quem ipsum cum esse peculiarem librum arbitrarentur, eidem catalogo varios titulos imposuerunt: „Epitome historiae Romanorum pontificum“, „Chronica Romanorum pontificum edita a Bonithone Sutrino episcopo, viro per omnia doctissimo“², „Chronica Bonisii episcopi Sutrini de gestis pontificum“³, „Historia pontificia“⁴.

Ab eodem Bonithone fortasse est etiam Paratus i. e. breviarium sententiarum sancti Augustini, quod „Bonizon in familia Dei minimus Iohanni⁵ reverendissimo abbatii“ dedicavit, cuiusque codicem, in bibliotheca Caesarea Vindobonensi servatum, adumbravit Lambecius in Commentariorum de bibliotheca Vindob. T. II p. 605.

Agitando autem populo adversus Heinrici IV Wibertique antipapae partes Bonithonem studuisse Placentiae constat. In panegyrico enim ad regem misso⁶ Benzo episcopus Albensis, qui Bonithonem deformato nomine appellat Bonizellum quique eundem, cum esset in carcere, non truncatum caecatumque esse luget,

1. De hoc libro mentionem saeculo XII Anonymus Mellicensis (Pez Bibliotheca Benedictina p. 489) c. 112 fecit hoc modo: „Ponizo Sutriensis presbyter (lege: Gregorii) septimi temporibus scribit excerpta de canonibus“. Albinus scholaris, in collectaneis conscribendis isto libro Bonithonianus usus, eum librum de vita christiana vocavit; v. Mai Spicilegium Romanum VI 273, 277. 2. in Decreti codice Vindobonensi; de quo cf. Lambeccii Comment. T. II c. 8. 3. Hoc titulo utitur Martinus Polonus in praefatione, ubi de libris a se adhibitis docet. 4. ap. Maium, Spicilegium Romanum VI 273. — Notato opus est, in Decreti L. II c. 39 (ap. Maium, Novae patrum bibl. T. VII P. III 19) inveniri haec: „Qui (excommunicati) — qualiter ab episcopo recipi debeant qualiterve redintegrari, in novo libro, si vita comes fuerit, plenus enarrabo“; a Maioque editore adiectum hoc esse: „Animadvertisamus promissum novum a Bonizone librum, qui certe non appareat“. At apparuit apud ipsum Maium. In eiusdem enim Decreti libro nono c. 142 p. 66 expositum est: „Qualiter excommunicati debeant reconciliari“. 5. quem Iohannem Gualberti, abbatem Vallumbrosanum (qui obiit a. 1073), fuisse coniecerunt audacter. 6. L. I c. 21, Mon. Germ. SS. XI 607. 608.

„Non est dicere“ inquit „quanta praestigia agat Bonizellus, et in Placentina urbe atque in eiusdem plebibus insistens diabolis praeicationibus, reprobantis quoque ecclesiarum consecrationibus“.

Qui quidem motus periculosi in acerrima civium Placentinorum discordia Bonithoni tam novo honori quam exitio fuerunt.

1089 *Ecclesiastica enim Placentiae pars eum anno 1089 episcopum delegit¹. Schismatici autem urbis eiusdem parant episcopo id ipsum, quod quondam a rege captus devitaverat, eumque crudelissime „effossis oculis, truncatis omnibus pene membris, martyrio coronant“.*

Haec de interitu Bonithonis attulit Bernoldus in chronicō ad annum 1089. Sed cum episcopum intellexerimus post eiusdem anni diem 8 Iunii tria composuisse opera² et mors eius in sepulcri carmine ad diem 14 Iulii referatur, eundem iam 1089 Iul. 14 obiisse nullo modo probabile est³. Nec decernam, utrum anno 1090 an anno 1091 perierit⁴. Titulus supremus vero, Cremonae in ecclesia S. Laurentii repertus, qui Bonithonem ibidem sepultum esse testatur, hic est:

*Nobile depositum tibi, clara Placentia, gessit
Antistes Bonizo; Christi pro nomine martyr.
Septima bis Iulii hunc lux collegit in urna⁵.*

1. Bernoldi chronicō 1089 (Mon. Germ. SS. V 449): „Bonizo piae memoriae Sutriensis episcopus — a Placentinis catholicis pro episcopo recipitur; set a scismaticis eiusdem loci, effossis oculis, truncatis omnibus pene membris martirio, coronatur“.
2. librum in Hugonem schismaticum, libellum de sacramentis, Decretum.
3. ut iam Ballerini viderunt in Leonis M. opp. III p. cccvii.
4. „Winricum Placentinum episcopum“ iam die 10 Aprilis 1092 fuisse, invenit Campi (Hist. di Piac. I 364) in tabula ecclesiae S. Antonii.
5. Fabricius de Marliano, episcopus Placentinus, circiter anno 1476 in Chronica episcoporū Placentinorum (ap. Muratori Rer. It. SS. XVI 630. 631) non sine perturbatione rerum de Bonithone narravit haec: „Bonizo, Italus natione, eligitur in pontificatu Placentino anno Domini 1114. Hic vir sanctus et bonus fuit; praedicabat enim contra haereticos. Fuit autem a populo Placentino exoculatus. Adversabatur ei, quod accepisset consecrationem suam ab archiepiscopo Ravennatensi. Sedit solum mensibus sex. Deinde vituperose expellitur, Cremonam se transferens, ubi die 14 Iulii diem clausit extrellum sepelitur in ecclesia sancti

Sed postquam de vita Bonithonis dixi, quod propositurus sum, opus eius separatim considerabo.

Liber enim, qui ad amicum inscribitur¹, quasi historia ecclesiastica est, ad Gregorii VII interitum usque adducta; quae cum saeculi undecimi res accuratius nec sine proprietate perse- quatur, inter utilissimas temporis illius memorias annumerari solita est. Perfectum opus est vacante post Gregorii VII obitum sede Romana, spatio dierum 25 m. Maii a. 1085 et 24 m. Maii a. 1086; quemadmodum inde suspicari licet, quod Gregorii mortui quidem neque vero Victoris III electi mentio illata est. Cui qui- dem tempestati convenit occasio quoque, quam scribendi libri ab eo, quem alloquitur aliquoties, amico praebitam sibi esse, ostendit Bonitho. Eundem enim a se percontatum esse profert in ex- ordio libri, non modo num christiano pro fide contendere armis liceat, sed quid etiam sit causae, cur illa aetate ecclesia, scilicet pars Gregoriana, prostrata sit.

Laurentii. Et super eius tumulum sunt isti versus: Nobile depositum “ cet. — Locatus (De Placentinae urbis origine, Cremonae 1564), relatione Fabricii de Marliano usus, iam prodidit, a quibus hominibus quoque loco caecatus Bonitho sit: „ab illis“ inquit enim „de Vidalta, de Bardo, de Bonifacio, de Torricellis et de Porta Nova apud ecclesiam divi Donini (Placentiae) super petram Aghinonum exoculatus, extra civitatem turpiter electus est“. — Campi denique (Dell' historia ecclesiastica di Piacenza, Piacenza 1651, T. I 359) multo etiam accuratius, quomodo res gesta sit, narrat; ita ut scriptores, quanto sint posteriores, tanto uberioris referant singula.

1. Haec est vera libri inscriptio ab ipso Bonithone facta: *Ad amicum.* In Decreti enim L. IV c. 109 (ap. Mai Nov. patr. bibl. T. VII P. III p. 46): „Ceterum“ inquit Bonitho „si quis de Theophylacto Tusculano, qualiter Iohanni sacerdoti vendiderit papatum, et quomodo uno eodemque tempore Theophylactus et Gregorius et Silvester Romanum non regebant sed vastabant pontificatum, et qualiter Henricus rex, Conradi filius, Romanam ecclesiam a talibus pestibus liberavit, gnarus esse voluerit, legat librum, quem dictavi, qui inscribitur: *Ad amicum*“. In unico etiam operis codice, de quo dicam infra, eadem qua omnis est liber exaratus manu saeculi XII impositus ei est titulus hic: „*Incipit liber Bonithonis Sutriensis episcopi, qui inscribitur: Ad amicum*“. Posuit autem in anteriore codicis eiusdem tegmine manus saeculi XIV verba haec: „*Historia Bonithonis Sutriensis episcopi de persecucione ecclesie*; facile ut appareat, hanc serius inventam libri appellationem ab ipso Bonithone non esse.

Atque hic quidem amicus merum artificium est, cum pateat abunde, omnino Mathildis comitissae gratia scriptum librum esse. Licet enim prae uberrimis quas tractat rebus non nimis amplum opus sit, tamen temperare sibi nequit Bonitho, quominus maiores et propinquos comitissae singulatim producat et aspergat lumenibus secundis; velut Ottонem sive Attonem pro avum Mathildis (L. IV, sub imperatore Ottone I), Tedaldum ducem et marchionem, comitissae avum (L. IV, sub Heinrico II), „in-clitum ducem et marchionem Bonifacium“, eiusdem comitissae patrem (L. V ad a. 1047 et 1052, L. VI ad a. 1067), „virum magnificum et in bellicis rebus strenuissimum, magnum ducem Gotefridum“, Mathildis vitricum (L. V bis ad a. 1054 et 1055, L. VI ad a. 1058, 1059, 1062, 1064, 1066, 1067, L. VII ad a. 1073), „excellentissimam ducem, beatissimam Beatrixem“, matrem Mathildis (L. V ad a. 1054, 1055, L. VI ad a. 1062, L. VII ad a. 1073, 1074 c. Iun. 15, 1075), „praeclarum ducem Gotefridum, nobilissimae Mathilde coniugem“ (L. VII ad a. 1075, L. VIII ad a. 1076), ipsam etiam „excellentissimam comitissam“, „nobilissimam“, „excellentissimam Bonifacii filiam“, „gloriosam“ Mathildem (L. V ad a. 1055, L. VI ad a. 1067, L. VII ad a. 1074 saepius, ad 1075, L. VIII ad a. 1076, 1077, L. IX ad a. 1080 bis). Atque eandem Mathildem in extremo opere omnibus militibus ad imitandum proponit hoc pacto: „Emulentur in bonum excellentissimam comitissam Matildam, filiam beati Petri, que virili animo, omnibus mundanis rebus posthabitatis, mori parata est potius, quam legem Dei infringere, et contra heresim, que nunc sevit in ecclesia, prout vires suppetunt, omnibus modis impugnare. In manu cuius credimus quia tradetur Sisara“ (i. e. Heinricus IV).

Quae cum sint eiusmodi, et exeunte saeculo XIII Iacobus de Voragine in extremo sermone tertio de sancta trinitate librum Bonithonianum commemoret his verbis: „Sicut enim refert Boniso in libro, quem scripsit ad comitissam Mechtildem“¹, atque

1. „Sicut enim refert Boniso (al. Bonifacius) in libro, quem scripsit ad comitissam Mechtildem, cum archiepiscopus Eburdunensis (al. Ebrudicensis)

*inito saeculo XIV Ricobaldus Ferrarensis eundem librum in historia imperatorum¹ bis inducat hoc modo: „In libro tamen Deoniti (al. Bonici), quem misit ad comitissam Mathildam“² et: „Hoc miraculum refert Bonizo in libro ad comitissam Mathildam“³, intelligi necesse est, opus, quod est inscriptum: *Ad amicum, a Bonithone Mathildi comitissae diserte quoque destinatum esse, fuisseque etiam saeculis XIII et XIV exempla operis dedicationem ipsam continentia.**

Ita, quo animo litteris res gestas consignaverit Bonitho, existimatio facillima erit. Et totam sane memoriam adeo Gregoriana penitus mente proposuit, ut saeculo XII Boso presbyter cardinalis S. Pudentianae tituli Pastoris in vitis ipsorum pontificum Romanorum a Leone IX ad Gregorium VII conscribendis vestigia Bonithonis paene usque quaque persecutus sit⁴.

Fieri vero potest, ut quis, quantumvis inclinatus sit in favorem suae partis, tamen in historiis scribendis veritatem sequatur nec propter benevolentiam vel odium aut commenticias res

symoniacus esset et omnes testes pecunia corrupisset, quidam legatus, vir sanctus, ei precepit, ut versum sancte trinitatis, scilicet: „Gloria Patri et Filio et Spiritui sancto“ diceret; rogans Deum, ut, si symoniacus esset, Spiritum sanctum, cui iniuriam fecerat, nominare non posset. Quod et factum est. Et sic ille deprehensus peccatum suum humiliter confessus fuit et poenitentiam egit“. Cf. infra L. VI sub Stephano X papa.

1. ap. Eccardum Corp. hist. I 1163 et 1164 et ap. Muratorium Rer. It. SS. IX p. 121 et 122. 2. „In libro tamen Deoniti“ (alia manu superscriptum est „Bonici“), „quem misit ad comitissam Mathildam, dicitur, quod, cum dictus presbyter (Gregorius VI) simplicitate ductus pontificatum per pecuniam acquisivisset, ut schismati obviaret, ipse, mox errorem suum cognoscens, suadente imperatore se abdicavit officio“. Cf. infra L. VI. — Campi (Hist. di Piac. ad a. 1044 T. I p. 326) videtur libri Ricobaldani codicem vidisse Romae; refert enim haec: „io lessi in Roma, notato in certo pergameno antichissimo et estratto da un libro di Bonizone vescovo di Sutri, mandato allhora alla contessa Matilda, come il detto Gregorio (VI) alla fine rinunciò da se stesso il papato, il quale per semplicità sola e con ottima intentione di ovviare alli disordini accettato haveva“. 3. „Hic (Ildebrandus) ante papatum apostolicae sedis legatus apud Lugdunum archiepiscopum Ebronensem de symonia miraculose convicit“ ect. „Hoc miraculum refert Bonizo in libro ad comitissam Mathildam“. 4. V. Watterich Pontif. Roman. vitae T. I p. 100 sq.

afferat aut facta corrumpat. Nec multo secus de Bonithone rerum explicatore senserunt adhuc viri docti. Prorsus quidem intellexerunt¹, veterem memoriam² negligenter, inepte, perverse ab eo tractatam esse, at inde ab Heinrici III temporibus quamvis non ex omni vituperatione cum liberaverint, tamen et eam quam offert rerum silvam magni aestimabant et omnino eum ad libidinem descivisse a vero negabant³; ut eos sileam, qui totum Bonithonem in praestantissimorum et maxime veracium scriptorum numero referri voluerunt.

Sed mihi opus eius edituro, cum, quantum in me situm est, et universum librum et singulas eius partes accurate perquirerem, mirifice perspicua nihilque prorsus dubitanda occurabant indicia, Bonithone historico fuisse neminem fere mendacorem. Praetermitto res minutis, in quibus quidem exponendis vel de industria vel per incuriam saepissime lapsus est, quemadmodum ex adnotationibus a me factis perspici fere potest. Verum quae cum gravissimis aetatis Gregorianae rationibus res coniunctae erant, quae quidem ad papatus imperiique dissidium pertinere videbantur, eas reperio partis causa unice adulteratas esse. Quo in genere sunt Ottonis I iuramentum, Gregorii VI abdicatio, paparum electio. De quarum rerum unaquaque iam singillatim dicere necesse est.

De Ottonis I iuramento.

Erat in vetere more positum, ut regum promissa maxime sollemnia, quae iureiurando affirmanda videbantur, non ab ipsis regibus, sed eorum nomine, vel ut tum dicebant: „in eorum anima“, ab aliis hominibus iurarentur. Idque consuetudinis

1. V. Stenzel Geschichte Deutschlands unter den fränkischen Kaisern II 70—72, Giesebrécht Geschichte der deutschen Kaiserzeit (ed. tertia) II 573, Wattenbach Deutschlands Geschichtsquellen p. 327. 2. in ea referenda adhibuit Bonitho biblia, bibliorum glossas, S. Augustini et S. Ambrosii epistolas, S. Gregorii librum dialogorum, historiam tripartitam, pontificum Romanorum vitas, Iustiniani codicem, Ansegisi et Benedicti levitae capitularia. 3. Iulius Schirmer (De Hildebrando subdiacono ecclesiae Romanae, Berolini 1860) haud ambiguë quidem fidem abrogavit Bonithoni, neque vero argumenta ad rem penitus comprobandam idonea attulit.

quantopere maiestati regiae convenire illo tempore existimaverint, infelices Heinrici IV regis dies Canusini testimonio sunt. Nam cum ea, quae ab eodem desponderentur, concepta essent, papaque Gregorius VII novum id postulasset, ut rex proprio ore verba iuramenti efferret, tamen in tanta regis humilitate intolerabilis haec condicio obtineri non potuit¹. Itaque factum est die 28 Ianuarii a. 1077, ut rex manum iungeret cum Hugone abbe Cluniacensi², isque „quoniam iurare monasticae religionis obtentu detrectabat, fidem suam interponeret“³, episcopi autem duo, Eberhardus Numburgensis et Gregorius Vercellensis, atque Azo marchio aliqui principes sacramentum dicerent⁴.

Eundem fere iurandi modum a Friderico I rege anno 1153 in pace cum Eugenio III papa concilianda observatum esse reperimus. Etenim in foederis tabula, mense Ianuario vel Februario Romae formata⁵, sic statutum erat: „Dominus siquidem rex iurare faciet unum de ministerialibus regni in anima regis, et ipse idem, manu propria data fide in manu legati domini papae, promittet, quod“ cet. Et proinde secundum „confirmationem regiam“⁶ die 23 Martii 1153 „dominus siquidem rex unum de maioribus ministerialibus regni fecit in animam regis iurare et ipsi (l. ipse) idem manu data propria fide (l. manu

1. Bertholdi annales 1077 (Mon. Germ. SS. V 289): „Tandem vero, ne ipse (rex) iuraret, vix apud papam interventum est“. In Gregorii VII quidem Reg. IV 12a supra p. 258 iuriis iurandi formulae prae scriptum est lemma hoc: „Iusiurandum Henrici regis Teutonicorum“, at ipse Gregorius testatur, non propria voce iurasse regem. Vid. annotationes, quae subsequuntur 2 et 4.
2. Gregorii VII Reg. V 7 supra p. 295: „Misimus etiam vobis sacramentum, quod rex Heinricus nobis per fideles suos quosdam fecit, data quidem propria manu sua in manum abbatis Cluniacensis“.
3. Lamberti annales 1077, Mon. Germ. SS. V 259.
4. Gregorii VII Reg. VII 14a supra p. 402: „sicut ipse Heinricus iuramento per duos episcopos michi promisit“. Lamberti annales 1077 l. l.: „episcopus quoque Citicensis et episcopus Vercellensis et Azo marchio et alii principes sub iure iurando confirmaverunt“ cet.
5. Bertholdi annales 1077 (Mon. Germ. SS. V 289): „duo autem episcopi, Neapolitanus (i. e. Numburgensis sive Citicensis) et Vercellensis praeter alios familiares — ad sacramentum pro eo faciendum electi sunt“.
6. V. huius Bibliothecae T. I p. 546 et 547 n. 1.
7. Mon. Germ. LL. II 93.

propria data fide) promisit in manu legati domini papae quod“ cet.

Similis ratio fuit in Ottonis I iuramento, quod Iohanni XII papae praestitum est.

Codici¹ enim 47 bibliothecae Bambergensis membranaceo, Pseudoisidori decreta pontificum Romanorum comprehendenti, quatuor folia ceteris paulo minora insuta sunt, in quibus cum manus saec. XI donationem Constantinianam sic posuisset, ut in extremo folio quarto spatum vacuum relinquatur, illuc alia eiusdem saeculi XI, a reliquis codicis totius manibus manus prorsus diversa² intulit id, de quo memoravi, iuramentum Ottomanum. Cuius quidem tabulae ex ipso codice, qui liberalissime huc missus est, post editionem Pertzianam³ denuo a me exceptae verba haec sunt:

IURAMENTUM QUOD FACERE FECIT SUOS FIDELES
OTTO AUGUSTUS ANTEQUAM ROMAM ADIRET.

Tibi domno Iohanni papae ego rex Otto promittere et iurare facio per Patrem et Filium et Spiritum sanctum et per hoc lignum vivificae crucis et per has reliquias sanctorum: ut, si permittente Deo Romam venero, sanctam Romanam aeclesiam et te, rectorem ipsius, exaltabo secundum meum posse. Et numquam vitam aut membra neque ipsum honorem, quem nunc habes et per me habiturus eris, mea voluntate aut meo consensu aut meo consilio aut exortatione perdes. Et in Roma nullum placitum neque ordinationem faciam de omnibus, quae ad te vel ad tuos Romanos pertinent, sine tuo consilio. Et quicquid de terra sancti Petri ad nostram potestatem venerit, tibi reddam. Cuicunque autem regnum Italicum commissero, iurare tibi faciam illum: ut adiutor tui sit ad defendendam terram sancti Petri secundum suum posse.

1. quondam Mediolanensi; nam in limine eius scripsit manus saec. XI praeter catalogum pontificum Romanorum, in Stephano IX (a. 942) desinentem, etiam seriem archiepiscoporum Mediolanensium usque ad Arnulfi II obitum (a. 1018). 2. Alioquin etiam nec decreta Pseudoisidoriana nec Constantini donationem ulla ratione ad iuramenti Ottoniani auctoritatem attinere patet. 3. in Mon. Germ. LL. II 29.

Nihil autem est, cur fides huic iuramento abrogetur. Meminit enim promissionis Iohanni XII factae ipse Otto apud Liudprandum De rebus gestis Ottonis magni imperatoris cap. 6¹, et partem quidem eiusdem promissionis convenienter iuramento inducit ita: „Omnem terram sancti Petri, quae nostrae potestati proveniret, promisimus reddere“². Neque quidquam alieni a dignitate regia in iuramento inesse video, quod signo sit, ab ecclesiasticae partis socio factum esse.

Nam illud: „Et numquam vitam aut membra neque ipsum honorem — mea voluntate aut meo consensu aut meo consilio aut exhortatione perdes“ ne umbram quidem „sacramenti fidelitatis“ continet.

Deinde errat totus, qui de placitis omnino nullis Romae habendis iuramento arbitratur promissum esse hoc pacto: „Et in Roma nullum placitum neque ordinationem faciam de omnibus, quae ad te vel ad tuos Romanos pertinent, sine tuo consilio“³. Namque de illis modo placitis et ordinationibus statutum est, quae ipsum papam et eius Romanos spectabant. Ac ne talia placita quidem negavit Otto a se Romae habitum iri; sed sic pollicitus est, eadem non habitum iri „sine papae consilio“. Qua quidem voce consilii quid significetur, praecclare intellexerunt ii, a quibus in formando iuramento singulorum verborum pondera subtilissime examinata esse liquet. Paulo ante enim consilium dedita opera discretum esse videmus a voluntate et consensu et exhortatione³. In omni summa igitur promisit Otto, in placitis et ordinationibus Romae habendis de

1. Mon. Germ. SS. III 341. 2. Quibus quidem verbis congruunt haec iuramenti verba: „Et quicquid de terra sancti Petri ad nostram potestatem venerit, tibi reddam“. Suspicatur quidem Dönniges (Jahrbücher des deutschen Reichs unter Otto I p. 203) verba Liudprandana in confinendo iuramento adhibita esse. Id vero quoad dilucide demonstratum sit, consensus ille non labefactat fidem iuramenti sed corroborat. 3. Clementi V autem anno 1311 legati Heinrici VII praestiterunt idem iuramentum, sed sapientissime post „sine vestro consilio“ adiunctum ita: „et consensu“; ut dicent: „Et in Roma nullum placitum aut ordinationem faciet de omnibus, que ad vos pertinent sive Romanos, sine vestro consilio et consensu“. V. Acta Henrici VII ed. Dönniges II p. 45.

omnibus rebus, quae pertinerent ad papam et ad eius Romanos, consilium papae a sese adhibitum iri. Quae condicio quam non fuerit accommodata ad coercendum regis arbitrium, nemo est quin perspiciat.

Rursus istum iuramenti locum: „honorem, quem nunc habes et per me habiturus eris, mea voluntate — non perdes“ quis crederet a pontificiae rei studioso positum esse? Quin immo sunt haec verba tantopere regia vel imperatoria, ut non esset quod mirareris, si propter hanc causam ecclesiasticus homo iuramentum ab adversario ecclesiae excogitatum esse vellet.

Regalem denique iurandi ritum, cuius supra feci mentionem, in summa rei prorsus custoditum esse appareat. Nam qui: „Tibi“ inquit „promittere et iurare facio“, non ipse iuravit. Et a fidelibus regis quidem iuramentum dictum esse, lemma postea adiectum docet ita: „Iuramentum quod facere fecit suos fideles Otto“ cet.¹

Gregorii VII autem tempore, cum is et omnino sacerdotes multo superiores principibus esse doceret et praesertim regium illum iurandi morem removere tentasset Canusii, haec duo potissimum in iuramento Ottoniano moleste ferri cooperunt: quod verba iurisiurandi non ab ipso rege dicta erant, et quod in eo sic legebatur: „honorem, quem nunc habes et per me habiturus eris“. Et tres quidem novimus aetatis illius viros doctos, ex quibus, quidquid offensionis habebat iuramentum, suo quisque Marte sanare conatus est. Qui sunt: Anselmus II episcopus Lucensis, Deusdedit presbyter cardinalis tituli apostolorum in Eudoxia, Bonitho episcopus Sutrinus.

Maiore ceteris moderatione usus est Anselmus (*Collectio canonum L. I c. 90*), cuius formulam a Gratiano postea in decretum (*P. I D. 63 can. 33*) receptam esse videmus. Imposuit

1. Cum nec fideles haec ipsa iuramenti verba „promittere et iurare facio“ pronuntiasse manifestum sit, totam iuramenti formulam, quemadmodum ad nos pervenit, ideo litteris mandatam esse puto, ut Iohannes papa, quid regis fideles iurare iussi essent, intelligeret. Sed idem iuramentum, mutatum necessario pro personis iurantium, reapse a fidelibus dictum esse, ex lemmate perspicuum est.

quidem inscriptionem hanc: „Sacramentum regis Ottonis factum domno papae Ioanni“¹, neque vero tetigit haec: „promittere et iurare facio“. At pro „honorem, quem nunc habes et per me habiturus eris“, facere non potuit quin scriberet tantummodo: „honorem quem habes“. Formula Anselmana igitur, quam, ex Parisiensi codice collectionis canonum Anselmi (cod. chart. S. Germani 1665) tractam, Gustavus Haenel mihi summa benignitate misit, haec est:

Sacramentum regis Ottonis factum domno papae
Ioanni.

Formula
Anselmana

Tibi domno Ioanni papae ego rex Otto promittere et iurare facio per Patrem et Filium et Spiritum sanctum et per hoc lignum vivificae crucis et per has reliquias sanctorum: quod, si permittente Deo^a Romam venero, sanctam Romanam ecclesiam et te, rectorem ipsius, exaltabo secundum meum posse. Et nunquam vitam aut membra neque ipsum honorem, quem habes, mea voluntate aut meo consensu vel consilio aut mea exhortatione perdes. Et in Roma^b nullum placitum aut ordinationem faciam de omnibus, quae ad te aut ad Romanos pertinent, sine tuo consilio. Et quidquid de terra sancti Petri ad nostram potestatem venerit, tibi reddam. Cuicunque regnum Italiae commisero, iurare faciam illum: ut adiutor tui^c sit ad defendendam terram sancti Petri secundum suum posse.

Violenter autem et inficete egit Deus dedit. Is enim cum animadvertisset, eam quae tradita est iuramenti formulam neque ab ipso Ottone neque non mutatam ab eius fidelibus dici potuisse², non iniiciatus, alios iuravisse pro rege, sic commutavit verba, ut a legatis nomine regis pronuntiata esse viderentur; quod genus: „Domno Iohanni papae rex Otto per nos mittit et iurat“ pro: „Tibi domno Iohanni papae ego rex Otto promittere et iurare facio“; et: „si permittente Deo Romanam venerit“ pro: „si per-

a. Deo om. cod. Paris.; legitur in cod. Vaticano, ut in margine codicis Paris. adnotatum est. b. urbe add. Grat. Decr. c. tuus cod. Paris., tui Vat.

1. in Gratiani Decreto l. l.: „Iuramentum Ottonis, quod fecit domino papae Ioanni“. 2. V. supra p. 590 n. 1.

mittente Deo Romam venero[“] cet. Et haec quidem mutatio quantumvis sit in tam gravi monumento vituperanda, excusationis tamen causis non caruerit. At contra ista iuramenti verba: „honorem, quem nunc habes et per me habiturus eris“ pravissime deformata ab eo sunt. Nam cum ex eo, quem secutus est Deusdedit, dicendi more sic ei scribendum fuisset: „honorem, quem nunc habet¹ et per eum² habiturus erit“, neglecta prorsus lege grammatica posuit: „honorem, quem habet³ et qui eum⁴ habiturus est“⁵. Itaque, quo imperatoriae auctoritatis summa contineri videbatur, id callide quamvis barbare adeo mutatum est, ut non modo Iohanni papae sed eius successoribus etiam obligaretur Otto. Nec sibi temperare potuit Deusdedit, quominus de eisdem Iohannis papae successoribus etiam expressius identidem in suo iuramento loqueretur. Quoque magis pro vero adulterinum opus haberetur, in margine summe necessarium hoc testimonium additum est: „Hoc sacramentum invenit scriptor huius libri in Saxonia in monasterio quod dicitur Luineburg“. Omnis autem formula Deusdeditana, quam Pertzius ex bibliotheca Vaticanae codice membranaceo ineuntis saeculi XII, canorum collectionem a Deusdedit cardinali factam comprehendente, fol. 139 exscripsit et in Monum. Germaniae Legum T. II 29 edidit, haec est:

Iuramentum futuri imperatoris.

Domno Iohanni pape duodecimo rex Otto per nos mittit et iurat per Patrem et Filium et Spiritum sanctum et per hoc lignum vivifice crucis et has reliquias sanctorum: quod, si permittente Deo Romam venerit, sanctam Romanam aecclesiam et eundem dominum Iohannem papam, rectorem ipsius, exaltabit secundum suum posse, si vivum invenerit; sin autem, eum qui legabiliter illi succedet. Et nunquam vitam aut membra neque ipsum honorem quem habet, et qui eum habiturus est, sua voluntate aut suo consensu aut suo consilio aut sua exhortatione perdet, neque ipse neque aliquis

1. Iohannes papa. 2. Ottonom. 3. Iohannes. 4. honorem.

5. sc. post Iohannem papam.

successorum eius. Et in Roma nullum^a placitum aut ordinationem faciet de omnibus, quae pape et Romanis pertinent^b, sine consilio domni pape. Et quicquid de terra sancti Petri ad eius potestatem venit vel veniet, Romane aecclesiae restituet. Cuicunque autem regnum Italicum committet, iurare faciet illum: ut adiutor sit domno pape et successoribus eius ad defendendam terram sancti Petri secundum suum posse. Sic adiuvet Deus eundem dominum regem Ottонem et hec sancta euangelia et hec sacrosancta sanctuaria.

Ad ultimum Bonitho, cum Anselmi verecundiam tum Deus-dediti rusticitatem devitans, utroque victo et confidentia et constantia, omnes difficultates funditus sustulit. Pro „honorem, quem nunc habes et per me habiturus eris“ scripsit nimirum ita: „honorem, quem habes“. Odiosa verba „promittere et iurare facio“ exornavit simplici modo: „promitto et iuro“. Cumulum vero artificii, gravissimam rem in contrariam convertentis, attulit isto lemmate: „Otto — dedit corporale sacramentum¹ in hunc modum“. Formulam Bonithonianam, quae legitur infra in libro IV, exeunte saeculo XII in librum de censibus ecclesiae Romanae recepit Cencius camerarius². Et eius formulae quidem verba haec sunt:

Otto — dedit corporale sacramentum in hunc
modum³.

Formula
Bonithonia-
na

Tibi domno Iohanni papae ego rex Otto promitto et iuro per Patrem et Filium et Spiritum sanctum et per hoc^c lignum vivifcae crucis et per has reliquias sanctorum: quod, si permittente Deo Romam venero, sanctam Romanam aecclesiam et te, rectorem ipsius, exaltabo secundum meum posse. Et nunquam vitam aut membra neque ipsum honorem, quem habes, mea voluntate aut consensu aut meo consilio aut mea exhorta-

a. Romanum c. b. pertinet ed. c. hoc om. cod. Bonith.; est ap. Cencium.

1. sacramentum corporale vocabatur id, quod ab ipso iurante, tactis corporaliter euangeliis cruce reliquis sanctorum, praestitum est. 2. Inde eam edidit Pertzius Mon. Germ. LL. II 29. 3. apud Cencium legitur hoc lemma: „Iuramentum corporaliter praestitum“.

tione perdes. Et in Roma^a nullum placitum aut ordinationem faciam de omnibus, quae ad te aut ad Romanos pertinent, sine tuo consilio. Et quicquid de terra sancti Petri ad nostram potestatem venerit, tibi reddam. Cuicunque autem^b regnum Italicum commisero, iurare faciam illum: ut adiutor tui sit ad defendendam terram sancti Petri secundum suum posse.

De Gregorii VI abdicatione.

Quis est, qui nesciat, tres simul papas fuisse Benedictum IX (s. Theophilactum), Silvestrum III, Gregorium VI (s. Iohannem s. Gratianum), cum eorum tertius a primo dignitatem emisset pecunia; totumque hoc schisma ab Heinrico III rege Sutrii et Romae mense Decembri anni 1046 sublatum esse. De quibus quidem rebus non omnem Bonithonis relationem hoc loco examinaturus sum, sed ea tantum perpendam, quae de decessu Gregorii VI tradidit.

Hunc enim non voluntate abiisse pontificatu sed reapse deiectum esse, demonstrant testimonia multa eaque fidissima. Quorum aliis omnes tres papas exauctoratos esse docemur, alia de Benedicto IX quidem et Silvestro III inter se differunt, sed unum idemque habent de Gregorio VI.

Omnium trium autem remotionem ostendunt annales Corbeienses 1046¹, Hildesheimenses 1046², Laubienses et Leodienses 1046³, annales Lamberti 1047⁴, Romani⁵, chronicon S. Benigni

a. Romam C. b. antem om. C.

1. in huius Bibliothecae T. I 39: „Synodus — secunda Sutriae, in qua in praesentia regis secundum instituta canonum depositi sunt papae duo (Silvester III et Gregorius VI); tercia Romae — in qua canonice et synodice depositus est papa Benedictus“.
2. Mon. Germ. SS. III 104: „Heinricus rex — papas tres non digne constitutos synodaliter depositus“.
3. Mon. Germ. SS. V 19: „Heinricus — fit imperator, et tres papae ab eo deponuntur“.
4. Mon. Germ. SS. V 154: „tribus depositis, qui sedem apostolicam contra ecclesiasticas regulas invaserant“.
5. Mon. Germ. SS. V 469: „In sancta igitur Sutrina ecclesia mirabile sinodum inesse decrevit (Heinricus). Et Iohannem Savinensem episcopum, cui imposuerunt nomen Silvestri; et Iohannem archipresbyterum, cui imposuerunt nomen Gregorius; et Benedictum — pontificem canonice et iuste iudicando, sacris et religiosis hec per canones ostendendo, perpetue anathematem obligavit“.

*Divionense¹, Benzo episcopus Albensis², Adamus in Gestis Ham-
maburgensium pontificum³, is tandem, qui, post illos tres papa
constitutus, de his rebus dignissimus fide testis est, ipse Clemens II
in epistola die 24 m. Septembris a. 1047 ad Bambergenses data⁴.
Ubi sic est: „explosionis tribus illis, quibus idem nomen papatus
rapina dederat, inter tot agmina sanctorum qui aderant patrum,
dignatio coelestis gratiae nostram indignissimam mediocritatem
voluit eligi“.*

*Praeterea nominatum Gregorio VI ademptum pontificatum
esse, narrant annales Augustani 1046⁵, Herimanni Augiensis
annales 1046⁶, catalogus pontificum Romanorum⁷. Wazonem
quoque episcopum Leodiensem scimus post Clementis II obitum
exeunte anno 1047 ab Heinrico III imperatore petuisse, ut Gre-
gorius VI ad papatum revocaretur, propterea quod esset „de-
positus a quibus non oportuisset“⁸. Sed scrupuli nihil prorsus
retineri sinit Petrus Damiani, gravissimus auctor, qui in opu-
sculi XIX capite 11⁹ memoriae haec prodidit: „Benedictus papa
— apostolici se culminis administratione privavit, successoremque
sibi Gregorium, qui Gratianus dicebatur, in Romana sede con-
stituit. Super quibus, praesente Henrico imperatore, cum disce-*

1. Mon. Germ. SS. VII 237: „fecit deponi Iohannem (Gregorium VI) qui tunc cathedrae praesidebat, et Benedictum atque Silvestrum“.
2. L. VII c. 2 (Mon. Germ. SS. XI 670): „Dominus noster cesar — audivit, tres dia-
bolos usurpasse cathedram apostolicae sessionis. Quibus praecipiendo man-
davit, ut sibi occurrerent Sutrio. Sed non venerunt nisi duo. Facta est
autem ibi synodus, ubi — uterque eorum iusto iudicio est condemnatus;
tertius vero, qui aufugit, anathematis facula fulminatus“.
3. L. VIII c. 7 (Mon. Germ. SS. VII 337): „— depositis, qui pro apostolica sede cer-
taverunt: Benedicto, Gratiano et Silvestro scismaticis“.
4. Regesta pont. Rom. n. 3154.
5. Mon. Germ. SS. III 126: „Rex Italiam perrexit,
Gratianum papam depositum“.
6. Mon. Germ. SS. V 126: „apud Su-
triam synodo acta — Gratianum papam convictum pastorali baculo pri-
vavit (Heinricus III)“.
7. ap. Watterich, Pont. Rom. vitae T. I 70:
„Gregorius, qui vocatur Gratianus qui etiam tenuit pontificatum —, per
imperatorem legaliter perdidit illum“.
8. Anselmi gesta episcop. Leod. c. 65 (Mon. Germ. SS. VII 228): „Recogitetur serenitas vestra, ne forte summi
pontificis sedes, depositi a quibus non oportuit, ipsi divinitus sit reservata;
cum is, quem vice eius ordinari iussistis, defunctus cessisse videatur eidem
adhuc superstite“.
9. Opp. ed. Caicetus T. III 220.

ptaret postmodum synodale concilium, quia venalitas intervenerat, depositus est qui suscepit⁴.

Tam multi tamque diversi eiusdem rei testes reperiuntur et in Italia et in Germania; nec quemquam aequalium, qui in sexti Gregorii commemoratione versati sunt, ante septimi Gregorii pontificatum adversari videmus.

Fuit autem cur, septimo Gregorio ad summum sacerdotium perducto, etiam sexti Gregorii iam dudum mortui observantia glisceret. Nihil enim apertius est, quam Hildebrandum artissimo vinculo coniunctum cum Gregorio VI fuisse. Praetermitto, quae de ea re Beno cardinalis, Gregorio VII inimicissimus, litteris mandavit¹; sed apud Bonithonem infra in L. V relatum legimus, Gregorii VI capellatum fuisse Hildebrandum. Et is quidem ruinae Gregorii VI usque adeo implicatus est, ut una cum deiecto papa ab Heinrico III invitus exsul in Germaniam abduceretur². Ac postea quoque tantum abfuit, ut memoriam Gregorii VI aspernaretur, ut suscepto pontificatu ipse sibi nomen Gregorio imponeret; et cum sextus Gregorius e catalogo pontificum remotus esset, sese cogitate non sextum sed septimum diceret³.

Quid igitur mirum, quare pars Gregorii VII maluerit, abdicavisse se pontificatu sextum Gregorium, quam summotum esse.

1. ap. Goldastium, Apologiae pro Henrico IV p. 11. 12. 2. Id ipse Gregorius VII in Reg. VII 14a supra p. 401 retulit sic: „et invitus ultra montes cum domino papa Gregorio abiit“. Itaque Beno cardinalis l. l. p. 12 a vero non deflectit, tradens haec: „sextum Gregorium cum Hildebrando discipulo eius in Teutonicas partes deportacione dampnavit“. Bonitho vero L. V ad a. 1047: „imperator“ inquit „Heinricus patriam remeavit, duicens secum venerabilem Iohannem (i. e. Gregorium VI). Quem secutus est Deo amabilis Hildebrandus, volens erga dominum suum exhibere reverentiam; nam antea fuerat suus capellanus“. 3. Otto Frising. chron. L. VI c. 32: „Hunc Gratianum Alpes transcendentem secutum fuisse tradunt Hildebrandum. Qui, postmodum summus pontifex factus, ob eius amorem — quia de catalogo pontificum semotus fuerat — se Gregorium VII vocari voluit. Et sicut in Lucano habes:

Victrix causa diis placuit, sed victa Catoni,
ita et huic Hildebrando, qui semper in ecclesiastico rigore constantissimus
fuit, causa ista, in qua sententia principis et episcoporum praevaluit, sem-
per displicuit“.

Servatur Monachii archetypon annalium anno 1073 scribi coeptorum a Bernoldo Constantiensi, quem videmus, cum de rebus anno 1046 gestis narrationem Herimanni Augiensis in usum suum convertisset, posterius demum, ab auctore suo desciscentem, commutasse textum. Herimannus¹ enim scripsit ita: „Rex Heinricus — Placentiam veniens, Gratianum, quem expulsis prioribus Romani papam statuerant, ad se venientem honorifice suscepit; — apud Sutriam synodo acta Gratianum papam convictum pastorali baculo privavit“. Bernoldus² vero cum haec posuissest: „Heinrico regi — Gratianus papa, quem Romani expulsis prioribus statuerant, Placentiae obvians, honorifice suscipitur; qui tamen postmodum apud Sutriam in synodo“, addidissetque sine ulla dubitatione: „convictus pastorali baculo privatur“, quae addiderat ea erasit, et in litura collocavit haec: „non invitus pastorale officium depositum“. Ad haec de successore Gregorii VI, de Clemente II, cuius „omnium consensu electi“ in textu meminerat, haec postea aperuit in margine: „In tempore huius apostolici (Clementis II) innumerabiles terrae motus et maximi in Italia facti sunt; et hoc fortasse ideo, quia idem apostolicus non canonice subrogatus est antecessori suo (Gregorio VI) non canonice deposito; videlicet quem nulla culpa depositum set simplex humilitas ab officio cessare persuasit“. Neque vidit, quam haec essent contraria. Nam si Gregorius VI vere se abdicaverat pontificatu, haec ipsa causa interponi minime potest, quapropter illi „non canonice“ datus successor esse videatur Clemens II „omnium consensu electus“.

Desiderius quoque abbas Casinensis (qui postea a d. 24 Maii a. 1086 ad d. 16 Sept. 1087 ecclesiae Romanae praefuit Victor III) in dialogorum L. III³ de abdicatione illa egit. Gregorium VI

1. Mon. Germ. SS. V 126. 2. Mon. Germ. SS. V 425. 3. ap. Mabillon Acta SS. ord. Bened. saec. IV P. II p. 452: „in Sutrina urbe concilio congregato, Iohannem, qui Gregorius dictus est, missis ad eum episcopis, ut — de Romana tunc ecclesia, quae tres simul habere pontifices videbatur, ipso praesidente tractaretur, venire rogavit (Heinricus III). Sed haec de industria agebantur. Iam enim dudum regio animo insederat, ut tres illos, qui iniuste apostolicam sedem invaserant, cum consilio et aucto-

igitur, ad synodum Sutrinam vocatum, eo se contulisse, propterea quod sperasset fore, ut, reliquis duobus pontificibus remotis, ipse confirmaretur. Sed deliberatum ac constitutum fuisse Heinrico III regi, una simul pellere pontificatu omnes tres. Itaque in synodo, cum iam initium actionis factum esset, dignitati renuntiavisse Gregorium. At haec si omnino vera essent, etiam inde liqueret projecto, non quam non invitus sed quam contra voluntatem ille cesserit.

Perfectum autem mentiendi artificem in hac re quoque se praebet Bonitho. Et tam copiose quidem tantaque specie probabilitatis singulas res persecutus est, ut fere omnes quicunque de synodo Sutrina egerunt adhuc, seu vellent seu nollent, narratione eius usi sint. Quem enim pontificem immenso pretio dignitatem emisse constat inter omnes, quique etiam post abrogatam auctoritatem tantum valere videbatur Heinrico III, ut is captivum illum in Germaniam deduci iuberet, eundem Gregorium VI „idiotam et mirae simplicitatis virum“ perhibet Bonitho. Quippe; sic enim veri similius videtur, malam pontificatus emptionem mente bona factam esse. Ceterum acta synodi Sutrinae diligenter perscripsit. Auscultamus disceptationem. Ecce ipsa verba, quae episcopi fecerunt, et ea quae fecit Gregorius; neque abest formula, quam pontifex in abdicanda dignitate adhibuit.

Utinam ne tota res ficta esset.

De Marcellino enim, qui ab a. 296 ad a. 304 ecclesiae Romanae praefuit, exstant adulterina acta synodi Suessanae, in qua is pontifex, ideo quod turificasset diis, abdicavisse fertur¹. Et hanc quidem synodum Bonitho, temeritatem suam ipse deritate totius concilii iuste depelleret. — Praedictus itaque pontifex — Sutrium, ubi synodus congregata erat, electus spe, quod aliis duobus depositis, sibi soli pontificatus confirmaretur, grataanter perrexit. Sed postquam eo ventum est et res agitari ac discuti a synodo coepta est, agnoscentes, se non posse iuste honorem tanti sacerdotii administrare, e pontificali sella exsiliens ac semet ipsum pontificalia indumenta exuenis, postulata venia, summi sacerdotii dignitatem depositus². — Desiderii relationem adhibuit Leo in Chronica Casinensi L. II c. 77, Mon. Germ. SS. VII 682.

1. Leguntur acta ap. Mansi I 1249—1257. Cf. Vit. pont. Rom. ap. Muratori Rer. It. SS. III 102, et ibid. annot. 5.

nudans, in Decreti L. IV c. 90¹ ad eosdem ac Sutrinam scaenarum actus composuit, ut, et inito saeculo quarto et medio saeculo undecimo eadem fere cum facta tum dicta esse, crederet cui liberet.

Quod quo facilius intelligatur, quae in duabus fabulis congruunt, ea unum sub aspectum subicio:

Bonitho de Marcellini abdicatione².

Marcellinus — terrore territus simulque quorumdam suasu deceptus, thurificavit idolis.

Quam ob rem convenere episcopi Romae ex diversis provinciis — numero 115. Qui cum la crimis et gemitu celebrantes concilium sciscitabantur cum reverentia episcopum, si ita res se haberet, ut fama retulerat.

Marcellinus vero rem omnem seriatim confessus est et, se pecasse et reum esse, professus est; adiens etiam, se paratum obediens, quicquid illi sibi voluissent imponere.

Ad haec illi: „Absit, ut summus pontifex ab aliquo iudicetur. Negasti tu. Negavit et beatus Petrus magister tuus; et quis apostolorum ausus fuit eum exinde

Bonitho de Gregorii VI abdicatione.

Igitur collecta sinodo, sed sit qui vicem Romani pontificis habebat. Cui cum ab episcopis supplicatum fuisset, ut causam electionis suaee promeret,

ut erat idiota, omnem suae electionis puritatem aperuit — his verbis episcopos allocutus est: — „quia antiqui hostis nunc cognosco versutias, quid michi sit faciendum, in medium consultite“.

Cui illi respondentes dixerunt: „Tu in sinu tuo collige causam tuam; tu proprio ore te iudica. Melius est enim tibi, cum beato Petro, cuius amore

1. ap. Mai Novae patrum bibliothecae T. VII P. III p. 37. 38. 2. Hanc Bonithonis de Marcellini abdicatione relationem recepit Martinus Polonus (cf. supra p. 581 n. 3); ex cuius libro transiit in Ricobaldi Ferrariensis hist. pont. Rom. ap. Eccard Corp. hist. I 1194 et ap. Muratori Rer. It. SS. IX 152. 153.

iudicare? Sed egressus foras, flevit amare. Tu in sinu tuo tolle (l. collige) causam tuam; tu proprio ore te iudica“.

Audiens haec, Marcellinus dictavit in se sententiam, dicens: „Ego Marcellinus ob scelus idolatriae, quod infelix commisi, iudico me deponendum“.

haec fecisti, pauperem hic vivere — quam cum Symone mago — in aeternum perire“.

Quibus auditis, sententiam in se protulit, hoc modo dicens: „Ego Gregorius — propter turpissimam venalitatem —, quae meae electioni irrepsit, a Romano episcopatu iudico me submovendum“.

De electione paparum.

Hoc nimirum studiis partis Gregorianae omnino consentaneum fuit, tollere quamlibet regum sive imperatorum cum in creandis pontificibus tum in eorundem potestate terminanda auctoritatem. In quo quanta historiae corrumpenda eamentiendaque audacia Bonitho usus sit, profecto mirari licet.

Et de Ambrosii quidem episcopi Mediolanensis electione quae habentur in ea, qua utitur, historia tripartita (L. VII c. 8¹), depravavit hoc pacto. Reperimus etenim in hist. trip., Valentianum I imperatorem, defuncto Auxentio episcopo Mediolanensi, successoris diligendi causa „evocasse episcopos“. Bonitho autem refert², mortuo Auxentio „accidisse, ut Mediolanum convenienter episcopi Italiae, ut sibi eligerent episcopum“. Deinde in hist. trip. relatum est, episcopi, ab imperatore ut bonum virum crearent moniti, cum „petiissent, ut magis ipse (imperator) decerneret“, hunc respondisse: „Super vos est talis electio; vos — melius poteritis eligere“; postea autem „iussisse Ambrosium baptizari et tamquam dignum virum ordinari pontificem“. Quae quidem a Bonithone non modo sic mansuetata esse reperimus, ut imperatorem scriberet, cum synodus in eligendo episcopo suam „praesentiam“ tantummodo exspectare audiisset, id „modis omni-

1. Cassiodori Opp. ed. Garetius I 305. Cf. Gratiani descr. P. I D. 63 c. 3.
2. L. II infra.

bus interdixisse“; sed amplificata etiam confidentissime mendacio hoc, ilico imperatorem sanxisse „legē“: „ut nemo laicorum principum vel potentum audeat se inserere electioni patriarchae vel metropolite vel episcopi; quod si factum fuerit, inordinata erit talis electio“.

Affinxit Valentiniano I imperatori legem fabulosam, qua laici ab eligendis episcopis penitus removerentur, Nicolai II pae de Romanis pontificibus eligendis decretum anno 1059 promulgatum¹, quo regis auctoritas confirmabatur, in „figmentorum“ numerum retulit². Et quo magis res obscuraretur, ex aliis eiusdem Nicolai litteris (ex „decreto contra simoniacos“³ et ex eius ad omnes episcopos epistola⁴) centonem consuit⁵, neque erubuit, sincerae legi legem fucatam supponens, eandem ita clamitare: „in hac synodo hec lex de electione pontificis definita est“.

Verum prodigiū simile est, quod in Carolo Magno peregit⁶. Quidquid enim de eodem conscripsit, id omne fere ad litteram ex libri pontificalis vita Hadriani I translatum esse appetet. In eiusdem ipsius vero libri pontificalis vita Leonis III cum legisset, Romae anno 800 Carolum, antequam diadema imperatorum accepisset, iudicium fecisse et apud eundem iureiurando Leonem papam se de criminibus purgavisse, indignabundus non modo iudicium illud texit silentio, verum etiam caeco quodam odio incitatus fecit id, quod vix credendum est, ut rem unam omnium saeculorum gravissimam universisque passeribus notam

1. Eius exempla duo eaque inter se differentia exstant. Quorum alterum e codice Vaticano 1984 tractum legitur in Mon. Germ. LL. II n 176, alterum in Gratiani Decr. P. I D. 23 c. 1 et ap. Hugonem Flaviniacensem, Mon. Germ. SS. VIII 408. Cf. Waitz Ueber das decret des papstes Nicolaus II, in Forschungen zur deutschen Geschichte IV 105 sq.
2. L. VI et IX. — Aliam rationem init Deusdedit contra invasores L. I c. 11 (ap. Mai Novae patr. bibl. T. VII P. III p. 82), ubi sic est: „Guibertus aut sui — quaedam in eodem decreto (Nicolai II) addendo, quaedam mutando, ita illud reddiderunt a se dissidens, ut aut pauca aut nulla exemplaria sibi concordantia valeant inveniri. Quale autem decretum est, quod a se ita discrepare videtur, ut, quid in eo potissimum credi debeat, ignoretur“.
3. ap. Mansi XIX 899.
4. ap. Mansi XIX 897.
5. L. VI ad 1059 Apr. 6. in L. III et V infra.

negaret, negaret inquam, Carolum Magnum factum imperatorem esse¹.

Sed haec satis multa, ut ne mininum quidem lateat, falsarii huius quae sit in potissimarum rerum gestarum memoria auctoritas et fides.

Nihilominus de simplicibus minoribusque rebus, quibus ipsae summae temporis illius non continentur, aequalis quam affert Bonitho aetatis suae memoria non omnino contennenda erit, sed, caute quidem, adhiberi tamen non sine fructu poterit.

Editionum libri ad amicum duarum antehac factarum priorem paravit anno 1763 Oefele in Rerum Boicarum scriptorum tomo secundo p. 794—821, posteriorem anno 1862 Watterich, qui quidem opusculum per Pontificum Romanorum vitarum tonum primum dispersit frustatim. Manavit autem editio utraque ex uno qui exstat bibliothecae Monacensis codice latino 618 membranaceo, forma quadrata, saeculi XII, Bonithonis librum in fol. 1—27 continente; qui quondam fuit doctoris Hartmanni Schedel Nurenbergensis², iamque anno 1618 in bibliotheca duum Bavariae servabatur³. Eodem codice, qui longum tempus mihi permittebatur singulari benevolentia, in hac editione accuranda attente usus sum.

Berolini 4 Idus Ianuarias a. 1865.

1. filium enim eius Ludovicum asseverat L. III „primum omnium Francorum regem imperiali sublimatum esse dignitate“. Et in libro V scripsit haec: „Sic enim legitur: „Karolus rex Francorum et Longobardorum et patritius Romanorum““. Nunquam enim eum imperiali legimus auctum fuisse potestate“. De cogitato hoc mendacio excellenter disseruit Döllinger in Münchner historisches Jahrbuch für 1865 p. 387 sq.
2. in charta enim tegmini anteriori agglutinata minio scripta haec sunt: LIBER. DOCTORIS. HARTMANNI. SCHEDEL. DENVRÈB'GA.
3. item anterioris codicis tegmen particulas praebet secedulae, in qua ita legimus: „Ex bibliotheca serenissimorum utriusque Bavariae ducum 1618“.

INCIPIT

LIBER BONITHONIS SUTRIENSIS EPISCOPI

QUI INSCRIBITUR AD AMICUM.

Queris a me, unicum a tribulatione quae circumdedit me¹ presidium: Quid est, quod hac tempestate mater aecclesia in terris posita gemens clamat ad Deum nec exauditur ad votum, premitur nec liberatur; filiique obedientie et pacis iacent prostrati, filii autem Belial exultant cum rege² suo; presertim cum, qui dispensat omnia, ipse sit, qui iudicat aequitatem.

Est et aliud, unde de veteribus sanctorum patrum exemplis a me petis auctoritatem: Si licuit vel licet christiano, pro dogmate armis decertare.

Quibus tuae mentis fluctuationibus, si aurem sani cordis adhibueris, facile respondebitur; tum quia in promptu nobis est, tum quia hoc tempore mihi scribere hoc valde visum est per necessarium. Igitur, de Dei misericordia confisi, qui linguas infantum disertas facit³, adhoriamur sermonem.

Mater aecclesia, quae sursum est⁴ nec servit cum filiis suis⁵, tum maxime liberatur, cum premitur, tunc maxime crescit, cum minuitur. Nemo enim celestis regni Abel concivis esse merebitur⁶, nisi quem in presenti Cain malicia ad purum limaverit⁷. Sic Enoch, probatus repertus, raptus est, ne malicia mutaret cor suum⁸. Sic Noe⁹, humani generis reparator — post^a sexcentos ferme annos¹⁰, quibus ab his, qui se iniusta maculaverant commixtione^b, multa perpassus est^c — cum domo sua, mundo vindice aqua pereunte, liber evasit. Quod si filii Ierusalem aliquando captivi detinentur, tamen non serviunt; quod et si supra flumina quidem sedent, set flentes¹¹ irriguis^d non delectantur; in

a. per cod. b. commutatione cod. (*Cf. Genes. 6, 4.*) c. est addidi.
d. irriguas cod.

1. Ps. 31, 7. 2. Heinrico IV. 3. Sap. 10, 21. 4. Galat. 4, 26.

5. Galat. 4, 25. 6. Cf. Hebr. 11, 4. 7. V. supra p. 502 n. 3. 8. Cf. Hebr. 11, 5. 9. Cf. Hebr. 11, 7. 10. Genes. 7, 11: „Anno sexagesimo vitae Noe — rupti sunt omnes fontes“ cet. 11. Ps. 136, 1.

salicibus suspendunt organa¹ et non cantant canticum in terra aliena², set ad Ierusalem suspirant; et ideo beati, qui allidunt parvulos ad petram³, filia autem Babylonis misera⁴. Sic Hebreus ille⁵, quem Hur⁶ non tenuit Chaldeorum, Babylonio non servivit fastui; ad Ierusalem vero tetendit, Melchisedech vidit et, ab eo benedictus, ab Omnipotente pater multarum gentium appellatus est⁷. Quid^a vero scriptum est? Duos filios habuit, unum de ancilla et unum de libera, set^b qui de ancilla secundum carnem, qui autem de libera per reprobationem⁸; qui sunt duo populi, unus catholicorum, alter vero hereticorum. Set sicut tunc, qui secundum carnem, persequebatur eum, qui secundum spiritum; ita et nunc. Set quid dicit scriptura? *Eice ancillam et filium eius, non enim heres erit filius ancillae cum filio liberae*⁹; itaque, Sara clamante ad Abraham, angelo intercedente, Hismael ex persecuzione exheredatur, Ysaac vero hereditate donatur. Est alia persecutio, quam Ysaac sustinet patienter. Fodit puteos, quos ante foderat pater eius, invenit aquam, pro qua rixati sunt allophili¹⁰; non repugnavit, patienter sustinuit, quandiu invenit Habundantiam et per Habundantiam veniret ad Bersabe¹¹, quae „puteus septimus“¹² id est requies interpretatur; luce clarius demonstrans: cum persecutio ab his qui foris sunt nobis infertur, tolerando devincendam, cum vero ab his qui intus sunt, euangelica falce prius succidendum et postea omnibus viribus et armis debellandam. Quod melius ostendemus exemplis.

Set quid nobis cum allegoria? Veniamus iam ad euangelicam veritatem; veniamus ad lucem, quae illuminat omnem hominem venientem in hunc mundum; veniamus ad verba celo terraque durabiliora, et inveniemus nichil nobis cum mundo amicum nilve commune. Et ideo non dolendum est nobis, cum

a. Quod c. b. S; c.

- | | | | |
|----------------|-------------------|--|---|
| 1. Ps. 136, 2. | 2. Ps. 136, 4. | 3. Ps. 136, 9. | 4. Ps. 136, 8. |
| 5. Abraham. | 6. Ur. | 7. V. Genes. 14. 15. | 8. V. Rom. 9, 8. Cf. Augustinus de Genesi (Biblia sacra cum glossa, Antwerpiae 1634 T. I p. 261). |
| 26, 14. 18. | 9. Genes. 21, 10. | 10. V. Biblia cum glossa I p. 311 ad Genes. 26, 14. 18. | 11. V. Genes. 26, 33. |
| | | 12. In biblia cum glossa I p. 263 super „Bersabee (Genes. 21, 31) posita haec sunt: „puteus septimus“. | |

premimur, set potius gaudendum. Sic enim Salvator ait: *Nolite mirari, si odit vos mundus¹; scitote, quia me priorem vobis odio habuit²*; et iterum: *Pacem meam do vobis, pacem relinquo vobis; non quomodo hic mundus dat, ego do vobis³*. O quanta dignitas, mundum cum filio Dei sentire inimicum, ut patrem, qui in celis est, una habere possimus amicum. Qui postea, nos invitans ad passionem, sic ait: *Nolite timere eos, qui occidunt corpus, animam autem non possunt occidere⁴*; et post pauca: *Si quis venit post me, abneget semet ipsum et tollat crucem suam et sequatur me⁵*. Quodsi membra summi capititis sumus⁶, debemus, eum imitando eique inherendo, illuc tendere, quo eum pervenisse pro certo cognovimus. Per probra et flagella et irrisiones et turpissimam mortem crucis ad gloriam pervenit resurrectionis; et consummatus factus⁷, gloria et honore coronatus, sedet ad dexteram Dei patris omnipotentis. Sic et nos, si filii summi patris sumus, per mundanas passiones debemus commori secum, ut conresurgentes simul conregnare possimus. Quod illi matris nostrae, non habentis maculam neque rugam⁸, primi fundatores et documentis docuere et exemplis^a monstravere. Quid enim aliud princeps oivilis et vas electionis⁹ et filii Boanarges^{b 10} et fratres Domini ceterique dominici gregis arietes aliud nos docuerunt, quam, mundum cum pompis suis relinquentes, quae sursum sunt, sapiamus, non quae super terram¹¹? Quod et exemplis monstravere, cum irent gaudentes a conspectu concilii, quoniam digni habitu erant pro nomine Iesu contumelias pati¹². Igitur postquam in omnem terram exivit sonus eorum¹³, consummati facti, constituti sunt principes super omnem terram. Hos secutus est martirum candidatus exercitus, qui, per varia

a. ἐπλις ε. b. boarges ε.

1. 1 Ioh. 3, 13. 2. Ioh. 15, 18. 3. Ioh. 14, 27. 4. Matth. 10, 28.

5. Matth. 16, 24. 6. Cf. 1 Corinth. 6, 15. 7. Hebr. 5, 9. 8. Ephes. 5, 27. 9. S. Paulus. V. Act. ap. 9, 15. 10. Marc. 3, 17: „et impo-
suit eis nomina Boanerges, quod est filii tonitruī“.

11. Coloss. 3, 2.
12. Actus apost. 5, 41: „Et illi quidem ibant gaudentes a conspectu con-
ciliī, quoniam digni habitu sunt pro nomine Iesu contumeliam pati“.
13. Rom. 10, 18.

penarum genera mortem invenientes, aeternam vitam lucrati sunt. Quorum alii stipitibus suspensi, alii variis cruciatibus perempti, alii capite truncati, alii vivi excoriati, alii flammis concremati, alii fluminibus necati, alii vectibus perforati, alii vivi defossi, alii luminibus privati, alii membris ceteris debilitati, alii secti, alii lapidati, alii vincula et verbera experti, insuper et carceres, circuierunt in melotis et in pellibus caprinis¹. Hos ad tam preclaram gloriam perduxit pontificalis apex. Qui quamvis, pene toto orbe iam diffusus, quod verbis predicabat, ostendebat exemplis, tamen precipue Romanus christianorum episcopatus^a. Qui, á beato Petro^b apostolorum principe sumens exordium, per trecentos^c ferme annos usque ad pii Constantini tempora continuis bellorum successibus diebus noctibusque cum antiquo hoste decertans, triginta tribus vicibus^d de eodem veternoso serpente³ triumphans, non ante desiit tolerando certare, subiciens sibi principatus et potestates, quam ipsum Romani imperii ducem⁴ christianaee subiceret religioni.

EXPLICIT LIBER PRIMUS

INCIPIT SECUNDUS.

306—337 Igitur Constantino á Silvestro sanctae Romanae aecclesiae episcopo baptizato⁵ et ab eodem imperiali diademate sublimato, clausa sunt templa, reseratae sunt aecclesiae, cepit in^d parietibus depingi imago Salvatoris et é publico deici imago Iovis, ceperunt altaria erigi et simulacra deici, redditia est pax in toto orbe aecclesiis; quamvis non longo tempore duratura.

Nam eiusdem pii principis tempore surrexit Arrius, maxi-

a. episcopatus (*épátus*) *scripti pro senatus cod.* b. Petro *addidi.* c. ducentos *cod.* d. in *addidi.*

1. Hebr. 11, 37: „circuierunt — caprinis“.

2. Silvester I enim (314—335) in pontificum Romanorum serie fuit tricesimus tertius. Cf. Bonithonis Decreti L. III 55 (ap. Mai Novae patrum bibliothecae VII III p. 28): „Romanorum pontificum exempla, qui a beato Petro usque ad pii Constantini tempora 33 numero vicibus sibi invicem succedentes mori non timuerunt, quam diu ipsum Romani nominis principem christianaee submisere religioni“. 3. diabolo. 4. Constantimum Magnum. 5. Cf. Bonithonis Decret. L. IV c. 94 ap. Mai Novae patrum bibliothecae T. VII III p. 39.

mus aeccliae devastator, á quo Arriana heresis exorta est et 306—337 ab eo mille heresos novitates; contra quas omni christiano pugnandum pro offici^a sui consideratione, nulli dubium est. Nam veternosus serpens, dolens, imperialia vasa¹, per que christianam persequebatur religionem, sibi esse sublata, omnem^b se collegit in iram^c; et per quosdam suae artis viros, falsa iusticia debriatos, non cessavit nec cessat nec ad usque illius, qui extollitur supra omne quod dicitur aut colitur deus², tempora cessa-
bant aeccliae maculare puritatem.

Set cum á Constantino ceperimus, Constantini laudes prosequamur. Hic est Constantinus, qui legem posuit euangelicae doctrinae consonantem: ut omnes episcopi Romanum pontificem haberent caput, sicut omnes iudices regem³. Hic est dominicae crucis inventor, Christi nominis maximus propagator, aliae novae Romae⁴ fundator, basilicarum precipuus fabricator. Hic est, qui nobis sanctam Nicenam synodum congregavit; in qua omnium episcoporum subsellia ipse composuit, et ipse subpedaneo sedit scabello⁵, indignum iudicans, imperiale sedem thronis illorum admisceri, quorum sedes iudicatura sunt duodecim tribus Israel⁶. Cui cum quadam die libelli accusationum ab episcopis porrigerentur, fertur dixisse: *Absit, ut ego iudicem deos. De vobis enim dictum est: „Ego dixi, dii estis“*⁷. Neque enim rectum est, ut maior á minore iudicetur⁸. Hic est, de quo legitur, dixisse: *quia si invenirem aliquem religioso habitu cir-*

a. officio cod. b. oīēm c. Cf. *Virgilii Georg. II* 154: Squameus in spiram tractu se colligit anguis.

1. Cf. Marc. 3, 27: „Nemo potest vasa fortis, ingressus in domum, diripere, nisi cet.“; et Biblia cum glossa (Antwerpiae 1634) V 518, ubi super „vasa“ positum est: „homines a diabolo deceptos“, et super „fortis“ invenitur: „diaboli“. 2. 2 Thess. 2, 4: „qui — extollitur supra omne, quod dicitur deus aut quod colitur“. 3. ex vita Silvestri I (ap. Muratori SS. III 104 n. 4): „Hic Constantinus — privilegium ecclesiae Romanae contulit pontifici: ut in toto orbe Romani sacerdotes hunc itaque habeant, sicut omnes iudices regem“. 4. Constantinopolis. 5. Cf. Histor. Tripart. II 5, Cassiodori Opp. ed. Garetius I 226. 6. Matth. 19, 28: „sedebitis et vos super sedes duodecim, iudicantes duodecim tribus Israel“. 7. Ps. 81, 6. 8. Cf. Hist. Tripartita II 2, Cassiodori opp. I 225.

306—337 *cuamictum turpitudinem operantem, pallio meo cooperuissem eum, ne dignitas tanti nominis infamaretur*¹. Hic reliquit filios, heredes quidem regni, set non religionis.

337—361 Nam filius eius Constantius, qui, defunctis fratribus, imperii post eum suscepit monarchiam, Arrianae hereseos zelo mirabiliter vastavit aeccliam. Nam episcopos exilio relegavit, quos 342 dam vero gladio truncavit. Hic cum per Ermogenem prefectum Paulum episcopum Constantinopolim expellere niteretur, populus katholicorum, divinae legis zelo armatus, in tantum pro veritate decertavit, ut ipsum prefectum cum omni domo sua et familia igne concremaret². Quod factum non est a sapientibus inprobatum, set potius laudatum³. Quid referam de Alexandrinis; quanta pro sancto Athanasio^a perpessi sunt quantasve laudabiles pugnas contra Arrianos zelo orthodoxae fidei exercuere⁴. Quid de Mediolanensibus; qualiter ipsi Constantio, volenti episcopos in aecclia latitantes capere, armis restitere eosque ab illius cruentis manibus vi rapuere. Set quoniam prefatus Constantius, non patri aequiparando, set quasi paganorum more episcopos, quamvis zelo Dei set non secundum scientiam⁵, persecutus est, eius temporibus res publica multum vexata est. Nam et Persae Romanos terminos transiere⁶; et Francorum valida gens ripas Reni invasit, quae usque hodie christianae quidem, set non Romanae subiecta est ditioni.

361—363 Quo mortuo, Iulianus ei successit in regnum, vir apostata et Deo odibilis; qui per triennium, quibus non Romanum gubernavit set vastavit imperium, quantas sacerdotum strages dederit quantosve christianos diversis penis affecerit, non est facile dictu. Set eodem tempore fuerunt non solum sacerdotalis set etiam militaris ordinis^b, qui eius vesaniae aperte resisterent, ut Iovianus, qui eius successit imperio; qui, cum esset millenarius, cin-

a. sequitur episcopo in cod. sed inductum. b. viri excidisse videtur.

1. Cf. Theodoreti hist. eccl. L. I c. 11. 2. V. Hist. Tripart. IV 13, Cassiodori Opp. I 247. 3. immo „irrationabiliter“ hoc factum esse, legimus in Hist. Trip. l. l. 4. V. ibid. IV 17 sq., Cass. Opp. I 248 sq. 5. Rom. 10, 2: „quod aemulationem Dei habent, sed non secundum scientiam“. 6. V. Hist. Tripart. IV 35, l. l. p. 256.

gulo ante renunciavit quam dogmati¹. Set et Valentiniani 361—363 divini amoris fervorem non pretermittam. Hic cum quodam die ex officio — erat enim princeps cohortis legionum — regem intraturum templum Fortunae anteiret, cumque sacerdos ut moris erat aqua aspersionis intrantesaspergeret, accidit, ut vir christianissimus guttam aquae in clamide sua aspiceret. Mox, ve, christiani nominis zelo succensus, ante sevissimi imperatoris presentiam in ipso introitu templi sacerdotem pugno percussum prostravit, clamans, se christianissimum pro hac aspersione potius maculatum quam purgatum. Quod factum in tantum Deo placuit, quod ante anni curriculum² totius Romani imperii monarchiam ei tradidit gubernandam. Nam Iuliano turpiter apud Persas vitam finiente, cum Iovianus ei successisset in imperium, 363—364 ante anni curriculum in pace sepultus est; quo mortuo, Valentinianus³ ei successit in regnum, vir urbanus⁴ et christianissimus. 364—375 Qui in primordio ordinationis suae fratrem suum nomine Valentem consortem effecit imperii, pro dolor tradens ei totius iura orientis, ipse occidentales gubernavit regiones.

Hic Mediolanum sedem legit imperii. Mortuo vero Auxentio heretico, et in pace sepulso sancto Dionisio, accidit, ut illuc convenirent episcopi Italiae, ut sibi in commune eligerent episcopum. Ad quod faciendum summopere expectabant regis presentiam. Quod ut audivit, ipse modis omnibus interdixit, dans legem cum^a euangelica veritate concordantem: ut nemo laicorum principum vel potentum audeat se inserere electioni patriarchae vel metropolitae vel episcopi; quod si factum fuerit, inordinata erit talis electio⁵; adiciens: *Talem secundum decreta canonum eligite, qui nostris possit mederi vulneribus.* Quam piissimi principis humilitatem Deus ex alto respiciens exaudivit, et sibi et aecclesiae donavit Ambrosium episcopum. Qui, quam diu vixit, erga sacerdotes Dei devotissimus, pacifice imperium Romanum gubernavit.

a. cum addidi.

1. V. Hist. Tripart. VII 1, l. l. p. 300. 2. „eum annus et pauci transissent menses“ Hist. Tripart. VI 35, l. l. p. 295. 3. I. 4. Hist. Trip. VII 7, l. l. p. 304, 305. 5. de ementita hac lege v. supra p. 601.

364—375 Set a pii Constantini usque ad Longobardorum crudelia regna, qui qui^a Romani imperii principes secundum Dei timorem et episcoporum consilia et precipue sub Romano episcopo obedientes extitere, aecclias colendo, clericos diligendo, sacerdotes honorando, dum vixere, alta pace rem publicam gubernavere et mortem vita aeterna commutavere. Qui vero inobedientes fuere, malo fine periere; ut Valens, Valentiniani frater.

364—378 Qui, Valentiniano mortuo — cum ei successisset Valentinianus¹ eius filius cum Iustina, matre sua heretica — assumens tyrannidem, totus Arrianus aecclias orientales vastavit episcoposque exilio relegavit. Huius quoque tempore Gothi et Masagetes Hystrum transeunt et Ylliricum occupant Epirumque invadunt, deinde venientes Calcedonam, ipsum scelestum interficiunt, Constantinopolim obsident. Set mirabile dictu, Dominica, eius relicta, quod vir non potuit, civitatem á barbaris liberavit².

Fuere etiam alii pestilentes: ut quidam Zeno³; et Constantinus; et Anastasius⁴, qui proterve loquens de papa⁵, divino fulmine interemptus est; et Valentinianus⁶, qui cum matre sua Iustina regno suo expulsus est, set per Theodosium pium principem recuperatus est⁷; et Basilius; et quidam Leo; et Mauritius^b, qui cum uxore et filiis suis á Foca⁹ morte dampnatus est; et alii quam plures, qui, sacerdotes Dei inhonorantes, privilegia Romanae aeccliae auferre molientes, et in presenti vita non quievere et in aeternum periere. Quorum temporibus et Persarum exercitus Mesopotamiam invasit; et Sarracenorum pessimam gens omnem Africam et Marmaricam et Lybiam et Aegyptum et Arabiam et Iudeam et Fenicem á Romana subtraxit ditione. Ab aquilone vero Hunorum feritas et Gothicæ tempestas et Guandalorum procella omnem vastavit occidentem, quan- diu decimum cornu bestiae¹⁰, Longobardica scilicet rabies, de vagina furoris Domini extracta, Italicas invasit regiones. De qua persecutione melius est silere quam pauca dicere.

a. qq; cod. b. Maritius c.

1. II. 2. V. Hist. Tripart. IX 1, Cass. opp. I 331. 3. 474—491.

4. I, 491—518. 5. Hormisda. V. Hist. misc. p. 102. 6. II 375—392.

7. anno 388. 8. 582—602. 9. imp. 602—610. 10. Apocal. 17, 16.

Fuere et preterea religiosissimi imperatores, ut Theodosius¹; 364—378 et Honorius²; et item Theodosius³; et Martiani⁴ et Valentiniani⁵ pia dualitas; et Constantinus⁶ et Hyrene⁷; et Leo⁸; et Iustinianus⁹ et quidam alii; qui, ut superius prelibavimus, et alta pace rem publicam gubernavere et mortem vita aeterna commutavere.

Imperante autem Theodosio primo, temporalem carpebant 379—395 vitam Ambrosius et Augustinus et Ieronimus, qui salutifera vendi multa nobis reliquere precepta. Quorum Ambrosius, ne ab aecclesia iussu Valentini et Iustinae pelleretur, armis populorum defensatus est; nec vituperavit Dei sacerdos divinum populi fervorem, sed potius laudavit¹⁰. Eodem quoque tempore venerabilis Augustinus Bonifacium principem, ut Donatistas et Circumcelliones depredetur et vastet, hortatur¹¹.

Sed quoniam religiosorum principum superius mentio facta est, aliquid de vita eorum et legibus ab eis promulgatis huic opusculo necessarium duxi inserere. Nunc autem ab ipso Theodosio ordiamur. Hic, suscepto regni gubernaculo, barbaros mirabiliter vicit et sedavit¹²; et Arrianos ab ecclesiis expulit et eas orthodoxis reddidit¹³; Persas intra fines suos stare coegit¹⁴; Maximum tyrannum regno expulit¹⁵. Interea pacificato regno Thesalonicanam veniens, regia licentia populum inconsulte iussit interfici. Qui dum Mediolanum venisset, á liminibus aecclesiae á beato Ambrosio prohibitus est. Sicque cognoscens peccatum suum, tam diu flevit extra aecclesiam publice, quamdiu veniam meruit; data lege: ut sententiae principum, sub animadversione prolatae, usque ad 40 dies non obtineant firmitatem¹⁶.

Quantam vero reverentiam erga sacerdotes Dei Archadius 395—408

- | | | | |
|-------------------------------|--------------------------------|---|---|
| 1. I, 379—395. | 2. 395—423. | 3. II, 408—450. | 4. 450—457. |
| 5. III, 424—455. | 6. V, 780—797. | 7. mater Constantini V, 780—802. | |
| 8. I, 457—474. | 9. I, 527—565. | 10. Cf. Ambrosii epist. class. I ep. 22, Opp. ed. Benedictini II 876. | 11. in libro de correctione Donatistarum seu ep. 185, Augustini Opp. ed. Caillau T. XL p. 440 sq. |
| 12. Hist. Trip. IX 4, p. 333. | 13. Hist. Trip. IX 19, p. 338. | 14. Cf. Hist. Trip. IX 21, p. 340. | 15. Hist. Trip. IX 23, l. l. |
| IX 30, p. 343. | | | 16. Hist. Trip. |

395—408 et Honorius filii eius habuerunt, leges ab eis promulgatae te-stantur in hunc modum: *Imperatores^a Archadius et Honorius augusti Theodoro^a presidi prefectoro. Si quis in hoc genus sacri-legii incurrerit, ut, in aecclesia catholica irruens, sacerdotibus et ministris vel ipsi cultui locoque aliquid importet iniuriae, quod geritur, à provincie rectoribus animadvertisatur; atque ita pro-vinciae moderator, sacerdotum et catholicae aecclesiae ministro-rum, loci quoque ipsius et divini cultus iniuriam capitali in con-victos sive confessos sententia noverit esse vindicandum.* Et post pauca: *Sitque cunctis laudabile, factas atroces sacerdotibus iniurias velut publicum crimen insequi et de talibus ultionem me-rieri etc.^b*

450—455 Quid vero Martiani et Valentiniani pia dualitas ad beatum papam Leonem scripserit, audiamus: *et tuam^c inquiens sancti-tatem, principatum in episcopatu^c fidei possidentem, sacris litteris in principio iustum credimus alloquendam, invitantes atque rogantes, ut pro firmitate nostri imperii et statu aeternam divi-nitatem tua sanctitas deprecetur.*

Qualiter autem Constantinus, non ille primus, set alter co-gnomine pius^d imperator scripserit domno pape adverte: *Per Deum inquiens omnipotentem non est apud nos partis cuiuslibet favor, set equalitatem utrisque partibus observabimus, nullatenus necessitatem facientes in quoconque capitulo eis, qui à vobis di-liguntur quoquo modo, set omni honore competenti et munifi-centia et susceptione dignos eos habebimus. Et si quidem utri-que convenerint, ecce bene; sin autem minime convenerint, ite-rum^e cum omni humanitate eos ad vos dirigemus.* Et post pauca: *Invitare enim et rogare possumus ad omnem emendationem et unitatem omnium christianorum, necessitatem vero inferre nulla-tenus volumus.*

a. sequitur in cod. pp presidi prefectoro. b. E. c. c. c. divinae om. cod.
d. pius c. e. itum c.

1. „Imperatores — esse vindicandum“ et „Sitque — ultionem me-ri-er“ ex Iustiniani Cod. L. I tit. 3, l. 10. 2. „Tuam — deprecetur“ ex Valentiniani et Marciani epistola in Opp. S. Leonis Magni ed. Ballerini T. I 1017—1019.

Quid vero alter Constantinus¹ et Hyrene augusti ad Adria- 787
num² papam scribant, adtendite: *Rogamus³ vestram paternam
beatitudinem, magis quidem dominus Deus rogat, qui vult omnes
salvos fieri et ad agnitionem veritatis venire, ut det se ipsam^a
et nullam tarditatem faciat et accedat huc.*

Quid Iustinianus sancto pape Iohanni⁴ promulgatis legibus 533
scribat, audite: *Petimus⁵ vestrum paternum affectum, ut vestris ad
nos destinatis litteris manifestum nobis faciat, quod omnes, qui
predicta recte confitentur, suscipit vestra sanctitas, et eorum, qui
Iudaice ausi sunt rectam denegare fidem, condempnat perfidiam^b.*

Set postquam, ut supra retulimus, Longobardica rabies 568
Italiae invasit regiones, per triennium, quo^c paganitate detenti
sunt, quanta penarum genera quantasve amaras et crudelissimas
neces christianis intulerint, non est facile dictu. At postquam in
Arriana heresi baptismus perceperunt, paulo minus; set ita cru-
delissime per 140 annos, quibus non gubernavere set vastavere
Italiam, tyrannide usi sunt, ut, si quis harum calamitatum gna-
rus esse voluerit, legat dialogorum librum^d et pontificalium^d
gesta sanctorum^e, et inveniet calamitates calamitatum et mise-
rias miseriarum.

EXPLICIT LIBER SECUNDUS

INCIPIT LIBER TERTIUS.

Temporibus autem Adriani summi pontificis, cum se pre- 772
fatus papa videret oppressum multis miseriis, direxit^f marino
itinere suas apostolicas litteras Karolo excellentissimo regi Fran-
corum; deprecans, ut, sicut suus pater sanctae memoriae Pippi-
nus, et ipse succurreret sanctae Dei aecclesiae^g adversus inso-

a. ipsum c. b. perfidiam om. c. c. qua c. d. pontificalia cod.

1. V. 2. I. 3. „Rogamus — et accedat huc“ ex Constantini et
Irenes ep. in Anastasii bibliothecarii praefatione in septimam synodum, ap.
Mansi Concil. coll. XII 984. 985. 4. II. 5. „Petimus — condempnat
(perfidiam)“ ex Iustiniani Cod. L. I tit. 1, l. 7, epistola Iustiniani § 5.
6. S. Gregorii I papae (Opp. ed. Benedictini T. II). 7. i. e. vitas ponti-
ficium Romanorum. 8. „Direxit — aecclesiae“ ex Vita Hadriani I ap.
Muratori RR. It. SS. III 183.

772 lentiam et tirannidem Desiderii regis Langobardorum. Tunc ipse
 á Deo protectus Karolus rex, adgregans universam regni sui
 773 exercitus multitudinem, per sex menses obsedit eundem Desi-
 774 derium in civitate Papia¹. Adveniente² vero paschali festivitate,
 magno desiderio ad apostolorum limina properavit. Cui ponti-
 fex venerandas cruces, id est signa, obviam misit et universas
 scolas militiae et pueros portantes ramos olivarum sive palma-
 rum. Ipse vero excellentissimus rex, qua hora easdem sacratis-
 simas cruces et signa conspexit, statim de equo descendens, cum
 suis ad beatum Petrum pedestris perrexit. Quem venerandus

Apr. 2 pontifex in sabbato sancto paschae in gradibus ipsius apostolicae
 aulae cum clero et populo Romano prestolatus est. Qui dum ad-
 venisset, omnibus gradibus beati Petri deosculatis, ad prenomi-
 natum pervenit pontificem³. Cum⁴ se mutuo amplexati fuissent,
 tenuit idem christianissimus rex manum ipsius pontificis; et ita
 ad beati Petri confessionem cum omnibus suis properans, ter-
 rae prostratus, Deo et sancto eius apostolo vota persolvit. Tunc
 rex obnixe precatus est pontificem, ut illi licentiam tribueret
 Romam ingrediendi, orandi gratia per diversas aeccliasias. Et
 descendentes pariter ad corpus beati Petri cum iudicibus Roma-
 norum et Francorum, seseque mutuo per sacramenta munientes,
 Apr. 3 ingressi sunt continuo Romam. Celebrata vero paschali festivi-
 Apr. 6 tate, quarta feria, oblatis magnis donis beato Petro⁵, ad obsi-
 dionem⁶ Papiae reversus est; et auxiliante Deo et eodem apo-
 stolo Desiderium Langobardorum regem cum coniuge sua secum
 deportavit et sibi omne regnum eius subiugavit⁷.

814 Quo mortuo, Ludoicus ei successit, eius filius, vir mitissi-
 mus, qui primus⁵ omnium Francorum regum imperiali sublima-
 tus est dignitate. Hic offerens beato Petro multa donaria, re-
 staurans antiquitus facta privilegia, legem sancivit in posterum
 in hunc modum continentem: *In electione⁶ Romanorum ponti-*

1. V. Vita Hadriani p. 185. 2. „Adveniente — pontificem“ ex
 Vita Hadriani l. l. 3. „Cum se — magnis donis beato Petro“ ex Vita
 Hadriani p. 186. 4. „ad obsidionem — subiugavit“ ex Vita Hadriani
 p. 187. 5. immo secundus. Cf. supra p. 601. 6. in Lotharii I
 lege anno 824 facta (Mon. Germ. Legg. I 240) reperiuntur haec: „Volumus,

ficum neque servus neque liber ad hoc venire presumat, ut illis 814 Romanis, quos ad hanc electionem per constitutionem sanctorum patrum antiqua admisit consuetudo, aliquod faciat impedimentum. Quod si quis contra hanc nostram constitutionem presumperit, exilio tradatur. Insuper¹ etiam, ut nullus missorum nostrorum cuiusque expeditionis argumentum componere in prefata electione audeat, prohibemus.

Post eius obitum per multa succendentium temporum curricula — usque ad pestifera Lotharii² tempora — qui ab eo suscepere originem, decentissime gubernavere^a imperium. Quod si quis studiosus voluerit cognoscere, legat leges ab eis promulgatas, videat sepulturas martirum auro gemmisque decoratas, basilicasque eorum mira puleritudine exornatas, monasteria quoque religiosa utriusque sexus ab eis constituta, coabitacula clericorum regulariter viventium ab eisdem primitus ordinata; et per reliquias, quae nostris supersunt temporibus, satis poterit advertere, quam christianissimi quamque Deo amabiles extitere.

Leges vero ab eis promulgatae heae sunt. Ex edictis^b Karoli et Ludoici imperatorum: *Sacrorum³ canonum non ignari, ut in Dei nomine sancta ecclesia suo liberius potiatur honore, assensum ecclesiastico ordini prebemus: ut scilicet episcopi^c per electionem cleri et populi secundum statuta canonum de propria diocesi, remota personarum et munierum acceptance, ob vitae meritum et sapientiae donum elegantur, ut exemplo et verbo sibi subiectis usquequa prodesse valeant.* Item constitutio K(aroli) imperatoris: *Volumus⁴ atque precipimus, ut omnes nostrarae*

a. gubernare cod.

b. dictis cod.

c. episcopi om. cod.

ut in electione pontificis nullus praesumat venire, neque liber neque servus, qui aliquod impedimentum faciat illis solummodo Romanis, quibus antiquitus fuit consuetudo concessa per constitutionem sanctorum patrum eligendi pontificem. Quod si quis contra hanc iussionem nostram facere praesumpserit, exilio tradatur^d.

1. „Insuper — prohibemus“ non sunt in Lotharii I lege, v. supra p. 614 n. 6. 2. II, 855 — 869. 3. „Sacrorum — prodesse valeant“ ex Ansegisi capitularium L. I 78, Capitularia ed. Baluzius I 718, Mon. Germ. LL. I 282. 4. „Volumus — tenendum censemus“ ex Benedicti levitae capitularium L. II 366, Capitularia ed. Baluzius I 985, Mon. Germ. LL. II n 91.

840 ditioni auxiliante Deo subiecti, tam Romani quam Franci, Alamanni, Bauguerii, Saxones, Lothoringi^a, Rixones^b, Galli, Burgundiones, Brittones, Longobardi, Guascones, Beneventani, Goths, Hispani ceterique omnes subiecti nobis, quocunque legis vinculo constricti vel consuetudinario more connexi, hanc sententiam, quam ex sexto decimo Theodosii imperatoris libro, capitulo videlicet 11, ad interrogata Ablavii ducis, quam illi^c et omnibus prescriptam misimus^d, et intra nostra capitula pro lege tenendam consultu omnium nostrorum fidelium posuimus, lege cuncti perpetua teneant: „ut quicunque litem habens, sive possessor sive^e petitor fuerit, vel in initio litis vel decursis temporum curriculis, sive cum negotium perhoratur^f sive cum iam ceperit promi sententia, si iudicium elegerit sacrosanctae legis antistitis, illico sine aliqua dubitatione, etiamsi alia^g pars refragatur, ad episcoporum iudicium cum sermone litigantium dirigatur. Multa enim, quae in iudicio captiosae^h prescriptionis vincula promi non patiuntur, investigat et promit sacrosanctae religionis auctoritas. Omnes itaque causae, quae vel pretorio iure vel civili tractantur, episcoporum sententiis terminatae, perpetuo stabilitatis iure fermentur; nec liceat ulterius retractariⁱ negotium, quod episcoporum sententiis deciderit. Testimonium etiam, licet ab uno episcopo perhibitum, omnes iudices indubitanter accipiant, nec aliis audiatur, cum testimonium episcopi a qualibet parte fuerit repromissum. Illud enim veritatis auctoritate firmatum, illud incorrupte, quod a sacrosancto viro conscientia mentis illibatae protulerit, hoc edicto salubri firmamus et perpetua lege tenendum censemus. Hee sunt leges christianis imperatoribus digne, qui non, ut mos est Grecorum imperatorum, per spadonum astutiam, set per sacerdotum prudentialium regnum gubernavere; et ideo beati, quia, quo usque in presenti vixerem, alta pace quievere, et in futuro cum Christo regnabunt sine fine.

a. sic cod. pro Thuringii. b. sic cod. pro Fresones. c. ill' c. d. sic cod. pro: Ablavii ducis, illi et omnibus prescriptam sumpsimus. e. possessor sive om. cod. f. perhortatur c. g. aliqua c. h. copiosae c. i. tractari c.

Sed cum prenominatus Lotharius sepe á papa Nicolao esset 862—869 ammonitus, ut Gualdradam pelicem suam dimitteret, et nolle acquiescere, sententiam meruit excommunicationis. Infelix autem, non resipiscens set adiens peccatum peccato, ausus est infamare dominum papam senioris Romae; et ideo non solum excommunicatur, set etiam imperiali dignitate et omni Francorum potestate depositus est¹. Quantas vero calamitates Romanis 869 hic intulerit, et qualiter dominum papam² iniuriaverit eumque sibi rationem pretendentem spreverit, et quomodo aecclesiam sancti Petri militari manu possederit, et quam turpissima morte perierit, testantur et Francorum hystoriae³ et ipsorum regnum usque hodie divisum.

Interea, Francorum regno per superbiam exterminato, Italicum regnum varias patiebatur calamitates. Nam nunc quidem per Longobardorum tyrannidem, aliquando vero per Burgundionum violentiam, plerumque vero per Sarracenorum^a superbiam non regebatur, set potius vastabatur.

Eodem quoque tempore Romana aecclesia periculis subiacebat cladibus. Nam Romanis auxilium imperatoribus ferre non valentibus propter Sarracenorum^b frequentissimos incursus, Francis ut superius diximus divisis et ab aecclesia sequestratis, urbis Romae capitanei, nomen sibi inane inponentes patriciatus, Romanam aecclesiam validissime devastaverunt.

Quod nomen ideo inane: quia in Romanis fastibus^c nec paganorum tempore nec christianorum usquam invenitur. Si enim dignitas esset aliqua, aut per hanc tempora invenirentur signata, aut leges promulgatae, aut tabulae insignitae. Set in Romanis legibus nusquam tale aliquid invenitur. Verum esto aliqua dignitas ad constituendum forsitan imperatorem habilis,

a. sic scripsit Watterich pro Salicorum cod. b. sic correxit Stenzel (*Geschichte Deutschlands unter den Fränkischen Kaisern II* 79) senatorum cod. c. fascibus c.

1. Lotharium II regem neque „imperiali dignitate“ usum, neque aut rite excommunicatum aut omnino deieictum esse, constat. V. Stenzel Gesch. der Fränk. Kaiser II 7, Dümmler Gesch. des ostfränkischen Reichs I 613. 614. 2. Hadrianum II. 3. ex Hincmari annalibus ad a. 869 intelligimus, quantopere de Lotharii II rebus Romae gestis alucinetur Bonitho.

869 ordinationi vero summi pontificis nullatenus oportuna. Unde vero haec substitutio^a sumpserit exordium, paucis, si potero, explanabo. Gothicæ tempestate et Guandalorum gladio et Longobardica rabie dum Roma premeretur, non ferentes impetum barbarorum, Romani ab imperatoribus patrocinium militum inplorabant. Quod illi, prout tempus concesserat, libentissime faciebant. Nam ex latere suo mittentes spadones, viros probatissimos, veluti Narsum et Belisiarium et alios complures, magistros militum creabant. Qui venientes Italiam, plerumque barbaros fugabant, aliquando vero solos muros urbis tuebantur. Hos Romana popularis simplicitas velut patres urbis „patricios“ appellabat, eo more, quo usque hodie Romanae civitatis magnates „protectores“ appellat. Set rei ordinem prosequamur.

Hii vero, quos supra memoravimus, urbis capitanei, accepta tyrannide, licenter cuncta faciebant. Nam non solum cardinatus et abbatias et episcopatus turpissima venalitate fedabant, set ipsum etiam Romanæ aecclesiae pontificatum, non spectata aliqua morum dignitate nec aliqua tantæ aecclesiae prerogativa, solummodo ad libitum, cui placebat vel qui plus manus eorum implebat, donabant; et non solum clericis set etiam laicis, ita ut uno eodemque die plerumque et laicus esset et pontifex. Sicque languescente capite, infirmabantur et cetera membra in tantum, ut non solum altaris ministri secundi ordinis, sacerdotes et levitae, set ipsi pontifices passim concubinati haberentur: ut ipse usus iam aboleret^b infamiam et consuetudo turpissimæ venalitatis quodammodo videretur levigare^c delictum. Et non tantum in partibus Romanæ ecclesiae^d set per totius occidentis climata haec agebantur. Quippe, tacente pastore, magis autem fugiente^e, immo vero ipso lupo facto custode, quis staret pro ovibus?

Dum haec agerentur, Sarracenorum vilissima gens omnes maritimæ Italiae depopulata est; dehinc partem Calabriae et

a. substitutio c. b. adoleret cod. c. leviare cod. d. ecclesiae addidi.
e. partes sive regiones excidisse videtur.

1. v. Iohan. 10, 12.

omnem Siciliam invadit. Ab aquilone vero Ungarorum valida 869 gens, transiens Ystrum, omnes coherentes sibi regiones devastans, insuper omnem Germaniam et Gallias usque ad mare Britanicum depopulans, ad ultimum per Burgundionum regna Italiam veniens, ita eam depopulata est, ut pene, captivis ductis ruricolis, redigeretur in solitudinem.

EXPLICIT LIBER TERTIUS

INCIPIT QUARTUS.

Ungarorum igitur bachante sevitia, surrexit quidam Saxonum et Francorum rex nomine Otto, qui bis eos bello vicit, 938 tercio bello pene consumptos inter fines suos eos habitare coegit. 955 Set quoniam tanti regis mentio facta est, quis maioribus ortus, vel qualiter ad Romani regni venisset fastigia, michi scribere visum est opere precium.

Is enim, Saxo genere, Heinrici magni Saxonum et Francorum regis fuit filius; qui¹ primitus dux Saxonum, postea vero, defuncto Chuonrado rege Francorum, per Hewurardum^{a 2} eius³ 918 germanum regni suscepit insignia. Hic, susceptis regalibus signis, 919 Francia citissime sedata, Saxoniam ab Ungarica servitute com- 933 misso bello liberavit. Deinde Bavariam, expulso rege Arnulfo⁴, sua subiecit ditioni, eamque post Heinrico suo filio tradidit in ducatum⁵. Brocardum⁶ vero Suevorum ducem in ditionem suscepit⁷. Dehinc occidentalem Franciam⁸ per Cunibertum⁹ suum generum Saxonum coniunxit imperio. Alteram¹⁰ quoque suam filiam Ludoico Latinorum et Francorum regi tradidit in coniugium. Sicque sedatis omnibus rebus, filio suo Ottone rege pro

a. Hemurardum c.

1. sc. Heinricus I. 2. ducem Francorum. 3. Conradi I regis.
 4. Arnolfum Bavariae ducem a Conrado I rege expulsum esse a. 916, constat. V. quae de ea re attuli in Mon. Germ. SS. XVII 570 n. 14. 5. Heinrico, Heinrici I filio, Bavariae ducatum a. 946 tradidit Otto I. 6. I. 7. anno ut videtur 919, v. Waitz Jahrbücher des deutschen Reichs unter Heinrich I (Berlin 1863) p. 48. 8. Lotharingiam. 9. Gisilbertum, ducem Lotharingiae, qui Gerbergam duxit, Heinrici I regis filiam. 10. immo eandem Gerbergam, viduam Gisilberti ducis, tribus annis post mortem Heinrici regis, anno 939 in matrimonium duxit Ludovicus IV rex Francorum.

933 se iam designato, aeccliarum Dei maximus fabricator et chri-
936 stianae religionis propagator beato fine quievit.

Cui successit filius eius Otto, vir magnificus et totus chri-
935 stianissimus. Hic primum, ut superius diximus, Ungaros debel-
lavit et non solum omne suum regnum set etiam omnem occi-
dentem ab eorum servitute liberavit. Hic Ludoicum¹, cognat-
936 tum² suum, per Hugonis³ tyrannidem paterno solio pulsum,
946 regno restituit. Nam militari manu intravit Franciam, Remorum
civitatem obsedit et cepit, Parisium intravit, Hugonem auctorem
tyrannidis usque ad Brittanicum mare persecutus est. Inde
Aquisgrani veniens, aquilam, Romanorum signum, quod contra
Germanos multis temporibus alis extensis stabat, Francigenis
usque hodie prominere precepit. Hinc Maguntiam veniens,
Ruodolfum⁴ Burgundionum regem, bella sibi inferentem, vita
privavit et regno; cuius lancea, insigne scilicet imperii, ante
nostras usque hodie portatur imperiales potestates.

His ita transactis, dum talis ac tantus rex priore sua con-
946 iuge⁵ orbatus esset audissetque famam nobilissimae atque pru-
dentissimae Adaletae⁶, quondam Lotharii Longobardorum regis⁶
coniugis, quam simul cum Attone^{b7} comite Belingarius⁸ tyrannus
intra Canusium per multos annos obsederat, tantae reginae com-
patiens miseriis, simul et tanti comitis ammirans fidem, delibe-
951 ravit ferre auxilium. Qui, citissime congregans exercitus sui
multitudinem, Belingario extincto⁹ filiisque eius à regno expulsis,
regnum sibi Attonis^{b7} consilio comitis pacatissime suscepit et
coniugem.

Dehinc, eiusdem Attonis^{b7} consilio cupiens Romam videre,

a. *eadem manus super Adaletae scriptis Adalheidae.* b. *Huius nominis ter positi*
(Ottone, Ottonis, Ottonis) *litteram primam (O) ter in litura callocatam esse video; ut*
pro explorato habeam, ipsum Bonithonem non Ottone, Ottonis sed Attone, Attonis scriptisse.

1. IV regem Francorum. 2. sororis virum, Ital. „cognato“. 3. Magni,
ducis Franciae. 4. Rudolfum II Burgundiae regem, anno 937 mortuum,
ab Ottone I nec vita nec regno privatum esse constat. 5. Editha,
mortua a. 946. 6. qui obiit 950 Nov. 22. 7. de Attone comite, pro-
avo Mathildae comitissae, cf. Donizonis Vit. Mathildis, Mon. Germ. SS.
XII 357. 8. rex Italiae. 9. Berengarium II demum anno 966 Bam-
bergae mortuum esse scimus.

ad Iohannem¹ papam urbis Romae sacramentum² dedit corporale 962
in hunc modum: *Tibi domno Iohanni papae ego rex Otto pro-*
mitto et iuro per Patrem et Filium et Spiritum sanctum et per
lignum vivifcae crucis et per has reliquias sanctorum: quod,
si permittente Deo Romam venero, sanctam Romanam aecclesiam
et te, rectorem ipsius, exaltabo secundum meum posse. Et nun-
quam vitam aut membra neque ipsum honorem, quem habes,
mea voluntate aut consensu aut meo consilio aut mea exhortatione
perdes. Et in Roma nullum placitum aut ordinationem faciam
de omnibus, quae ad te aut ad Romanos pertinent, sine tuo
consilio. Et quicquid de terra sancti Petri ad nostram pote-
statem venerit, tibi reddam. *Cuicunque autem regnum Italicum*
commisero, iurare faciam illum: ut adiutor tui sit ad defen-
dendam terram sancti Petri secundum suum posse. Dehinc Ro- Febr. 2
manam tendens, honorifice à Romanis susceptus et à domino papa
benedictione imperiali est sublimatus, primusque omnium Ger-
manorum regum appellatus est imperator.

Hic, pacata Italia, Saxoniam cum uxore repedavit. Ex 955
qua suscepit filium, et nominis successorem^a et regni; cui Ro- 972
mani sanguinis dedit uxorem, Constantinopolitani scilicet impe-
ratoris filiam³. Idem, cum Mainburg⁴ aecclesiam mirae pulcri-
tudinis fabricasset multosque gentilium populorum ad viam veri-
tatis revocasset, languore correptus, vitae terminum sortitus est. 973
Cuius corpus in prefata aecclesia condecorati honore humatum est.

Cuius filius cum suscepisset imperium, patri per omnia
equiparans, circa cultum aecclesiarum cepit esse studiosissimus
et erga christianam religionem devotissimus. Hic, regni rebus
bene compositis, Romam properavit, benedictionem suscepit im- 967
perialem⁵. Dehinc Apuliam tendens cum Constantinopolitano
bellum commisit, et uno eodemque die bis victus, vixor appa- 982
Iul. 13

a. successione c.

1. XII. 2. de hoc sacramento cf. supra p. 593. 3. Theophaniam,
Romani II imp. Graecorum filiam. 4. Magdeburgi. 5. Iam anno 967
Dec. 25 Ottонem II, praesente patre, a Iohanne XIII coronam imperato-
riam accepisse notum est.

983 ruit tertio¹. Qui, Romam rediens, vi febrium correptus, ad limina apostolorum occubuit; ibique in pace sepultus quiescit, vere beatus terque quaterque beatus, qui ex tanto numero imperatorum et regum solus meruit inter pontifices^a cum apostolorum principe consortium habere sepulturae.

Hic filium quidem reliquit, ut heredem quidem regni et nominis, utinam et pietatis. Qui, cum puer regnare cepisset et ad adultam iam pervenisset aetatem, suasu matris² Iohannem³ quendam Placentinum episcopum, Grecum genere, ad transmarinas partes legavit⁴, ut sibi Romani sanguinis adscisceret^b uxorem. Ea tempestate Crescentius, quidam urbis Romae capitaneus, qui sibi inane nomen patriciatus vendicaverat, assumens tyrannidem, dominum papam⁵, qui secundum Ottonem, pa-995 trem scilicet huius adolescentis, coronaverat⁶, pontificatu expulit. Qui, veritus regis vicinitatem — nam Alpes iam transierat — illudque valde formidans, quod papa Ravennae eius iam expectabat adventum, secum mente pertractans, se hoc modo furorem regis et reginae posse placare, si Iohannem episcopum, de quo superius retulimus, amicissimum regis, conlectaneum^c 997 reginae, pontificem ordinaret. Set non est scientia neque con-
c. Mai. silium contra Dominum^d. Nam veniens prefatus rex Romam, Apr. 29 Crescentium diu obsessum cepit et capite truncavit, invasorem vero summi pontificii^e, zelo quidem iusticiae set plus iusto suc-
c. Mart. census, lumine privavit ceterisque membris dehonestavit. Quod factum in tantum Deo et beato Petro apostolorum^f principi

a. pontificēs c. b. adscisseret c. c. conlectaneum c. d. pontificis cod.
e. apostolorum addidi.

1. immō, cum iam viciisset, victus est. 2. Theophania iam obierat
a. 991 Iun. 15. 3. Philagathum, archiepiscopum Placentinum. 4. anno
995; v. Annal. Hildesheim., Mon. Germ. SS. III 91. 5. Gregorium V.
6. Ottonem II coronaverat a. 967 Iohannes XIII. 7. In codice est „con-
lacteneum“, ut Bonithonem pateat aut „conlactaneum“ aut „conlectaneum“
scripsisse. Nec dubito, quin „conlectaneum“ posuerit, ut idem intellige-
retur, quod de eodem antipapa protulit Petrus Damiani (epp. L. I ep. 21,
opp. ed. Parisiis 1743 T. I 24) verbis his: „qui etiam cum imperatrice,
quae tunc erat, obscoeni negotii dicebatur habere mysterium“. 8. Cf.
Proverb. 21, 30.

displieuit, ut, antequam imperiali potiretur benedictione¹, prius quam Cinthia ter exactum conderet orbem², Deo odibilis sine viatico vitam finivit³. Et quamvis in suburbio⁴ non triginta miliariis ab urbe distante mortuus esset, communi consilio omnes Romani eius aspernati sunt sepulturam. Cuius corpus, incisum cultris et medicorum arte conditum, Saxoniam dum fertur, translatum est⁵.

Quo mortuo et in infernum sepulto⁶, omnis Saxonum et Francorum et Bavriorum et Suevorum potentatus, in simul conveniens, elegit sibi in regem Heinricum eiusdem sanguinis virum, christianissimum, moribus decenter ornatum. Interea Langobardi nacti⁷, se tempus invenisse oportunum, Papiam convenientes Arduinum eligunt in regem⁸, virum, armis quidem strennum, set consilio improvidum. Tedaldus vero dux et marchio⁹ ab ea se subtraxit conspiratione, seque et sua Teutonico contulit regi. Cuius consilio et auxilio post multa bellorum varia discrimina Heinricus rex, Italia potitus, Romam veniens, à domno Benedicto¹⁰ papa imperiali auctus est dignitate. Quid plura? Principatus Apuliae in pace possedit, Romanae ecclesiae privilegia multa concessit et dona amplissima dedit; deinde Papiam veniens, cum eam, sibi tunc non repugnantem, magis

1. Ottонem III iam d. 21 Maii 996 imperatorem a Gregorio V papa consecratum esse scimus. 2. Lucani Phars. II 577: „Ante bis exactum quam Cynthia conderet orbem“. 3. Otto III obiit non tribus mensibus sed quatuor paene annis post mutilatum Iohannem antipapam. 4. Paterni („Castellaccio Paterno“, a Roma ad septentriones, prope Civitatem Castellanam, meridiem versus). 5. a diabolo. Id enim intelligi velle scriptorem, probant etiam ea quae sequuntur verba: „Quo mortuo et in infernum sepulto“. Et merito quidem has poenas luisse Ottонem III vult Bonitho; quippe qui in Decreti L. IV c. 108 (Mai Novae patrum bibliothecae T. VII III p. 46) imperatorem tradat „ipsum pontificem (antipapam) oculis orbatum ceterisque membris debilitatum, ad dedecus et ignominiam sacerdotalis ordinis per plateas Leoninae civitatis circumduci iussisse“.

6. Aquisgrani Otto III sepultus est d. 5 Apr. 1002 (Thietmari chron. IV 33, Mon. Germ. SS. III 783: „die dominica (post palmas)“. 7. Cf. infra L. VI: „Interea Longobardi episcopi nacti, se tempus invenisse oportunum“. 8. qui Papiæ coronatus est „die dominico, — 15 die mensis Februarii (1002)“. V. catalogum regum ex cod. Ambrosiano, Mon. Germ. SS. III 217. 9. avus Mathildæ comitissæ. 10. VIII.

1002
Jan. 23

1014
Febr. 14

1004 dolo quam armis cepisset ignique dedisset¹, trans montes abiit. Pabenbargensem episcopatum, cum non haberet filios, ex suo proprio constituit, eumque per cartulam offertionis² beato Petro tradidit; ibique aecclesiam beatorum apostolorum principum mirifice ornatam fabricavit. Huius temporibus Stephanus Ungarorum rex sacramenta suscepit baptismatis et per eum omnis populus sibi subiectus³. Prefatus vero Heinricus, cum filios non haberet, apostolos elegit heredes; et terminum vitae suscipiens, beato fine quievit. Cuius corpus in aecclesia beatorum apostolorum, quam ipse dedicavit, decentissime humatum est.

Jul. 13

EXPLICIT QUARTUS

INCIPIT QUINTUS.

1024 Cui successit in regnum Cuonradus Francus genere, vir Sept. 8 bellicosissimus. Qui et post mortem imperatoris Heinrici Boemios, signa regalia ferentes, bello prostravit et signa reduxit; Franciam vero tumultuantem citissime sedavit: Canonem⁴ quendam Bawariorum ducem, aliquid de regni fastigio sibi vendicantem, et ducatu expulit et patrimonio nudavit et in Ungariam fugere coegit. Dehinc Saxoniam intravit et, omnibus regni ne-

1035 gociis sibi rite pacatis, Luticios adgressus^a bello prostravit^b et usque ad Bellagast fugere coegit.

His ita gestis, misit legatos suos honestos, ut decuit, ad dominum papam, et supplicans: ut ei vexillum ex beati Petri parte mitteretur, quo munitus posset Ungaricum regnum suo subicere dominatui. Quod ut audivit papa, libenter concessit. Et mittens nobiles viros ex latere suo, episcopum scilicet Portuensem et Belinzonem, nobilissimum Romanum de Marmorato, eis haec tradidit precepta: ut, si regi non displiceret, ipsi in prima acie vexilla portarent; quod si regi displiceret, haec ei intimarent: *Victoriam quidem tibi spopondimus; vide, hoc ne tibi ascri-*

a. adgresus c. b. patravit c.

1. Papiam iam a. 1004 igne vastatam esse constat. 2. oblationis.
 3. Cf. Büdinger Oesterreichische Geschichte I 397 n. 6. 4. Conradum ducem Bavariae scimus ab Heinrico III (non a Conrado II) deiectum esse anno 1053.

bas set apostolis. Quod et factum est; nam bello commisso¹ 1044 fugerunt Ungari. Capta est et Ungarici regis² lancea³; quae per eosdem nuncios Romae delata est⁴ et usque hodie ob signum victoriae ante confessionem⁵ beati Petri apostoli appetet.

Interea, Ungarica potitus victoria, Italiam intravit, Aribertum vero archiepiscopum Mediolanensem cepit; set fuga lapsus est. Dehinc Romanam veniens, imperiale meruit benedictio- 1027 Mart. 26 nem. Dehinc Mediolanum rediens, cum quedam suburbana depopulasset, ab urbe repulsus est⁶; sicque infecto negocio Alpes 1037 transiens, vi febrium correptus occubuit. Cuius corpus Spire 1039 decenti cum honore sepultum est. Iun. 4

Huic successit filius eius Heinricus, vir sapientissimus et totus christianissimus. Hic in primordio sui regni Ungaros 1042-1044 tumultuantes vicit et citissime sedavit. Qui, rite omnibus regni pacatis negotiis, dum ad Italiam tendere destinaret, nuncii 1046 à Romana urbe venientes eumque retardantes mirabiliter reddiderunt sollicitum.

Nam, ut superius memoravimus, urbis Romae capitanei, et maxime Tusculani, per patriciatus inania nomina Romanam vastabant aecclesiam, ita ut quodam hereditario iure viderentur sibi possidere pontificatum. Enimvero, mortuo Iohanne⁷, Bene- 1033 Ian.⁸ dicti⁸ pape fratre^a, qui uno^b eodemque die et prefectus fuit et papa⁹, cum successisset ei Theophylatus^{c 10}, qui Alberici^{d 11} fuit filius, Gregorius frater eius nomen sibi vendicabat patriciatus. Hac occasione Theophylatus, neque Deum timens neque homi-

a. fratris c. b. uno — papa *in litura*. c. Thophylatus c. d. Aberici *cod.*

1. Totum hoc bellum non a Conrado II sed ab Heinrico III gestum est. 2. Ovonis. 3. de lancea v. Strehlke de Heinrici III bellis Ungaricis p. 44 n. 181. 4. v. supra Gregorii VII Registri II 13 p. 128. 5. i. e. ante sepulcrum b. Petri, in eiusdem apostoli ecclesia Romana. Postea suspensa erat lancea supra eiusdem ecclesiae ianua, quae „porta Guidonea“ sive „porta Veronicae“ sive „porta Sudarrii“ appellabatur. V. Ciampini De sacris aedificiis, Romae 1693, cap. 4 sect. 10 n. 126, p. 79. 6. anno 1037. 7. XIX, anni 1033 mense Ianuar. 8. VIII, 1012—1024. 9. in Decreti L. IV c. 108 (Mai Novae patrum bibl. T. VII iii p. 46) scripsit Bonitho haec: „qui uno eodemque die et laicus fuit et pontifex“. 10. Benedictus IX. 11. consulis.

1033 nem reveritus, qui cata antifrasin vocabatur Benedictus^a, post
 Ian. multa turpia adulteria et homicidia manibus suis perpetrata,
 postremo — cum vellet consobrinam accipere coniugem, filiam
 scilicet Girardi de Saxo, et ille diceret: nullo modo se daturum,
 nisi renunciaret pontificatui — ad quendam sacerdotem Iohan-
 nem¹, qui tunc magni meriti putabatur, se contulit eiusque con-
 silio semet ipsum dampnavit pontificatique renunciavit². Quod
 Mai. 1 1045 consilium valde esset laudabile, nisi turpissimum post esset se-
 cutum peccatum.

Nam idem sacerdos, de quo supra retulimus, accepta hac
 occasione, nefando ambitu, seductus³ per turpissi-
 mam venalitatem, omnemque Romanum populum pecuniis inge-
 titibus datis sibi iurare coegit; sicque ad pontificalem ascendit
 dignitatem. Quem verso nomine Gregorium⁴ vocaverunt.

His ita gestis⁵, Gerardus de Saxo cum aliis capitaneis quen-
 1044 c. Febr. 22 dam Sabinorum episcopum⁶ sibi eligunt pontificem, quem verso
 nomine vocaverunt Silvestrum⁷.

Quod audientes Gregorius patricius et Petrus germani Theo-
 Apr. 10 phylatum, spe coniugis deceptum, ad pontificalia iterum suble-
 vant⁸ fastigia.

Set quis pro tantis calamitatibus nobis locus remedii, nisi
 vox illa euangelica, quae confortat apostolum dicens: *Ego pro
 te rogavi, Petre, ut non deficiat fides tua*⁹. Set certe et vere
 non defecit fides Petri, nec deficiet fides Romanae aecclesiae in
 aeternum. Nam in tanta et tam valida tempestate suscitavit
 Deus spiritum cuiusdam Petri, Romani archidiaconi. Qui, con-
 vocans episcopos cardinales clericos ac monachos, viros ac mu-
 lieres, quos timor Dei aliquantum tetigerat, subtraxit se a pre-

a. sequitur cū in cod.

1. archipresbyterum S. Iohannis ante portam Latinam. 2. die 1
 Mai 1045. V. Regesta pont. Rom. p. 361. 3. excidisse videntur haec:
 „a diabolo, comparavit a Theophylacto pontificatum“¹⁰. In Decreto enim
 (L. IV c. 109 ap. Mai Nov. patr. bibl. T. VII m 46) significat Bonitho, se hoc
 libri ad amicum loco narrasse „de Theophylacto Tusculano, qualiter Iohanni
 sacerdoti vendiderit papatum“¹¹. 4. VI. 5. immo iam c. 22 Febr.
 a. 1044. 6. Iohannem. 7. III. 8. 1044 Apr. 10. 9. Luc. 22, 32.

fatorum invasorum communione. Et zelo Dei ductus, ut quoniam ille Onias^a Hebraicus sacerdos¹, Alpes transivit, regem adiit, non causa accusationis set pro communi utilitate aecclesiae; eiusque pedibus advolutus, flens obseerabat: ut matri suae desolatae quantotius subveniret. Convocatisque episcopis, qui tunc aderant, precepit eis, ut Romam cum rege tenderent et sinodum congregarent. Quod et sine mora factum est.

Abusivus vero ille Gregorius, qui Romanae aecclesiae cathedram regere videbatur, rogatus a rege, ut ei obviam veniret — nichil mali conscius apud se, ut res postea declaravit — usque Placentiam venit regemque ibi invenit. Qui ab eodem, Nov. ut decuit papam^b, honorifice susceptus est; non enim putabant qui tunc aderant episcopi, fore religiosum, sine iudicio aliquem dampnare episcopum, nedum tantae sedis, qui videbatur, pontificem.

Sicque pergentes simul venerunt ad Sutrium. Quo ubi per Dec. ventum est, rogavit prefatus rex qui tunc videbatur pontificem: sinodum congregari. Quod concessit et decreto firmavit; erat enim idiota et mirae simplicitatis vir.

Igitur collecta sinodo, sedit, qui vicem Romani pontificis Dec. 20 habebat; et ex precepto eius sederunt patriarchae et metropolitani et episcopi per sedes suas. Inter quos tunc forte aderat Poppo Aquileiensis patriarcha², vir eloquentissimus, et Bruno Augustensis episcopus³, et Rembaldus^c Arelatensis archiepiscopus et alii quam plures. Et questione orta, de Silvestro invasore ab omnibus iudicatum est, episcopatu et presbiteratu nudatum in monasterio diebus vitae suae tradi. De Theophylato vero supersedendum fore iudicaverunt, maxime cum ipse Romanus pontifex se iudicaverit deponendum.

De tercio vero quid facerent, quo se verterent, quibus accusandi et testificandi adversus iudicem non dabatur licentia? Cui cum ab episcopis supplicatum fuisset, ut causam electionis

a. Omas c. b. papia c. c. Rebaldus c.

1. 2 Maccab. 4, 4. 2. Poppo patriarcha Aquileiensis iam anno 1042 obierat. 3. Bruno episcopus Augustensis iam erat anno 1029 mortuus.

1046 suae promeret, ut erat idiota, omnem suaem electionis puritatem¹
 Dec. 20 aperuit. Dixit, se Dei misericordia sacerdotem fuisse boni testimonii et famae, et casto corpore à puericia semper vixisse; quod non tantum laudabile, set etiam quasi angelicum tunc temporis videbatur apud Romanos. Huius rei causa multas acquisisse pecunias dicebat. Quas servabat, ut sarta tecta aecclesiae restauraret^a vel aliquid novi magnique^b faceret in urbe Roma. Cumque cepisset^c tyrannidem patricorum secum tractare^d et qualiter sine ulla cleri et populi electione pontifices constituerent, nichil melius putabat, quam electionem, clero et populo per tyrannidem iniuste sublatam, his pecuniis restaurare.

Quod vero ut audierunt viri religiosi, ceperunt summa cum reverentia calliditates antiqui hostis ei insinuare; et, nichil quod venale sanctum esse, dicebant.

His et aliis ammonitionibus illectus, Spiritum sanctum cepit iam mente concipere, et zelum Dei, quem non secundum scientiam habuerat², ipse cognoscens, his verbis episcopos allocutus est: *Testem Deum invoco in animam meam, viri fratres: me ex hoc facto remissionem peccatorum et Dei credidi promereri gratiam. Set quia antiqui hostis nunc cognosco versutias, quid michi sit faciendum, in medium consulite.* Cui illi respondentes dixerunt: *Tu in sinu tuo collige causam tuam; tu proprio ore te iudica. Melius est enim tibi, cum beato Petro, cuius amore haec fecisti, pauperem hic vivere, ut dives sis in aeternum, quam cum Symone mago, qui te decepit, in presenti divitiis nitescere et in aeternum perire.* Quibus auditis, sententiam in se protulit, hoc modo dicens: *Ego Gregorius episcopus, servus servorum Dei, propter turpissimam venalitatem symoniaca hereseos, quae antiqui hostis versutia meae electioni irrepsit, à Romano episcopatu iudico me submovendum³.* Et adiecit: *Placet vobis hoc?* Et responderunt: *Quod tibi placet, et nos firmamus.*

a. restauraret c. b. magnique scripsi pro magnum quid cod. c. cepisset
 scripsi pro sepissime c. d. tractari c.

1. suppurationem (non munditiam). 2. Rom. 10, 2. 3. de hac
 Gregorii VI abdicatione v. quae disserui supra p. 594.

Celebrata regulariter sinodo, in magna estuatione venerunt Romam^a rex pariter et episcopi; tum quia non habebant pontificem, qui regem imperiali donaret potestate, tum quia in eligendo alio cleri^b quidem habebant electionem, populi autem subsequentis laudem minime habebant. Sacramento enim populum^c perstrinxerat prefatus Iohannes^d: nunquam, se vivente, eos alium laudaturos pontificem.

1046
Dec.

Interea cum non haberent de propria diocesi, — ut enim superius memoravimus, languescente capite, in tantum languida erant cetera membra, ut in tanta aecclesia vix unus posset reperiri, qui non vel illiteratus vel symoniacus vel esset concubinatus — hac necessitate eligunt sibi Sicherium Pabenbariensem Dec. 24 episcopum^e, canonibus interdicentibus, neminem ad Romanum debere ascendere pontificatum, qui in eadem aecclesia presbiter vel diaconus non fuerit ordinatus^f. In cuius laude pauci quidem laici, scilicet^d qui non Iohanni iuraverant, consenserunt. Primusque omnium post beatum apostolorum principem in tanta serie Romanorum pontificum alias consecratus [episcopus^e] Romanus pontifex [factus et Clemens^f] appellatus est. Set secundum decreta beati pape Innocentii⁴: *quod necessitas pro remedio reperit, cessante necessitate, debet utique cessare pariter quod urgebat; quia aliis est ordo legitimus, alia usurpatio, quam ad presens fieri tempus impellit*. Set iam ad proposita redeamus.

Igitur postquam imperiali est rex auctus dignitate⁵, calamitatis rei publicae compatiens, civitatem a patritiorum liberavit tyrannide. Quod valde esset laudabile, nisi subsequens post macularet commissum. Nam rumoribus populi illectus — quibus credi non oportere maxima propositio est — tirannidem patri-

a. Romam addidi. b. clerici c. c. populum addidi. d. s; cod.
e. episcopus addidi. f. factus et Clemens addidi.

1. Gregorius VI. 2. Clementem II. 3. V. Decret. Gratiani P. I Dist. 79 c. 3: „Ex concilio Stephani papae III: „, Oportebat, ut — in apostolatus culmen unus de cardinalibus presbyteris aut diaconis ordinaretur“.“. 4. V. Decret. Gratiani P. II C. I Q. 1 c. 41: „Quod pro necessitate temporis statutum est, cessante necessitate — impellit“. 5. d. 25 Dec. 1046.

1046 tiatus arriput; quasi aliqua esset in laicali ordine dignitas constituta, quae privilegii possideret plus imperatoria maiestate. Set quid hac calamitate acerbius quidve crudelius, quam, qui paulo ante Tusculanos punierat pro tirannide^a, eisdem damnatis vellet esse consimilis. Quid namque est, quod mentem tanti viri ad tantum traxit delictum, nisi quod credidit: per patriciatus ordinem se Romanum posse ordinare pontificem. Set, proh dolor, ubi tot episcoporum prudentia, ubi tot iuris peritorum scientia, ut, quod non licuit dominis, crederent licere servis^b. Non licuit alicui imperatori, summa tenenti, in electione se alicuius Romani pontificis inserere; licebit homini sub potestate constituto? Set dicent: *Legimus et magnum Karolum patritiatus nomine designatum.* Quod si legerunt, quare non intellexerunt? Temporibus enim magni Karoli Constantinus¹ et Irene² Romanum gubernabant imperium; et ideo excellentissimo regi Francorum quid amplius his temporibus conferri potuit, quam patrem Romane urbis vel protectorem vocitari? Sic enim legitur: *Karolus rex Francorum et Longobardorum et patritius Romanorum.* Nunquam enim eum imperiali legimus auctum fuisse potestate. Set post eius obitum Ludowicus eius filius primus³ omnium regum, a Romano sanguine extraneorum, imperiale meruit benedictionem; et ideo, qui habuit summa, non quesivit infima. Set iam ad narrationem redeamus.

1047 Igitur Italicis rebus rite compositis, imperator Heinricus patriam remeavit, ducens secum venerabilem Iohannem⁴, quem supra memoravimus. Quem secutus est Deo amabilis Hildebrandus, volens erga dominum suum exhibere reverentiam⁵; nam antea fuerat suus capellanus. Non longo post tempore cum ad ripas Reni prefatus venisset Iohannes, morbo correptus interiit. Quo mortuo et in pace sepulto, venerabilis Hildeprandus, Clu-

a. tirannide c. b. suis c.

1. V 780—797. 2. mater Constantini V, 780—802. 3. V. supra p. 614 n. 5. 4. Gregorium VI. 5. „et invitus“ inquit ipse Gregorius VII in Registri L. VII 14a, supra p. 401: „ultra montes cum domino papa Gregorio abiit.“

niacum tendens, ibi monachus effectus est et inter religiosos 1047 viros adprime phylosophatus est.

Mortuo interea Clemente Romano pontifice, Romani ad imperatorem tendunt, rogantes, dari sibi pontificem. Qui et consensit. Nam patriciali tirannide dedit eis ex latere suo quendam episcopum¹, virum omni superbia plenum; mandans inclito duci Bonifacio², ut eum Romam duceret et ex parte sua introinazaret. Quod et factum est. Quem et alio nomine Damasum³ 1048 vocaverunt. Is, postquam sedem Petri invasit⁴, antequam bis Iul. 17 deni dies⁵ volverentur, corpore et anima mortuus est. Cuius Aug. 9 tam celerem mortem audientes, ultramontani episcopi de cetero timuerunt illo venire.

Interea Romani, tam celeri morte pontificis perterriti, tamen, quia diutius sine pontifice non esse poterant, versus aquilonem tendunt, Alpes transeunt, Saxoniam pergunt, regem ibi inveniunt, orant sibi dari pontificem. Set quia hoc non poterat ad presens leviter fieri, episcopis quippe nolentibus Romam tendere, deliberavit, Reni Franciam visere; credens, ex Lothariorum regno posse invenire episcopum, quem Romanis daret pontificem. Quod et factum est. Nam multis precibus et rogatu Romanorum vix persuasum est Brunoni nobilissimo, moribus de- Dec. center ornato, Tolano⁶ scilicet episcopo⁷

Veniente itaque eo Vesuntium, venerabilis abbas Cluniacensis⁸ obviam ei processit, ducens secum in comitatu venerabilem, de quo supra retulimus, Hildebrandum. Qui cum causas itineris a quodam narrante audisset, cepit rogare patrem⁹, ne illo teneret; dicens eum non apostolicum set apostaticum, qui iussu imperatoris Romanum conaretur arripere pontificatum. Quod ut

1. Popponem episcopum Brixinensem. 2. marchioni Tusciae, patri Mathildae comitissae. 3. II. 4. consecratus Damasus II est d. 17 Iul. 1048, v. Regesta pont. Rom. p. 366. 5. Damasus II sedebat dies 24. 6. Tullensi. 7. „Brunonem — in tantum seduxit, ut papatum Romanum per ipsius investituram susciperet et cum Romanis ad Urbem ipsum transmitteret“. Sic est in Leonis IX vita (ap. Watterich Pont. Rom. vit. T. I 101), in qua conscribenda Bonithonis liber adhibitus est. 8. Hugo. 9. abbatem.

1049 audivit venerabilis pater, tacuit quidem, set Vesuntium venit
 Ian. acceptaque occasione quantocius hec venerabili episcopo intimavit; adiciens simul et morum probitatem et integerrime eius¹ vitae conversationem. Quid plura? Rogavit pontifex, ut eius potiretur colloquio. Quod et factum est; congregatisque tribus in nomine Domini, secundum euangelicum verbum ibi^a fuit Deus in medio eorum².

Nam eius³ consilio acquiescens, papalia deposituit insignia, que gestabat; sumensque scarsellam⁴, usque ad apostolorum lib. Febr. mina properavit. Veniensque in ecclesiam apostolorum principis, sic clerum et populum Romanum allocutus est: *Viri fratres, audivi legationem vestram, cui me contradicere non oportuit; et huc ad vos descendii, primum orationis voto, dein vestris volens obtemperare iussionibus.* Cui cum episcopi et cardinales hoc ei respondentes dicerent: *Hec fuit causa te vocandi, ut te nobis eligeremus pontificem;* et archidiaconus ex more clamaret: *domnum Leonem pontificem sanctus Petrus elegit;* populusque subsequens vocibus iteratis hoc concreparet; cardinales et episcopi, Febr. 12 ut moris est, beatorum apostolorum principis cathedrae eum^b intronizarunt^c.

Postquam papalem adeptus est dignitatem, venerabilem Hildebrandum, donatorem tam salubris consilii, quem ab abbe^d multis precibus vix impetraverat^e, ad subdiaconatus provexit

a. ubi c. b. eum om. c. c. intronizaret c.

1. Hildebrandi. 2. Matth. 18, 20: „Ubi enim sunt duo vel tres congregati in nomine meo, ibi sum in medio eorum“.
 3. Hildebrandi. 4. peram. 5. Cluniacensi, Hugone. 6. Docet igitur Bonitho, Hildebrandum cum Leone IX anno 1049 Romam reversum esse. At sunt qui scriptorem dicant a vero aberrare, propterea quod ipse Gregorius VII in Registri L. II epistola 49 die 22 Ianuarii 1075 data supra p. 164: „Romae“ inquit „in qua — iam a viginti annis inhabitavi“; quibus verbis papam professum esse volunt, se mense Ianuario a. 1075 iam per viginti annos fuisse Romae, reversum post Gregorii VI mortem. Quo quidem nihil est perversius. Die enim 22 Ianuarii 1055 (i. e. viginti annis ante diem 22 Ianuarii 1075) iam plus quam novem menses decesserat Leo IX (mortuus d. 19 Apr. 1054), quocum tamen sese Romam revenisse, in synodo Romana a. 1080 (Reg. VII 14 a, supra p. 401) Gregorius testatur sic: „cum domino meo papa Leone ad vestram specialem ecclesiam redii“. Sed

honorem¹. Quem et economum sanctae Romanae ecclesiae constituit. Cuius consilio synodus mox congregavit, in qua diversarum regionum episcopi convenerunt. In qua etiam sub anathemate interdictum est: non licere alicui episcopo archidiaconatus et preposituras vel abbacias seu beneficia aecclesiarum vel prebendas vel ecclesiarum vel altarium commendationes vendere; et ut sacerdotes et levitae et subdiaconi cum uxoribus non coeant. Quae res magnam veternosum serpentem² concitavit in iram. Quod audientes episcopi, primo quidem, veritati non valentes resistere, tacuere; postea vero, suadente humani generis inimico, inobedientes celavere.

Interea Romae episcopi et cardinales et abbates, per symoniacam heresim ordinati, deponebantur. Et ibi ex diversis verbis illis: „in qua iam a viginti annis inhabitavi“ nihil aliud ostendisse Gregorium liquet, nisi se viginti annos natum coepisse Romae habitare; neque video huic rei contrarium esse, quod Gregorius et in commentario electionis supra p. 10 fertur „in gremio huius matris ecclesiae (Romanae) a pueritia educatus et doctus esse“ et in Reg. VII 23 supra p. 415: „sanctus Petrus“ inquit ipse „a puerō me in domo sua dulciter nutrīerat“. Ex iure enim canonico pueritia ad aetatis annum vicesimum quintum adducitur, teste Gratiani deer. P. I D. 77, c. 7. Quo autem regnante pontifice Gregorius primum Romanam venerit, in „Micrologo de ecclesiasticis observationibus“, conscripto sub ipso Gregorio papa (Maxima bibliotheca patrum, Lugduni 1677, XVIII 475), cap. 14 indicatur hoc modo: „Nam et illi sedi (apostolicae) nostro tempore tales Deus gubernatorem, reverendae inquam memoriae Gregorium papam, imposuit, qui sub decem suis antecessoribus a puerō Romae nutritus et eruditus omnes apostolicas traditiones diligentissime investigavit“. Decem illi autem Gregorii antecessores (omissis nimirum iis, quos non agnoverunt Gregoriani, Benedicto X et Cadalo) hi sunt: 1. Benedictus IX (1033—1048), 2. Silvester III (1044—1046), 3. Gregorius VI, 4. Clemens II, 5. Damasus II, 6. Leo IX, 7. Victor II, 8. Stephanus X, 9. Nicolaus II, 10. Alexander II. Idcirco cum Gregorius sub Benedicto IX ante pontificatum Silvestri III, i. e. spatio annorum 1033—1044 esse Romae cooperit viginti annos natus, cogimus ut existimemus, eum annorum 1013 et 1024 intervallo in vitam venisse; annoque 1073, cum annorum minimum 49, summum 60 annorum esset, pontificatum suscepisse; et anno 1085 obiisse annos saltem 61, maxime 72 annos agentem.

1. Cf. Desiderii abbatis Casinensis Miracula S. Benedicti L. III ap. Mabillon Acta SS. ord. Bened. IV 2 p. 453: „Gregorii itaque pontificis, qui ab eo (Leone IX) educatus ac subdiaconus ordinatus“. 2. diabolum.

1049 vinciis alii ordinabantur, ut ex Lugdunensi Gallia¹ Ubertus² Silve Candide episcopus³; et ex Burgundionum genere Stephanus⁴ abbas et cardinalis; et ex Romericu Monte⁵ Hugo Candidus, qui postea apostata est effectus; et Fridericus⁶ ducis Gottefridi⁷ germanus; et ex Compendio⁸ quidam Azelinus Sutrinus episcopus⁹; et ex Ravennatum partibus Petrus Damiani^{a 10} vir eloquentissimus, et alii quam plures. Tunc fortis armatus¹¹, qui in multa pace custodierat atrium suum¹², sensit se alligatum^{b 13}.

a. Damini cod. b. alligatum *scripti pro obligatum cod.*

1. Cf. Lanfranci librum adversus Berengarium c. 2 (Opp. ed. d'Achery p. 232): „Humbertum — non de Burgundia sed de Lotharingia sanctus Leo Roman traduxit“. Fuit Humbertus Mediani monasterii (Moyen-moutier d. Tullensis) monachus, ut docet Iohannes a Bayono in Chronico Mediani-mon. ap. Belhomme Hist. Med. mon. p. 246. Sigebertus Gemblacensis de scriptoribus ecclesiasticis cap. 150 (ap. Fabricium Bibliotheca ecclesiastica II p. 111) Humbertum a dioecesi „monachum Tullensem“ vocat, qua re commoti posteriores eum monasterii S. Mansueti Tullensis fratrem fuisse perperam putabant; velut Frizon Gallia purpurata p. 89. Cf. Histoire liter. VII 527. 2. sive Ubertus. 3. Cf. Othloni libr. visionum (Mon. Germ. SS. XI 384): „Humperto episcopo — qui beati Leonis nuperime papae comes iugis consiliariusque acceptissimus extitit“. 4. de quo v. Histoire lit. VIII 1. 5. Remiremont, d. Tullensis. 6. diaconus, bibliothecarius, cancellarius sedis apostolicae inde a d. 12 Mart. 1051, deinde abbas Casinensis (1057) postremo papa Stephanus X. 7. Barbati, ducis Lotharingiae. 8. d. Suessionensis. 9. assumptus post m. Apr. 1049. De synodo enim a Leone IX m. Aprili 1049 celebrata, Wibertus in Leonis IX vitae L. II c. 4 (Pontif. Roman. vit. ed. Watterich T. I 154) narrat haec: „Nam episcopus de Sutrio — voluit iniuste se excusare, falsis prolati testibus; sed — non longo post tempore humanis rebus est exemptus“. Ceterum „Azelinum Sutrinum episcopum“ eundem fuisse confido ac „Sutriensem episcopum Klinum“, qui die 3 Oct. 1050 Vesontine fuit cum Leone IX, ut docent Regesta pont. Rom. p. 373. 10. V. Iohannis Vita Petri Damiani c. 1 (in Petri opp. ed. Caietanus Parisiis 1743 T. I p. n): „Vir itaque Dei Petrus — famosissimae Ravennae urbis civis“. 11. diabolus. V. infra n. 12 et 13. 12. Luc. 11, 21: „Cum fortis armatus custodit atrium suum, in pace sunt ea, quae possidet“. Hic versus in „Biblia cum glossa“ (Antwerpiae 1634) T. V 843 ita explanatus est: Cum „diabolus“ fortis „ad nocendum“ armatus — atrium suum „id est mundum“ cet. 13. Marc. 3, 27: „Nemo potest vasa fortis — diripere, nisi prius fortem alliget“. V. Biblia cum glossa T. V 518, ubi super „fortis“ positum est „diaboli“, et super „fortem“ legitur „diabolum“. Cf. Matth. 12, 29 et Biblia cum glossa V 223.

Sequenti vero anno prefatus pontifex sinodum congregavit, 1050 in qua omnibus tam clericis quam laicis auctoritate sancti Petri et Romanae ecclesiae preceptum est: ut abstinerent se a fornicatorum sacerdotum et levitarum communione. Haec sinodus gladium in viscera mersit inimici¹. Nam non solum Romae incontinentes sacerdotes et levitae ab altaris prohibebantur officio, set etiam per vicinas circumquaque regiones et per omnem Tusciam; adiuvantibus monachis, viris religiosis et verbo predicationis insudantibus.

Et hic beatus pontifex legatos suos misit Constantinopolim, 1054 ^{Ian.} habens super aliquibus causis adversus Grecos episcopos quæstiones; ex quorum² numero fuit prefatus Fridericus, magni ducis Gottefridi germanus. Qui, venientes Constantinopolim, a Monomacho³ imperatore honorifice sunt suscepti. Dehinc episcoporum negocio, propter quod venerant, citissime sedato, amplissimis donis donati portantesque beato Petro per maxima donaria, ad propria repedabant.

Interea Normannorum fortissima gens, que Apuliam et Calabriam a Grecorum regni subtraxerat dicione, Beneventanos invadit. Qua tempestate Beneventani compulsi Romam tendunt, 1051 Beneventumque per cartulam offertionis beato Petro tradentes, a domno papa implorant auxilium. Quo facto, non solum pro terris sanctae Romanae ecclesiae invasionis verum etiam pro acerbissimis penis, quas christianis inferebant, commotus, primum quidem gladio excommunicationis eos percussit, moxque eos materiali gladio feriendos iudicavit. Set quia consilia Dei abyssus multa⁴, Dei ineffabili providentia, bello commisso, Normanni viatores extitere. Captumque papam, set ut decuit honorifice tractatum, per medium stragem interfectorum usque Beneventum 1053 ^{Iun. 18} perduxerunt. Set quid plura? Qui pro iusticia dimicantes bello prostrati fuerunt, hos Deus signis et miraculis sibi valde placuisse demonstravit, magnam pro iusticia posteris dimicandi 1053 ^{Iun. 23}

a. monomacha c.

1. diaboli. 2. legatorum. 3. Constantino IX Monomacho.
4. Ps. 35, 7.

1053 dans fiduciam, quando hos in numero sanctorum connumerare dignatus est.

1054 His ita gestis, beatissimus papa Romam rediit. Cumque ad Apr. ecclesiam apostolorum principis pervenisset, languore correptus, ante confessionem eiusdem apostoli delatus et coram omni clero et Romano populo tradens Deo amabili Hildebrando eiusdem Apr. 19 ecclesiae curam¹, celo spiritum reddidit. Cuius corpus in eadem ecclesia cum honore magno humatum est. Ad cuius tumulum egri veniunt et sanantur et infirmi variis languoribus detenti usque hodie^a liberantur.

Set cum persensisset venerabilis Hildebrandus, Romanum clerum et populum in eius consensisse electione, vix multis lacrimis et supplicationibus potuit impetrare, ut eius in^b electione pontificis sequerentur consilium. Moxque cum religiosis viris Alpes transiens, imperatorem adiit; eique in tanta amicicia iunctus est, ut crebris collocutionibus, quantum peccati in largitione pontificis fecisset, ostenderet. Qui, eius salubri acquiescens consilio, tyrannidem patriciatus depositus cleroque Romano et populo secundum antiqua privilegia electionem summi pontifica-1055 tus concessit. Moxque quendam Astensem^c episcopum², prefati imperatoris economum, contra voluntatem eiusdem imperatoris Apr. 13 Romam secum ducunt invitum. Cunque in ecclesia beati Petri secundum morem antiquum clerus elegisset, populusque laudas-set, statim cardinales, ut moris est, eum intronizantes, alio nomine vocaverunt Victorem³.

1052 Huius pontificis tempore⁴ moritur inclitus dux et marchio Mai. 6 Bonifacius, parvulos relinquens heredes. Set non longo post 1054 tempore Gotefridus dux⁵, vir magnificus et in bellicis rebus

a. hodie addidi; cf. *infra de Gregorii VII obitu.*
eius cod. c. sic pro Aistetensem

b. eius in *scripti pro in*

1. At Hildebrandum constat eo tempore in Gallia fuisse. V. Berengarii de sacra coena adversus Lanfrancum librum, ed. Vischer p. 53: „nunciatum illi (Hildebrando in Gallia moranti) est, papam Leonem rebus decessisse humanis“. 2. Gebehardum I ep. Eistetensem. 3. II. 4. immo iam d. 6 Maii 1052. V. Donizonis vit. Mathildis v. 1124, Mon. Germ. SS. XII 373. 5. Lotharingiae.

strennuissimus Italiā veniens, eius relictam¹ accepit in con- 1055 iugem.

Quod audiens, imperator Italiā venit, eumque in Longobar- Apr. dico regno non invenit. Prefatus itaque rex Longobardiam ve- niens, in primis Ottonis² filiam³ et Adalheide infantulam suo accepit filio⁴ in coniugem⁵. Sicque sedatis omnibus^a Longo- Jun. 4 bardici regni negotiis, invitatus a papa, Florentiae synodum me- diavit; in qua synodo consilio venerabilis Hildebrandi symoniaca heresis et turpissima fornicatio sacerdotum divino mucrone per- cussa est. Nam in eadem synodo multi episcoporum per symo- niacam heresim^b depositi sunt et quam plures per fornicationis crimen; inter quos et episcopus eiusdem civitatis depositus est⁶. Quid multis moror? Celebrato rite concilio, benedictione auctus pontificali, imperator Longobardiam remeavit. Cunque eo ven- tum fuisset, Beatricem cum unica filia Bonefacii nomine Mathil- dam — nam paulo ante eius filius⁷ et maior filia⁸ maleficio ne- scio cuius obierant — dolo captas, secum duxit ultra montes, Bonefacii ambiens hereditatem; nesciens, quid suprema dies in proximo sibi pararet. Nam vi febrium exagitatus, mox ut Reni Franciam intravit, evocavit ad se magnificum ducem Gotefridum; redditaque sibi uxore cum Bonefacii filia omnibusque ad eam 1056 pertinentibus possessionibus — multum suplicans, ut filio suo iam regi^c designato portaret fidelitatem — post paucos dies mortuus Oct. 5 est. Cuius corpus Spire honorifice cum patre sepultum est; su- scepitque filius eius cum matre⁹ regni gubernacula.

Post paucos vero dies moritur et papa. Post eius mortem 1057 Iul. 28 convenientes in unum clerici Romanae aecclesiae simul cum laude populi eligunt sibi Fridericum, Cassinensis monasterii ab- Aug. 2 batem, de quo supra memoravimus; quem alio nomine vocave-

a. omnibus c. b. heresim addidi. c. rege c.

1. Beatricem. 2. marchionis Taurinensis. 3. Bertham. 4. Hein- rieco (IV). 5. At haec sponsalia d. 25 Dec. 1055 Turegi, reverso ex Italia imperatore, facta esse scimus. V. Bertholdi annales ad 1056, Mon. Germ. SS. V 269. 6. Minime quidem. Fuit enim tum episcopus Floren- tinus Gerardus, quem iam sub Leone IX anno 1050 hac dignitate usum esse docent Regesta pont. Rom. n. 3216, quique postea papa constitutus est Nicolaus II (1059—1061). 7. Fridericus. 8. Beatrix. 9. Agnete.

1057 runt Stephanum¹; quem secundum antiquum morem ad altare
 Aug. 3 beati Petri consecraverunt Romanum pontificem. Is venerabilem
 Hildebrandum ad diaconatus promovit ordinem et eum sanctae
 Romanae ecclesiae ordinavit archidiaconem².

EXPLICIT QUINTUS

INCIPIT SEXTUS.

Eodem tempore Mediolanensis aeccllesia, que fere per 200 annos superbiae fastu a Romanae ecclesiae se subtraxerat dictione, primum se inter alias ecclesias subiectam esse cognovit. Quod quando^a evenerit, quoniam posteris credo scire^b necessarium, huic opusculo inserere deliberavi.

Mediolanensis igitur civitas, totius Longobardiae metropolis, temporibus Romanorum imperatorum sedes erat augustalis, in 374—397 qua multi religiosi floruere episcopi; inter quos et beatus Ambrosius, gemma sacerdotum, cuius flores eloquiorum usque hodie in ecclesia redolent. Hic, secutus orientales, primum antiphonam in ecclesia decantare constituit³. Set longo post tempore beatus 590—604 Gregorius cantandi officium tribuit occidentalibus; qui — cognoscens, quia in unitate cantus tantum non est regnum Dei, set in obedientia et pace — Mediolanensem ecclesiam, in omnibus sacramentis sancte Romanae ecclesiae unitam, per reverentiam beati Ambrosii doctoris, quem in hoc secutus est intermiscens illius antiphonas suis cantibus, secundum antiquum morem cantare permisit.

Post multum vero temporis, cum se prefata aeccllesia synoniaca tota servituti manciparet^c hereseos, episcopi, veriti Romanum iudicium, hoc proverbium seminavere in populo: *Ambrosiana aeccllesia in suo statu permaneat*; falsitatis arguentes Ambrosium: sepissime in suis scriptis hoc intonantem, hereticum esse, qui se a Romanae ecclesiae in aliquo subtraxerit dictione.

a. qn̄ c. b. scire addidi. c. servituti manciparet *scripti pro serviret c.*

1. X. 2. Landulfus quoque in Hist. Mediol. III 13 (Mon. Germ. SS. VIII 82) Hildebrandum a Stephano X archidiaconem factum esse narrat. Constat tamen, eum anno 1059 demum a Nicolao II hoc munus accepisse. 3. Cf. Gerbert de musica sacra I p. 45.

Prefati vero Romani pontificis tempore Gwido Mediolanen- 1045-1075 sem vastabat ecclesiam, vir illiteratus et concubinatus et absque ulla verecundia symoniacus. Huins Guidonis tempore fuere duo clerici in prefata civitate; quorum alter nomine Landulfus ex maiorum prosapia ortus, vir urbanus et facundissimus; alter vero vocabatur Arialdus, ex equestri progenie trahens ortum, vir liberalibus studiis adprime eruditus, qui postea martirio coronatus est. Hii cum sepissime sacris incumberent libris et pre- cipue beati Ambrosii, invenere^a, quantum crimen sit, talentum creditum abscondere¹. Huius rei gratia se Deo et beato aposto- lorum principi committentes, quadam die divina iuvante gratia e. 1056 verbum predicationis faciunt ad populum; in qua fraudes symo- niace venalitatis populo propalavere; et, quam turpissimum esset, sacerdotes et levitas concubinatos sacramenta celebrare, luce clarius demonstravere; et, quia hereticum esset Romanae ecclesie non obedire, beato Ambrosio teste, declaravere. Quod audientes, qui predestinati erant ad vitam, libenter accepere; et maxime pauperes, quos elegit Deus, ut confundat fortia². Multitudo vero clericorum, que in eadem aecclesia est innumerabilis ut harena maris, concitaverunt capitaneos et varvassores, ecclesia- rum vendidores, et consanguineos et concubinarum suarum pro- pinquos; et sedicione exorta, silentium eis imponere satagebant. Set spe sua frustrati sunt. Nam cum crescente cottidie numero fidelium mirifici Dei athletae acrius verbo insudabant predica- tionis; et, propalata eorum nequicia, cottidie Dei inimici in- pingebantur et minuebantur³ in tantum: ut ipsum eiusdem ec- clesiae dictum pontificem ab ecclesia quadam die expellerent. 1057

Quod videntes symoniaci, non valentes tamen veritati et tante multitudini resistere, confundebantur; eisque paupertatem improperantes, paterinos, id est pannosos⁴, vocabant. Et illi

a. invenire e.

1. Matth. 25, 25. 2. 1 Corinth. 1, 27: „et infirma mundi elegit deus, ut confundat fortia“. 3. 2 Macc. 13, 19: „sed fugabatur, impingebat, minorabatur“. 4. Mediolanenses hodie etiam pannos scrutaque „pattaria“ vocant; v. Cherubini Vocabolario Milanese-Italiano: Pattaria „ciarpe, cen- ceria, sferre vecchie“. Cf. quae in Mon. Germ. SS. VIII 20 n. 17 ex Giulini

1057 quidem, dicentes fratri: racha, rei erant iudicio¹ — rachos² enim Grece, Latine pannus dicitur — hii vero beati, qui pro nomine Iesu digni erant contumelias pati³. Quid plura? Crescebat cottidie gloriosum genus Paterinorum in tantum, ut destinarent, mittere honestos viros Romam, qui beatum Stephanum papam rogarent, ut secum mitteret religiosos episcopos, qui illorum ecclesiam a fundamentis reedificarent. In tanta enim ac innumerabili turba clericorum vix ex mille quinque poterant inveniri, qui non symoniace hereseos maculis^a essent irretiti. Quod ut audivit papa, gavisus est; et confestim misit a latere suo episcopos⁴ et cum eis Deo^b amabilem Hildebrandum archidiaconem. Qui venientes Mediolanum, archiepiscopum ibi non invenerunt; fugerat enim conscientia accusante eorum presentiam. Set a populo honorificentissime, ut decuit, suscepti sunt. Qui per aliquantos dies, confortantes plebem, verbo predicationis insistebant.

His ita gestis, Deo amabilis Hildebrandus ad Lugdunensem 1055-1057 Galliam usque pervenit, ibique magno celebrato concilio⁵, symoniacam heresim et detestabilem clericorum fornicationem usque ad Pyreneos montes et ad Britanicum mare persecutus est. In quo concilio satis magnum miraculum et evidens per pre-

a. sequitur iterum non in cod. *b. Dei c.*

Mem. di Milano IV 98 attulit Wattenbach: „la contrada de' rivenduglioli di panni vecchi, detti da noi patari“. (Arnulfus, Gest. archiep. Med. L. IV c. 11, Mon. Germ. SS. VIII 28, de origine vocis sic alueinatus est: „Unde Patarinum processit primo vocabulum, non quidem industria, sed easu prolatum. Cuius idioma nominis, dum in quodam etymologiarum tomo nuper plura revolverem, ita scriptum reperio: „Pathos Graece, Latine dicitur perturbatio““. Unde iuxta meae parvitatis ingeniolum statim conitio, quod Patarini possunt perturbatores rite nuncupari“.)

1. Matth. 5, 22: „Qui autem dixerit fratri suo: raca, reus erit concilio“. 2. τὸ ἔακος. 3. Act. apost. 5, 41: „digni habiti sunt pro nomine Iesu contumeliam pati“. 4. Anselmum I episcopum Lucensem (qui postea papa creatus est Alexander II). V. Landulfi Hist. Med. III 13, l. l. p. 82. 5. Concilium hoc et miraculum in eo factum sese, non a Stephano X sed a Victore II in Galliam missum, egisse, ipse Hildebrandus retulit et Desiderio abbatii Casinensi, postea papae Victori III (v. Desiderii miracula S. Benedicti ap. Mabillon Acta SS. IV 11 458) et Petro Damiani (v. Petri de abdicatione episcopatus c. 6, opp. ed. Caietanus T. III 216).

fatum archidiaconum Deus ostendit. Forte in eadem sinodo ad- 1055-1057 erat Hebronensis archiepiscopus¹, vir valde eloquentissimus. Hic cum ab aliquibus de symoniaca heresi esset accusatus, sequenti nocte omnes accusatores pecunia fecit amicos; maneque facto insultabat iudici, dicens: *Ubi sunt, qui me accusabant? Nemo me condemnabit*^a. Quod audiens archidiaconus prefatus ait ad episcopum: *Credis, o episcope, Spiritum sanctum unius cum Patre et Filio esse substantiae et deitatis?* Quo respondente: *Credo;* *Dic* inquit: „*Gloria Patri et Filio et Spiritui sancto*“^b. Cunque hunc versiculum fiducialiter cepisset, *Gloria Patri et Filio* dicebat, set *Spiritus sanctum* nominare non valebat. Quem cum sepe cepisset et nihil profecisset, pedibus eius obvolutus, symoniacum se esse professus est. Qui, mox ut ab episcopatu depositus est, *Gloria Patri et Filio et Spiritui sancto* clara voce confessus est. Quod factum magnum terrorem intulit symoniacis in tantum, ut in eodem die decem et octo episcopi se professi sint symoniacos esse; sedibusque episcopalibus renunciaverent. Celebrata itaque tam sancta sinodo, ecclesiasticis rebus rite compositis, Romae ad summum pontificem citissime remeant.

Prefatus vero beatus Stephanus papa spiritum dicitur habuisse prophetiae. Nam paucis diebus transactis antequam obiret, 1058 Mart. vocans episcopos et cardinales et levitas, his verbis eos allocutus est: *Scio fratres, quia post mortem meam exsurgent viri ex vobis, amantes semet ipsos, qui non per decreta sanctorum patrum, set per laicas personas hanc sedem arripiunt.* Quo audito, omnes pariter negavere, et sacramento dato in manu papae sese mutuo ligavere: nunquam se aliter, quam decreta sanctorum patrum exigunt, ad pontificalem ascendere sedem, vel ascendentibus consentire. Post paucos vero dies in partibus Tusciae veniens, languore correptus, spiritum coelo reddidit.

Mart. 29

Post cuius obitum Romae capitanei, et maxime Gregorius

a. condemnavit c.

1. Qui videtur Hugo archiepiscopus Ebredunensis fuisse. V. Gall. Chr. III 1069. Pro „Hebronensis“ est „Eburdunensis“ al. „Ebrudicensis“ ap. Iacobum de Voragine, „Ebronensis“ ap. Ricobaldum Ferrar.; quorum uterque hoc Bonithonis opere usus est. V. supra p. 584 n. 1 et p. 585 n. 3.

1058 Tusculanus, qui patricialem sibi inanem quondam vendicaverat
 Mart. 29 dignitatem^a, assumentes tirannidem, quendam Velliterensem epis-
 scopum cardinalem¹ contra hoc, quod papae dudum in manu
 Apr. 5 ipsem iuraverat, ad papalem evehunt dignitatem; quem verso
 nomine Benedictum² vocavere.

Dum hec ita gererentur, Heinrici imperatoris coniunx cum
 filio parvulo, ut supra retulimus, regni tenebat gubernacula. Que
 multa contra ius feminea faciebat audacia. Haec in primordio regni
 sui eiusdem omnes^b Italici regni curas cuidam Guiberto commisit
 Parmensi, nobili orto genere; eumque cancellarium appellavit.

Interea Deo amabilis Hildebrandus, cum cardinalibus epis-
 copis et levitis et sacerdotibus Senam conveniens, elegit sibi
 Gerardum, Florentinae civitatis episcopum, quem alio nomine
 appellavit Nicholaum³. Hic idem prefatum Guibertum, Italici
 regni cancellarium, ex parte beati Petri et per veram obedientiam
 invitavit ad synodum, et cum eo magnificum virum Gote-
 fridum, et non solum Tusciae set et Longobardiae episcopos: ut,
 venientes Sutrium, de periuro et invasore⁴ tractarent consilium.

1059 Quos ubi Sutrium adventantes audivit prefatus Benedictus, con-
 Ian. scientia accusante, sedem quam invaserat deseruit, et ad pro-
 priam domum se contulit. Hoc postquam Sutrio nunciatum est,

venerabilis Nicholaus sine aliqua congresione^c victor Romam
 intravit; et ab omni clero et populo honorifice susceptus est, et

Ian. 24 a cardinalibus in beati Petri intronizatus est sede. Non multo

Apr. post tempore veniens prefatus Benedictus, qui alio nomine Min-
 cius vocabatur, ad genua papae provolvitur, clamans se vim per-
 pessum; tamen periurium et crimen invasionis non negavit. Qui
 ex propria confessione episcopali et sacerdotali ordine depositus
 est. Quo facto, magnificus dux Gotefridus una cum cancel-
 lario et episcopis domum remearunt.

Venerabilis vero a Deo protectus pontifex, Apuliam tendens,
 Iul. Normannos vinculo excommunicationis absolvit. Tradensque eis
 per investituram omnem Apuliam et Calabriam et terras beati

a. dignitatem c. b. omnes eiusdem c. c. venerabilis sine aliqua congres-
 sione Nicholaus c.

1. Iohannem. 2. X. 3. II. 4. Benedicto X.

Petri, ab eis olim invasas, excepto Benevento, omnes inde di- 1059
ciones accepit et eos sibi iurare coegit. Et per eos citissime ^{Iul.}
Romanam urbem a capitaneorum tirannide liberavit.

Nam non solum Tusculanorum et Prenestineorum et Nu- Febr.
mentanorum superbiam calcavere set et, Romam transeuntes, Ga-
leriam et omnia castra comitis Gerardi usque Sutrium vastavere.
Que res Romanam urbem a capitaneorum liberavit dominatu.

His ita gestis, Normannis Apuliam remeantibus, legati
Mediolanensium orant papam, ut eorum ecclesiae funditus de-
solatae misereretur. Huius rei gratia confestim venerabilis pon-
tifex misit Petrum Damiani Hostiensem episcopum, virum omni
scientia preditum, qui prefatam Mediolanensem visitaret eccle-
siam. Qui, eo veniens, magna cum discretione ea, que destructa
invenerat, reedificabat. Nam sumens sacerdotes et levitas, quos
invenire poterat religiosiores, castae vitae et bonae famae, qui
non per venalitatem susceperant ordinationem, etsi a symoniaco
essent ordinati, reconciliabat eisque ecclesiam tradidit gubernan-
dam; ex quorum numero multi religiosi usque ad nostra tem-
pora extitere. Quod aliquibus visum est culpabile, sapientibus
valde laudabile. Quid enim laudabilius ea tempestate poterat
inveniri, quam ut talis ecclesia sacerdotio^a non deperiret?

Set non longo post tempore congregavit prefatus pontifex Apr.
synodus. In qua Guido Mediolanensis episcopus volens nolens
sedisse, cogentibus Paterinis, cognoscitur; ducens secum cervicosos
tauros, Longobardos episcopos, id est Cunibertum Taurinensem
et Giselmum Astensem et Benzonem Albensem et Gregorium
Vercellensem et Ottонем¹ Novariensem et Opizonem Laudensem
et Aldemannum Brixensem^b. Quibus omnibus in eadem synodo
preceptum est, ut sacerdotes et levitas concubinatos ab altaris
arcerent officio. Erga symoniacos vero nullam^c misericordiam
habendam esse decreverunt².

a. *an* sine sacerdotio? b. Brixensem c. *sequitur* habere *in cod.*

1. II. 2. „Erga simoniacos nullam misericordiam in dignitate ser-
vanda habendam esse decernimus“. V. Nicolai II „decretum contra simo-
niacos“ ap. Mansi XIX 899; cf. Regesta pont. Rom. p. 386.

1059 Et communi omnium episcoporum consilio in hac synodo
Apr. hec lex de electione pontificis definita est; cui legi 113 episcopi
 subscripsere: *Si quis¹ apostolicae sedi sine concordia^a et cano-
 nica electione cardinalium et sequentium religiosorum clericorum
 fuerit intronizatus, non apostolicus set apostaticus habeatur; li-
 ceatque² cardinalibus cum aliis Deum timentibus clericis et laicis:
 invasorem et anathematizare et humano auxilio et studio a sede
 apostolica pellere, et quem dignum iudicaverint^b preponere^c.*
*Quodsi intra Urbem hoc perficere nequiverint, auctoritate apo-
 stolica extra Urbem congregati in loco, qui eis placuerit, elec-
 tionem faciant; concessa electo^d auctoritate regendi et disponendi
 res ad utilitatem sanctae Romanae ecclesiae iuxta qualitatem
 temporis, quasi iam intronizatus sit³.*

Concilio igitur rite celebrato, episcopi Longobardi domum
 remeantes, cum magnas a concubinatis sacerdotibus et levitis
 accepissent pecunias, decreta papae celaverunt; preter unum, Bri-
 xiensem scilicet episcopum. Qui veniens Brixiam, cum decreta
 papae puplice recitasset, a clericis verberatus, fere occisus est.
 Quod factum non mediocre Patariae dedit incrementum. Nam
 non solum Brixiae set et Cremone et Placentie et per omnes alias
 provincias multi se a concubinatorum abstinebant communione.

Huius quoque prefati pontificis tempore Hugo Candidus,
 cardinalis Romanus, quem superius⁴ a beato Leone papa ordinatum
 esse retulimus, a Romanae ecclesiae recessit societate. De
 cuius morum perversitate melius est silere quam pauca dicere.
 Set ut brevius cuncta perstringam: qualis fuit oculis, talis fuit
 factis; ut enim habuit retortos oculos, ita eius retorta fuerunt acta.

Interea crescebat non solum per Italiam set et per omnes

a. concordia c. b. dicaverint cod. pro di(gnum iudi)caverint. c. repone-
 nere c. d. electa c.

1. „Si quis — apostaticus habeatur“ ex Nicolai II epistola ap. Mansi XIX 897. Cf. Gratiani Decr. P. I D. 79 c. 1. Ex eadem Nicolai II epistola, episcopos 113 in synodo fuisse, intellexit Bonitho, ut iam vidit Waitz For- schungen zur deutschen Geschichte IV 112. 2. „liceatque — introni-
 zatus sit“ ex „decreto contra simoniacos“, v. supra p. 643 n. 2. Cf. Gra-
 tiani Decr. P. I D. 79 c. 9. 3. de hac lege v. supra p. 601. 4. p. 634.

Gallias numerus fidelium; symoniaci de die in diem propala- 1059
bantur, sacerdotes concubinati aspernabantur. Apr.

Venerabilis vero Nicholaus papa, cum paucos in papatu 1061
vixisset annos, beato fine quievit. Post cuius obitum secundum Jul. 27
maiorum decreta clerus et populus R(omanus) elegit sibi Anshel- Oct. 1
num¹ Lucensem episcopum, Mediolanensem genere, nobili pro-
sapia ortum, virum utraq[ue] scientia pollentem; quem alio nomine
vocaverunt Alexandrum².

Interea Longobardi episcopi nacti³, se tempus invenisse
oportunum, in simul convenient, auctore Guiberto quem superius
diximus cancellarium, et concilium celebrant malignantium⁴, in
quo deliberant: non aliunde se habere papam nisi ex paradi-
Italiae, talemque, qui sciat compati infirmitatibus eorum. De-
hinc ultra montes pergunt animumque imperatricis utpote femi-
neum alliciunt, figmenta quedam componentes quasi veri similia.
Nam dicebant: eorum dominum⁵, ut heredem regni, ita heredem
fore patriciatus; et beatum Nicolaum decreto firmasse, ut nullus
in pontificum numero deinceps haberetur, qui non ex consensu
regis eligeretur. His et talibus machinationibus decepta, im-
peratrix feminea licentia assensum dedit operi nefario, quale
non fuit a die, qua gentes^a esse ceperunt: ut, ubi nullus cleri-
corum Romanorum vel laicorum interfuit papae electioni, ibi⁶
pontifex eligeretur a consimilibus fornicatoribus et symoniacis;
qui, ve, accipiens per manus regis et reginae crucem et papalia
insignia, ab aquilone veniret Romam, unde secundum Ieremiam
pandetur malum super universos habitatores terre⁷. Quid plura?
Eligunt sibi Parmensem Cadolum, virum divitiis locupletem, vir- Oct. 28
tutibus egenum. Qui, stipatus multis militibus, intravit Longo- 1062
bardiam, habens secum in comitatu cervicosos episcopos Longo-
bardiae, nescientes suave iugum Domini ferre⁸. Tunc symoniaci
letabantur; concubinati vero sacerdotes ingenti exultabant tri-

a. ēs c.

1. I. 2. II. 3. Cf. supra p. 623 n. 7. 4. Ps. 21, 17. 5. Hein-
ricum IV. 6. Basileae. 7. Ierem. 1, 14: „Ab aquilone pandetur ma-
lum super omnes habitatores terrae“. 8. Matth. 12, 30.

1062 pudio. Set quid plura? Secundum euangelicum verbum omnis exultatio istorum unius mulieris contradictione terrae prostrata est, tantusque superborum potentatus, sola Beatrice interdicente, velut fumus evanuit.

Sed non longo post tempore prefatus Cadolus furtim Bononię venit, in qua suos expectavit milites. Quibus receptis, Apr. Romam tendit, portans secum ingentia auri et argenti pondera. Set tunc non defuere Romae viri pestilentes, amantes semet ipsos, avari et cupidi, qui ei se coniunxere; inter quos et Romanī capitanei, volentes Romanam urbem opprimere et sub potestate sua ut antiquitus redigere. Interea Deo odibilis ille in prato Neronis castra metatus est; occultoque Dei iudicio, bello Apr. 14 commisso, vicitor apparuit. Set o ineffabilis Dei providentia, o mira Dei clementia! Qui vicitor extitit, antequam mensis esset Mai. transactus, veniente duce Gotefrido Romam, multis precibus et magnificis donis eidem duci collatis, vix, ut victus discederet, impetravit.

Qui, veniens Parmam, ad officinam scilicet^a iniquitatis, col-
1063 legit pecuniam. Et transacto anno, occulte quasi fur Romaniam venit. Ibique, data magna pecunia, collegit multitudinem equitum, adiuvantibus capitaneis et quibusdam pestiferis Romanis, noctu civitatem Leonianam intravit et ecclesiam sancti Petri invadit. Maneque facto, tantus terror celitus milites, qui secum venerant, invadit, ut omnes, nemine cogente, solo eo relicto in ecclesia, fugam arriperent. Qui consilio Cencii¹, cuiusdam pestiferi Romanī, castrum sancti Angeli intravit ibique se tutatus est. Quo^b in eodem castro per duos annos^c obsesso, post^d multas et varias 1064 calamitates, quas inibi passus est, non ante datum est ei inde exire, quam ab eodem Cencio trecentis libris argenti se comparavit. Unoque clientulo contentus, unius iumenti adiumento inter oratores Bercetum² egre pervenit.

a. scili cod. (i. e. seculi) pro scil (i. e. scilicet). Cf. infra L. VII: ex officina ini-
quitatis, scilicet Parmensi civitate. b. Cui c. c. sic cod. d. per c.

1. filii Stephani praefecti; cf. libr. VII infra. 2. Berceto, a Pontremoli inter septentriones et orientem.

Dum haec ita se haberent, Mediolani^a canonica cohabitatio 1064 primum exorta est; que res magnam movit inimicis invidiam. Post paucos vero dies, postquam haec gesta sunt, moritur Landulfus Mediolanensis clericus, de quo supra retulimus, et in pace sepultus est.

Interea Teutonicorum archiepiscopi et episcopi abbates duces 1062 et comites curiam sibi constituunt, in qua deliberaverunt: imperatricem dehinc privato seemate vivere; indignum iudicantes, regnum muliebri regi arbitrio, tum quia monacha erat et euris eam non decebat servire secularibus, tum quia eorum dominus adultam iam videbatur ascendisse etatem. Commune consilio decrevere: venerabilem Annonem Coloniensem^b archiepiscopum regis et reginae tenere gubernacula. Deponentesque Guibertum, Italici regni Gregorium Vercellensem constituere cancellarium.

Prefatus vero Anno, nil melius cogitans, quam ut regnum 1064 sacerdotio uniretur, Italiā veniens, Romam tendit papamque convenit: cur absque iussu regis ausus sit Romanum accipere pontificatum. Cui cum Deo amabilis Hildebrandus dixisset, in electione Romanorum pontificum secundum decreta sanctorum patrum nil regibus esse concessum; et ille respondisset, ex patriciatus hoc licere sibi dignitate; mox venerabilis archidiaconus has sinodales obiecit propositiones ex Symachi sinodo¹, in qua interfuere 150 episcopi: *Laurentius Mediolanensis episcopus dixit:* „Non placuit laico statuendum, in ecclesia habere aliquam potestatem; cui subsequendi maneat necessitas, non auctoritas imperandi“². *Eulalius episcopus Siracusanae ecclesiae dixit:* „Laiici quamvis religiosis^c nulla de ecclesiasticis aliquid disponendi legitur unquam attributa facultas“³. Cunque ille decreta papae Nicholai^d obieciisset; eique citissime per decretum⁵ eiusdem papae Nicholai, in quo 113^d episcopi subscripsere, obviatum fuisset;

a. Mediolanio c. b. Colonensem c. c. Laici — religiosi c. d. CXIII cod.

1. d. 6 Nov. 502. 2. ex actis ap. Mansi VIII 267. Cf. Gratiani Decr. P. II C. XVI qu. 7 c. 23. 3. indidem, ap. Mansi VIII 268. Cf. Gratiani Decr. P. II C. XVI qu. 7 c. 24. 4. quibus Heinrico III et eius filio Heinrico IV de constituendo papa privilegium concessum erat. 5. id intelligi vult Bonitho, quod legitur supra p. 644.

1064 rogavit prefatus archiepiscopus domnum papam: ut dignaretur sinodum congregare et rationem de se reddere. Quod ut ille audivit, licet a Romanorum pontificum hoc esset alienum dignitate, tamen, quia necessitas urguebat, facere promisit.

Moxque apud Mantuam sinodum evocavere, in qua Cadolus cum Longobardorum episcopis posset convenire. Set Longobar-
Mai. 31 dorum episcopi una cum eorum metropolitano omnes illo con-
venere, preter Cadolum, qui conscientia accusante venire timuit. Venerabilis vero papa, veniens Mantuam et rationem de se red-
dens, citissime omnes inimicos fecit amicos. Nam mox omnes Longobardi episcopi, pedibus suis advoluti, reos se esse confessi,
veniam petiere et impetravere. Sicque regno et sacerdotio unito, papa cum honore Romam remeavit; quique vero episcopi cum alacritate tendunt ad propria. Huic tanto concilio inter-
fuerunt dux¹ Gotefridus² et Otto³ Saxo dux Baioariorum.

1066 His ita transactis, rex accepit coniugem Deo dilectam Ber-
Iul. 13 tam, filiam Ottonis et Adalheide^a, quam pater suus infantulam sibi dederat⁴ infantulo. Qui, rite celebratis nuptiis, per se regni cepit tenere gubernacula.

Moxque, rogatus a Guidone Mediolanensi archiepiscopo, Cre-
monensem episcopatum suo nepoti donavit Arnulfo. Qui qua-
liter Cremonensibus, antequam eligeretur, sacramento iuraverit,
quamque in primordio levis moribus apparuerit^b, quia multis credo notissima, omitto narrare.

Set venditores ecclesiarum, Mediolanenses capitanei et var-
vassores, cum viderent se pecuniis nudari, contristabantur. Oc-
casioneque accepta cuiusdam predicationis, quam venerabilis Arialdus fecerat in populo dicens: non licere ieunare in diebus Iun. 4 pentecostes, sedicionem movent in populo, quasi hoc esset contra beati Ambrosii letanias; domum clericorum simul viventium di-
ripiunt, ipsumque post paucos dies a civitate expellunt. Cum peregre proficiscens coniunxit se cum eo quidam, solo

a. sic est in cod. correctum Adalete.

b. apparet c.

1. Lotharingiae. 2. Barbatus. 3. de Nordheim. 4. 1055
Dec. 25. V. supra p. 637 n. 5.

nomine sacerdos¹, et eum propinquis archiepiscopi tradidit. Quem 1066 accipientes et eum omnibus membris debilitantes, postremo in Iun. 27 lacum² mittentes^a necaverunt^b³. Cuius corpus, postquam decem menses sub aqua iacuit, revelatum est⁴. Quod ut audivit Her- 1067 Mai. 3 limbardus, supradicti Landulfi germanus, colligens omnem multitudinem Paterinorum, tam diu castra propinquorum archiepi- scopi obsedit, donec corpus venerabilis Arialdi^c ei reddiderunt. Quod, Mediolani delatum, in ecclesia sancti Celsi summo cum honore humatum est^d; ubi per eius meritum usque hodie variae Mai. 27 infirmitates curantur.

Interea Cremona verbum Dei mirabiliter crescebat. Qua- liter vero 12 viri, zelo Dei ducti, consilio domni Christofori ab- batis iuravere; et quomodo universus Cremonensis populus hos imitatus est; et quomodo universos sacerdotes et levitas concu- binatos eiecere; et qualiter ipsum episcopum^e, in^d ipso die pas- sionis Domini sacerdotem Paterinorum comprehendere nitentem, verberavere; et quomodo post sanctum pascha honestos viros nuncios ad papam misere, dicere non curabo. Scutum vero, quod Cremonensibus per eosdem nuncios venerabilis papa man- davit, huic opusculo inserere deliberavi:

„Alexander episcopus^f servus servorum Dei Cremonensis ecclesiae religiosis clericis et fidelibus laicis salutem et aposto- licam benedictionem. Inspiratori omnium bonorum Deo et bonae voluntatis auctori uberes referimus gratias, qui vos ad- versus hostem humani generis virtutum suarum telis armavit et ad destruendam symoniacam heresim ac fornicatorum^g spur- cicias clericorum ferventer accendit. Erexitis vos^h enim, sicut in literis vestris cognovimus, contra versutias serpentis antiqui;

a. mittentes addidi. b. necaverunt in litura manu eadem. c. Arialdi cod.
d. qui in cod. e. episcopus om. c. f. fornicationum c. g. vos om. c.

1. „quidam presbyter“. Andreae Vita Arialdi VII 66, Acta SS. Iunii T. V 297. 2. Lacum maiorem (Lago maggiore). V. Andreae Vitam Arialdi l. l. et VIII 72 p. 299, et Landulfi Hist. Med. III 30, Mon. Germ. SS. VIII 95. 3. die 27 Iunii 1066. V. Andreae Vitam Arialdi VIII 80 l. l. p. 300. 4. „in die inventionis sanctae Crucis“ (3 Maii 1067), Andreae Vita Arialdi VIII 73 l. l. p. 299. 5. „in die sancto pentecostes“, Andreae Vita Arialdi VIII 79 l. l. p. 300. 6. Arnulfum.

1067? et qui velut biceps coluber per fistulas geminarum faucium nequiae sua super vos venena nequiter evomebat, sancti zeli vestri telo^a perfosum, atque precisum se virtutis vestrae pugione suspirat. Plane, qui serpenti dudum in paradiso damnationis eterne iudicium intulit, ipse vos adversus modernam occulti draconis astutiam unanimiter incitavit. Quam ob rem, ut^b sanctis conatibus vestris etiam huius sancte sedis apostolicae accedat vigor, hoc ipsum apud vos per omnia decernimus observandum, quod a sanctis predecessoribus nostris et a cunctis pene sanctorum canonum conditoribus non ambigimus institutum: videlicet ut tam subdiaconi quam diaconi, set et permaxime sacerdotes, qui mulieribus carnali commercio admiscentur vel symoniaca sorde polluti sunt, et ecclesiasticis careant beneficiis et perceptae priventur officio dignitatis. Indignum est enim, ut, qui vel per incontinentiam carnis vel per commercium sacrilegæ venalitatis suscepti ordinis privatur honore, ecclesiastica pociatur ulterius facultate. Ceteros autem clericos, qui videbant inferioribus pociuntur officiis, si legalibus coniugiis sunt obligati, in suis gradibus manere precipimus, et eis^c competentia ecclesiastici sumptus beneficia non negamus. Set quia nonnulla preter hec, que vobis sunt admodum necessaria, ut a nostra respondeatur auctoritate, consultis, hortamur: ut ad^d sinodale concilium, quod auctore Deo post proximum pascha celebraturi sumus, prudentes ex vobis viros venire non pigeat; qui nobis, quicquid exigendum est vestrisque utilitatibus conferendum, non per indicia^e litterarum set per vivae vocis officium patenter exponant. Huius enim bello, quod zelo divini fervoris estis aggressi, non segniter set omni virtutis instantia Romana sedes accurrit, brachium porrigit, clipeum defensionis obponit; et vos, ut magis ac magis contra menbra diaboli non energiter insurgere debeatis, accedit. Igitur unusquisque vestrum, divinae virtutis mucrone precinctus, dicat: *Si quis est Domini, iungatur mecum*¹; sicque cum Moyse quasi de porta in portam castrorum²

a. zelo cod. b. ut addidit Watterich. c. eis addidi. d. ad addidit Watterich. e. iudicia c.

1. Exod. 32, 26. 2. Exod. 32, 27.

tanquam fervidus bellator in sacrilegos irruat, ut symoniaceae ven- 1067?
litatis et clericalis adulterii ianuas, per quas diabolus in vestram
fuerat ingressus ecclesiam, cesis cadaveribus claudat. Omnipot-
tens, dilectissimi filii, sua vos dextera benedicat, et per officium
beati apostoli sui Petri ianuam vobis celestis regni aperiat“.

His salutiferis ammonicionibus accensi, Cremonenses placi-
tum Dei mox incipiunt, symoniacos et fornicatores ab ecclesia
sua expellunt. Quos imitantes, Placentini Romanae se continuo
subiciunt obedientiae; et Dionisium eorum episcopum, a beato
papa excommunicatum, abiciunt; et omnes Pataream per sacra-
menta confirmant.

Eodem tempore Hugo Candidus, de quo superius mentionem
fecimus, post multas et varias miseras, quas sub Cadolo passus
est, tandem ad venerabilem papam veniens, veniam peciit et
impetravit. Cunque ad Hyspaniam, legati fungens officio, mitte- 1068
retur¹, quicquid edificabat, iterum dissipabat. Nam symoniacos
primum quidem validissime persequebatur, postea vero accepta
pecunia reconciliabat. Quod dum compertum Romae fuisset, eum
ab Hyspanis statim revocant et Romae habitare precipiunt; hanc
in eum humanitatem ostendentes precipue reverentia ordinatoris
eius, beati scilicet papae Leonis.

Interea prefatus Guido archiepiscopus, Mediolanum veniens,
penitentia ductus, depositis pontificalibus insigniis, privato vi-
vebat scemate. Quod videntes ecclesiarum venditores, de quibus
supra mentionem fecimus, animum eius levem ad deteriorem
partem citissime inflectunt, mortale ei dantes consilium: ut epi-
scopatum cuidam Gotefrido clericō², nobili quidem progenie orto
et satis facundissimo set^a ad omne nefas prono, venderet; et
sese ad arces transferret. Quod et sine mora factum est.

Prefatus vero Gotefridus consilio symoniacorum, et Medio-
lanensium capitaneorum et Longobardorum episcoporum, Alpes

a. et c.

1. anno 1068. V. narrationem de instaurato Lactorensi episcopatu, in Recueil des historiens XIV 28. Cf. ibid. 567 n. 6. 2. subdiacono. V. Arnulfi Gesta archiepp. Mediol. III 22, Mon. Germ. SS. VIII 24.

transiit, regem adiit animumque regis utpote adolescentis facilime venatus est. Nam et Patereum promittebat se destructurum et Erlimbardum vivum capturum et ultra montes missurum, si ei per investituram Mediolanensem traderet episcopatum. Huius rei gratia et aliquantula pecunia data, investituram, quam petebat, accepit; set episcopatum non obtinuit.

Nam a Deo protectus Erlimbardus, ut audivit eius conatum, congregans multitudinem Dei exercitus, omnia castra ad ius epi-
1071 scopi pertinentia ab eius subtraxit dictione. Dehinc apud Castellionem¹, suum hereditarium castrum, per multos dies eum obsedit.

Quod cum obsideretur et pene capi posse videretur, symo-
Mart. niaci et concubinati clerici noctu ignem in media Mediolanensi civitate iniecere²; auctore quodam clero, cuius nomen investigandum sollerti lectori relinqu, pro certo sciens et indubitanter affirmans, auctorem tanti flagicij dignum non esse sacerdotio. Quid plura? Ignis, edes corripiens gloriosasque basilicas beatorum devastans martirum, ad ultimum medietatem civitatis vactorum consumpsit.

Quod ubi Mediolanensibus, qui forte ad obsidionem aberant^a, nunciatum fuisse, terror maximus eos^b invasit; relictoque Herlimbardo cum paucis Deum timentibus, statim domum rediere. Set miles Dei fortissimus velut Iudas Machabeus stetit imper-
Apr. 24 territus; obsidioneque firmata, ibi sanctum pascha celebravit. Transacta vero paschali festivitate³, prefatus Gotefridus, habens secum multitudinem equitum et peditum, cum Herlimbardo pugnavit et terga vertit. Sicque per Dei misericordiam miles Dei incurvantem possidens victoriam, Mediolanum remeavit.

1066 Eodem quoque tempore Normanni Campaniam invadunt⁴. Quod cernens Deo amabilis Hildebrandus, continuo magnificum

a. aderant c. b. eos addidi.

1. Castiglione, a Varisio ad meridiem. 2. incendium hoc ab Arnulfo (in Gest. archiepp. Med. III 24, Mon. Germ. SS. VIII 24) ad d. 12 Mart., in Notis S. Mariae Med. (quas edidi in Mon. Germ. SS. XVIII 385) ad d. 3 Mart. 1071 refertur. 3. „Cumque paschales instant feriae“ Arnulfi Gesta archiepp. Med. III 24, l. l. p. 25. 4. V. Lupi Protospatarii annales ad 1066, Mon. Germ. SS. V 59.

ducem Gotefridum in auxilium sancti Petri evocat.¹ Forte enim his diebus prefatus dux venerat Italiam, ducens secum excellen- 1067 tissimam cometissam Mathildam, incliti ducis Bonifacii filiam. Is, congregans universam exercitus sui multitudinem, cum uxore et nobilissima Mathilda Romam veniens, Normannos a Campania absque bello expulit, et eam Romanae reddidit dicioni². Et hoc primum servicum excellentissima Bonifacii filia beato apostolorum principi obtulit; que non multo post per multa et Deo amabilia servicia beati Petri meruit dici filia.

Cum hec ita se haberent, a Deo protectus Herlimbaldus, 1072 volens Mediolanensem ecclesiam a symoniaca liberare servitute, consilio papae et Deo amabilis Hildebrandi in die sancto epiphaniae³, adiuvantibus religiosis clericis non solum Mediolanensis- Ian. 6 sibus set et Cremonensibus et Placentinis, secundum decreta sanctorum patrum per electionem cleri habere deliberavit episcopum Ottонem³, eiusdem ecclesiae clericum, nobilem^a quidem genere set nobiliorem moribus, a religioso clero electum et a catholico populo laudatum. Quod veternosus serpens non equis aspexit oculis. Nam quosdam suae artis viros invenit et per eos sedicionem movens in populo, ipsum a Deo protectum Erlimbardum, cum electo iam in palacio residentem, armis circumdant, palacium invadunt, cuncta diripiunt, ipsum electum plagatum usque ad altare sanctae Mariae tractum iurare compellunt: nunquam se amplius de eodem episcopatu intromissurum. Dehinc eum cuidam clero eiusdem ecclesiae usque mane custodiendum tradidere. Mane vero facto, a Deo protectus Erlimbaldus Ian. 7 ad ecclesiam imperterritus venit. Quem ut viderunt ecclesiarum venditores et fornicatorum sacerdotum propinqui, clamare ceperunt. Belloque commisso, per Dei misericordiam Dei miles palam citissime obtinuit. Nam omnes Dei inimicos procul a civitate fugavit, omnibusque per Dei inimicos rebus ecclesiae

a. nobili cod.

1. V. Leonis Chron. Casin. III 23, Mon. Germ. SS. VII 714, et Annales Altahenses ed. Giesebricht ad 1067 p. 108. 109. Cf. etiam Annales Augustanos ad 1067, Mon. Germ. SS. III 128. 2. Cf. Arnulfi Gesta archiepp. Mediol. III 25, l. l. p. 25. 3. Attonem.

1072 ablatis in duplum restitutis, ecclesiam et palatium obtinuit.
 Ian. 7 Potuitque eodem die electus Domini sine ulla contradictione intronizari, nisi sacramenti vinculum obstitisset. Huius rei^a gratia mittuntur religiosi viri Romam, qui haec papae intimarent. Quod ut audivit venerabilis Alexander, et sacramentum contra ius ecclesiasticum factum dixit non tenendum, et communi decreto tam episcoporum cardinalium quam sacerdotum et levitarum eum iure Mediolanensem electum iudicavit.

Moxque litteras suas ad regem misit, in quibus ammonuit eum ut filium: ut odium servorum Dei, quod animo conceperat, a se proiceret; et ecclesiam Mediolanensium secundum Deum habere permitteret episcopum. Quod ut rex audivit, mox ex latere suo suos misit asecretes^{b1}. Qui, venientes Longobardiam, Novarie sibi curiam constituant, et multitudini episcoporum collectae ibi dato sacramento confirmant: hoc esse regiae voluntatis, ut Gotefridus consecraretur. Quod audientes Longobardi episcopi, licet ab ecclesia essent excommunicati, eum libenter non sacraverunt set execraverunt. Forte huic execrationi ex Mediolanensi ecclesia quidam clerici interfuerent, ex quorum numero fuit Tedaldus, qui eo vivente eundem invasit episcopatum. Quod ut audivit venerabilis Otto Mediolanensis electus, ad Romanam se contulit sedem², ubi omnes ecclesiasticae causae terminantur.

Hugo vero Candidus, de quo supra retulimus, Gallicanam a domno papa impetravit legationem; ubi multa contra ius et fas operatus est, quod suo ordine postea narrabitur.

Eodem tempore Cadolus Parmensis episcopus corpore et anima defunctus est. Et non multo post Ravennas episcopus³ mortuus est⁴.

Interea Parmensis Guibertus, de quo supra memoriam fecimus, Parmensem mirabiliter ambiebat episcopatum. Nam adiens

a. regi c. b. asecces c.

1. i. e. consiliarios; in his Rapotum, v. L. VII infra. 2. post d. 22 Apr. 1073 secundum Arnulfi Gesta archiepp. Mediol. IV 4, l. l. p. 26. 3. Heinricus. 4. anno 1072, ut docent Annales Altahenses ed. Giesebricht ad 1072, p. 117.

regem, multis precibus muneribusque satagebat, ut sibi daretur 1072 episcopatus. Quod cum impetrare non valuisset, omnibus tam propinquis suis quam extraneis, tam maioribus quam minoribus, tam clericis quam laicis omnino contradictibus, ad imperatricem se contulit — forte ea ibi aderat his diebus¹ — eaque interveniente, Ravennatem accepit episcopatum. Parmensis vero cuidam Everardo, Coloniensi clero, traditur.

Prefatus vero Guibertus, veniens Longobardiam, Ravennam intravit in multitudine gravi et in magno, ut sui moris est, potentatu. Et non post multos dies, in quadragesimae diebus Romam venit causa consecrationis; synodo iam celebrata. In qua et Hugo Candidus a Cluniacensibus monachis et a quibusdam religiosis episcopis publice de symonia arguitur; et in qua ortatu^a imperatricis quosdam regis consiliarios, volentes eum ab unitate ecclesiae separare, publice dominus papa excommunicavit. Set iam ad narrationem redeamus. Prefatus vero Guibertus, veniens Romam — habens secum Dionisium Placentinum episcopum, ante multos annos ab eodem papa depositum — ovina simulate^b indutus simplicitate, multos decepit, et precipue Deo amabilem Hildebrandum. Is cum se numero papam rogasset, ut ei manum imponeret, et ille nollet acquiescere, spiritu prophetiae plenus fertur dixisse²: *Ego quidem iam delibor et tempus resolutionis meae instat³, tu vero eius senties acerbitatem.* Quod rei^c eventus postea declaravit. Quid plura? Consecratione vero rite celebrata, sacramento se obligavit: se fidelem esse papae Alexandro eiusque successoribus, qui per meliores essent electi cardinales; nullomodo imperatorem nec regem nominans vel patricium. Quod sacramentum^d bene conservavit. Nam, venerabili Alexandro defuncto et venerabili Hildebrando per Apr. 21 meliores cardinales electo, religiosus archiepiscopus debitam sub- Apr. 22

1073
Febr. 13
Mart. 24

a. ortatu in litura. b. simulata c. ei cod. d. sive primo sive aliquamdiu excidisse videtur.

1. Agnes imperatrix ex Italia die 25 Iulii 1072 Wormatiam venit, teste Lamberto in Annal. 1072, Mon. Germ. SS. V 190. 2. Alexander II papa. 3. 2 Timoth. 4, 6: „Ego enim iam delibor et tempus resolutionis meae instat“.

1074 ictionem in tantum ei contulit, ut, vocatus ad synodum, veniret;
 Mart. et in eadem synodo secundum privilegium suaec ecclesiae dextra
 ei sederet; et, non extorta confessione, set spontanea eum modis
 omnibus papam profiteretur. Set iam rei ordinem prosequamur.

1073 Paschali igitur celebrata festivitate, cum a beato papa et
 Mart. 31 venerabili^a archidiacono licentiam remeandi Ravennam accepisset,
 antequam eandem urbem intrasset, ei mors papae nunciata est.

Apr. 21 Nam in natale sancti Georgii¹ beatus Alexander spiritum celo
 reddidit.

EXPLICIT LIBER SEXTUS

INCIPIT SEPTIMUS.

Apr. 22 Eodem itaque die², prefati pontificis corpore in ecclesia
 sancti Salvatoris humato, cum circa sepulturam eius venerabilis
 Hildebrandus esset occupatus, factus est derepente concursus
 clericorum, virorum ac mulierum, clamantium: *Hildebrandus*
episcopus. Quo audito, venerabilis archidiaconus expavit, et ve-
 lociter, volens populum placare, cucurrit ad pulpitum³. Set eum
 Hugo Candidus prevenit et populum sic allocutus est: *Virifra-
 tres, vos scitis, quia a diebus domni Leonis pape hic est Hilde-
 brandus, qui sanctam Romanam ecclesiam exaltavit et civitatem
 istam liberavit. Quapropter, quia ad pontificatum Romanum
 neque meliorem neque talem, qui eligatur, habere possumus, eli-
 gimus hunc, in nostra ecclesia ordinatum virum, vobis nobisque
 notum et per omnia probatum.* Cunque cardinales episcopi sacer-
 dotesque et levitae et sequentis ordinis clerici conclamassent, ut
 mos est: *Gregorium papam sanctus Petrus elegit*, continuo a
 populo trahitur rapiturque; et ad Vincula beati Petri — non ad
 Brixianorum⁴ — invitus intronizatur.

Apr. 23 Qui sequenti die, secum mente pertractans, ad quantum pe-

a. sequuntur in cod. iterum haec: papa et venerabili.

1. i. e. die 23 Aprilis. At Alexandrum II constat die 21 Aprilis obiisse. 2. Beno quoque „Alexandro defuncto, eadem hora“ Gregoriū VII electum esse refert. Sed cf. Reg. I 1 et 6 supra p. 9 et 14. 3. ambonem s. tribunal. 4. Brixinae, ubi Wibertus antipapa a. 1080 electus est. Cf. infra.

riculum devenisset, cepit estuare et mestus esse. Tamen collectis 1073
fidei et spei viribus, quid potissimum faceret, non aliud invenit:
Apr. 23
quam ut regi suam notificaret electionem, et per eum, si posset,
sibi papale impositum onus devitaret. Nam missis ad eum con-
tinuo literis et mortem papae notificavit et suam ei electionem
denunciavit, interminatusque: si eius electioni assensum pre-
buisset, nunquam eius nequiciam pacienter portaturum. Set
longe aliter evenit, quam speravit.

Nam rex ilico misit Gregorium Vercellensem episcopum,
Italici regni cancellarium, qui eius electionem firmaret, et eius
interesset consecrationi. Quod et factum est. Nam in ieunio Mai. 22
pentecostes sacerdos ordinatur, et in natale apostolorum¹ ad al- Iun. 30
tare eorundem a cardinalibus secundum antiquum morem epi-
scopus consecratur. Cuius consecrationi interfuit imperatrix una
cum excellentissima Beatrice duce, tunc vidua; nam ante paucos
dies² magnificus dux Gotefridus obierat.

Venerabilis vero pontifex, mox ut curam sanctae Romanae
ecclesiae suscepit, nil melius esse deliberavit, quam in primor-
dio regem ammonere: ut episcopatus non venderet, seseque sub-
iectum esse sancte Romane ecclesiae recognosceret. Nam con-
tinuo³ huius sancte legationis ministram fecit esse gloriosam 1074
imperatricem, eiusdem regis matrem, habentem secum in comi-
tatu venerabiles episcopos Girardum Ostiensem et Ubertum Pre-
nestinum et Rainaldum Cumanum. Que, Alpes transiens, filium
in partibus Baioariae invenit. Quid plura? Legatis Romanis a c. Maio
rege honorifice susceptis, cum per multos dies sermonem cor-
rectionis ab eis cotidie audiret, ad ultimum quinque suos fami-
liares, quos ante beatus excommunicaverat Alexander, a suo
prohibuit colloquio.

1. i. e. die 29 Iunii. Gregorium vero „2 Kal. Iulii die dominico“ con-
secratum esse, docet Chronica S. Benedicti, Mon. Germ. SS. III 203.
2. immo annos. Godefridum enim Barbatum, ducem Lotharingiae, die 24
Dec. 1069 obiisse, docent Bertholdi annales 1069 et Bernoldi chronicon
1069, Mon. Germ. SS. V 274, 429. Cf. Kalendarium necrolog. Mogunt. ap.
Boehmer Font. III 143. 3. demum a. 1074 post synodus m. Martio
celebratam. V. Lamberti anal. 1074 et Mariani Scotti chron. 1074, Mon.
Germ. SS. V 215 et 561.

1074 Dehinc rogatus, ut sinodum mediaret, episcopos^a facietenus congregavit; mente detrectans^b, ullo^c modo concilium in suo regno celebrari. Quod rei subsequens probavit eventus. Nam per Lemarum Bremensem archiepiscopum, virum eloquentissimum et liberalibus studiis adprime eruditum, concilium interruptum est. Is enim dicebat: ex antiquis privilegiis Maguntino concessum esse episcopo, in Germaniae partibus vicem habere Romani pontificis, ideoque non licere Romanis legatis, sinodum in eius legatione celebrare; non bene^d recogitans illud primi Leonis capitulum Thessalonico episcopo missum, in quo ita legitur: *Sic enim committit papa omnibus archiepiscopis vices suas, ut in partem sint vocati sollicitudinis, non in plenitudinem potestatis*¹. Quid plura? Huius rei gratia Lemarius archiepiscopus a legatis Romanis a sacerdotali officio suspensus est².

Dehinc, concilio hac sagacitate interrupto, cum rex omnia, que Romani legati postularunt, se libenter facere promisisset, magnis muneribus donati, Romam cum honore remearunt; portantes secum prefati regis literas, quibus venerabili papae Gregorio omnibus modis debitam subiectionem spondebat.

1075 Post paucos vero dies quidam Hermannus³ Pabenbargensis episcopus Romam causa suscipiendi pallii veniebat⁴. Quem litterae regis anticipaverunt, quibus papae significatum est, se, quorundam malignantium fraude deceptum, illi per pecuniam episcopatum tradidisse. Quod ut quesitum est et ita inventum, prefatus Hermannus ab episcopatu depositus est, aliasque⁵ in loco eius precepto domni papae intronizatus est; qui postea ab eodem papa pallii dignitate donatus est. Quod et itidem de

1080 Constantiensi^e episcopo^f factum est.

a. ep̄c c. b. det̄ctans (i. e. detractans) c. c. nullo c. d. bñē c. e. Constantinensi c.

1. in epistola ad Anastasium episcopum Thessalonicensem. S. Leonis Opp. ed. Ballerini T. I 686: „Vices enim nostras ita tuae credidimus caritati, ut in partem sis vocatus sollicitudinis, non in plenitudinem potestatis“. Cf. Gratiani Decr. P. II C. III qu. 6 c. 8. 2. Cf. Greg. VII Reg. II 28 supra p. 140. 3. I. 4. At cf. Reg. III 1. 2. 3 supra p. 203. 204. 205. 5. Ruperts. 6. Ottoni I anno 1080. V. Regesta pont. Rom. p. 434 ad d. 7 Mart.

Dum haec ita gererentur, Mediolanenses capitanei, ecclesiarum venditores, de quibus supra retulimus, colloquium cum rege faciunt animumque eius ad deteriorem partem flectunt; nam ei promittunt, et Pataream destructuros et Herlimbaldum occisuros. Quod rex libenter audivit; et voluntarie, quicquid petierunt, promisit.

Interea venerabilis Gregorius, nihil mali de rege suspicans, 1074
sinodum congregavit. In qua Guibertus Ravennas Mart.
episcopus sedet, et innumerabilis multitudo episcoporum ex diversis provinciis congregata. In qua dum negotium Placentinorum et Cremonensium tractaretur, prefatus Guibertus Cremonenses mirabiliter infamavit; quem per Dodonem egregiae indolis iuvenem, eiusdem Cremone civem, liquido claruit esse mentitum. Nam is in media synodo et Cremonenses absolvit ab infamia et ipsum notavit infamia. Quid plura? His et aliis negotiis sedatis, Robertus cum Normannis excommunicatur in eadem^a synodo. Cui synodo interfuit excellentissima cometissa M(athilda), et Azo marchio, et Gisulfus Salernitanus princeps.

Concilio igitur rite celebrato, cum episcopi ad propria remearent, Guibertus cum papa Romae remansit. Hic papae promittebat, se contra Normannos magnam expeditionem facturum, et contra Balneoregis^b comites^b se post pascha^c cum eodem papa castra metaturum. His et talibus subdolis machinationibus animum papae, nihil mali suspectarem, decipiebat. Animus vero eius, velut fere beluae iram gerens, nihil aliud, quam quod post rei demonstravit eventus, cogitabat. Nam per omnes fere qua- Mart. Apr.
dragesimales dies, quibus inibi moratus est, Romam orationis occasione circuiens, quoscunque^e pestiferos invenire poterat vel papam propter iusticiam odientes, sibi^d faciebat amicos dataque pecunia sacramento vinciebat; inter quos et Cencium, prefecti Stephani filium, quem supra³, temporibus papae Alexandri cum Cadolo fuisse, memoravimus.

a. eodem cod. b. comitis cod. Cf. *infra* p. 661. c. q̄sq; c. d. sibi addidi. Cf. *infra* p. 661.

1. Bagnorea, ab Urbe vetere ad meridiem. 2. post Apr. 20. 3. p. 646.

1074
Mart. Apr.

Is, defuncto patre¹, temporibus papae Alexandri cum prefecturam vellet adipisci, ab omnibus Romanis propter ferocitatem animi repudiatus est; communique consilio traditur prefectura alteri Cencio, cuiusdam Iohannis prefecti filio. Qui quamvis nomine equivoci, tamen longe erant diversi moribus. In hoc omnium malorum spes, in altero bonorum. Hic compatrem suum absque ulla causa interfecit et domum eius funditus destruxit. Idem, et latronum particeps et predonum adiutor, post multa et varia adulteria, que perpetravit vel perpetrantes tutatus est, Romam ex libera fecit ancillam. Nam in Sancti Petri ponte turrim mirae magnitudinis edificans, omnes transeuntes reddidit tributarios. Hunc talem et tam pestiferum coniunxit sibi prefatus Guibertus, et per eum se armavit contra sanctam ecclesiam^a.

Erant preterea Romae multi pestilentes, iusticiam odientes, ut concubinorum sacerdotum filii et propinqui. Set et venerabilis pontifex in principio ordinationis sua omnibus Romanis clericis dedit optionem: ut aut canonice, nihil proprium possidentes, secundum regulam sanctorum viverent, aut, relictis bonis ecclesiae, seorsum domi manerent; quorum multi ante elegere privatim vivere quam suave iugum Domini ferre. Qui mirabiliter papae erant infensi; et non solum illi, set et eorum propinqui.

Erat preterea Romae antiqua et pessima consuetudo, quam beatus papa suo tempore funditus ab eadem ecclesia extirpavit. Nam in beati apostolorum principis ecclesia erant sexaginta et eo amplius mansionarii^b, laici coniugati et plerique concubinati; qui eandem ecclesiam per vices suas die noctuque custodiebant. In^b quorum potestate omnia, preter maius, erant altaria, que orationibus cotidie vendebant. Hii omnes, barba rasati et mitras in capite portantes, sacerdotes et cardinales se esse dicebant; sique oratores decipiebant, et precipue Longobardorum rusticam multitudinem, qui, eos credentes sacerdotes, se eorum commendabant orationibus. Hii intempestae noctis silentio, custodiae occasione, varia latrocinia et turpia stupra exercebant. Quos

a. s(anc)tam e(cclesiam) scripsi pro se c. b. In addidi. c. intempesta c.

1. Stephano. 2. aeditui.

beatus papa cum magna difficultate ab ecclesia apostolorum principis expulit; et eam religiosis sacerdotibus commisit custodiendam. Hos tales prefatus Guibertus sibi fecit amicos. Venerabilis autem Gregorius ecclesiam sancti Petri iussit oratoribus claudi usque ad tempus matutinale; nam ante pervigilarum ex cubias multa ibi fiebant homicidia et hac occasione multa furta et adulteria.

1074
Mart. Apr.

Erat preterea in eadem ecclesia alia pessima consuetudo, quam idem venerabilis papa funditus extirpavit. Cottidie, antequam dies illucesceret et plerumque antequam aurora cursum suum inciperet, cardinales avariciae questu missas super altare principis apostolorum celebrabant. Quibus ex auctoritate beati Petri et sua omnibus interdixit: ut non liceret eis deinceps ante horam diei terciam ad altare beati Petri missam celebrare. Queres magnam sibi concitatavit invidiam. Quid plura? Prefatus Guibertus veluti^a Catilina omnes sceleratos, quos potuit, sibi fecit amicos.

Dehinc propinquante paschali festivitate¹ licentiam remeandi Apr. Ravennam a venerabili^b papa petiit et impetravit; promittens, se post pascha supra Balneoregis comites exercitum ducturum.

Interea venerabilis Gregorius expeditionem contra Normanos preparabat. Veniensque obviam duci Beatrici usque ad castrum Sancti Flabiani^c, eam simul cum filia ad expeditionem invitabat. Quas, volentes pura mente papae obedire precepto, Longobardicus varvassorum tumultus impedivit; nam, seditione subita exorti^d, expedicionem dissipavere. Sicque infecto negocio, papa Romam remeavit; Beatrix vero cum filia ad propria rediere.

c. Jun. 15

Non longo post tempore papa languore corporis in suburbio Iun. — Sept. Romae subito corripitur. Cencius vero, de quo supra memoravimus, credens eum iam morti destinatum, odium, quod mente conceperat, subito evomuit. Nam fidei commissor illis diebus fuerat cuiusdam Cencii, scilicet Gerardi comitis filii, qui beatis apostolorum principibus curtem unam testamento legaverat; Deo

a. uluti c. b. venerabi c. c. Fabiani c. d. exorta c.

1. Apr. 20. 2. Fiano, v. supra p. 108 n. 1.

1074 Iun. — Sept. vero odibilis ille, credens papam iam mortuum vel iam morti proximum, sacrilegii simul et perjurii crimen incurrens, testamentum falsavit curtemque suis applicavit usibus, ducentis libris datis tantum apostolorum principibus. Interea convalescente papa, super hoc cepit exagitari negocium. Quid plura? Pessime egisse convincitur; datisque obsidibus, curtem secundum defuncti voluntatem apostolorum reddidit principibus. Set eius furor non quievit.

Nam eiusdem pestiferi consilio Hugo Candidus, de quo supra memoravimus, secundo ad apostasiam conversus est. Hic, Apuliam tendens, Robertum et Normannos, dudum a papa excommunicatos, contra sanctam Romanam ecclesiam mirabiliter excitavit. Nam dicebat: eos falso excommunicatos; et papam non secundum decreta sanctorum patrum pontificem, set sancte Romanae ecclesiae invasorem; adiciens: se cum suis fautoribus Roberto coronam imperiale daturum, si eum militari manu ab ecclesia pelleret. Quod cum cottidie palam et clanculo in curte prefati ducis musitaret, hanc a prudentissimo duce accepit responsonem: *Quia tibi necesse est, si placet, in auro vel argento vel in aliqua alia pecunia vel in equorum vel mulorum adiumento a me suscipe munificentiam. Mihi vero suadere non poteris, contra Romanum me armari pontificem. Nefas enim est credere, per tuas inimicicias vel alicuius posse papam deponi, qui, electione cleri et laude populi Romani cum kathedra pontificalis vacaret intronizatus, ad altare sancti Petri ab episcopis cardinalibus consecratus est.* Sicque cum magno dedecore repudiatus, ad Guibertum, suaem nequiciae fautorem, se contulit.

Cum haec ita gererentur, Mediolanenses capitanei et varvassores, ecclesiarum venditores, a colloquio regis¹ remeantes Mediolanum^a, magnas excitant sediciones, machinamenta quedam fingentes. Nam simplices quosque^b sedicionis ignaros hoc modo alliciebant, dicentes: se integritatem beati Ambrosii velle iurare. A Deo vero protectus de quo supra retulimus Erlimbaldus, vi-

a. *scripti a colloquio — Mediolanum pro ad colloquium — Mediolanio cod.*
b. *quoque c.*

1. V. supra p. 659.

dens machinamenta diaboli paulatim crescere, estuabat; neque potissimum quid faceret aliud inveniebat, nisi ut se et Dei populum, volentem pro iusticia dimicare, velut fortissimus Iudas armis defensaret. Quid plura? Crescebat cotidie numerus infidelium et de die in diem numerus minuebatur Paterinorum. Eodem quoque tempore Mediolanensis civitas tota incendio concrematur¹, in qua multae mirabiles ecclesiae, et precipue mater ecclesia solotenus destruitur. Que res inimico humani generis ad decertandum contulit arma; nam omnes sive amici sive inimici quasi una voce clamabant, hoc esse peccatum Paterinorum. Post pascha vero, dereum congregato exercitu et multitudine post Apr. 5 coniuratorum^a, Herlimbaldum nihil mali suspicantem invadunt; eumque, bellare temptantem, in media platea interficiunt; aliosque persecuntur et depredantur. Eumque, ignominiose nudatum, oblii generis eius et dignitatis, ad ignominiam totius christianitatis per totum diem relinquunt inhumatum. Nocte vero a religiosis viris apud Sanctum Dionisium cum honore sepultus est; ad cuius sepulchrum magna mirabilia usque hodie operatur Deus. Sequenti vero die quandam sacerdotem nomine Liprandum aribus mutilaverunt et nasu. Quique vero coniurationi non consenserunt, aut occidebantur aut facultatibus nudabantur; quorum multi, Cremonam venientes, honorificentissime a fratribus sunt suscepti. Ut autem auditum est de morte Erlimbaldi, non solum Romae set usque ad Britannicum mare omnes catholici contrastati sunt, flentesque dicebant: *Quomodo cecidit potens², qui pugnabat bellum Domini.*

1075
Mart. 30

Interea Gregorius papa quadragesimali tempore synodum Febr. 24-28 congregavit. In qua Guibertus vocatus, dum venire noluisset, ob periurii crimen ab episcopali officio suspensus est; et Hugo Candidus secundum apostoli preceptum dicentis: *Hereticum hominem post primam et secundam correptionem devita³,* ab ecclesia perpetuo sequestratus est.

a. coniunctorum c. Cf. *infra*: Quique vero coniurationi non consenserunt.

1. die 30 Mart. 1075. V. Arnulfi gesta archiepp. Med. IV c. 8, Mon. Germ. SS. VIII 27. 2. 1 Macc. 9, 21. 3. Tit. 3, 10.

1075 Forte his diebus Deo odibilis ille Cencius, de quo supra retulimus, a prefecto urbis Romae captus tenebatur. Qui secundum Romanas leges capitalem suscepit sententiam. Set precibus gloriosae Matilde, que ibi aderat illis diebus, et multorum Romanorum civium vix emeruit, ut vivus dimitteretur, datis obsidibus in manu papae et turri^a, per quam ad celum ascendere nitebatur¹. Que funditus destructa est.

Interea Guibertus Ravenne contra dominum suum papam callide armabatur. Nam suis literis conveniens cervicosos Longobardos episcopos, et precipue Tetaldum Mediolanensem archiepiscopum, mirabiliter contra papam instigabat. Set quoniam istius Tetaldi mentio facta est, qualiter ad Mediolanensem venerit episcopatum, breviter, si potero, intimabo.

Glorioso Erlimbaldo pro nomine Iesu martirizato, cum mors eius regi fuisset nunciata, memor promissionis sua, quam ante Mediolanensibus promiserat capitaneis, mox ad Italiam partem destinavit comitem Everardum² suum consiliarium; quem ante papa Alexander excommunicaverat. Qui, veniens Longobardiam, mox in Roncalia curiam congregavit, ibique Mediolanensibus pro morte Erlimbaldi gratias agens, eos trans montes invitavit; promittens eis, dominum suum episcopum, quem vellent, daturum. Dehinc omnes Paterinos publicos regis clamavit inimicos. Moxque Placentinos, ibi in vicino positos, cum propter pusillanimitatem animi invenisset inparatos, plerosque ab urbe fugavit, quosdam vero in dedicionem cepit; qui consilio beatissimae Beatricis liberati sunt. Cremonenses vero, quos fidei plenos et virtutibus munitos audavit, non pro Dei timore, set quia non potuit, inmunes dereliquit. Quid plura? Eligunt sibi Mediolanenses capitanei, ecclesiarum venditores, ex precepto regis, communicato pessimo consilio, Tedaldum Mediolanensis ecclesiae clericum, qui ante Gotefrido fidelitatem iuraverat, virum nobili quidem genere ortum et satis corpore pinguem, set virtutibus tenuem. Hunc talem secum ad regem ducunt. Quem rex, ob-

a. turrim c.

1. Cf. Genes. 11, 4.

2. IV comitem de Nellenburg.

litus investiturae, quam ante Gotefrido dederat — parvi pen- 1075
densque iusurandum, quod Rapot ex sua parte iuraverat¹ No-
variae dudum episcopis: „hoc esse regiae voluntatis, ut Gote-
fridus consecraretur“ — non solum contra leges divinas et chri-
stianorum regum morem, set etiam contra tyrannorum consue-
tudinem, vivente altero, investivit. Hic talis Mediolanensem
vastabat ecclesiam. Huic Guibertus Hugonem Candidum misit,
cuius consilio regem adiret et eius animum ad deteriorem partem
inflecteret. Quod et factum est.

In illo tempore grave et inauditum flagicium Romae patrā- Dec. 24
tum est. Nam Deo odibilis Cencius, coniuratione facta, in ipsa
nocte nativitatis Christi papam, sacramenta celebrantem, ab al-
tare sanctae Dei genitricis Mariae, quod dicitur ad Presepe²,
rapuit; et vulneratum ad turrim, quam Romae habebat mirae
fortitudinis, violenter usque perduxit. Quid plura? Romani mox
turrim obsident, maneque facto vi capiunt; ipsumque scelestum Dec. 25
interfecissent, nisi eum beatissimus Gregorius, boni magistri
discipulus, precibus et supplicationibus a morte liberasset. De-
hinc cum Lateranis papa remeasset, sequenti die Romani aucto- Dec. 26
rem tanti flagicij cum omnibus sibi complicibus a civitate ex-
pellunt turresque eorum solo tenus destruunt.

Cum hec ita gererentur, Saxones rebellavere. Cuius rebel-
lionis causam propter prolixitatem scribere devitavimus; unum
scientes: quia propter grave et insolitum onus servitutis, quod
eis quidam inponere satagebant, ad tam graves devenere inimi-
cias. Set iam rei ordinem sequamur. Saxonibus rebellantibus,
intravit rex Saxoniam in manu valida et multitudine gravi, ha-
bens secum eximium ducem³ Rodulfum et ducem Guelfonem⁴ et
preclarum ducem⁵ Gotefridum⁶, nobilissimae Matilde coniugem,
et ducem⁷ Theodericum et innumerabilem marchionum et comi-
tum multitudinem. Qui derepente Saxones inparatos invadunt Jun. 9
et, quamvis cruentissimam, tamen habuere victoriam; nam in

1. anno 1072; v. supra p. 654. 2. ecclesiae S. Mariae maioris.
3. Sueviae. 4. (IV) I ducem Bavariae. 5. Lotharingiae inferioris.
6. Gibbosum. 7. Lotharingiae superioris.

1075 illa pugna ex parte regis 15 milia homines cecidisse referuntur.
 Iun. ⁹ Taliterque victor infecto negocio Franciam remeavit.

1076 Moxque convocans multitudinem episcoporum, non quesivit
 Ian. ²⁴ Deum auctorem fidei^a nec ei gratias retulit pro collata Victoria; set exaltatum est cor eius, et elati sunt oculi eius^b. Ponensque in celum os suum^c, Hugonisque Candidi, de quo supra retulimus, acquiescens consilio, dominum papam, qui per tres annos universalem ecclesiam in pace gubernaverat — secundum exemplum pestiferi Lotharii, de quo supra^d retulimus — literis abdicavit, suosque episcopos subscribere coegit; pro dolor, non recogitans illud venerabile tertii Leonis capitulum, in quo sic legitur: *Si quis se a Romanae ecclesiae segregaverit societate, nec ianuas coeli ingredi nec vinculis peccatorum potest solvi.*

Interea litere, unitatem ecclesiae scindentes, per legatos Romanam deferebantur; nam iussio regis urguebat. Qui, venientes Febr. Placentiam, omnes episcopos Longobardos congregaverunt; quibus ex parte regis preceptum est, ut factum regis confirmarent. Set longe aliter factum est, quam speravere. Nam^b omnes proprio ore^c, Dionisio Placentino episcopo previo, publice iuravere, nunquam se amplius obedientiam prestituros papae.

Dehinc huius legationis ministrum ex officina iniquitatis, scilicet Parmensi civitate, faciunt quandam Rolandum clericum^d.

c. Febr. 21 Qui, veniens Romam, forte illis diebus papam in sinodo residentem invenit. Is, diaboli repletus spiritu, in media sinodo ex parte regis, laici scilicet hominis, pontificale ei interdixit officium, eique precepit: ut de sede descenderet; quod secundi^d ordinis presbytero^e sine iudicio ab ipsis etiam episcopis si diceatur, esset culpabile. Dehinc cardinalibus precepit: ut ultramontes tenderent et inde sibi pontificem assumerent.

Venerabilis vero Gregorius secundum boni magistri exem-

a. fidei *scripti pro sibi (s) cod.* b. *sic cod.* c. *sequitur suo, sed inductum.*
 d. scilicet *c.*

1. Cf. Hebr. 12, 2: „aspicientes in auctorem fidei — Iesum“.

2. Ps. 130, 1. 3. Ps. 72, 9. 4. p. 617. 5. paullo postea episcopum Tarvienensem; de quo cf. Greg. VII Reg. V 14a supra p. 306. 6. an: „quod sacerdoti secundi ordinis, presbytero“?

1076
c. Febr. 21

plum conviciatorem suum prius a morte liberavit; dehinc, vix sedato tumultu, synodum cum alacritate celebravit. Sequenti vero die litere ab ultramontanis episcopis papae delate sunt, quibus se peccasse et errasse confitebantur veniamque implorabant^a; promittentes, se deinceps utpote patri obedientiam prebituros. Set cum tempus instaret, quo sinodus solvi debuisse, venerabilis Gregorius, qui pro ovibus suis mori paratus erat, dedecus sanctae Romanae ecclesiae illatum non est passus inultum; set consilio omnium episcoporum numero 110 regem, qui se ex ovibus Christi non cognovit, principemque huius inauditae rebellionis, excommunicavit et a regno Dei iudicavit alienum.

Quod nec novum quidem fuit nec reprehensibile.

Reprehensibile non fuit^b, quia regulis sanctorum patrum precientibus factum. In Calcedonensi enim concilio¹, in quo sexcenti interfuerent episcopi, ita legitur de Dioscoro Alexandrino: *quoniam² secundis excessibus^c priorem iniquitatem valde transcendit; presumpsit enim excommunicationem dictare adversus sanctissimum papam Leonem²* *Anatholius episcopus Constantinopolitanus dixit: „Propter fidem non est damnatus Dioscorus, set quia excommunicationem fecit domno archiepiscopo Leoni“.* Nunquid ibi legitur, inquisitionem factam fuisse: utrum iuste an iniuste Dioscorus ipsam excommunicationem dictasset? Non plane; set absque omni controversia hoc in eo multati sunt: quia, cum esset inferior, potiorem quibuslibet conatus est lacessere iniuriis. Quid vero in octava synodo³ sancti patres super hoc negocio diffinivere⁴, advertite: *Dominicum sermonem, quem Christus sanctis apostolis et discipulis suis dixit, quia: „Qui vos recipit, me recipit, et qui vos spernit, me spernit“, ad omnes etiam qui post eos secundum ipsos facti sunt summi pontifices et pastorum principes in aecclesia catholica, dictum esse credentes, definitivimus: neminem prorsus mundi potentum quemquam eorum, qui*

a. impetrabant c. b. fuit addidi. c. secundum excessus c.

1. anni 451. 2. „*quoniam — Leonem*“ ex actis concilii ap. Mansi VI p. 1047. 3. anni 869. 4. in Regulis octavae synodi, cap. 21, ap. Mansi Conc. XVI p. 174.

1076 patriarchalibus sedibus presunt, inhonorare aut movere a proprio trono temptare, set omni honore et reverentia dignos iudicare; precipue quidem sanctissimum papam senioris Romae; dehinc vero Alexandriae ac Antiochie seu Ierosolomorum, deinceps Constantinopoleos patriarcham; set nec alium quemcunque conscriptiones^a contra sanctissimum papam senioris Romae ac verba complicare vel componere sub occasione quasi diffamatorum querundam criminum; quod et nuper Focius et multo ante Dioscorus fecit. Quisquis autem tanta iactantia et audacia usus fuerit, ut secundum Focium et Dioscorum in scriptis vel sine scriptis iniurias quasdam contra sedem Petri principis apostolorum moveat, equalem et eandem quam illi condemnationem accipiat. Si vero quis, aliqua seculi^b potestate fruens vel potens, pellere temptaverit prefatum apostolicae cathedrae papam aut aliorum patriarcharum quemquam, anathema sit. Porro si synodus universalis fuerit congregata, et facta fuerit etiam de sancta Romanorum ecclesia quaevis ambiguitas et controversia, oportet venerabiliter et cum convenienti reverentia de proposita questione sciscitari et solutionem accipere et aut provectum facere aut proficere; non tamen audacter sententiam dicere contra summum senioris Romae pontificem. Ecce qualiter imitatores Foci et Dioscori pro sola infamia Romani pontificis audistis damnandos, et potentes quoque, temptantes pellere senioris Romae papam a sede, audistis anathemizatos. Non est ergo reprehensibile, regem, temptantem papam a sede sine iudicio pellere, excommunicare, quod sanctorum patrum regulis est roboratum.

Inusitatum vero non est; quia multos^c legimus Romanos pontifices pro minoribus causis non solum excommunicasse, set etiam a regno deposuisse. Quod melius patebit exemplo. Innocentius papa Archadium imperatorem, Theodosii Magni filium, pro eo, quod Iohannis Crisostomi depositioni interfuit, quam Theophilus Alexandrinus una cum aliis orientalibus patriarchis cum consensu aliorum episcoporum, sine assensu tamen Romani

a. sed nec quicunque circumscriptiones cod. b. dei c. c. imperatores et reges excidisse videtur.

pontificis, dictaverat, excommunicavit¹, eorumque depositionem 1076 cassavit. Reverentissimus vero imperator, mox ut factum cognovit, non rebellis extitit, set veniam humiliter peciit et impetravit. Constantinus² papa Iustinum imperatorem³, Iustiniani filium, propter non decentem legatorum suorum susceptionem excommunicavit; qui postea in Constantinopolitane urbis platea pedibus eius cum regno prostratus tam diu veniam peciit, donec impetravit⁴. Set Anastasius⁵ papa Anastasium⁶ imperatorem excommunicavit⁷; qui, proterve loquens de papa, in ipso palatio fulmine percussus interiit⁸. Tercius vero Gregorius papa non solum Leonem imperatorem excommunicavit, set etiam regno privavit⁹. Stephanus¹⁰ vero papa Karolum Pippini regis fratrem a regno depositus¹¹, et Pippinum in loco eius constituit. Set et Gregorius¹² doctor, Romanus papa, omni dignitate privavit, quicunque privilegii sui paginam violaverit. Sic enim in quodam suo privilegio¹³ subscrispsisse invenitur: *Gregorius Senatori presbytero et abbati xenodochii Francorum; inter cetera: Haec igitur omnia, que huius precepti decretique nostri pagina continet, tam tibi quam cunctis, qui in eo quo es ordine locoque successerint, vel eis, quorum interesse potuerit^b, in perpetuum servanda decernimus. Si quis vero regum, sacerdotum, iudicum atque secularium personarum, hanc constitutionis nostre paginam cognoscens, contra eam venire temptaverit, potestatis honorisque sui dignitate careat, reumque se^c divino iudicio existere de perpetrata iniestate cognoscatur.* Et quid dicam de Nicolao¹⁴, qui duos imperatores uno eodemque tempore excommunicavit: orientalem scilicet

a. Athanasium c. b. potuerint c. c. se om. c.

1. V. supra p. 458 n. 1. 2. I. 3. Tum non Iustinus sed Iustinianus II imperabat. 4. Neque vero constat quidquam, nisi Constantimum I papam iubente Iustiniano II imperatore anno 709 Constantinopolim iter fecisse. V. Constantini I papae vitam ap. Muratori SS. III 152. 5. II. 6. I. 7. ficta res. 8. Cf. Hist. miscellam ap. Muratori SS. I 102. 9. Leo III imperator (717—741) a Gregorio III papa (731—741) neque excommunicatus nec deiectus est. 10. III (752—757). 11. Karolomanno autem iam anno 747 Zachariam papam constat „clericatus iugum“ imposuisse. V. Regesta pont. Rom. p. 187. 12. I. 13. S. Gregorii Registri L. XIII ep. 8, Opp. ed. Benedictini T. II 1221. 1223. 14. I.

1076 Michaelem¹ propter Ignatium Constantinopolitanum episcopum, sine iudicio pape a sede pulsum; occidentalem vero nomine Lotharium propter Gualdrade^a sua pelicis societatem². Quid dicam de Romanis pontificibus, cum Ambrosius Mediolanensis episcopus, lily ecclesiae, Maximum tirannum excommunicaverit, Theodosiumque imperatorem, ab ecclesia expulsum, excommunicaverit.

Et quis nisi mente captus ignorat, regiam potestatem subiectam esse pontificibus. Quis enim credat, se a Romani pontificis subiectione esse alienum, nisi qui, peccatis suis exigentibus, in ovium Iesu³ numero non meruit numerari. Set iam rei ordinem prosequamur.

EXPLICIT SEPTIMUS

INCIPIT OCTAVUS.

1076 Interea, postquam de banno regis ad aures personuit vulgi, universus noster Romanus orbis contremuit. Et diverse Itali atque ultramontani super hoc decrevere.

^{post}
^{Mart. 27} Nam Itali post pascha apud Papiam concilium evocant⁴ malignantium, in quo omnes pariter Longobardi episcopi et abbes auctore Guiberto, imitantes Focium et Dioscorum, excommunicaverunt dominum papam senioris Romae. Quod a seculo non est auditum, ut tot uno tempore inimicus humani generis mente captos contra sanctam Romanam ecclesiam armasset episcopos.

Dum haec in Italia gererentur diabolo suadente, ultramontani principes in simul conveniunt⁵, et salubri concilio partes alterutras quasi in iudicio constituant: ut^b vel perspicue eis innotesceret, utrumne papa regem posset excommunicare nec ne, vel, utrum iuste excommunicatus esset vel non. Legem enim suam nolebant destruere, qua^c prescriptum est: ut, si quis ante annum et diem ab excommunicatione non fuerit solitus, omni

a. Gualrade c. b. ut addidi. c. qd c.

1. de Michaelis III imperatoris excommunicatione nihil traditum est.
2. V. supra p. 617 n. 1. 3. Ioh. 21, 17. 4. Cf. Arnulfi gesta archiepp. Mediol. V 7, Mon. Germ. SS. VIII 30. 5. Triburiam.

careat dignitatis honore¹. Prudentissimi igitur illius regni epis- 1076
scopi abbates et clerici, communicato concilio, secundum san- Oct.
ctorum decreta patrum et maiorum exempla decrevere: regem
a papa posse excommunicari, et secundum Foci et Dioscori imi-
tationem iuste esse^a excommunicatum. Quid plura? Nil melius
secundum tempus invenientes, dato sacramento firmavere —
ducibus sequacibus Ruodolfo² et Guelfone³ atque Theoderico⁴,
nam Gotefridus excellentissimae M(atilde) coniux ante paucos
dies obierat⁵, aliisque illius regni pontificibus — firmavere: ut,
si rex eorum vellet acquiescere consilio, papam ultra montes
ante anni circulum ducerent, qui eum absque malo ingenio a
vinculo excommunicationis absolveret. Regisque agentes^b^c, dato
sacramento proprio^d ore iuravere: pape privatum^e se^f expectare
iudicium^g. Quod cum factum fuisset, omnes iterum unanimiter
iuravere: se^h, si rex sacramentum datum observare voluisse,
expeditionem cum eo facturosⁱ in Italiam et, eo^j imperiali digni-
tate sublimato, Normannos aggressuros, et Apuliam et Calabriam
ab illorum dominatu liberaturos; quodsi peccatis suis exigentibus
sacramentum datum irritum fecisset, nunquam eum amplius pro
domino neque pro rege suscepturos.

Interea mittunt Romam Trevirensim^k episcopum^l, ut papam
ultra montes apud Augustam duceret^m. Set quomodo apud Pla-
centiam eius calliditate captus fuerit, et non ante liberatus, quam
eius littere a Spira Placentino episcopoⁿ, ut dimitteretur, de-
latae fuissent, propter longitudinem hystoriae dicere intermitto.

a. esse addidi. b. regisque agentes *scripti pro regemque cogentes c.* c. ut c.
d. factur' c. e. eo addidi. f. Treuensem c. g. ducerent c.

1. „quodsi ante diem anniversarium excommunicationis suaे — ex-
communicatione non absolvatur, absque retractatione in perpetuum causa
cederit; nec legibus deinceps regnum repetere possit, quod legibus ultra
administrare, annuam passus excommunicationem, non possit“^o. Lamberti
Annales 1076, Mon. Germ. SS. V 254. 2. Sueviae. 3. I Bavariae.
4. Lotharingiae superioris. 5. die 26 Febr. 1076. Lamberti Annales l. l.
p. 243. 6. officiales. 7. cf. infra: „amborum regum nuncii — pro-
prio ore iuravere“^p. 8. privata vita utentem. 9. regem. 10. Iure-
iurando haec promissa esse, alii non tradiderunt. 11. Udonem. De
eius legatione cf. Bertholdi Annales 1076, Mon. Germ. SS. V 287.
12. Dionysio.

1076 Interea venerabilis Gregorius pacis gratia summa cum dif-
 Dec. ficultate itineris Augustom tendebat; hiemps enim gravissima
 1077 tunc ingruebat. Rex vero derepente, parvi pendens sacramentum,
 Ian. Italianam intravit. Et sunt, qui dicunt, eum pontificem incautum
 voluisse capere. Quod satis videtur veri simile. Nam Gregorius
 Vercellensis episcopus, eius vero cancellarius — cui, ut papam
 duceret ultra montes, a principibus fuerat imperatum — postquam
 Apennini transierat iugum, audivit: eum in Vercellensi occulte
 devenisse civitate. Quod dum papae nunciasset, mox Canusium,
 tutissimum excellentissimae Matilde castrum, intravit.

Interea rex, videns sua machinamenta propalata, omni prout
 videbatur deposita feritate, columbina indutus simplicitate, Ca-
 Ian. 25-27 nusium adiit. Et per aliquot dies super nives et glacies discal-
 ciatus pedibus perdurans, omnes minus sapientes decepit; et a
 venerabili Gregorio, quamvis non eius ignorantie versutias, ab-
 Ian. 28 solutionem quam petebat invenit, sacramento dominico media-
 tore^a in ipsa missarum celebritate hoc modo. Nam^b divinae
 mensae, astantibus episcopis abbatibus religiosis clericis ac laicis,
 hoc modo fecit esse participem: ut, si se mente ut corpore fe-
 cisset humiliatum, et si se iure crederet pontificem, seque vero
 excommunicatum secundum imitationem Phoci et Dioscori, et
 per hoc crederet posse absolvvi sacramentum, ut epulum^c illi fieret
 in salutem; sin vero aliter, ut inde^d post buccellam² intraret in
 illum satanas. Quid plura? Celebrata missarum celebritate, con-
 vivium commune habuerunt. Dehinc ei omnibusque ab excom-
 municatione solutis preceptum est, ut ab excommunicatorum se
 caverent consortio. Sunt vero non nulli, qui dicunt: eum „vitam
 et membrum et suum honorem“ papae iurasse^e. Ego vero, quod
 ignoro, omnino non affirmo.

Interea rex, postquam a banno absolutus fuit, satis in facie

a. mediatore c. b. venerabilis Gregorius regem excidisse videtur. c. am-
 plius c. (archetypi epulum describenti sine dubio videbatur ap̄lus esse). d. iude c.

1. Cf. Bonithonis Decret. L. IX c. 146 (Mai Novae Patrum bibl. T. VII
 III p. 69): „omnia peccata, mediatore sacramento, post paenititudinem, si
 digne paenituerint, merentur veniam“. 2. hostiam. 3. V. Gregorii VII
 Reg. IV 12a, supra p. 258.

devotus atque obediens papae apparebat. Nam diebus^a ab omnium 1077 Longobardorum^b episcoporum se consortio sequestrabat, repudians^c eos utpote^d excommunicatos. Noctibus eorum nefariis acquiescens consiliis, illud mente tractabat, quod postea rei monstravit eventus. Sicque faciebat per omne tempus, quo Placentiae demoratus est; maxime metuens presentiam matris suae religiosissimae imperatricis, que forte ibi aderat.

Per idem tempus Deo odibilis Cencius¹, de quo supra memoravimus, ad eum venit; quem diebus utpote excommunicatum recusabat, noctibus vero totum se eius pestiferis donabat consiliis. Cunque videret, se^e papam nullo modo a Canusio castro posse divellere, Papiam tendit. Ibi Deo odibilis Cencius amara morte mortuus est²; cuius funus Guibertus cum aliis excommunicatis mirabili pompa celebravit.

Cum haec in Italia gererentur, ultramontani principes apud Mart. 13 Forken³ conveniunt, et sibi ducem Rudolfum regem constituunt, Mart. 15 virum magni consilii et armis strenuissimum. Quod factum magnam cladem intulit Romano orbi.

Interea rex, Papiae degens, ubi audivit de electione Rudolfi, mirabiliter commotus est. Set quia homo magni consilii et mirabiliter sagax est, simulata humilitate, per nuncios papam rogavit: ut Rudolfum excommunicaret. Quod papa se facturum illico promisit, si vocatus rationem huius facti reddere non posset; non enim canonicum videbatur, si ante excommunicaretur, quam conveniretur^f.

Set rex, mente effrenatus, velociter montes transiit et im- Apr. pigre Baioarium Franciamque recepit. Set quid plura? Haut segnior R(udolfus) Franciam invadit; bellumque committitur gra- 1078 vissimum et multa milia hominum ex utraque parte cecidere⁴. Aug. 7 Sunt qui dicunt, huius prelii Henricum fuisse victorem; quam

a. diebus *addidi*. b. Longobardorum *addidi*. c. reputans *c.* (*Cf. infra*: quem diebus utpote excommunicatum recusabat). d. utpote *addidi*. e. se *addidi*.
f. vinceretur *c.*; conveniretur *recepit ex vita Gregorii*, in Bonithonis libro nitente, ap. *Walterich Pont. Rom. vit. I* 332.

1. filius Stephani praefecti Romani. 2. Cf. Bertholdi annal. 1. 1.
p. 291. 3. Forcheim. 4. ap. Streu fl.

1078 plures autem palmam huius R(udolfo)^a ascribunt certaminis.
 Aug. 7 Set, quisquis victor^b, cruentissimam tamen possedit victoriam.

1077 Interea Rome grave malum et inrecuperabile damnum de-
 repente exortum est. Nam Cencius prefectus, vir christianissi-
 mus, per insidias Stephani, fratris Cencii Deo odibilis de quo
 supra memoravimus, occisus est¹. Cuius corpus dum Romae
 apud Sanctum Petrum delatum fuisse, Deus per eum multa
 fecit mirabilia. Romani vero communicato consilio castrum, in quo
 se nefandus ille receperat, vi capiunt; eiusque, capite et manibus
 truncatum, cadaver ignibus tradunt; caput vero eius et manus
 in cortina² beati Petri suspendunt. Reliquos vero tanti sceleris
 fautores quosdam interfecere, quosdam vero a patria eliminavere.

Post paucos vero dies, postquam haec gesta sunt, Gregorius
 Sept. venerabilis pontifex Romam cum honore remeavit. Moxque
 1078 sinodum congregavit, in qua amborum regum nuncii interfuerent.
 Febr. Mart. Quibus et beati Petri auctoritate preceptum est: ut non pugna-
 rent; set locum eligerent, in quo ambarum partium episcopi
 possent secure convenire, reddituri rationem ante sanctae Ro-
 manae ecclesiae legatos.

Quod salubre concilium^c, diabolo instigante, interruptum
 Aug. 7 est. Et iterum acriter pugnatum est; in quo multa milia ho-
 minum ex utraque parte cecidere, et maxime Boemiorum.

Quod ut papae nunciatum est, in proxima quadragesima^d —
 Nov. 19 nam in festivitate sanctae Agathae^e hoc bellum gravissimum com-
 missum est — sinodum congregavit, in qua amborum regum
 nuncii^f interfuerent, qui proprio ore iuravere, concilium non culpa
 dominorum suorum interruptum^g. Set quis eorum fuerit per-
 iurus, quia non satis appareat, dicere omitto.

1079 Set quid plura? Venerabilis pontifex religiosos episcopos
 ultra montes mittere destinavit, qui regibus interdicterent ut non

a. R. super qua littera manus eadem scripsit egi. b. victoriam c. c. con-
 silium c. d. nunci c.

1. anno 1077 „aestivo tempore“ V. Bertholdi annales l. l. p. 304.
 2. atrio. 3. sive colloquium in Germania agendum; de quo v. Bertholdi
 annales 1078 p. 310. 311. 4. immo iam d. 19 Nov. 1078. 5. immo
 sancti Donati (7 Aug.). 6. V. Gregorii Reg. VI 5b, supra p. 330.

pugnarent, et episcopos ad concilium vocarent: Petrum scilicet 1079 episcopum Albanensem, virum religiosissimum — qui ante episcopatum temporibus papae Alexandri¹ ex precepto abbatis sui² contra symoniacam haeresim^a per medios ignes transivit illesus — et Uodalricum Paduanum episcopum, virum valde eloquentissimum et Heinrico regi satis fidelissimum, et Aquileiensem patriarcham³. Qui, Alpes transeuntes, regem in Baioaria in- Mai. veniunt; set neque supplicationibus neque precibus neque aliqua quavis calliditate potuerunt efficere, ut synodum pateretur rex Heinricus in suo regno eos celebrare, nisi Ruodolfum absque vocatione vellent excommunicare. Quod dum illi facere noluis- sent interdicentibus canonibus, infecto negocio Romam rediere.

Iterum acriter pugnatum est⁴ et multa milia hominum ex 1080 Ian. 27 utraque parte cecidere.

INCIPIT LIBER NONUS.

Interea rex Heinricus deliberato consilio misit Romae legatos, Lemarum scilicet Bremensem archiepiscopum, de quo supra retulimus, et Pabenbariensem episcopum⁵ et alios quam plures, superbiam et inauditam portantes legationem: ut, si vellet papa Mart. R(uodolfum) absque iudicio excommunicare, debitam ei preberet obedientiam; sin aliter, acquireret sibi papam, qui faceret secundum eius voluntatem. Venerabilis vero pontifex, qui pro Mart. 7 veritate mori paratus erat, non solum Rudolfum^b rationem pre- tendentem non condemnavit, set etiam ipsum regem superbe loquentem excommunicavit. Quod factum populo Romano^c magnam dedit fluctuationem.

Interea prefati regis legati, Tusciam venientes, a subiectione excellentissimae cometisse M(atilda)e eam^d omnino temptabant avertere. Et quia plebs semper cupida novarum rerum, infida

a. haeresim *addidi*. b. Rudolfum *addidi*. c. R. c. d. eam *addidi*.

1. a. 1067. V. Bertholdi annales p. 273, Florentinorum epistolam ad Alexandrum II ap. Baronium annal. eccles. ad a. 1063, Mabillon Ann. ord. Ben. V 1. 2. Iohannis Gualberti abbatis Vallumbrosani. 3. Heinricum. 4. ap. Flarcheim. 5. Rupertum.

1080 prioribus dominis, tum quia eadem plebs naturaliter infida est, quod voluere, facillime facere potuere¹. Dehinc venientes Longobardiam — relicto marchione Alberto et comite Bosone² in partibus Tusciae — omnes principes Longobardorum ad colloquium invitantes apud Brixianorium^a, diviso regno et sacerdotio, ad regem remearunt.

Iun. 29 Interea venerabilis pontifex post pentecosten³ cum Ruberto Normannorum^b duce colloquium^c citra Aquinum^d habuit eumque ab excommunicatione absolvit. Qui, eius proprius factus miles, omnem Apuliae et Calabriae ab eo suscepit principatum.

Cum haec gererentur, Longobardorum episcopi et principes apud Brixianorium^e conveniunt. Haut segnis ibi rex occurrit cum suis episcopis ac ultramontanis principibus. Ubi communicato pessimo consilio eligitur Guibertus in Romanum pontificem a consimilibus, nullo ibi Romano astante clero vel laico, presidente Romanae cathedrae venerabili papa Gregorio, qui iam per quinquennium^f in pace universalem rexerat ecclesiam. Quod factum diabolicum non est auditum a die, qua gentes esse ceterunt, usque ad diem hanc. Et quia peccatum plerumque est pena peccati, ex radice superbiae processit^g ad perjurium, ex perjurio pervenit ad inobedientiam, per inobedientiam Guibertus cecidit in excommunicationem, per excommunicationem pervenit ad idolatriam. Hunc talem, ut superius retulimus, nullo Romanorum clericorum vel laicorum ibi presente vel consentiente, excepto Hugone Candido, qui peccatis suis exigentibus ab ecclesia iam diu fuerat sequestratus, elegit sibi rex Heinricus in pontificem. Et huic, suadente Dionisio Placentino episcopo, ore proprio iuravit: ab eo coronam imperialem suscepturum. Quid plura? Ita omnes mente cecati sunt, ut non respicerent faciem

a. Brixianorum c. Cf. *infra*. b. Marmannorum c. colloquium om. cod.
d. processit ad perjurium *recepit ex Vita Gregorii, Bonithonis librum sequente, ap. Waterich Pont. Rom. Vit. I* 337.

1. De Mathildis militibus Heinrico regi „resistere recusantibus“ v. Greg. VII Reg. VIII 26 supra p. 474. 2. Horum utrumque in „capitibus schismaticorum“ numerat Bernoldus in Chronico ad 1085, Mon. Germ. SS. V 443. 3. post Mai. 31. 4. Ceperani, die 29 Iunii. 5. Brixinam. 6. immo septennium.

terrae et quam procul a Romana urbe castra metati erant. Proh ¹⁰⁸⁰
dolor omnes, qui ibi aderant, pseudoprophetam adoravere proni.
^{Inn. 25}
Set quicunque^a adoravere, a matris ecclesiae sinu longe cecidere.

Celebrata igitur taliter apostolorum principum festivitate, ^{Iun. 29}
rex, tanti pontificis auctus benedictione, remeavit ad propria;
Guibertus vero cum suis complicibus, papalia secum deferens
indumenta, intravit Italiā. ^{Iul.}

Set quia consilia Domini abyssus multa¹, ineffabili Dei pro-
videntia non flagella Domini, secundum quod meritus erat, su-
cepit Heinricus, set successum, qui mirabiliter adderet nequiciae
suae superbiam. Nam non longo post tempore intravit Saxoniam ^{Oct.}
in potentatu magno et manu robusta. Cui ex adverso occurrit
R(udolfus). Et acerrimo bello commisso, Heinricus turpiter terga ^{Oct. 15}
vertit. In quo prelio victor R(udolfus) occubuit. Non sicut so-
lent mori ignavi, mortuus est Rudolfus, non fugiens vel latibula
querens occisus, set super strages inimicorum et super cadavera
mortuorum plagatus a suis inventus est. Cuius mors Heinrico
post 8 dies, in quodam castro latitanti et de fuga cogitanti,
nunciata est. Qui, mox extollens in altum cornu suum et loquens
adversus Deum iniquitatem², non recognoscens sathanae callidi-
tates, credidit, Deo suum placuisse peccatum.

Post paucos vero dies³, postquam haec gesta sunt, eius ^{Oct. 15}
filius cum exercitu excellentissimae M(atilda)e pugnavit et victo-
riam obtinuit⁴.

His elatus successibus, derepente Italiā intravit. Et post ¹⁰⁸¹
^{Mart.} pasca, ducens secum bestiam, Romam tendit. Et in vigilia pen- ^{post Apr. 4}
tecostes in prato Neronis castra metatus est. Set o Deus, ^{Mai. 22}
quis non tantorum prudentum virorum potest mirari amentiam!
Nam etsi mentis oculos perdiderant, corporeos tamen non ami-
serant. An non videbant, qui ab eis ducebatur? Quam a Ro-
manis honorifice suscipiebatur! Nam cernere erat pro cereis lan-
ceas, et pro clericorum choris armatos, pro laudibus convicia,
pro plausibus ululatus. Set quid plura? Post agrorum vasta-

a. quique c.

1. Ps. 35, 7. 2. Ps. 74, 6. 3. Eodem die, ut tradidit Bernoldus
ad 1080 l. 1. p. 436. 4. „apud Vultam prope Mantuam“. Bernoldus l. 1.

1081 tionem et multa et varia homicidia, post varias clades et miseras, quas Romani, nolentes pseudopapam suscipere, perpessi sunt, cum eodem rex Longobardiam infecto negocio rediit.

Dec. Sequenti vero hieme, ducens secum pestiferum, iterum Romaniam intravit. Et depopulans urbes, et castra evertens, ad 1082 Mart. Apr. ultimum per omne quadragesimale tempus Romam obsedit. Et post Apr. 24 post pascha, exercitu per civitates et vicina castra undique circumfuso, dimittens apud Tyburim^a Guibertum, ipse Longobardiam remeavit.

Guibertus vero ut Alcimus satis agebat pro sacerdotio suo¹. Nam per omne estivum^b tempus magnas depredationes et varias Romanorum civium truncationes faciebat; dehinc segetes et agros flamma depopulans, de penuria vel fame filiorum male cogitabat.

Sequenti vero hieme iterum rex Romae reversus est. Et 1083 postquam sacramentis datis firmatum est: omnes religiosos ex quoconque regno, volentes Romanam visere, venire securos², post c. Nov. 11 captionem Hostiensis episcopi³ aliorumque religiosorum^d monachorum et clericorum videns se a Cluniacensi abbatе⁴ et ab omnibus episcopis, tam clericis quam monachis^e, haberi excommunicatum, ad callida mox se contulit argumenta. Nam, ut popularem captaret favorem, dixit: se a venerabili Gregorio coronam velle accipere imperiale⁵. Quod ut populus audivit Romanus,

a. Tyberim c. b. festivum c. c. an propter? d. sequitur episcoporum sed inductum. e. sic cod.

1. 1 Macc. 7, 21: „Et satis agebat Alcimus pro principatu sacerdotii sui^u“. 2. Bernoldi chron. 1083 p. 438: „Heinricus quoque ituris ad illam synodum et reddituris securitatem iureiurando fecit“ Cf. Gregorii Reg. VIII 58 supra p. 516. 3. Ottonis; quem „circa festivitatem sancti Martini“ (c. Nov. 11) captum esse, tradidit Bernoldus in Chron. ad 1083 l. I. p. 438. 4. Hugone. 5. „Romani, nesciente papa, Heinrico se effectueros iuraverant, ut aut Gregorius papa eum incoronaret, aut aliis, quem ipsi illo expulso eligerent“, Bernoldi chron. 1083 p. 438. Romanorum autem sacramentum, e codice musei Britannici (Arundel. n. 390, fol. 132) a Pertzio descriptum in Mon. Germ. SS. VIII 461 hoc fuit: „Tibi dicimus, rex H(einrice), quia nos infra terminum illum, quem tecum ponemus, ad 15 dies postquam Romanam veneris, faciemus te coronare papam Gregorium, si vivus est vel si forte de Roma non fugerit. Si autem mortuus fuerit vel si fuderit et reverti noluerit ad nostrum consilium, ut te coronet infra consti-

non solum laici set etiam religiosi qui videbantur, tam episcopi 1083 quam clerici, abbates, monachi, ceperunt supliciter lacrimis fusis orare, ut patriae fere perdite misereretur. Venerabilis vero pontifex, qui pro veritate mori paratus erat, negavit se omnino facturum, nisi prius de excommunicatione publice satisfaceret. Quod cum rex, conscientia accusante, facere renuisset; et per multos dies a Romanis venerabilis pontifex rogaretur, ut regem susciperet, et ille ad omnes preces maneret immobilis; paulatim cepit prefatus rex vulgi sibi favorem acquirere. Cunque pecunia et terrore et vi omnes fere sibi acquisisset Romanos, de fortitudine venerabilis Gregorii desperans, ad dedecus et infamiam totius ecclesiae Guibertum in sede sancti Petri ordinare constituit. 1084 Et cum non haberet episcopos cardinales sacerdotes sanctae Romanae ecclesiae, nec levitas, nec comprovinciales episcopos, quibus mos est papam intronizare — nemo enim ex tanto numero, nisi qui a fide exulaverat, cum eo fuerat; antea enim maluerant propriis sedibus carere et, si oporteret, omnibus membris debilitari, quam participes fieri coinquinationis — a Mutinensi^a Mart. 24 episcopo¹ et a Bononiensi² et a Cervensi^b in sede beati Petri intronizatus est. Quod fantasma a seculo non est auditum. Dehinc in pascha a tali benedictionem accepit imperiale; sicque Mart. 31 civitatem intravit, ducens secum trifformem Chimeram³, et ad Lateranense usque pervenit palacium.

Venerabilis vero Gregorius, ut cognovit populi trepidationem, iam dudum in arce sancti Angeli se locaverat. Ad cuius obsidionem rex omnes Romanos armavit. Ipse vero — dissimulans, fortissimi ducis Roberti se scire^c adventum, Capitolina domo de- Mai. structa, ad ecclesiam sancti Petri cum Guiberto veniens, civitatem sancti Petri, quam Leo quartus papa edificaverat, funditus

a. Mutensi c. b. Cervensi c. c. se scire *scripti pro nescire cod.*

tutum terminum, nos papam eligemus eum tuo consilio secundum canones, et ipsum papam studebimus per bonam fidem ut te coronet, et nos studebimus per bonam fidem ut Romani faciant tibi fidelitatem. Haec omnia observabimus tibi absque fraude et malo ingenio, nisi quantum communis consilio nostro et tuo addatur vel minuatur^d.

1. Heriberto. 2. Sigifredo. 3. V. Horatii carm. I 27, 23. 24.

1084 destruxit. Sicque valefaciens Romanis, una cum Guiberto recessit.

Mai. 28 Set antequam ad Senam venisset, fortissimus dux Ruodbertus, Romam aggressus, non per triennium ut Heinricus, set Mai. 29 sequenti die, qua venit, perfidam civitatem armis cepit, et papam ab obsidione liberavit, et fere omnes Romane civitatis regiones, vixor ferro flammaque, possedit. Dehinc apud Lateranense palacium permultos dies degens, multa milia Romanorum vendidit ut Iudeos; quosdam vero captivos duxit usque Calabriam. Et tali pena digni erant multari, qui ad similitudinem Iudeorum pastorem suum tradiderunt.

Quid plura? Venerabilis papa una cum Ruoberto Salernum usque pervenit, ibique per aliquod dies degens, saluberrima monita populis impendebat. Set non longo post tempore, infirmitate corporis correptus, spiritum coelo reddidit. Ad eius sepulchrum Deus multa milia miracula usque hodie operatur. Vere terque quaterque beatus, qui meruit pro nomine Iesu contumelias pati¹.

Et ille quidem cum Petro regnat in celestibus; hic vero, omnibus odiosus, a nemine viventium, quamvis a quibusdam gratia regis dicatur et apostolicus habetur. Tamen sunt, qui gratia regis quedam configunt machinamenta, volentes dominum Gregorium infamare, set non valentes.

Sunt enim, qui dicunt: eum non iure fuisse apostolicum propter quedam decreta Nicolai iunioris. Quibus sub anathemate interdictum ferunt: ut nemo aspirare audeat ad pontificatum Romanum, nisi ex consensu regis² eiusque filii³. Quod falsissimum esse omnibus modis, declarabitur; quamvis, etsi verum esset, tamen nullius momenti esset. Nam, etsi licet Romanis pontificibus, rigorem canonum temperare pro necessitate temporum, tamen non licet omnino destruere. Quid enim aliud esset, nisi omnino christianam legem destruere, decreta sanctorum Romanorum pontificum qui sanguine suo ecclesiam fundavere infringere, et sacrosancta quatuor concilia, que ab hominibus velut

1. Act. 5, 41.

2. Heinrici III.

3. Heinrici IV.

euangelia sunt veneranda, irrita facere. Set bonae memoriae domnum Nicolaum ab hac liberemus infamia; et testibus idoneis, eum talia non dictasse, demonstremus.

Veniat Guibertus, testis idoneus, a quo cesar imperiale accepit coronam, et falsa locutos eos convincat. Si enim verum est, secundum decreta Nicolai^a ut non apostolicus habeatur, qui non ex consensu regis Romanum electum esse pontificem, et Alexandrum absque eius voluntate Romanae sedi intronizatum, restat: eundem non apostolicum set excommunicatum. Quodsi excommunicatus et ab ecclesia Dei sequestratus^b, Guiberto quid contulit, dum eum sacraret episcopum? Benedictiōnem, quam non habuit, dare non potuit; ergo maledictionem, quam habebat, donavit. Igitur, si maledictus, quomodo papa? Set hoc falsum est. Guibertus enim iure episcopalem accepit benedictionem; et Alexander papa, qui contra voluntatem regis Romanum adeptus est pontificatum, teste Guiberto apostolicus legaliter ordinatus est.

Quod itidem de cesare sentiendum est. Si enim hoc verum esset, quomodo homo magni consilii et sollertis ingenii papae Alexandro per tot annos dedisset obedientiam; et quomodo a Guiberto eius episcopo imperiale suscepisset coronam?

Accedat et tertius testis, Hugo Candidus cardinalis Romanus, et probet, eos esse mentitos. Quomodo enim in ipso die sepulture prefati papae Gregorium elegisset? Si enim decreta vera sunt, ergo excommunicatus est; quodsi excommunicatus, et infamis; si vero infamis, quomodo apud Brixianorium, civibus Romanis nolentibus, solus Hugo Guibertum papam potuit eligere?

Falsa sunt autem haec et puerorum ludo similia. Quamvis, venerabilem Gregorium in ordinatione sua consensum regis habuisse, nulli dubium est. Nam Vercellensis episcopus Gregorius, a rege missus, eius interfuit consecrationi.

Quodsi aliquid adversus eum habuit, decuit in primordio dixisse, antequam legatos eius honorifice suscepisset, priusquam ab eis absolutionem excommunicationis publice suscepisset, ante-

a. Nocolai c.

b. sequitur in cod. et si excommunicatus.

quam Herimannum Pabenbariensem episcopum ei deponendum Romae misisset, priusquam alterum in eius sede ex precepto eius posuisset.

Quodsi dixerit, se iuvenem suorum deceptum fuisse astucia consiliariorum, quid de Lemaro Bremensi archiepiscopo dicemus, viro sapientissimo et omnium artium peritissimo? Nonne, postquam ab eiusdem papae legatis officio suspensus est¹, tam diu 1077? sacerdotio se abstinuit, quamdiu a Saxoniam Romam veniret; ducent secum illius regni philosophos Giticlinum² Coloniensem et Guezolonem prepositum³, qui postea Maguntinam vastavit ecclesiam⁴, et Mainardum Pabebargensem⁵. Et cum his papae pedibus advolutus, tam diu^a lacrimabiliter veniam peciit, donec impetravit et officium sacerdotale recepit.

Dicerem quidem: si papa non erat, cur apud Canusium ab eo rex^b excommunicationis absolutionem suscepit? nisi essent, qui dicerent: extortam confessionem non esse confessionem. Quod qui dicunt, male decreta beati Alexandri^c, quinti post beatum Petrum Romani pontificis, intelligunt. Non enim aliam dicunt esse extortam confessionem, nisi quando vel suppliciis vel minis veritatem cogitur negare, vel in idolatriam peccare. Veritatem profiteri^e vel invitum, hoc reorum est. Et haec non est extorta confessio set invita, quando quis cogitur hoc profiteri, veritate prodente, quod prava mente negare deliberaverat.

Sunt et alii qui dicunt, venerabilem Gregorium legaliter papam fuisse, set contra se ipsum sententiam damnationis dictasse. Nam in secunda feria post pasca apud Sanctum Petrum, cum

1076
Febr. 22

a. diu addidi. b. rex addidi. c. proferri e.

1. Cf. Gregorii VII Reg. II 28 et II 52a supra p. 140 et 170. 2. an Sigiwinum archiepiscopum Coloniensem (1079—1089)? 3. eum fuisse „clericum Halverstadensis episcopi fugitivum“, tradit Bernoldus in chron. 1084, Mon. Germ. SS. V 441. 4. archiepiscopus Moguntinus, 1084—1088. 5. is Meginhardus II ep. Wirzburgensis (1085—1088) fuisse videtur. Cf. Bernoldi chron. 1088, l. l. p. 448: „Wecilo Mogontiensis et Meginhardus Wirciburgensis pseudoepiscopi, inter scismaticos eruditioне et errore praecipui“. 6. I, in epistola Pseudoisidoriana (Decretales Ps. Is. ed. Hinschius p. 98): „Omnis enim confessio, quae fit ex necessitate, fides non est“; et: „Confessio vero non extorqueri debet —“.

regem excommunicasset, adiecit: *Omnibus vobis notum sit, quod, si usque ad festivitatem sancti Petri¹ Heinricus non resipuerit, mortuus erit aut depositus.* Quodsi hoc non fuerit, mihi credi amplius non oportet². Quod verbum male intelligentes avide rapuere et quique secundum suam voluntatem ad malam partem declinavere. Set hoc non fuit in semet ipsum dictasse sententiam. Aliud enim est dicere: *Mihi credi non oportet*, et aliud: *Me^a iudico deponendum.*³ Nec^b sententia dici potest, que ante ventilatam questionem profertur; set nec ullam possidebit firmatatem sententia, que sine consideratione pronunciatur. Et quamvis popularis rusticitas aliter intellexisset quam debuit, tamen omnis qui sanum sapit, eum vera dixisse, non dubitat. Nam cum in lege scriptum sit: *Si quis in nomine Domini propheta- verit, et non evenerit, quod predixerit, lapidibus obruatur, quia nomen Domini irriter fecit*³, quid est, quod Ionas, de subver-

a. Me addidi. b. Hęc c.

1. Aug. 1. 2. Bonitho quidem hanc Gregorii VII vaticinationem ad annum 1080 referri vult, cum doceat infra, Heinricum adorato (25 Iunii 1080) Wiberto reapse Brixinae poenalem mortem passum esse. Sigebertus quoque in chronica (Mon. Germ. SS. VI 364) ad annum 1080 narrat haec: „Hildibrandus papa quasi divinitus revelatum sibi praedixit, hoc anno falsum regem esse moriturum; et verum quidem predixit; sed fefellit eum de falso rege coniectura, secundum suum velle super Heinrico rege interpretabat“. Nihilo secius Gregorii praedictionem illam ad annum 1076 pertinere puto. Anno enim 1076 excommunicatus Heinricus est „secunda feria secundae ebdomadae in quadragesima“ i. e. d. 22 Febr. (teste Lamberto in annal., Mon. Germ. SS. V 241), anno autem 1080 die 7 m. Martii, i. e. sabbato, diebus 36 ante pascha (v. Gregorii Reg. VII 14a supra p. 401). Itaque cum Bonitho (sicut Beno cardinalis quoque) definite de secundae feriae excommunicatione commemoret, licet perperam „post pasca“ addiderit, de priore anni 1076 excommunicatione agi patet; prae- certim cum episcopos quoque, „qui non sponte consenserint“, se tantummodo „usque ad festivitatem sancti Petri sufferre, in eadem anni 1076 synodo dixisse Gregorium legamus in eius Reg. III 10a supra p. 222. De eadem igitur priore excommunicatione ipse Gregorius Heinrico I episcopo Tridentino (supra p. 535) scripsit haec: „promittimus: festum b. Petri non prius transeundum, quam in cunctorum notitia certissime clareat, illum iustissime esse excommunicatum“. 3. Cf. Ierem. 14, 15: „qui prophetant in nomine meo, quos ego non misi, dicentes: „„Gladius et fames non erit in terra hac““, in gladio et fame consumentur prophetae illi“.

1076
Febr. 22

sione Ninive prophetizans, cum Ninive non sit subversa, nec mortuus legitur nec reprobatus, nisi quia spiritalis^a ibi est intellecta subversio, de qua dictum est: *Verte impios et non erunt*¹. Sic protoplasto dominica voce dictum est: *In quacunque die manducaveris, morte morieris*², cum post vetitum gustum non gentos et eo amplius annos vixisse comprobatur, nisi quod ei mortem interminatus est penalem, non naturalem qua anima nexu corporis liberatur. Tres enim mortes scriptura referente didicimus: unam spiritalem, qua anima viciis moritur et Deo vivit, de qua^b scriptum est: *Beati mortui, qui in Domino moriuntur*³; alteram naturalem, qua anima nexus corporis liberatur; terciam vero penalem, de qua scriptum est: *Anima, que peccaverit, ipsa morietur*⁴. Qua morte mortuum eum, qui apud Brixianorum pronus adoravit bestiam⁵, nulli dubium est. Set dicunt, eo die eum a regno depositum non fuisse; non intelligentes, aut disiunctivam esse coniunctionem, non affirmativam; quamvis, etsi non ante humanos oculos, tamen forsan ante divinos oculos depositus est. Quis enim Saulem neget post Samuelis verba dicentis ad eum: *Scindet Deus regnum tuum hodie a te, et dabit meliori te*⁶, et post David unctionem, diabolico spiritu plenum, usque ad durissimum Gelboe prelum⁷ ad perniciem suam ante humanos oculos regnasse. O quanto melius sibi esset, si eo die, quo a Domino reprobatus est^c, regia esset potestate privatus, quam post, cupidine regni inflatum, per Doech Idumeum sacerdotes^d Domini interficere et^e octoginta viros, ephot accinctos lineo, iussisset necare⁸. Et si eodem die, ut superius dixi, esset regia potestate privatus^f, non diabolum in Samuele adorasset⁹, nec eius verba audisset dicentis: *Tu et filii tui cras mecum eritis*¹⁰. Quid plura? Satis liquido patet, eum¹¹ mortuum fuisse et depositum eo die, quo Guibertum pronus adoravit.

- a. spāl^r c. b. q̄ c. c. est addidi. d. sacerdotē c. e. an cum?
 f. regia potestate privatus scripsi pro repudiatus c. g. sequitur iterum tu in cod.
 1. Prov. 12, 7. 2. Cf. Gen. 2, 17. 3. Apocal. 14, 13. 4. Ezech.
 18, 4. 5. Wibertum, 1080 Jun. 25. 6. 1 Reg. 28, 17. 7. 1 Reg.
 31, 1 sq. 8. 1 Reg. 22, 18. 9. 1 Reg. 28, 14. 10. 1 Reg. 28, 19.
 11. Heinricum IV.

Item sunt quidam qui dicunt, venerabilem Gregorium vere Romanum fuisse pontificem, set regem absque ratione excommunicasse secundum decreta Felicis¹ papae et martyris, in quibus sic legitur: *Nemo, suis rebus expoliatus aut a sede pulsus, potest excommunicari vel iudicari, priusquam omnia ei redintegrantur* et cetera. Set quamvis hoc capitulum specialiter ad episcopos pertinere videatur, tamen evidentissime demonstrabitur, nihil eis prodesse, quominus ostendatur, regem iuste fuisse excommunicatum. Si enim de regno aliqua fuisse controversia, utrumnam iuste vel iniuste regni teneret gubernacula, cedo; deberet prius suo restitui loco quam excommunicari vel iudicari. Set inter papam et regem non aliunde orta est controversia, nisi quia, secundum Phocium et Dioscorum ponens in celum os suum, sine iudicio temptavit pellere a sede dominum papam senioris Romae². Secunda vero excommunicatio propterea facta est: ut, cum semel et bis et ter ammonitus fuisse a domino papa, ut non pugnaret et locum daret in suo regno celebrandi concilii, et renuisset — imitatus magistrum gentium, promptum se dicentem ad omnem ulciscendam inobedientiam³ — rebellionem superbi filii excommunicando compescere curavit; non volens eum mortificare, set ad penitentiam vocare.

Sed cum superius a me quesisses, amice dulcissime: Si licet christiano armis pro veritate certare, hystoriam petebas. Quam non^a invitus^b contexui, licet multis notissimam, tamen posteris profuturam: ut cognoscas, quia, si licuit unquam christiano pro aliqua re militare, licet contra Guibertistas omnibus modis belare. Si enim beatus Gregorius pugnandum contra symoniacam et neophitorum heresim pro officii sui consideratione omnibus precepit⁴, quanto magis, contra hanc, que mater est omnium

a. n. c. b. invitus addidi.

1. Cf. Felicis II epist., in Decretal. Ps. Isidor. ed. Hinschius p. 485: „Si quis episcoporum suis fuerit rebus expoliatus“ cet. 2. V. supra p. 668. 3. 2 Corinth. 10, 6. 4. Etiam in Gratiani deer. P. II C. I qu. 1 c. 5 Gregorio I attribuuntur verba haec: „Quisquis ergo contra simoniacam et neophytorum haeresim pro officii sui loco vehementer non exarserit, cum eo se non dubitet habiturum portionem, qui prius commisit hoc

heresum, pugnandum esse, nulli dubium est. Nec milites a regno Dei alienos esse iudicabimus, quos baptista Domini non solum non^a abhorruit, sed pocius, ut militarent contenti suis stipendiis¹, precepit. Dominus vero noster Iesus Christus nonne centurionis fidem anteposuit fidei^b Israel? set et eius servulum curare non dignatus est². Post gloriosam vero eius ad celos ascensionem, primiciae gentium, que^c credidere, ex militibus fuere; et in tantum eorum elemosinae et orationes acceptae fuere³, ut, Symone Petro in domum Cornelii intrante, antequam ei vel eis^d, qui cum eo erant, manus imponeret vel eos^e baptismi aqua mundaret, sancti Spiritus susciperent^f carismata⁴. Et cum sint quedam officia, ad que redire post baptisma sub gentilibus ducibus militasse. Que si licuit pro terreno rege, non licebit pro celesti? si licuit pro re publica^g, non licebit pro iusticia? si licuit contra Barbaros, non licebit contra hereticos? Nonne sanctus Hylarius, ut in hystoria legitur Francorum, Clodoveum^h regem contra hereticos Arrianos armavit? Set et beatus Augustinus insignis doctor Bonifacium hortatur, ut Circumcelliones et Donatistas deprendetur atque persequatur, eique sic scribit inter cetera: *Bonifacio spectabili viro A. salutem. Gravide pugna conquereris, dubites nolo; utile tibi tuisque daboque consilium. Arripe manibus arma, oratio aures pulset Auctoris. Quia quando pugnatur, Deus apertis oculis prospicit, et partem quam aspicit, iustum illi donat palmam et victoriam. Noli existimare, in armis bellicis non posse Deo placere. In his fuit sanctus David, cui Dominus tantum perhibuit testimonium: „De fructu ventris tuiⁱ ponam super sedem tuam“.* In his fuit et

a. non om. c. b. fidei scripti pro filiis; cf. Matth. 8, 10: non inveni tantam fidem in Israel. c. qui c. d. eis addidi. e. eos addidi. f. suscepere cod. g. re P. c. h. Clodoneum c. i. t. p. s. s. t. cod.

piaculare flagitium^u. Neque vero inveniri haec in Gregorii I operibus, iam correctores Romani adnotaverunt.

1. Luc. 3, 14. 2. Matth. 8, 5—13. 3. Act. apost. 10, 4: „orationes tuae et eleemosynae tuae ascenderunt“. 4. Act. apost. 10, 47: „Numquid aquam quis prohibere potest, ut non baptizentur hi, qui Spiritum sanctum acceperunt“.

centurio, de quo dicit Dominus: „Amen dico vobis, non inveni tantam fidem in Israel“. In his fuit et Cornelius, cuius elemosinae fuere acceptae apud Deum. Quid dicam? Hostem pugnatum necessitas perimat non voluntas. Idem de sermone Dei habito in monte, cum de beatitudinibus loqueretur et venisset ad Beati qui persecutionem patiuntur^a propter iustitiam, equaliter dixit beatos eos, qui persecutionem inferunt propter iusticiam, ac si qui persecutionem paciuntur propter iusticiam. Ieronimus vero in tractatu pentateuci sic meminit, dicens: *Si Hebreo preceptum est, patri vel matri vel uxori, que dormit in sinu suo, non parcere, si se voluerit a veritate avertere, quanto magis tibi, o christiane, heretico scindenti domini Iesu vestem non esse parcendum tibi cognoscas.* Idem ad Rusticum Nerbonensem: *Non est impietas pro Deo crudelitas.* Prefatus sanctus Ieronimus in tractatu Ieremiae¹ ad Eusebium Cremonensem sic scribit inter cetera: *Homicidas et adulteros et reos mortis scelestos perdere, non est homicidium, set legum observatio.* Venerabilis vero Ambrosius, gemma sacerdotum, in quadam sua epistola², se armis populorum defensatum a Iustinae imperatricis rabie, gloriatur. Sanctissimus vero Gregorius, sydus aureum, a Mauricio imperatore arguitur, eo quod in^b milites Romanae urbis muros tuentes larga ciborum et armorum honorificentia plus, quam ab imperatore soliti erant accipere, inpendebat. Quid vero Veloci magistro militum scribat³, audiamus: *Nunc utile visum est, ut aliquanti illuc milites transmittantur, quos gloria tua ammonere et hortari, ut parati sint ad laborem, studeat. Et occasione inventa, cum gloriosissimis filiis nostris Marcio^c et Vitalio^d loquere, et quecunque vobis adiutore Deo pro utilitate rei publicae statuerint, facite^e.* Et si *huc vel^f* ad Ravennates partes

a. p. p. i. cod. b. in addidi. c. sic cod. pro Maurilio. d. sic cod. pro Vitaliano. e. facite om. cod. f. adhuc cod. pro hoc vel.

1. Explanatio Ieremiae, Hieronymi Opp. ed. Vallarsius T. IV 987: „Homicidas enim et sacrilegos et venenarios punire, non est effusio sanguinis, sed legum ministerium“. Cf. Gratiani deer. P. II C. 23 qu. 5 c. 31.
 2. Cf. Ambrosii epist. class. I ep. 22, Opp. ed. Benedictini II 876. 3. S. Gregorii Registri L. II 3, Opp. ed. Benedict. T. II 570.

Ariulfum^a cognoveritis excurrere, vos a dorso eius sicut fortis viros condecet, laborate. Item Marcio et Vitalio¹ inter cetera: Gloriosi filii, estote solliciti; quia, quantum comperi, hostis collectam habet multitudinem et in armis^b dicitur residere. Si huc cursum Deo sibi irato mittere voluerit, vos loca illius, quantum Dominus adiuverit, depredate. Idem in moralibus: Crudelem interficere non est crudelitas.

Audistis sanctorum patrum documenta, advertite et pro veritate pugnantium exempla. Hermogenem prefectum, Paulo^d Constantinopolitano episcopo zelo Arrianae hereseos persecutionem inferentem, legimus cum omni domo sua ab orthodoxis igne crematum²; nec hoc vituperatum, set ab omnibus scimus esse laudatum³. Quid vero de Alexandrinis dicam? Nonne propter varias pugnas et diversa certamina, que contra Arrianos exercuere, in toto mundo laudantur⁴? An non Mediolanenses a catholicis condigna gloria extolluntur, qui orthodoxos episcopos in ecclesiam fugientes de manu Constantii liberavere? Nonne Cirillus episcopus Alexandrinus, cuius laus in Ephesino concilio⁵ est, Amonium monachum, qui Orestem prefectum saxo percussit, zelo Dei ductus, quamvis non secundum perfectam scientiam, qui ab officio eiusdem Orestis ob hoc fuerat lapidatus, inter martyres collocavit⁶?

Veniamus nunc ad nostra tempora, et videamus, quid pugnantibus contra Normannos^f sub papa Leone omnipotens contulit. Gloria enim et honore coronavit eos, et signis et prodigiis sibi complacuisse comprobavit⁷. Quid vero de Herlimbaldo viro religioso⁸ et de Centio Romano prefecto viro christianissimo dixerim⁹, ad quorum sepulchra multa mirabilia Deus operatur.

Igitur pugnent gloriosissimi Dei milites pro veritate, certent pro iusticia, pugnent vero animo adversus heresim, extollentem

a. Aiulfum *c.* b. in armis *cod. pro* Narina. c. hic *c.* d. Paulū *c.*

1. Maurilio et Vitaliano. Registri L. II 30, Opp. ed. Benedict. II 591.

2. V. supra p. 608. 3. V. supra p. 608 n. 2. 4. V. supra p. 608.

5. anni 431; ap. Mansi IV 567 sq. 6. Hist. Trip. XI 11, Cassiodori Opp. ed. Garetius I p. 369. 7. V. supra p. 635. 636. 8. V. supra p. 663.

9. V. supra p. 674.

se adversus omne, quod dicitur vel quod colitur deus^{a1}. Emul-
lentur in bonum excellentissimam comitissam Matildam, filiam
beati Petri; que virili animo, omnibus mundanis rebus postha-
bitis, mori parata est potius, quam legem Dei infringere, et
contra heresim, que nunc sevit in ecclesia, prout vires suppetunt,
omnibus modis impugnare. In manu cuius^{a2} credimus quia tra-
detur Sisara^{a3} et, sicut Iabin in torrente Cison, disperiet^{b4} —
quia exterminavit vineam Dei et depascitur eam ut singularis
ferus^{c5} — factus ut sterlus terrae^{d6}. Nos autem secundum officii
nostri tenorem oremus^{e7}: ut, incensa igni et suffossa^{f8} ab incre-
patione vultus tui, citissime pereat^{g8}.

EXPLICIT.

a. dī cod. b. disperget c. c. ferus om. c. d. suffosa c.

1. 2 Thess. 2, 4. V. supra p. 607 n. 2. 2. Matildae. 3. Iudic.
4, 9: „quia in manu mulieris tradetur Sisara“.

4. Ps. 82, 10. 11: „Sicut
Iabin in torrente Cison. Disperierunt —“.

5. Ps. 79, 14: „Exterminavit
eam (vineam) aper de silva, et singularis ferus depastus est eam“.

6. Ps. 82, 11: „facti sunt ut sterlus terrae“.

7. secundum Ps. 79, 17:
„Incensa igni et suffossa ab increpatione vultus tui peribunt“.

8. Sisara (Heinricus IV).

INITIA EPISTOLARUM

HUIUS TOMI.

	pag.		pag.
Abbasi, praesentium lator . . .	493	Cognitis fraternitatis tuae . . .	233
Abbatis vestri Ivonis	184	Cognoscat debitae tuae	302
Admiranda res est	169	Communis amor et sincera	518
Admonere te, frater	124	Compertum esse celsitudini	541
Ad notitiam tuam pervenisse .	570	Confrater noster Rodulfus	134
Ad vos iam pervenisse	150	Confrater noster Rodulfus	135
Antiqua et nota	292	Confrater noster Rodulfus	135
Antiqua sanctorum	370	Confrater noster Theodericus .	101
Apostolicam benedictionem .	563	Confratrem nostrum Landricum .	95
Apud antecessores	199	Confratris nostri	178
Aquensis archidiaconus	570	Congratulamur dilectioni	500
Audistis fratres novam	211	Considerantes ac	218
Auditis nobilitatis tuae	91	Constat, ecclesiam	187
Audivimus de te per	357	Constat vobis fore	161
Audivimus, F <ulconem></ulconem>	564	Contristavi vos, immo	347
Audivimus, in ecclesiis	281	Coram oculis habes	155
Audivimus olim nostri	87	Credimus non latere	443
Audivimus, quod quidam	532	Credimus, prudentiam vestram .	419
Audivimus, quod sine	555	Cum adhuc in ordine	167
Audivimus, quosdam inter . . .	535	Cum, apostolica auctoritate . .	523
Carissimus confrater noster .	105	Cum, apostolica auctoritate . .	524
Caritatem tuam frater	121	Cum apud vos essemus	340
Causam, unde nos	264	Cum beatus apostolus	83
Certi rumores tuorum	420	Cum de te et factis	110
Clamor abbatis	409	Cum enim regnum et	46
Clamor Matisconensium	54	Cum propheta testetur	96
Clerici congregationis	92	Cum veritas ipsa dicat	553
Clerici quidam Augustidunenses	507	Cum vos ea a sede	322
Clerici Sanctae Mariae	337	Decuerat te frater	190
Clericorum vestrae	381	De motu et perturbatione	294
Clericos de castro	339	Dici non potest, fili	430
Clerus et populus Aquilegiensis	293	Dilectissimi fratres et	547
Cognita tuae fraternitatis . . .	397	Diu est, quod te	356

	pag.		pag.
Diversarum gentium	317	Huiusmodi salutationis	392
Divinae pietatis respectui	437	Iam multo tempore	181
Dolemus satis, quod	496	Iam saepius excellentiae	569
Dolense monasterium	133	In discussione negotii	571
Dominus noster Alexander	11	Ingenuitatis vestrae lectis	420
Dominus noster papa	10	Inspiratori omnium bonorum	649
Ecclesiam sancti Sepulcri	378	Instantia nunciorum tuorum	525
Ego qualiscumque	544	Intelleximus iam diu	356
Episcopale officium, quod	414	Intelligentes errorem	68
Ex consideratione sedis	194	Inter caetera bonarum	205
Ex quo a nobis discessisti	576	Inter ceteros nostri	53
Ex quo ecclesiam vestram	155	Interrogavit nos religio	575
Fidelitatis ac devotionis	179	Intolerabilis audaciae	506
Filius vester limina	198	Iozelinus archiepiscopus	361
Frater et coepiscopus noster Le- movicensis	407	Landericus Matisconensis	369
Frater et coepiscopus noster Pa- risiensis	489	Latorem praesentium, quem	52
Fraternitatem tuam dilectissime	485	Lectis fraternitatis tuae litteris de	34
Fraternitatem tuam intellexisse	230	Lectis fraternitatis tuae litteris, non	327
Fraternitatem tuam, quam	131	Legatus sanctae Romanae	75
Fraternitatem vestram eredimus	433	Legimus, Iosue	189
Fraternitatem vestram, dilectis- simi	526	Licet adversus	147
Fraternitatis tuae prudentiam .	182	Licet apostolici nos	480
Fraternitati tuae notum	421	Licet contra nos id	149
Fraternitati vestrae notum	276	Licet ex praeteritis	33
Frater noster episcopus	488	Licet ex universali	343
Frater tuus Iarmirus	98	Licet non alias nisi	297
Frater tuus Ieromirus	63	Licet per legatos	183
Fredericus nepos	193	Licet Philippi regis	132
Gaudemus dilectissimi	173	Licet Romanae ecclesiae	184
Gaudemus et exultamus	106	Licet venerandae memoriae	522
Gerardus Cameracensis	272	Litterae fraternitatis tuae	45
Grata nobis est laetitia	18	Litterae, quae nobis	469
Grata nobis et dulcia	81	Litterae tuae ad nos	127
Gratias agimus omnipotenti	238	Litteras apostolicae sedis	226
Gratias Deo referimus	126	Litteras a vobis delatas	304
Gratias omnipotenti Deo, bono- rum	502	Litteras dilectionis tuae	73
Gratias omnipotenti Deo referi- mus	439	Litteras nobilitatis tuae	82
Gratia vobis et pax	37	Litteras quas Poppo	203
Graviter et usque	231	Litteras tuas accepimus	59
Hubertus Pultariensis	130	Litteris fraternitatis tuae	41
		Locuta est prudentia	510
		Longa iam temporis	56
		Longa iam temporum	114

	pag.		pag.
M andamus vobis, ut	161	Non ignorare vos credimus, quan-	
Manifesta apostoli	251	tam	320
Meminimus, dilectionem	201	Non ignorare vos credimus, quan-	
Meminisce debetis, quanta	282	tum	290
Meminisce debetis, quotiens	288	Non ignorat prudentia tua, cano-	
Meminisce debet nobilitas	78	niam	504
Meminisce valet prudentia	64	Non ignorat prudentia tua, mentiri	470
Michahel presbyter	86	Non incognitum vobis esse	61
Miramur et multum	28	Non latere vos credimus	16
Miramur, fraternitatis tuae pru-		Non mediocris te	71
dentiam ad	394	Non minima admiratione	49
Miramur, fraternitatis tuae pru-		Non miretur vestra nobilitas	70
dentiam verba	534	Non modicum offendistis	362
Miramur nimium et	380	Nonnulla nobis frater	23
Miramur, prudentiam tuam	408	Non parum de vobis	210
Miramur satis, quod de	177	Non vos fugit, varios	122
Miramur temeritatem	364	Nos, et indigni et	543
Mirari valde compellimur	564	Notum esse credimus	152
Misimus fratri nostro	530	Notum esse fraternitati	450
Misistis ad nos quandam	247	Notum esse prudentiae	435
Moerore mentis tuae	89	Notum esse tibi credo	414
Multae ac diversae	157	Notum esse volumus caritati	267
Multa interrogando a	241	Notum esse volumus, controver-	
N obilitas tua hoc in	236	siam	405
Non admirari te	279	Notum esse volumus dilectioni	544
Non credimus latere	253	Notum est pene	200
Non dubitamus, ad	447	Notum est vobis	266
Non dubitamus, famam	12	Notum facimus vobis	503
Non dubitamus, fraternitatis	389	Notum fieri vobis	277
Non dubitet prudentia	499	Notum fieri volumus	136
... Non eget, o fili	548	Notum sit dilectioni	436
Non ignorat prudentia tua, nobis	501	Notum sit vobis, nos	482
Non ignorare credimus fraterni-		Notum tam praesentibus	335
ta tem vestram, qualiter	252	Notum tibi esse non dubitamus	567
Non ignorare credimus fraterni-		Notum vobis esse credimus	216
ta tem vestram, quibus	262	Notum vobis esse credimus	444
Non ignorare credimus pruden-		Notum vobis esse non	498
tiam tuam	60	Notum vobis esse volumus, hunc	
Non ignorare credimus pruden-		fratrem	104
tiam vestram	283	Notum vobis esse volumus, hunc	
Non ignorare te	185	virum	69
Non ignorare vos credimus, do-		Notum vobis esse volumus, quod	74
minum	129	Notum vobis est, quod Rainerius	162
Non ignorare vos credimus, qua-		Notum vobis est, quod, succre-	
liter	248	seente	154

	pag.		pag.
Notum vobis fieri volumus, fratres	309	Philippus rex Francorum	75
Notum vobis fieri volumus, quod omnibus esse	85	Piae sollicitudinis studio	43
Notum vobis omnibus facimus	367	Plurimas in tuis	207
Noverit caritas omnium	511	Postquam fraternitati vestrae	540
Noverit fraternitas tua	225	Post recessionem tuam	361
Noveritis, Gualterium	363	Praesentium portitor apicum	14
Noverit sanctitas vestra	25	Praesentium portitor Isimbardus	50
Noverit vestra sanctitas	210	Praesentium portitor litterarum	271
Novit dilectio tua frater	329	Prudentiae vestrae ex	474
Nunciatum nobis est	215	Prudentiae vestrae notum	441
Nuper, dilectissimi fratres	556	Quae et quanta cura	321
Obitum domini Alexandri	17	Qualiter Babenbergensis	204
Officium nostri cura exigit	315	Qualiter nobis apostolici	520
Omnipotenti Deo laudes et gratias agimus	385	Qualiter testibus et	150
Omnipotenti Deo laudes et gratias referimus	111	Quam fideliter quamque	340
Ostendis frater te	126	Quamquam ad propulsandas	102
Perlatum est ad nos	528	Quamquam fili karissime	142
Perlatum nobis est, quod religio	478	Quamquam id ipsum	261
Perlatum nobis est, quod Terravannensis	487	Quamquam inoboedientia	62
Pervenit ad apostolicam	255	Quamquam neverim, te	55
Pervenit ad aures nostras quae-dam	78	Quamquam pleraque	151
Pervenit ad aures nostras, quod Africa	234	Quando litteras tuae	212
Pervenit ad aures nostras, quod bona	368	Quanta caritate Romanae	99
Pervenit ad aures nostras, quod L(ambertus)	517	Quanta impietas a	429
Pervenit ad aures nostras, quod quidam	254	Quanta in Deum et	316
Pervenit ad aures nostras, unde	44	Quanta nobis sollicitudo	311
Pervenit ad aures nostras, vos	84	Quanta sit erga vos	527
Pervenit ad nos frater	319	Quanta sit mihi eura	65
Pervenit ad nos fratris	396	Quanta sit mihi meditatio	532
Pervenit ad nos nuncius	119	Quantas tribulationum	548
Pervenit ad nos, quod Bonifatius	390	Quanta violentia quantaque	57
Pervenit ad nos, quod monachos	566	Quantum domus vestra	447
Pervenit ad nos, quod quidam	383	Quantum nos ex longo	482
Pervenit ad nos, te fratrem	562	Quia consuetudo sanctae	313
Pervenit fratres karissimi	572	Quia ex pastoralis	336
		Quia in sanctae Dei	325
		Quia in susceptione	314
		Quia legatis nostris et	565
		Quia matrem tuam sanctam	228
		Quia missis litteris	432
		Quia ob devotionem	29
		Quia ob reverentiam	467
		Quia officii nostri est	227
		Quia serenitatis vestrae	58
		Quia sollicitum te de	229

	pag.		pag.
Quia suscepti beneficii	140	Saepe fraternitatem tuam	494
Quia te credo sincero	575	Saepe per nuncios	451
Quia vicem nostram in	484	Salutem vobis cum	303
Quidam a vestris	31	Sancta et universalis	299
Quidam Imolenses	20	Satis novit dilectio	477
Quidam vestrum ad nos	374	Scias, nos de prudentia	384
Quid de negocio	301	Sciat fraternitas tua	411
Quod ad perferendos	453	Sciatis incunctanter	360
Quod de causa Willelmi	250	Sciat prudentia tua	42
Quod de consecratione	260	Seimus, fratres carissimi	495
Quod divina clementia	559	Seimus, quoniam prudentia	158
Quod episcopum vestrum	490	Scire vos volo, fratres	26
Quod ex illo tempore	366	Seitis fratres et	290
Quod gesti belli	491	Servandum archiepiscopum	235
Quod regnum Theutonicum	552	... Si consuetudinem	576
Quod salutem et apostolicam be- nedictionem tibi	406	Sicut alius litteris misimus	568
Quod salutem et apostolicam be- nedictionem vobis	263	Sicut beatus Gregorius	21
Quoniam ad memoriam	171	Sicut fidelium tuorum	365
Quoniam, afflatus igne	80	Sicut in litteris tuis	112
Quoniam, animi nostri	359	Sicut in prioribus	545
Quoniam causa Lamberti	508	Sicut nonnulli neverunt	375
Quoniam devotionem tuam ac . .	148	Sicut novit fraternitas	372
Quoniam devotionem tuam erga .	483	Sicut per filium nostrum	348
Quoniam erga reverentiam	165	Sicut prudentia tua	449
Quoniam ex lite et	551	Sicut quorundam vestrum	296
Quoniam fraternitatem tuam . .	36	Sicut tua super	180
Quoniam fructuum tuorum	561	Si Deus modo aliquo	144
Quoniam honor, qui	196	Si diligenter secundum	346
Quoniam interdictus a	136	Si ea in vobis, quam	48
Quoniam mira et	93	Significandum tibi duximus	76
Quoniam nichil in	438	Significasti nobis per	93
Quoniam pervenit ad nos	417	Si litteras quibus	245
Quoniam pro amore	256	Si loci tui frater	24
Quoniam propter multas	289	Sincero caritatis affectu	385
Quoniam regni tui	441	Si officii nostri est	192
Quoniam, sublata pastorali	358	Si posset fieri, optarem	163
Quoniam vestrae dilectionis	412	... Si quis dator vel	575
R ecordari credimus	141	Si qui sunt presbiteri	554
Rigizonem abbatem monasterii	138	Si Romani ad vestras	350
Rigizonem abbatem vestrum . .	139	Si sanctorum memoriam	533
Romana ecclesia iam dudum . .	72	Si sic mentis stabilis	91
Rumorem obitus domini	14	Si te pastoralis	176
S acerdotalis culminis	391	Stephanus electus vester	100
		Summe sedis specula	423
		Summopere procurandum	492

	pag.		pag.
Sunt multi, quibus	557	Veniens ad nostram praesentiam	51
Super confusione ecclesiae . . .	172	Venientem ad nos Hugonem . . .	87
Supernae miserationis	341	Venientem te hoc anno	118
Suscepti nos officii	109	Videtur nobis: ut	156
T antis dilectionis	146	Vir iste, videlicet	268
Transmundus, vester	446	Vir iste Weremboldus	328
Tuae dilectio fraternitatis . . .	376	Visis fraternitatis tuae	40
Tua nobis, frater	377	Visis litteris tuis	77
U nanimitas fratrum	388	Vobis commissa negotia	468
Ut diligentia tua	137	Vobis et omnibus, qui	45

INDEX

RERUM MEMORABILIA.

- A.** decanus Goslariensis 553.
A. regina 467.
Acherontinus ep. Arnaldus.
Aconus rex Dan. v. Haraldus.
Adefonsus, Alfonsus VI rex Legionis et Castiliae 83. 104. 385. 429. 430. 470.
Adila ux. Balduini V comitis Flandriae 254.
Adaleta ux. Lotharii regis Longobardorum, post Ottonis I imp. 620. 621.
Adilasia, Adeleita, Adelaia comitissa Taurinensis 55. 65. 258. 637. 648.
Adelardus de Castro Mellano 364.
Adelbero ep. Wirzburg. 141.
Albertus diaconus Rom. 17.
Albertus ep. Aquensis 44. 61. 336.
Adalbertus ep. Wormatiensis 559.
Albertus II abb. Fructuariensis d. Ioprediensis 336.
Albertus marchio 676.
Albertus senior comes Ballenstetensis 126.
Albertus III comes Namucensis 182.
Adelheida ux. Alberti senioris com. Ballenstetensis 126.
Adelpreth legatus Heinrici IV regis 222.
Adrianus I papa 613. 614.
Adrianus II papa 617.
Aemilia, Emilia 303.
Africa 234—236. Africana ecclesia 40.
Agatensis ep. Berengarius I.
Agino ep. Augustodunensis 130.
- Agnes, ux. Heinrici III imp. 11. 33. 35. 36. 106. 111. 142. 157. 158. 247. 474. 532. 533. 637. 642. 645. 647. 655. 657. 673.
Agnes, ux. Adefonsi VI regis Legionis et Castiliae 431.
Aicardus archiep. Arelatensis 452.
Alamannia 229.
Alanus III comes Redonensis, dux Britanniae 541.
Albanum 32. ep. Petrus.
Albensis (prov. Mediolanensis) ep. 61. Benzo.
Albericus abb. S. Anastasii 131. 132.
Albericus consul Rom. 625.
Albericus, Romanus 237.
Albericus cubicularius Philippi I regis Franc. 53. 54.
Alberici filii 85.
Albiensis ep. Frotardus.
Aldeardis ux. Guilielmi VI com. Pictav. 110. 111.
Aldemannus ep. Brixensis 643. 644.
Alexander II papa 9—12. 14. 15. 17. 18. 24. 28. 49. 51. 56. 64. 89. 92. 96. 102. 161. 168. 169. 178. 190. 200. 201. 230. 231. 254. 314. 418. 428. 433. 493. 645. 647—649. 654. 655. 657. 659. 660. 664. 675. 681.
Alfanus archiep. Salernitanus 437.
Algirus mon. S. Dionysii Paris. 184.
Alpes 622. 625. 627. 631. 636. 652. 657. 675.
Alstanus rex Sueonum 488.

- Altmannus ep. Pataviensis 473. 484.
554. 575. 576.
- Amalflia 427. 428.
- Amatus ep. Olorensis s. Olorensis 110.
283. 286. 331. 357. 360. 361. 391.
412. 414. 478. 505. 512. 547.
- Ambianenses epp. Radulfus, Rorico.
- Ambrosius archiep. Mediolan. 458. 609.
611. 638. 670. Ambrosii antiphonae
638. letaniae 648.
- Amideus II com. Sabaudiae 65.
- Anastasius I imp. 610.
- Anazir rex Mauritaniae Sitifensis 236.
- Andegavenses 498. ep. Eusebius.
- S. Angeli castellum 646. 679.
- Anglia, Angli 49. 52. 90. 521. Anglici
381.
- Anicienses 100. 266. 274. Podium
S. Mariae 267. 469. ep. Stephanus III.
- Anno archiep. Coloniensis 99. 137. 187.
548. 647.
- Ansaldus, Genuensis 68.
- Anshelmus I ep. Lucensis v. Alexan-
der II papa.
- Anselmus II ep. Lucensis 22. 36. 252.
- Anselmus abb. Beccensis d. Rotoma-
gensis 561.
- Anselmus frater Bonifatii marchionis
390.
- Antibarensis ep. Petrus.
- Apenninus 672.
- Apulia 432. 435. 516. 621. 623. 635.
642. 643. 662. 671. 676.
- Aquapendens 328.
- Aquensis ep. Albertus; electus 390.
- Aquileienses 291. 293. patriarchae
Poppo, Sicardus, Heinricus, Frede-
ricus II, Udalricus I.
- Aquinum 676. ep. Leo.
- Aquisgranum 469. 620.
- Aragonensis episcopatus 165. ep. San-
ctius.
- Araldus, Adraldus ep. Carnotensis 50.
113.
- Arcadius imp. 611. 612. 668.
- archivium ecclesiae S. Petri 469.
- Ardericus, Mediolanensis 251.
- Ardingus comes 161.
- Arduinus rex It. 623.
- Arelatenses 358. archiepp. Rembaldus,
Aicardus.
- Aretinus ep. Constantinus.
- Arfastus ep. Elmhamensis 49. 50.
- Argentea 50. 52.
- Argentinensis ep. Guarnerius.
- Arialdus clericus Mediolan. 639. 648.
649.
- Aribertus archiep. Mediolan. 625.
- Armenia, Armenii 145. 422. 423.
- Arnaldus ep. Acherontinus 225.
- Arnaldus ep. Cenomannensis 414. 416.
- Arnaldus abb. S. Severi (d. Adurensis)
71. 361.
- Arnulfus ep. Bergomens. 377.
- Arnulfus ep. Cremonens. 305. 648.
- Arnulfus archidiac. Tarvannensis 511.
- Arnulfus dux Bavariae 619.
- Arnulphus comes de Chiny 396. 397.
562.
- Arrius 607, Arriani, Arriana haeresis
607. 608. 611. 613.
- Arvernensis eccl. 274.
- Ascarus 330.
- asecretes 654.
- Astensis ep. 61. epp. Giselmus, Ingo.
- Atto, Otto archiep. Mediolanensis 215.
217. 653. 654.
- Atto ep. Bergomensis 61.
- Atto comes, proavus Mathildis comi-
tissae 620.
- Augiense coen. 102.
- Augusta (in Germ.) 671. 672. epp.
Bruno, Imbric, Sigefridus II.
- Augustodunenses 507. ep. Agino. Sy-
nodus 313.
- Aureliacense coen. d. Claromontensis
409. 410.
- Aurelianensis eccl. 169. 296. 304. 360.
epp. Rainerius, Sanzo.
- Ausciensis eccl. 75. archiep. Guiliel-
mus I.
- Auxentius archiep. Mediolan. 609.

- Aversanus ep. Wimundus.
- Aymericus vicecomes Narbonensis 563.
- Ayraldus abb. Figiacensis 571.
- Azelinus ep. Sutrinus 634.
- Azzo canon. S. Amati Duacensis 269.
- Azo, Azzo marchio 76. 77. 122. 123. 149. 150.
- Azzo II marchio, pater Welfonis IV 474. 659.
- Azo 439.
- B.** legatus Gregorii VII papae 552.
- Babenbergenses 200. 203. 624. epp. Sicherius, Herimannus I, Rupertus.
- Baiocensis ep. Odo I.
- Balduinus ep. Melfitanus 226.
- Balduinus abb. S. Eadmundi 49. 50.
- Balneoregis 659. 661.
- Barensis archiep. Ursus.
- Basileensis ep. Burcardus.
- Basilius imp. 610.
- S. Bassianus 174.
- Bavaria, Bavarii 619. 623. 657. 673. 675.
- Beatrice ducissa, mater Mathildis comitissae 13. 21. 33. 35. 36. 42. 43. 58. 59. 65. 70. 96. 107. 122. 142. 209. 210. 215. 342. 533. 637. 646. 653. 657. 661. 664.
- Beatrice fil. Bonifacii ducis 637.
- Belinzo nob. Romanus de Marmorato 624.
- Belisarius 618.
- Bellagrast 624.
- Bellovacenses 93. 94. ep. Guilielmus (Immo Guido).
- Benedictus VIII papa 623. 625.
- Benedictus IX papa, Theophilactus 625—627.
- Benedictus X papa 642.
- Benedictus abb. S. Mariae in episcop. Dordonensi 51.
- Benedictus II abb. S. Michaelis Clusinus, d. Taurinensis 55. 147. 190. 335.
- Benedictus, can. Aurelianens. 232. 254. 297.
- Beneventum 32. 307. 399. 635. 643. archiep. Roffredus.
- Benno II ep. Osnabrugensis 137. 259. 403. 485.
- Benzo ep. Albensis 643.
- Beraldus abb. S. Egidii 87.
- Berardus I abb. Farfensis 308.
- Bercetum 646.
- Berengarius I ep. Agatensis 223.
- Berengarius ep. Gerundensis 348.
- Berengarius presbyter, Turonensis 317. 353. 550. 564.
- Belingarius II rex It. 620.
- Berengarius vicecomes Carlatensis 410.
- Berengarius Raimundus II comes Barcinonens. 349.
- Bergomensis ep. 61. Arnulfus.
- Bernardus diac. eccl. Rom., legatus apost. 29. 30. 57. 62. 63. 233. 259. 275. 277. 295. 312.
- Bernardus abb. Massiliensis 13. 275. 277. 295. 312. 347. 348. 357. 388. 389.
- Bertha, ux. Heinrici IV imp. 637. 648.
- Bertrannus II com. Provinciae 486.
- Bertrandus fil. Raimundi comitis S. Egidii 446.
- Bertulfus, Bertaldus I dux Zaringiae, dux Carentanus 158. 402. 553.
- Bibianellum 266. 267. 271.
- Bigorritanus ep. Pontius I.
- Bisuntinus archiep. Ugo.
- Bituricensis eccl. 409. archiep. Richardus II.
- Boemia, Boemii 194. 674.
- Bolelaus II dux Poloniae 196.
- Bonifacius dux et marchio, pater Mathildis comitissae 631. 636. 637. 653.
- Bonifatius marchio 390.
- Bonitho ep. Sutrinus 577—603.
- Bonizo subdiacon. Placentinus 139.
- Bonoisus archipresb. Mantuanus 290.
- Bononia 646. ep. Sigifredus.
- Boso, princeps Bituricæ regionis 364.
- Boso (III comes Marchiae) 378.
- Boso comes 676.

- Bremensis archiep. Lemarus.
 Britannia 108. 247. 248. 320. 391. 405.
 541.
 Brittannicum mare 619. 620. 640. 663.
 Brittulus fil. Marronis 330.
 Brixia 644. epp. Aldemannus, Odelericus.
 Brixianorium 656. 676. 681. 684. Brixienensis ep. Popo.
 Brugensis eccl. 178.
 Bruno ep. Augustensis 627.
 Bruno ep. Tullensis v. Leo IX.
 Bruno ep. Veronensis 40. 108.
 Bruno can. S. Cuniberti Coloniensis et
 Remens. 411.
 buccella 672.
 Buggo 476.
 Burcardus ep. Basileensis 129.
 Burchardus II ep. Halberstatensis 57.
 126. 185.
 Brocardus I dux Suevorum 619.
 Burchardus comes Nellenburgensis 417.
 Burdegalensis eccl. 409. archiep. Gózelinus.
 Burgundia 313.
 Burgundiones 617.
 Buzea in Mauritania Sitifense 235.
 archiep. Servandus.
C. comes 496.
 Cabilonenses epp. Roelinus, Frotgerius.
 Cadalous, Cadulus (Honorius II) anti-papa, antea ep. Parmensis 306. 433.
 645. 646. 648. 651. 654. 659.
 Calabria 432. 435. 618. 635. 642. 671.
 676. 680.
 Cameracenses 270. ep. Gerardus II.
 Camerina marchia 303.
 Camerinus ep. Hugo I.
 Campania 307. 399. 516. 652. 653.
 Campaniacum praedium 92.
 Cano (Conradus) dux Bavariae 624.
 Cantuariensis archiep. Lanfrancus.
 Canusium, Canusia 257. 259. 620. 672.
 673. 682.
 capitanei Mediolanenses 659. 662. 664.
 Capitolina domus 679.
 Capua 34—48. 60. 322. archiep. Herodus.
 Caralitana eccl. 440. archiep. Iacobus.
 Carnotenses 261. 274. 301. epp. Aralus, Robertus II, Gosfredus I.
 Carolus, Karolus M. imp. 458. 462.
 469. 476. 613. 615. 630.
 Carpineta 261—263. 277. 279. 281—
 283. 287.
 Carpum 264.
 Carthaginienses 37. archiep. Cyriacus.
 Casa Dei coen. d. Claromontensis 411.
 Casinus mons, S. Benedicti coen. 331.
 332. 376. 399. 446. 555. 556.
 Castellio 652.
 Catalaunensis ep. Rogerius III.
 S. Celsi eccl. Mediolan. 649.
 Cencius, Cincius praefectus Romae,
 fil. Iohannis praefecti 237. 660. 674.
 688.
 Cencius fil. Stephani praefecti Rom.
 646. 659. 661. 662. 664. 665. 673.
 674.
 Cencius fil. Gerardi comitis 661.
 Cenomannensis ep. Arnaldus.
 Centullus comes Bearnensis 357.
 Cerviensis ep. 679.
 Christoforus abbas Cremonens. 649.
 Cicanum 434.
 Cimini mons 105.
 Ciperanum 427. 430.
 Clarignanum 330.
 Clemens II papa 629. 631.
 Cluniacense coen. 141. 348. 389. 411.
 418. 448. 505. 564. 565. 630. 631.
 655.
 Clusinus comitatus Tusciae 161.
 Clusinus ep. Lanfrancus.
 Colonia 100. 187. archiepp. Hermanus II, Anno, Hildolphus, Sigewinus.
 Comensis ep. Rainaldus.
 Compendium 634.
 Conchense coen. d. Ruthenensis 571.
 confessio b. Petri 625.
 conlectaneus 622.
 Cono pr. tit. S. Anastasiae 233. 259.

- Chuonradus I rex 619.
 Cuonradus II imp. 624.
 Conratus fil. Heinrici IV regis 486.
 Chuonradus, frater Wratizlai II ducis
 Bohemiae 29. 78.
 Constantia ux. Adefonsi IV regis Le-
 gionis 471.
 Constantiensis eccl. 418. 529. ep. Otto I,
 Geberhardus III.
 Constantinopolis, Constantinopolitana
 eccl. 31. 65. 69. 145. 150. 331. 635.
 Constantinus archiep. Turrensis 46. 59.
 108.
 Constantinus ep. Aretinus 252.
 Constantinus I imp. 243. 457. 462. 476.
 606—608. 610.
 Constantinus V imp. 458. 611. 613.
 630. 669.
 Constantinus IX Monomachus imp. 635.
 Constantinus iudex Callurensis 45.
 Constantius II imp. 608.
 Corsica 289. 290. Corsicanus electus
 502.
 cortina 674.
 Cremona 644. 648. 649. 651. 653. 659.
 663. 664. ep. 61. Arnulfus.
 Crescentius, Romae capitaneus 622.
 Crosciensis eccl. 86.
 S. Crucis coen. Burdigalense 71. 361.
 S. Crucis coen. Woffenheimense 129.
 S. Crucis decanía Aurelianens. 231.
 S. Cucufati abbas (d. Barcinonensis)
 349.
 Cunibertus ep. Taurinensis 61. 147. 170.
 190. 216. 335. 390. 643.
 Cunibertus i. e. Gisilbertus dux Lotha-
 ringiae 619.
 Cyriacus archiep. Carthaginiensis 39.
 234.
Dalmairacum 409. 410.
 Dalmatia 384.
 Dalmatius archiep. Narbonensis 447.
 563.
 Damasus II papa 631.
 Demetrius s. Isaslaus I rex Ruscorum
 198.
 Dertonensis ep. Petrus.
 Desiderius abb. Casinensis postea papa
 Urbanus II 10. 422. 446. 477. 485.
 555.
 Desiderius presb. eccl. Rom. 32.
 Desiderius rex Longobardorum 614.
 Diensis ep. Hugo.
 Dietwinus ep. Leodiensis 181.
 S. Dionysii coen. Paris. 184. 185. 274.
 S. Dionysii eccl. Mediolan. 663.
 Dionysius archiep. Mediolan. 609.
 Dionysius ep. Placentinus 97. 138. 170.
 172. 173. 651. 655. 666. 671. 676.
 Diosphorus ep. Miletensis 499.
 Dodo ep. Rosellanus 70. 227. 376. 555.
 Dodo abb. Pezanensis, d. Ausciensis
 408. 409.
 Dodo civis Cremonens. 659.
 Dolense coen. d. Bituricensis 131. 363.
 364. 407.
 Dolensis eccl. 405. epp. Iuhellus, Gil-
 duinus, Ivo, Rollandus.
 Dominica ux. Valentis imp. 610.
 Dominicus III patriarcha Gradens. 153.
 Dominicus IV patriarcha Gradensis
 153. 228. 281.
 Dominicus VII patriarcha Venet. 31.
 Dominicus Silvius dux Venetiae 152.
 282. 482.
 Dordonensis episcopatus 51.
 Eberhardus archiep. Treverensis 99.
 Eberhardus ep. Numburgensis 402.
 Evrardus ep. Parmensis (clericus Co-
 loniensis) 355. 655.
 Evrardus clericus Aurelianens. 168.
 230. 231. 254.
 Hewurardus dux Francorum, frater
 Conradi I regis 619.
 Everardus, princeps Bituricae regionis
 364.
 Heverardus comes Nellenburgensis 418.
 664.
 Ebredunensis archiep. Hugo.
 Ecardus abb. Augiensis 103. 180. 356.
 554. 558.
 Editha ux. Ottonis I imp. 620.

- Egeneschem castrum 129.
 S. Egidii coen. d. Nemausensis 87. 223.
 331. 469. 544.
 Egilbertus archiep. Treverensis 557.
 Eistetensis ep. Gebhardus I.
 elementa (litterae) 13. 219.
 Elmhamensis ep. Arfastus.
 Elorensis ep. Amatus.
 Eppo, Carentonensis et de Castra 364.
 Erlembaldus v. Herlembaldus.
 Ernulfus praepos. Tarvannensis 569.
 Ernulfus archidiac. Tarvannens. 339.
 Eugubini 154.
 Eusebius ep. Andegavensis 564.
 Eustachius comes 338.
 Eustachius miles Tarvannensis 506.
 Evenus v. Ivo.
 Evulus, Evolus, Ebolus, Oebalus II
 com. de Roceio 15. 17. 326. 448.
 exarchatus Ravennas 441.
 S. Facundi coen. d. Legionensis 471.
 Faesulani 177. ep. Trasmundus.
 Felix 394.
 Feretrani 154.
 Ficarolum 275.
 Figiacense coen. d. Cadurcensis 571.
 Firmani 151.
 Firmana eccl. 219. epp. Grisforanus, W.
 Firmana marchia 108. 303. 307. 399.
 427. 428. 440. 444. 485. 486.
 S. Flabianus, S. Flabiani castrum, Fia-
 no 108. 661.
 Flandria 380.
 Florentia 289. 637. epp. Gerardus, Rai-
 nerius.
 Floriacenses mon. d. Aurelianensis 507.
 Focas imp. 610.
 Folcerius Carnotensis 117.
 Forensis comes 223.
 Forken 673.
 fotrum 485.
 Francia 114—117. 132. 301. 313. 567.
 568.
 Francigenae 620.
 Francorum historiae 617.
 Frithericus abb. Corbeiensis 485.
- Fridericus diac., bibliothec., cancella-
 riis, deinde abb. Casin., post Ste-
 phanus X papa 634. v. Steph. X.
 Fredericus, nepos Wratzlai II ducis
 Bohemiae, post II patr. Aquileiensis
 193. 394.
 Fridericus fil. Bonifacii ducis 637.
 Fredericus miles eccl. Bambergensis
 356.
 Frigentum 422.
 Frotardus ep. Albiensis 410.
 Frotardus abb. S. Pontii Tomeriensis
 283. 286. 349.
 Froterius II ep. Nemausensis 86.
 Frotgerius ep. Cabilonensis 560.
 Fructuariense coen. d. Iporediensis 55.
 Fulcardus praepos. Insulanae congrega-
 tionis (in Medulco pago, d. Bur-
 digalensis) 362.
 Fulco com. Andegavens. 498. 564. 566.
 Fulco 550.
 Galeria 643.
 Gallicana ecclesia 441.
 Gallitia 234.
 Gandulfus ep. Regiensis 355.
 S. Gaudentii coen. (Ariminense?) 148.
 Gausfredus v. Gosfredus.
 Geboardus archiep. Salzburgensis 48.
 201. 485.
 Geberhardus III ep. Constantiensis 553.
 Geberhardus I ep. Eistetensis v. Victor
 II papa.
 Gebuinus archiep. Lugdunens. 370. 374.
 395. 559.
 Genuensis ep. Ubertus.
 Gepizo abb. S. Bonifacii Roman. (post
 ep. Caesenas) 154. 155. 160. 162.
 Gerardus, Geraldus cet.
 Geraldus archiep. Sipontinus 85. 228.
 Gerardus II ep. Cameracensis 272. 273.
 411. 511. 514.
 Gerardus ep. Florentinus v. Nicolaus II
 papa.
 Geraldus, Geraldus, Gerardus ep. Ostien-
 sis 14. 28. 71. 75. 81. 84. 136. 137.
 140. 259. 295. 409. 537. 657.

- Giraldus II ep. Sistaricensis 86.
 Gerardus ep. Tarvannensis 487. 517.
 518.
 Geraldus comes Aureliacensis 409.
 Gerardus nepos Leonis IX papae 129.
 Giraldus, de Lineriis 364.
 Girardus, Gerardus de Saxo 626.
 Gerardus comes 643.
 Gerberga fil. Heinrici I regis 619.
 S. Germanus (San Germano) 50. 325.
 327.
 Gerundensis ep. Berengarius.
 Geusa dux, I rex Ungariae 77. 183.
 192.
 Gilduinus ep. Dolensis 247. 248.
 Giselmus ep. Astensis 643.
 Gisla ux. Centulli com. Bearnensis 357.
 Gisulfus II princeps Salernitanus 11.
 468. 501. 659.
 Giticlinus, Colonensis 682.
 de Glixione rocha 377.
 Gorzo miles Bergomensis 377.
 Gosfredus I ep. Carnotensis 314. 489.
 490. 508.
 Gosfredus, Iosfridus ep. Parisiens. 268.
 489. 491. 508.
 Gausfredus comes Penthiverensis, fil.
 Eudonis 320.
 Gausfredus comes Redonensis 319. 320.
 Goteboldus miles eccl. Bamberg. 356.
 Gotefredus II archiep. Mediolanensis
 21. 23. 26. 27. 43. 44. 215. 252.
 651—654. 664. 665.
 Gotefridus Barbatus dux Lotharingiae
 92. 634—637. 642. 646. 648. 653.
 657.
 Gotefredus Gibbosus dux Lotharingiae
 inf. 18. 65. 91. 210. 244. 665. 671.
 Gothi 83. 610. Gothicæ tempestas 618.
 Gozelinus, Iozelinus archiep. Burde-
 galensis 74. 92. 110. 112. 136. 137.
 361.
 Gradenses patriarchae 331. Dominicus
 III, Dominicus IV.
 Gratianopolitanus ep. Pontius II.
 Gregorius V papa 622.
 Gregorius VI papa 401. 594—599. 626
 —630.
 Gregorius VII papa 1 squ. Cf. Hilde-
 brandus.
 Gregorius diac. eccl. Rom., legatus
 apost. 29. 30. 57. 62. 63. 233. 259.
 281. 282.
 Gregorius III Vecaiaser archiep. Sima-
 densis 422. 423.
 Gregorius ep. Vercellensis 43. 216. 259.
 402. 643. 647. 657. 672. 681.
 Gregorius Tuseulanus, patricius Rom.
 625. 626. 641. 642.
 Grisforanus ep. Firmanus 355.
 Guntherius ep. Gurcensis 202.
 Gurcensis ep. Guntherius.
 II. fil. Sigifridi comitis 553.
 Halberstatensis ep. Burchardus II.
 Haraldus Hein (Aconus) rex Danorum
 298. 344. 345. 412.
 Hebronensis archiepiscopus 641.
 Heinricus patriarcha Aquileiensis, an-
 tea canonicus Augustens., archidiac.
 Aquil. 292. 293. 331. 354. 355. 376. 675.
 Heinricus archiep. Ravennas 654.
 Heinricus I ep. Leodiens. 250. 271. 327.
 396. 397. 562.
 Heinricus ep. Spirens. 141. 143. 170.
 Heinricus I ep. Tridentinus 534.
 Henricus abb. Humolariensis post S.
 Remigii Remensis 269.
 Heinricus I rex 619.
 Heinricus II imp. 623. 624.
 Heinricus III imp. 33. 128. 157. 402.
 412. 625. 627. 629—631. 636. 637.
 642. 648.
 Heinricus IV rex 19 sq. 637. 642 sq.
 Heinricus dux Bavariae, fil. Heinrici I
 regis 619.
 Heinricus, Mediolanensis 251.
 Helinandus ep. Laudunensis 325. 326.
 411.
 Heribertus ep. Mutinensis 123. 679.
 Herlembaldus, Erlembaldus miles Me-
 diolanensis 42—45. 97. 652. 653.
 659. 662—664. 688.

- Hermannus card. eccl. Rom. 502.
- Hermannus II archiep. Coloniensis 99.
- Herimannus archiep. Viennensis 223.
- Herimannus I ep. Bambergensis 105.
141. 143. 170. 201. 203—206. 214.
356. 658. 682.
- Herimannus ep. Mettensis 73. 101. 105.
125. 181. 182. 226. 241. 271. 328.
359. 453. 465. 554.
- Hirimannus, Haremamus miles eccl.
Bambergens. 356.
- Heroldus miles eccl. Bambergens. 356.
- Herveus archiep. Capuanus 500.
- Heverardus v. Everardus.
- Hierosolyma 50. Hierosolymitana eccl.
378.
- S. Hilarii eccl. Pietavensis 74. 92. 136.
- Hildebrandus, Heldibrandus archidiaconus (Gregorius VII) 10. 630—633.
636—638. 640—642. 647. 652. 653.
655. 656.
- Hildolphus archiep. Coloniensis 548.
- Hispania 15. 16. 28. 83. 234. 283. 286.
317. 388. 429. 430. 547. 651.
- Honorius imp. 611. 612.
- Hubertus, Humbertus, Hubertus, Ubertus cet.
- Ubertus, Hubertus clericus Rom., legat. apost. 17. 255. 406.
- Umbertus, Hubertus subdiaconus eccl.
Rom. 259. 265. 315. 318. 337. 379.
416. 420. 562.
- Hubertus, Ubertus, Umbertus ep. Praenestinus 32. 137. 140. 259. 537. 657.
- Humbertus I archiep. Lugdunensis 54.
95. 130.
- Ubertus ep. Genuensis 68.
- Ubertus, Umbertus, Humbertus ep.
Silvae Candidae 634.
- Hubertus ep. Tarvannensis, antea arachidiaconus 255. 337. 339. 406.
- Ubertus abb. S. Mariae in episcop. Dorodenensi 51.
- Hubertus abb. Pultariens. d. Lingonens.
130.
- Umbertus I de Belloioco 223.
- Ubertus comes Firmanus 151.
- Ugo, Hugo Candidus pr. card. tit. S.
Clementis 15. 17. 306. 634. 644. 651.
654—656. 662. 663. 665. 666. 676.
- Ugo archiep. Bisuntinus 313.
- Hugo archiep. Ebredunensis 641.
- Hugo ep. Diensis, postea archiep. Lugdunensis 87. 108. 156. 179. 223. 263.
265—270. 272. 301. 313. 314. 317.
319. 320. 324. 325. 336—338. 358.
361. 363. 364. 369. 379. 381. 395.
406—408. 411. 412. 448—450. 478.
483. 487. 489. 490. 492. 493. 497.
506—512. 526. 559. 561. 565. 569.
570.
- Hugo I ep. Camerinus 355.
- Hugo ep. Lingonensis v. Rainardus.
- Ugo, Hugo abb. Cluniacensis 13. 15.
25. 81. 163. 258. 259. 274. 295. 317.
319. 324. 325. 350. 369. 395. 412.
428. 431. 432. 505. 507. 509. 510.
544. 559. 565. 566. 631. 632. 678.
681.
- Hugo I dux Burgundiae 350. 351.
- Hugo Magnus, dux Franciae 620.
- Ugo de Lerziniaquo 368.
- Hugo miles de S. Maura 135.
- Ugo comes S. Pauli 337. 338.
- Hugo nepos Leonis IX papae 129. 130.
- Hugo fr. Roberti II episcopi Carnotens.
262.
- Ugulinus comes 70.
- Humbaldus, Virzionensis dominus Magdunensis 364.
- Hunaldus abbas Moissiacensis 566.
- Huzmannus ep. Spirensis 314.
- I. diaconus Tarvannens. 569.
- Iacobus archiep. Caralitanus 108. 439.
- Iarmir, Ieromirus, Geromirus, (Geborodus) ep. Pragensis 30. 62. 63. 79.
80. 98. 118—121. 171. 194.
- Iaropolcus fil. Demetrii s. Isaslai I regis Ruscorum 198.
- Ildimundus, Campaninus 452.
- Imbric ep. Augustensis (in Germ.) 141.
- Imolenses 20.

- Inge rex Sueonum 440. 488.
 Ingelrammus decan. Carnotens. 233.
 Ingelrannus canonic. S. Audomari 338.
 339.
 Ingelrannus clericus Flandrensis 256.
 336. 338. 508.
 Ingo ep. Astensis 216. 336. 390.
 Iohannes II papa 613.
 Iohannes XII papa 621.
 Iohannes XIX papa 625.
 Iohannes sacerdos v. Gregorius VI.
 Iohannes subdiaconus eccl. Rom. 446.
 Iohannes archiep. Neapolitanus 501.
 Iohannes II archiep. Rotomagensis 315.
 372.
 Iohannes ep. Moraviensis 63. 64. 79.
 98. 118—121. 171. 194.
 Iohannes ep. Portuensis 32. 233.
 Iohannes ep. Sabinensis, Silvester III
 antipapa 626. 627.
 Iohannes ep. Soranus 108.
 Iohannes ep. Tusculanensis 32.
 Iohannes ep. Velitrensis v. Benedi-
 ctus X.
 Iohannes presbyter 421. 424.
 Iohannes Gualberti abb. Vallumbrosa-
 nus 522. 675.
 Iohannes Minutus legatus apost. 90.
 Iohannes Philagathus, archiep. Placen-
 tinus, antipapa 622.
 Iobel abb. S. Petri de Cultura Ceno-
 mannensis 414. 416. 478. 479.
 Iordanes, Iordanus I princeps Capua-
 nus 375. 436. 501. 555. 557.
 Ioschelinus, Aurelianensis 254.
 Ioseppini 85.
 Iosfridus v. Gosfredus.
 Iovianus imp. 608. 609.
 Iozelinus v. Gozelinus.
 Iporegiensis, Yporegiensis ep. 61. Oge-
 rius.
 S. Irenaei eccl. Lugdunensis 223.
 Irene, Hyrene mater Constantini V imp.
 611. 613. 630.
 Isarnus ep. Tolosanus 505.
 Isera fl. (Isère) 179.
- Isimbardus abb. S. Launomari (d. Car-
 notensis) 50.
 Isembertus II ep. Pictavensis 92. 109.
 112. 136. 368.
 Iudei 331. 472. 680.
 Iudith, ux. Salomonis regis Ungar. 156.
 Iuhellus ep. Dolensis 248. 319. 320. 541.
 Iulianus imp. 608. 609.
 Iustina, ux. Valentiniani I imp. 610.
 Iustinianus I imp. 611.
 Ivo, Yvo, Evenus archiep. Dolensis,
 antea abb. S. Melanii Redonensis
 248. 260. 264. 319. 320. 541. 542.
 Ivo I abb. S. Dionysii Paris. 184.
 Ivo magister scholarum Carnotensis
 233.
 S. Kanutus IV rex Daniae 344.
 Keseca, Kesseca villa 337. 406.
 Ladislaus I rex Ungar. 280. 365.
 Lambertus ep. Tarvannensis 487. 506.
 508. 510—512. 517. 567—570.
 Lambertus canonic. Insulanus 362.
 Lambertus mon. S. Remigii Remensis
 269.
 Landolfus ep. Pisanus 289. 291. 341.
 342.
 Landulfus clericus Mediolan. 639. 647.
 Landulfus princeps Beneventanus 32.
 Landricus (Rodulfus) ep. Matisconen-
 sis, antea archidiac. Augustodunen-
 sis 53. 54. 95. 108. 130. 369. 374.
 527. 564.
 Landus, Campaninus 452.
 Lanfrancus archiep. Cantuariensis 49.
 366. 494. 520.
 Lanfrancus ep. Clusinus 162. 252.
 Lanzelinus miles Belvacensis 117.
 Lanzelinus, Senonensis 134.
 Laudensis ep. 61. Opizo.
 Laudunensis ep. Helinandus.
 Laurentius archiep. Spalatinus 302.
 Laurentum 31. 109. 204. 205. 240. 247.
 Lemarus archiep. Bremensis 140. 170.
 259. 658. 675. 682.
 Lemovicensis eccl. 408. ep. Guido I.
 Leo I papa 612.

- Leo IV papa 679.
 Leo IX papa 99. 129. 340. 401. 631
 — 636. 644. 651. 656. 688.
 Leo ep. Aquinensis 108.
 Leo ep. Pistoriensis 252.
 Leo I imp. 611.
 Leodegarinus I ep. Wapincensis 358.
 359.
 Leodienses epp. Dietwinus, Heinricus I.
 Leoniana civitas, Porticus 517. 646.
 Linconensis ep. Remediūs 52.
 Lingonenses 130. 273. 561. ep. Reinar-
 dus (Hugo).
 Liprandus sacerdos Mediolanensis 533.
 663.
 Longobardia, Longobardi 26. 35. 164.
 223. 228. 257. 261. 276. 301. 303.
 402. 440. 474. 485. 623. 637. 645.
 654. 678. Longobardorum episcopi
 21. 24. 35. 97. 433. 545. 642—645.
 648. 651. 654. 664. 666. 670. 673.
 Lotharii regnum 466. Lothariorum
 regnum 631.
 Lotharius II rex 615. 617. 666. 670.
 Lotharius rex Longobard. 620.
 Lucensis eccl. 307. 381. epp. Anshel-
 mus I, Anselmus II.
 Ludoicus I imp. 614. 615. 630.
 Ludoicus IV rex Francorum 619. 620.
 Lugdunum, Lugdunensis eccl. 372. 374.
 395. archiepp. Humbertus I, Gebui-
 nus, Hugo. concilium 395. 411. 449.
 450.
 Luticii 624.
 Luzanum 330.
 Macharius 422.
 Magdeburg, Mainbure, Magdeburgen-
 sis eccl. 552. 554. 621. archiep. Wo-
 zelinus.
 Maguntia 620. 658. archiepp. Sigifre-
 dus I, Guezolo.
 Mainardus, Bambergensis 682.
 Mainfredus frater Bonifatii marchionis
 390.
 Manasse I archiep. Remensis 13. 24.
 25. 72—74. 113. 146. 176. 178. 268.
273. 274. 313. 319. 322. 326. 394.
 411. 447—451. 560.
 Manasse praep. Remensis, post II archi-
 ep. Rem. 325. 326. 411.
 mansionarii 660.
 Mantua 543. 648.
 S. Mariae coen. Crassense d. Narbo-
 nensis 480.
 S. Mariae eccl. Lucensis 340.
 S. Mariae eccl. Pisaurens. 161.
 S. Mariae eccl. Solacensis 71. 361. 362.
 S. Mariae et S. Audomari clerici 337.
 339. 406. 407.
 Marianus iudex Turrensis 45.
 Maritima 108. 307. 399.
 Marrus fil. Gisleri 330.
 Martianus imp. 611. 612.
 S. Martini eccl. Lucensis 288. 381. 382.
 S. Martini canonici Turonenses 499.
 565.
 Masagetes 610.
 Maskarans villa 482.
 Massanus ep. Guilielmus.
 Massiliense coen. S. Victoris 388. 389.
 418.
 Mathildis ux. Guilielmi I regis Angl.
 91. 266. 420.
 Mathildis magna comitissa 21. 36. 42.
 43. 58. 59. 65. 70. 96. 107. 122. 142.
 209. 210. 215. 244. 245. 258. 342.
 356. 359. 474. 486. 532. 535. 545.
 637. 653. 659. 661. 664. 665. 672.
 675. 677. 689.
 Mathildis ux. Azonis marchionis, soror
 Guilielmi ep. Papiensis 76. 123. 149.
 Mathildis vidua Arnulfi advocati 339.
 Matisco 565. ep. Landricus (Rodulfus).
 S. Matthaeus 437.
 S. Mauricii canonici Turonenses 566.
 Mauritania Sitifensis 235. 236.
 Mauritius imp. 610.
 Maurus abb. S. Sabae Rom. 154. 155.
 160. 162.
 Mauriacense coen. 410.
 Maximus imp. 611.
 Mazelinus miles eccl. Bambergens. 356.

- Mediolanum, Mediolanenses 47. 142.
 143. 219. 625. 638. 640. 643. 647—
 649. 651—654. 659. 662. 663. archi-
 epp. Auxentius, Dionysius, Ambro-
 sius, Aribertus, Guido, Gotefredus II,
 Atto, Tedaldus.
- Meldense concilium 512.
- Melfitanus ep. Balduinus.
- Mettensis ep. Herimannus.
- S. Michaelis coen. Clusinum d. Tauri-
 nens. 147. 190. 191.
- S. Michaelis coen. d. Virdunensis 101.
- Michahel ep. Pisaurensis 161.
- Michahel presb. Crosciensis 86.
- Michahel VII imp. Graec. 31. 435.
 Pseudomichael imp. 435.
- Michahel rex Scelavorum (Serblorum)
 302.
- Miletensis ep. Diosphorus.
- Moissiacum coen. d. Cadurcensis 505.
 566.
- Monasteriorum 255. 406.
- Mons Maior coen. S. Petri d. Arela-
 tensis 367. 480.
- Mons Salvii 410.
- Moraviensis ep. Iohannes.
- Moricicla castrum 330.
- Munio, Monio s. Paulus ep. Ocensis
 84. 104.
- Murices 330.
- Mutinensis ep. Heribertus.
- Machum 108.
- Narbonensis eccl. 409. 563. archiepp.
 Guifredus, Petrus, Dalmatius.
- Narses 618.
- Neapolitanus archiep. Iohannes.
- Neemias archiep. Strigoniensis 279.
- Neronis pratum 646. 677.
- Nicolaita 541.
- Nicolaus I papa 617. 669.
- Nicolaus II papa 378. 428. 642—645.
 647. 680. 681.
- Nicolaus mon. 31.
- Nobiliacense coen. d. Pictavensis 92.
- Normanni 42. 65. 164. 229. 241. 251.
 307. 308. 331. 332. 399. 436. 440.
477. 635. 642. 643. 652. 653. 659.
 661. 662. 671. 688.
- Normannici, Normanni 381. 478.
- Novaria 654. 665. ep. Oddo II.
- Noviomensis ep. Raboth II.
- Numburgensis ep. Eberhardus.
- Numentani 643.
- miles Tarvannensis 506.
- oboedientia ecclesiae (munus ecclesiae) 374.
- Ocenses epp. Symeon, Munio.
- Odelricus v. Udalricus.
- Oebaldus v. Evulus.
- Oelus comes Cornubiae, dux Britan-
 niae 319.
- offertionis cartula 624.
- Ogerius ep. Iporegiensis 216.
- Oilardus subdefensor 338.
- Olavus III rex Norwegiae 343.
- Olomucensis, Moraviensis eccl. 78. 80.
 ep. Iohannes.
- Opizo ep. Laudensis 173. 216. 643.
- Orzoccus index Arborensis 45.
- Orzoccus, Orzocor index Caralitanus
 45. 59. 439.
- Osnabrugensis ep. Benno II.
- Ostienses epp. Petrus Damiani, Giral-
 dus, Otto.
- Otto ep. Ostiensis, postea Urbanus II
 papa 516. 678.
- Odo I ep. Baiocensis 519. 570.
- Ootto I ep. Constantiensis 103. 141. 180.
 525. 528. 529. 658.
- Ootto, Otto II ep. Novariensis 61.
 643.
- Odo abb. S. Sulpitii Bituricensis 133.
- Ootto I imp. 586—594. 619—621.
- Ootto II imp. 621. 622.
- Ootto III imp. 622. 623.
- Ootto de Nordheim, dux Bavariae 648.
- Odo I dux Burgundiae 352.
- Ootto marchio Taurinensis 637. 648.
- Ootto, frater Wratzlai II ducis Bohe-
 miae 29. 78.
- Ootto, Exoldunensis 364.
- Ovo rex Ungar. 128. 625.

- P**adus fl. 275.
Papia 614. 623. 624. 670. 673. ep. **G**uilielmus. Papiensis moneta 428.
Parisius 620. ep. Iosfridus.
Parma 646. 666. epp. Cadalous, Evrardus.
Pataviensis ep. Altmannus.
Patavinus ep. Udalricus.
Paterini, Paterea, Patarea, Pataria 639. 640. 643. 649. 651. 652. 663. 664.
patriciatus 617. 618. 625. 629 — 631.
S. Pauli castrum 339. 407.
S. Pauli coen. Romanum 73. 347. 388.
S. Pauli abbas (Lugdunensis) 369.
Pentapolis 303. 444.
Petronus marchio 359.
S. Petri civitas 679.
S. Petri ecclesia in villa Maskarans 482.
b. Petri ad Vincula basilica Rom. 9.
S. Petri pons Rom. 660.
Petrus presb. card., bibliothecarius eccl. Rom. 32. 372. 481.
Petrus pr. card. tit. S. Chrisogoni 259.
Petrus legatus apost. 90. 302.
Petrus archidiaconus Rom. 626. 627.
Petrus ep. Albanensis 376. 395. 468. 557. 564. 565. 675.
Petrus ep. Antibarensis 302.
Petrus ep. Dertonensis 61.
Petrus Damiani ep. Ostiensis 634. 643.
Petrus ep. Ragusanus 302.
Petrus ep. Ruthenensis, post archiep. Narbonensis 399. 447. 452.
Petrus abb. Aureliacensis, d. Claromonensis 408. 409.
Petrus frater Gregorii patricii Rom. 626.
Philippus I rex Francorum 53. 54. 75. 93. 114. 132. 146. 170. 230. 273. 301. 451. 478. 509. 568.
Pictavensis ep. Isembertus II. Pictavense concilium 337. 379. Pictavenses nummi 482.
Pipernum 54. 55.
Pipinus rex, pater Caroli M. imp. 458. 613.
Pisanus ep. Landolfus.
Pisaurensis ep. Michahel.
Pistoriensis ep. Leo.
Placentia, Placentini 172. 627. 644. 651. 653. 659. 664. 666. 671. 673. epp. **I**ohannes Philagatus (antipapa), Dionysius.
Podium S. Mariae 267 v. Anicienses.
Pontius I ep. Bigorritanus 29. 75.
Pontius II ep. Gratianopolitanus 223.
Poppo patriarcha Aquileiensis 627.
Poppo ep. Brixensis v. Damasus II.
Poppo, Pippo ep. Tullensis 101. 124. 125. 226. 244. 329.
Poppo praep. Bambergensis 203.
Populoniensis ep. Guilielmus.
Porticus (civitas Leonina) 517.
Portuensis ep. 624. **I**ohannes.
Praenestini 643. ep. Hubertus.
Pragensis ep. Iarmir.
Provincia 367. 480.
Pyrenei montes 640.
S. **Q**uirici coen. 85.
Raboth, Radbodus II ep. Noviomens. 178. 511. 514.
Ratbodus ep. Sagensis 380.
Rabbodus, Rapoto 222. 546.
Rapot 665.
Radulfus ep. Ambianensis 325. 326.
Ragusana eccl. 302. epp. Vitalis, Petrus.
Raimbaldus, Reinbaldus subdiaconus 14. 84.
Raimundus Berengarius I comes Barcinonens. 349.
Raimundus Berengarius II com. Barcinonens. 349.
Raimundus com. S. Egidii, IV com. Tolosanus 65. 223. 331. 446.
Rainaldus ep. Comensis 11. 33. 34. 377. 474. 657.
Rainaldus abb. S. Petri de Cultura Cenomannensis 414.

- Reinardus s. Hugo ep. Lingonensis 273.
337. 380. 395.
- Rainerius ep. Aurelianens. 230. 231.
253. 254. 296. 297. 316. 360.
- Rainerius ep. Florentinus 13. 252. 290.
- Rainerius ep. Reatinus 85.
- Rainerius fil. Bulgarelli 161.
- Rainerius fil. Ugizonis 161. 162. 307.
- Rainerius illustris vir 148.
- Ramihrdus 270. 274.
- Rapteri filii 85.
- Ravenna 339. 340. 436. 443. 485. 622.
655. 656. 661. 664. archiepp. Heinricus, Guibertus, Richardus.
- Reatinus ep. Rainerius.
- Regiensis ep. Gandulfus.
- Rembaldus archiep. Arelatensis 627.
- Remedius ep. Linconensis 52.
- Remi, Remenses 447. 450. 452. 620.
archiepp. Manasse I, Manasse II.
- S. Remigii coen. Remense 24. 25. 72.
269. 270.
- Rheginus, Regitanus archiep. 499.
- Rhenus fl. 608. 630.
- Reni Francia 631. 637.
- Riccardus, Richardus sacerdos cardinalis eccl. Rom., abbas Massiliensis
317. 386. 388. 389. 429—432. 471.
472. 479. 497. 504. 566. 570.
- Richardus II archiep. Bituricens. 113.
133. 296. 298. 314.
- Richardus archiep. Ravennas 445.
- Richardus princeps Capuae 36. 65.
- Richerius archiep. Senonens. 113. 131.
134. 230. 253. 262. 296. 297. 313. 372.
- Rigizo abb. S. Savini Placentinus 138.
- Ripollensis abbas (d. Ausonensis) 349.
- Robertus II ep. Carnotens. 232. 261.
262. 301.
- Robertus ep. Troinensis 500.
- Robertus abb. S. Eufemiae in Calabria
301.
- Robertus abb. S. Michaelis Bamberg.
et Augiensis 103.
- Robertus, Rodbertus mon. Cluniacensis
429—432.
- Robertus mon. S. Remigii Remens. 269.
- Robertus fil. Willelmi I regis Angl.
420.
- Robertus Guiscardus, dux Apuliae, Calabriae, Siciliae 108. 122. 123. 170.
225. 426. 428. 435—437. 477. 486.
491. 501. 662. 676. 679. 680.
- Robertus de Loritello nepos Roberti
Guiscardi ducis 170. 477.
- Robertus I comes Flandriæ 255. 336.
337. 487. 508—517. 567—569.
- Roclinus ep. Cabilonensis 53. 54.
- Rodulfus archiep. Turonensis 133—135.
249. 259. 314. 372. 405. 498. 564.
565.
- Rodulfus ep. Matisconensis v. Landriens.
- Rodulfus ep. Senensis 252. 290.
- Rodulfus dux Sueviae, postea rex 33
—36. 158. 160. 276. 277. 310. 321.
328. 330. 353. 354. 402—404. 474.
475. 503. 504. 552. 553. 665. 671.
673—675. 677.
- Ruodolfus II rex Burgundiae 620.
- Rodulfus, Burgidolensis 364.
- Roffredus archiep. Beneventanus 421.
- Rogerius III ep. Catalaunensis 75. 176.
274. 411.
- Rogerius subdiacon. eccl. Rom. 317.
- Rogerius I comes Siciliae et Calabriae
225. 499. 501.
- Rollandus ep. Dolensis 405.
- Rolandus ep. Tarvisiensis 306. 355.
399. 666.
- Romana, Romanensis abbatia d. Vienensis 179. 223. 263.
- Romana libertas 179. 418. 506.
- Romania 646. 678.
- Romaricus mons coen. d. Tullens. 244.
634.
- Roncalia 664.
- Rorgo de Coequo 368.
- Rorico ep. Ambianensis 511. 514.
- Rosellani 227. ep. Dodo.
- Rotomagensis eccl. 315. 371. 575. archiepp. Iohannes II, Wilhelmus I.

- Rupertus ep. Bambergens. 356. 658.
675.
- Ruthenensis ep. Petrus.
- S. decanus Tarvannensis 569.
- Sabinum, Sabini 307. 399.
- Sagiensis ep. Ratbodus.
- Salernum 427. 428. 680. archiep. Al-
fanus.
- Salomo rex Ungar. 127. 183. 192. 193.
- Salomo 82.
- S. Salvatoris coen. Scaphusene 417.
- Salvatoris eccl. Romana (Constantinia-
na) 10. 12. 222. 309. 330. 352. 656.
- Salzburgensis archiep. Geboardus.
- Sanctius ep. Aragonensis 165.
- Sanctius rex Aragoniae 82. 165.
- Sanctius II rex Castiliae 83.
- Sanzo electus Aurelianensis 297. 304.
305. 360.
- Saraceni 39. 65. 83. 122. 235. 286.
617. 618.
- Sardinia 45. 60. 92.
- S. Saturnini eccl. Tolosana 504. 566.
- S. Savini coen. Placentin. 138. 139.
- Saxonia, Saxones 57. 213. 469. 537.
619. 621. 623. 631. 665. 677. 682.
- Saxonica expeditio 210. Saxonicum
regnum 550. 553. Saxonum impe-
rium 619.
- Scafusa 417.
- Scannellum 342.
- Sclavonica lingua 393.
- Scoti 521.
- Sena 289. 642. 680. ep. Rodulfus.
- Senonensis eccl. 371. ep. Richerius.
- S. Sepulchri coen. prope Placentiam.
139.
- S. Sepulchri eccl. de Novo vico 378.
- Sergius VI magister militum Neapoli-
tanus 501.
- Servandus archiep. Buzeae in Mauri-
tania Sitifensi 235.
- Setia 56.
- S. Severi coen. d. Adurensis 71. 361.
- Sicardus patriarcha Aquileiensis 60.
182. 293.
- Sicherius ep. Bamberg. v. Clemens II.
- Sigebaldus abb. S. Salvatoris Perusi-
nus 131.
- Sigfredus I archiep. Moguntinus 78.
80. 141. 143. 204. 207. 214. 222.
523. 528.
- Sigefridus II ep. Augustensis 557.
- Sigfredus ep. Bononiensis 355. 679.
- Sigfridus comes 553.
- sigillum plumbeum 492. 568.
- Sigewinus archiep. Coloniensis 557.
- Siguinus abb. Casae Dei d. Claromon-
tensis 493.
- Sikelgaita, ux. Roberti Guiscardi ducis
438.
- Silvae Candidae ep. Ubertus.
- Silvester papa 227.
- Silvester III antipapa 626. 627.
- Simadensis archiep. Gregorius III Ve-
ciaasier.
- Simeon ep. Oicensis, post Burgensis
84. 233. 471.
- Simon clericus 378. 379.
- Sipontinus archiep. Giraldus 85.
- Sistaricensis ep. Giraldus II 86.
- Soranus ep. Iohannes.
- Spalatinus archiep. Laurentius.
- Spira 625. 637. 671. epp. Heinricus,
Huzmannus.
- Spitigne II dux Bohem. 194.
- Spoletana eccl. 219.
- Spoletanus ducatus 307. 330. 399. 444.
- Stenkil rex Sueonum 489.
- S. Stephani coen. Cadomense, d. Baio-
censis 90.
- S. Stephani eccl. Tolosana 505.
- Stephanus X papa 634. 635. 637. 638.
640. 641.
- Stephanus card. Rom. 409.
- Stephanus abbas et cardinalis 634.
- Stephanus III ep. Aniciensis, s. Po-
diensis 100. 223. 266. 267.
- Stephanus ep. Troianus 226.
- Stephanus abb. Bellilocensis d. Turo-
nens. 134.
- Stephanus abb. Conchensis 571.

- Stephanus I rex Ungar. 128. 624.
 Stephanus fil. Stephani praefecti Rom. 674.
 Strigoniensis archiep. Neemias.
 Suein, Sueinus II rex Danorum 13. 167. 199. 299. 412. 413.
 Suessionensis ep. Theobaldus II, Ursio.
 Suevi 623.
 Suinimirus s. Demetrius rex Dalmatiae 384.
 Sutrium 329. 627. 642. 643. epp. Azelinus, Bonitho.
 S. Symphoriani coen. Augustodunense 507.
T. comes 483.
 Tarvenna, Tarvannenses 339. 568. epp. Hubertus, Lambertus, Gerardus.
 Tarvisiensis ep. Rolandus.
 Taurinensis ep. Cunibertus.
 Teatinus ep. Teuzo.
 Tedaldus archiep. Mediolanensis 214. 216. 217. 252. 305. 355. 399. 654. 664.
 Tedaldus dux et marchio, avus Mathildis comitissae 623.
 Terracina 52.
 Teutonici 228. 330.
 Teutonica terra, Teutonicae partes 96. 168. 200. 251. 276. 277. 279. 295. 328. 354. 538. Teutonicum regnum 187. 222. 224. 245. 256. 259. 260. 294. 296. 306. 309. 321. 330. 383. 403. 438. 532. 535. 543. 545. 552. 554.
 Teuzo mon., legatus ap. sedis 264. 265. 318. 380.
 Teuzo ep. Teatinus 108.
 Tezo marchio (Lusatiae) 57.
 Theobaldus, Tebaldus.
 Tebaldus III comes Blesensis et Campaniensis 273.
 Theobaldus II ep. Suessionens. 325. 326.
 Theodericus ep. Virdunensis 101. 226. 396. 398. 403. 562.
 Theodericus I abb. S. Huberti Andangensis 182.
 Theodericus dux Lotharingiae super. 359. 665. 671.
 Theodinus archidiacon. Rom. 233.
 Theodosius I imp. 458. 610. 611. 670.
 Theodosius II imp. 611.
 Theophania, ux. Ottonis II imp. 621. 622.
 Theophilus patr. Alexandrinus 668.
 Theophylactus v. Benedictus IX papa.
 Thomas mon. 31.
 Tibur, Tybur 110. 112. 113. 117. 245. 678. Tiburtinus comitatus 399.
 Toletana eccl. 84. 471.
 Tolosanus ep. Isarnus. Tolosana synodus 563.
 Traiectensis ep. Wilielmus I. transalpinare 123.
 Trasmundus ep. Faesulanus 177.
 Trasmundus, Transmundus ep. Valentensis 108. 446.
 treva 312.
 Treverenses archiepp. Eberhardus, Udo, Egilbertus.
 Tridentinus ep. Heinricus I.
 Troianus ep. Stephanus.
 Troinensis (Traianensis) ep. Robertus.
 Tullenses epp. Bruno, Poppo.
 Turones, Turonenses 314. 498. eccl. 371. 405. archiep. Rodulfus.
 Turrensis archiep. Constantinus 46.
 Tuscia, Tusci 252. 291. 436. 440. 441. 522. 635. 641. 642. 675.
 Tusculanensis ep. Iohannes.
 Tusculani, capitanei Romani 625. 630. 643.
Ubertus v. Hubertus.
 Udalricus I patriarcha Aquileiensis, antea III abb. S. Galli 558.
 Odelricus ep. Brixensis 61.
 Udalricus, Odelricus ep. Patavinus 376. 557. 675.
 Udelricus miles eccl. Bambergens. 356.
 Uodescalkus legatus Heinrici IV regis 222.
 Udo archiep. Treverensis 101. 124. 226. 244. 294. 310. 311. 328. 671.

- Ugo v. Hugo.
 Ugulinus v. Hug.
 Ungaria, Ungari 128. 183. 193. 619.
 620. 624. 625. regni lancea et corona 128. 625.
 Ursio ep. Suessionensis 411.
 Ursus ep. Barensis 499.
Valens imp. 610.
 Valentia 363. 364.
 Valentinianus I imp. 609. 610.
 Valentinianus II imp. 610.
 Valentinianus III imp. 611. 612.
 Valvenses 446. ep. Trasmundus.
 varvassores Mediolanenses 661. 662.
 Velitrensis ep. Iohannes.
 Venetia 152. 281. 282. 482. patriarcha
 Dominicus VII.
 Vercellae 672. ep. Gregorius.
 Veronensis ep. Bruno.
 Vesuntium 631. 632. archiep. Ugo.
 Viancense coen. 410.
 Victor II papa 33. 340. 636. 637.
 Viennenses archiepp. Herimannus,
 Wormundus.
 Virdunensis ep. Theodericus.
 Vitalis ep. Ragusanus 84.
 Vulpodo abb. S. Laurentii Leodiensis
 271.
 Vulterrana, Volaterrana eccl. 290.
W. Gu.
 W. legatus apost. 499.
 W. ep. Firmanus 499.
 Gualdrada ux. Lotharrii II regis 617.
 670.
 Gualterius abb. Dolensis, d. Bituricens.
 363. 364.
 Walterus de Duaco 268.
 Guandali 618.
 Wapincensis ep. Leodegarius I.
 Warmundus, Wormundus archiep.
 Viennensis 263. 264. 325. 326. 363.
 364. 565.
 Guarnerius ep. Argentinensis 96. 129.
 141. 143. 170. 208.
 Wernherus abb. Corbeiae novae 137.
 Wasconia, Guasconia 360. 547.
 Welfo (IV) dux Bavariae 346. 474.
 665. 671.
 S. Wenzlai castrum Pragense 99. 118.
 Weremboldus (Leodiensis) 328.
 Wezelinus, Wozelinus archiep. Magdeburgensis 57. 189. 524.
 Wezelinus miles 384.
 Guezolo praepositus, post archiep. Mogunt. 682.
 Guibertus archiep. Ravennas 12. 20.
 155. 303. 305. 340. 399. 434. 442—
 445. 486. 518. 642. 645. 647. 654—
 656. 659—665. 670. 673. 676—681.
 684. Guibertistae 685.
 Guido archiep. Mediolan. 26. 252. 639.
 640. 643. 648. 651.
 Guido I ep. Lemovicensis 407.
 Guido abb. S. Launomari (d. Carnotensis) 50.
 Guido praep. eccl. S. Mustiolae Clusinae 161. 162.
 Guido marchio 149. 150.
 Guido com. Imolensis 20.
 Guido comes S. Pauli 337. 338.
 Guifredus archiep. Narbonensis 223.
 306. 331. 350. 355.
 Wifredus miles Mediolanens. 229. 251.
 Wilhelmus I archiep. Rotomagensis
 380. 469. 478.
 Guilielmus I ep. Ausciensis 28. 75. 408.
 Guilielmus (immo Guido) ep. Bellovacensis 93. 489.
 Guilielmus ep. Massanus 108.
 Guilielmus ep. Papiensis 23. 45. 76.
 123. 149. 170.
 Guilielmus ep. Populoniensis 227. 439.
 Wilielmus I ep. Traiectensis 178. 250.
 Wilhelmus abb. S. Arnulfi Metensis et
 S. Remigii Remensis 72. 73.
 Willelmus abb. Hirsaugiensis 417. 473.
 Guilielmus, Wilielmus I rex Angliae
 49. 89. 264. 315. 319. 366. 380. 414.
 419. 478. 518. 541. 570.
 Guilielmus VI comes Pictavensis, VIII
 dux Aquitaniae, frater Agnetis imperatricis 110. 111. 132. 136. 137. 368.


- | | |
|--------------------------------------|-------------------------------------|
| Guilielmus I com. Burgundiae 64. | Wormatiensis ep. Adalbertus. |
| Guilielmus comes Diensis 87. | Wratzlaus II dux Bohemiae 29. 56. |
| Willelmus IV comes Tolosanus 505. | 62. 63. 78. 80. 98. 118 — 121. 193. |
| Guilla ux. Peponis 161. | 392. |
| Wimundus ep. Aversanus 576. | ■poregiensis v. Iporegiensis. |
| Wirinto miles eccl. Bambergens. 356. | Zacharias papa 242. 458. |
| Wirzburgensis ep. Adelbero. | Zeno imp. 610. |
-

CORRIGENDA.

- p. 317 *dele not. c.*
 p. 368 *in not. 3 pro VI duci scribe VIII duci.*
 p. 385 v. 20 *Lege Cuperemus nimium certe: de, et dele not. a.*
 p. 430 v. 30 *pro fragrantia scribe flagrantia, et dele not. a.*
-

BEROLINI APUD WEIDMANNOS (J. REIMER).

~~~~~  
TYPIS GUSTAVI SCHADE, BEROLINENSIS.





**University of Toronto  
Library**

**DO NOT  
REMOVE  
THE  
CARD  
FROM  
THIS  
POCKET**

Acme Library Card Pocket  
LOWE-MARTIN CO. LIMITED

